

PM

64

B43

1869

SOA

83711
Smith 1876
80

TESTAMENTETOTAK;


... old testament

JOSUAB AGLANGINIT, ESTERIB

from Joshua's his book, Esther's

AGLANGIT TIKKILUGIT.

her book coming to.



PRINTED FOR

The British and Foreign Bible Society in London,

FOR THE USE OF THE MORAVIAN MISSION IN LABRADOR.

STOLPEN:

GUSTAV WINTERIB NÈNERLAUKTANGIT.

Gustav Winter's his writings.

1869.

AGLAI' INGMIGOLINGAJUT:



Josua	<i>Pag.</i> 1
Idluarsaijut	48
Ruth	95
I. Samuel	102
II. Samuel	165
I. Attannit	218
II. Attannit	280
I. Kronika	338
II. Kronika	395
Esra	462
Nehemia	482
Ester	511



JOSUAB AGLANGIT.



KAPITEL I.

Josuab aulatsijokojauningani.

MOSSESIB Nalekab kivgangata tokkungata kingorngane, Nalegak Josuamut Nunib erninganut, Mosesib kivganganut, okarpok:

2 Kivgara Mosese tokkovok; tagva parngnailerit manna, Jordanelo tamna ikkarlugo pit, igvit innugiartoksuillo ukkoa illunatik, nunamut tunnilauktamnut tapkonunga, Jsraelib kit-tornganginnut.

3 Allupse tullerarviginiartangit tamaita tunnilaukpakka illipsingnut, sorlo Mosese okautilaurapko.

4 Sunakajuitomit, Libanonemillo mattomangat, koksoarmut Fratemik attelingmut tikkilugo; Hethiterit nunangat illunât, imarbiksoarmut kangianetomut kigililervise illingajuksauvut.

5 Kialonêt akkerartoraksaringilât it iuôsingue tamât. Sorlo Mosese aiparilaurapko taimak aiparijomavagittauk. Kemagomangilagit aularviginaglonêt.

6 Maksoalerit mungungajuilutillo; nunamik aviksijuksaugavit innugiartoksoarnut ukkununga, angerutigilauktamnik atâtagijanginnut, tunnijomagapko tapkonunga.

7 Maksoatuinarit kувiasudlarlutillo, mallitsiarkovlutit, pinni-
armarikovlutillo perkojet Mosesib kivgama perkolauktangit
illingnut malliklugit. Senniagorniarnagit tallerpingmullonêt saum-
ingmullonêt, sillatutsiartunnik illusekarungnarkovlutit pinni-
araksarne tamaine.

8 Aglaillo makkoa perkojaktaggit kannernit nûlerkoniar-
nagit, nautsertorkille uvlorme unnuarmelo, mallitsiarkovlutit
pinniarmarikovlutillo aglaksimajut tamakkonane malliklugit.
Tagva sullitsiarniarpotit sillatutsiarlutillo piniarungnarniarpotit.

9 Ahak perkolaukpagit maksoalutillo kувiasuktuksaug-
avit. Keungominak, kakkilarnaglo; Nalekab Gudivit
illagingmatit pinniarnarne pinniarnerniartarne tamaine.

KAPITEL IV.

Ujarket erkaumajajukset Jordanib seniane iminganelo.

NALEKABLO Josua okautiva:

2 Angutinnik 12 nik tiguserit, kinguvarêt nelliênit at-tautsemik,

3 Perkolugillo okaritselo: Jordanib illuanit, ajochertuijut ittiggangita nangervinganit, ujarkenik 12 nik kiviksileritse, neksarluselo tapkoninga tamaunga, kemaktaukovlugit sinnik-tarvipsingnut unnuarme tamattomane.

4 Tagva Josuab angutit 12 it kaikovait, Israelib kittornganginnut annerijaumalauktut, kinguvarêt nelliennit attausek,

5 Okautilugillo: Aileritse Nalekab Gudipse iklervingata sânangut, Jordanib kerkânut; attunnillo ujarak attausek kivik siuk, illilugillo tuipsingnut, Israelib kittorngangita kinguvarêngita unnurningit malliklugit;

6 Nellunaikutaukovlugit akkunapsingne. Kittorngarijapse kingorngagut atâtatik apperijomâjarangagit okarlutiglo: Kan-nok ujarket ukkua tagvane sullidlarkât?

7 Okarkovluse tagva tapkonunga, kannok Jordanib iminga avilaungmat Nalekab iklervingata sivorngagut, Jordane kut akkigartautillugo, ujarket ukkua erkaumajaksaukovlugit soraijuitomik Israelib kittornganginut.

8 Tagva Israelib kittorngangit taimailiorput, sorlo Josuamut perkojaulauramik, ujarkello 12 it tiguva it Jordanib kerkanit, sorlo Nalekab Josua okautilaungmago, Israelib kittorngangita kinguvarêngita unnurningit malliklugit, neksarpaillo sinniktarvingmut; tagvanekolugillo.

9 Josuablo ujarket 12 it nappartipait Jordanib kerkâne, ajochertuijut, angersimanerub iklervinganik akkigartut ittiggangita nangervigilauktangane, tagvanepullo sulle uvlok tamanna tikkilugo.

10 Ajochertuijut iklervingmik akkigartut nangermatta Jordanib kerkâne, tamaita sorærtitaukârtinnagit Nalekab perkolauktangit Josuamut, innungnut okauserilugit; sorlo Mosesib Josua perkolaungmago. Innuillo tuavilukarput ailutiglo akkinut.

11 Innugiartoksuillo illuêngarlutik akkianut pilaukârtilugit, Nalekab iklervinga akkigartaugivok akkianut, innugiartoksuillo ajochertuijut sivorlerivait.

12 Rubenikullo Gadikullo, kinguvarêllo Manassekut ketterkangit, sakkolijarlutik Israelib kittorngangita sivorlerilaukpait, sorlo Mosesib okautilaungmagit;

13 40,000 diokassait oppalungersimavlutik unnatadlarnermut, ailaukput Nalekab sânangane sorsungnermut Jerichub naternangane.

14 Uvlorme taipsomane Nalekab Josua angijorortipa Israelitit illunamassiatik sângane; sivoragivållo sorlo Mosese sivoragilaungmatsuk innosinga nâlugo.

15 Nalekablo Josua okautiva:

16 Ajochertuijut kiglgiudsinerit iklerviktanganik akkigartut perkokit, kakkikovlugit Jordanemit.

17 Taimak Josuab ajochertuijut perkovait okarlunelo: Jordanemit kakkileritse.

18 Ajochertuijullo Nalekab angersimaningata iklervinganik akkigartut kakkitillugit Jordanemit, tuttillugillo allumingnut pannertomut, Jordanib iminga pilaurivok innigivaktaminut, kolunelo sivornanganetut siksangangne illunane.

19 Takkib sivorlerpangata uvlungita 10 ninganne innugit artoksuit kakkilaukput Jordanemit, tangmârlutiglo Gilgaleme, iglugaseksuit Jerichub kittâne.

20 Ujarkello 12 it Jordanemit tigulauktangit Josuab nappartipait Gilgaleme,

21 Okarlunelo Israelib kittornganginnut: Kittorngarijapse atâtatik mattoma kingorngagut apperijomâjarangagit, okarlutiglo: Ujarket ukkua suksauvat?

22 Tagva kaujititaksarivasse okautilugillo: Israelitit ipterilingajokut pissulaukput Jordanekut;

23 Nalekab Gudipse Jordanib iminga ipteriliktilaungmago sivunapsigut ikârkârtinase; sorlo Nalegak Gudise pinniarlaungmat imarbingme iviksoatalingme suvlolingnik, ipteriliktilauktanga sivunaptigut ikkârkârtinnata.

24 Nunakattigêksuit nunamêtit illunatik illitarksilerkovlugit Nalekab agganginnik, kannok pitsartunekarninginnik; sivurakovluse Nalekamik Gudipsingnik soraijuitomik.

KAPITEL V.

Kanaaniterit mungungalerninganiê. Israelitit kippijauninginik, nerrininginiglo saugarsungmik aularviksiorutiksamik.

AMORITERIT attanningit illunatik Jordanib akkiane kangiane nunakalauktut, Kanaaniterillo attanningit illunatik tussaramik, kannok Nalekab Jordanib iminga ipterilingatilaungmago, Israelib kittorngangita sivornagatigut, akkianut tikkikârtinagit, tagva omattingit mungungalerput maksoanekarungnailunelo tapkonane, Israelib kittorngangit pitjutigællugit,

2 Nelliutome taipsomane Nalegak Josuamut okarpok: Savignik ujarkenik sennalerit, kippilugillo ama Israelib kittorngangit.

3 Tagva Josuab savit ujarkenik sennavait, Israeliblo kittorngangit kippivait kakkarulângme Aralothemik attelingme.

4 Tamannalo pitjutaualukpok suna pivlugo Josuab innugi-

lugit, utterkârtinagit udlatitik, kingorngane apkotigijariakartaptingnik agvertaritik.

17 Angutigle okarpuk tapsomunga: Angermaringnermit tigulauktarnit uvaptingnit kellarudsartaujomavoguk,

18 Kainiarupta nunamut, aklunaglo aupaluktak una ningitijutigijet uvaptingnik kellaksorlungikungne igalangmut, kattitilungikungnelo iglungnut, atâtet anânello, kattangutitillo, atâtavillo iglomiokottingit illunaita.

19 Igloville upkoanganit annijub tapsoma aunga niakominut pile, uvaguglo passijaksaungilaguk; illunaitale iglungnetut kialo agganginnut aktortaukpatta, aunget niakuptingnut pijuk-sauvok.

20 Kimullo sunamik pinniarkojauniptingnit tamattomangat okarniaruvit, angermaringnermit, tigulauktarnit uvaptingnit kellarudsartaujomavoguk.

21 Tamna okarpok: Taimailerle sorlo okaraptik; aularkolugiglo. Tapkoalo aularpuk. Tapsomalo aklunak aupaluktak kellaksorpa igalangmut.

22 Tapkoale aivuk tikkilutiglo kakkamut, tagvanêlutiglo uvlunik pingasunik, taipkoa utterkârtinagit udlatitingit. Kernerlaungmatta tapkungninga apkosinerne tamaine, nachvaratiglo.

23 Taimak angutik tapkoa utterivuk, attersarlutiglo kakkamit, ikârlutiglo tikkilarmiglo Josuamut, Nunib erninganut, unipkarlutiglo tamainik, kannok tukkisilauktamingnik,

24 Okarpuglo Josuamut: Nalekab nuna illunât tunnilaukpa aggaptingnut, taimaktauk nunab innungita illunatik maksoajuijutigivâtigut.

KAPITEL. III.

Israelitit pissungninginik Jordaneikut.

JOSUALO uvlarârsukut parngnailerpok, aularlutiglo Sittimemit, tikkilarmiglo Jordanemut, tamna Israeliblo kittorngangit illunatik, tagvanelerlutiglo unnuarme ikârkâratik.

2 Uvlulle pingasut nângmatta angajokajet tangmarvik pissugvigivât,

3 Perkolugillo inugiartoksuit, okarpullo: Tækkoniarupsiuk Nalekab Gudipse angersimaningata iklervinga akkigartautillugo ajochertuijunnut Levitimit pijunnut, tagva aularitse innigijap-singnit malliklugolo:

4 Imagle, akkunapsingne, tapsoma illipselo inniksakarkovlugo tallitut 2000 ditukassait takkitigijomik. Kaglijaksaringilassee, kaujimakovluse apkutit nelliene agvertartuksaumangapse; apkut tamanna sivorngagut agvertarvigilaunginapsiuk.

5 Josualo okarpok innugiartoksoarnut: Ivsornaitititse Nalegak kaupat tattamnartulliniarmat akkunapsingne.

6 Ajochertuijunnullo okarpok: Angersimanerub iklervinga akkigarsiuk ailerluselo innugiartoksuit sivorngænne. Tagva tapkea angersimanerub iklervinga akkigarlugolo aivut innugiartoksuit sivorngænne.

7 Nalekablo Josua okautiva: Uvlome pigiaromavunga angijorortilitit Israelitit illunamassiatik sanginne, kaujimakovlugit sorlo Mosesse illagilaurapko illagingmigapkit.

8 Igvillo ajochertuijut angersimanerub iklervinganik akkigartut, perkokit, okalutillo: Tikkikupse Jordanib imingeta sinâta illuanut, tagva nokkaritse.

9 Josuablo Israelib kittorngangit okautivait: Kaititse tusarluselo, Nalekab Gudipse okausinginnik;

10 Okarlunelo: Tamattomangat tukkisilertuksauvose omaratomik Gudekarmat akkonapsingne; aulartitsiniarmallo sivunapsigut Kanaaniterinnik, Hethiterinnik, Heviterinnik, Feresiterinnik, Girgasiterinnik, Amoriterinnik, Jebusiterinniglo.

11 Ahâk, attaniotitub sillaksoarmut tamainut angersimaningata iklervelinga sivorleriniarpasse Jordanib illuanut.

12 Tagva manna angutinnik 12 nik tigusileritse Israelib kinguvarëngninginnit, kinguvarêt nellienit attautsemik.

13 Mannalo ajochertuijut akkigartut attanniotitub sillaksoarmut tamainut angersimaningata klervinganik, allutik pitipattigik Jordanib imminganut, tagva immek timânit kôktok avingniarpok, kallerêktilunelo nokkarniarpok.

14 Tagva manna innugiartoksuit annitillugit tuppermingnit, Jordan ikâromavlugo ajochortuijullo angersimanerub iklervinganik akkigartillugit imugaseksuit sivorngænne,

15 Jordanemullo pitillugit, ittiggamingniglo missuktillugit imermut, (Jordanele ullingalaukpok inninginne tamaine, kattersiviub nelliuninga navlugo.)

16 Tagva imek timânit kôktok nokkarpok kallerêktilunelo, ungasidlartomik, iglugaseksoarnit Adamemik attelingnit Zartihanib senianetomit; immerle attânut pijok imânut, imânut tarriolingmut kêtaulerpok nungulunelo. Taimak innugiartoksuit ikârput Jericho sâlugo.

17 Ajochertuijullo Nalekab angersimaningata iklervinganik akkigartut, nangerput taimak ipterilingajome Jordanib kerkane. Israelitillo illuëngarlutik ikârput erkagut ipterilingajokut, innugiartoksuit illunamassiatik Jordanib akkianut tikkikârtinagit.

10 Tagva Josuab innugiartoksuit angajokângit perkovait, okarlunelo:

11 Tangmarvik pissugvigissiuk innugiartoksuillo perkogisigik, okarluselo: Takkoaksamik kattersoileritse uvlut pingasut nâkpatta Jordan una ikkarniarapsiuk, tikkilerkovluse tigusilerluselo nunamik Nalekab Gudipse tunniniartanganik illipsingnut.

12 Rubenekunnullo Gadekunnullo kinguvarênullo Manassib kinguvangita ketterkanginut Josua okarpok:

13 Erkarsigik okautsit taipkoa, Mosesib Nalekab kivgangata okauserilauktangit illipsingnut, okarlunelo: Nalekab Gudipse merngoêrservingmut âtsarêrpâse tunnitsivigiluselo nunamik ominga.

14 Nulliakotisse sorrusekotisselo nergjutekotisselo kemmaksigik nuamut Mosesib tunnilauktanganut illipsingnut Jordanib miksâne; illipsele, angutit sorsugungnartut sakkulijarluse kattangutisse sivorlervigijaksarivase ikkajoraksarilugillo,

15 Kattangutisse merngoêrservingmut âtaukârtinnagittauk Nalekamut illipsetut, aksarnikârtillugillotauk nunamik Nakab Gudipse tunniniartanganik tapkonunga. Tagva uttertuksaavgivose nunapsingnut, Mosesib Nalekab kivgangata tunnilauktanganut illipsingnut perkutaukovlugo illipsingnut, Jordanib miksâne, sekkerngub nuilervingata nellane.

16 Tapkoalo Josua kiolugolo okarput: Illunaita perkolauktatit uvaptingnut pinniarutigijomavavut, namullo tilliklerviginiartarnut uvaptingnik, tagvunga aijomavogut.

17 Sorlo Mosesi nalelauraptigo, taimak igvittauk nalegoma-vaptigit; kissiane Nalekab Gudivit illagituinarpattit, sorlo Mosesi illagilaungmago.

18 Kannernik nalengitok, nalengnanelo okausernik, tamaine perkojarne uvaptingnut, tamna tokkojuksauvok. Maksoatuinarit mungungajuilutillo.

KAPITEL II.

Nautsertortuksâk Rahabemut piulijauvuk.

JOSUABLE Nunib erningata angigutsivlune nautsertortuksâk magguk tillilaukpâk Sittimemit okautilaukpâglo: Aileritik nuna nautsertoritikko Jericholo. Tapkoa aivuk, tikkilutiglo anguniarpaktub Rahabemik attiggub iglunganut, sinniktarlutiglo tap-somane.

2 Tagva attannek Jerichome okautsauvok: Ahâk, unuarne tamattomane tikkitokarpok ovunga angutinik Israelitinnit nuna nautsertoromaylugo.

3 Tagva Jerichub attanertanga tilliklerpok Rahabemut okautsaukolugolo: Angutik tikkituk illingnut iglungnut kaikik; tikkisimangmannik nuna nautsertoromavlugo.

4 Arnable tapsoma angutik tapkoa ijertorpák, okarlunelo imák: Tikkitokalauralloarpok angutingnik uvamnut, kaujimalungitungale nakit pingmangangnik.

5 Upkoaksuillo pallangertaujuksautillugit tâktillugo anni-laukpuk, kaujikonanga namut aivingangnik. Erinesukluse udlassigik anguniarapsigik.

6 Tapsomale tapkoa majoarkovak iglub kânganut, ijertorpaglo ivaluksaijakset ivingita issivimalauktame iglub kângane attânut.

7 Angutille udlatorpakik apkosinerme Jordanemut, ikkarvik tikkilugo. Upkoaksoarlo pallangertaulaukpok, taipkoa udlaniktut taipkungninga annilaukârtillugit.

8 Angutiglo sinnikârtinagik, majoarlune iglub kânganut aivigivak,

9 Okautivlugiglo: Kaujimavunga Nalekab nunamik matto-minga tunnitsivigingmasse; kvaksarnerub tupvigingmattigit sivunapsigut, nunablo innungita illunatik tikkitsomárnise maksoajuijutigivât.

10 Tussalaurapta kannok Nalekab immak immarbingme iviksoatalingme suvlolingnik ipteriliktilaungnago sivunapsigut Egiptenemit aulartilluse, pinniarnirilauktapsingniglo Amoritertit attanningingnut, Sihonemut Ogemullo Jordauib ungatanêtungnut, nungulaurapsigik.

11 Taimangallo tamattominga tussarlarurapta, omattivut mungungavut, maksoarnekarungnailunelo nelliane tikkiniarnise pitjutigællugo; Nalegák Gudise Gudeôngmat, tamangne pâne killangme, attânelo nuname.

12 Tagva Nalekame angervigitinga manna, napkininingnermik sakkertitsivigigaptik illipsetauk atâtama iglomiokattingingnut napkininingnermik sakkertitsikovluse, nellonaikutamiglo nellonangitomik tunnitsivigitinga,

13 Inôkogapsigik atâtaga, anânagalo, kattangutikkalo angutit arnello, tamaitalo illangit, piulilugillo tarnivut tokkomu.

14 Angutik tapkoa okarpuk tapsomunga: napkininingnermik nellagornermiglo sakkertitsiniangikupta illingnut, Nalekab nunamik ominga tunnitsivigikpattigit, tagva tarnivuk inangêrluse tokkojuksauvuk, kissiane pinniarkojauniptingnik sakkertitsikonak.

15 Tagva igalakut aklunamut ningitipak, iglunga iglugaseksuit avalungita karmangita tungânelaungmat, kânganelaungmallo.

16 Tapsomalo okautivak: Kakkanut aileritik parsikonagi-illiptingnik udlatitik, ijertorlutiglo tagvane uvlut pingasut nât-

artoksuit illunaita Egiptenemit aularlauktut, angutit, kippi-laungmagit; sorsuktukset illunatik tokkolaungmatta apkomelutik sunakajuitome Egiptenemit aularlutik,

5 Inuille illunaita aularlauktut kippimmalaukput, innuille illunaita sunakajuitome erniangolauktut apkome, Egipternemit aularlutik, kippijaulaungilet.

6 Israelib kittorngangit agvertarlaungmatta, Jahrit 40 git nâlugit sunakajuitome, innuit illunaita angutit sorsuktukset, Egiptenemit aularlauktut nungukârtinagit, tamana pivlugo Nalekab nippinga nalelaungimatsuk; Nalekab okautimarilaungmagit, nuna tækkojaksaringimatsuk, Nalekab angerutigilauktanga atâtagijanginnut, tunnijomavlugo uvaptingnut, nuna imungmik igupsaujartullo orksuanik kôlik.

7 Tapkoa kittorngangit inangêrlugit innojut, Josuab kippivait; kippimalaungimatta, apkome kippijaulaungimatta.

8 Inugiartoksuillo illunaita kippisimagamik tangmarvingme najortamingnetuarlaukput mamikârtinagit.

9 Nalegarlo Josuamut okarpok: Uvlome Egiptenib kangu-narninga aksakartilaukpara illipsingnit. Tangmarviglo tamanna Gilgalemik tajjaulaukpok, uvlok tamanna tikkilugo.

10 Israeliblo kittorngangit taimak tangmarsimalutik Gilgaleme, Passamik attorput, takkib taipsoma uvlungita 14 ingata umuangane, Jerichub naternangane,

11 Nerrivlutiglo nunab kakkojaksanginnit, Passab uvlungita aipangane, kakkojamik sêrnakangitomik, kakkojaksaniglo jar-rasimajunnik, uvlorme taipsomane.

12 Manalo sorailaukpok, nerrivingæta nunab kakkojaksanginik uvlungata aipangane, Israelib kittorngangit Mannakarung-naimatta, nerrilaukpulle Kanaanib nunangata kakkojaksanginik Jahremit taipsomangât,

13 Pijokalaupporlo Josua Jerichub kannitanganêdlune, ijingminut tækkosarlaurame, mallugosulerporlo nangertokangmat sakkamine angumik, tigumiartomik aggangminut saviksoarmik poksimagitomik. Josuablo aivigivlugo okautiva: Uvaptingnut illingavit, omigijiptingnullonêt?

14 Tamna okarpok: Aukak, angajokaksoangovungale Nalekab kattimgajokotinginnut, tikkipungalo manna. Tagva Josua kênaminik pûlune nunamut pamakterpok, tuksiarlunelo okautiva: Kannoêtunik Nalegara okausiksakarka kivgaminut?

15 Angajokaksoarlo Nalekab kattimgajokotinginnut Josuamut okarpok: Ittigagutit pêrkit ittigganguit; nuna nangervigijat iysornaimat. Josualo taimailiorpok.

KAPITEL VI.

Jerichub asserortauninganik.

JERICHO pallangersimalaukpok, udsertortaulunelo Israelib kittorngangit pitjutigallugit, annijokarungnarkonnago, itterto-karungnarkonagolonêt.

2 Nalekable Josua okautiva: Tagga ahâk, Jericho, attanertangallo sorsuksoakotingillo illaliudlugit, tunnimavakka aggangnut.

3 Angutit sorsuktukset pissukokit iglugaseksuit avatâtigut attausiarlutik taimailiorlutillo uvlunne 6 inne.

4 Uvlulle 7 ingane ajochertuijut Jahrib nertordlernartub tiptulautingit 7 it tigulerligit iklerviub sivorngane; uvlullo 7 ingane tamattomane 7 êrtorluse aileritse iglugaseksuit avatâtigut, ajochertuijullo tiptulautit tiptulausijautigiligit.

5 Jahriblo nertordlernartub tiptulautinga tiptulausijartaukpat, imiatitaukpallo, tiptulautit tussarupsigik, tagva innugiartoksuit illunamassiatik unatadlarnernub nippevaksoanganik pijuksauvut, tagva iglugaseksuit avalungita karmangit ochoniarput innugiartoksuillo ittertuksauvut illunatik attunit sivumut.

6 Tagva Josuab Nunib erningata ajochertuijut kaikovait okautivlugillo: Angersimanernub iklervinga akkigarsiuk, ajochertuijullo 7 it neksarlit Jahrib nertordlernartub tiptulautinginnik 7 nik Nalekab iklervingata sivorngane.

7 Inugiartoksoarnulle okarpok: Aileritse pissukluselo iglugaseksuit avatâtigut; oppalungersimajullo ailerlit Nalekab iklervingata sivorngane.

8 Josuab innugiartoksuit tamattominga okautijarêrlauchmagit, ajochertuijut 7 it Jahrib nertordlernartub tiptulautinginnik 7 nik akjarsivut Nalekab iklervingata sivorngane tiptulausijarlutiglo; Nalekablo angersimaningata iklervinga mallikpok tapkoninga.

9 Oppalungersimajullo ajochertuijut tiptulausijartut sivorngane pisulaukput; innugiartoksuillo mallikput iklervingmik, ajochertuijullo sivumuarlutik tiptulausijarput.

10 Josuale innugiartoksuit perkovait okarlunelo: Unatadlarnernub nippivaksoanganik pijuksaungilase, nippiselonêt tus-sartaukojaksaringilasse, annititsinaselonêt okautsemik attautsemik kannipsingnit, uvlok tamna tikkilugo okarviga illipsingnut: Unatadlarnernub nippivaksoanganik pileritse; tagva unatadlarnernub nippivaksoanganik pileritse.

11 Taimak Nalekab iklervinga ingergavok attausiarlune iglugaseksuit avatâtigut, kailutiglo tangmarvingmut, nokkarlutiglo tagvane.

12 Josuale uvlarme uvlarârsukut makkijongolaukpok, ajochertuijullo Nalekab iklervinga akkigarpât.

13 Taimak ajochertuijut 7 it Jahrib nertordlernartub tip-

8 Iglugaseksuille aksarnigarijarêrupsigik ikkilersigik ikkomamut, pinniarluselo Nalekab okausingit malliklugit. Ahak perkovapse tamattominga.

9 Taimak Josua tilliklerpok tagvunga, aivullo terliarsiviksamingnut, nokkangavullo Beth-Elib Aiblo akkorngangne, Aibkangiane. Josuale unnuarme innugiartoksuit akkornganetu-alerpok,

10 Uvlarmelo uvlarârsukut makkijajovok, parngnaitilugillo innugiartoksuit, majorarlunelo Israelib angajokangit illagilugit, inugiartoksuit sivorlerilugo takpaunga Aimut.

11 Inuillo sorsuktuksat illagijangit majorarlaukput, kag-lilutiglo tikkilutiglo iglugaseksuit sakkânut, nokkangalutiglo Aibtachane, naksakartuinarmat tapkoa Aiblo akkorngane.

12 Tiguvaillo angutit 5000 dikassait pitilugillo terliarsiviksamut Beth-Elib Aiblo akkorngangnut iglugaseksuit kangianut.

13 Pitipaillo innugiartoksuit kattimgajut illunaita; iglugaseksuit tachanelauktut; kingorlingit pingmatta iglugaseksuit kangia tikkidlugo. Taimak Josua unnuame taipsomane ailaukpok nâksab kerkanut.

14 Aiemiulle attaningat tamattominga takkolaurame, tuavidlalauput, tavalekullo parngnailerput, iglugaseksuillo angutingit anisarput Iraelitit paromavlugit unataclarnermut inuiksamenellonarungnaititaumajome naternaub miksane, innukotine illunaita illagallugit. Kaujimalaunginame uttakkijokarmat tapsominga terliarsivingme iglugaseksuit ungatane.

15 Josuale Israelitillo illunatik pissertorlutik salauniarsertorput tapkonunga kemâlutiglo apkome sunakajuitomut sangmijome.

16 Tagva iglugaseksoarmiut illunamasiatik niplialerput unangmiklertokarkovlugo tapkoninga.

17 Unangmivâllo Josua, annilutiglo iglugaseksoarnit, angutekarungnailaungmat attautsemiglonêt Aieme Beth-Elemêlo annilaungitomik Israelitit unangmilugit, iglugaseksuillo pallangersimanagit kemakpait Israelitit unangmilugit.

18 Tagva Nalegak Josuamut okarpok: Kallugiak aggangnetok issautiuk Aiemut tunnijomagapkit aggangnut. Josuablo kallugiak issautingmago iglugaseksoarnut.

19 Tagva terliarsivingmetut aularsarput innigijamingnit akpangerlutiglo, aggangit issalaukârlugit, tikkilutiglo iglugaseksoarnut sâlagilugillo, tuavilaukpullu, ikkilaitalo ikkomamut.

20 Angutillo Aiemiut keviarput, tækkosarlutiglo uttimut, tækkolutiglo iglugaseksuit isserlunganik kôngmuartomik killangmut, kemâviksakangilello ikkungalonêt tagvungalonêt. Innuillo sunnakajuitomut kemâjut tunnulerput udlatorlugit.

21 Josuale, Israelitillo illunatik tækkogamik, terliarsivingmelauktut iglugaseksuit aksarnigaringmattigik, iglugaseksuit

isserlunga kongmuarmat, utterivut ullimarlugillo angutit Aiemiut.

22 Tapkoalo iglugaseksoarnetut anilaurivut pârlugit, taimak Israelitit akkornganemarilaungmatta, ikkangat ovangallo ullimarpaillo pitakarungnaikârtinago, tapkonangat nellienik, kemâ-jokarungnarkonagolonêt.

23 Aiblo attannertanga tiguvât innotillugo âlâlo Josuamut.

24 Israelitillo Aiemiut illunaita naternamelauktut, sunnakajuitomelauktullo udlalauktatik tokkojarêrmattigik, ochojarêrmattalo saviksub kênanganut, illunatik nungukârtinagit, tagva Israelitit illuêngarlutik salerput Aiemut, ullimârlugillo saviksub kênanganut.

25 Illunatiglo ocholauktut uvlorme taipsomane tamarmik angutit arnello 12000 diolaukput, illunatik Aiemiut.

26 Josuablo aggane kallugiarmik issaktijutigijane erkitilaungilait nungukârtinnagit Aiemiut illunaita.

27 Iglugaseksuille nergjutingit aksartaujutigijangillo Israelitit avitipait ingminut, Nalekab okausingit, Josuamut perkolauktangit malliklugit.

28 Josuablo Ai nungutimarikpait ikkomamut, katsiktungor-tilaitalo sorajuitomik, tagvanetomik sulle uvlome.

29 Aiemiullo attanningat nivingataukova nappartomut unnuk tikkilugo. Sekkinerle nippijarêrmat, perkojivok timinga aner-nengêrtok akkartitaukovlugo nappartomik, egipâllo iglugaseksuit itterviksoanganut, ujarkello unuktut perorliutivait kânganut, uvlok tamanna tikkilugo tagvanetut.

30 Tagva Josuab Altare sennava Nalekamut Israelib Gudinganut, kakkame Ebalemik attelingme;

31 Sorlo Mosesib Nalekab kivgangata Israelib kittorngangit perkolaungmagit, sorlo aglaksimangmat Mosesib aglanginne perkojaktalingne, Altare ujarkenit illuitunnit, kikkiengmut ullimartaulungitunnit; tunnergutiksaniglo oteksanik kujalijutikseniglo tunnijivok Nalekamut.

32 Aglaklunelo tagvane ujarkenut, perkojet adsinginik, Mosesib Israelitinut perkolauktanginik.

33 Israelitillo illuêngarlutik, angajokajatik, aulatsijitiglo idluarsaijitiglo illagilugit nangerput iklerviub senneragingne tamangne, ajochertuijut Levitillo Nalekab angersimaningata iklervinganik akkigartut sanginne, tujormijat illagijangillo, ketterkangit aipaingit kakkab Grisimemik attigub senniane, aipaingillo kakkab Ebalemik attiggub senniane, sorlo Mosese Nalekab kivganga sivorngane perkojilaungmat, innugiartoksuit Israelitit saimartilugit.

34 Kingorgane perkojet okausertangit illunaita, okartut saimanermik ominarnermiglo kaigarsuktaukoveit, sorlo aglangne perkojaktalingne aglaksimangmat.

runik, illuniarpâtigut, attivullo pejarniarpait nunamit. Sunamiglo pinniaromavit atterne angijome?

10 Tagva Nalegak Josuamut okarpok: Makkitit! sôg taimak pamangavit kenêt pûlugo?

11 Israelitit idluitulilaukput, angersimaneralo perkolauktara tapkonunga tappagilaukpât; tigusilauramik nungutaksamik, tigilaukpullo taimak, missiarlutiglo, illijilutiglo perkutigijamik akkornganut.

12 Israelib kittorngangit nangerungnangilet omigijimik sanginne, tunnuleriakarpaille omigijitik; ominautiksakaramik. Mannamit illaginiangilapse, ominautiksak pejarniangikupsiuk illipsingnit.

13 Makkitit innugiartoksuillo ivsornaitikit, okarlutillo: Iv-sornaititse kaupemut. Nalegak Israelib Gudinga imak okarmat: Ominautiksakarpok akkonapsingne Israelitiojose; taimaimat nangerungnangilase omigijipse sanginne ominautiksak pejartaukârtinago illipsingnit.

14 Uvlakullo kaijuksauvose, kinguvarêt nellekârlutik; kinguvarêllo Nalekab nellauniartangita abvakungit nellekârlutik kaijuksauvut; abvakullo Nalekab nellauniartangita iglomiukattingit nellekârlutik kaijuksauvut; iglomiukattillo Nalekab nellauniartangita angajokangit nellekârlutik kaijuksauvut.

15 Nachvartauniartorlo ominautiksakarlune tamna ikkitaujuksauvok ikkomamut, pigijane tamaita illaliudlugit, tamanna pivlugo, Nalekab angersimaninga tappagilaungmago sillainermiglo pinniarlaungmat Israeleme.

16 Tagva Josua uvlarme uvlarâsukut makkijajovok, âtsilunelo Israelitinnik, kinguvarêt nellekârlutik; Judablo kinguvarêngit nellautaulaukput.

17 Judablo abvakungit âlaungmagit, Serab abvakungit nellautaulaukput. Serablo abvakungit âlaungmagit iglut angajokangit nellekârlutik, Sabdi nellautaulaukpok.

18 Iglomiukattingillo âlaungmagit, angutit nellekârlutik, Achan nellautaulaukpok, Karmib erninga, Sabdib erningata Serab erningata Judab kinguvarênginit.

19 Josualo Achanemut okarpok: Ernîk nertordlernermik tunnijilerit Nalekamut Israelib Gudinganut, nakorilugolo pît, okautilungalo, sunamik pinialaukît? missiarviginangalo sunamik.

20 Tagva Achanib Josua kiova, okarlunelo: Ahamarik Nalegak Israelib Gudinga idluitullivigilaukpara; imâk imâglo pinniarlaukponga.

21 Aksarnigaujat akkorngane tækkolaukponga ullingmik pivianartomik Babelemiomic, Silberemiglo Sekelenik 200 dinnik, okangoamiglo Goldemik Sekeletut 50 gitut okumaitigijomik, tapkoninga ikligulaukponga tigusilungalo. Ahaglo saumavlutik ijersimavut nuname tuppimne, Silberelo akkornganepok.

22 Tagva Josua nautsertortuksanik tilliklerpok, tapkoa akpangerput tuppermut; ahâglo, iersimalaukput tuppigane, Silberelo akkornganêdlune.

23 Tiguvaillo tuppermit âlugillo Josuamut, Israeliblo kit-tornganginut illunainut, navilaitalo Nalekab sânganut.

24 Tagva Josuab Israelitillo illunatik Achan Serab êrninga tiguvât, Silberelo, ulliglo, okangoarlo Golde, erningillo panningillo, tuktuvakotingillo, siutekoktojokotingillo, saugakotingillo tuppigalo, tamaitalo pigijangit illaliudlugit, tessiorpaillo paunga a naksamut Achoremik attelingmut.

25 Josualo okarpok: Kiksartilauraptigut Nalekab kiksartilitit uvlorme tamattomane. Israelitillo illunatik millorpât, ikkilugillo ikkomanut. Millorêramigillo,

26. Ujarket unnuktut perorliutivait kanginnut, tapkoa tagvaneput sulle uvlok tamanna tikkilugo. Tagva Nalegak ningautsime illungertorninganit allarpok. Tamanna pivlugo nuna tamanna taijauvok, Achorib naksanganik uvlok tamannatikkilugo.

KAPITEL VIII.

Iglugaseksuit Ai salagijauvut. Saimanarnek ominarnerlo okautigijauvuk kakkeangne Garizimeme Ebalemelo.

NALEGARLO Josuamut okarpok: Sivuraniarnak mungunganaglo. Inuit sorsuktuksat illunaita illâsearikit, parngnâilutillo majorarlutillo takpaunga Aiemut. Tagga ahâk, Aib attannertangat, inukotingit illaliudlugit tunnijarêrpakka aggangnut.

2 Aielo, attanertangallo pinniarvigijaksarivattit, sorlo Jericho attanertangallo pinniarvigilaurangne, kissiane aksartaujutigijangit omajokotingillo avigeksarigapsigik illipsingnut. Uttakkijokarkojilerille terliarsivingmêtunik iglugaseksuit unगतane.

3 Tagva Josua parngnailerpok sorsuktuksallo illunatik majoraromavlutik Aiemut. Josuablo angutit sorsuktuksat 30,000 dit annerivait tillilaitalo unnuarime;

4 Perkolugillo okarpok: Udsertoritse, illipse uttakkijuk-sauvose terliarsivingme, iglugaseksuit unगतane; kanningiluartomulle iglugaseksoarnit ainiarase, oppallungersimaluselo illunase.

5 Uvangale innugiartoksuillo illagijakka kaglileromavogut iglugaseksoarnut. Opaklutalo pachreartorpattigut sivurnganetut kemâjomavavut.

6 Udlatuikovlugit uvaptingnik iglugaseksuit sillatânut, âtsikârtinata tapkoninga iglugaseksuit sillatânut. Isumakarni-arpulle kemâgaptigik sivurnganetut. Kemâtillutalo tapkoninga,

7 Illipse nulertuksauvose terliarsivipsingnit iglugaseksuillo aksarnigarilugit; Nalekab Gudipse tunminiarmagit aggapsingnut.

tulautinginik 7 nik akjarsivut Nalekab iklervingata sivorngane, sivumuarlutiglo tiptulausijarput; oppalungersimajullo sivorlerivait, innugiartoksuillo mallikput Nalekab iklervinganik, ajochartuijullo sivumuarlutik tiptulausijarput.

14 Uvlub aipanganetauk attausiarlutik ailaukput iglugaseksuit avatâtigut uttermilutiglo tangmarvingmut. Taimailiorlaukput uvlunne pingasujortunne.

15 Uvlulle 7 ingane kaub aupallungninga nuilertillugo, uvlarârsukut aularlaukput, ailutiglo illusek tamanna malliklugo 7 êrtorlutik iglugaseksuit avatâtigut; taimak uvlorme attautseme taipsomane 7 êrtorlutik iglugaseksuit avatâtigut pivut.

16 7 inganelo ajochartuijut tiptulausijartillugit, Josuab innugiartoksuit okautivait: Unatadlarnarub nippivaksoanganik pileritse, Nalekab tunnitsivigingmasse iglugaseksoarnik.

17 Iglugaseksuille tamakkoa illuanêtullo tamaita nungutuksauvut Nalegak pivlugo. Anguniarpaktok Rahabe kissime innojuksauvok, iglomiokattingillo illunatik; nautsertortuksâk tililauktâkput ijertorlaungmagik.

18 Kissiane illimasugitse nungutæksanik, nungutaksautikonmasse, nungutakset illangit tigugupsigik, nungutaksautilugolo Israelib tangmarvinga, pitilugolo ogguarnartomut.

19 Silberele, Goldelo tamaita, illulerkutit kannujet kikkiello illaliudlugit ivsornaititaksauvut Nalekamut, pilerkovlugit Nalekab ivlernartokotinginnut.

20 Tagva inugiartoksuit unatadlarnarub nippivaksoanganik pilerput, ajochartuijut tiptulausijartillugit. Inugiartoksuille tiptulautib nippinganik tussaleramik unnatadlarnarub nippivaksoanganik pivut; avalullo karmait ochovut, innugiartoksuillo ittarput iglugaseksoarnut attunnit sivumuarlutik. Taimak iglugaseksuit salagivait.

21 Asserorlugillo iglugaseksoarnêtut tamaita saviksub kênanganut, tamarmik angutit arnello, innuosuktut innutokaujullo, tuktuvaillo saukello siutekoktojullo.

22 Josuable angutik nautsertoriartorlauktuk nunamik okautivak: Itteritik anguniarpaktub iglunganut, arnarlo tamna annitikko tagvangat pigijangit tamaita illaliudlugit, sorlo angervigimarilauraptikko.

23 Tagva innuosuktuk nautsertoriarlauktuk itterpuk annitilugolo Rahabe, atâtanga, anânangalo, kattangutingillo illaliudlugit, pigijangillo tamaita, illagijangillo illunaita, kemaklugillo Israelib tangmarvingata sillatanut.

24 Iglugaseksuille ikkipait ikkomamut, illuanetullo tamaita illaliudlugit. Silberele Goldelo, illulerkutillo kannujat kikkiello pitipait ivlernartunnut Nalekab iglunganut.

25 Rahabele anguniarpaktok, atâtangata iglomiokattingit illaliudlugit, pigijangillo tamaita, innokojaulaukput Josuamut.

Nunakarporlo Israeleme uvlok tamanna tikkilugo, tamanna pivlugo, tillijaujuk Josuab tillilauktagik Jerichomut, nautsertoriarkovlugik ijertorlaungmagik.

26 Nelliutome taipsoiane Josua kigligiudsimarilaukpok okarlunelo: Ominarsijaule angut taimna Nalekab sângane, nappartitsijok igloliortorlo iglugaseksoarnik Jerichomik ukkuninga. Illiguniuk tungavingat erninga angajuklek pijaule, upkoaksoangillo illigunigit erninga nukkârdlek pijaule.

27 Taimak Nalekab Josua illagiva, okautigijaulaungmat nunane illunaine.

KAPITEL VII.

Achanib tiglingnek pivlugo pitlartauninganik.

ISRAELITILLE tammarlaukput tigusinermut nungutaksamik; Achan Karmib erninga, Sabdib erningata, Serab erningata, Judab kinguvânginnit, tigusilaungmat nungutakset illanginnik. Tagva Nalekab ningausingata Israelib kittorngangit illungertorutigivait.

2 Tagva mana Josuab, angutit tillingmagit Jerichomit Aimut, Beth-Avenemetomut Bethelib kittanetomut okautilugillo: Takpaunga majorarluselo nuna nautsertorsiuk; majorarauramiglo Ailo nautsertorlaukârlugit,

3 Utterput Josuamut okautivlugolo: Inugiartoksuit illuêngarlutik majorarkoniarnagit, angutille 2000 dikasait 3000 dilonêt majorarlit, ullimarnikovlugit Aimik, innugiartoksuit illuêngarlutik sullijaksakartitaukonagit tapkonunga, ikkitotui-naungmatta.

4 Taimak innugiartoksoarnit angutit 3000 dikasait majorarput, kemâvullo angutinik Aimiunik.

5 Aimiullo ullimarpait tapkonangat 36 it kemâtilaitalo upkoaksoarnit Sebarim tikkilugo, ullimarlugillo attersartillugit. Tagva innugiartoksuit omætingit mungungalerput, imektut ilerdlutik.

6 Josuab annorâne alliktorpait pamakterlunelo kênaminik pûlunê nunamut Nalekab iklervingata sânganut, unnuk tikkidluglo Israelitit angajokangit illagilugit, sannillo egipait nia-komingnut.

7 Josualo okarpok: Nalegak Nalegak sôg innugiartoksuit ukkua tessiorlaukpigit Jordanib akkianut, unnertutigiluta Amoreritit agganginnut, tokkoluta? Kanoktôk Jordanib akkiane-tsainarlaurupta, sorlo pigialaurapta.

8 Nalegara kanoêtunik okausekartuksauvik, Israelitit tunnungmatta omigijimingnit?

9 Kanaaniterillo nunamiullo illunatik tamattominga tussa-

35 Okausekalaungilak attautsemiglonêt perkojaulauktomik Mosesemut, Josuab kaigarsuktaukolaungitanganik illagêktut Israelitit illunatik tækkoane arnallo sorrutsillo tujormijallo, agvertartut tapkoa akkorngane tækkoane.

KAPITEL IX.

Gibeonemiut pingitsertorninginik.

MANNA attannit, Jordanib ungatane kakkane naksanello, imârbiksublo siksangane nunakalauktut, tapkoatauk kakkab Libanonib senianelauktut, imaitut, Hethiterit Amoriterillo, Kanaaniterillo, Feresiterillo, Heviterillo, Jebusiterillo, tamattominga tussaramik;

2 Kattimalerput illajêklutik unatadlaromavlutik Josuamut Israelitinnullo.

3 Iglugaseksuille Gibeonemik attiggit innungit tussaramik sunamik Josuab pinniarnelauktanganik Jerichomut Aiennullo issumasivut pingitsertormik.

4 Aivut tilliklerlutiglo okausijartortuksanik, tigusilutiglo pôngnik nutaungitunik siutekoktojojokotiningnut,

5 Weinekautiniglo nutaungitunik alliktorsimalauktunik illarsimajuniglo, ittiggagutiniglo nutaungitunik illarsimajuniglo ittikkamingnut, attilugillo anorângnik nutaungitunik, niakojallo neksartangit illunatik sittijolaukput sapkaulutiglo.

6 Aivullo Josuamut tangmarvingmut Gilgalem, okarlutiglo tapsomunga Israelitinullo illunainut: Kaivogut nunanit kanningitunnit, tagva manna angerkattigêngnermik pileritse uvaptingnut.

7 Tagva Israelitit illunatik Hethiterinut okarput: Imakka akkonaptingne nunakarungnarajarpose, kannok tagva angerkattigêngnermik pijungnarkita illipsingnut?

8 Tapkoale okarput Josuamut: Kivgaksauvogut illingnut. Josuable okautiveit: Kikuvisse, nakillo pivise?

9 Tapkoa okarput: Kivgattit nunanit kanningitoksoarnit tikkiput Nalekab Gudivit attinga pivlugo; tussaumajauninga tussarlauraptigo, tamaitalo pinniarnelauktangit Egipteneme.

10 Tamaitalo pinniarnelauktangit Amoriterit attannungangnut maggungnut Jordanib ungatanetungnut, Sihonemut Hesbonib attanertanganut, Ogemullo Basanib attannertanganut, Astharotheme nunakalauktomut.

11 Tamauna pivlugo angajokavut nunagijaptalo innungit illunatik okarput: Tokkoaksamik neksaritse ingerganermut, ailuselo pachrerarlugit, okautilugillo: Kivgauvogut illipsingnut. Taimak mana angerkattigêngnermik pileritse uvaptingnut.

12 Niakojavut ukkua, nerkiksaptingnut igluptingnit neksarlauktavut, ntaumarilaukput aulartilluta illipsingnut, manale ahâk, sittijovut sapkakalutiglo;

13 Weinekautillo ukkua nutangotillugit immerlaukpavut, ahâglo alliktorsimavut; annoravullo ukkua ittiggagutivullo nutaungitolerput ingerganermut sivitojomut.

14 Tagva angajokajet tapkoa nerkingit illelliorpait, appert-soratiglo Nalekab kanninganik.

15 Josuablo ullapirsautekarkattigilerpait angerkattigêngnermiglo pilune tapkonunga, innojuksaungmatta. Illagêktullo angajokangita angervigimarikpait.

16 Uvlulle pingasut nâlermatta, angerkattigêngnermik pilaukârlutik, tussarput taipkoa kanidllarmatta akkonermingnelo nunakarniarmatta.

17 Israelible kittorngangit aularamik uvluk pingajuangne tikkiput taipkoa iglugaseksoakotinginut, attekartunut Gibeonemik, Kafiramiglo, Beerotemiglo, Kiriati-Jearimemiglo.

18 Ullimarlaungilaillo, tamanna pivlugo Israelitit angajokangita angervigimarilaungmattigik Nalekame Israelib Gudingane. Illagêktulle illunamassiatik okalokingmatta angajokajanut,

19 Illagêktut illunamassiatik angajokangit okarput: Angervigimarilaukpavut Nalekame Israelib Gudingane; tamanna pivlugo aktorungnangilavut.

20 Imaitomigle pinniarvigijomavavut: Innôkosigik ningautsemik pijokarkonago uvaptingnut, angermaringnek angerutigilauktavut tapkonunga pivlugo.

21 Angajokajello okautivait: Innôkosigik kitsiorteolerkovlugit immertarteolerkovlugillo illagêktunut illunainut, sorlo angajokajet angervigilaungmattigik.

22 Tagva Josuab kaikoveit okarkattigilugillo okarpok: Sôgterliarlaukpittigut, okarluselo kaningidlarapse uvaptingnit nunakaralloartilluse akkonaptingne?

23 Tamanna pivlugo ominarnerartaujuksauvose, akkonap-singne sorailerkonagit kivget, kitsiortut inertartullo Gudima iglunganut.

24 Tapkoa Josua kiovât okarlutiglo: Kivgattit okautsau-laukput, Nalekab Gudivit kivgane Mosesi perkolaungmago nuna illuêngarlune tunnijomangmago illipsingnut, nunablo innungit illunamassiatik nungutsomangmagit sivunapsingne. Tagva innôtsivut pivlugit sivoragidlalaukpapse, taimailiorlutalo.

25 Mannale tækkoit agganngêpogut; namanasugijarnik idluarasugijarniglo pinniarvigiluta, tamattominga piniarlaurit.

26 Tapsomalo taimak piniarvigivait, piulilugillo Israelib kittorngangita aggannginit tokkotsikonagit tapkonunga.

27 Taimak Josuab uvlorme taipsomane kitsiortungortilaukpait, inertartungortilugillo illagêktunut, Nalekablo Altaringanut uvlok tamanna tikkilugo, iniksane anneriniartamine (Altaremut.)

KAPITEL. X.

Josuab salakarninganik tattamnadtartomik Amoriterinik.

ADONI Zedek Jerusalemib attanertanga tussarame Josuab Ai sâlagilaungmagit nungutilaungmagillo, Ailo, attanertanga illaliudlugo pinniarvigilaungmagit, sorlo Jericho attanertangalo piniarvigilaungmagit, Gibeonemiullo ullapirsautekarkattigêngnernmik pilaungmatta Israelitinut, tapkoalo akkornganut pilaungmatta,

2 Sivoradlalerput (Gibeon iglugaseksoangolaungmatta angijunik, iglugaseksoatitut attaneliktutitut, anginersaulaukporlo Aiemit angutingillo illunatik sorsugungnarlaukput.)

3 Tilliklerporlo Hohamemut, Hebronib attanertanganut, Pireamemullo Jarmutib attanertanganut, Jafiamullo Lachisib attanertanganut, Debiremullo Eglonib attanertanganut, okautsaukolugillo:

4 Majorarluse kaititse takpaunga uvamnut ikkajorsingalo Gibeonemik ullimarnikovluta; Josuamut Israeliblo kittorninganginut ullapirsautekarkattigêngnernmik pilaungmatta.

5 Tagva kattimalerput majorarlutiglo Amoriterit attanningit tellimat, tagva Jerusalemib attanertanga, Hebronib attanertanga, Jarmutib attanertanga, Lachisib attanertanga, Egloniblo attanertanga, sorsuktuksaksoakotitik illagilugit Gibeonelo illuvat sorsugvigilugillo.

6 Gibeonemiullo tilliklerput Josuamut tangmarvingmut Gilgalemut, okautsaukovallo: Aggaktit erkitiniarnagit kivgarnit, majorarlutillo kaisarit uvaptingnut, piulilutalo ikkajortigut; Amoriterit attaningit kakkane nunakartut illunatik illagêlermatta akkerartorvigiluta.

7 Josua Gilgalemit takpaungarpok, sorsuktuksello illunatik illagivat, angutillo illunatik sorsugungnartut.

8 Nalegarlo Josuamut okarpok: Sivoraginiarnagit aggangnut tunimagapkit; nelliellonêt tapkonangat nangerungnarniangilak sângne.

9 Taimak Josuab suerganit tikkipait, unuak nâlugô majorarmat Gilgalemit.

10 Nalekable erksitipait Israelitit sangane, ullimarnikovlugit unnatadtalarnernmik angijomik Gibeoneme, udlapaillo apkome Bet-Horonemut torartome, ullimarpaillo Aseka Makedalo tikkilugik.

11 Israelitillo kemângmagit attersarlutik apkome Bet-Horonemut, Nalekab kattagviokovait killangmit nettarkonâlunmik Aseka tikkilugo, tokkolerkovlugit. Unuktunniglo tokko-

taujokarnersaulaupok nettarkonâlungnut Israelib kittorngangita tokkolauktanginit saviksoarmut.

12 Tagva Josuab Nalegak okarvigiva uvlorme taipsomane Nalekab unertuiviane Amoriterinik Israelib kittorngangita sangane, okarlunelo Israelitit tækkoane: Sekkinek nokkarit Gibeonib nellâne, takkerlo Ajalonib naksangata nellâne!

13 Tagva sekkinerlo takkerlo nokkarpuk, innugiartoksuit omigijitik kiglugvigikârnagit. Tamanna aglaksimangilák idluartut aglangine? Taimak sekkinek nokkarpok killaub kerkane mulludlarlunelo nippinermut uvlormik illuitokasangmik.

14 Uvlokalaungilarlo adsekartomik ominga, sivorngagullonêt kingorngagullonêt, Nalekab nalegvianik angutib nippinganik; Nalegak sorsungmat Israelitit pivlugit.

15 Josuale utterivok tangmarvingmut Gilgalem, Israelitillo illumatik illagivât.

16 Attanille tellimat taipkoa kemâlaukput ijerlutiglo kairo-sungmut Makedametomut.

17 Tagva Josua okautsauvok: Attannit tellimat taipkoa nemnilaukpavut iersimatillugit kairo-sungme Makedametome.

18 Josua okarpok: Tagva ujaraksuit aksakartisigik kairo-sub pânganut, angutekarkojileritselo udsertortunik taipkoninga.

19 Illipsele nokkarniarase omigijisele udlasigik, kingorlingillo ullimarsigik, ittertaitisigiglo iglugaseksoarmingnut; Nalekab Gudipse tunnimangmagit aggapsingnut.

20 Josuablo Israeliblo kittorngangita unatadlarnek angijoksoak una soraitilaungmatsuk tapkonane, nungulaungmattigiglo; amiakungit iglugaseksoarnut avalulingnut pivut.

21 Tagva innugiartoksuit illumatik ullapirsautekarlutik utterivut Josuamut, tangmarvingmut Makedamut, nelliatalo okane aulatijaksarilaungila Israelib kittorngangita sangine.

22 Josuale okarpok: Kairos sub pânga upkoarsiuk, attannillo tellimat taipkoa kailersigik uvammut.

23 Taimailiorput, attannillo tellimat tapkoa âpait kairo-sungmit tapsomunga, Jerusalemib attanertanga, Hebronib attanertanga, Jarmutib attanertangat, Lachisib attanertanga, Eglonib attanertanga.

24 Attanille tellimat tapkoa âtaumangmatta tapsomunga, Josuab Israelitit illuêngarlutik kaikovait, okarlunelo sorsuktukset illagijame angajokanginut: Kaititse ovunga, attannillo ukkoa tuttisigik ittikkapsingnut kongesingitigut! Kaivullo tagvunga, tuttilutiglo ittikkamingnut tapkoa kongesinginut.

25 Josuablo okautivait: Sivoraniasse kvaksarniaraselo, maksoanekaluselo mungungajuititse; taimak Nalekab omigijise illunaita sorsugvigijase piniarviginiarmagit.

26 Kingornganelo Josuab ullimarpait tokkolugillo nivingati-

lugillo nappartunut tellimanut; nivingalaukpullo nappartune unnuk tikkilugo.

27 Sekkinerle nippijarêrmat perkojivok akkartitaukovlugit nappartunit egitaikovlugillo kairosungmut ijervigilauktanganut, ujarkaniglo angijunik illijivut kairosub pângata sanganut. Tapkoa tagvaneput sulle uvlok tamana tikkilugo.

28 Uvlorme taipsomane Josuab Makedatauk salagilaurivait ullimârlugillo saviksub kênanganut, attaningat illaliudlugo nungutipailllo, tarnillo tamaita tapkonanelauktut, amiakokarkojilaungilarlo nellianik; Makedablo attannertanga pinniarvigiva sorlo Jerichub attannertanga pinniarvigilaungmago.

29 Tagva Josua Israelitillo illuêngarlutik illagilugo aularput Makedamit Libnamut, sorsugvigivaillo.

30 Nalekablo tapkoatauk tunnigivait Israelitit agganginut, attanertangat illaliudlugo; ullimarpaillo saviksub kênanganut, tarnillo illunaita tapkonanelauktut; amiakokarkojilaungilarlo nellianik tapkonane; attanningallo pinniarvigiva sorlo Jerichub attanertanga pinniarvigilaungmago.

31 Kingorngane Josua Israelitit illuêngarlutik illagilugit aularpok Libnamit Lachisemut, illulugillo sorsugvigivait.

32 Nalekablo Lachisetauk tunnivait Israelitit agganginnut salakarkovlugit tapkoninga uvlub aipangane, ullimarpaillo saviksub kênanganut, tarnillo illunaita tapkonanelauktut, taimamarik sorlo Libna pinniarvigilaungmagit.

33 Nelliutome taipsomane Horame Geserib attannertanga takpaungarpok Lachis ikkajoromavlugit; Josuable ullimarpa inukotingit tamaita illaliudlugit, amiakokarungnaikârtinago tapkonangat.

34 Josualo Israelitit illuêngarlutik illagilugit aularpok Eglonemut illulugillo sorsugvigivait;

35 Salagilaitalo uvlorme taipsomane, ullimarlugillo saviksub kênanganut, tarnillo illunaita tapkonanelauktut nungutipait uvlorme taipsomane, taimamarik sorlo Lachis pinniarvigilaungmagit.

36 Kingorngane Josua Israelitit illuêngarlutik illagilugit takpaungarpok Eglonemit Hebronemut, sorsugvigivaillo,

37 Salagivaillo ullimarlugillo saviksub kênanganut, attanningallo iglugaseksoakotingillo illaliudlugit, tarnillo illunaita tapkonanelauktut, amiakokarkojingilarlo nellianik, taimamarik sorlo Eglon pinniarvigilaungmagit, nungutipaillo tarnillo illunaita tapkonanelauktut.

38 Tagva Josua Israelitillo illuêngarlutik illagilugit utterivok Debiremut, sorsugvigivaillo.

39 Salagilaitalo attaningat iglugaseksoakotingillo illunaita illaliudlugit, ullimarpaillo tarnit illunaita tapkonanelauktut,

amiakokarkojingilarlo nellianik. Sorlo Hebron pinniarvigilaungmagit, taimak Debire attanningallo pinniarvigivaittauk, sorlo Libna attaningallo pinniarvigilaungmagit.

40 Taimak Josuab nunnat illunaita, kakkane sekkinerd-lillo, nâksanelo kôngnelo attaningit illaliudlugit ullimartautipait, amiakokarkojilaungilak nellianik, tamaitalo annerneggit nung-utipait, sorlo Nalegak Israelib Gudinga perkojilaungmat.

41 Ullimartautipailllo Kades Barneamit Gasa tikkilugo, nunallo Gosen illunât, Gibeon tikkilugo.

42 Attanillo tapkoa, nunangit illaliudlugit salagivait attaut-sekut; Nalegak Israelib Gudinga sorsungmat Israelitit pivlugit.

43 Josualo utterivok tangmarvingmut Gilgalem, Israelitit illuêngarlutik illagilugit.

KAPITEL XI.

Attanit nunab Kanaanib avane nunakartut illagêlerput Israelitit akkerartoromavlugit, salagijaulutiglo. Josuab salakarningit.

JABINIB Hazorib attanertangata tamanna tussaramiuk² tillikler-pok Jobabemut, Madonib attannertanganut, Simroniblo attanner-tanganut, Achsafiblo attannertanganut,

2 Attannernullo avane kakkane nunakalauktunut, nater-namello Cinerotib sekkerngane, naksanelo, Nafot Doremelo imarbiub senniane nunakalauktunut.

3 Kanaaniterit kittanetut kangianetullo Amoriterit, Hetite-rillo, Feresiterillo, Jebusiterillo kakkane, taimaktauk Heviterit kakkab Hermonemik attiggub umangane nuname Mizpamik attelingme.

4 Tapkoa illunatik aularput sorsuktuksaksoakotitik kattim-gajut illunaita illagilugit, innugaseksuit, siorkatitut imarbiub siksanganêtitut unnuktigijut, horsillo aksalloaggillo unnuk-tovaksuit.

5 Attannit tapkoa illunatik kattimalerput kailutiglo tangmar-put kattimgavlutik tetserme Meromemik attelingme, Israelitit sorsugvigijomavlugit.

6 Nalegarlo Josuamut okarpok: Sivorajutiginiarnagit, kau-palle nellitome tamattomane illunaita ullimarsimalutik unner-tutigijomavakka Israelib kittornganginut; horsekotingit sib-vêtitaksarivattit, kamutekotingillo aksalloaggit ikkomamut ikki-taksarivattit.

7 Josuablo suerganit tikkipait, innugiartoksuillo sorsuktukset illagilugit tetserme Meroneme, opingarpailllo.

8 Nalekablo tunnivait Israelitit agganginut, ullimarpaillo kemâtilaitalo Zidon angijok tikkidlugo, imiksuillo onartut tik-kidlugit, Mizpiblo senia tikkilugo kittâne ullimarpaillo amiako-karungnaikârtinago tapkonangat.

9 Tagva Josuab pinniarvigivait, sorlo Nalekab okautilaungmago, horsekotingillo sibrêtipait aksalloalikotingillo ikkipait.

10 Utterlunelo nelliutome taipsomane, Hazorelo salagivait attannertangallo ullimarpa saviksoarmut (Hazorle sivorngagut attaniovît tamakkoa iglugaseksoanginit anginerpaulaupok.)

11 Tarnillo illunaita tapkonanélauktut ullimarpait saviksub kénanganut nungupaillo, amiakokarkojingilarlo nellianik aner-nelingmik, ikkipaillo Hazor ikkomamut.

12 Tappilugillo attannit tapkoa iglugaseksoangit illunaita attannertangit illaliudlugit Josuab salagivait, ullimarlaitalo saviksub kénanganut, nungutipaillo, sorlo Mosese Nalekab kiv-ganga perkojilaungmat.

13 Israelible kittorngangita iglugaseksuit kakkarulang-nelauktut ikkilaungilait, Hazorele kisseta Josuab ikkipait.

14 Iglugaseksuillo tamakkoa aksartaujutigijangit, nergjutillo Israelib kittorngangita avikpait ingmingnut; innuille illunaita ullimarpait saviksub kénanganut nungutsikârtinagit tapkoninga, amiakokarkojilaungilallo nellianik anerelingmik.

15 Sorlo Nalekab Mosese kivgane, Mosesiblo Josua perko-laungmago, taimak Josua pinniarlaukpok, pinniartailaungilarlo sunamik Nalekab perkolauktanganik Mosesemut.

16 Taimak Josuab nuna tamanna illunat kakkanetok aksarnigariva, illunâlo aunga illingajok, nunalo Gosen illunat, naksello, naternello, Israeliblo kakkamaringit, naksangit illaliudlugit.

17 Kakkamit avititsijomit nunamik takpaunga Seiremit, Baal Gade tikkilugo kakkab Libanonib senianetok kakkab Hermonib attâne. Attaningit illunaita salagivait ullimarlaitalo, tokkolugillo.

18 Akkunêrtomigle attanit tapkoa unatadlarvigivait.

19 Iglugaseksoakalaungilarle attautsemiglonêt, ullapirsautekaromavlutik tunnijunik ingminik Israelib kittornganginut, (Heviterit Gibeoneme nunakalauktut assinginik) illunaitale sor-sungnermut salagivait.

20 Tamannalo taimak Nalekamit pilaukpok omattingit mangaititaukovlugit, sorsuklutik Israelib kittorngangit pârlugit, nungutaukovlugit, saimanermiglo pilerkonagit, pêjartaukovlugillo, sorlo Nalekab Mosese perkolaungmago.

21 Nelliutome taipsomane Josuab tikkilunelo Enakiterit (innukpait) pêjarpait kakkamit, Hebronemit, Debiremit, Anabemit, Judab kakkanginit tamainit, Israeliblo kakkamaringinit, nungutipaillo iglugaseksoangit illaliudlugit.

22 Amiakokarkojilaungilarlo Enakiterinik Israelib kittorngangita nunangane, kissiane Gasame, Gathemelo, Asdodemelo amiakokalaukpok sulle.

23 Taimak Josuab nuna illunât aksarnigariva, taimamarik sorlo Nalekab Mosese okautilaungmago, tunnivalo Israelitinut

kingormgutijaksauvlune tapkonunga, kinguvarèt illunatik attunit ikkupianganik. Nunamelo unnatadlarnekarungnailaupok.

KAPITEL XII.

Attanit salagijaumajut.

TAMÆDSA nunab attanertangit Israelitit ullimarlauktangit aksarnivigijangillo nunanginik Jordanib akkiane kittane, kongmit Arnonemetomit kakkak Hermon tikkilugo, naternarlo illunât kittâne.

2 Sihon, Amoriterit attaningat, Hesboneme nunakalauktok, attaniotilauktorlo Aroeremit kôb Arnonemetub siksangane kôblo kerkanetomit, Gileadiblo ketterkanganut, kôk Jabok tikkilugo, kiglilerviojok Amonib kittornganginut.

3 Naternamullo Cinnerotib imanga tikkilugo kittane, imarbiglo naternametok tikkilugo, tagva immak tarriok kittane, apkosinek Bet-Jesimotemut senniagorlugo, ângallo kakkab Pisgab kôngine.

4 Taimaktauk Ogib Basanemiut attaningata kiglilervia, amiakolauktub sulle innukpangnit, nunakalauktublo Astaroteme Edreimelo,

5 Attaniotilauktublo kakkamut Hermonemut Salchamullo Basanemullo illunânut, Gesurib Maachaliblo kiglilervigik tikkidlugik, Gileadiblo ketterkanganut, kiglilerviolauktomut Sihonemut Hesbonib attanertanganut.

6 Mosèsib Nalekab kivgangata Israeliblo kittorngangita ullimarlaupait. Mosesiblo Nalekab kivgangata tunnilaupait perkutauilugit Rubenekunut Gadekunullo, kinguvarrêllo Manassekut ketterkanginut.

7 Tamadsa nunab attannertangit, Josuab Israeliblo kittorngangita ullimarlauktangit Jordanib miksane, kangiane, Baal-Gademit Libanonib senianetomit, kakkak tikkilugo avititsijok nunamik Seiremit, Josuablo tunilauktangata Israelib kinguvarênginut perkutauilugo, kinguvarèt attunit ikkupianganik;

8 Kakkanelauktut, nâksanelauktullo, naternanelauktullo, kôngnelauktullo sunakangitomelauktullo ânelauktullo; Hetiterit, Amoriterit, Kanaaniterit Feresiterit, Heviterit Jebusiterillo.

9 Jerichub attanertanga, Aib Betelib senianetub attanertanga,

10 Jerusalemib attanertanga, Hebronib attanertanga,

11 Jarmutib attanertanga, Lachisib attanertanga,

12 Eglonib attanertanga, Geserib attanertanga,

13 Debirib attanertanga, Gederib attanertanga,

14 Harmab attanertanga, Aradib attanertanga,

15 Libnab attanertanga, Adullamib attanertanga,

- 16 Makedab attanertanga, Betelib attanertanga,
 17 Tapuahib attanertanga, Heferib attanertanga,
 18 Afekib attanertanga, Lasaronib attanertanga,
 19 Madonib attanertanga, Hazorib attanertanga,
 20 Simron-Meronib attannertanga, Achsafib attanertanga,
 21 Taenachib attanertanga, Megidob attanertanga,
 22 Kedesib attanertanga, Jakneab Karmelemetub attanertanga,
 23 Nafot-Dorib attanertanga, nellojut Gilgaleme attaningat,
 24 Tirzab attanertanga. Tagva attanit 31 git.

KAPITEL XIII.

Josua perkojauninganik nuna aviklugo.

JOSUA mana itodlartillugo uvlokartillugolo unnuktunik, Nalekab okautiva: Innutokauvotit uvlokarlutillo unnuktunik, amiakokarporlo sulle nunnanik unuktunik aksarnigaujariakartunik.

2 Tagva Filisterit Galileakotingat illunât, Gesurillo illunât,

3 Sihoremit kôktomit Egiptenib sângagut, Ekronib kigilervinga tikkilugo, avane, kittitaumajok Kanaaniterinut, Filisterit angajokangit tellimat, Gasamiut, Asdodemut, Askalonemiut, Gethemiut, Ekronemiut, Avimiullo.

4 Anget Kanaaniterit nunangat illunât, Mearalo Zidonemiunut illingajok Afek tikkilugo Amoriterit kigililervingat tikkilugo;

5 Taimaktauk Giblitterit nunangat illunât, Libanonelo illunât, kittane Baal-Gademit kakkab Hermonib attânetomit Hamatib itterviat tikkilugo;

6 Tapkoa illunaita kakkane nunakartut Libanonemit puailavit onartut tikkilugit, Zidonerillo illunaita. Pejaromavakka Israelib kittorngangita sivorngane; imerautigituinarkit, aviklugit Israelitinut, sorlo perkolaurapkit.

7 Tagva manna nuna tamanna aviguk kingormgutijaksauvlune kinguvarênut 9 enut, kinguvarênullo Manassekut ketterkanginut.

8 Rubenekut Gadekullo kingormgutijamingnik pijarêrlaungmatta kinguvarêt Manassekut ketterkangit, aipaingit illagilugit Mosesib tunnilauktanganik tapkonunga Jordanib akkiane kittanê; sorlo Mosesib Nalekab kîvgangata tamanna tunnilaungmago tapkonunga.

9 Aroeremit kôb Arnoneme kôktub siksanganetomit, iglugaseksoarnillo kôb kerkanetunit, Medbadiblo erkâ illunat Dibone tikkilugo;

10 Sihoniblo Amoriterit attaningata Hesbonemelauktub iglugaseksoakotingit tamaita, Amonib kittorngangita kigililervingat tikkilugo.

11 Tappilugillo Gilead, Gesuriblo Maachatiblo kiglilervigik, kakkarlo Hermon illunât, Basanelo illunât Salcha tikkilugo;

12 Ogiblo Basanib attanertanga, Astaroteme Edreimelo nunakalauktub, amiakolauktub sulle innukpanit attaniovinga illunât. Mosesible ullimârlugillo pingujarlaukpait.

13 Israelible kittorngangita Gesuremiut Maachatemiullo aulartilaungilait; tamarmigle Gesuremiut Maachatemiullo nuna-karput Israelitit akkorngane uvlok tamanna tikkilugo.

14 Kinguvarêlle Levikut kingormgutijaksamik tunnitsivigilaungilait; Nalekab Israelib Gudingata tunnergusiarijangit kingormgutigingmattigik, sorlo okautilaungmagit.

15 Taimak Mosesib kinguvarêt Rubenib kittorngangit tunnitsivigivait abvakungit malliklugit;

16 Kiglilervingat pilaungmat Aroeremit kôb Arnonemetub siksanganetomit, iglugaseksuillo kôb kerkanêtot, naternangat illunât, illaliudlugo Medba tikkilugo;

17 Hesbon iglugaseksoangillo tamaita naternametut; Dibon, Bamoth-Baal, Beth-Baal- Meonelo,

18 Jahza, Kedemot, Mefathelo,

19 Kiriataim, Sibma, Zeret-Sahar naksarme kakkametome,

20 Beth Peor, kôt Pisgamit pijut Beth-Jesimotelo,

21 Iglugaseksuillo tamaita naternamêtot Sihoniblo Amoritit attaningata, Hesbonemelauktub, Mosesib ullimarlauktangata attaniovinga illunât Midianib, Eviblo, Rekemiblo, Zuriblo, Huriblo, Rebablo angajokangit, Sihonib pitsartunelikotingit, nuname nunakalauktut illaliudlugit.

22 Bileamelo Beorib erninga nellautajjok Israelib kittorngangita tokkokassiutilaurivat saviksoarmut ullimarsimajut illaliudlugit.

23 Rubeniblo kittorngangita kiglilervingat Jordaneôlaukpok. Tamana Rubenib kittorngangita kingormgutijangat abvakungit malliklugit iglugaseksuit iglugasaillo.

24 Mosesib kinguvarêt Gadib kittorngangit, abvakungita akkorngane tunnitsivivait,

25 Kiglilervingat Jaesereôlaungmat, iglugaseksuillo illunaita Gileademetut, Amoniblo kittorngangita nunangata ketterkanga Aroer Rabbab sivoranetok tikkilugo.

26 Hesbonemit Ramat - Mizpe Betonimelo tikkilugik, Mahanaimillo Debirib kiglilervinga tikkilugo.

27 Naksarme Beth-Haram, Beth-Nimra, Suchot Zafonelo, amiakolauktut Sihonib Hesbonib attanertangata attaniovinganit, Jordan kiglilerviolaungmat; Cineretib imanga tikkidlugo Jordanib miksane kittane.

28 Tamanna Gadib kittorngangita kingormgutijangat abvakungine, iglugaseksoangit iglugasaingillo.

29 Mosesiblo kinguvarêt Manassib kittorngangita ketterkangit, tunitsivigivait abvakungit malliklugit,

30 Kigililervingit pilaungmatta Mahanaimemit Basan illunât, Ogib Basanib attanertangata attaniovinga illunât, Jairiblo iglugasingit Basanemetut illunaita, iglugaseksuit 60 git.

31 Gileadiblo ketterkanga, Astarot, Edrei, Ogib Basanib attanertangata iglugaseksoagilauktangit, tunnijaavut Machirib kittornganginut, Manassib erningata, tagva Machirib kittorngangita ketterkanginut abvakungit malliklugit.

32 Tamædsa Mosesib avilauktanga, Moabiterit naternangane, Jordanib akkiane Jerichub sângane kittane.

33 Kinguvarêlle Levikut Mosesib kingormgutijaksamik tunitsivigilaungilait; Nalegak Israelib Gudingât kingormgutigingmatsuk sorlo okautilaungmagit.

KAPITEL XIV.

Nunab Kanaanib immerautigijauninga, Kaleb kingormgutijaksanga.

TAMANNAUVORLE Israelib kittorngangita aksarnigarilauktangat nuname Kanaanene, ajochertuijub Eleaserib, Josuablo Nunib erningata, atatello angajokaunerojut Israelib kittorngangita kinguvârengningita akkorngane, avilauktangat tapkonunga,

2 Avilaukpalle tapkonunga imerautigivlugo, sorlo Nalegak Mosesekut perkojilaungmat, kinguvarêt 9 it koppangalo tunnitsivigilugit.

3 Kinguvarêlle maggoit kinguvarêllo attautsit ketterkangit Mosesib kingormgutijaksamik tunitsivigilaukpait Jordanib akkiane. Levitille kingormgutijaksamik tunitsivigilaungilait tapkoa akkorngane.

4 Josefib kittorngangit kinguvarêngolermatta maggoit, Manasse Efraimelo: tamanna pivlugo Levitit illangiutivikartilaugilait nunamik, iglugaseksoarnigle iglogijaksanginik, aiparuserniglo iglugaseksuit avatanê nergjutekotinginut perkutinginullo.

5 Sorlo Nalekab Mosese perkolaungmago, taimailiorlaukput Israelib kittorngangit, aviklugolo nuna.

6 Tagva Judab kittorngangit kaivut Josuamut Gilgaleme, Kaleblo Jefunib erningata Kenesikunit pijub okautiva: Kaujimavotit kanoêtunik Nalekab okauserilauktanginik, Mosesemut Gudib angutekotinganut Kades-Barneame pivlunga, pivlutillo.

7 Jahrekalaupunga 40 ginik Mosesib Nalekab kivgangata

tillilaungmanga Kades Barneamit, nuna nautsertoriartorlugo, okautilaungmigapkolo issumagilauktakka malliklugit.

8 Kattangutimale takpaunga majorarkattigilauktama innugi-artoksuit omattingit mungungatilaukpait; uvangale Nalegak Gudiga mallilaukpara illuëngarlunga.

9 Tagva Mosese uvlorme taipsomane angermarilaukpok okarlunelo: Nuna tullerarvigilauktat ittiggangnut, kingormgutijaksauvok illingnut kittorngangnullo soraijuitomik; tamana pivlugo Nalegak Gudiga mallilaurangne nertornartomik.

10 Mannalo takkoit, Nalekab innokolaukpânga, sorlo okalaurame. Jahreôvut manna 45 git Nalekab okarvianit taimaitomik Mosesemut, Israelitit arvertarvigilauktangit sunakajuitome. Mannalo takkoit, uvlome Jahrekarpunga 85 ginik,

11 Uvlomelo sulle, uvlorme tamattomane taimak sangitigijovunga uvlutut taipsomanetut Mosesib tilliklervianetut uvamnik; sorlo nukkekarnera îlaungmat taipsomane, taimainivok sulle, sorsuklunga, aularlungalo, itterlungalo.

12 Tagva tunitsivigilaunga manna kakkanik ukkuninga, Nalekab okautigilauktanginik uvlorme taipsomane; igvit tus-sarlaurangne uvlorme taipsomane. Enakimit nunakarmatta takpâne, iglugaseksoakarlutiglo angijunik songojuniglo; Nalekab illaginiarmangangma, aulartitsikovlunga tapkoninga, sorlo Nalegak okalaungmat.

13 Tagva Josuab saimartipa tunitsivigivalo Kale Jefunib Erninga Hebronemik kingormgutijaksamut.

14 Tamanna pivlugo Hebron kingormgutijaulaukpok uvlok tamanna tikkilugo Kalemud Jefunib erninganut, Kenesikun-nut illingajomut, Nalegak Israelib Gudinga mallilauramiuk nertornartomik.

15 Hebronele sivorngane attekalaupok Kiriath-Arbamik, tamna innukpangolaupok Enakimit akkorngane. Nunalo unatadlarnekarungnailaukpok.



KAPITEL XV.

Judab kinguvangita kigililervingat iglugaseksoangillo.

KINGUVARÊT Judab kittorngangita imerautingat abvakungita akkorngane, kigililervikalaukpok Edomemik, sunakangitub sekkernganetub, Zinemik attiggub tungane, nunat ânêtut terrekungane;

2 Kigililervingat âne pilaungmat imarbiub tarriub terrekunganit, tagva okaujartomit aunga sangmijomit;

3 Pilunelo tagvangat takpaunga Akrabbimemut, ailunelo

Zinekut, sangmilunelo ama angat Kades Barneamut, pilunelo Hezronekut, ailunelo takpaunga Adaremut, sangulunelo Karkab avatâtigut;

4 Ailunelo Azmonekut, tikkilunelo Egiptenib konganut, kigililerviub nâninga imarbiksoangokovlugo. Tamæda kigililervise âne.

5 Kiglervigle kittâne illingavok imarbingmit tarriomit Jordanib nâninga tikkilugo. Kigililervigle avane pivok imarbiub okaujartunganit Jordanib sennianetomit;

6 Ailunelo takpaunga Beth-Haglamut, sangmilunelo avangat Beth-Arbamut, tikkilunelo takpaunga Bohenib Rubenib erningata ujaranganut;

7 Ailunelo Debiremut, Achorib naksanganit, iglugasengnillo avane Gilgalemut salertunit takpane Adunimib akkianetunit âne kôngmetub. Tagvangat aivok kongmut En-Semesemik attelingmut, tikkilunelo Rogelib puailavinganut.

8 Tagvangat aivok takpaunga Hinomib erningata naksanganut, Jebusiterit sekkerngane, tagva Jerusalem; tikkilunelo takpaunga kakkab Himonib naksangata sânganetub avangat, kanganut, aktuajub avane Refaimib naksangata terekunganut.

9 Tagvangat pivok kakkab tamattoma kânganit Neftoab puailavinganut, ailunelo kakkat Efronemik attiggit iglugaseksoanginut, sangulunelo Baala, tagva Kireat-Jearime tikkilugo.

10 Sangulunelo Baalamit avunga Seirib kakkanginut, ailunelo Jearimib kakkangita seniagut avangat, tagva Chessalonemit, tikkilunelo kannunga Beth-Semesemut, pilunelo Timnakut.

11 Pilunelo Ekron senniagorlugo avunga, sangmilunelo Sichronemut, pilunelo kakkab Baalamik attiggub kangagut, pilunelo Jabneelemut nâninga imarbiksoangongmat.

12 Kigililervigle kangiane imarbiksoangovok. Tamædsa Judab kittorngangita kighilervingat avatane illunane, abvakungine.

13 Kalele Jefunib erninga tunnitsiviolaupok ikkupianganik Judab kittorngangita akkorngane, sorlo Nalegak perkojilaungmat, imaitomigle, Kiriat-Arbamik, Enakib atâtangata, tagva Hebronemik.

14 Kaleblo aulartipait tagvangat Enakib erningit pingasut: Sesai, Ahiman, Talmailo, Enakib ernertarilauktangit.

15 Ailaukporlo tagvangat takpaunga Debiremiunut. Debi-rele mattoma sivorngagut attekalaupok Kiriat-Seferemik.

16 Kalelo okarpok: Kina Kiriat-Seferemik ullimarniktok aksarniktorlo, tamna panimnik Achsamik tunnitsivigijomavara nulliaksanganik.

17 Tagva Atnielib Kenasib Kaleb nukangata erningata

aksarnigarivait; tapsomalo paniminik Achsamik tunnitsivigiva nulliaksanganik.

18 Pijokalaupporlo, tamna itterlaungmat tilliortaulauppok kennukovlugo perorsêvingmik atâtaminitt; akkarporlo siutekôk-tojomit. Tagva Kaleb okautiva: Konoêkit?

19 Tamna okarpok: Saimanermik tunnitsivigilaunga; tunnitsivigilaurang perorsêvingmik sekernganetomik, tunnitsivigilaungatauk puailavilingmik immermik. Tagva puailavilingmik kollâne attânelo tunnitsivigiva.

20 Tamædsa kinguvarêt Judab kittorngangita kingormguti-jangat abvakungita akkorngane.

21 Kinguvarêllo Judab kittorngangita iglugaseksoangit, is-sungmit aipanganit aipanga tikkidlugo Edomiut kiglilerviane âne, imailaukput: Kabzeel, Eder, Jagur,

22 Kina, Dimona, Ad-Ada.

23 Kedes, Hazor, Itnan,

24 Sif, Telem, Bealot,

25 Hazor-Hadata, Kiriot, Hezron tagva Hazor.

26 Amam, Sema, Molada,

27 Hazar-Gadda, Hesmon Beth-Palet,

28 Hazar-Sual, Beer-Seba, Bisjot-Ja,

29 Baela, Ijim, Azem,

30 El-Tolad, Chesil, Harma,

31 Ziklag, Madmanna, San-Sanna,

32 Lebaoth, Silhim, Ain, Rimon, Tagva iglugaseksuit 29 it iglugasaingillo.

33 Naksarnelo, Estaol, Zarea, Alna,

34 Sanoah, En-Ganim, Tapuah, Enam,

35 Jarmut, Adullam, Socho, Aseka,

36 Saarim, Adithaim, Gedera, Gederothaim. Tagva iglugaseksuit 14 it iglugasaingillo,

37 Zenan, Hadasa, Migdal-Gad,

38 Dilean, Mizpe, Jaktiel,

39 Lachis, Bazekat, Eglon,

40 Chabon, Lahmom, Kitlis,

41 Gederot, Beth-Dagon, Naema, Makeda. Tagva iglugaseksuit 16 it, iglugasaingillo.

42 Libna, Ether, Asan,

43 Jeftah, Asna, Nezibe,

44 Kegila, Achsibe, Maresa. Tagva iglugaseksuit 9 it iglugasaingillo.

45 Ekron, iglugaseksoakatingillo, iglugasengillo illaliudlugit.

46 Ekronemit imarbiksoak tikkilugo, tamaita Asdonib kani-tanganetut, iglugasengillo.

47 Asdod iglugaseksoakatingillo, iglugasengillo illaliudlugit; Ga-

sa iglugaseksoakatingillo, iglugasengillo illaliudlugit Egiptenib kônga tikkidlugo; imarbiaksoarlo kiglilerviovok.

48 Kakkanello, Samir, Jathir, Socho,

49 Dana, Kiriath-Sana, tagva Debir,

50 Anabe, Estemo, Anime,

51 Gosen, Holon, Gilo. Tagva iglugaseksuit 11 it iglugasengillo.

52 Arabe, Duma, Esean,

53 Janum, Beth-Tabuah, Afeka

54 Humta, Kiriath-Arba, tagva Hebron, Zior. Tagva iglugaseksuit 9 it iglugasengillo.

55 Maon, Karmel, Sif, Juta,

56 Jesreel, Jakdeam, Sanoah,

57 Kain, Gibeaa, Thimna. Tagva iglugaseksuit 10 it iglugasengillo.

58 Halhul, Betzur, Gedor.

59 Maarat, Beth-Anoth, Eltekon. Tagva iglugaseksuit 6 it iglugasengillo.

60 Kiriath-Baal, tagva Kiriath-Jearim, Harabba; iglugaseksuit magguut iglugasengillo.

61 Sunakangitome, Beth-Araba, Middin, Sechacha.

62 Nibsan, iglugaseksuillo sioraujaggit, Engedilo. Tagva iglugaseksuit 6 it iglugasengillo.

63 Jebusiterille Jerusaleme nunakalaukput, Judablo kittorngangita aularititsungnarlaungilait. Taimak Jebusiterit Judab kittorngangit illagilugit Jerusalemetuarlaukput uvlok tamanna tikkilugo.

KAPITEL XVI.

Josefib kittorngangita ilakupiangat, piluartomik Efraimekut kiglilervingat.

IMERAULLO nellaulaukpok Josefib kittornganginut Jordanimet Jerichub sivuranetomit, kôk Jerichometok tikkilugo kittânit, sunakangitorlo sangmijok takpaunga Jerichomit Bethelib kakkangitigut;

2 Bethelemillo tikkipok Lusemut, ailunelo Archi-Atharotib kiglilervingagut;

3 Sangmilunelo kannunga paunga Jafletib kiglilervinganut, Beth-Horonib atsiktub kiglilervia tikkidlugo, Gaserele tikkilugo, nâningalo imarbingmepok.

4 Tamattominga Josefib kittorngangit Manassekullo Efraimekullo pilaukput kingormgutijaksamingnut.

5 Efraimib kittorngangita kingormgutijangata kiglilervingat abvakungita akkorngane imailaukpok: kittâne Atharot-Adaremit, Beth-Horon kôgvasinerpak tikkilugo;

6 Ailunelo Michmeteme avanetome avunga; tagvane sang-
ulerpok iglugaseksuit Thaenat-Silomik attiggit kittânut tap-
kutigunalo pilune unungat aivok Janohamut;

7 Attersarlunelo Janohamit Atharotemut Naaratemullo
aktoalunelo Jerichomut nâlunelo Jordaneme.

8 Thapumit aivok paunga Nahal-Kanamut; nâningalo
imarbingmepok.

Tamædsa kinguvarêt Efraim kittorngangita kingormguti-
jangit abvakungita akkorngane.

9 Efraimiblo kittorngangita kigilervingita iglugaseksoang-
it, iglugasengit illagilugit akkusimalaukput Manassib kittorng-
angita kingormgutijangata akkorngane.

10 Aulartilaungilaillo Kanaaniterit Gasermes nunakakauktut.
Taimak Kanaaniterit Efraimekut akkornganetualaukput uvlok
tamanna tikkilugo, akkilejuksangortitaulutiglo.

KAPITEL XVII.

Manasekut ikkupiangat kigilervingallo.

IMERAULLO nellaulaukpok kinguvarênut Mannassekunut,
Josefib erniangokârtokotigilaungmago; nellaulunelo Machire-
mut Manassib erninganut angajuklermut Gileadib atâtanganut,
anguteolaungmat sorsugungnartomik, tamanna pivlugo Gilead
Basanelo pilaukpak.

2 Mannassible kittorngangita assingit nellautaulaurivut ab-
vakungita akkorngane, tagva Abieserib kittorngangit, Helekib
kittorngangit, Asrielib kittorngangit, Sechemib kittorngangit,
Heferib kittorngangit, Semidablo kittorngangit. Tamædsa Ma-
nassib Josefib erningata kittorngangit, angutit abvakungita
akkorngane.

3 Zelafehadele Heferib erninga, Gileadib erningata Ma-
chirib erningata, Mannassib erningata ernekalaungilak, panne-
kartuinarlaukporle, attingillo tapkoangovut: Mahela, Noa,
Hagla, Milka, Thirza;

4 Kailaukpullo ajochertuijeb Eleaserib Josuablo Nunib
erningata, angajokaunerojullo sanganut okarlutiglo: Nalekab
Mosese perkolaukpa kingormgutijaksamik tunmitsivigijaksaring-
mattigut kattangutipta akkorngane. Tunmitsivilaukpullo king-
ormgutijaksamik atâtangata kattangutingita akkorngane, Nale-
kab perkojininga malliklugo.

5 Manassekunulle pivut ikkupianik 10 nik, nunab Gile-
adib Basaniblo, Jordanib ungatânetub assinginik.

6 Manassib paningit kingormgutijaksamik illangiutivikara-

mik erningita akkorngane; nunalo Gileade Manassib kittorngangita assinginut illingalaukpok.

7 Manassekullo kigililervingat pilaukpok Asseremit Michmethatemut, Sechemib sivoranetomut, tallerpingmullo tokpok En-Tapuanut.

8 Tapuab nunanga Manassekut pigilaungmatsuk; kigililerviolunelo Manassekunut Efraimib kittorngangine.

9 Tagvangat attersarpok Nahal-Kanamut iglugaseksuit kôngnetut Efraimekut pigijangita. Manassekut iglugaseksorangita akkorngane sekkernganut; avangalle Manassekut kigililervingat kongmepok, nâlunelo imarbiksoarme,

10 Ane Efraimekunut illingavok avanelo Manassekunut, imarbiksoarlo kigililerviovok; aktuajuksauvorlo avane Asserkunut unnanelo Isascharekunut.

11 Taimak Manassekut pekalauput Isascharekut Asserekullo akkorngane Beth-Seanemik iglugasenginiglo, Iblaamik iglugasenginiglo, Doremetulaniglo iglugasenginiglo, Endoremetulaniglo iglugasenginiglo, Taanachemetuniglo iglugasenginiglo, Megiddometuniglo iglugasenginiglo, Nafetiblo pingajuanik.

12 Manassiblo kittorngangita iglugaseksuit tamakkoa aksarnigarijungaarlaungilait, Kanaaniterille nunakalerlaukpup nuna me tamattomane.

13 Israelible kittorngangit songolerlauramik Kanaaniterit akkilêjuksangortipait aulartinagillo.

14 Tagva Josefib kittorngangita Josua okarvigivat okarlutiglo: Sôg uvagut immeraumik attausênarmik kingormgutijaksablo ikkupiaktanganik attauseînarmik tunnitsivigilaukpittigut? Inugaseksoangogalloartilluta, sorlo, Nalekab saimauserlaungmattigut.

15 Tagva Josuab okautivait: Innugaseksoangogapse takpaungaleritse nappartunut, kippitsiluselo tagvane Feresiterit innukpaillo nunangane, Efraimekut kakkangit nerrokigigap-sigik.

16 Tagva Josefib kittorngangit okarput: Kakkakattigêt aksarnigarijungnarniængilavut, Kanaaniterit illunatik nunab naksangine nunakartut kamutekangmatta kikkiengnik, tapkoa Beth-Seanemetut iglugasenginetullo, Jesereelemetullo naksangme.

17 Josua Josefib iglunganut, Efraimekunut Manassekunullo okarpok: Inugaseksoangôvose, unnuktogapselo immeraumik attausênarmik pekartuksaungilase;

18 Kakkalle nappartuggit perkutigijaksarivasse, tapkoa kippisigik, tagva tapkoa imeraukotipse nâninganut illinganiarput, Kanaaniterit kikkiengnik kamutekartut songojullo aulartigupsigik.

KAPITEL XVIII.

Benjaminekut kiglilervingat.

ILLAGÊLLO illuêngarlutik Israelib kittorngangit kattimalerput Silome, nappartitsilutiglo tagvane kattimaviub tuppiganik, nunablo nalegarivait.

2 Amiakokalaukporlo sulle Israelib kittornganginit, kinguvarênik 7 nik, kingormgutijaksamik pilaungitunik sulle.

3 Josuablo okarpok Israelib kittornganginut: Kannok akkunêrtigijomik taimak erkeasukise, ainase nuna pigilerlugo Nalekab atatagijapse Gudingata tunnilauktanga illipsingnut?

4 Kinguvarênit illuainit attunit angutekarle pingasunik, tilliklerkovlunga tapkoninga, aularkovlugit nuna arvertarvigilugo nellonaijaijutigilugolo kingormgutijaksatik malliklugit, kailutiglo uvamnut.

5 Nuna aviksiuk ikkupianut 7 nut, Juda kiglilervingmine-tsainartuksauvok ângat, Josefekullo kiglilervingminetsainartuksauvut avangat.

6 Illipsele ikkupiati 7 it nunangat aglagutigisiuk, kaisigiglo tamaunga uvamnut; imeraromavunga tagva pivluse, Nalekab Gudipta sângane.

7 Levitille ikkupiakangilat akkunapsingne, Nalekable ajochertuiviksanga kingormgutigivât. Gadekulle Rubenekullo, kinguvarêllo Manassekut ketterkangit ikkupiangmingnik pijarêrput Jordanib akkiane kittane, Mosesib Nalekab kivgangata tunnilauktanganik tapkonunga.

8 Tagva angutit tapkoa parngnailerput aularlutiglo; Josuablo perkovait aularitlugit nuna aglagutigijomavlugu okarlunelo: Aileritse nunalo arvertarvigisiuk, nellonaijaijutigilugolo, kaimiluselo tamaunga uvamnut, mane imerarkovlunga pivluse Nalekab sângane Silome.

9 Taimak angutit tapkoa aivut, nunalo arvertarvigivât, aglagutigilâlo allakapsamut, iglugaseksuit avitisimajut ikkupianut 7 nut malliklugit, tikkilutiglo Josuamut tangmarvingmut Silometomut.

10 Tagva Josuab imerautigivait Silome Nalekab sângane, nunalo avikpa tagvane Israelib kittornganginut, illunatik attunit ikkupianganik.

11 Kinguvarêllo Benjaminib kittorngangita imerautingat nellaulaukpok abvakungit malliklugit, imerautingatalo kiglilervinga pivok Judab kittorngangita Josefiblo kittorngangita akkormgangnit.

12 Kiglilervingallo nuvungmelaukpok avane Jordanemit,

sangmilunelo takpaunga Jerichub seniane avangat, pivorlo kakkanut kangiane sâlunelo Beth-Avenib sunakajuitunganut;

13 Annilunelo tagvangst Lusemut, Luse senniagorlugo sekerngagut, tagva Beth-Elemut, attersarlunelo unnunga Ataroth-Adaremut, kakkak Beth-Horonib atsiktub sekkernganetok tikkilûgo.

14 Tagvangallo salerpok sangulunelo nuvungmut kangianêtomut kakkab Bethhoronib sekkernganetub sekkernganut, nâlunelo Kiriath-Baaleme, tagva Kiriath-Jearime, Judab kittorngangita iglugaseksoakotingine; tamadsa nuvua kangiane.

15 Nuvuale sekkerngane pigiarpok Kiriath-Jearimemit sangmilunelo paunga, pilunelo Nefthoab puailavinganut.

16 Attersarporlo tagvangst kakkab, Himonib erningata naksangata, Refaimib naksanganetub tachane, sânganetub nanninganut, attersarporlo Himonib naksangagut, Jebusiterit sekerngane, pilunelo unnunga Rogelib puailavinganut.

17 Sivumuarporlo avangat, pilunelo, En-Semesemut, sivumuarporlo Gililotemut Adumimib sivuranetomut, attersarlunelo Bohenib Rubenib erningata ujaranganut;

18 Sangmilunelo senianut naternak tachanetok senniagorlugo, pivorlo unnunga naternamut.

19 Beth-Hagalalo seniagorpa tachane, naningalo immarbiub tarrioggub okaujartunganepok tachane, Jordanib pângata sekerngane. Tamædsa kiglilervik âne.

20 Jordanelo kiglilerviojuksauvok kittane. Tamædsa Benjaminib kittorngangita kingormgutijangat, kiglilervingmingne avatâtigut abvakungita akkornthane.

21 Benjaminiblo kittorngangita kinguvangita iglugaseksoangit abvakungita akkornthane imaiput: Jericho, Beth-Hagla, Emek-Keziz,

22 Beth-Araba, Zemaraim, Beth-El;

23 Avim, Hapara, Ofra,

24 Kafar-Amonai, Afni, Gaba. Tagva iglugaseksuit 12 it, iglugasengillo.

25 Gibeon, Rama, Beeroth,

26 Mizpe, Kafira, Moza.

27 Rekem, Jerpeel, Thareala,

28 Zela, Elef, Jebuselo, tagva Jerusalem, Gibeath, Kiriath; iglugaseksuit 14 it iglugasengillo. Tamædsa Benjaminib kittorngangita kingormgutijangat abvakungine.

KAPITEL XIX.

Kinguvarêt assingita 6 it, Josuablo kingormgutijangit.

KINGORNGANE immerautib aipanga nellaulaukpok kinguvarê-nut Simeonib kittornganginut abvakungine, kingormgutijaksangallo Judab kittorngangita kingormgutijangata akkornganelaukpok.

2 Kingormgutigilerpaillo Bersaba, Seba, Molada,

3 Hazar-Sual, Bala, Azem,

4 El-Tholad, Bethul, Harma,

5 Ziklag, Beth-Markabot, Hazar-Sussa,

6 Beth-Lebaot, Saruhen, tagva iglugaseksuit 13 it, iglugasengillo.

7 Ain, Rimon, Ether, Asan. Tagva iglugaseksuit sittamat iglugasengillo.

8 Illaliudlugillo iglugasait illunaita iglugaseksuit tapkoa avatinginetut Balat-Beer-Ramoth ânetok tikkilugo. Tamædsa kinguvarêt Simeonib kittorngangita kingormgutijangat abvakungine.

9 Simeonib kittorngangata kingormgutijangat Judab kittorngangita ikkupiangata akkornganemat. Judab kittorngangita kingormgutijangat angiluarlaungmat tapkonunga, tamanna pivlugo Simeonib kittorngangit kingormgujilaukput tapkoa kingormgutijangata akkorngane.

10 Imerautik pingajuak nellaulaukpok Sebulonib kittornganginut abvakungine; kingormgutijangatalo kiglilervinga pilaukpok Sarid tikkilugo,

11 Ailunelo paunga Marealamut, aktoalunelo Dabasetemut, aktoalunelo kôngmut Jakneamib sivorane koktomut.

12 Sangulunelo Saridemit ununga Cislót-Thaborib kiglilervinga tikkilugo; pilunelo Daberatemut illingalunelo takpaunga Jafiamut,

13 Tagvangallo aivok unnunga Gita - Heferekut, Ithakullo, Kazinekullo, pilunelo Rimonemut Mitoaremullo, Neamullo.

14 Salunelo avangat Nathonemut nâlunelo Jeftah-Elib naksangane,

15 Katath, Nahalal, Simron, Jedeala Bethlehemelo. Tagva iglugaseksuit 12 it iglugasengillo.

16 Tamædsa Sebulonib kittorngangita kingormgutijangat abvakungine; tamædsa iglugaseksoangit iglugasengillo.

17 Imerautit sittamangat nellaulaukpok Isascharib kittornganginut abvakungit malliklugit.

18 Kiglilervingallo imailaukpok, Jesreel, Chesullot, Sunem,

19 Hafaraim, Sion, Anaharat,

20 Rabbit, Kiseon, Abez,

21 Remeth, Enganim, Enhada, Beth-Pazez,

22 Aktoalunelo Thaboremot, Sahazimamullo, Beth-Semese-mullo, nâningalo Jordanemepok. Iglugaseksuit 16 it iglugasengillo.

23 Tamædsa kinguvarêt Isascharib kittorngangita kingormgutijangat abvakungine, iglugaseksoangit iglugasengillo.

24 Imerautit tellimangat kinguvarênut Asserib kittornganginut nellaulaukpok, abvakungit malliklugit.

25 Kigililervingallo Helkateolaukpok, Hali, Beten, Achsa-felo,

26 Ala-Melech, Amead, Miseal; aktoalunelo Karmelemut imarbingme, Sihor-Libnathemullo;

27 Sangulunelo sekkerngub nuijavianut Beth-Dagonemut, aktoalunelo Sebulonemut, naksarmullo Jeftah-Elemik attelingmut, Beth-Emekib, Nigieliblo tachangangnut annilunelo Kabulib saumiane.

28 Ebron, Rehob, Hamon, Kana, Zidon angijok tikkilugo.

29 Sâlunelo Ramamut, iglugaseksuit avaluliksuit Zoremik attiggit tikkilugit, sâlunelo Hossamut, nâlunelo imarbingme, torarmariklune Achsibemut.

30 Uma, Afek, Rehobelo. Iglugaseksuit 22 it iglugasengillo.

31 Tamædsa kinguvarêt Asserib kittorngangita kingormgutijangat abvakungine, iglugaseksoangit iglugasengillo

32 Imerautit pingasojoat nellaulaukpok Naftalib kittornganginut abvakungine,

33 Kigililervingillo Helefemit pilaukput Elonemut, Zaenanimut, Adami-Nekebemut Jabneelemullo, Lakumemut tikkilugo, nâlunelo Jordaneme;

34 Sâlunelo kangianut Asnoth-Thaboremot, annilunelo tagvangat Hukokemut, aktoalunelo Sebulonemut sekkerngane, Asseremullo kangiane, Judamullo Jordaneme, sekkerngub nuijarviane;

35 Iglugaseksoakarporlo songojunik, Zidim, Zer, Hamath, Rakath, Cinareth,

36 Adama, Rama, Hazor,

37 Kedes, Edrei, Enhazor,

38 Jereon, Migdal-El, Harem, Beth-Anath, Beth-Semes. Iglugaseksoarnik 19 nik iglugasenginiglo.

39 Tamadsa kinguvarêt Nafthalib kittorngangita kingormgutijangat abvakungine, iglugaseksoangit iglugasengillo.

40 Imerautit 7 ingat nellaulaukpok kinguvarênut Danib kittornganginut, abvakungit malliklugit.

41 Kingormgutijangetalo kigililervingit imailaukput: Zarea, Esthaol, Irsames,

42 Saelabin, Ajalon, Jethla,

43 Elon, Timnatha, Ekron,
 44 Eltheke, Gibethon, Baalath,
 45 Jehud, Bene-Barak, Gath-Rimon,
 46 Me-Jarkon, Rakon, kiglilervingit illaliudlugit Jafomut illingajut.

47 Tagvanelo Danib kittorngangita kiglilervingat nâlaukpok. Daniblo kittorngangit takpaungarlaukput sorsugiarlutiglo Lesememut, salagivaillo ullimarlugillo saviksub kênanganut, aksarnigarivaillo innigilugillo, atserarpaillo Danemik, atatagijamik attinga malliklugo.

48 Tamædsa kinguvarêt Danib kittorngangita kingormgutijangat, abvakungine, iglugaseksoangit iglugasengillo.

49 Nunalo illunât kiglilervingit illaliudlugit avitsarêrlaungmatsuk, Israelib kittorngangita Josua Nunib erninga tunnitsivigivât kingormgutijaksamik akkonamingne,

50 Tunnitsivigivâllo Nalekab perkojininga malliklugo iglugaseksoarnik tussugijanginik, Timnath-Seramik, Efraimib kakkanginetunik. Tagva iglugaseksuit tapkoa sennavait innigilugillo.

51 Tamædsa kingormgutijat Eleaserib ajochertuijoksub, Josuablo Nunib erningata atatello angajokaunerojut kinguvarêt akkorngane, imeraumut avilauktangit Israelib kittornganginut Silome Nalekab sângane kattimaviub tuppingtona upkuangata sângane; sorailerlutiglo taimak nunab aviktauninganik.

KAPITEL XX.

Iglugaseksuit pitlartaujungnaivît unertutigijauningat.

NALEKABLO Josua okarvigiva okarlunelo:

2 Israelib kittorngangit okantikit: Akkonapsingne iglugaseksoarnik pitlartaujungnairvinginik tunnijititse, Mosesekut okautigilauktamnik illipsingnut;

3 Tokkotsijut kemâviksanginik, kinamik pijarinane kaujimananelo tokkotsijok, akkonapsingne pijaukonagit aungmik akkiniartemut.

4 Kemâjorlo iglugaseksuit tapkoa illanganut nangertuksauvok sillatâne iglugaseksuit upkoaksoangata sângane, okartuksaulunelo illinganerminik iglugaseksuit angajokaunerôjungita sângane; tagvalo illallioraksarivât ingmingnut iglugaseksoarnut, inniksakartilugolo, tagvane nunakarkovlugo.

5 Aungmiglo akkiniartib unangmikipago, tagva unnertutigijaksaringilât tapsoma agganginut, pijarinane innukattine anaulaungmago omiginagolo sivorngagut.

6 Taimak iglugaseksoarne tamakkonane nunakartuksauvok,

nangerkârtinago illagêt sângane erkartuivingme, ajochertuijoksoak tokkokârtinnago ajochertuijoksoangojok nelliutome taipso-manë; tagva tokkotsijok kaijuksaugivok iglugaseksoaminut iglominullo, iglugaseksoarnut kemâlauktaminut.

7 Tagva unertutigivait, Kedes Galilæame Naftalib kakkangine, Sechemelo Efraimib kakkangine, Kiriati-Arba tagva Hebron, Judab kakkangine.

8 Jordaniblo akkiane Jerichomit nuijarviub nellâne, tunnilaukpait Bezer sunakangitome natername, kinguvarênit Rubenekunit, Ramothelo Gileademe kinguvarênit Gadekunit, Golanelo Basaneme, kinguvarênit Manassekunit.

9. Tamædsa, iglugaseksuit unertutigijaumajut Israelib kittornganginut illunainut, tujormitsanullo illunainut tapkoa akkorngane nunakartunut, kemâvigilugit tokkotsijub kimik pijarinane, tokkotaukonnago aungmik akkiniartemut, nangerkârtinago illagêt sângane.

KAPITEL XXI.

Levitit issumagijauningat.

TAGVA atâtet angajokaunerôjut Levitit akkorngane kaivut ajochertuijomut Eleaseremut, Josuamullo Nunib erninganut, angajokaunerôjunullo Israelib kittorngangita kinguvarêngine.

2 Okarkattigilugillo Silome nuname Kanaaneme, okarlutiglo: Nalegak Mosesekut perkojilaukpok, iglugaseksoarnik tunnitsivigiluta igluksaptingnut aiparutsiniglo iglugaseksuit avatâne nergutekotiptingnut.

3 Tagva Israelib kittorngangita Levitit tunnitsivigivait kingormgutijamingnit Nalekab perkojininga malliklugo, iglugaseksoarnik makkoninga aiparusinginiglo avatâne.

4 Imeraullo nellaulaukpok Kahatib abvakunginut, Aroniblo ajochertuijub kittorngangit Levitinit pijut, pilaukput imeraumut iglugaseksoarnik 13 nik, kinguvarênit Judakunit, kinguvarênit Simeonekunit, kinguvarênillo Benjaminekunit.

5 Kahatib kittorngangita assingit abvakungine immeraumut pilaukput iglugaseksoarnik 10 nik, kinguvarênit Efraimekunit, kinguvarênit Danekunit, kinguvarênillo Manassekut ketterkanginit.

6 Gersonible kittorngangit tapsomatsainaub kinguvangit pilaukput imeraumut iglugaseksoarnik 13 nik, kinguvarênit Isascharekunit, kinguvarênillo Asserkunit, kinguvarênillo Naftalikunit, kinguvarênillo Manassekut ketterkanginit Basaneme,

7 Merarib kittorngangita abvakungit pilaukput iglugasek-

soarnik 12 nik, kinguvarênit Rubenekunit, kinguvarênit Gadekunit, kinguvarênillo Sebulonekunit.

8 Taimak Israelib kittorngangita Levitit tunnitsivigivait imeraumut iglugaseksoarnik makkoninga aiparusinginiglo iglugaseksuit avatane, sorlo Nalekab Moses perkolaungmago.

9 Kinguvarênit Judab kittornganginnit kinguvarênillo Si-meonib kittornganginit tunnijilaukput iglugaseksoarnik makkoninga tailauktamingnik attinginut.

10 Aronib kittornganginut Kahatib abvakunginut Levib kittornganginit; imeraut sivorlek tapkonunga illingalaungmat.

11 Taimak tunnitsivigilaukpait Kiriath Arbamik, Enakib atâtanganut illingalauktomik, tagva Hebronemik, Judab kakkangine, aiparusinginiglo avatâne.

12 Iglugaseksuille perorsêvingit, iglugasengillo tunnivait Kalemot Jefunib erninganut kingormgutijanganut.

13 Taimak Aronib kittorngangit tunnitsivigivait tokkotsijut kimik pitlartaujungnaivinganik Hebronemik aiparusinginiglo avatâne, Libnamiglo aiparusinginiglo avatâne,

14 Jatiremiglo aiparusinginiglo avatâne, Esthemoamiglo, aiparusinginiglo avatâne,

15 Holonemiglo aiparusinginiglo avatâne, Debiremiglo aiparusinginiglo avatâne,

16 Ainemiglo aiparusinginiglo avatâne, Jutamik aiparusinginiglo avatâne, Beth-Semesemik aiparusinginiglo avatâne; iglugaseksoarnik 9 nik kinguvarênit maggoinit tapkonangat.

17 Kinguvarênillo Benjaminekunit tunnijilaukput iglugaseksoarnik sittamainik: Gibeonemik aiparusinginiglo avatâne,

18 Gebamiglo aiparusinginiglo avatâne, Anatotemiglo aiparusinginiglo avatâne, Almonemiglo aiparusinginiglo avatâne.

19 Aronib ajochertuijub kittorngangita iglugaseksoangit kat-tilugit 13 ôlaungmatta aiparusingit avatâne illaliudlugit.

20 Kahathible kittorngangita assingita abvakungit, Levitit, imerautimikut pilaukput iglugaseksoarnik sittamanik kinguvarênit Efraimekunit.

21 Tunnitsivigivaillo tokkotsijut pitlartaujungnaivinganik Sechememik aiparusinginiglo avatâne Efraimib kakkangine, Geseremik aiparusinginiglo,

22 Kibzaimik aiparusinginiglo, Beth-Horonemik aiparusinginiglo.

23 Kinguvarênit Danekunit iglugaseksoarnik sittamainik: Eltekemik aiparusinginiglo avatâne, Gibtonemik aiparusinginiglo avatâne,

24 Aijalonemik aiparusinginiglo avatâne, Gath-Rimonemik aiparusinginiglo avatâne.

25 Kinguvarênit Manassekut ketterkanginit iglugaseksoar-

nik magguinik: Thaenachemik aiparusinginiglo avatâne, Gath-Rimonemik aiparusinginiglo avatane.

26 Kahatib kinguvangita assingita kittorngangita iglugaseksoangit 10 ôlaungmatta, aiparusingit avatâne illaliudlugit.

27 Gersonible kittorngangit Levitit abvakunginit tunnitsiviovut kinguvarênit Manassekut ketterkanginit iglugaseksoarnik magguinik: Tokkotsijut pitlartaujungnaivinganik, Golanemik Basaneme aiparusinginiglo avatâne, Beestharamik aiparusinginiglo avatâne.

28 Kinguvarênit Isascharekunit, iglugaseksoarnik sittamainik: Kis-Jonmik aiparusinginiglo avatâne, Dabrathemik aiparusinginiglo avatâne,

29 Jarmuthemik aiparusinginiglo avatâne, Enganimik aiparusinginiglo avatâne.

30 Kinguvarênit Asserkunit iglugaseksoarnik sittamainik: Misealemik aiparusinginiglo avatâne, Abdonemik aiparusinginiglo avatâne,

31 Helkathemik aiparusinginiglo avatâne, Rehobemik aiparusinginiglo avatâne,

32 Kinguvarênit Nafthalikunit iglugaseksoarnik pingasu-inik: pitlartaujungnairvingmik tokkotsijunut Kedesemik Galilæame, aiparusinginiglo avatâne, Hamoth-Doremik aiparusinginiglo avatâne, Karthanemiglo aiparusinginiglo avatâne.

33 Gersonib kinguvangita iglugaseksoangit kattilugit 13 ôlaungmatta aiparusingit illaliudlugit.

34 Merarible kittorngangita abvakungit Levitit assingit, tunnitsiviolauput kinguvarênit Sebulonekunit iglugaseksoarnik sittamainik: Jakneamemik aiparusinginiglo avatâne, Karthamik aiparusinginiglo avatâne.

35 Dimnamik aiparusinginiglo avatâne, Nahalemik aiparusinginiglo avatâne.

36 Kinguvarênit Rubenkunit iglugaseksoarnik sittamainik: Bezeremik aiparusinginiglo avatâne, Jahzamik aiparusinginiglo avatâne,

37 Kedemothemik aiparusinginiglo avatâne, Mefaathemik aiparusinginiglo avatâne,

38 Kinguvarênit Gadekunit iglugaseksoarnik sittamainik: tokkotsijut pitlartaujungnairvinganik Ramothemik Gileademe aiparusinginiglo avatâne,

39 Mahanaimemik aiparusinginiglo avatâne, Hesbonemik aiparusinginiglo avatâne, Jaeseremik aiparusinginiglo avatâne.

40 Taimak Merarib kittorngangita iglugaseksoangit abvakungita Levitit assingita akkorngane, imerautingat malliklugo 12 ôlaukput.

41 Levitit iglugaseksoangit Israelib kittorngangita kingorm-

gutijangata akkorngane kattilugit 48 ôlaukput, aiparusingit avatâne illaliudlugit.

42 Iglugaseksuillo tapkoa attunit aiparusekalaukput avatimigut, aipaingit aipaingititut.

43 Taimak Nalekab Israelitit tunnitsivigilaukpait nunamik illunânik, angermarijutigilauktaminik atatagijanginut tunniji-jomavlune, aksarnigarilaukpâllo innigilugolo.

44 Nalekablo ullapitaujuinermik tunnitsivigivait avatinginênut tamaita pivlugit, sorlo atatagilauktangit angermarilaungmagit; omigijingitalo illangatalonêt akkerartorlaungilait, omigijingille illunaita tunnilaukpait tapkoa agganginut.

45 Kingomajaujokalaungilak ajungitut illanganiglonêt, Nalekab okauserilauktangita Israelib iglomiokottinginut; kailaukput illunatik.

KAPITEL XXII.

Kinguvarêt maggoit koppaillo angerarkojauningit, sennaningallo Altaremik.

TAGVA Josuab Rubenekut Gadekullo kinguvarêllo Manassekut ketterkangit kaikovait,

2 Okautilugillo: Tamainik pinniarlaukpose Mosesib Nalekab kivgangata perkolauktanginik illipsingnut, nippimniglo naletsiarlaukpose tamaine perkolauktamne illipsingnut.

3 Kattangutise kemmalaungilasse akkunit, uvlok tamanna tikkilugo, ungalaukposelo Nalekab Gudipse perkojanganut.

4 Nalekab Gudipse manna kattangutise merngoêrservingmut âtsarêrmagit sorlo okarvigilaungmagit, tagva sanguleritse manna, ailuselo iglupsingnut, kingormgutijapse nunanganut, Mosesib Nalekab kivgangata tunnilauktanganut illipsingnut Jordanib akkiane.

5 Manale katsungailuse attaruilititse pinniarkovluse Nalekab perkojanga illusiokojangalo, Mosesib Nalekab kivgangata perkolauktanga illipsingnut malliklugo, naglikovluse Nalegap-singnik Gudipsingnik, arvertarluselo apkosiningine tamaine, mallikovluselo perkojanganik, ungaluselo tapsomunga, kivgartorkovluselo tapsomunga, omamut tamanut tarnemullo tamanut.

6 Taimak Josuab saimarpait aularkolugillo, ailaukpullo iglomingnut.

7 Mosesib kinguvarêt Manassekut ketterkangit tunnitsivigilaukpait Basaneme, ketterkangillo aipaingit Josuab tunitsivigivait kattangutingita akkorngane Jordanib miksâne kangiane. Aularkolaungmagillo iglunginut, saimarlaukârlugillo,

8 Okarpok tapkonunga: Utterpose iglupsingnut perkuteli-

jarluse unnuktunik, nergjutinik unnuktunik, Silberemik, Goldemik, kanujarmik, kikkiengmik, anorangniglo; tagva manna omigijipse aksartaujutigijangit aviksikik kattangutipsingnut.

9 Taimak Rubenekut Gadekullo, kinguvarêllo Manassekut ketterkangit utterput, aularlutiglo Israêlib kittornganginit Silomit, Kanaanib nunanganetomit, aikovlugit nunamut Gileademik attelingmut, nunamut kingormgutijamingnut, kenuarijamingnut Nalekab perkojininga malliklugo Mosesekut.

10 Tikkinamiglo kigilervingmut Jordaneme Kanaanib nunanganetomut, Rubenekut Gadekullo, kinguvarêllo Manassekut ketterkangit sennavut tagvane Jordaneme Altaremik angijomik ânanamik.

11 Israelible kittorngangit tussaramik okartokarmat: Ahâk Rubenib kittorngangit, Gadiblo kittorngangit, kinguvarêllo Manassekut ketterkangit Altaremik sennalaukput, nuna Kanaane akkerartorlugo, Jordaneme Israelib kittorngangita miksane,

12 Tagva kattilerput illagêt illunamassiatik illagilugit Silome unatadlarnermut, aivigijomavlugit.

13 Tilliklerpullo tapkonunga nunamut Gileademut, Pinehasemik Eleaserib ajochertuijub erninganik,

14 Illakartilugolo angajokaunerojunik 10 nik atatamik iglomiokattingita akkornganetunik, kinguvarênit illunainit attunit attausemik.

15 Tikkigamigillo nuname Gileademe, okarkattigivait okarlutiglo:

16 Nalekab illagêktokotingita illunatik imak okautsaukovâse: Kanok idluitullivise taimak Israelib Gudinganut, tunnulerapse uvlome Nalekamit, senanipsingnut Altaremik, kattakapse Nalekamit?

17 Peorib idluitullijutigijanga mikkigivittigo? sujungaititaujutigingitavut sulle, uvlok tamanna tikkilugo, kappianartorlo tikkilaukpok Nalekab illagêktokotingita akkornganut.

18 Illipselo uvlome sangulerpose Nalekamit, uvlomelo Nalegak kemakpasse, uvlome kaupallonêt ningaumajalerkovlugo Israelib illagêngningit illunaita pivlugit.

19 Kingormgutijapse nunangat ivsornarasugigupsiuk, tagva kaileritse akkianut, nunamut Nalekab pigijanganut, Nalekab iglungata nangervigijanganut, kingormgujileritselo akkonaptingne, Nalegarlo kemangniarassiuk, kemangniaratigullo, sennanipsingnut Altaremik illipsingnut, Nalekab Gudipta Altarekotingata assianik.

20 Achan Serab erninga idluitullilaungilâk nungutaksat pitjutigallugit, ningaumajarnerlo pivok illagêktunut illunainut? kissiovlunelo pejartaulaungilak idluitullinine pivlugo.

21 Tagva Rubenib kittorngangit, Gadiblo kittorngangit,

kinguvaréllo Manassekut ketterkangit kiovut, okarlutiglo, Israelib angajokanginut anginerojunginullo:

22 Gude pitsartujok, Nalegak, Gude pitsartujok, Nalegak tamna kaujimavok, Israelitillo kaujimagivut kattakupta, idluitulliguptalonét Nalekamut; tagva ikkajorniaranittigut uvlome!

23 Tamana pivlugo Altaremik senalaurupta sangujomagpta Nalekamit, tunergutinik otaksanik, tunergutiniglonét nerrijaxsanik tunijjomavluta kângane, tunnerguteniglonét kujalijutiksanic illijiluta kângane Nalekab sângane, tagva tamua nangminek akkiortaujomalerle!

24 Piniangârlaungikuptalo illimasungnermut, imaitomik okarapta: Uvlojomârtune kittorngase okarajarmatta kittorngaptingnut: Sunamik illangiutivikarkise Nalekamik Israelib Gudinganik?

25 Nalekab Jordane kigililervingortilaukpa uvagut illipselo Rubenib Gadiblo kittorngangita akkonaptingnut; illangiutivikangilase Nalekamik. Taimailiornermut kittorngapse kittorngavut nûtinajarpait sivoranermut Nalekamik.

26 Tamana pivlugo okalaukpogut: Altaremik senalerta, tunergutiksamuungitok, tunnergutiksannullonét otaksanut:

27 Kigligiudsijokovlugole akkonaptingne akkonapsingnelo, kinguvârijomârtaptalo akkorngane, Nalegak kivgartorungnarlugo sângane, tunnergutiksaptingnut otaksanut, tunnergutiksaptingnullo kujalijutiksanut, tunnergutiaptalo assinginut; kittorngase, nelliutsomârtome okarungnarkonagit: Illangiutivikangilase Nalekamik.

28 Taimagle okarajarpatta, kinguvaptingnnullonét nelliutsomârtome, tagva okarungnarajarput: Tækkoleritse Nalekab Altaringata adsinganic, atatagijapta senalauktanganik, tunnergutiksamuungitok, tunnergutingnnullonét otaksanic, kigligiudsijomulle akkonaptingne pivlutalo.

29 Tamana ungasigle uvaptingnit kemainivut Nalekamik, uvlome sangujomagapta tapsomangat, Altaremiglo senajomagpta tunnergutiksanic otaksanic, tunnergutiksannullo nerrijaxsanik, tunnergutiksannullonét assinginut, Nalekab Gudipta Altaringata iglungata sânganetub assianik.

30 Pinehasible ajochertuijub, illagêktullo angajokangita, Israelitit attaniotijungita, tapsoma illagijangita, okautsit makkoa tussaramigit, Rubenib, Gadiblo, Manassiblo kittorngangita okauserijangit, namagivait.

31 Pinehaselo Eleaserib ajochertuijub erninga okarpok Rubenib Gadiblo Manassiblo kittornganginut: Uvlome tukkisivogut Nalekab akkonaptingneninganic, idluitullilaunginipsingnik Nalekamut piniarnermut mattomunga. Manna Israelib kittorngangit piulilaukpasse Nalekab agganginit.

32 Tagva Pinehas Eleaserib ajochertuijub erninga angajo-

kajallo aularput nunamit Gileademit Rubenib Gadiblo kittornganginit, nunamut Kanaanemut Israelib kittornganginut, okarlutiglo tamattominga tapkonunga.

33 Israeliblo kittorngangita tamana idluarivât, Israeliblo kittorngangita Gudingat nakorivât, okarungnailutiglo takpaungaromagamik kattimgajunut unatadlarvigijomavlugit, nuna asseroromavlugo Rubenib Gadiblo kittorngangita innigijangat.

34 Rubeniblo Gadiblo kittorngangita Altare tamna taivât: kigligiudsijokovlugo akkonaptingne pivluta, pivluselo, Nalegarlo Gudeôngmat.

KAPITEL XXIII.

Josuaab Israelitit katterkovait kaïblarlugillo.

AKKUNILLO Nalekab âtsilaungningata Israelitinik merngoêrsernermut, omigijingit avatinginetut tamaita pivlugit kingorngane, Josualo mana îtolaurame uvlokaramelo unuktunik;

2 Israelitit illuêngarlutik, angajokangillo, angajokaunerôjungillo idluarsaijungillo, aulatsijungillo kaikovait okautilugillo: Innutokauvunga manna, uvlokarlunga unnuktunik;

3 Tækkolaukposelo tamainik Nalekab Gudipse piniarnerilauktanginik innukattigéksoarne tamakkonane tamaine sivunapsigut: Nalekab Gudipse nangminek sorsugutigilaungmasse,

4 Ahâk innukattigêt amiakojuksulle imerautigitilugit avilaukpakka illipsingnut, kinguvarêt illunatik attunit kingormgutijaksanginik, Jordanemit, innukattigêllo illunaita nungutilauktakka, imarbiksoak angijok sekkerngub nippijarviata nellânetok tikkilugo.

5 Nalekablo Gudipse pingujarniarpait sivunipsigut, aulartiniarlugillo illipsingnit, aksarnikovluse nunamik; sorlo Nalekab Gudipse okautilaungmasse.

6 Tagva manna maksoadlaritse, sapkutsitailikovluse, pinniarikovluselo tamainik aglaksimajunik Mosesib aglakotingine perkojaktalingne senniagorkonnase tamakkonangat tallerpingmullonêt, saumingmullonêt.

7 Inukattigêt amiakojuks makkoa illipsingnetut akkornganut pikonase; issumaksarsiorikonaselo angerkonaselo Gudingoata attingine, kivgartorkonaselonêt tapkoninga, tuksiarviginagillonêt.

8 Ungakovlusele Nalekamut Gudipsingnut, sorlo uvlok tamanna tikkilugo pilaurapse.

9 Tagva Nalekab Gudipse nunakattigêksuit unuktôjut songojullo pingujarniarpait sivunipsigut; uvlorlo tamanna tikkilugo nangertokarungnarlaungilak sâpsingne.

10 Illapse illangata 1000 dit kemâtinierpait Nalekab Gudipse sorsugutigingmasse, sorlo okautilaungmasse.

11 Taimainat attaruilinerpangôjomik tarnise sapputisigik, naglikovluse Nalekamik Gudipsingnik.

12 Sangulerupse, innukattigêllo tapkoa amiakojut ungagigupsigik, aipaniktigêgupse akkornganut pikovluse, tapkoalo akkonapsingnut pilutik;

13 Tagva kaujimaleritse Nalekab Gudipse innukattigêt ukua pingujarungnainiarmagit sivunipsigut; tapkoale kellerutingorniarlutiglo nulluangorniarpuit illipsingnut, issakautingorniarpullo sennerapsingne, kapputingorniarlutiglo ijipsingne, pêjartaukârtinase tapsomunga nunamit ajungitomit tamattomangat, Nalekab Gudipse tunnilauktanganit illipsingnut.

14 Ahâk, uvlome aivunga sillaksoarmiut illunatik aivigivaktanganut, illipselo kaujijuksauvose omamut tamânut, tarne-mullo tamânut, okautsemik attautsemiglonêt kingomajaujokalaungimat ajungitunit Nalekab Gudipse okauserilauktanganit illipsingnut; tamaita tikkisimavut, tikkingitokangilarlo attautsemiglonêt.

15 Sorlo manna ajungitut tamaita tikkisimangmatta Nalekab Gudipse okautigilauktangit: taimak Nalekab idluitut tamaita tikkerkojomârivait illipsingnut, pejaikârtinago illipsingnik nunamit ajungitomit mattomangat Nalekab Gudipse tunilauktanganit illipsingnut;

16 Tappagigupsiuk Nalekab Gudipse angerutigijanga, perkolauktanga illipsingnut, aigupselo kivgartorluselo Gudib assingirik (Gudingoanik) tuksiarvigigupsigiglo, tagva Nalekab ningausinga illungertorniarpok pivluse, pêjarniarpâselo nunamit ajungitomit tunnilauktaminit illipsingnut.

KAPITEL XXIV.

Josuab kingorlerpâmik Israelitit katterkovait Sicheme. Tap-somalo Eleaseriblo tokkonigik.

JOSUAB Israelib kinguvarêngit illunaita katterkovait, kaikolugillo Israelitit angajokangit, angajokaunerôjungillo, idluarsaijungillo, aulatsijungillo. Gudiblo sanganut ablorêrmatta,

2 Okarpok inugiartoksoarnut illunainut: Imâk Nalegak Israelib Gudinga okarpok: Atatagilauktase nunakalaukput itsaksoarme kôksuit akkiane, Tharah, Abrahamib Nahoriblo atâtangak, kivgartorlutiglo Gudib assingirik (Gudingoanik).

3 Tagva Abraha atatagijase tigulaukpara koksuit akkiane, arvertarkolugolo nuname Kanaaneme illunane, unnuksitilugillo kinguvangit, tunitsivigilaukparalo Isaangmik.

4 Isaaglo tunnitsivigilaukpara Jakomik Esaumiglo, Esaulo tunnitsivigilaukpara nunaksanganik kakkanik, Seiremik attingnik. Jakole kittorngangillo attersarlaukput Egiptenemut.

5 Tagva Moseses Aronelo tillilaukpâka, Egiptenemiullo kapiasuktilaukpakka, sorlo akkorngane pinnialaurama.

6 Kingornganelo illipse atâtagijaselo aulartilaukpapse. Imarbingmullo pilaurapse, Egiptenemiullo atâtagijasse udlalaungmattigik aksalloalikutigut horsekutigullo imarbingmut iviksoatalingmut suvlolingnik,

7 Tagva Nalekamut nipliadlilaukput, tapsomalo tâksoak pitilaukpa, illipse Egiptenemiullo akkorngænut, imarbiaksoarlo âlugo kânginut, ullilaukpait. Ijisselo tækkolaukput sunamik piniarnerilauktamnik Egipteneme. Illipse nunakalaukpose sunakangitome akkunit.

8 Uvangelo âlaukpapse Amoriterit, Jordanib akkiane nuna-kalauktut, nunanganut; unatadlarvigilaungmasselo tunnilaupakka aggapsingnut, nunanganik perkutisiniarluse; nungut-laukpakkaalo sivunipsigut.

9 Tagva Balak, Ziporib erninga Moabiterit attaningat opalungailerlaukpok, sorsugvigilugillo Israelitit, tilliklerlunelo kajojaukojilunelo Bileamik Beorib erninganik, ominarsijaukojikoavlugo illipsingnik;

10 Uvangale tussaromalaungilara. Saimartilaukpâselo, uvangelo piulilaukpapse taipsoma agganginit;

11 Jordanemiglo ikkartilluse Jerichomullo piluse, Jerichomiut sorsugvigilaukpâse, Amoriterit Feresiterit, Kanaaniterit, Hethiterit, Girgositerit, Heviterit, Jebusiterit, tunnilaupakka aggapsingnut.

12 Igupsaksuillo tillilaukpakka sivunipsigut, tapkoa aulartilaukpait sivunipsigut, Amoriterit attannigik, saviksoapsingnuungitok pitiksipsingnuungitorlonêt.

13 Nunamiglo tunnitsivigilaukpapse sennavigilaungitapsingnik, iglugaseksoarniglo iglogaselliortalungitapsingnik, iglokar-kovluse tapkoninga, nerriluselo perorsêvingnit Weineliaksatalingnit, perorsêvingnillo orksuksâtalangnit, illilaungitapsingnit.

14 Tagva manna Nalegak sivoragisiuk kivgartorlugolo nertornartomik idluartomiglo, Gudingoallo atâtagijapse kivgartorlauktangit kôksuit akkiane, Egiptenemelo ipperarsigik, kivgartorluselo Nalekamik.

15 Kuviagijaungipalle illipsingnut, Nalegak kivgartorlugo, tagva uvlome annerosugitse kinamik kivgartoromangmangapse, Gudemik tapsominga, atâtagilauktapse kivgartorlauktanganik kôksuit akkiane, Amoriterillônnet nunagijapse innungita Gudingoanginik. Uvangale iglomiokattimalo Nalegak kivgartoromavut.

16 Tagva innugiartoksuit kiovlutiglo okarput: Tamanna

ungasigle uvaptingnit, kemailuta Nalekamik, kivgartorlulalo Gudib assinginik Gudingoanik.

17 Nalekab Gudipta uvagut atatagijavullo tessiorlaungmat-tigut Egiptenemit kippaloviub iglunganit, ijitalo sângine nellonaikutakartitsilaukpok angijunik, sapputilaupâtigullo apkome ingergarvigilauktaptingne illunane, innukattigêksuillo illunatik akkorngane tapkutiguna apkosarutigilauktapta;

18 Sivunipsigullo innukattigêksuit Amoriterit illunaita nunakalauktut nuname pingujarlaukpait: Tamanna pivlugo Nalegak kivgartoromavavuttauk; Gudigigaptigo.

19 Josua inugiartoksoarnut okarpok: Nalegak kivgartorungnangilasse; Gudeôngmat heiligeojok, Gudeôngmallo illungertortok, tappanipsingnik ajornipsingniglo pitlartautitsitailinigitok.

20 Nalegarle kemmagupsiuk, Gude tækkorngartak kivgartorlugo pigupse, tagva allarniarpok, kappiasuktiniarluselo nungutiniarpâselo ajungitullivigilaukârluse.

21 Innugiartoksuillo Josuamut okarput: Taimangolungitok, Nalegarle kivgartoromavavut.

22 Tagva Josua innugiartoksoarnut okarpok: Illipse kigligiudsijôvose pivluse, Nalegak annerigapsiuk kivgartoromav-lugo. Tapkoalo okarput: Ahaila.

23 Tagva manna Gudioat tækkorngartat akkonapsing-nêtut pêjarsigik illipsingnit, omattiselo mannisigik Naleka-mut Israelib Gudinganut.

24 Innugiartoksuillo Josuamut okarput: Nalegak Gudivut kivgartoromavavut nippingalo nalegomavavut.

25 Taimak Josuab uvlorme taipsomane inugiartoksuit angerkattigivait, mannijivigilugillo Sichememe perkojanik idluarkutaunerniglo.

26 Josuablo tamakkoa tamaita aglalaupkait Gudib aglakotinginut perkojaktalingnut; tigusilunelo ujarkamik angijomik, nappartilugolo tagvane, nappartub Eichemik attiggub Nalekab ivsornaitovikotingata kanitanganêtub attâne.

27 Okarlunelo innugiartoksoarnut illunainut: Ahâk ujarak una kigligiudsijojuksauvok akkonaptingne; tussarlarame Nalekab okalaninginik tamainik, okauserilauktanginik uvaptingnut; kigligiudsijojuksauvorlo pivluse, missiarkonnase Gudipsingnik.

28 Taimak Josuab innugiartoksuit aularkovait, illunaita attunit kingormgutijanginut.

29 Pijokartullo tamakkoa kingorngane pijokalaukpok Josua, Nunib erninga tokkolaungmat Jahrekarlune 110 nik.

30 Illijartortaulaukporlo kingormgutijame kigililervingane, Thimnath Serahme, Efraimib kakkanginetome, kakkab Gaa-semik attiggub tachâne.

31 Israelitillo Nalegak taimak akkunêrtigijomik kivgartor-laukpât Josua innotillugo, angajokajallo akkunit Josuab king-orngagut innôlauktut, kaujimalauktullo Nalekab pinniarninginik tamainik, pinniarnirilauktanginik Israelitinut, innôtil-lugit.

32 Josefib timinga Israelib kittorngangita neksarlauf-tangat Egiptenemit illijartorpât Sicheme, natename Jakob pissiarilauktangane Hemorib, atâtaulauktub Sichememut kit-tornganginit, kênaujanut 100 dinut, kingormgutijaulaukporlo Josefib kittornganginut.

33 Eleaserelo Aronib erninga tokkolaurivok, illijartorpâllo Gibeame, erningata Pinehasib pigijangane tunergusearilauk-tangane Efraimib kakkangine.

Idluarsaijut aglangit.



KAPITEL I.

*Kinguvarêt Judakut aulatsivut unatadllarnermik Josua
immanêrlugo.*

JOSUAB tokkungata kingorgane Israelib kittorngangita Nalegak appertsorpât, okarlutiglo: Kina akkunaptingne unatadllarnermik Kanaaniterinut aulatsijuksauva?

2 Nalegak okarpok: Judakut aulatsijuksauvut tamattominga. Ahâk, nuna tunnimavara agganginut.

3 Tagva Judakut kattangutimingnut Simeonekunut okarput: Takpaungarkattigitigut immerautiptingnut, sorsugiarluta Kanaaniterinut, tagva aularkattaumagivogut imerautipsingnut. Taimak Simeonekut aularkattigivait.

4 Judakut manna takpaungarmatta, Nalekab Kanaaniterit, Feresiterillo tunnivait tapkoa agganginut, ullimarpaillo Bese-keme angutit 10,000 dit,

5 Naipipållo Adoni-Besek Besekeme, sorsugvigivållo, ullimarpaillo Kanaaniterillo Feresiterillo.

6 Adoni-Besekele kemâvok, unangmivållo, angugamitsuglo, kublugik aggangine, puttokogiglo ittiggangine nakkarpait.

7 Tagva Adoni Besek okarpok: Attannit 70 git kippivio-majut kublomingnik aggangine, puttogomingniglo ittiggangine, kattersoilaukput nerrimârvingma attâne. Sorlo manna uvanga pinnialaurama, taimak Gudib akkinniarvigivânga. Atauvorlo Jerusalem, tokkolumelo tagvane.

8 Judable kittorngangita Jerusalem sorsugvigilerpait, salagivaillo, ullimarlugillo saviksub kênanganut, iglugaseksuillo ikkipait.

9 Kingorngane Judab kittorngangit attersarput, Kanaaniterit, nunakalauktut kakkane sekkernganelo, nâksanelo sorsugvigilugit.

10 Judakullo aularput Kanaaniterinut Hebroneme nuna-kartunut (Hebronele mattoma sivorngagut Kiriath-Arbamik attekalaupok) Sesailo, Ahimanelo Thalmailo ullimarpait.

11 Tagvangallo aivut Debiremut (Debirele mattoma sivorngane attekalaupok Kiriath Seferemik)

12 Kalelo okarpok: Kina Kiriath-Seferemik ullimarniktok sâlakartorlo, tamna pannimnik Achsamik tunnitsivigijomavara nulliaksamut.

13 Tagva Athnielib, Kenasib, Kaleb nukkangata erningata salagivait. Tapsomalo tunnitsivigiva panniminik Achsamik nulliaksamut.

14 Pijokalauporlo, tamna ittermat okautsaulaupok, ken-nukovlugo atâtaminut perorsêvingmik; akkarporlo siutekokto-jomit. Tagva Kaleb okautiva: Kannoêkit?

15 Tamna okarpok: Saimanermik tunnitsivigilaunga. Perorsêvingmik sekkernganêtomik tunnitsivigilauranga, tunnitsivigilaungatauk immektalingmik, Tagva tunnitsivigiva immektalingmik, kollâne attânelo.

16 Keniteriblo Mosesib sakkingata kittorngangit, takpaung-arput iglugaseksoarnit Palmitalingnit, Judab kittorngangit illagilugit Judab sunakajuininganut, iglugaseksuit Arademik attiggit sekkernganetomut, ailutiglo, nunakarlutiglo innugiartoksuit akkorngane.

17 Judakullo aularput kattangutitit Simeonekut illagilugit, ullimarpaillo Kanaaniterit Zefateme, nungupaillo, iglugaseksuillo atserarpait Harmamik.

18 Tamakkoa tappilugit Judakut Gaza illagijangit illaliudlugit salagivait, Askalonelo illagijangit illaliudlugit, Ekronelo illagijangit illaliudlugit.

19 Nalekablo Judakut illagivait, sâlakarkovlugit kakkane-

tunik, naksarmiulle salagijungnarlaungilait, kikkiengnik aksal-loalikutekalaungmatta.

20 Kalelo tunnitsivigivât Hebronemik, sorlo Mosese oka-laungmat; tapsomalo aulartipait tagvangat Enakib erningit pingasut.

21 Benjaminible kittorngangita Jebusiterit Jerusaleme nunakalauktut aulartilaungilait, Jebusiterille Benjaminib kittorngangine Jerusaleme nunakalaukput ùvlok tamanna tikkilugo.

22 Taimaktauk Josefib kittorngangit takpaungarlaukput Bethelmut, Nalekablo illagivait.

23 Josefekullo Bethele, sivorngane Lusemik attekalauktut, nautsertoriartorpait.

24 Nautsertortullo angut iglugaseksoarnit annijok tækkovât, okautilugolo: Unertotitigut, naukut tikkitsungnarniptingnik iglugaseksoarnut, tagva napkiningnermik pinniarvigijomavaptigit.

25 Unertotimagillo naukut iglugaseksoarnut tikkiniganik, ullimarpait iglugaseksoarmiut saviksub kênanganut; angulle tamna, illangillo illunaita aularkovait.

26 Tagva angut tamna ailaukpok Hetitherit nunanganut, sennalunelo iglugaseksoarnik, taisilunelo tapkoninga Lusemik; sullelo uvlome, uvlorme tamattomane taimak taijauvut.

27. Manassekullo Beth - Seanemiut iglugaseksoakattिंगitalo innungit aulartilaungilait, Taenahemiullonêt iglugaseksoakattिंगitalo innungit, Toremiullonêt iglugaseksoakattिंगitalo innungit, Meggidomiullonêt iglugaseksoakattिंगitalo innungit; Kanaaniterillo nunakalerlaukput nuname tamattomane.

28 Israelitille songolerlauramik Kanaaniterit akkilêjuksangortipait, aulartilaungilaillô,

29 Taimaktauk Efraimekut Kanaaniterit Gaseremelauktut aulartilaungilait: Kanaaniterille tapkoa akkorngane nunakalaukput Gasereme.

30 Sebulonekullo Kitronemiut Nahalolemiullo aulartilaungilait; Kanaaniterillo tapkoa akkorngane nunakalaukput akkilêjuksangortitaumalutiglo.

31 Asserekut Akomiut, Zidonemiullonêt, Ahelabemiullonêt, Achsibemiullonêt, Helbamiullonet, Afikemiullonet, Rehobemiullonêt aulartilaungilait;

32 Asserekulle nunakalaukput Kanaaniterit nunamelauktut akkorngane; aulartilaungimattigik.

33 Naftalikut Bethsesemesemiut, Beth-Anatemiullonet aulartilaungilait; nunakalaukpulle Kanaaniterit nuname nunakalauktut akkorngane; Bethsesemesemiulle Beth-Anatemiullo akkilêjuksangolerput.

34 Amoriterillo Danib kittorngangit singipait kakkanut, naksarnullo tikkitailitipait.

35 Amoriterillo nunakalerput kakkane Heresemik attilingne,

Ajaloneme, Saalbimemelo. Josefekulle aggangit okkumailuali-laukput tapkonunga, akkilêjuksangolerpullo.

36 Amoriterillo kigililervingat takpaungarvingmelaukpok apkome Akrabimut, kairtomillo, kotsiktomillo.

KAPITEL II.

*Israelib kittorngangita nippunganingat, kattangningallo
piltartauningallo.*

NALEKABLE Engelinga kailaukpok takpaunga Gilgalemit Bochimemut, okarlunelo: Tessiorlaukpapse takpaunga Egiptenemit, tikkiutiluselo nunamut atâtagijapsingnut angerutigilauktamnut, okalaukpungalo: angernerâ illipsingnut sokkosertitso-manginapko issokangitomot:

2 Illipse angerkattigêngnermik pijuksaunginapse nunab tamattoma innunginut; Altarekotingillo serkomitaksarigapsigik. Illipsele nippiga nalelaungilasse. Sôg taimailiorlaukise?

3 Tagva okalaurivunga: Péjaromangilakka sivunapsingne, kellerutiksangolerkovlugit illipsingnut, Gudingoangillo nulluangolerkovlugit.

4 Nalekablo Engelinga taimaitunik okautsinik okarêlaungmat Israelib kittornganginut illunainut, inugiartoksuit nippitik kagvarpait kêalutiglo.

5 Innelo tamana atserarpât Bochimemik, tunnijilutiglo tunnergutinik Nalekamut,

6 Josuable innugiartoksuit aularkolaungmagit, Israeliblo kittorngangit aularlaungmatta, attunit kingormgutijamingnut, nuna aksarnigarilugo,

7 Innugiartoksuit Nalegak kivgartorlaukpât Josua innotillugo, angajokajallo, akkunit Josuab kingorngane innôlauktut, tækkolauktullo Nalekab pinniarnersoanginik tamainik, piniarnirilauktanginik Israelitinut, innotillugit.

8 Josualo nunib erninga, Nalekab kivganga tokkolaungmat Jahrekarlune 110 nik,

9 Illijartorpât kingormgutijangata kigililervingane, Thimnath-Hereseme, Efraimib kakkanginetome, kakkab Gaasemik attiggub tachâne.

10 Illunatiglo, nelliutome taipsomane innôlauktut, katter-sortaujarêlaungmatta atâtagijamingnut, tagva tapkoa kingorngane kinguvarêkalerpok assianik, Nalekamik illitarksilungitunik, pinniarnerniglônêt pinniarnirilauktanginik Israelitinut.

11 Tagva Israelib kittorngangit idluitullivut Nalekab sângane, Baalillo kivgartorpait,

12 Kemakpâllo Nalegak atâtagijangita Gudingat, tessior-

nilauktok tapkoninga nunamit Egiptenemit, malliklutiglo Gudib assinginik, innukattigêksuillo avatinginelauktut Gudinginik-tauk, tuksiarvigivaillo, Nalegarlo ningarosuktipât.

13 Nalegak kemakattarmatsuk, kivgartorlutiglo Baalemik, Astharotemiglo.

14 Taimak tagva Nalekab ningarninga illungertudlalaukpok Israelitit pivlugit, tunnivaillo arktainiktut tapkoninga agganginut, aksarnikovlugit tapkoninga, niorgutigivaillo omigijingita avatânetut agganginut. Akkerartorungnarungnailaukpaillo omigijitik;

15 Naukulle annijomavingine, Nalekab aggangita akkerartorpait pillorijuijutiksanginut, sorlo Nalekab okautilaungmagit angervigimarilaungmagillo; angijomiglo okumaiksartitaulaukput.

16 Nalegak tagva idluarsaijokartitsilaurangat piuliklertunik tapkoninga, arktaijut agganginit,

17 Tagva idluarsaijut nalelaunginivait; ajortullilutigle Gudib assinginut, tuksiarvigivaillo, sangusarailutiglo apkomit atâtagijamik arvertarvigilauktanganit Nalegak naleklugo, pin-niarlaungilello taipkotitunak.

18 Nalekable idluarsaijokartilaurangagit, tagva Nalekab idluarsaijok aiparilaukpa, ikkajorlugillo omigijingita agganginit idluarsaijok innotillugo. Nalekab tapkoa ogguarningit, taipkoa okkumaiksartitsijut tapkoninga pivlugit, illapsugosujutigingmagit.

19 Idluarsaijorle tokkolaurangat, tagva sangulerput, asseroinersaulutiglo atâtagijamingnit, mallingnermut Gudib assinginik, kivgartorlugit, tuksiarvigilugillo; allailaungilet kajusimannerningnik, illinganernmingniglonêt tappatonelingmik.

20 Tamanna pivlugo Nalekab ningarninga illungertulerlaukpok Israelitit pivlugit, okarkovlugo: Inugiartoksuit ukkoa angernerera tappagilaungmatsuk atâtagijanginut perkolauktara, nippigalo nalelungimatsuk,

21 Tagva mattoma kingornagut nellojut Josuab amiakotilauktangit tokkotillugo pêjaromanginivakka;

22 Oktorkovlunga Israelitinik tapkonane, Nalekab apkosininganênarmangatta, agvertarlutiglo tamattomane, sorlo atâtagijangit tamattomanênarlaungmatta, pingimangattalonêt.

23 Taimak Nalekab nellojut taipkoa tunnilaungitane Josuab agganginut, tagvanekovait pêjarsârnamagit.

KAPITEL III.

Athniel, Ehud, Samgar, pinniarningillo.

TAMÆDSA nellojut Nalekab tagvanekojangit, oktorkovlugo Israelitinik tapkonane, kaujimalaungitunik, Kanaanib unatadlarninginik.

2 Israeliblo kittorngangita abvakungit kaujilerkovlugit, illinialerkovlugillo sorsungnermik, sivorngagut kaujilaungitut tamattominga.

3 Imagle: Filisterit attanningit tellimat, illunaitalo Kanaaniterit, Zidonemiullo, Heviterillo, nunakalauktut kakkame Libanoneme, kakkamit Baal Hermonemik attalingnut Hemathe tikkilugo.

4 Tapkoa amiakolaukput, Israelitit oktorlugit tapkonane, sakkijarkovlugo Nalekab perkojangit nalengmangagit, atâta-gijanginut perkolauktangit Mosesekut.

5 Israelitit tagva manna taimak nunakalauramik Kanaaniterit, Hetiterillo, Amoriterillo, Feresiterillo, Heviterillo, Jebusiterillo akkorngane,

6 Tapkoa panninginik nullianikput, pannitiglo tunnilaukpait taipkoa erninginut, kivgartorlutiglo taipkoa Gudingoanginik;

7 Idluitullilutiglo Nalekab sângane, Nalegarlo Guditik puigorlaukpât, kivgartorlutiglo Baalemik, perorsêvingniglo nappartolignik.

8 Tagva Nalekab ningarninga illungertulerlaukpok Israelitit pivlugit, niorgutigivaillo Kusanib Risataimib Mesopotamiab attanertangata agganginut; taimaglo Israelitit Kusan-Risatime kivgartorpât Jahrinik sittamajortunik.

9 Tagva Israelib kittorngangit niplialerput Nalekamut, Nalekablo piuliklertekartilaukpait, piuliklerniartomik tapkoninga, Athnielemik, Kenasib Kaleb nukkangata erninganik.

10 Nalekablo Annerninga illumigiva, idluarsaijolaukporlo Israelitinik, aularlunelo unatadlarnermut; Nalekablo Siriab attanertanga Kusan - Risathaim tinniva tapsoma agganginut, aggangit tapsomunga songolualilaungmatta.

11 Tagva nuna innilangalaukpok Jahrinik 40 ginik. Athnielelo Kenasib erninga tokkovok.

12 Israelible kittorgangit kingorngane idluitullilaurivut Nalekab sângane. Tagva Nalekab Eglon Moabiterit attaningat ajugautipa Israelitinut, tamanna pivlugo idluitullilaungmatta Nalekab sângane.

13 Tapsomalo illasearivait ingminut Amonib kittorngangit

Amalekiterillo; aularlaukporlo sâlagilugillo Israelitit, igluga-seksuillo Palmitaggit aksarnigarivait.

14 Israelitillo Eglon Moabiterit attananga kivgartorlaukpât Jahrinik 18 nik.

15 Tagva niplialerput Nalekamut, Nalekablo piuliklertekartipait, Ehudemik Gerab Jeminib erningata erninganik, tamna saumiolaukpok. Israeliblo kittorngangit tapsomuna pilliutiksani tillikliudjilaungmatta Eglonemut, Moabiterit attananganut.

16 Ehudib saviksoak igluktut kênalik sennava piksane, tallertut takkitigijok, tapsilugolo annorâme illuane makkitimigut tallerpingmigut,

17 Pilliutiksarlo âpa Eglonemut, Moabiterit attananganut. Eglonele anguteôlaukpok kuinidlartok.

18 Pilliutiksarlo unertutigijarêrlauramiuk, innuit pilliutiksamik akjarsilauktut aularkovait;

19 Utterlunelo Gudingoanit Gilgalemelauktunit, okautsaukojilunelo: Attanek! angiarijaujariakartunik okausiksakarpunga illingnut. Tamnale nippangerkojivok; annivullo illunatik avatingane nangertut.

20 Ehudiblo ittervigiva; tamnale iksivavok iglomine aujaksume, tapsomungaênak illingalauktome. Ehudelo okarpok: Okausakarpunga Gudemit pijunik illingnut. Tagva nikkovipok iksivautamit.

21 Ehudible aggane saumine issakpait saviksoarlo makkitiminit tallerpingminit tiguva, kappivâlo nângagut,

22 Ipubtauk saviktane mallingmago, kiksautillo ipo ullingmatsuk, (tapsoma saviksoak amulungimago nânganit) anaksak anningmat tapsomangat.

23 Ehudelo iglomit annivok, upkoarlo upkoarpa pallangairugolo.

24 Annijarêrmat mana, kivgangit itterput tækkolutiglo iglub aujaksiub upkoanga pallangairsimangmat, okarlutiglo: Anâriatorpallaivok iglub aujaksiub aiparusinganut.

25 Taimagle akkunêrtigijomik uttakkilauramik kangusulerkârtinagit (upkoak aujaksume upkoêrtaungimat kinamut) pêrut tiguvât pallangairudjarlugolo; ahâk tagva angajokangat tokkungavlune nellavok netterme.

26 Ehudele kemmâlaukpok uttakkitillugit, Gudingoallo sennerkopait, kemâlunelo Seirath tikkilugo.

27 Tagvungalo pigame, tiptulaut tiptulausijautigivâ Eframib kakkangine. Israeliblo kittorngangita aularkattigivât Eframib kakkanginit, tamnalo sivorlerivât.

28 Okautilugillo: Malliksinga, Nalekab Moabiterit omigijise tunningmagit aggapsingnut. Malliklugolo akpalliutivut, ikkârviglo Jordaneme, Moamut illingajok aksarnigarivât, ikkarkojilungilello kinamik.

29 Ullimarpaillo taipsomane Moabiterit angutit 10,000 dit, illumatik angutiôjut sorsugungnärnerpângôjut, attauserlonêt kemmânane.

30 Taimak Moabiterit taipsomane ajugaujuêrtitauvut Israelib kittorngangita agganginut. Nunalo innilangalaukpok Jahrinik 80 ginik.

31 Kingornganelo Samgar, Anathib erninga pivok; tapso-ma Filisterit 600 dit annaulerlugit tokkopait ajaupiamut, tuk-tuvângnut attortaumajomut, Israelitillo piulilaurivait.

KAPITEL IV.

Deborab, Barakib, Jaeliblo maksoaninginik.

ISRAELIBLE kittorngangit ama idluitullilaurivut Nalekab sângane, Ehud tokkolaungmat.

2 Nalekablo niorygotigivait Jabinib Kanaaniterit attaning-ata Hazoremelauktub agganginut; sorsuktuksoakotingitale angajokangat Sisseraôlaukpok, nunakalaukporlo Harosetheme nellojunut illingajome.

3 Israeliblo kittorngangit niplialerput Nalekamut; aksal-loalikutekalaungmat kikkiangnik 900 ðinik, Israeliblo kit-torngangit aksorornermut okumaiksartipait Jahrinik 20 ginik.

4 Nelliutomelo taipsomane idluarsaijolaupok Israelitinik nellautaijok arnak Debora, Lapidotib nullianga.

5 Nunakalaukporlo Debora Palmikotingita attâne, Ramab Betheliblo akkonigingne, Efraimib kakkangine. Israeliblo kittorngangit takpaungarlaukput tapsomunga idluarsaivingmut.

6 Tamna tilliklerpok Barakemut Abinoamib erninganut, Kedesemetomut Nafthalime, okautsaukolugolo: Nalekab Israelib Gudingata perkolaungilatit: Aularit ailutillo kakkamut Thaborem, illasearikillo angutit 10,000 dit, Nafthalib Sebuloniblo kittornganginit?

7 Sissera Jabinib sorsuktusaksoakotingita angajokangat aulartitsomagapko illingnut kôngmut Kisonemut, aksal-loalikoting-it unnuktokotingillo illaliudlugit, tunnijomavaralo aggangnut.

8 Barak okarpok tapsomunga: Aikattiginiarumga, aijomavunga; aikattigingikungale, aijomangilanga.

9 Tamna okarpok: aikattigijomavagit, nertortaunerle, nang-mineriniangilet aularnerne tamattomane; Nalekable Sissera tunniniarpa arnab agganginut. Taimak Debora parngnailerpok, aularlunelo Barak aiparilugo Kedesemut.

10 Tagva Barakib Sebulonekut; Nafthalikullo kaikovait Kedesemut, pissuklunelo aularpok angutit 10,000 dit illagællugit. Deborablo aularkattigiva.

11 Heberele Kenitereôjok, Keniterinnit, Hobab, Mosesib sakkingata kittornganginit aularlaukpok, tangmarlunelo Zaanaimib Eichingine, Kedesib senniane.

12 Tagva Sissera okautsaulerpok, Barak Abinoamib erninga aualrsimangmat kakkamut Thaboremur.

13 Tapsomalo aksalloalikotine illunaita katterkovait, aksalloaggit kikkiengôjut 900 dit, innugiartoksuillo illagijine illunaita, nellojut Harosetinganit, kôngmut Kisonemur.

14 Deborale Barakemur okarpok: Atte! tamanna uvloôvok Nalekab tunnijivinga Sisseramik aggangnut, Nalegak sivorlerinrangne. Taimak Barak kakkamut Thaboremur attersarpok, 10,000 dillo tapkoa mallikpât.

15 Nalekable Sissera kvaksartipa, aksalloalikotingit illunaita, sorsuktuksoakotingillo illunaita illaliudlugit, Barakib saviksoangata kênanganur, Sissera niungmat aksalloalikotiminit kemâlunelo pissuklune.

16 Barakible aksalloaggit, sorsuktuksoakattigêllo udlapait, nellojut Harosetingat tikkilugo. Sisserablo sorsuktuksoakotingit illunaita ochovut saviksub kênanganur amiakokaratik attautsemiglonêt.

17 Sisserale pissuklune kemâvok Jaelib Heberib, Kenitereôjub nulliangata tuppinganur; Attannek Jabin Hazoreme, Heberiblo Kemitereôjub iglomiokotingit ullapirsautekarkattigêlaungmatta.

18 Jael annivok Sissera pachrearlugo okautivâlo: Itterit, Nalegâk, itterviginga, sivoranaglo. Ittervigivâlo tuppinganur; ullikpâlo ulliksoarmur.

19 Tapsomale okautiva: Nagliktara immilaunga immermik immerudlarama. Tagva immukautit illangat mattoêrpa immilâlo, ulliklugolo.

20 Tapsomalo okautiva: Tuppiub pânganur nangerit, tikkitokarpallo appertsortomik, mânêtokangimangat kimik, tagva okarit: Ahaila.

21 Tagva Jaelib Heberib nulliangata kikkiek tuppermit tiguva ujaratsiarlo aggangminur, terrêdlunelo ittervigiva, kikkiêrlo katsukpa niakungata tigliktângagut nunamur pilune. Tamnale sinnisilerpok issumairotilunelo tokkolerpok.

22 Barakible Sissera udlangmago Jaelib pachreartorpâ annilune, okautilugolo: Tamaungarit, angur kennertat tækkojautitsomavara illingnur. Ittervigingmagolo Sissera tokkungavlune nellavok netterme, kikkierlo niakungata tiglertanganelaukpok.

23 Taimak Nalekab nelliutome taipsothane Jabin Kanaaniterit attaningat ajugaujuêrtipa Israelib kittorngangita sângine.

24 Israeliblo kittorngangita aggangit piganerlaukput song-

olutiglo Jabinemut Kanaaniterit attaninganut nungutsikártina-
git tapsominga.

KAPITEL V.

Deborab Barakiblo ingerutingit salakarnermik opigotiksát.

TAGVA Debora Baraklo Abinoamib erninga imgerpuk nelliutome taipsomane okarlutiglo:

2 Nalegak nertorsiuk, Israelitit kippalojungnaimingmatta, innugiartoksuillo kunnutuilaungmatta tamattomunga.

3 Nalagitse attanniojose, kamatsiarluselo angajokaksoang-
ôjose! Uvanga, illa uvanga Nalegak imgervigijomavara, Nale-
gak Israelib Gudingat imgervigijomavara nertordlerutiksanik.

4 Nalegak Seiremit annilauktillutit, pitillutillo Edomib na-
ternanganit, tagva nuna sajukpiludlalaupok, killak kussidla-
laukpok, nuvujaallo kussidlalaupok immermik.

5 Kakkat auksilaupok Nalekab sângane, illa Sinai Nale-
kab Israelib Gudingata sângane.

6 Samgarib Anatib erningata nelliuningane, Jaeliblo nelli-
uningane, apkosinekarungnailaukpok; ingergartuksaulauktullo,
agvertarlaukput apkutitigit niungapattekeatigit.

7 Iglugasengne Israeleme innuit ikkinersaupallialaukput.
Uvanga Debora pilerkártinanga, pilerkártinanga anânaujunga
Israeleme.

8 Gudib nuták annerimava, upkoaksuit sorsugvigilaukpaít.
Sakkijartokalaungilak Israeleme sappulutamiglonêt kallugiar-
miglonêt, 40,000 dit akkorngane.

9 Omattima Israelib aulautsijingit ungagivait, kunnutuitut
innugiartoksuit akkorngane. Nalegak nertorsiuk,

10 Ablangajose siutekoktojune kakkortane, idluarsaiving-
me iksivajose, imgeritselo apkosinerme agvertartose.

11 Pittiksertut nipliarvigilauktangine immertarvit akkorng-
ane, tagvane Nalekab idluarninga okautigijaulaukpok, igluga-
seillo Israeleme innungita idluarningat; tagva Nalekab innuko-
tingit attersarput upkuaksoarmut.

12 Atte, atte Debora, atte, atte, imgerutiksamik imgerit:
Parngnailerit Barak, tigulugillo tigujomajitit, igvit erniôjotit
Abinoamut!

13 Tagva kemaktaumajut attanniotilaukput innungnut sang-
ijunut; Nalegak uvapkut attanniotilaukpok songudlartunut.

14 Efrainememit amângat pivok Amalek akkerartorlugo,
kingunakut Benjamin innukotingne. Machiremit attannernik
pijokarpok, Sebulonemillo pijokarpok aulatsijunik, aglaktub
ajaupianganut.

15 Angajokaksuillo Isascharemit Debora illagilaukpât; Isa-

scharekullo Barak illagilaukpât naksarme, tillijauvlutik innukotingit pissuktut illagivlugit. Rubenekut piojorilaukput, avitilutiglo uvaptingnit.

16 Sôg nergjutit avalulingita akkorngetuarlike, kattimgajut nipliadlarningit tussarlugit, piojoriluselo, avitiluselo uvaptingnit?

17 Gileadekut Jordanib akkianetuarlaukput; sunalo pivlugo Danekut umiaksoarnekat? Asserekut immarbiksub siksangane iksivalaukput, iglugasenginetuarlaukput assersorsimajune.

18 Sebulonekulle Nafthalikullo innolaukput tarnemingnik tunijomalauktut tokkomut naternaub timâne.

19 Attanit kailaukput sorsuglutiglo, tagva Kanaaniterit ataningit sorsulaukput Thaanacheme Meggidob kôngane; sullilaungilalle.

20 Killangmit sorsugvigijaulaukput; uvloritset ingergarnermingne sorsulaukput Sisseramut.

21 Kôb Kisonib aksakatilaukpait, kôb Kaduminib, kôb Kisonib. Tarnik, songojut tuttidlarkit.

22 Tagvane Horsit ittiggangit kikkergalijarlaukput, ablangajingita songojut mungunganingit pivlugit.

23 Iglugaseksuit Meros ominarsijaukosigik, Nalekab Engelinga okalaukpok; inungit ominarsijaukosigik, tikkilaungimatta Nalegak ikkajorlugo, Nalegak ikkajorlugo songojunut.

24 Saimartaule arnat akkornngane Jaele, Heberib Kenitereôjub nullianga, saimartaule tupperme arnat akkornngane.

25 Imungmik tunijilaukpok inermik kaitsikojitillugo, imublo orksuanik kaitsivok pogutame ananâme.

26 Aggangminut kikkiek tigulaukpa, tallerpingminullo sabviortib ujaratsianga, katjuklunelo Sisseramik niakungagut, serkomitsilunelo, puttojilunelo niakungata tiglertanganik.

27 Ittiggangine nimalaukpok, ochovok nellalunelo, nimavok ocholunelo ittigganginut; nimavingmine nellavok assersorsimavlene.

28 Sisserab anananga ijainilaukpok igalakut kaggudlarlunelo killapatakut: Sog aksalloalikotinga mulludlarka tikkingimat? Kanok aksalloakotingita aksalloajungit kingoraidlarkat?

29 Sillatunersat nulliangita akkornngane kiovut, tapsoma okautsine ogguarutiksane attupsatsainarmagit:

30 Nachvartuksaungilelle, avititsilutiglo aksarnigaujunik? angutinut illunainut attunit uigarsungmik attautsemik maggungniglonet perkutiksanganut, Sisseramullo annorângnik minguarutelingnik aglaksimajuniglo perkutiksanganut; annorângnik mingoarutelingnik sunatuarnik aglaksimajuniglo kongesiganut, piksanganut?

31 Taimak nungutuksavut, Nalegak omigijitit illunaita!

Tapsomingale naglingniktut ituksauvut sekkerngub nuiningatut songonermine. Nunalo inilangalaukpok Jahrenik 40 ginik.

KAPITEL VI.

Gideon idluarsaijungortitauvok.

ISRAELIBLO kittorngangit idluitullilaungmatta Nalekab sângane, Nalekab tunnilaupkait Midianiterit agganginut Jahrit 7 it nâlugit.

2 Midianiterillo aggangit songoluarlaungmatta Israelitinut, Israelib kittorngangit senavut ingmingnut ittersanik kakkane, kairosungniglo, ineniglo avaluksoalingnik.

3 Israelitillo sunamik karngasuilaurangatta, tagva Midianiterit Amalekiterillo, tapkoalo unanemiut takpaungarput tapkonunga;

4 Tangmarlutiglo akkerartorlugit, perortullo nuname illunaita asserorpait, Gaza tikkilugo, amiakokartitsilaungilello nerkiksamik sunamiglonêt Israeleme, saukamiglonêt, tuktuvangmiglonêt, siutekoktojomiglonêt.

5 Takpaungarlamik nergutekotitik tuppitiglo neksarlugit piglertaksoatitut unuktovaksoatitut, tapkoalonêt Kameleko-tingillonêt kittiksaulaungimatta; ittarlaukpullo nunamut, asseroromavlugo.

6 Taimak Israelitit angijomik aklutitaulaukput Midianiterinut. Tagva Israelib kittorngangit niplialerput Nalekamut.

7 Nalekamulle nipliarmatta Midianiterit pivlugit,

8 Nalekab nellautajok tilliva tapkonunga, tapsoma okautivait: Imâk Nalegak Israelib Gudingat okarpok: Egiptenemit tessiorlaukpapse, aulartiluselo iglomit kippalovingmit;

9 Piulilaukpapselo Egiptenemiut agganginit illunatiglo agganginit okumaiksartitsilauktut illipsingnik, pingudlalauppakalo sivunapsigut, nunangallo tunilauppara illipsingnut.

10 Okautilaukpapselo: Nalegauvunga Gudise, Amorterit nunangine nunakarvigijapse Gudingit sivoraginiarasigik. Illipselo nippiga nalelaungilase.

11 Nalekablo Engelingita illangat kaivok ingilunelo Eichit (nappartut) illangata Oframelauktut attânut, perkutaulauktub Joasemut, Esriterit atâtanganut, erningalo Gideon Weizinik katjulauppok iptêjaivingme, kemâkovlugo Midianiterinik.

12 Tagva Nalekab Engelingata sakkervigiva, okautilugolo: Nalekab aiparilitit, songojotit sorsungnerme!

13 Gideonible okautiva: Nalegâk, Nalekab illagikpattigut, sôgle tagva tamakkonina tamainik pilaukita? Nanekâllo tat-tamnartulliningit tamaita atâtagijapta unipkautigilauktangit

uvaptingnut, okarlauklutiglo: Nalekab Egiptenemit tessiorlauk-pâtigut? Mannale Nalekab kemmalaukpâtigut, tunilutalo Midianiterit agganginut.

14 Nalekable savigiva okarlunelo: Ailerit pitsartunerne tamattomane, igvit Israelitit piulijaksarivattit Midianiterit agganginit. Ahak tillilaukpagit.

15 Tamnale okarpok tapsomunga. Nalegâk, sunamut Israelitit piulijaksarivakka? Ahak illakka mingnerôvut Manassekunit, uvangalo mingnerôvunga Atatama iglomiokotinginit.

16 Nalekable okautiva: Aiparijomavagit Midianiterit ullimaraksarigangne, angutetut attautsetut sorlo.

17 Tapsomale okautiva: Nagliktara saimaneksimaguma sângne, tagva nellunaikutekartilaunga igviôgavit okarkattigijara.

18 Nûniarnak tikkitsearilunga, neksarlungalo tunnergutiksamik nerkiksamik, tunniniartammik sângne. Tamna okarpok: Ovaneturomavunga tikkitsêaringmilutit.

19 Gideonelo kaivok, tokkotsilunelo tuktungajomik angusalloârsungmik, tigusilunelo senaukamik sernakangitomik Efa tættælugo, illijilunelo nerkemik amargaujamut, kajorlo pitipa ukkusingmut, atsilunelo tamakkoninga sillamut Eichib attânut, najutilunelo.

20 Gudible Engelingata okautiva: Nerke tiguleruk, sernakangitorlo, illilugillo kairtomut manêtomut, kajorlo koviuk. Tailmailorlaukporlo.

21 Tagva Nalekab Engelingata ajaupiak tigumiartane aggangminut, issautiva aktorlugiglo nuvuanut nerke sennaugarlo sernakangitok. Ikkomalo annivok kairtomit, nerrilunelo nerkemik sennaukamiglo sernakangitomik. Nalekablo Engelinga nippakpok ijigingnit.

22 Gideon mana tukkisigame Nalegab Engelingingmago okarpok: Nalegak, Nalegak, taimak illa Nalekab Engelingata kênanga tækkolaukpigo?

23 Nalekable okautiva: Ullapirsautekarit! sivoraniarnak, tokkoniangilatit.

24 Tagva Gideon tagvane Altaremik sennavok Nalekamut; tailugolo Nalekamik ullapirsautelingmik. Tamna tagvanêtsainarpok sulle uvlok tamana tikkilugo Oframe, atâtaulauktome Eseriterinut.

25 Unnuarmelo taipsomane Nalekab okautiva: Atâtavit tuktuvaotinginit angusallormik tigusilerit, angusallormiglo assianik Jahrelingmik 7 inik; serkomitsilutillo Baalib Altaringanik, perkutaumajomik atâtarnut, nakkatsilutillo nappartunik Gudingoartalingnik sennianêtunik;

26 Sennalutillo Altaremik kairtub kângane Nalekamut Gudingnut, akiksorlugolo, tigusilutillo angusallub aipanganik, tunnijilutillo tunnergutiksamik ôtaksamik kejungmut nappartunit Gudingoatalingnit nakkarlauktarnit.

27 Tagva Gideon tigusivok kivgaminit angutinik tellimau-jortunik piniarlunelo sorlo Nalekab okautilaungmago. Sivora-laukporle tamattominga piniarlune uvlõningane, atâtame iglo-miokotingit pivlugit; piniarlunelo unuarne.

28 Tagva mana innuit iglugaseksoarne uvlarme makkimatta, ahakBaalib Altaringa serkomisimalaukpok, nappartullo Guding-oataggit senianelauktut nakkarsimavlutik; angusallublo ai-panga tunergutiksauvlune Altarib senajaumajub kângane.

29 Okautiutivullo ingminut: Kina tamattominga pinialauka? Kennerlaungmatta apperkutekalaungmattalo okartokarpok: Gideon Joasib erninga tamattominga pinialaukpok.

30 Tagva iglugaseksuit innungit Joasemut okarput: Ernît kaitsuk; tokkotaksauvok, Baalib Altaringa serkomilaungmago, nappartullo Gudingoataggit tapsomanelauktut nakkalaungmagit.

31 Joasele illunainut nangerkattigijaminut okarpok: Baal aivajutigijomavissiuk? Ikkajoromavissiuk? Aivajok tamna piv-lugo, tamna uvlarme tamattomane tokkojuksauvok. Gudeôgune pivlune akkiniarle Altaringa serkomisimangmat.

32 Uvlormit tamattomangat taijaulaukpok Jerub Baalemik, okartokarporlo: Baal nangminek pivlune akkiniarle Altaringa serkomisimangmat.

33 Tagva manna Midianiterit illunatik Amalekiterillo, tapkoalo unanemiut attautsemut kattimangmatta nunakorlutiglo, tangmarlaungmatta Jesreelib naksangane;

34 Nalekab Anerningata Gideon kajungersarpa; tiptulauti-niglo tiptulausijautaukojilaukpok, kaikolugillo Abieserekut mal-likovlugit tapsominga.

35 Tilliklerporlo akpartitsijunik Manassekunut illunainut, kaikolugillo mallikovlugittauk tapsominga. Tilliklerpoktauak akpartitsijunik Asserekunut Sebulonekunullo Nafthalikunullo, tapkoa takpaungarput pachrearlugo.

36 Gideonelo Gudemut okarpok: Israelitit aggapkut piulijo-magungne sorlo okalauravit;

37 Tagva ammek merkolik katjugvingmut (kakkojaksanik) illijomavara. Missuksoak ammermetuinarniarpat, nunalo illu-nane panterpat, tagva mallugosugomavunga, Israelitit aggapkut piulijomagangne sorlo okalauravit.

38 Taimaglo pilaukpok. Kaulermallo uvlakut makkijajolau-rame amek silvotorpa, illulerkullo tættætîpa immermik tamatto-minga.

39 Gideonelo okarpok Gudemut: Ningarnivit illungertorvigi-niaranînga, ama okarmigama. Ama oktoromavunga amek attor-lugo. Panertuinarle amerme, missuksoakartillugo nuname illu-nane.

40 Gudelo taimailiorlaukpok unuarne taipsomane, paner-

tuinarlaungmat amerme, missuksoakartillugolo nuname illunane.

KAPITEL VII.

Gideonib Midianiterit salagivait.

TAGVA Jerub-Baal, tagva Gideon, uvlararsukut aularjajovok innugaseksuillo illagijangit illunatik, tangmarlutiglo imertarvingme Harodemik attelingme, taimak Midianiterit katinggajokattigëningit tachanelaungmatta udsertorviub kakkarulangita ungatane, naksarme.

2 Nalekable Gideon okautiva: Innuit illagijattit unuluadlarput, Midianiderit tunnijaksarigapkit agganginut; Israelitit ingminik nertortinajarput akkerartorlunga, okarlutiglo: Aggapta piulilaukpâtigut:

3 Tagva mana kaggudlarkojilerit inugaseksuit siutingita sângine, okarkojilutillo: Illerasuktokarpap, mungungolunelo pijok, utterle nusarlunelo Gileadib kakkanginit. Tagva innuit 22000 dit utterput, amiakokartuinarlaungmat, 10000 dinik.

4 Nalegarlo Gideonemut okarpok: Inuit sulle unuluadlarput. Tessiorokit angmut imermut, tagvane oktoromavakka sângine, nelliatalo okautiginiartama illingnut aiparijaksaringmattit, tapsoma aiparijaksarivâtit, nelliatale okautiginiartama aiparijaksaringimattit, tamna illaujuksaungilak.

5 Tessiorlaukpaillo inugaseksuit angmut imermut. Nalegarlo Gideonemut okarpok: Nelliat okaminut alluktok imermik, sorlo kingmek allungmat, tamna ingmigolitiuk; taimaktauk serkorsorlune immertok.

6 Tagva tapkoa allulauktut aggamingnit kanermut, 300 deôlaukput; inuit assingit illunatik serkortorlutik imerlaukput.

7 Nalegarlo Gideonemut okarpok: Angutitigut 300 ditigut allulauktutigut piulijomavapse, tunijjomalungalo Midianiterinik aggangnut; inugaseksuille assingit aikokit iniksanginut.

8 Inuillo tapkoa nerkiksamik takkoaksamik neksarput, tip-tulautekotimingniglo. Israelitille assingit aikovait attunit iglogijanginut; tamnale pitsartutivok angutinut 300 dinut. Midianiterillo katinggajokattigëningit tangmarsimalaukput sakkangane atsiktome naksarme.

9 Nalekablo unuarne taipsomane okautiva: Makkitit attersarlutillo tangmarvingmut: tunimagapkit aggangnut.

10 Attersariarle erksigigungne, tagva kivgat Pura attersarkattigiuk tangmarvingmut,

11 Tussarkovlutit okauserijanginik; kingorngane pitsartunelijarlutit attersartuksauvotit tangmarvingmut. Tagva Gideon kivgane Pura aiparilugo attersarpok pigârtut tangmarvingmelauktut ininganut.

12 Midianiterillo Amalekiterillo unanêmiullo illunatik nella-laukput naksarme piglertatitut unuktovaksoatitut; Kameleko-tingillo kittiksaulaungilet unumut, siorkatitut imarbiub siksang-anetutitut.

13 Gideonelo tikkitillugo, ahâk tagva tapkoa illangata illa-gijane sinektomanermik unipkautiva, okarlunelo: Ahâk sinektoma-laukpunga, tautukorlaukpunga niakojak Gersteovinek ôsimajok aksakâvok Midianiterit kattimgajokotinginut; tikkimallo tup-pernut annaunipok tapkoning a, ochotilugillo pussiktilugillo, kâng-it alliotilugit, tuppit imiksimangmatta.

14 Tagya aipanga akkiorpok okarlunelo: Tamana sunaung-ilak assianik Gideonib Joasib Israeliteôjub erningata saviksoanganit. Gudib Midianiterit kattimgajoksoangit illagilugit tunimavait tapsoma agganginut.

15 Gideonib tamna tussaramiuk sinnektomanermik taimai-tomik unipkartok, tukkekartitauningalo, pamangavlune tuksiar-pok, uttermilunelo Israelitit kattimgajunginut, okarlunelo: Parngnaileritse Nalekab Midianiterit kattimgajungit, tunningmagit aggapsingnut.

16 Angutillo 300 dit tapkoa avikpait pingasuilivlugit attunillo tunmitsivigivait tiptulaudemik agganginut, macharniglo illulekangitunik, nenmergoaniglo takkamane.

17 Okautivaillo: Tækkonârsinga taimailiorluselotauk; ahâglo kattimgajut ininganut piguma, piniarniptut taimak pini-arivose.

18 Tiptulaumik tiptulausijautekaruma, illunatiglo illagijakka, tagva illipsetauk tiptulausijartuksauvose, kattimgajoksuit illunatik avatâtigut okarluselo: Mâne Nalegak Gideonelo!

19 Taimak Gideon, angutillo 100 dit illagilugit tikkipok kattimgajoksuit ininganut, udsertortut sivorlinginut, udsertor-kojaujunut tuppaktilugillo tiptulausijarlutiglo, machaillo agga-mingnetut serkomipait.

20 Taimak kattimgajut pingasuit illunatik tiptulausijarput machaillo serkomilugit pivut. Nennergoalle tigumiarpait aggang-mingnut saumingminut, tiptulautillo aggangmingnut tallerping-mingnut, tiptulausijarlutik kaggudlarlutiglo: Mâne Nalekab saviksoanga Gideoniblo!

21 Attunillo inimingne nangerput kattimgajoksuit avatâne. Tagva kattimgajoksuit illunamassiatik akpangertitaulaukput, kaggudlarlutiglo kemâvut.

22 Angutillo 300 dit tiptulausijartillugit, Nalegak pititsivok kattimgajune illunaine attunit illangata saviksoanga torarti-taungmat illaminut. Kattimgajoksuillo kemâvut Beth-Sitta-Ze-ratamut tikkilutik, Abel-Meholablo Tabathemetub kigilervia tikkilugo.

23 Angutillo Israelitit Nafthalikunit, Asserekunillo, Ma-

nassekunillo illunainit, kaggudlartutik Midianiterit udlapait.

24 Gideonelo akpartitsijunik tilliklerpok Efraimib kakkanginut illunainut, okarkojilunelo: Attersaritse Midianiterit pachrearlugit, imiksuillo Beth Bara Jordanelo tikkilugo tikkerkârsigik tapkonangat. Tagva illunatik Efraimekunit pijut kaggudlarpot akpangerlutiglo, tikkerkârlutiglo imiksoarnut Beth-Baramut Jordanemullo.

25 Angusilutiglo Midianiterit angajokaksoanginit maggungnik, Orebemik Sebemiglo, Orebelo tokkopât Orebib kairtungane, Sebelo, Sebib iptêjaivingane (Weinemik); Midianiterillo kemâtipait. Orebiblo Sebiblo niakogik âpakit Gideonemut Jordanib akkianut.

KAPITEL. VIII.

Midianiterit amiakojut sulle salagijauvut, Sebalo Zalmunalo pijauvuk.

ANGUTILLO Efraimemit okautivât: Sôg taimailiorvigilaukpittigut, kaikolaunginaptigut aularlutit unatadlarnermut Midianiterinik? Aivadlarpâllo.

2 Tapsomale okautivait: Sunamik pinialaukik mana piniarnipsetut nelligêktomik? Efraimib nappartungita Weineliaksat akkerungat attausek namanersaungilâk Abieserib kattersininginit Weineliaksanik illunainit?

3 Gudib Midianiterit angajokaksoagik Orebe Sebelo tunilaukpaq aggapasingnut. Kannok uvanga taimailiorungnarajalaukik? Taimaitomik okautingmagit ningausingata allarpa.

4 Gideonelo Jordanemut pigame ikkârpok, angutit 300 dit illagijangit illagilugit, merngortorlauptullo, udlanilutiglo sulle.

5 Innungnullo Suchotemetunut okarpok: Nagliktakka innuit nalektikka tunnitsivigissigik kakkojat illanginik; merngortormatta, udlanikovlunga Midianiterit attanninguik Sebamik Zalmunamiglo.

6 Angajokajallo Suchoteme okautivât: Sebab Zalmunablo aggangit aggangnejarêrkât, kattimgajokotitit kakkojanik tunnitsivigijaksarigaptigik?

7 Gideon okarpok: Attauk, Nalekab Seba Zalmunalo tunniarnipagik aggamnut, tagva uvinise orpinut kakkilautilingnut sunakajuitomit pijunut kessertutinullo nerkersudlartiniarpakka.

8 Tagvangallo aularpok Pnuelemut, taimaglotauk okarvigivait. Innullo Pnueleme akkiorpât Suchotemetutitut.

9 Innungnullo Pnueleme okarpok: Ullapirsautekarlunga utterniaruma, nuvugoseksoak una serkomitsomavara.

10 Sebale Zalmunalo Karkoremelaukput, kattimgajokotingillo illagilugit, 15000 diokassait, amiakolauktut kattimgajoksoarnit illunainit unanemiunit. 120000 dit saviksoarmik amusijungnarlauktut ochomalaukput.

11 Gideonelo majorarpok apkosinekut tuppernik iglokarvikut ununga, Nobamut Jagbehamullo, ullimarpaillo kattimgajut; terlilaungmatta kattimgajut.

12 Sebalo Zalmunalo kemávuk; Gideonible udlapait, angulugiglo Midianiterit attannigik Seba Zalmunalo, kattimgajullo illunaita siamartipait.

13 Gideonelo, Joasib erninga, uttermat unatadlarnemit, sekkinek nuikârtinago,

14 Nukapiak anguva Suchotemiunit, apperilugolo; tapso-malo aglagvigiva angajokajanik Suchoteme, angajokaunerojuniglo, angutinik 77 ginik.

15 Tikkilaukporlo innungnut Suchotemetunut okarlunelo: Ahâk mânépuk Seba Zalmunalo mittautekarutigilauktâkse uvamnik, okarluselo: Sebablo Zalmunabo aggangit, aggangnéjarêrkat, innutitatit merngortortut kakkojanik tunnitsivigijaksari-gaptigik?

16 Tiguvaillo iglugaseksuit angajokangit, orpillo kakkilau-tiggit, kessertuttillo, ikpigijautipaillo Suchotemiunit.

17 Pnueliblo nuvugosektanga serkomipa, iglugaseksoarmi-ullo tokkopait.

18 Sebamullo, Zalmunamullo okarpok: Angutit Taboreme tokkolauktasse kannoêtomik tautukalaukât? Tapkoa okarpuk: Illiktut ilaukput, illunatiglo attunit ânanaulaukput, attanniub kittorngangititut.

19 Tammale okarpok: Kattangutaulaukput uvamnūt, anâ-nama ernerilaukpait. Sorlo miksekârtomik Nalegak inôngmat, tokkonajangilaptik, taipkoa innokolaurupsigik.

20 Ernerminullo erniangokârtomut Jetheremut okarpok: Nikovilerit tokkolugiglo. Nukapiable saviksoane amulaungila, sivoraurame, nukapiangolaurame sulle.

21 Sebale Zalmunalo okarpuk: Igvit nikkovitit opaklunuglo; angut illinganermitut pitsartunekarametauk. Taimak Gideon nikkovipok, tokkopaglo Seba Zalmunalo; tigusilunelo matta-rêkutinik Kamelingita kongesinginêlauktunik,

22 Tagva Israelitit illangit okarput Gideonemut: Nalegaulerit uvaptingnut, igvit, ernillo ernerpillo erninga, piulilaurap-tigut Midianiterit agganginit.

23 Gideonele okarpok tapkonunga: Nalegaujomalungitunga illipsingnut, erneralo nalegaujuksaunginivok illipsingnut, Nalegarle nalegaujuksauvok illipsingnut.

24 Gideonele okarpok tapkonunga: Attausek tussugivara illipsingnit; illunase attunit kaurutit aksarnigarijase tunnissigik

uvamnut. Ismaeliteôlaungmatta kaurutekalaukput Goldenik.

25 Tapkoa okarput: Tapkoninga tunnitsivigijomavaptigit. Annorâglo issivipât, attunillo kaurutitik aksarnigarilauktatik illivait kânganut.

26 Kaurutillo Goldit, kaikojangita okumainingit, Sekelio-laukput Goldit 1700 dit, kittikassiutinagit mattarêkutit, kellaumguallo, annorâllo aupalluktat, Midianiterit attaningita at-tortangit, Kamelillo kongesermiutingit kittikassiutinagit.

27 Gideonelo ikkiamik sennavok tapkonangat, pitipalo iglu-gaseksoarminut Oframe. Israelitillo illuêngarlutik ajortulliju-tigivât tagvane, sinaungajutaulerlunelo Gideonemut iglomiukat-tinginullo.

28 Taimak Midianiterit mannigotititaulaukput Israelib kit-tornganginut, niakotiglo kagvarungnailaukpait. Nunalo inni-langalaukpok Jahrinik 40 ginik Gideon innôtillugo.

29 Jerub-Baalo Joasib erninga, aivok iglokarlunelo iglo-mine.

30 Gideonelo ernekalaukpok 70 ginik, makkitiminit pilauk-tunik; unnuktunik nuliakalaurame.

31 Panervgakpângalo pigilauktanga Sicheme ernitarilaurivok tapsomunga, tamna Abi Melechemik atserarpa.

32 Gideonelo Joasib erninga kiglimorlune tokkolerpok, illi-jartortaulunelo atâtame Joasib illuvingane Oframe, atâtaulauk-tub Eseriterinut.

33 Gidonele tokkojarêrmat, Israelib kittorngangit sangul-erput, ajortullilutiglo Baalim malliklugit, Gudiotipâllo ingmi-nut Baal Berite.

34 Israeliblo kittorngangita Nalegak Guditik issumâgilaung-ilât, piulijitik omigijimik illumajimik illunatik agganginit.

35 Napkiningnarmiglo pinniarlaungilet Jerub Baalib, tagva Gideonib iglomiokattinginut, sorlo tamna ajungitunik tamainik pinniarlaungmat Israelitinut.

KAPITEL IX.

*Abimeleche nangminênarasuarlune attanningortipok Isra-
elitinut, naggatekarporle kappianarîomik.*

ABIMELECHELE Jerub-Baalib erninga aivok Sichemut, anâ-name anninginut, tapkoalo anânamelo atâtangata iglomioko-tingita abvakungit illunaita okarkattigivait, okarlunelo:

2 Nagliktakka, angutit Sichiemiut illunatik siutingita sâng-ine okaritse: Suna nekkornersauva illipsingnut, angutit 70 git, illunatik kittorngaujut Jerub-Baalem, nalegaupatta illipsing-

nut, ubvalo angut attausek nalegaukpat illipsingnut? Erkaikassiudjileritsetauk saunekattigilungalo uvinekattigigapsinga.

3 Tagva anânangata anningita okautsit tamakkoa tamaita tapsomangat okauserivait, angutit Sichemetut siutingita sângine; omattingillo mannilerput Abimelechemut, issumagamik: Kattangutigivavut.

4 Tunnitsivigivâllo Silberlinginik 70 ginik, Baal-Beritib iglunganit, Abimelechiblo tamakkonunga angutit uivêut kuksalaitullo pissiarivait malliktut tapsominga.

5 Tikkilunelo atâtame iglunganut Oframut, tokkotsilunelo kattangutiminik Jerub-Baalib kittornganginik, angutinik 70 ginik ujarkame (attautseme). Amiakovorle Jerub-Baalib erningita nukardlerpângat, iersimalaungmat.

6 Sichemiullo angutingit illunatik kattimalerput, Milloblo iglomiokotingit illunatik, ailutiglo attanningortipâllo Abimeleche Eicheme pôktojome Sicheme nappajome.

7 Tamanna okautigijaulaungmat Jotamemut, aivok nangeriartorlunelo kakkab Grisimib kôtsiktoninganut, nippinelo kagvarpa, kaigarsuklunelo okarpok tapkonunga: Tussarsinga angutiojose Sicheme, Gude tussarkovlugotauk illipsingnik:

8 Nappartut ailaukput attannekartitsijomavlutik mingoarlugo ingmingnut, okarlutiglo nappartomut orksulingmut: Attaniolerit uvaptingnut.

9 Nappartuble orksuliub kiolune okautivait: Orksukarnera Gudinut innungnullo nertortaujok uvanne, sapkotaksarivigo, ailungalo, kollangiarkovlunga nappartut kângine?

10 Tagva nappartut nappartomut Feigelingmut okarput: Igvit kailerit attaniolutillo uvaptingnut.

11 Nappartuble Feigeliub okautivait: Mamarnera paungakkalo ânanât sapkotaksarivakka, ailungalo kollangiarkovlunga nappartut kângine?

12 Tagva nappartut nappartomut Weineliksamut okarput: Igvit kailutillo attaniolerit uvaptingnut.

13 Nappartuble Weineliksab okautivait: Iptera sapkotaksarivigo, Gudinik innungniglo kuviasuktsijok, ailungalo kollangiarkovlunga nappartut kângine?

14 Tagva nappartut illunatik orpingmut kakkilautilingmut okarput: Igvit kailutillo attanniotit uvaptingnut.

15 Orpiglo kakkilautelik okarpok nappartuñut: Taimaimarikipat attanermut mingoarapsinga illipsingnut, tagva kaileiritse unertutigiluselo tachamnut; taimaitsomangikupsele tagva ikkoma annilerle orpimit kakkilautelingmit, nungutsilunelo Cederinik Libanonemêtunik.

16 Idluartomik nellagortomiglo pinnialaukise manna, Abimeleche attanningortilaurapsiuk? Namaktomiglo pinnialaukise

Jerub-Baaleme, iglomiokotinginelo; pinniarvigilaukpissiuglo sorlo pivluse pijaksaulaungmat,

17 Atâtaga pivluse sorsulaungmat, tarninelo egilaungmago, piuliluse Midianiterit agganginit?

18 Illipsele manna kippalidlarpose atâtama iglunganut, inuurluselo kittornganginik, angutinik 70 ginik ujarkame attautseme; attaningortitsiluselo Abimelechemik, kivgangata erninganik, angutinit Sichemetunut, kattangutigigapsiuk.

19 Manna idluartomik nellagortomiglo pinnialaurupse Jerub-Baaleme iglunganelo uvlorme tamattomane, tagva Abimeleche kuviasutigisiuk, tapsomalo kuviasutigilise.

20 Taimaingipalle ikkoma annilerle Abimelechemit, nungutsiluselo angutinik Sichiemiunik, Milloblo iglomiokotinginik, ikkomalo annilerletaue angutinit Sichiemiunit, Milloblo iglomiokotinginit nungutsiluselo Abimelechemik.

21 Jothamelo kemâvok nûlunelo, ailunelo Beremut, nuna-kalunelo tagvane, erksinermut angajuminik Abimelechemik.

22 Abimelechelo manna Jahriuk pingasunik attanniotijarêlaungmat Israelitinut,

23 Gude tilliklerpok pijomanermik idluitomik Abimelechiblo angutillo Sichiemiut akkornganut. Angutille Sichiemiut Abimeleche nalegungnailerpât;

24 Issumagilugolo idluitullinek pilauktok Jerub-Baalib erninginut 70 ginut, tapkoalo aungat illivât Abimelechekut kattangutinganut, tokkotsilauktomut tapkoninga, angutinullo Sichiemiunut agganginik pitsartutitsilauktunut tamattomunga, kattangutiminik tokkotsikovlugo.

25 Angatillo Sicheme terliarsijunik tilliklerlaukput kakkat kânginut, arktaivigivaillo illunaita apkosinerme ingergarasuarlauktut tapkonunga. Abimelechelo okautsaulaukpok tamattomunga.

26 Gaalele Ebedib erninga kattangutingillo tikkiput, itterlutiglo Sichemut. Angutillo Sichiemiut sungertutigivât.

27 Annilaukpullo perôrsêvingmut, pejailutiglo paungakotimingnik Weinelihsanik, iptêjailutiglo, okigêserlutiglo, ailarmiglo Gudimik iglunganut, nerilutiglo immerlarmiglo, okarnerlutigivâllo Abimeleche,

28 Gaalele Ebedib erninga okarpok: Kinauva Abimeleche? Sunauvâlo Sicheme, kivgartoraksarigaptigo? Jerub-Baalib erneringikaûk? Sebulelo kivgane pitilaukpa avunga angajokantortilugo Hemorib Sichiemiut atâtangata innukotinginut. Suna pivlugo kivgartoraksarivittigo?

29 Gudelo pijomale innugiartoksuit aggamnênajarninginik, singitsikovlunga Abimelechemik. Abimelechelo okautsauvok: Sorsuktuksakotitit unnurnersautikit aularlutillo.

30 Sebulele iglugaseksuit angajokangat tussarame Gaalib

Ebedib erningata okausinginik, illungertudlalerpok ningarnermut.

31 Tilliklerlunelo angigutsivlune akpartuksanik Abimelechemut, okautsaukovâlo: Ahâk, Gaal Ebedib erninga kattangutingillo tikkisimavut Sichemut, akkerartortipaillo iglugaseksorarmiut illingnut.

32 Tagva parngnailerit manna unnuarme, igvit innukotitillo illingnêut, terliarsivingmiglo âkiksoilerit perorsêvingme,

33 Uvlarmelo sekkinnek nuilerpat annijajolerit opingârlugillo iglugaseksuit. Tamnalo tagva, innugaseksuillo tapsomanêut anniniarpatta illingnut, tagva pinniarvigiuk aggakpît pijungnarningititut.

34 Abimeleche makkipok unnuarme, innugaseksuillo tapsomanêlauptut illunatik, torarlunelo Sichemut, kattimgajunut sittamainut.

35 Gaalelo Ebedib erninga annivok, nangeriartorlunelo upkoab iglugaseksuit itterviksoangata sânanganut. Abimelechele annilerpok terliarsivingmit, innugaseksuit illagilugit.

36 Gaaliblo manna innugaseksuit tækkogamigit, okarpok Sebulemut: Ahâk innugaseksuit attersarput kakkab kôtsiktoninganit. Sebulible okautiva: kakkat tachangit innunasugivatit.

37 Gaalelo unnurnersanik okausekalaukpok sulle, okarlunelo: Ahâk innugaseksuit, nunab kerkanit attersarput, kattimgajulle attautsit aggerput apkosinerme Eicheme angakoktorvingme.

38 Tagva Sebulib okautiva: Nanêka manna kanit, okalauptok: Kinauva Abimeleche, kivgartoraksarigaptigo? Innugaseksongongilat tapkoa nachogilauptatit? Aularit manna sorsugvigilugolo.

39 Gaalelo aularpok angutinik Sichemiunik sivorlerlune, sorsugiarlunelo Abimelechemut.

40 Abimelechible aijalikpa, kemâtilâlo, unnuktullo ullimarimajut ochovut itterviksub upkoanga tikkilugo:

41 Abimelechelo Arumame nokkangavok. Sebulible Gaale kattangutingillo kemâtipait Sichemetsungnarkonagit.

42 Kaulermalle innugaseksuit annilerput perorsêvingmut. Abimeleche okautsaulermat tamattominga;

43 Innugaseksuit tiguvait, avitilugillo pingasuilivlugit terliarsijokartitsilunelo tapkoninga perorsêvingme. Tækkogamelo manna innuit iglugaseksorarnit anningmatta makkijutigivait, ullimârlugillo.

44 Abimelechible, kattimgajullo tapsomanêlauptut opingârpait, tikkilutiglo iglugaseksuit upkoaksoanganut; kattimgajullo maggoit opingârpait illunaita perorsêvingmelauptut, ullimarpaillo.

45 Tagva Abimelechib iglugaseksuit sorsugvigivait uvlok

tamna nâvlugo, salagivaillo, innuillo illuanelauktut tokkopait, serkomilugillo iglugaseksuit, sioraujamiglo kattaraivigivait.

46 Angutit Sichemib nuvgosektanganelauktut tamatto-minga tussaramik, tagva itterput Gudioab Beritemik attig-gub iglungata avaluksoanginut.

47 Abimelechelo tussarame angutit illunatik Sicheme nuvgosermlauktut kattimangmatta;

48 Aivok kakkamut Zalmonemut, innukotine tapsomanelauktut illunaita illagilugit, tigusilunelo ullimaumik aggangminut, nakkatsilunelo akkerkomik nappartunit, kiviklugolo illiva tuiminut, okarlunelo inugaseksoarnut tapsomanêlauktunut: Tækkojase pinniarneriara, tamanna illipsetauk pinniarsârsiuk uvaptut.

49 Tagva innugaseksuit illunatik attunnit akkerkomik nakkatsilerput malliklutiglo Abimelechেমিক, illijilutiglo tapkongina avaluksoarnut, ikkitsilarmiglo ikkomamut, tokkolaungmattatauk angutit illunatik Sichemib nuvgosektanganelauktut, angutit arnallo kattilugit 1000 diôkassait.

50 Abimelechele aivok Thebezemut, illulugillo salagilaitalo.

51 Nuvgosekalaukporle songojomik iglugaseksuit kerkâne, tagvunga kemâvut angutit arnallo illunatik, iglugaseksuillo innungit illunatik, tunnumikullo pallangairsivut majoarlutiglo nuvogutsib kâanganut.

52 Tagva Abimeleche kaivok nuvgusermut sorsugvigivâlo, najutilunelo nuvogutsib upkoanganut, ikkitsomavlugo ikkomamut.

53 Arnalle illangata serkallitsiviub ujaraktangata illanga kattaktipa Abimelechib niakunganut, makkanganiglo serkopjêvigiva.

54 Tagva errinesuklune kivgane, sakkunginik akjarsijok, kaikova okautilugolo: Saviksuit amuleruk tokkolungalo, okautaukonanga: Arnab tokkolaukpa. Tagva kivgangata kappiva, tokkokovlugo.

55 Israelitille illagijangit tækkogamik Abimeleche tokkungmat, illunatik attunit aivut nunagijamingnut.

56 Taimak Gudib Abimeleche akkiniarvigiva idluitullinek pivlugo, atâtaminut pinniarnirilauktanga, kattangutiminik 70 ginik tokkotsilaurame.

57 Taimaktauk angutit Sichemiut idluitulliningit taimaita Gudib akkiniarutigivait niakunginut, tikkitautilutiglo Jothamib Jerub-Baalib erningata ominautekarkojininganut.

KAPITEL X.

Israelitit kivgartornek Gudingoanik pivlugo Filisterinut kappiasuktitaulerput.

ABIMELECHIB kingorngane Thola makkilerpok Israelitit ikkajorlugit, angut Isascharekunit, Puab Dodob erningata erninga. Nunakalaukporlo Samireme, Efraimib kakkangine.

2 Idluarsailunelo Israelitinik Jahrenik 23 ginik, tokkolerlunelo, illuvertaularmelo Samireme.

3 Tapsoma kingorngane makkilerpok Jair, Gileademiok, idluarsailunelo Israelitinik Jahrinik 22 ginik;

4 Ernekalaukpok 30 ginik ablantalauktunik siutekoktojut nochangine 30 gine; iglogaseksoakalaukporlo 30 ginik, attekartunik Jairib iglugasenginik, uvlok tamanna tikkilugo, Gileademêpullo.

5 Jairelo tokkolerpok, illuvertaulaukporlo Kamoneme.

6 Israelible kittorngangit idluitullilaurivut Nalekab sângane, kivgartorlutiglo Baalinik, Astarotemiglo, Siriamiullo Gudinginik, Zidonemiullo Gudinginik, Moabiterillo Gudinginik, Amoniblo kittorngangita Gudinginik, Filisterillo Gudinginik, Nalegarlo kemmakpât kivgartornagolo.

7 Tagva Nalekab ningarningata Israelitit illungertorutigivait, niorvgotigilugillo Filisterit Amoniblo kittorngangita agganginut.

8 Tapkoalo Israelib kittorngangit tullerarpait ullimarlugillo, Jahremit taipsomanemit, Jahrit 18 kassait nâlugit, illa Israelib kittorngangit illunaita Jordanib akkianelauktut Amoriterit nunagilauktangine, tagva Gileademe.

9 Tamannalo tappilugo Amonib kittorngangita Jordane ikkârlaukpât, sorsugiarlutiglo Judakunik, Benjaminekuniglo, Eframiblo iglomiokotinginik, taimak, Israelitit kappiasuktitaullaungmatta angijomik.

10 Tagva Israelib kittorngangit nipliarput Nalekamut, okarlutiglo: Idluitullilaukpogut illingnut: Gudivut kemmalaurap-tigo, Baalelo kivgartorlaukpavut.

11 Nalekable Israelib kittorngangit okautivait; Egiptenemiut, Amoriterillo, Amoniblo kittorngangita, Filisterillo,

12 Zidonemiullo, Amalekiterillo, Moaniterillo, aksorortilaunginivasse, uvangalo ikkajorlaukpapse agganginit, nipliarvigilaurapsinga?

13 Sulle kemalaukpapsinga, Gudillo assingit kivgartorlugit pilaukpose; tamanna pivlugo ikkajoromairpapse.

14 Aileritse Gudillo anerijasse nipliarvigisigik; tapkoa ikkajorlise kappiasugvipsingne.

15 Israelible kittorngangit Nalekamut okarput: Idluitullilaukpogut, igvit piniarvigituinartigut namagijarnut; kissiane piulitigut nelliutome tamattomane.

16 Ipperarpaillo Gudit tækkorngartat, Nalegarlo kivgartorpât. Illapsugosutigilaukpalo, Israelitit taimak kappiasuktitaullaungmatta.

17 Amoniblo kittorngangit nipliadlarput, tangmarlutiglo Gileademe; Israelible kittorngangit kattimalerput, tangmarlutiglo Mizpame.

18 Innugiartoksuillo angajokajello Gileademe ingminut okalerput: Pigialertok sorsugiarlune Amonib kittornganginut, tamna niakôjuksauvok, illunainut Gileademétunut.

KAPITEL XI.

Jeftab annerijauninga, salakarningalo, angerningalo.

JEFTA Gileademiojok, songolaukpok sorsungnerme, tamangainâgaulaukporle. Gileadible Jefta ernetarilaukpa.

2 Gileadible nullianga kittorngilaungmat tapsomunga, nulliablo tapsoma kittorngangit innumarioleramik, pingujarpât Jaf-ta, okautilugolo: kingormgujijuksaungilatit atâtapta iglungane, arnab assiata erneringmattit.

3 Tagva kemâvok kattangutiminit, nunakalunelo nuname Tobemik attelingme. Kattimavullo tapsomunga innuit uivêtut aularkattigilugolo.

4 Ovaitsiarolo kingorngane Amonib kittorngangita Israelitit sorsugivigivait.

5 Amoniblo kittorngangit taimak sorsugialaungmatta Israelititut, angajokajat Gileademit aivut Jefta aijomavlugo Tobib nunanganit,

6 Okautilugolo: Kailaurit angajokaulatillo uvaptingnut, sorsukovluta Amonib kittornganginut.

7 Jeftable Gileademiut angajokangit okautivait; Illipseungilase omisulauktut uvamnik, pingunilauktullo uvamnik atâtama iglunganit? Mannalo tikkipapsinga kappianartoménapse.

8 Angajokajat Gileademit Jefta okautivât: Tamanna pivlugo manna tikkipogut ama illingnut, illaukovlutit uvaptingnut, ikkajorkovlutillo uvaptingnik, sorsukluta Amonib kittornganginut, niakungôkovlutillo uvaptingnut, illunainut Gileademe nunakartunut.

9 Jeftab angajokajat Gileademit okautivait: Aimigupsinga sorsugiarlunga Amonib kittornganginut, Nalekablo tunniniarpagit uvamnut, tagva niakôjuksauvîk illipsingnut?

10 Angajokajat Gileademit Jefta okautivât: Nalegak tussarteôle akkonaptingne pinniarniangikupta okauserijaktut.

11 Taimak Jeftab angajokajat Gileademit illagivait, innugiartoksuillo niakungortipât angajokangortilugolo ingmingnut. Jeftablo tamanna tamât okauseriva Nalekab sângane Mizpame.

12 Tagva Jefta tilliklerpok akpartuksanik Amonib kittorngangita attaninganut okautsaukolâlo: Susiorvigijaksarivinga tikkinavit nunaga sursugvigilugo?

13 Amonib kittorngangita attaningata Jeftab tillijangit kiovait: Tamanna pivlugo, Israelitit Egiptenemit aularlutik nunaga aksarnigarilaungmatsuk Arnonemit Jabokemut, Jordanemullo tikkilutik; tagva manna sattortautiuk uvamnut ullapirsautekarnerme.

14 Jeftable ama akpartuksat tillivait Ammonib kittorngangita attaninganut,

15 Tapkoa okautivât: Jefta okarpok imâk: Israelitit nunamik aksarnilaungilat Moabiterinillonêt, Ammonib kittornganginillonêt.

16 Egiptenemille aularlauramik Israelitit agvertarlaukput sunakajuitokut imarbik ivilik suvlulingnik tikkilugo, tikkilutiglo Kadesemut.

17 Tilliklerlutiglo akpartuksanik Edomiterit attaninganut, okarlutiglo: Nunarkut ingergarkotigut. Edomiterille attaningata tussarlaungilait. Tilliklerlaurivuttauk Moabiterit attaninganut, tamna kunnulaurivok. Taimak Israelitit Kadesemetuarlaukput.

18 Agvertarlaukpullo sunakajuitome, Edomiterillo Moabiterillo nunagik kaivalerpakit, tikkilutiglo sekkerngub nuijarviata nellânit Moabiterit nunanganut, tangmarlutiglo Arnonib akkiane, tikkinatiglo Moabiterit kigililervinganut, Arnone kigililerviôngmat Moabiterinut.

19 Israelitillo tilliklerput akpartuksanik Sihonemut Amoriterit attaninganut, Hesbonemelauktomut, okautsaukolugolo: Nunarkut ingergarkotigut inniksaptingnut.

20 Sihonible Israelitit tettigilaungilait ingergarkonagit kigililervikotimigut; inukotinele illunaita kattertilaukpait, tangmarlunelo Jazame, Israelitillo sorsugvigilugit pivut.

21 Nalekable Israelib Gudingata Sihone innukotingit illunaita illaliudlugit tunnilaukpait Israelitit agganginut, ullimarnikovlugit tapkoninga. Taimak Israelitit Amoriterit, nuname tamattomane nunakalauktut nunangat tamât aksarnigarilaukpât.

22 Amoriterillo kigililervingit illunaita aksarnigarilaukpait, Arnonemit Jabok tikkilugo, sunakajuitomillo Jordane tikkilugo.

23 Taimak manna Nalekab Israelib Gudingata Amoriterit pejárլaukpait innukotime Israelitit sivorngane; igvillo aksaromavigît?

24 Tapkoa aksaraksarivattit, Gudivit Kamosib pêjartitangit, uvagullo tapkoninga illunainik aksarnikoluta Nalekab Gudipta pêjartilauktanginik sivunaptingne.

25 Issumavit idluarnekarneraugavit Balakemit Ziporib erninganit, Moabiterit attaninganit? Tamna akkerartorlaurallo-ariva unatadlalaunkâlonêt Israelitinut?

26 Israelitit manna Jahrit 300 dit nâlugit nunakajarêrallo-armatta Hesboneme iglugasenginelo, Aroeremelo iglugasenginelo, iglugaseksoarnelo tamaine Arnonemetune? Sôg piullaungipissigik nellitome taipsomane?

27 Idluitullivigilaungilagit sunamik, igvillo taimak idluitullivigivarma sorsugiaravit uvamnut. Nalegak uvlome erkartuijôle Israelitit Amoniblo kittorngangita akkorngane.

28 Amoniterille attaningata Jeftab okalaningit tillikjutilauktangit tapsomunga, tussarlungilait.

29 Tagva Nalekab Annerninga Jeftamut pivok, aularporlo Gileadekut, Mannasekullo, Mizpakullo Gileademetokut, Mizpamillo Gileademetomit Amonib kittornganginut.

30 Jeftablo Nalegak angernermik angervigimarikpa, okarlunelo: Ammonib kittorngangit aggamnut tunniniarungne;

31 Igluma upkoanganit annijok pachrearlunga, Ammonib kittornganginit ullapirsautekarlunga utteruma, tamanna Nalekamut illingajuksauvok, tunnergutaitsomavara ikkoalajaksamut.

32 Taimak Jefta ailaukpok Amonib kittornganginut, sorsugvigilugit. Nalekablo tunnivait tapsoma agganginut.

33 Ullimarpaillo Aroeremit, Minnite tikkilugo, iglugaseksuit 20 git, perorsêvit nappartolinguik Weineliksanik naternangat tikkilugo, unatadlarnermik angijomik. Taimaglo Amonib kittorngangit mannigotitaulaukput Israelib kittornganginut.

34 Jeftalo tikkilermat Mizpamut iglominut, tagva panninga annivok pachrearlugo, killautersoalijarlune imgerlunelo, kittorngatualaukporlo, assianiglo ernekalaungilak pannekalaungilarlonêt.

35 Tækkogamiuglo annorane allikpa, okalunelo: Panik miklilertiparma kiksartilungalo! Kannerangmarlaurapko Nalekamut, uttertitsungnangilaralo.

36 Tamnale okarpok: Atatâk kannit angmarlaurungne Nalekamut, tagva pinniarvinginga sorlo kannernit annilaungmat; Nalekab akkiniarkolaukârlutit omigijinguik Ammonib kittornganginik.

37 Atâtaminullo okarpok: Tamattominga pinniarkolaunga, tunnitsivigilungalo takkengnik maggungnik, attersarkovlunga, majorarkovlungalo kakkanut, uigasungnera kêagilugo ikkingutikka illagællugit.

38 Tamna okarpok: Ailerit; aikolugolo takkengnik mag-

gungnik. Tagva aivok ikkingutine illagilugit, uigasungninelo kéagiva kakkane.

39 Takkâklo magguk kângilermanik, utterivok atâtaminut. Tamnalo taimailiorpok sorlo angerlaurame; angumiglo tamna illitarksilaungilak. Tamannalo piusiolerlaukpok Israeleme,

40 Israelitit panningit Jahrine tamaine annilauramik Jef-tab Gileademiub pannia oggorilugo uvlut sittamat nalugit.

KAPITEL XII.

Efraimekut akkerartorningat salagijäuningallo.

EFFRAIMEKULLO kattimalerput, ailutiglo avunga, okarlutiglo Jeftamut: Sôg unatadlarnermut Ammonib kittornganginut ailau-
kit, kaikolaungilaptigullo, aikattaukovluta? Iglokotit illaliudlu-
tit ikkitsomavavut ikkomamut.

2 Jeftab okautivait: Uvanga innukotikkalo angijomik pit-
jutiksakalaukpogüt Ammonib kittornganginut; nipliutilaukpap-
selo piulilaungilapsingale agganginit.

3 Tækkolauramalo ikkajoromalaunginapse, tarniga pitilauk-
para aggamnut, ailungalo Ammonib kittornganginut, Nalekablo
tunnilaukpait aggamnut. Sôgle manna mojararvigivisinga, sor-
sugiarvigilunga?

4 Jeftablo angutit Gileademetut katterkovait, Efraimekullo
sorsugvigivait. Angutillo Gileademiut Efraimekut ullimarpait,
tamanna pivlugo, okarmatta: Illipse Gileademiojose, Efrai-
mekut Manassekullo akkorngane, kemmajutitut Efraimekune
ituinauvose.

5 Gileademiullo Efraimekut ingiarlugit, Jordanib ikkarvinga
tiguvât, Efraimekullo kemajut, manna okalaurunik: Ikkârlau-
langa, tagva angutit Gileademiut okautivât: Efraimekumiôvit?
Kiolaurunelo tagva: Aukak;

6 Tagva okarkovât: Schibolet, tagva tamna okarpok: Si-
bolet, okauserijungnarlaungilâlo namaktomik. Tagva tiguvât
ullimarlugolo Jordanib ikkârviane; taimak Efraimekunnit ocholauk-
put nellitome taipsomane 42000 dit.

7 Jeftalo idluarsailaukpok Israelitinik Jahrinik 6 inik. Jef-
talo Gileademiok tokkolerpok, illijartortaulunelo Gileadib iglu-
gaseksoangita illangane.

8 Tapsoma kingorngane Ebzan Bethlehemiok idluarsailauk-
pok Israelitinik.

9 Ernekalaukpok 30 ginik, panniniglo 30 ginik tunnijivok,
30 giniglo illelliorivok ernerninut; Israelitiniglo idluarsailauk-
pok Jahrinik 7 nik,

10 Tokkolunelo illijartortaulunelo Bethleheme.

11 Tapsomalo kingorngane Elon, Sebulonekomiok idluarsaivok Israelitinik; idluarsailaukporlo Israelitinik Jahrinik telimaujortunik,

12 Tokkolunelo illijartortaularmelo Ajaloneme Sebulonekut nunangane.

13 Tapsomalo kingorngane idluarsaivok Israelitinik Abdon Hillelib erninga, Pireatonemiok,

14 Tamna ernekalaukpok 40 ginik, kangiakalarmelo 30 ginik, ablangalauktunik siutekoktojut nochangine 70 gine; idluarsailaukporlo Israelitinik Jahrenik 8 inik,

15 Tokkolunelo illijartortaularmelo Pireatoneme Efraimekut nunangane, Amalekiterit kakkangane.

KAPITEL XIII.

Simsonib okautauninga innulerningalo.

ISRAELIBLO kittorngangit idluitulligannerput Nalekab sângane; Nalekablo tunnilaukpait Filisterit agganginut Jahrit 40 git nâlugit.

2 Angutekalaukporle Zareame, Danib abvakungita illanganit pijomik, Manoamik attelingmik; nulliangalo kittorngisuilaupok, ernilaungilarlo.

3 Nalekablo Engelingata arnak tamna sakkervigiva okautilugolo: Ahâk kittorngisuipotit, ernilungilatillo sunamik; singailerniarpotille, erniniarlutillo ernermik.

4 Tagva udsertorit manna, Weinemik pitsartojomiglonêt imiksamik immerkonak, nerrikonaglo ivsornartomik.

5 Singailerniaravit, erniniarlutillo ernermik kipsautingnut pijaujuksaungitomik niakunganut; nukapiak angerutaumajônîarmat Gudemut, anâname timinganit; pigiarniarporlo Israelitit piulilugit Filisterit agganginit.

6 Tagva arnak kaivok uinelo unipkautiva tamattominga, okarlunelo: Gudib angutekotingata tikkipânga, kênangalo tautukalaukpok Gudib Engelingatut, kappianadlartomik; tamanna pivlugo apperilaungilara, nakit pingmangat namungarniarmangallonêt; okautilaungilângalo kannok attekarnerninik.

7 Tapsoma okautivânga: Ahâk singailerniarpotit, erniniarlutillo ernermik. Tagva manna Weinemik immerniarnak, imiksamiglonêt pitsartujomik, nerrinaglo ivsornartomik; nukapiak angerutaumajojuksaungmat Gudemut anâname timinganit, tokkominut tikkilune.

8 Tagva Manoab Nalegak tuksiarvigiva okarlunelo: Nalegak, Gudib angutekotinga tillilauktat, kailaungmile uvapting-

nut, ajochertuikovlugo uvaptingnik pinniaraksaptingnik nukapiame erniangoniartome.

9 Gudiblo Manoab nippinga tussarpa; Gudiblo Engelingata arnak tikkiniva. Iksivalaukporle perorsëvingme, uingalo tapso-manëlaungilak.

10 Tagva tuavidlune akpangerpok, unipkarlunelo tamatto-minga uiminut, okarlunelo: Ahâk angutib uvlome tikkilauk-tama sakkervigivânga.

11 Manoalo nikovipok malliklunelo nulliaminik, tikkilarmelo angumut tapsomunga, okautilâla: Igvit anguteôvit tamna okarkattaullauktok arnamut omunga? tamna okarpok: Ahaila.

12 Manoalo okarpok: Okauserilauktatit malliklugit pijokarniarpat; kannoëtunik nukapiak illusekartuksauva, pinniar-tuksaulunelo?

13 Nalekab Engelinga Manoamut okarpok: Tamainik okauserilauktamnik arnamut, ulloreasuktuksauvok;

14 Nerrijuksaungilak nappartomit Weineliksamit pijomik, immertuksaungilarlo Weinemik, immiksamiglonët pitsartujomik, nerrijuksaungilarlo ivsornartomik; tamaita okauserilauktakka tapsomunga (arnamut) malligaksarivait.

15 Manoalo Nalekab Engelinganut okarpok: Næglingnartotit, ovanesalaurit, angusalloârsumik tuktungajomik akiksoijomavogut illingnut.

16 Nalekable Engelingata Manoa kiova: Ovanekogalloorumga, sulle nerkiksakotitit nerrilungilakka. Nalekamulle tunnergutiksamik ikkoalajaksamik tunnijijomaguviit, tagva taimailiorunagnarpotit. Mannoa kaujilaunginame Nalekab Engelegingmago.

17 Manoalo Nalekab Engelinganut okarpok? Kannok attekarkît? nertordlerkovlunuk illingnik, okauserilauktatit malliklugit pijokarniarpat.

18 Nalekable Engelingata okautiva; Sôg attera pivlugo apperivinga, tattamnadlaralloartok?

19 Tagva Manoab angusalloârsuk tuktungajok tiguva, tunnergutiksarlo nerkiksak, tunnîlâlo Nalekamut kairtome; tapso-malo (Engelib) sennava tattamnadlartomik. Manoalo nulliangalo tækkonârpuk.

20 Ikkomalo ikkoalangmat Altaremit kôngmut killangmut, tagva Nalekab Engelinga Altarib ikkoalaningagut kôngmuarpok. Manoab nulliangatalo tamanna tækkolauramikko, pamakterpuk nunamut kênatik puvlugik.

21 Nalekablo Engelinga sakkijarungnaipok Manoamut nullianganullo. Tagva Manoa tukkisivok Nalekab Engelegingmago.

22 Manoalo okarpok nulliaminut: Tokkotaksauvoguk illa, Gude tækkolauraptigo.

23 Nulliangatale kiova: Nalegak issumakarune tokkotso-mavlunuk, tagva tunnergut ikkoalajaksak, tunnergullo nerkik-sak illelliorajalaungilák aggaptingnit; taimaitomiglo taimainik sakkertitsiviginajalaunginivátiguk tussarkonanuglonét taimaitomik, sorlo manna pilaungmat.

24 Arnablo ernek erniariva, atserarpálo Simsonemik. Nukapiarlo aglisivalliavok, Nalekablo saimarpa.

25 Nalekablo Annerninga pigiarpok tessiorlugo Danekut tangmarvingane, Zareablo Esthaoliblo akkorngangne.

KAPITEL XIV.

Simsonib pinniarnersoanga, nullianingninga, sagvainingalo nellauksaraksamik.

SIMSON attersarpok Timnatemut, tækkolunelo arnamik, Filisterit panningita akkornganne.

2 Takpaungaramelo unipkarpok tamattominga atátaminut, anánaminullo, okarlunelo: Arnamik tækkolaukpunga Timnateme, Filisterit panningita akkornthane; tunnitsivigitinga manna taipsominga nulliaksamnut.

3 Atatangalo anánangalo okarpuk tapsomunga: Arnakangilák manna kattangutivit panningita akkornthane, innukotivillo tamaita akkornthane, aigavit tigusalutillo arnamik Filisterinit kippisimangitunit? Simson okarpok atátaminut; Tamna tunniuk uvamnut, ijingma pinnaringmakko.

4 Atatangale anánangalo kaujilaungilak, Nalekamit pingmat tamanna; pitjutiksarsioramat Filisterine. Filisterille attanniotivut nellitome taipsomane Israelitinut.

5 Taimak tagva Simson attersarpok atátanelo anánanelo illagællugik Timnatemut. Tikkimattalo perorsêvingnut Weineliksani nappartolingu, ahák tagva Loeweâraub errinaloakijarlune pârpa.

6 Nalekablo Annerningata tikkipa, alliktorpálo tamna, sorlo angusalloârsuk alliktortaupångmat; sunakaranelonéllo aggangmine: Okalungilarlo atátaminut anánaminullonét pinniarneri-lauktaminik.

7 Unnungalo pigame arnak okarkattigiva, Simsoniblo pinnariva ijingminut.

8 Uvlullo illangita kingornthane tikkilerivok nullianigomav-lugo, sangulunelo apkomit Loewevinek kemergojomavlugu; ahák igupsaujartoksoakarpok tagva Loewevinerme orksokalunelo.

9 Tigusalaukporlo tagvangat, nerrilunelo apkome, ailunelo atátaminut anánaminullo, tunnitsivigivâglotauk nerrikovlugik. Okautingilâgle orksuk tigulauramiuk kellovinermit Loewemit.

10 Atátangalo attersarêrmat arnamut tapsomunga, tagva Simsone nulliarêlitainarnerninut nerrimârnekartitsivok, sorlo angutit innûsuktut pivangmatta.

11 Tækkogamitsuglo illakartipât tapsomanetuksanik 30 ginik.

12 Simsonible okautivait: Nellaupsaraksamik okautijomavapse; tamanna nellaupsarupsiuk nellaugupsiuglo, nulliarêlitainarniub uvloksiorviksangine 7 ine tamakkonane, tagva tunnitsivigijomavapse uvinerkunik 30 ginik, annoratsianiglo uvloksiorviksiutinik 30 ginik.

13 Nellaujungnangikupsiugle, tagva illipse tunnitsivigijaksarivapsinga uvinerkunik 30 ginik, annorâtsianiglo uvloksiorviksiutinik 30 ginik. Tapkoalo okautivât: Nellaupsaraksat okautigiuk, tussarkovluta mattominga.

14 Tapsoma okautivait: Nerkiksamik annijokalaukpok nerrijoksoarmit, mammaksaumiglo sangijomit. Uvlunnelo pingasune nellaupsaraksak nellaujungnarlaungilât.

15 Uvlullo 7 ingane Simsonib nullianga okautivât: Uit tillioruk okarkovlugo uvaptingnut nellaupsaraksab tukkinganik, ubvalo igvit atátavillo iglomiokattingit illaliudlugit ikkomamut ôniarpaptigit. Inalaukpittigit ovunga aklulertitsomavluta? tai-maingilârlonêt?

16 Tagva Simsonib nullianga kugviorpok tapsoma sângane, okalunelo: Omigivarma nagligingilarmalo. Innukotima kittornganginut tunnijilaukpotit nellaupsaraksamik, okautilaungilarmalo mattominga. Tapsomale okautiva: Okautigilaungilara atátamnû anânamnullo, okautigijaksarivigolo illingnut?

17 Tamnalo nulliarêlitainarnimik uvloksiorvingine kugviut-sainarlaukpok sângane; uvlulle 7 ingane okautiva, pagvisad-larmago. Tapsomalo nellaupsaraksak okautigiva innukotime kittornganginut.

18 Tagva iglugaseksuit angutingita okautivât uvlut 7 ingane, sekkinek nippilerkârtinago: Suna mammanersauva igupsaujartut orksunginit? Sunalo sanginersauva Loewemit? Tapsomale okautivait: Poagrejarlaungikupse nochakotimnut nellaupsaraksara nellaunajalaungilasse.

19 Nalekablo Annerningata tikkipa, tamnalo attersarpok Askalonemut, angutillo 30 git annaulerpait, tigulaitalo annorângit, annoratsiallo tunnivait tapkonunga nellaupsaraksamik nellautsilauktunut. Ningarnerninelo illungertulerpok, takpaungârlunelo atátame iglunganut.

20 Simsonible nullianga tunnijaulaukpok tapsoma aipari-lauktangita illanganut, illanarijatut attorlauktaminut.

KAPITEL XV.

*Simsonib Filisterit angijomik kannoêtokartipait terrianianut,
siutekoktojublo aglerunganut.*

UVLULLE illangita kingorngane kattersiviub Weizenik nelluningane, pijokalaupok, Simsonib nulliane nellipsarmago, angusalloârsungmik tuktungajomik neksarlune. Issumakaramelo: Nulliamnut aijomavunga sinigvingmut; tagva taipsuma atâtangata itterkojomalaungila.

2 Okarlunelo: Omigijaunasugilaukpara illingnut, tunnilaukparalo illanarijarnut; nukkakarporle ânanaukejanganik, tamna piuk, taipsuma inningane.

3 Tagva Simsonib okautivait: Sullijomik pitjutiksakarpunga Filisterinut; kannoêtokartitsomavapse.

4 Simsonelo aularpok, tigusilunelo terianianik 300 dinik, tigusilunelo aumalingnik, pamiungillo kelaksorpait attunît aipangata pamiunganut, aumalingmiglo attautsemik pititsivok pamiuk magguk akkonigingnut.

5 Ikkilugillo tapkoa ikkomamut, aitulugillo Filisterit kakkojaksakotingita akkornganut, ikkitipaillo taimak kakkojaksat kippisimajut, kippitallo kippisimangitullo, perorsêvillo Weineliksatsat, nappartullo orksuggit.

6 Tagva Filisterit okarput: Kina tamattominga pinniarlauka? Tagva okartokarpok: Simson, Thimnatemiub ningaunga; nullianganik aksarlauramiuk, tunnigamiuglo illannarijanganut. Tagva Filisterit takpaungarput, ôpalo atâtanga illaliudlugo ikkomamut.

7 Simsonible okautivait; Taimailiorlauralloarupse, sulle akkiniaromavapse, kingornganelo nokkaromavunga.

8 Angijomiglo annaulerpait arriangittigut sibvêangittigullo. Attersarporlo kairosuglo kairtomêtok Ethameme innigiva.

9 Tagva Filisterit takpaungarput, Judakullo illumavait, tangmarlutiglo Lehime.

10 Judakullo okautivait: Sôg takpaungarkise sorsugvigiluta? Kiovut: Takpaungarpogut Simson kellaksoromavlugo, pinniarvigilugolo sorlo pinniarvigilaungmattigut.

11 Tagva Judakunnit angutit 3000 dit attersarput kairosungmut Ethamemetomut, okarlutiglo Simsonemut; Kaujimangilatit Filisterit attaniotingmatta uvaptingnut? Sôgle tagva taimaitomik pinniarvigilaukpittigut? Tapsoma okautivait: Sorlo pinniarvigilaungmanga, taimak pinniarvigilaurivakka.

12 Tapkoa okautivât: Attersarporlo kellaksoromavlutit unertotigijomavlutillo Filisterit agganginut. Simsonib okautivait: Tagva angervigimarisinga, agviaromanginapsinga.

13 Tapkoa okautivât: Agviaromangilaptigit, kellaksoromatuinarpaptigille, tunnilutillo taipkoa agganginut, tokkotsomangilaptigillo. Kellaksorpållo aklunângnut nutângnut, tessiorlâlo kairtomit takpaunga.

14 Tikkimallo Lehimut Filisterit kaggudlarvigivât kuviassumut. Nalekable Annerningata tikkipa, aklunâglo talligingnelauktuk ivaluksatut ilerpuk, ikkomamut ôtaujotut, kellaksutik aggangine kellarudsarmanik.

15 Nachvarpalo siutekoktojub agleroa nutâk; tagvalo aggane issakpait, tigulâlo, annaulerlailalo tapsomunga angutit 1000 dit.

16 Simsonelo okarpok: Tagga nellavut kattimgajut: Siutekoktojub aglerunganut angutit 1000 dit annaulersimavakka.

17 Tamakkoalo okauserijarêramigit aglerok egipâ aggangminit, innelo tamanna taiva Ramat-Lehimik.

18 Immerudlaramele Nalegak nipliarvigiva okarlunelo: Igvit taimak angijomik piulijaunermik tunnijilaukpotit kivgavit aggangittigit; mannale tokkojuksauvunga immerungnermut, pijaulungalo kippisimangitut agganginut.

19 Tagva Gudib ittersak Lehimetok koppiva, tagvangallo immek kôlerpok. Immerlunelo annerninga utterpok, nekkoksijaumalunelo. Tamanna pivlugo taijauvok sulle uvlok tamanna tikkilugo tuksiartub puailavinganik Lehimetomik.

20 Idluarsaivorlo Israelitinik Filisterit nelliuningane Jahri-
nik 20 ginik.

KAPITEL XVI.

*Simsonib kattengninga, ajulerninga, alkkiniarningalo
kingorlerpâk.*

SIMSON ailaukpok Gasamut, tækkovalo tagvane arnak anguiarpaktok, ittervigivalo.

2 Tagva Gasamiut okautsaulerput: Simson ittersimavok tamaunga. Illumavâllo udsertortaukolugolo unnuak nâlugo iglugaseksuit itterviksoangane, unnuarlo nâlugo innilangalaukput, okarlutiglo: Kaupat, kaumalерpat tokkotsomavavut.

3 Simsonele innilangalaukpok unnuab ketterarninga tikkilugo. Tagva unnuab ketterarningane makkipok, iglugaseksuillo itterviksoangata upkoaksoagik tamarmik tiguva, nappajugik illaliudlugik, kiviklugiglo senneroangit illaliudlugit, pitilugillo tuingminut, erksuglailalo kakkab Hebronib sânganetub kânganut.

4 Kingorgane arnak ungagilerpa, kôngme Sorekeme, Delilamik attelik.

5 Tapsomunga Filisterit attaningit takpaungarput, okautilâlo: Tillioruk issumasiorlugolo, naukut taimak angijomik

pitsartunekarninganik, sunamullo salagijungnarmangaptigo, kellaksorkovluta tapsominga makkutilugolo; tagva attunit tunnit-sivigijomavaptigit Silberlingnik 1000 dinik 100 diniglo.

6 Delilalo Simsonemut okarpok: Nagliktara okautilaunga sukutsikut taimak angijomik pitsartunekarnernik, sunamullo kellaksortaujariakarkit makkutijaukovlutit?

7 Simsonib okautiva: Kellaksortaunajaruma aklunanut 7 in-nut, nappartub ameranganit nutamit pannersimangitomit sennamajunut; tagva sangêlerajarpunga, innuktullo assiitut inajar-punga.

8 Tagva Filisterit attaningita aklunat 7 it nappartub amerang-anit nutâmit sennamajut, pannerlungitut sulle âpait tapso-munga, Delilablo kellaksorpa tapkonunga.

9 (Inningatale aiparusingane udsertortokalaukpok tapsom-inga.) Tapsomalo okautiva: Filisterit illingnut pivut, Simson! Tapsomale aklunât taipkoa kiktoraativait, sorlo aklunarârsuk kiktorangmat ikkomamut pilerpat; tukkisijaulungilarlo pitsar-tuninga nakit pingmangat.

10 Tagva Delila Simsonemut okarpok: Ahâk mittagvigivarma saglokilungalo; mannale okautilaunga, sunamut kellak-sortaujungnarkit?

11 Tamnalo okarpok tapsomunga: Kellaksortaunajaruma aklunânut nutânut, attortaulaungitunut sulle kinamut, tagva sangêlerajarpunga, innuktullo assiitut inajar-punga.

12 Tagva Delilab aklunât nutât tiguvaît, kellaksorpâlo tap-konunga, okarlunelo: Filisterit illingnut pivut, Simson! (ud-sertortokalaukporle tapsominga inningata aiparusingane) tapsomalo kiktoraativait ivaluksatut sorlo.

13 Delilale okarpok tapsomunga: Sulle mittagvigivarma, saglokilungalo. Nagliktara okautilaunga, sunamut kellaksor-taujungnarkit? Tamnalo okarpok tapsomunga: Niakungma nujangit. ingmigolingajut erkesulangajut 7 it pergainajarungne kellaksiutiksamut, atsungertilugolo kikkiangmüt.

14 Tapsomalo okautiva: Filisterit pivut illingnut, Simson! tamnale tuppakpok siningerminut, kellaksutillo pergaimajut, kikkjarlo kellaksiutiksarlo illaliudlugit nutsukpait.

15 Tagva tapsoma okautiva; Kannok okarungnarkit nagli-gigamga, omattivit illagingigalloarmanga? Pingasuertorlutit mittagvigivarma, okautinangalo sukutsikut taimak angijomik pitsartunekarnernik.

16 Uvlut tamaitale pagvisarmago okauserminut, okumaik-sartimagolo, tarninga nukingêrotilerpok tokko tikkilugolo.

17 Omattinelo tamât okautigiva tapsomunga okautilugolo: Kipsautingnik pijokalaungilak sulle niakumnut; angernerijangô-gama Gudemut anânama timinganit. Sallinajarumga, tagva

pitsartunera nulerajarpok uvamnit, sangêlerajarlungalo, innuillo assingititut illunaititut inajarlunga.

18 Delila tukkisilerame manna omattine tamât nellonarungnaitilaungmago tapsomunga, tilliklerpok, kaikojaukulugillo Filisterit attaningit, okautsaukulugillo: Ama takpaungarmititse, omattine tamât nellonarungnaitilaungmago uvamnut. Tagva Filisterit attanningit takpaungarput tapsomunga, neksarlutiglo kênaujanik taipkoninga aggangmingne.

19 Sinnikovalo sâmine, kaikojilunelo salliniartomik tapsoma niakungata nujanginik erkesulangajunik 7 nik. Makkutilerpalo. Tagva pitsartuninga nusimajarêrpok tapsomangat.

20 Tapsomalo okautiva: Filisterit illingnut pivut, Simson! Tuppakamelo issumakalerpok: Annijomavunga, sorlo pikattarlaurama nutsugomalungalo; kaujimananelo Nalegak nusimangmat tapsomangat.

21 Filisterille tiguvât, kappitsivigilâllo ijigingnik, attersartipâllo Gasamut, kellaksorpâllo kellaumgujanut magguinut kanujarnut; parngnanaismavingmelo serkalitsijuksaulaupok.

22 Niakungatale nujangit, sallijaulauktut perorlerivut.

23 Filisterille attaningit kattimaleramik Guditik Dagon tunnergutksamik âtsivigijomavlugo, kuviasugomavlutiglo, okarput: Gudipta omigijivut Simson tunnilaukpa aggaptिंगnut.

24 Taimaktauk, innugiartoksuit tækkogamitsuk, Guditik nakoridlarpât okaramik: Gudipta omigijivut tunnilaukpa aggaptिंगnut, nunaptिंगnik asseroilauktok, tokkotsilauktorlo unnuktunik uvaptिंगnit.

25 Omattingillo kuviasudlalaungmatta mana, okarput: Simson aijaule, pingoarkovlugo sâptingne. Tagva Simson aivât parngnanaismavingmit, pingoarporlo sângine, tapkoalo pitipât nappajuk magguk akkongingnut.

26 Simsonele nukapiamut tessiortiminut aggangmikut okarpok: Perkolaunga nappajungnik, iglub sukkagingnik aktuikovlunga, egarkovlunga tapkongnunga.

27 Iglele tættædlalaukpok angutininik arnaniglo. Filisterit attanningit illunatik tagvanelaurivut, iglublo kângane pittakalaurivoktauk angutininik arnaniglo 3000 diokasaڠnik, tækkonar-lauktunik Simsonib pingoarninganik.

28 Simsonible Nalegak nipliarvigiva okarlunelo: Nalegak, Nalegak erkaringa; pitsartutilungalo Gude, ama tamattomane, ijikka pivlugik akkinniarkovlunga Filisterinik.

29 Nappajuglo kerkanetuk, iglublo tungavigijangak sukkagiglo tiguvak, aipanga tallerpingminut, aipalo saumingminut,

30 Okarlunelo: Tokkolanga Filisterit tapkoa illagællugit; okkungalunelo pitsartunerminut tamânut. Tagva iglo immikpok, attanernut innugiartoksoarnullo tamainut illuanêlauktunut.

Taimak tokkungajut, tokkungane tokkotaulauktut, unnurnersaulaukput tokkolauktaminut innosermine.

31 Tagva kattangutingit, atâtamelô iglomiokotingit illunatik attersarput, tiguvâllo âlâllo takpaunga, illijartorlugolo atâtame Manoab illuvinganut, Zareab Esthaoliblo akkonigingnetomut. Israelitinigle idluarsailaukpok Jahrinik 20 ginik.

KAPITEL XVII.

Micha kîvgartornekartitsivok Gudeungitomik.

ANGUTEKALAUKPOK Efraimib kakkangine Michamik attelingmik.

2 Tamna ananâminut okalaukpok: Silberlingit 1100 dit tigujaumajut illingnit, okautelugjutigilauktattillo siutingma sângangne, ahâk kênaujat tapkoa uvamnêput, uvanga tigulaukpakka. Tagva anânanga okarpok: Saimartitaulerit ernik Nalekamut.

3 Taimak Silberlingit 1100 dit tapkoa tunnilaurivait anânaminut. Anânanga okarpok: Kênaujat tapkoa perkutautilaukpakka aggamnit Nalekamut, ernera pivlugo, adsingoarmik Gudingoarmiglo sennajokarkovlugo; taimaimat tunnilerivakka manna illingnut.

4 Tapsomale kênaujat tunnigivait anânaminut. Tagva anânangata tiguvait Silberlingit 200 dit, tunnilaitalo sabviortemut Goldemik; tamna sennavok tapkonangat adsingoarmik, Gudingoarmiglo, tamana kingorgane Michab iglunganelaukpok.

5 Angullo tamna Micha taimak iglokalaukpok Gudelingmik, sennalunelo ikkiarmik ivsornaitovingmiglo, ernimelo illangat saimarsarpa, ajochertuijokovlugo tapsomunga.

6 Nellitome taipsonane attanekalaungilak Israeleme, illunatigle attunit pinniarlaukput idluarasugijamingnik.

7 Innuosuktokalaukporlo angumik Bethlehememit Judametomit, Judakut akkorngane, tamna Leviteolaukpok, tujormiolaukporlo tagvane.

8 Aularporle iglugasengnit Bethlehememit, Judametomit, ingergaromavlune pijungnartaminut. Ingergarlaukporlo Efraimib kakkangine, Michablo iglunganut pingmat,

9 Michab apperiva: Nakit pivit? tamna kiovok: Leviteôvunga Bethlehemit Judametomit, ingergarlungalo namut pijungnartamnut.

10 Michable okautiva: Uvamnêtsainarit, atâtaujuksauvotit uvamnut, ajochertuijojuksaulutillo uvamnut; Jahrine tamaine tunnitsivigijomavagit Silberlingnik 10 nik, annoraksarniglo, nerkiksarniglo. Levitelo taimak tagvunga pivok.

11 Levitelo tamna tagvanêtsomalerpok angutime tapsomane; tapsomalo nukapiak tamna ernermitut pinniarvigilaukpa.

12 Michablo Levite saimarsarpa, ajochertuijokovlugo tapsomunga; tainaglo Michab iglunganêtuarpok.

13 Michalo okarpok: Manna kaujimavunga Nalekab ajungitulliviginiarmanga, ajochertuijokutekarama Leviteôjomik.

KAPITEL XVIII.

Danekut Laise aksarnigarivait, kivgartornekartitsivullo tagvane Gudingoarmik.

NELLIUTOME taipsomane attanekalaungilak Israeleme. Kittorngarêllo Danekut kingormgutijaksamik nunagijungnartamingnik kennerasuarput; uvlorle tamanna tikkidlugo kingormgutijaksangat nellautaulaungilak sulle tapkonunga, Israelib kittorngarêngita akkorngane.

2 Daniblo kittorngangit abvakungnermingnit, kigililervingmingnit Zareamit Esthaolemillo tilliklerput angutininik tellimanik sorsugungnartunik, nunna nautsertoriarlugo, kemergolugolo, okautivaillo: Aularitse, nunnalo nautsertoriarsiuk. Tikkipullo Efraimib kakkanginut, Michab iglunganut, sinniktarlutiglo tagvane.

3 Michablo iglomiokattinginêdlutik nukapiab Leviteôjub nippinga illitarivât; sâlerpullo tapsomunga, okautivâllo: Kia ovunga âlaukâtit? Sunamik sullijaksakarkit mâne? Sunakar-killo mâne?

4 Tapsomalo kiovait: Imâglo, imâglo Michab pinniarvigilaukpânga, attartorlungalo ajochertuijokutaukovlunga tapsomunga.

5 Tapkoa okautivât: Naglingnartotit, Gude apperiuk tukisilerkovluta, apkosinivut arvertarvigijavut sullinaralloarmangât?

6 Ajochertuijub kiovait: Aularitse ullapirsautekarluze; apkosinise arvertarvigijase idluarpok Nalekab sângane.

7 Tagva angutit tellimat tapkoa aularput, tikkilutiglo Laisemut, tækkolutiglo innuit tagvanetut terlingmatta, sorlo Zidonemiut illusingittitut, uimajaratik terliklutiglo; tagvanelo kiksartitsijokalaungilak tapkonunga, kinakalaungilarlonêt angajokaujomik tapkonunga; ungasidlalaukpullo Zidonemiunit, innuillo sullivigilaungilait.

8 Utterpullo kattangutimingnut Zareamut Esthaolemullo; kattangutingitalo okautivait: Kannok illingavise?

9 Tapkoa okarput: Attaik! takpaungalerta; nunale tamna kemmergolaukpavut, ahâglo, ânanaudlarpok. Tamanna pivlugo tuavititse aularluselo, erkinaulugasse, tikkikovluse tagvunga, nuna tamna aksarnigarilugo.

10 Takpaungarupse innukatigéksoarnut terliktunut tikkini-arpose; nunalo angijôvok, Gudib tunningmago aggapsingnut; nunna imaitok, ajoksarnarlungitok sunamik nunametomik.

11 Tagva aularput tagvangat, Danib abvakunginit, Zarea-mit Esthaolemillo, angutit 600 dit, oppalungairlutik sakkomingnut unatadlarnermut.

12 Takpaungarpullo, tangmarlutiglo Kireat-Jearimeme Judametome. Tamanna pivlugo inne tamanna tailaukpât Danib tangmarvinganik uvlok tamanna tikkilugo, Kireat-Jearimib ungatanêtok.

13 Tagvangallo aivut Eframib kakkanginut, tikkilutiglo Michab iglunganut.

14 Tagva angutit tellimat aularlauptut, nunamik Laisemik nautsertorlutik, kiovut, okarlutiglo kattangutimingnut: Kaujimagivise iglune tamakkonane pittakarmat ikkiarmik ivsornaitovingmiglo, adsingoarmiglo, Gudingoarmiglo? Manna issumaksarsiorungnarpose kannok pinniartuksaunipsingnik.

15 Tapkoa tagvunga itterput, tikkilutiglo nukapiab Levi-teôjub iglunganut, tagva Michab iglunganut, salutipâllo pitsiarlutik.

16 Tapkoalo 600 dit oppalungairsimajut sakkumingnut, Danib kittornganginit pijut, nangerput upkoaksub sillatâne.

17 Angutillo tellimat nunamik nautsertorialauptut, takpaungarput tikkilutiglo tagvunga, tigusilutiglo adsingoarmik, ikkiarmiglo, ivsornaitovingmiglo, Gudingoarmiglo; taimailiortillugit ajochertuijok nangerpok upkoaksub sillatane 600 dine, oppalungairsimajune sakkomingnut unatadlarnermut.

18 Tapkoa Michab iglunganut pingmatta, tigusingmattalo adsingoarmik, ikkiarmiglo, ivsornaitovingmiglo, Gudingoarmiglo, ajochertuijub okautivât: Suvise ovane?

19 Tapkoa okautivât: Nippangerit, kanillo epummeruk, aularkattigilutalo, atâtaukovlutit ajochertuijokovlutillo uvaptingnut. Namanersauva illingnut angutib attausênaub iglungane ajochertuijoguvit, Israeliblonêt kittorngarêngita abvakungitalo illangane illuitome?

20 Ajochertuijub tamanna kuviagiva, tigusilunelo ikkiarmik, ivsornaitovingmiglo adsingoarmiglo, ailunelo innugaseksuit akkornganut.

21 Utterlutiglo aularlauramik sorrutsit nergjutillo pivianartokottitiglo sivorlerkovait.

22 Kanningitomêmatta manna Michab iglunganit, tagva angutit iglunit, Michab iglungita kannitanganêtunit, kattimalerput,

malliklutiglo Danib kittornganginik, nipliutidlarlugillo Danib kittorngangit.

23 Tapkoale kênatik keviarpait, okarlutiglo Michamut: Suni-arpit, taimaitomik kaggudlarnekartitsigavit?

24 Tamna kiovok: Gudigijakka sennalauktakka tigulaupasse, ajochertuijorlo, aularluselo; sunakarkik manna sulle? Illipselo appertsorpose sulle, suniarnimnik?

25 Danible kittorngangita okautivât: Nippit tussartaukonniarnago uvaptingne, opaktaukonnak angutitut ningartunut; tarnit, iglomiokattivillo tarningit pējartaukonagit.

26 Taimak Danib kittorngangit sivumuarput apkotimingne. Michalo tækkolaurame songoluarmatta tapsomunga, utterpok tikkimilunelo iglominut.

27 Tapkoale tigusivut Michab sennalauktanganik, ajochertuijomiglo pigilauktanganik, tikkilutiglo Laisemut, immukattigêngnut uimajangitunut, terliktunullo, ullimârpaillo saviksub kênanganut, iglugaseksuillo ikkipait ikkomamut;

28 Piuliklertokalaungilarlo tapkoninga, Zidonemit ungasi-laungmatta, innuillo sullivigilaungilait, naksarmelaukpullo Beth-Rehobemetome. Tagvane iglogaselliorput nunakarlutiglo tagvane.

29 Atserarpaillo Danemik, atâtagijatik Dan, Israelib ernerianga malliklugo. Iglugaseksuillo tapkoa sivornagut attekalauput Laisemik.

30 Danible kittorngangita, pivlutik adsingoak taimna nap-partipât. Jonathanelo, Gersonib Mannasib erningata erninga, erningillo ajochertuijôlaukput kittorngarêt Danekut akkorngane, nelliutok tamna tikkilugo parngnanairsortauvlutik aulartitaukârtinagit nunnamit.

31 Taimaglo adsingoak Michab senajaukolauktanga pitipât akkonamingnut, taimak akkunêrtigijomik Gudib iglungata Silo-melaungningatut.

KAPITEL XIX.

Gibeamiut kangunartunik pitlartaunartuniglo pinniar-nekarput.

NELLIUTOME taipsomane attanekalaungilak Israeleme. Angutelo Leviteôjok tujormiolaukpok Efraimib kakkangata sivinganingane, pannervgarnilaukporlo Bethlehemit Judamêtomit.

2 Senniagullo ajortullilaurame kemmavâ, atâtame iglunganut Bethlehememut Judamêtomut, tagvanêlunelo takkit sittamat nâlugit.

3 Uingalo parngnailerpok, malliklugolo, pitsiarlune okarkattigijomavlugo, aijomangmilugo ingminut, aipakalunelo nuka-

piamik, siutekoktojungniglo maggungnik. Tapsomalo atâtame iglunganut ittertipa. Arnablo atâtangata tækkogamiuk kuviasulerpok illelliorpalo.

4 Sakkingatalo, arnab atâtangata inapa, uvlunik pingasunik uvlilerkovlugo; nerrilutiglo imerlarmiglo siniktarlutiglo unnuarme tagvane.

5 Uvlut sittamangane uvlarme makkijajovut, nikkoviporlo aularomavlune. Tagva arnab atâtanga ningaungminut okarpok: Omattit nekkoksitikâruk niakojársumgut, kingorgane aular-tuksauvose.

6 Ingilaukpuglo nerrikattigêlutiglo imerlarmiglo. Tagva arnab atâtanga angumut tapsomunga okarpok: Nagliktara, unnuak ovanelerit omattillo serrilerle.

7 Angulle makkimat aularomavlune, sakkingata unniksarpa sinniktarkovlugo tagvane.

8 Uvlut tellimangata uvlângôningane makkijajovok aularomavlunelo. Tagva arnab atâtanga okarpok: Nagliktara, omattit nekkoksititsuk, tuavitaililutalo uvloklilerkârtinago; taimaglo nerrikattigêkpuk.

9 Angullo nikkovipok aularomavlune panervgane nukapiakotinello illagællugik, sakkingatale, arnab atâtangata okautiva: Ahâk uvloklilerpok unnuleromalunelo, unnuak ovanelerit. Ahâk sinniktarvikarpok sulle uvlome, unnuak ovanelerit, omattillo serrilerle; kaupat makkijajovose aularluselo apkotipsingne iglungnut.

10 Angulle tamna sinniktarmalaungilak, parngnailerporle aularlunelo, tikkilarmelo Jebusib, tagva Jerusalemib sânganut; najortekalaukporlo siutekoktojungnik maggungnik nangmartungnik, pannervgaminiglo aipakarivok.

11 Jebusiblo kannitanginut pigamik uvloklilerpok. Nukapiarlo angajokaminut okarpok: Nagliktara, Jebusiterit iglugaseksoanginut tamakkonunga itterta, sinniktarlutalo unnuak.

12 Angajokangale okarpok tapsomunga: Tækkorngartat, Israelib kittornganginut illingalungitut iglugaseksoanginut itterromangilagut, akkianulle pijomavogut Gibeamut.

13 Okarporlo nukapiakotiminut: Kait, sivumuarta kaglilerkovluta inniksamut sinniktarviptingnut, Gibeamullonêt Ramamullonêt.

14 Sivumuarpullo arvertarlutiglo, sekkinerlo nippivok Gibeab Benjaminemêtub kannitanganêtillugit.

15 Sâlerpullo tagvunga, itteromavlutik sinniktarmavlutiglo Gibeame. Itteramele ingipok iglugaseksuit apkosininganut; sinniktarkojjokalaungimat tapkoninga unnuarme iglomine.

16 Ahâglo, tagva angut îtok kaivok sullinerminut peror-sêvingmit unnuame; Tamnatauk Efraimib kakkanginit pilauk-

pok, tujormijolunelo Gibeame; iglugaseksuille innungit Jeminib kittormgarivait.

17 Tækkosaramelo, tækkolunelo tujormijomik apkosiner-mêtomik iglut akkorngane, okautiva: Namungâromavit, nakillo pivît?

18 Tapsomale okautiva: Bethlehemit Judametomît pivogut, ingergarlutalo Efraimib kakkangata ikkianganut nunakarvimnut; Bethlehemullo Judametomut ailaukpogut, ailungalo manna Nalekab iglunganut, siniktarvikarkojijokangilarlo uvamnîk.

19 Ivikarpogut nerkiksakalutalo siutekoktojojokotiptingnut, niakojakalutalo, Weinekalaptalo uvamnû kivgarnullo arnamut, nukapiamullo kigavit illagijagingnut; ajoksarniangilagut sunamik.

20 Itôk tamna okarpok: Ullapirsautekarit! Kingomajattit tamaita naipipattit uvamne; unnuakulle iglut akkorngane apkosinermetuinarniarnak.

21 Tessiorpâlo iglominut, siutekoktojûglô nerrîpkautiksamik tunnitsivigivak, ittîkatiglo ubvarpait, nerrîlutiglo immerlarmiglo.

22 Omattingille serrîdlartillugit manna, ahâk, tagva iglugaseksuit innungit uivêtoâluit tikkiput, iglulo illumavât, avîlortarlutiglo upkoamut, okarlutiglo îtomut, iglub angajokanganut: Angut iglungnut tikkitok annîtileruk, illîtarksîlerkovluta tapsomînga.

23 Angulle iglub angajokanga annîvok tapkonunga, okautîlugillo: Aukak kattangutikka, taimak idlûitullîniarase; angut tamna îtterlaukârmatîglumnut, taimaitomik sillainekartitsîniarase.

24 Ahâk pannekarbunga uigasôjomik sulle, tamnalo pannervgarpok, tapkoa anîtîtsomavâka illîpsîngnut, tapkoa unêt sujuktîtsungnarpasse, pînnîarvigîsîgiglo pijomajapsîgnîk; angulle tamna sillainermik taimaitomik pînnîarvigîniarassîuk.

25 Innûille nalegomalaungîlât. Tagva angutîb tapsoma pannervgane tîguva annîtilâlo, tamna illîtarîlerpât, attornerlugulugolo unnuak nâlugo, kau tikkilugo; uvlogatâlermallo aularkovât.

26 Tagva arnak tamna uvlogatâlerîtillugo kaivok, pâlaklunelo iglub angajokame najortangata upkoangata sânganut, nellalunelo tagvane kaulermarîkârtînnago.

27 Angajokangalo uvlârme makkîmat, iglublo upkoanga upkuêrmago, annîngmallo aularomavlune; ahâk, tagva pannervganga nellavok iglub upkoangata sângane, aggangîllo kattaub manonganêlaukput.

28 Tapsomale okautiva: Makkitî, aulartalo. Tamnale kîolungîlak. Tagva siutekoktojojokotîminut illîva, parngnâlerpok aularlunelo nunagîjaminut.

29 Angeraramelo manna, savîk tîguva, pannervganelo tîgu-mîarlugo pivok, avgorpalo sauningit illâlîudlugit 12 ôlîvlugolo, tîllîklîutîlâitalo Îsraêlîb kîglîlervîngînut tamainut.

30 Kinalo tækkolauktok tamattominga, tamna okarpok: Taimaitomik tækkojokalaungilak, pijokalaungilarlo, Israelib kittorngangita aularninganit Egiptenemit, uvlok tamanna tikkilugo. Manna tamanna issumaksarsiorutigisiuk, attannioriarluselo, okarluselo issumapsingnik.

KAPITEL XX.

Kinguvarêt Benjaminelut nungutaukasulerput.

TAGVA Israelib kittorngangit Danemit Bersaba tikkidlugo, nunamillo Gileademit, aularput kattimalerlutiglo attautsemut, angutetut attautsetut sorlo, Mizpamut Nalekab sânganut;

2 Israeliblo kinguvarêngita tamaita Gudib illagêktokotingine, innugiartoksoangita angajokangit kattimalerput, angutit pissuktut 400,000 dit saviksoalijarlauktut.

3 Benjaminible kittorngangit tussarlaukput, Israelib kittorngangit takpaungarlaungmatta Mizpamut. Israeliblo kittorngangit okarput: Okaritse, kannok idluineâluk tamanna pilauka?

4 Tagva Levite taimna, arnab tokkotaumajub uinga kiovok okarlunelo: Gibeamut Benjaminemêtomut pilaukpunga panervgara illagællugo, sinniktaromamut tagvane.

5 Tagva Gibeamiut opalaukpânga, iglomelo unnuarme illumalaukpânga, tokkotsomavlungalo, panervgaralo attornerlulaukpât tokkolerkârtinago.

6 Tagva panervgara tigulaukpara avgorlugolo, tillikliutilugolo Israelib kingorngutijangata nunanginut illunainut; kuksalainermik sillainermiglo pilaungmatta Israeleme.

7 Ahâk illipse kittorngaujose Israelemut illunase manêpose; issumapsingnik, kannorlo pinniaromanipsingnik okaritse.

8 Tagva innugiartoksuit tamaita nikkovilerput angutetut attautsetut sorlo, okarlutiglo: Ittertokartuksaungilak kinamik tupperminut, uttertokartuksaungilarlonêt iglominut,

9 Imagle pinniaromavogut manna Gibeamut:

10 Immerarta; tigusilutalo angutinik tellimaujortunik 100 dinit, 100 diniglo 1000 dinit, 1000 diniglo 10000 dinit, Israelib kinguvarênginit tamainit, tigusikovlugit nerkiksanik innugiartoksoarnut, aikovlugit pinniarkovlugillo Gibeamut Benjaminemêtomut, tamaita sillainingit sakkertilauktangit Israeleme malliklugit.

11 Taimak Israelitit angutingit illunamassiatik kattimalerput angutetut attautsetut sorlo, iglugaseksoarnut taipkonunga, angerkattigêlutiglo.

12 Israeliblo kinguvarêngit tilliklerput angutinik Benjaminib abvakunginut tamainut, okautsaukolugillo: Kannok idluitoksoniôva, piniarnerijaulauktok illipsingne?

13 Tagva manna angutit taipkoa, uivêtoâluit Gibeamêut unertotigisigik uvaptingnut, tokkotsikovluta tapkoninga, pējai-kovlutalo idluiniâlungmik mattominga Israelemit. Benjaminible kittorngangita kattangutimik Israelib kittorngangita nippingat nalegomalaungilât.

14 Iglugaseksoarnille kattimalerput Gibeamut, aularomav-lutik unataclarnermut Israelib kittornganginut.

15 Nelliutomelo taipsomane Benjaminib kittorngangit iglu-gaseksoarnit tamainit kittitaulaukput, angutit 26000 dit savik-soalijartut, Gibeamiut pinagit, tapkoa kittitaulaukput 700 dit, angutit annerijaumajut.

16 Innugiartoksuillo tapkoa akkorngane angutekalaukpok 700 dinik annerijaumajunik, saumiolauktunik, illoreumullo nujak uvigarungnarlaukpât uniornagolo.

17 Israelitille (Benjaminekut illaliutinagit) kittitaulauri-vuttauk angutit 400000 dit, saviksoalijartut, sorsugungnartullo illunatik.

18 Tapkoa parngnailerput, takpaungarlutiglo Gudib iglung-anut, Gudelo appertsorpât, okarlutiglo: Kikut uvaptingnit aularkârtuksauvât, unataclarne pigiarlugo Benjaminib kittorng-anginut? Nalegak okarpok: Judakut pigiartuksauvut.

19 Taimak Israelib kittorngangit uvlarme parngnailerput, tangmarlutiglo Gibeab sivorânut.

20 Angutillo Israelitit illunatik annivut sorsugomamut Ben-jaminekunut, oppalungajailutiglo Gibeas sorsugvigilugit.

21 Tagva Benjaminib kittorngangit annisarpur Gibeamit, ullimarnilutiglo ochotitsivut nunamut uvlorme taipsomane Isra-elitit akkorngane 22000 dinik.

22 Innugiartoksuillo, angutit Israelitit maksoatilerput oppa-lungajailutiglo ama sorsugomavlutik, tagvane uvlub sivorlingane oppalungairvigilauktamingne.

23 Israeliblo kittorngangit takpaungarput, kugviorlutiglo Nalekab sângane unnuk tikkilugo, Nalegarlo appertsorpât, okar-lutiglo: Ama aijuksauvita sorsukluta Benjaminib kittornganginut kattangutiptingnut? Nalegak okarpok: Takpaungarvigisigik.

24 Israeliblo kittorngangita uvlub aipangane Benjaminib kittorngangit najulermattigik,

25 Benjaminekut annisârpur Gibeamit, taipkoa pârlugit uvlorme taipsomane, ullimarnilutiglo, ochotitsilutiglo nunamut ama Israelib kittornganginit 18000 dinik, saviksoalijartunik illunainik.

26 Tagva Israelib kittorngangit illunatik, innugiartoksuillo illunatik takpaungarput, kailutiglo Gudib iglunganut, kugvior-lutiglo, uvlilutiglo tagvane Nalekab sângane, nerrinatiglo uvlorme taipsomane, unnuk tikkilugo, tunnijilutiglo tunnergutinik ikko-alajaksanik, tunnergutiniglo kujalijutiksanik Nalekab sângane.

27 Israeliblo kittorngangita Nalegak apperivât, (Gudible angernerilauktangata iklervinga taipsonane tagvanelaukpok;

28 Pinehaselo, Eleaserib Aronib erningata erninga nangerlaukpok tapsoma sângane nelliutome taipsonane) okarlutiglo: Ama aulartuksauvita sorsukluta Benjaminib kittornganginut kattangutiptionut, nokkartuksauvitalonêt? Nalegak okarpok: Takpaungaritse, kaupat tunnijomavakka aggapsingnut.

29 Israeliblo kittorngangit uttakkijokartitsivut terliarsivingne Gibeab avatâne.

30 Taimaglo Israelib kittorngangit uvlut pingajuane takpaungarput Benjaminib kittornganginut, oppalungaijailerlutiglo Gibeamut, sorlo sivorngane maggoêrtorlutik pilauramik.

31 Tagva Benjaminib kittorngangit annisadlalerput innugiartoksuit pârlugit, nulerlutiglo iglugaseksoarnit, pigialerlutiglo ullimarniklutik killerniglutiglo innugiartoksoarnit, sorlo sivorngane maggoêrtorlutik pilauramik, naternane, apkosinerne maggungne, aipanga Bethelmut sangmijome, aipanga Gibeamut sangmijome, angutinik Israelitinik 30 ginik.

32 Tagva Benjaminib kittorngangit issumalaukput: Salagijaumavut sâptingne sivranganetut. Israelible kittorngangit okarput: Kemâlerta nutjikovluta tapkoninga iglugaseksoarnit apkosinermut.

33 Tagva Israelib angutingit illunatik innimingnit annivut, oppalungaijailutiglo Baal-Thamareme. Israeliblo uttakkijokingit terliarsivingme annivut innimingnit, kairosungmit Gabamik attelingmit,

34 Gibeamullo tikkiput, angutit anerimajut Israelitinit taimait 10000 dit, unatadlarnek songolaungmat; nelludlalaukpulle kannoêtub tikkiniarmagit.

35 Taimak Nalekab Benjaminekut ullimârpait Israelib kittorngangita sângane, Israelib kittorngangita uvlorme taipsonane asserorlaungmagit Benjaminekunit angutit 25100 dit saviksoalijartut.

36 Benjaminible kittorngangit tækkolaungmatta salagijauernerimingnik, Israelib angutingita iniksakartipait; uttakkijut terliarsivingme Gibeametilauktatik sungertutigigamigit.

37 Terliarsivingmêtullo tuavilaurivut, annilutiglo Gibeamut, najutilutiglo, ullimarnilutiglo iglugaseksoarmiunik taimainik saviksub kênanganut.

38 Nellunaikutekartigêlaukpulle Israelib angutingit, terliarsivingmêtullo, saviksoarmut opaklugit, isserluk iglugaseksoarnit kongmuarajapat.

39 Israeliblo angutingit manna sangulaungmatta unatadlarnerme, Benjaminekullo pigiarmatta ullimarniklutik; killerningmattalo Israelitinit angutinik 30 gekassangnik, issumakarmatta, salagijau-mavut sâptingne, sorlo unatadlarnerub tamattoma sivorlinganetut;

40 Tagva isserluk pikkunga kongmualerpok iglugaseksoarnit, Benjaminekullo keviarput tunnumut; ahâglo, tagva ikkomaub ikkoalaninga kongmuarpok iglugaseksoarnit.

41 Israeliblo angutingit sangulaurivut koaksartilaitalo Benjaminekut; takkolauramik kannoëtub tikkitsomangmagit.

42 Tamanna pivlugo sangulerput Israelib angutingita sângine, apkome sunakajuitomut sangmijome; unatadlarnerule mallikpait; taimaglotauk iglugaseksuit assinginit tamattomunga (unatadlarnermut) pilauktut asserorpait.

43 Illumavaillo Benjaminekut udlapaillo Menuah tikkidlugo, tullerarpaillo Gibeab sivorânut tikkilugo, kittânut.

44 Benjaminekunillo ochovut angutit 18000 dit, illunatik anguteôlauktut sorsugungnartut.

45 Tagva sangulerput kemâlutiglo sunakajuitomut, kairtomut Rimonemut; apkomele tamattomane ullimarpait angutit 5000 dit, mallikpaillo Gideome tikkilugo, ullimarpaillo tapkonangat 2000 dit.

46 Taimaglo ochovut Benjaminekunit uvlorme taipsomane angutit 25000 dit, illunatik saviksoalijartut, illunatiglo angutaularauktut sorsugungnartut.

47 Angutit 600 dituinait sangulerput kemâlutiglo sunakajuitomut, kairtomut Rimonemut, kairtomelo Rimonemêlaukput takkit sittamat nâlugit.

48 Israeliblo angutingit utterivut Benjaminib kittornganginut, ullimarnilutiglo sâviksub kênanganut iglugaseksoarne, tamangnik inungnik nergjutiniglo, naipitaujuniglo tamainik; iglugaseksuillo tamaita naipitaulauktut ikkitaubut ikkomamut.

KAPITEL XXI.

Kittorngarêt Benjaminekut nulliakartitauninginik.

ISRAELIBLE angutingit angermarilaukput Mizpame, okarlutiglo: Kialonêt pannine tunnijaksaringila Benjaminekunut nulliaksamut.

2 Innugiartoksuillo kailaukput Gudib iglunganut, tagvanêlutiglo Gudib sângane unnuk tikkilugo, kagverlutiglo nippimingnik, kêavaksoadlarlutiglo,

3 Okarpullo: Nalegak Israelib Gudinga, sôg tamattomunga pijokalauka Israeleme, uvlome Israelib kittorngarêngit attautsenik ikkinersaulersimangmatta?

4 Kaub aipangane innugiartoksuit makkijajövut, sennalutiglo tagvane Altaremik, tunnijilutiglo tunnergutinik ôtaksanik, kujalijutiksanglo.

5 Israeliblo kittorngangit okarput: Kikkogalloarkât Israelib,

kittornganginit takpaungarkattaulungitut illagêt illagællugit Nalekamut? Angijomik angernermik pijokalaungmat, takpaungarlungitok Nalekamut Mizpamut tokkotaksaungmat.

6 Israeliblo kittorngangita Benjaminekut, kattangutitik kakki-alerutigivât, okarlutiglo: Uvlome kinguvarêt attautsit naviksimavut Israelekunit.

7 Kannok pinniarvigijomavittigik amiakungit nulliakalerkovlugit? Angermarilaurapta Nalekame, panniptingnit tunnitsivigijomanginaptigik nulliaksanik.

8 Okarpullo: Kikkogalloarkât Israelib kittorngarênginit takpaungarlungitut Nalekamut Mizpamut? Ahâglo, tagva pittakalaungilak kinamik illagêt tangmarvingine Jabesemit Gileademetomit.

9 Innugiartoksuit kittilaungmagit, ahâglo tagvanetokalaungilak Jabesemiomik Gileademetomit.

10 Tagva illagêt tagvunga tilliklerput angutinik 12000 dinik, angutinik sorsugungnartunik, perkolugillo, okalarmiglo: Aileritse ullimarniluselo saviksub kênanganut Jabesemiunik Gileademetomiunik, nulliangit kittorngangillo illaliudlugit.

11 Imâgle pijuksauvose: Anguteôjut illunaita, arnallo inangalauktut angume, asseroraksarivasse.

12 Jabesemiunelo Gileademetomiune nachvarput arnanik 400 dinik, uigasojunik, inangalaungitunik angume, tapkoa âpait tangmarvingmut Silomut Kanaanib nunanganetomut.

13 Tagva illagêt illunatik tilliklerput okarkattigêkojilutiglo Benjaminib kittornganginik, kairtome Rimonemetunik, kaikolugillo ullapirsarnartomik.

14 Taimak Benjaminib kittorngangit kailaurivut nelliutome taipsomane, tunnitsivigivaillo arnanik tapkoninga, pilauktamingnik arnanit Jabesemit Gileademetomit, nachvarungnaipullo taimaitunik.

15 Tagva innugiartoksuit Benjaminekut kakkialerutigivait, Nalegak Israelib kittorngarêngine koppakartitsilaungmat.

16 Illagêktullo angajokangit okarput: Sunamik pinniaromavita assingittauk nulliakalerkovlugit? Arnat Benjaminekune pêjar-simangmatta.

17 Okarpulle: Amiakojut Benjaminekunit kingormgutigijatik pigênaraksarivât illa, kinguvarêt attautsit nungutaukonagit Israelemit.

18 Uvagullo panniptingnik tunnitsivigijungnangilavut nulliak-sanut. Israelib kittorngangit angerkattigêmarilaungmatta, okarlutiglo: Ominarsijaule tunnijijok nulliaksamik Benjaminekunut.

19 Okarpullo: Ahâk uvloksiorviôvok Nalekamut Silome avanêtome Bethelib akkilinganetome, kittâne, apkosinerme takpaungarviojome Bethelimit Sichemut, Lebonablo sekkerngane.

20 Benjaminiblo kittorngangit perkovait okautilugillo: Aile-ritse uttakkiluselo nappartune Weineliksane.

21 Tækkoniarupselo tagva, Silomiut panningit annilermatta ingerlutik okkigêsermut, tagva annisâdlaritse nappartunit Weineliksanit, attunnillo nulliaksamik tigusileritse Silomiut panninginit, ailuselo Benjaminekut nunanganut.

22 Atâtangille kattangutingillonêt kainiarpatta akkiortaukoluse, okantijomavavut: Napkigisigik pivluta, angutitut illunainut nulliaksamik pilaunginapta unatadlarnerne; illipselo tunnijomalaunginapsigik tapkonunga, passijaksauvose tamattomane.

23 Benjaminiblo kittorngangit taimailiorlaukput, tigusilutiglo nulliaksamik unnurnitik malliklugit, okkigêsertunit, aksarnigarijamingnik, aularlutiglo nunakalarmiglo kingormgutijamingne, iglogaselliorlutiglo iglugaseksoarnik, innigivaillo.

24 Israelib kittorngangittauk taipsomane aularput tagvangat attunit kinguvangukattimingnut illamingnullo, aularlutiglo attunit kingormgutijamingnut.

25 Nelliutome taipsomane attannekalaungilak Israelekune; attunit pinniarput namagijamingnik.

Ruthib aglangit.



KAPITEL I.

Ruth ingergarpok Naemi illagællugo Bethlehemut.

NELLIUTOME taipsomane idluarsaijut attanniotillugit, kângnartokalaukpok nunane. Angullo Bethlehemiok Judamétomiok, nðlaukpok ingergarlune Moabiterit nunanganut, nulliane ernangnelo illagællugit;

2 Attekalauktok Elimelechemik, nulliangalo Naemimik, ernigiglo aipanga Mahlonemik, aipalo Chil-Jonemik, Efratemiongðlaukput Bethlehemit Judametomit. Tikkinamiglo Moabiterit nunanganut tagvanetualaukput.

3 Elimelechelo Naemib uinga tokkovok, tamnalo amiakolerpok ernangne illagællugik.

4 Tapkoa nullianikpuk arnångnik Moabitereôjungnik. Aipanga attekalaupok Arpamik, aipa Ruthemik. Tagvanelo nuna-kalaupok Jahrinik tellimaujortunik,

5 Tamarmik tokkolerpok, Mahlon Chil-Jonelo; arnarlo amiakolaupok ernangminit ungminillo.

6 Tagva parngnailerpok ukkuangne illagællugik, aularmilunelo Moabiterit nunanganit; tussarlaurame Moabiterit nunangane, Nalekab innukotine nellipsarlaungmagit, kakkojaksamiglo tunnitsivigungmagit.

7 Annilauporlo innimit, innigilauktaminit, ukkuakitalo illagivåk. Pissuklunelo apkome, tikkitsomavlune Judakut nunanganut,

8 Ukkoangminut okarpok: Aileritik utterlutiglo attunnit ananame iglunganut. Nalekab napkinergermik pinniarvigilitik sorlo illiptik tokkungajune, uvannelo pilauraptik.

9 Nalekab tunnitsivigilitik, innilanganermik nachvarkovlutik, attunit uime iglungane; kunnikpåglo. Tagva nippitik kagvarpåk kéalutiglo,

10 Okautivåglo: Illagællutit nunakotingnut aijomavoguk.

11 Naemile okarpok: Uttileritik pannika! Sôg illagijomavitinga? Kannok pijomårtome ernekarungnarniarkik timimne uingolerniartungnik illiptingnut?

12 Uttileritik pannika ailutiglo; manale ningiongoluarpunga uingnigungnarnermut. Okarajaralloarumalo: Nerriungnarpok unuarne tamattomane uingningniarama, kittornganiglo erniniamama,

13 Kannorle uttakkijungnaralloarkitik innumariolerningnik? Kannok mulludlartuksauvitik uingnigatik? Aukak, panika! naiperkotigidlaraptik; Nalekab aggangita akkerartorlunga tikkid-larmanga.

14 Tagva nippitik kagvarpakik kèanersaulutiglo sulle. Arpablo sakkine kunnikpa; Ruthelapsomanêtuarpok.

15 Tamnale okarpok: Ahâk angajungoit utterpok innukotiminut Gudiminullo; igvittauk utterit angajungoit malliklugo.

16 Ruth kiovok: Okarviginiarnanga kemmajaksarigapkit, uttertuksaugamalo illingnit. Aivigijarnut, tagvunga aijomagivunga; nokkarvigijarne, tagvane nokkaromagivunga; innukotitit innukotigivakka, Gudillo Gudigivara.

17 Tokkoniaringne, tagvane tokkoniaringvunga, tagvanelo illijartortaujomagivunga. Nalekab imâk imâglonêt pinniarvigilinga, tokkub avititaksarivâtiguk.

18 Tækkogame manna, attangusivlune issumakarmat aiparijomavlugu, okarvigijungnailerpa tamattominga.

19 Taimak tapkoa ingiarkattigêkpuk, Bethlehemut tikki-

kâratik. Bethlehemullo pingmannik iglugaseksoarmiut illunatik innilangajuêrutigivakit, okarlutiglo: Tamna Naemiôva?

20 Tamnale okarpok: Tainiarassinga Naemimik, taingar-singale Maramik, ajugakangitub agijomik kiksartilaungmanga.

21 Pittakaloriklunga aularlaukpunga, angênarlungale Nalekab angerartilaurivânga. Sôgle Naemimik taivissinga? Nalekab mik-lilertilaualloarmanga, ajugakangitublo kiksartimanga.

22 Kattersivigle Gerstenik nelliutilaukpok Naemi ukkuangalo Ruth, Moabitereôjok, utterlaungmannik Moabiterit nunanganit Bethlehemut.

KAPITEL II.

Ruth kattersivok sullugainernik Boasib perorsêvingane.

ANGUTEKALAUKPOKTAUK, Naemib uingata illanarijang-anik, Elimelechib illanginit, Boasemik attelingmik, anguteôlauk-tomik perkutelingmik.

2 Ruthelo Moabitereôjok Naemimut okarpok: Perorsêving-mut ailaulanga, sullugainerniglo kattersilunga, tamna mallik-lugo saimaneksivigijara. Tapsomale okautiva: Ailerit pannik.

3 Tamna aivok, tikkilune kattersivok perorsêvingme kib-luijut malliklugit. Nellautsivorlo perorsêvik tamna perkutau-laungmat Boasemut Elimelechib illanginit pijomut.

4 Ahâglo, Boase Bethlehemit pivok, okarlunelo kibluijunut: Nalekab illagilise! Tapkoa kiovut: Nalekab saimartilitit!

5 Boaselo kivgaminut kibluijunut angajokangortitaumajomut, okarpok: Kia arnak una pigivauk?

6 Kivgarlo angajokangortitaumajok kibluijunut kiovok, okarlunelo: Arnauvok tamna, Moabitereôjok, Naemi illagêllugo utter-lauktok Moabiterit nunanganit.

7 Okalaungmat: Nægliklara, kattersikolaunga kippitat ak-korgane, kibluijut malliklugit; taimaglo tikkipok sullilunelo tagvane uvlamit manna tikkilugo, iglominelo annikitotuinnarmik nokkarpok.

8 Tagva Boas Ruthemut okarpok: Tussarkît pannik? Perorsêviub oma assianut aijuksaungilatit, kattersilutit; nuler-niarnaglonêt ovangat, arnakotimnetualerille;

9 Tækkolutillo nane kibluivigijanganik perorsêvingme, tag-vunga mallikit. Angutekotikka perkolaukpakka ullapitaukonak kinamut. Immerujarangavillo, ailerit immerkaumut, nukapia-kotima kalluvigijanganut, immerlutillo.

10 Tagva pamakterpok kênane pûvlugo, tuksiarlunelo nuna-mêdlune, okautivalo: Sunamut saimaneksivik ijikpît sângangne, illitarigamga, tækkorngartaugalloartunga?

11 Boase kiovok, okautilâlo: Okautsaumavunga tamainik pinniarnirilauktarnik sakkingnut, uikpit tokkungata kingorngane; atâtâit anânaillo, innulervillo kemalaurangne, innukattigêksoarnullo tikkisimavlutit illitarilaungitarnut sivorngane.

12 Nalekab pinniarnirilauktat akkilêjutigiliuk illingnut, akkilerlaunillo namamarigle Nalekame Israelib Gudingane, tikkvigijarne; esarkungita attâne sungertutiksakaromavlutit.

13 Tamna okarpok: Saimaneksilaunga ijikpit sângangne, Nalegâk; mannigoramga, kivgallo pitsiarlutit okarvigivat, kivgavit illangatitun ilungitungalonêt.

14 Boasib okautiva: Nerriviksaulerpat najutilerit, kakkojaktorlutillo, tamuatillo missuktiuk sêrnartomut. Tamnalo ikterpok kibluijut senianut. Tapsomalo manijervigiva kakkojaksanik jarrasimajunik; tamnalo nerrivok akkeartorlunelo amiakokartitsilarmelo.

15 Nikkovingmallo kattersilune, Boasib nukapiakotine perkovait, okarlunelo: Kippitat akkornganetauk kattersikogisiuk kangusuktiniarnagolo;

16 Kattersimajunittauk amiakokartitsileritse, kemailuselo, kattersikovlugo tamattominga, suartokarniaranelo tapsomina tamanna pivlugo.

17 Taimak kattersivok perorsêvingme unnuk tikkilugo, katjuklugillo kattersorlauktane; Efalo tættækasalaukpok Gerstenik.

18 Kivikpaillo, ailunelo iglugaseksoarnut, sakkingatalo tækovait kattersorlauktangit. Tagva sagvarpa tunnilâlo tapsomunga amiakogilauktane akkeartornekogilauktaminit.

19 Tagva sakkingata okautiva: Nane uvlome kattersilaukit, nanelo sennalaukit? Saimartitaule illitarsilauktok illingnik. Tapsomale sakkine okautiva, kiname sennavigilauktamine, okarlunelo: Angut sennavigilauktara uvlome, attekarpok Boasemik.

20 Naemile ukkuaminut okarpok: Saimartitaule Nalekamut, takkopsoanine sapkolaunginamiuk, tamangnut innôjunut tokkungajunullo. Naemilo okarpok tapsomunga: Angut tamna illagivavut, kingormgужijuksangôlunelo uvaptingnik.

21 Ruth Moabitereôjok okarpok: Okautilaurivânga: Nukapiakotimnut illautsainartuksavotit, kattersikârtinagit tamainik perertokotimnik.

22 Naemi Ruthemut, ukkuaminut okarpok: Namakpok panik, tapsoma arnakotingitaularkattigigungne, innertertaukonak assiata perorsêvingane.

23 Taimak Boasib arnakotinginut illautsainarpok, kattersilunelo, kattersivik Gerstenik Weizeniglo soraikârtinago; utterlunelo sakkiminut.

KAPITEL III.

Ruth uiningniarneki pivlugo nellojungnaititaulerpok.

NAEMILO, tapsoma sakkia, okarpok tapsomunga: Pannik, innilangavikartitsomavagit, innôtsiarungnarkovlutit.

2 Manna Boase, illagijavut arnakotinginevigilauktat, unnuarme tamattomane sanêjaivok Gerstenik katjugvingmine.

3 Tagva ubvarit illingnik, mingoarlutillo, attilutillo anno-rângnik, attersarillo katjugvingmut; illitarijauniarnagle, nerrija-rêrkârtinago immerêrkârtinagolo.

4 Innarniarpalle, tagva ine innangavia kamagiuk, kailutillo, ittiggangillo kebbêjarkit innarlutillo: tagva okautiniarpallukpâtit, pinniaraksarnik.

5 Tamna okarpok: Tamainik okauserijarnik uvamnut, pinniaromavunga.

6 Tamna attersarpok katjugvingmut, pinniarlunelo tamainik, sorlo sakkia perkojilaungmat.

7 Boaselo nerrijarêrame immerêramelo, omattinga serridla-laukpok, kailunelo innarlarmelo, kippatat kakkojaksataggit kal-lerêktisimajut nellânut; tamnale terrêlune kaivok kebbêjarpaillo ittiggangit, innarlunelo.

8 Unnuak ketterarmat manna, kvaksarpok angut kakkilar-lunelo; ahâglo, arnak innangavok ittiggangita kiglingane.

9 Tamnalo okarpok: Kinauvit: Arnak kiovok; Rutheôvunga kivgat, esarokotitik issivikik kivgarnut, kingormgujijôgavit.

10 Angut okarpok: Saimartitaulerit Nalekamut, pannik; napkininingnarmik namanersamik sakkertitsilaukpotit kingorlernik sivorlermit, angutit innuosuktut mallilaunginangne, akluitullon-nêt, aklujullonêt.

11 Manna pannik, sivoraniarnak; tamainik okauserijarnik pinniarvigijomavagit; iglugaseksoarmiut innukotikka illunamas-siatik kaujimangmatta, arnaugavit illusitsiariktok.

12 Mannalo miksekârtôvok, uvanga kingormguijôgama; pitta-karporle attautsemik kanninersaujomik uvamnit.

13 Sinniktarit. Kaupat, nulliagikpattit, namakpok; tussu-lungikunele tigulutit, tagva uvanga tigujomavagit, sorlo mik-sekârtomik Nalegak inôngmat. Sinnilerit kauk tikkidlugo.

14 Tamnalo sinnilaukpok ittiggangine kaumut. Makkilauk-porlo illitarksiutijungnarkâratik. Tamnalo issumavok kaujijau-niarane, tikkitokalaungmat arnamik katjugvingmut,

15 Okarmilunelo: Ulliksoak attigijat kaitsuk tigemertoler-lugolo, tapsomalo tigemertopa. Tamnalo angut ôktulerpok ôk-tutinik pingasojortunik Gerstenik, illilugillo tapsomunga. Tam-nalo angut tikkilerpok iglugaseksoarnut.

16 Tamnale arnak pivok sakkiminut, tamna okarpok: Kannok illingavît, pannîk? Tamainiglo okautiva, angutib taipsoma pinniarnelauktanginik tapsomunga.

17 Okarlunelo: Makkoa ôktutit pingasojortut Gerste tunnilaukpait uvamnut, okarmat: Angênarlutit tikkituksaungilatit sakkingtonut.

18 Tamnale okarpok: Innilangalerit pannîk, tukkisikârtinak, kannok illingajokarniarnermik; angut tamna innilanganiangimat naggaserkârtinane tamattominga uvlome.

KAPITEL IV.

Boasib Ruthe nulliagilerpa, saimausertaulunelo.

Boase takpaungarpok itterviksoarmut, ingilunelo tagvane. Ahâglo, kingormguijuksak taimna kângermat, Boasib okarkattigiva okarlunelo: Kailaurit, ingilutillo maunga, tamaungalônêt. Kailaukporlo ingilunelo.

2 Illasearivaillo angutit tellimaujortut, iglugaseksuit angajokanginit, okarlunelo: Ingileritse tamaunga. Tapkoalo ingilerput.

3 Tagva kingormguijuksamut okarpok: Naemib, Moabiterit nunanganit uttersimajub, perorsêvik, kattangutipta Elimelechib perkutigilauktanga niorvgotigijomava.

4 Tamanna pivlugo issumakalaukpunga, kaujititsomavlutit tamattominga, okautitsomavlutillo: Kingormgutijomagungne, tagva pissiariuk iglugaseksoarmiut innukotimalo angajokangita sângine; kingormgutijomangikungne, tagva okautilaunga, kaujimakovlunga tamattominga; kingormgugijokangimat, illingnit assianik, kingunikullo uvamnit. Tamna okarpok: Kingormgutijomavara.

5 Boase okarpok: Uvlorme pissiniarvigijarne perorsêvingmik mattominga Naemib agganginit, Ruthetauk Moabitereôjok, tokkosimajub nulliagilauktanga tigujaksarivat, attekartitsikovlutit tokkosimajomut kingormgutijanganut.

6 Tagva okarpok: Kingormgutijomangilara, asseroinajarkonanga imakkâ kingormgutijamnik. Igvit kingormgutileruk kingormgutijaksarijara; kingormgutijomanginapko.

7 Itsaksoarmille Israelitine illusiolaupok; Kia perkut kingormgutijomalaungikuniuk, pissiarinagolonêt, tagva, tamanna sokkosijuikovlugo, ittiggagutingme iglua pêrpa, tunnilâlo assiminut; tamanna kigligiudsiniôlaukpo Israeleme.

8 Kingormgugijuksarlo tamna okarpok Boasemut: Igvit pissiariuk; perpâlo ittiggagutime iglua.

9 Boaselo okarpok angajokajanut, innugaseksoarnullo illu-

nainut: Illipse uvlome kigligiudsijôvose, tamaita pissiarimagap-
kit, Elimelechib perkutigilauktangit; Chil-Joniblo Mahloniblo
perkutigilauktangit tamaita, Naemib agganginit;

10 Tamakkoa tappilugit Ruthetauk, Moabitereôjok, Mahlonib
nulliagilauktanga, nullianingniarpara, tokkosimajomut attekartit-
sikovlunga kingormgutijanganut, attinga pêjartaukonago kattang-
utime akkornganit, iglugaseksoakotimelo itterviksoanganit; kig-
ligiudsijôvose tamattominga uvlome.

11 Inugaseksuillo itterviksoarmelauktut, angajokajat illagæl-
lugit okarput; Kigligiudsijôvogut. Nalekab arnak tamna, ig-
lungnut piniartok Raheletut Leatullo itiliuk, tamarmik Israelib
iglunganik sennalauktutitut, pivalliadlarlelo Efrateme, nertor-
taulelo BethleHEME.

12 Iglullo Perezib iglungatut ilerle, Thamarib erniarilauk-
tangata Judamut, kinguvâksamit Nalekab tunniniartanganit
illingnut, arnamit omangat.

13 Taimak Boasib Ruth tiguva nulliarivlugo. Inangakatti-
gamiuglo, Nalekab tunnitsivigiva singailerkovlugo, ernermiglo
ernilaukpok.

14 Tagva arnat Naemimut okarput: Nalegak nakorijaule,
pekartitsitaililaungitok illingnut kingormgugijomik nelliutome
tamattomane, attinga Israelemêtsainarkovlugo.

15 Tapsoma nekkoksitiniarpâtit, pattangaitiniarlutillo ning-
iongôneerne, ukkuavit nagligijivit, namanersaujub illingnut
ernernit 7 init, erniaringmago.

16 Naemiblo nutarak tiguva, illilâlo sâminut, pairsijôlunelo
tapsominga.

17 Sillalingitalo arnat attekartipât, okarlutiglo; Ernek erni-
angôvok Naemimut, atserarpâllo Obedemik; tamna Isaib Davi-
dib atâtangata atâtagijanga.

18 Tamædsa Perezib kinguvângit: Perezib Hezron ernetariva.


19 Hezronib Ram ernetariva. Ramib Aminadabe ernetariva.

20 Aminadab Nahasson ernetariva. Nahassonib Salma
ernetariva.

21 Salmab Boase ernetariva. Boasib Obed ernetariva.

22 Obedib Isai ernetariva. Isaib David ernetariva.

Samuelib aglangita sivorlingit.



KAPITEL I.

Samuelib innulerninganik:

ANGUTEKALAUKPOK Ramataim Zofimemit Efraimib kak-kanginêtomit, Elkanamik attelingmik, Jerohamib erninganik, Elihub erningata, Thohub erningata, Zufib erningata Efratemit pijub.

2 Nulliakalaukporlo maggungnik, aipanga Hannamik attelik, aipanga Penninamik. Penninale kittorngakalaukpok, Hannalo kittorngakalaungilak.

3 Angullo tamna iglugaseksoarnit iglokarviminit majorarlaukpok nelliunermine, tuksiaromavlune tunnergutiksaniglo tunnijilune Nalekamut Silome. Tagvanelaukpugle Nalekab ajo-chertuijokotigik Hofni, Pinehaselo, Elib ernigik.

4 Uvlullo illangane pijokalaungmat Elkana tunnergutiksaminik tunnijilaurame, nulliaminut Penninamut tapsomalo erninginut paninginullo illunainut, tunnijivok abvakunik.

5 Hannamulle kiksarlune tunnijivok abvakomik attautsemik; Hanna nagligigamiuk; Nalekable kittorngisuitilaukpâ.

6 Akkerartortingatalo kiksartidlarpa, pingijaivigidlarlâlo, Nalekab kittorngisuitilaungmago.

7 Taimailaukpok Jahrine tamaine majoralaurangat Nalekab iglunganut, kiksartipalo taimak; tamnalo kugviorpok tagva, nerrinanelo sunamik.

8 Elkanable uingata okautiva: Hanna, sôg kêavît, sôglo nerringilatit? Sôglo omattit sœnnikteriva? Namanersaungilangale illingnut ernernit tellimaujortunit?

9 Tagva Hanna nerrilaukârdlune, immerlaukârdlunelo Silome nikkovipok. (Elile ajochertuijok iksivautame iksivavok Nalekab Tempelingata nappajungata seniane).

10 Tamnalo omamut kiksadlallaukpok, tuksiarporlo Nalekamut, kugviorlunelo.

11 Pinniaromajaminiglo angerpok, okarlunelo: Nalegak Zebaoth, kivgavit kannoëninga tækkunârnjarungne, issumagini-arunga, kivgallo puigorniångikungne, kivgallo ernermik tunnit-siviginiarungne, tagva Nalekamut tunnijomavara innôsinga nâ-lugo, pijokartuksaungilarlo kipsautingnik niakunganut.

12 Akkunillo tuksiarmat Nalekab sângane, Elib tapsoma kanninga kamagiva.

13 Hanna omattimigut okërame kangasinâgik kissimik aulavuk, nippingalo tussartaulaungilak. Tagva Elib tallangana-sugiva;

14 Okautivalo: Kannok akkunêrtigijomik tallangajomavit? Weine illungnêtok annikoleruk illungnit.

15 Hannale kiovok, okarlunelo: Aukak, nalegâk, arnauvunga kiksartok. Weinemik immiksamiglo pitsartujomik immerlaungilanga, omattigale navilaukpara Nalekab sângane.

16 Kivgait înasuginiarnago arnatut illuserluktotut; issumajadlarnimnut, kiksadlarnimnullo okarkattarlaukpunga manna tikkilugo.

17 Eli kiovok okarlunelo: Ullapirsautekarlutit aularit; Israelib Gudingata tuksiarkiniarpâtit tuksiararilauktarnik tapso-mangat.

18 Tamna okarpok: Kivgait saimaneksile ijikpit sângangne. Taimak arnak aularpok apkosinermine, nerrilunelo, tau-torlugungnailunelo.

19 Uvlâkullo parngnailerput, tuksiarlaukârdlutik Nalekab sângane, utterivut tikkilutiglo iglomingnut Ramatemut. Elkanablo nulliane uvinekattigilerpa, Nalekablo issumagiva.

20 Uvlullo illangit kângermatta singailerpok, ernermiglo ernivok, Samuelemiglo atserarpa; okarlunelo: Nalekamit ke-nuarilaurapko.

21 Angullo Elkana majorarmat paunga iglomiokattine illagëllugit tunnergutiksamik tunnijauvaktomik, angerutigilauktaminiglo tunnijijomavlune Nalekamut,

22 Hanna majorarkattaulaungilak, okarporle uiminut: Majorarkattaumalungilanga nukapiak amâmagungnaikârtinnago, tagva âtsomavara, Nalekab sângane sakkijarkovlugo, tagvanêtsainarkovlugolo sorairane.

23 Elkanab, uingata okautiva: Taimailorit sorlo namagi-jaungmat illingnut, nokkangarit amâmaktitsijungnaikârtinnak tâpsominga; Nalekable okauserilauktane nellautsiterligit. Tai-

mak arnak paivok, erninelo amâmaktipa, amâmaktitsijungnai-kârtinago tapsominga.

24 Amâmaktitsungnairamiuk, âlugo majorarkattigiva, tuktuvait pingasut, Efalo tættælugo senaukamik, publaujarlo Weinetalik illaliudlugo; âpâlo Nalekab iglunganut Silomêtomut. Nukapiarle innusulaukpok sulle.

25 Tuktuvaillo illangat tokkopât, nukapiarlo âpât Elimut.

26 Arnarlo okarpok: Illa nalegâk, sorlo miksekârtomik tarnit inôngmat, nalegâk, uvanga arnauvunga taimna, mâne nangerkattigilauktat, tuksiarlauktorlo Nalekamut,

27 Nukapiak una tuksiarutigilaurapko. Manna Nalekab tuksiararnnik tunnitsivigilaukpânga, tuksiaragilauktarnnik tapso-mangat.

28 Tamanna pivlugo tunnivara Nalekamut innôsinga nâlugo, Nalekamit tuksiarijaulaungmat. Tuksiarpullo tagvane Nalekamut.

KAPITEL II.

Hannab tuksiarutinginik kujalijutiksanik. Samuelib innugoï-jauninganik. Elib ernikita vivêtoksônigingnik.

HANNALO tuksiarpok okarlunelo: Omattiga kuviasukpok Nalekame, pitsartunera angijorortitaumavok Nalekame, kannera angmarmaripok omigijikka pivlugit; piuliklernit kuviastigigapko.

2 Ivsornaitokangilak Nalekab assianik; illingnit assekangilak; sapputsauviksakalungilarlo Gudipta assianik.

3 Nertudlartinise, pingijaidlarniselo sorairlit, kannipsingnêtokarungnairle pimariuternermik; Nalegak Gudeôngmat kam-matsiartok tamattominga, kajusinerlo taimaitok sullikolungila.

4 Sangijut pittiksingat serkomisimavok, sangêtullo tapseru-simavut pitsartunermut.

5 Akkeartorsimalauktut niorvgotigijaumavut nerkiksamut, kâlauktullo kâgungnaiput; kittorngisuitok ernilerkârtinnago 7 nik, kittorngakadlallauktorlo ikiglivioârtinnago.

6 Nalegak tokkotsivok, omartitsilunelo; tessiornikpok kapianartovingmut, uttertitsilunelo tagvangat.

7 Nalegak aklutitsivok, akluititsilunelo, miklilertitsivok, angijorortitsilunelo.

8 Tapsoma ajoksartok kagverpa sannermit, aklujorlo kakki-tipa akkilupiamit, pititsomavlugo attannit akkornganut, kingormgujukojomavlugolo opigijaunerub iksivautanganik. Nalekab nunab sukanig pigingmagit, sillaksoarlo pitilaukpa tapkonunga.

9 Tapsoma ivsornaitokotime ittiggangit sapputiniarpait, Gudekangitulle nungutaujariakarput táktome; perkutevaksoa-kadlarnek ikajorlungimat kinamik.

10 Annártortut Nalekamik sutairtuksauvut; kollingine kaller-titsiniarpok killangme. Nalekab sillaksub issua erkartoromârpa, attanekotinelo pitsartunekartitsomârpa, kangatartitsomârlugolo saimartitame naksunga.

11 Elkanale ailaukpok Ramatemut iglominut, nukapiarlo kivgartorteôlaukpok Nalekamik, ajochertuijub Elib sângane.

12 Elible ernigik uivêtoksôlaukpuk: tapkoa Nalegak kuja-narutigilaukpak;

13 Kamalungilârlonêt ajochertuijut kaitaukojungnartanginik inugiartoksoarnit. Kina tunergutiksamik tunnijijomalaurangat, tagva ajochertuijub kivganga kaivok nerke tertitillugo, kappu-kautekarlune aggangmine pingasulingmik,

14 Tôrlunelo ukkusingmut, kallutaujamullonêt, êlikaving-mullonêt, sabvingmullonêt, kappukautiminullo amuartanganik ajochertuijok tigusivok. Taimailiorvigivait Israelitit illunamas-siatik tagvunga Silomut tikkilauktut.

15 Taimaktauk tunnomic ikkitsikâratik, ajochertuijub kiv-ganga kaivok, okarlunelo tapsomunga tunnergutiksamik kaitsi-jomut: Nerke kaitsuk uvamnut, jarralugo pikovlunga ajocher-tuijomut; nerkemik ikkoalammajomik tigusijomangimat illingnit mikkikamigle.

16 Kinalo tagva okalaurangat tapsomunga: Tunno ikkitaule sorlo pijuksaungmat, kingorngane tigusilerit omattivit tussugi-janganik; tagva okarpok tapsomunga: Manna tunnijaksarivat uvamnut; pingikuvillo, tagva aksoronermut tigujomavara.

17 Tamanna pivlugo innuosuktúk tapkoa ajorningit angijovak-sôlaukput Nalekab sângane; inuit Nalekab tunnergusianga ner-kiksak mittautigilaungmatsuk.

18 Samuele kivgartorteôlaukpok Nalekab sângane, nukapiarlo attorlaukpok ikkiamik sâtomik.

19 Tamannalo tappilugo anánangat sennavok tapsomunga ullingmik mikkijomik; takpaungartipâlo tapsomunga, nelliuning-gane, uine illagilugo takpaungarlarune tunnergutiksats tunilugit nelliuningane.

20 Eliblo Elkana nulliangalo saimartipak okarlunelo: Nale-kab kinguvaksamik tunnitsivigilitit arnamit omangat, tuksiar-nek pivlugo tuksiararilauktanga Nalekamit. Aivuglo innigija-mingnut.

21 Nalekab Hanna nellipsarpa singailerkovlugo, ernilunelo ernernik pingasunik, panningniglo maggungnik. Samuelele nuka-piak aglivalliaavok Nalekame.

22 Elile itudlalaupok, tussarlunelo tamainik, erningme pinniarninginik Israelitinut illunainut, innangakattigingmattikiglo

arnat kivgartortut angersimanerub tuppingtona upkoangata sângane.

23 Okarporlo tapkugnunga: Sôg taimailiorkitik? Tussarama idluitullinipitingnik innugiartoksoarnit tapkonangat tamainit.

24 Aukak kittorningâka, tamanna tussaumaniolungilak ânanamik, tussartara. Nalekab innukotingit tappatipasse.

25 Kina idluitullikpat innungmut, tagva idluarsaijok âkiksoijungnarpok tamattominga. Kinale idluitullikpat Nalekamut, kia tuksiarutigijungnarkaûk? Nalelaungilâgle atâtamik nippinganik; Nalegak kajusilaungmat tokkotsomavlugik.

26 Nukapiarle Samuele aglisivok, kuviagijaulunelo Nalekamut innungnullo.

27 Gudible angutekotingata illangat kailaukpok Elimut, okarlunelo tapsomunga: Imâk Nalegak okarpok: Nellojungnaitilaukpunga atâtagijavit iglunganut, Egiptenemêtillugit sulle, Faraub iglungane;

28 Annerilaukparalo tagvane uvamnut, Israelib kittorningarêngninginit tamainit, ajochertuijônermut, tunnergutiksanic tunijijuksaungmat Altarekotimne, isserluanitiksaniclo ikkitsilune, ikkialijarlunelo sâmne; tunnijilaukpungalo atâtagijavit iglunganut Israelib kittorningangita ikkomanginik tamainik.

29 Sôgle tukarkit tunnerguseamnut, tunnerguseamnullo nerkiksanic, perkolauktamnut pikovlugit iglokotimne? Igvillo ernekotikik opiginersarivakit uvamnit, kuinigigapse innukotima Israelitit tunnergutiksangita nerkiksataggit namanerpânganut.

30 Tamanna pivlugo Nalegak Israelib Gudinga okarpok: Okalaukpunga, iglokotit atâtagijavillo iglunga agvertartuksaungmatta sâmne sorairatik. Mannale Nalegak okarpok: Ungasigle uvamnit, opigosuktorle uvamnik, tamna opigijomagivara; uvamnigle nachojok, tamna nachogijaujuksaugivok.

31 Ahâk, nelliutijomârpok serkomitsijomaviga tallernik, atâtagijavillo iglungata tallinganik, innutokaunekarkonnago iglungne.

32 Tækkoniarpallo akkerartortit iglumne, ajunginekarnerme sunatuinarnik Israelitit pijomârtanginik; innutokaunekaromângilarlo atâtagijavit iglungane sorairane.

33 Innukotingnullo kinalonêt pêjaromangilara Altarekotimnit, ijikik perlerkovlugik, tarnillo issumajarkovlugo; iglokotivillo unurningit illunatik tokkojuksauvut innumariôngingire.

34 Tamanalo nellonaikutarijaksarivat erningnut Hofnimut Pinehasemullo piniartok; uvlorme attautseme tammarmik tokkoniarpuk.

35 Uvangale erniangotitsijomavunga ajochertuijomik nertornartomik, tamna pinniartuksauvok kannok omattima tarnimalo namagijauninginik; tapsomungalo iglolioromavunga iglomik sokkosijuitomik, agvertarkovlugo sorairane saimartitama sângane.

36 Amiakojuulo iglungnit kajjomârput, pamakteromârlutiglo taipsoma sângane, kênaujârsuk niakajârsuglo pivlugik, okaro-mârpullo: Nagliktara, ajochertuijub ikkupiangani pekalaulanga nerrijungnarkovlunga niakojârsungmik.

KAPITEL III.

Samuelib kaikojauninganik angijorortitauninganiglo.

NUKAPIARLO Samuel kivantortillugo Nalekamik Elib sângane, Gudib okausingit pittaialaukput nellautainêsalauklunelo.

2 Pijokalauporlo nelliutome taipsomane Eli innangavingminetillugo, ijigiglo takpêlerpuk, tækkojungnarungnailaungmat.

3 Samuelelo innarêrpok Nalekab Tempelingane, Gudib iklervingata najortangane, Gudib kollinga kammilerkârtinago.

4 Nalekablo Samuele kaikova. Tamnalo kiovok: Ahâk mânêpunga;

5 Elimullo akpangerpok okarlunelo: Ahâk, mânêpunga, kaikolauparma. Tamnale okarpok: Kaikolaungilagit; innariartolermît. Ailunelo innalerpok.

6 Nalegak kaikojipsarpok: Samuele! Samuelelo makkipok ailunelo Elimut, okarlunelo: Ahâk, mânêpunga, kaikolauparma. Tamnale okarpok: Kaikolaungilagit ernik, innariartolermît.

7 Samuelible Nalegak illitarilaungila sulle, Nalekablo okausinginik nellojungnaititaulaungilak sulle.

8 Nalekablo ama pingajuanik Samuele kaikova. Tamnalo makkipok ailunelo Elimut, okarlunelo: Ahâk mânêpunga, kaikolauparma. Tagva Eli mallugosukpok, Nalekab nukapiak kaikungmago.

9 Okautivalo: innariartolermît, kaikojauniaruvillo, tagva okarit: Nalegak okarit, kivget tussarmat. Samuele aivok innarlunelo innarvingminut.

10 Tagva Nalegak kaivok, tagvungarlunelo, kaikojilunelo sivurnganetut: Samuel! Samuel! Samuelelo okarpok: Okarit: kivget tussarmat.

11 Nalegarlo Samuelemut okarpok: Ahâk sunamik pinniar-punga Israeleme, tamattominga tussartub tapsoma siutigik avioji-niarmannik.

12 Uvlorme taipsomane tikkikojijomavunga Elimut, okauserilauktamnik tapsoma iglunga pivlugo; pigiaromavunga najijomalongalo.

13 Okautilaurapko erkartuijôjomagama taipsoma iglunganut soraijuitomik, idluitullinek pivlugo, kaujimalaungmat kannok ernangne piungitoâlungnik illusekalaungmanik, taipsomalo kingorlugutigilaungilâklonêt.

14 Tamanna pivlugo Elib iglunga okautigimarilaukpara, Elib iglomiungita idluitulliningit tamakkoa ullapkosertaujuksaungimatta tunnergutiksanut, tunnergutiksanullonét nerkiksanik soraijunane.

15 Samuelelo innangavok uvlâk tikkidlugo, upkuarlo Nalekab iglungane upkoêrpa. Samuelele sivuravok tækkotitsuk tamanna okautigilugo Elimut.

16 Tagva Elib kaikova, okarlunelo: Ernîk Samuel! tamna kiovok: Ahâk, mânêpunga.

17 Tamna okarpok: Okausek okauserijaumajok illingnut sunauva? Illangallonét angiariniarnago uvamnut. Gudib imâglonét imaglonét pinniarvigilitit, okautigijaumajut illanganik angigutjivigiguma.

18 Tagva Samuelib okautiva tamainik, angigutjivigilungilâlo sunamik. Tamnale okarpok: Nalegavok, pinniarle namagijaminik.

19 Samuelele pivallialerpok, Nalekablo aipariva, okausingitalo illangallonét nunamut kattalungilak.

20 Israelitillo illunamassiatik Danemit Bersaba tikkilugo illitarksilerput Samuele nellautaijôngmat nertornartomik Nalekamut.

21 Nalegarlo manamit sakkergernerpok Silome; Nalekab Samuele ingminik nellojungnaitimago Silome, Nalekab okausingittigut.

KAPITEL IV.

Israelitit salagijauninganik. Angersimanerublo iklervingata aularutijauninganik. Eliblo ernîkitalo tokkunginik.

SAMUELIBLO Israelitit illunaita okâlavigilerpait. Israelitillo aularput Filisterit pachrearlugit unatadlarnermut, tangmarterlutiglo Ebenezereme. Filisterillo tangmarsimalaukput Afekeme;

2 Opalungaijarlutiglo Israelitit unatarvigijomavlugit. Sorsungnerlo angijororpok, Israelitillo sâlagijauvut Filisterinut, tapkoalo sorsungnek malliklugo naternamê angutit 4000 diokasait ullimârpait saviksoarmut.

3 Innugiartoksuillo tangmarvingmut tikkimatta, Israelitit angajokangit okarput: Sôg Nalekab uvlome sâlagijaukovâtigut Filisterinut? Nalekab angersimaningata iklervinga Silomit najortigilerlavut, tikkikolugolo akkonaptingnut, piuliklerkovlugo uvaptingnik omigijipta agganginit.

4 Innugiartoksuillo tilliklerput Silomut, aijaukolugolo tagvangat Nalekab Zebaothib, Kerubimib kollâne iksivajub, iklervangat Nalekab Zebaothib, Kerubimib kollâne iksivajub, iklervangat

vinga angersimanelalik. Taikanelaukpuglo Elib ernigik Hofni Pinehaselo, Gudib angersimaningata iklervinga najorlugo.

5 Nalekablo angersimaningata iklervinga tangmarvingmut pingmat, Israelitit illunamassiatik igiakomijarput, nipliadlarnernut nuna immiadlarmat.

6 Filisterillo igiakomijarnerub taimaitub nippivaksoangit tussaramigit, okarput: Igiakomijarnerub taimaitub nippivaksoanga Ebræerit tangmarvingane sunauva? Tukkisigamiglo Nalekab iklervinga tangmarvingmut tikkisimangmat,

- 7 Erksilerput, okarlutiglo: Gude tangmarvingmut tikkisimavok; okaganerlutiglo: Kappianamêk uvagut! sivorngane taimailaungimat.

8 Kappianamêk uvagut! Kia piulijomavâtigut Gudiôjut sangijoksuit taipkoa agganginit? Tamædsa Gudiôjut taipkoa annaudlalauktut Egiptenemiunik kappianartunut sunatuinarnut sunakajuitome.

9 Tagva maksoaleritse, angutaulerluselo Filisteriôjose, kivgartoriakarkonase Ebræerinik, sorlo kivgartorlaungmasse. Angutauleritse sorsukluselo;

10 Tagva Filisterit sorsukput, Israelitillo salagijaulerput, illunatiglo attunit kemâvut iglomingnut; unatarnerlo angijôlauptok, Israelitinit ocholaungmatta angutit pissuktut 30000 dit.

11 Gudiblo iklervinga aksarnigarijauvok, Eliblo ernigik Hofni Pinehaselo tokkolerput.

12 Tagva Benjaminekut illangat sorsuktokattigéksoarnit akpangerpok, tikkilunelo Silomut uvlome taipsomane, annorânelo alliktorlaukpait, ivjorlo katterarsimavlugo niakominut.

13 Ahâglo, ittermat Eli iksivavok iksivautame, apkosinek tækkojomavlugo; omattinga kappiasudlarmat Gudib iklervinga pivlugo. Angutiblo tapsoma iglugaseksoarnut ittersimagame, okautigiva tamanna; iglugaseksoarmiullo illuêngardlutik avâlakilerput.

14 Eliblo nipliadlarnek tussaramiuk, appertsorpok: Aulajadlarnek tamanna sunauva? Tagva angut tamna tuavilukardlune kaivok, okautigivalo Elimut.

15 (Elile Jahrekalauptok 98 ginik, ijigiglo takpêsimavuk tækkojungnarane.)

16 Angullo tamna Elimut okarpok: Tikkipunga kemâlungalo uvlome sorsuktokattigéksoarnit. Tamnale okarpok: Kannok tamanna illingava ernik?

17 Tagva unipkautijjok kiovok okarlunelo: Israelitit Filisterit kemâlaukpait, sorsungnekalauptorlo angijoksoarmik inugiaroksoarne, ernikiglo Hofni Pinehaselo tokkovuk; tamanna tapilugo Gudib iklervinga aksarnigarijauvok.

18 Gudible iklervinga (Elib) erkaramiuk, kingorpiosarlune niverpok iksivautamit, ittertariksub senniane, kongesêjarlunelo,

tokkolerlunelo; inutokaulaurame anguteôlunelo okkumaitok. Israelitiniglo idluarsailaukpok Jahrinik 40 ginik.

19 Tapsomale ukkuanga, Pinehasib nullianga singailaukpok, erniviksangalo nelliusimalaukpok. Tapsoma okautigijaumajok tussaramiuk, Gudib iklervinga aksarnigaungmat, sakkinelo uinelo tokkomanik, akkowlêlerpok ernilunelo, ânianartomut sillimanermut tikkitaugame.

20 Tokkolermallo manna, arnat senniane nangertut okarput: Sivoraniarnak, erneârsukarpotit. Tamnale kiolungilak sunamiglonêt, omamiutarksingilarlo tamattominga.

21 Nukapiarlo Ikabodemik atserarpa, okarlunelo: Ananaunek pêrsimavok Israelemit; Gudib iklervinga aksarnigaungmat, sakkingalo uingalo tokkomanik.

22 Okapsarlunelo: Ananaunek pêrsimavok Israelemit, Gudib iklervinga aksarnigaungmat.

KAPITEL V.

*Filisterit âniatitauninginik: angersimanerub iklervingata pijau-
ninga pivlugo.*

FILISTERIT Gudib iklervinga tiguvât âlugolo Ebenezeremit Asdodemut,

2 Dagonib iglunganut, illilâllo Dagonib sennianut.

3 Asdodemiullo, uvlub aipangane uvlarâsukut makkinamik, Dagone naipipât pamangatillugo netterme, Nalekab iklervingata sângane. Tapkoale Dagone tiguvât, illigivâllo inninganut.

4 Uvlub aipanganele uvlangatillugo makkinamik, Dagon ama pamangatillugo netterme, Nalekab iklervingata sângane, naipipât; niakungale aggangillo igluktut nakkarsimalaukput upkut-sab manoangane; timinga kissime illimalaukpok kângane.

5 Tamanna pivlugo Dagonib ajochertuijokotingita, illunatiglo Dagonib iglunganut itttertut, tutilungilât Dagonib iglungata mananga Asdodeme, uvlok tamanna tikkilugo.

6 Nalekable aggangit okumaidlalauput Asdodemiunut, asserorpaillo, Asdodemiullo erkânetullo illunaita âniakartipait, timingata tækkojaksauingininge.

7 Inuille Asdodemiut tækkogamik taimailiornermik, okarput: Israelib Gudingata iklervinga uvaptingnêtsungnaile, aggangit okkumailuarmatta uvaptingnut, Gudekotiptingnullo Dagonemut.

8 Tilliklerpullo kattikolugillo Filisterit angajokangit illunaita ingmingnut, okarlutiglo: Kannok Israelib Gudingata iklervinga piniarvigijaksarivittigo? Tapkoalo kiovut tagva: Gathemiut Israelib Gudingata iklervinga akkigarlitsuk sunatuinarmut.

9 Tapkoalo Israelib Gudingata iklervinga akkigarpât sunatuinarmut. Tamnale sunatuinarmut akkigarmatsuk, Nalekab aggangittigut iglugaseksoarne kappianartokalerpok angijoksoarmik, annauvaillo iglugaseksoarmiut tamarmik, mikkijut angijullo, ânianartuniglo pilerput timingita tækkojaksauuningine.

10 Tagva Nalekab iklervinga tillikliutivât Ekronemut. Gudible iklervinga Ekronemut pingmat, Ekronemiut nipliadlarput: Gudib iklervinga akkigarpât sunatuinarmut uvagut tikkiluta, tokkotsikovlugo uvaptingnik, innukotiptingniglo.

11 Tagva tilliklerput kattimakolugillo Filisterit angajokangit illunaita, okarlutiglo: Israelib Gudingata iklervinga tillikliutilersiuk innigilauktanganut, tokkotsikonnago uvaptingnik innukotiptingniglo. Gudib aggangit kappianartoksoakartitsingmatta iglugaseksoarne illunâne tokkotsinermut.

12 Inuillo tokkolaungitut annaujauvut timingita tækkojaksauuningine, taimak iglugaseksoarmiut âlaningit kongmuarmatta killangmut.

KAPITEL VI.

Angersimanerub iklervingata uttertitauninganik Israelitinut.

TAIMAK Nalekab iklervinga takkit 7 it nâlugit Filisterit nunanganêlaukpok.

2 Filisterillo ajochertuijokotitik nellautaijokotitiglo kaikovait, okarlutiglo: Kannok Nalekab iklervinga pinniarvigijaksarivittigo? Ajochertortigut sunakut tillikliutijaksarivittigo innigilauktanganut?

3 Tapkoa okarput: Israelib Gudingata iklervinga tillikliutijomagupsiuk, tagva sunakarane tillikliutiniarassiuk, akkiniaraksarivasse tunnergutiksamik akkiliksêrutiksamik; tagva kanoêtsungnainiarpose, nellojungnaititauniarluselo suna pivlugo tapsuma aggangit nulaungimatta illipsingnit.

4 Tapkoale okarput: Sunamik tunnergutiksamut akkiliksêrutiksamut tunnitsivigijaksarivittigo? Tapkoa kiovut: Nullungoarnik Goldenik tellimanik, nunivakangoarniglo Goldenik tellimanik, Filisterit angajokangita tellimat unurningit malliklugit; ânianartok adsigêlaungmat illunapsingnut, angajokapsingnullo.

5 Taimak manna nullopse adsinginik, nunivakapselo nunapsingnik asseroijut adsinginik sennajariakarpose, nertordlerkovluse Israelib Gudinganik; imakkâ aggangit okkinersauniangimangatta illipsingnut, Gudipsingnullo, nunapsingnullo.

6 Sôg omattise mangaitipissigik, sorlo Egiptenemiut Faraolo omattitik mangaitilaungmagit? Imaingilâk tattamnartullinermiunik sakkertitsivigilaungmagit allarpait, aularkolugit?

7 Tagva tigusileritse manna, sennaluselo aksalloalingnik nutânik, tuktuvângniglo innûtsungnik sarliartungnik maggungnik, annunik attorlaungimariktungnik sulle, annujiluselo tapkungninga aksalloalingnut, nochagiglo kingonigingne iglunginelik.

8 Tigulugolo Nalekab iklervinga ikkitilugolo aksalloalingnut, pivianartullo Goldemit sennamajut, tunergutiksase akkiliksêrutiksamut tunnijassee tapsomunga, pitisigik iklerviârsungmut, iklerviub senerangata kiglinganut; tillisigiglo, aularisigiglo.

9 Tækkonârsiuglo. Ailerpannik kigililervingata apkosiningane Bethsesemesemut; tagva tapsoma kappianartunik tamakkoninga tamainik piniarvigilaukpâtigut. Taimaingipanik kaujiniarpogut aggangita âktorlaungimattigut, mânetuinarlutalo tikkitaumatui-narapta tamattomunga.

10 Innuit tapkoa taimailiorput, tigusilutiglo tuktuvângnik maggungnik innûtsungnik sarliartungnik, annulugiglo aksolloalingnut, nochagiglo nûkongilakit iglomit.

11 Nalekablo iklervinga ikkitipât aksalloalingnut, iklerviârsuglo pitalik nunivangoarnik Goldenik, nullungitalo adsingoanginik.

12 Tuktuvâglo ailutik torarluatsiarpuk Bethsesemesemut, apkosinerme attautseme, aivuglo nipliadlaltiglo, sangulungilâglo, tallerpingmullonêt, saumingmullonêt. Filisterillo angajokangita mallikpait Beth-Semesib kigililervinga tikkilugo.

13 Beth-Semesemiulle, kattersivik nelliutingmat, kakkojaksanik Weizenik kibluivut nâksarme, tækkosarlutiglo, iklerviglo tækkovât, kувiasulaukpuullo tækkogamitsuk.

14 Aksolloaligle tikkipok Josuab Bethsesemesemiub perorsêvikotinganut, nokkarlunelo tagvane. Ujarasuksoakalaukporlo tagvane. Tapkoalo aksalloaliub kejuktanginik koppisivut, tuktuvâglo tunnergutiksautipakit Nalekamut, tunnergutiksamut ôtaksamut.

15 Levitille Nalekab iklervinga akkartipât, iklerviârsuglo sennianelauktok, pittalik pivianartunik Goldenik, illivâllo ujarsuksub kâganut. Bethsesemesemiulle tunnijivut uvlorme taipso-mane Nalekamut tunnergutiksanic ôtaksanic, tunnergutiksaniclo assianik.

16 Filisterille angajokangit tellimat tækkonârlaukârlutik, utterivut Ekronemut uvlorme taipso-mane.

17 Tamakkoangôvulle nullungoat Goldit, Filisterit tunn-lauktangit Nalekamut, tunnergutiksamut akkiliksêrutiksamut: Asdod attautsemik, Gasa attautsemik, Askalon attautsemik, Gath attautsemik, Ekronelo attautsemik.

18 Nunivangoallo Goldit, Filisterit angajokangita tellimat iglugaseksoangita unnurningit malliklugit, tamarmik iglugaseksuit avaluliorsimajut iglugasaillo, ujarasuksoak Abelemik atte-

lik tikkilugo, Nalekab iklervingata illijauvia tapkonunga; ujara-suglo tagvanêpok Josuab Bethsesemesiub perorsêvingane uvlok tamanna tikkilugo.

19 Bethsesemesiullo illangit annaujauvut tamana pivlugo Nalekab iklervinga tækkolaungmatsuk. Tapsomalo innugiar-toksoarnit annauvait 50000 dit 70 gillo. Tagva innugiartoksuit kiksalerput Nalegak taimak unnuktigijunik tokkokojilaungmat innugiartoksuit akkorngane.

20 Innuillo Bethsesemesiut okarput: Kina nangerungnarka Nalekab heiligeôvlune Gudeôjub taimaitub sângane? kinamullo uvaptingnit aijuksauva?

21 Tilliklerpullo kivgartortunik Kiriattjearimemiunut, okaut-saukovaillo: Filisterit Nalekab iklervinga uttertilaukpât; atter-saleritse ailugolo paunga illipsingnut.

KAPITEL VII.

*Israelitit sagiarninganik salakarninganiglo Filisterinik, Samu-
elîb tuksiarningata kingorngane.*

TAIMAK innuit Kiriattjearimemiut kaivut, ailugolo Nalekab iklervinga takpaunga, âlâllo Abinadab Gibeamêtub iglunganut; erningalo Eleaser ivsornaitipât udsertorkovlugo Nalekab iklervinganik.

2 Uvlormillo taipsomanemit Nalekab iklervingata nokkar-vinganit Kiriattjearimeme akkunêrpok, Jahrillo 20 git annigor-laukput. Israelitillo illunamassiatik kugviolerput Nalekab sângane.

3 Samuele Israelib iglomiokotinginut illunamassianginut okarpok: Omamut illunânut sâlerupse Nalekamut, tagva Guding-oat tækkorngartat Astarotelo pêjarsigik illipsingnit, omattiselo torartisigik Nalekamut, kivgartortuarisiuglo; tagva piuliniarpâse Filisterit agganginit.

4 Tagva Israelib kittorngangita pêjarpakit ingmingnit Baalit Astarotelo, Nalegarlo kissiat kivgartorpât.

5 Samuelele okarpok: Israelitit illunamassiatik kattimati-sigik Mizpame, tuksiarutjikovlunga illipsingnik Nalekamut.

6 Tikkilutiglo kattimalerput Mizpame, immermiglo kallusi-vut, kovilâllo Nalekab sânganut, nerritaililitiglo uvlorme taip-somane, okarlutiglo: Nalegak idluitullivigilaukpavut. Taimak Samuelib Israelib kittorngangit idluarsarpait Mizpame.

7 Filisterille tussaramik Israelitit kattimaninganik Mizpame, tagva angajokangit majorarput Israelitit sorsugvigijartorlugit. Israelib kittorngangit tamattominga tussaramik, Filisterit sivu-rajutigivait,

8 Okarpullo Samuelemut: Sorairniarnak tuksiarutigiluta Nalekamut Gudiptingnut, piuliklerkovlugo uvaptingnik Filisterit agganginit.

9 Samuele sangârsungmik amâmaktomik tigusivok, Nalekamut tunnergutiksamik ôtaksamik illuitomik tunnijilune, nipliarlunelo Nalekamut Israelitit pivlugit; Nalekablo tussarpâ.

10 Samuelelo tunnergutiksamik ôtaksamik tunnijitillugo, Filisterit tikkilerput Israelitit sorsugvigijomavlugit. Nalegarle kallukarkojivok kalluksoarmik Filisterit kollâne uvlorme taip-somane, koaksartipaillo, sâlagijaukovlugit Israelitinut.

11 Tagva angutit Israelitit aularput Mizpamit, kemâtipaillo Filisterit, ullimarlugillo Bethkarib attâ tikkilugo.

12 Tagva Samuelib ujarak tiguva, nappartilugolo Mizpab Seniblo akkorngangne, atserarpâlo Ebenezeremik, okarlunelo: Maunga tikkilugo Nalekab ikkajorlaukpâtigut.

13 Taimak Filisterit songojungnaititauvut, tikkitsungnailutiglo Israelib nunangata kigililervianut; Nalekablo aggangita Filisterit akkerartorpait Samuelib innosingane illunane.

14 Taimak Israelitit iglugaseksuit Filisterit aksarnigarilauktangit tapkonangat pilaurivait, Ekronemit Gathe tikkilugo, nunangita kigililervingit illaliudlugit; Israelitit tapkoa piulivait Filisterit agganginit, Israelitit ullapirsautekalaungmatta Amorerinut.

15 Samuelible Israelitit idluarsarpait inosermine tamât,

16 Jahrinelo tamaine ingerarpok sunatuinarnut, Bethelemut, Gilgalemullo, Mizpamullo. Israelitillo iglugaseksoarne tamakonane idluarsarlausunigit,

17 Uttilerivok Ramatemut, iglunga tagvanaungmat, tagvano idluarsarpait Israelitit, sennalunelo tagvane Altaremik Nalekamut.

KAPITEL VIII.

Israelitit attanekaromaninganik, Gudiblo namagingininganik tamattominga.

SAMUELIBLE innutokaulerame ernangne idluarsaijungortipâk Israelitinut.

2 Erninga erniangokârtok, attekalaupok Joelemik, tuglialo Abiamik, idluarsaijolaupuglo Bersabame.

3 Ernigigle agvertarlaungilâk tapsoma apkotigijangane, sangulerpugle pijomatudlarnermut, tigusilutiglo pilliusianik, idluarsainerlo attornerlupâk.

4 Tagva Israelitit angajokangit kattimalerput, tikkilutiglo Samuelemut Ramatemut,

5 Okautivållo: Ahâk îtolerpotit, ernekiglo agvertarlungilak apkotigijarne; taimak manna attanekartitigut idluarsaijomik uvaptingnik, sorlo nellojut illunatik pekarmatta.

6 Samuelib tamanna idluigiva, okarmatta: Attanermik tunit-sivigitigut idluarsaijomik uvaptingnik. Samuelelo tuksiarpok Nalekamut.

7 Nalekable Samuele okautiva: Inugiartoksuit nippingit nalekit tamaine okauserilauktangine illingnut; tapkoa igviung-itok, uvangale singalukogilaukpânga, attaniojuksaunginama tapkonunga.

8 Pinniarvigivât, sorlo pinniatsainarlaungmatta uvlormit taipsomangamit Egiptenemit aulartilaurapkit, uvlok tamanna tikkidlugo, kemmalaukpânga, Gudiniglo assimnik kivgartor-laukput.

9 Tagva manna nippingit nalekit. Kigligiutikille nellojung-naitilugillo attanniub attanerijomârtangata illuserijungnartang-inik.

10 Samueliblo Nalekab okausingit illunaita okautigivait innugiartoksoarnut, attanermik pijomajunut tapsomangat.

11 Tamakkoa attanniub attaniojomârtub illipsingnut illuseri-jungnaromârtangit: Ernise tiguniarpait aksalloalikotiminut, ab-langajuksanullo horsit kângine, aksalloalikotinganik sivorlerkov-lugit pangaliklutik;

12 Angajokangnullo sorsuktuksanut 1000 dinut, 50 ginullo, perorsaijuksanullo perorsêvikotiminik perorsaijunut, kibluujuk-sanullo kattersivingmine, sappulutakotinganiglo aksaloalikoting-inullo attoriakartunik sennakovlugit.

13 Pannisele tiguniarpait âniasiusiorteôkovlugit, igajeôkov-lugillo, niakojaliorteôkovlugillo.

14 Perorsêvipse idluarnerpângit, kakkaselo Weinelihsat, perorsêviselo orksuktaggit tigujomârpait, tunnilugillo kivgakoti-minut.

15 Tamakkoalo tappilugit perorsijaksakotipse, Weinelihsako-tipselo tellimaujoanik tigusijomârpok, tunnijomârlugillo pimak-lertokotiminut kivgakotiminullo.

16 Kivgaselo angutit, kivgaselo arnat, innuosuktokotiselo ânanaunerpât, siutekoktôjokotiselo tigujomârpait, tapkutigûnalo sullijaksane âkiksoromârpait.

17 Omajokotipse kattimgajunginit tellimaujoanik tigusijomârpok, illipselo kivgaujariakarpose tapsomunga.

18 Imakkâ nellitome taipsomane, attanise annerilauktase illipsingnut nipliarutigijomârupsiuk, Nalekab tussarniangilase nellitome taipsomane.

19 Innugiartoksuille kunnulaukput Samuelib nippinga nalek-lugo, okarpullo; Aukak, attanekartuksauvorle uvaptingnut.

20 Uvaguttauk illingalerkovluta assiplitut nellojutitut illu-

naititut, attanivut idluarsaikovlugo uvaptingnik, sivorlerkovlugolo uvaptingnik unatariartoraigupta.

21 Tagva Samuelib inugiertoksuit okauserijangit tamaita nalekpait, okautigilugillo Nalekab siutikita sângangne.

22 Nalegarlê Samuelemut okarpok: Tapkoa nippinginik nalegit, attannekartitsilutillo tapkonunga. Samuelelo Israelib angutinginut okarpok: Aileritse illunase attunît iglugasekso-apsingnut.

KAPITEL IX.

Saulib, Gudib annerijangata attannermut, tattamnadllartomik tikkininganik Samuelemut.

ANGUTEKALAUKPORLE Benjaminib kinguvânginit Kisemik attelingmik, Abielsib erningata, Zerorsib erningata, Bechoratsib erningata, Apiab erningata, Jeminib erningata erninganik, tamna angutaulaupok erkinaitok.

2 Tamna ernekalaukpok Saulemik attelingmik; tamna in-nuosuktôvlune angutitsiangôlaukpok, ânanaunersakalaungilarlo Israelib kittorningangita akkorngane, niakotut attautsetut takkiner-saulaupok innugiertoksoarnit tamainit.

3 Kisible, Saulib atâtangata siutekoktôjokotine arnet assi-ojilaukpait, okarporlo ernerninut Saulemut: Nukapitset illangat aipaukoleruk illingnut, parngnailerlutillo siutekoktojullo kenneri-artorkit.

4 Aivorlo Efraimib kakkangittigut, nunakullo Salisamik attelikut nenninagillo, aivuk Salimib nunangagut, tagvanêlaung-ilello; aivuglo Jeminib nunangagut, nenninagillo.

5 Zufible nunanganut tikkimanik, Saule nukapiamut aipari-jaminut okarpok: Kailerit angerarmilauluk; atâtama siutekok-tôjut nippotivallungmagit pingigilutalo.

6 Tammale okarpok: Ahâk, pittakarpok iglugaseksoarne tapkonane, Gudib angutekotinganik, okausiovaktomik; okausingit illunaita nellautsivut. Manna tagvungarlahuk; tapsoma apkut attoriakartavuk okautiginiarpallaiva uvaptingnut.

7 Saule nukapiakotiminut okarpok: Aivigigalloaruptigo, sunamik tamna kaitsivigijaksarivittigo? Kakkojakarungnaimat pôptingne, assianiglo tunnergutiksakangilagak âtsungnartapting-nik Gudib angutinganut tapsomunga. Sunakarpinûk?

8 Nukapiab Saule kiova: Ahâk, najortekarpunga Sekelib Silbereôjub sittamanganik; tamna tunnijomavavuk Gudib angute-kotinganut, okautjikovlugo uvaptingnik, apkotiksaptingnik.

9 Itsame aijokalaukpat Israeleme Gude appertsoriartorlugo

tagva okarpakput: Kaititse, tækkojok aivigilavut. Manna nel-lautaijunik taijaujut, itsame tækkojunik taijaulaungmatta.

10 Saule nukapiakotiminut okarpok: Namaktomik okalauk-potit; kait, ailauluk. Aitillugiglo iglugaseksoarnut Gudib ang-utekotingata najuganut,

11 Majorartillugiglo iglugaseksoarnut, niviârsijanik naipit-sivuk, annilertunik inmmernik kallusijartortunik. Tapkonunga okarpuk: Tækkojok tamâneka?

12 Tapkoa kiovakit okarlutiglo: Ahaila, ahâk, tagvanêpok; tuavilerit, uvlome iglugaseksoarnut tikkisimavok, innugiartoksuit uvlome tunnergutunik tunnijijomangmatta kakkarolângme.

13 Iglugaseksoarnut tikkileruptik neniniarpattik, kakkarolângmut majorarkârtinago nerrijomavlune. Innugiartoksuit nerriniangimatta tikkikârtinago; tapsoma tunnergutiksak tuk-siarutigikârmago, kingorngane kaikojauijut nerrivut. Taimaimat majoraritik, manna, naipiniaraptiko.

14 Majorartilugiglo iglugaseksoarnut, iglugaseksuillo ker-kanêtillugik, ahâk, tagva Samuele annilerpok pachrearlugik, aijomavlune kakkarulângmut.

15 Nalekable Samuelib siutigik nellojungnaitilaukpak uvlub taipsoma ikpeksangane Saule tikkikârtinago, okalaukporlo:

16 Kaupat nelliutome tamattomane, angut Benjaminib nu-nanganit pijok, tillijomavara illingnut; tamna mingoarlugo attan-ingortitaksarivat innukotimnut Israelitinut, innukotimnik piulik-lerkovlugo Filisterit agganginit. Innukotikka tækkonârlaurapkit, nipliarningillo tikkisimavut sâmnut.

17 Samuele manna tækkosartillugo Saulemik, Nalekab okau-tiva: Ahâk, tagva angut okautigilauktara illingnut, attaniojuk-sak innukotimnut.

18 Tagva Saulib Samuele sângariartorpa ittertârvingme, okarlunelo: Okautilaunga, tækkojub iglunga nanêka?

19 Samuelib Saule kiova, okarlunelo: Uvanga tækkojôvunga, sivurlerlutit uvannik majoralerit kakkarulângmut, uvlome nerri-kattigijaksarigaptinga; kaupat aularkojomavagit, omamigijarniglo tamainik okautigijomavagit.

20 Siutekoktôjullo uvlut pingasut sivorngane assiojilauktatit pingiginiarnagit manna, nachvarsimavut. Kialo tamaita ajung-nerpât Israeleme piginiarpagit? Illingnut atâtavillo iglomio-kotinginut illinganiangilât?

21 Saule kiovak: Jeminib erneringilângâ, Israeliblo king-uvarêngita mikkinerpânginit pingilanga, illakalo ikkinerpaulung-ilât, Benjaminib kinguvarênginit tamainit? Sôg tagva taimai-tomik okautivarma?

22 Samuelible Saule nukapiakotingalo tiguva tessiorlugiglo iglomut nerrimavingmut, ingitipâglo issukliovlutik kaikojauma-junit, tapkoa anguteôlaukput 30 git.

23 Samueliblo igaje okautiva: Abvako tunnilauktara illingnut, okautigilauktaralo illingnetitaksarigangne, kaitsuk.

24 Tagva igajib tallek attatigijangalo ittertupa. Illiválo Saulib sânganut. Samuelelo okarpok: Ahâk tamanna amiakôvok, attuinaruterilerit nerrilutillo, kumergutigijaungmat illingnut, nelliutome tapsomane innuit nerrijartorkolaurapkit. Taimak Saulib Samuele uvlorme taipsomaneme nerrikattigiva.

25 Kakkarulângmillo attersarmatta Samuelib Saule okarkattigiva iglub kângane.

26 Uvlarârsukullo makkiput; kaublo aupallungninga nuilertillugo, Samuelib Saule kaikova iglub kângane, okarlunelo: Makkitit! aularkojikovlunga illingnik. Saulelo parngnailerpok, tapkoalo magguk, aiparêklutik annilerpuk, tamna Samuelelo.

27 Attersarlaukârlutik iglugaseksuit issuanut Samuel Saulemut okarpok: Nukapiak okautiuk sivorlerkovlugo uvaptingnik, (sivumuarporlo); igville nokkangalerit, kaujititsikovlunga illingnik, Gudib okauserilauktanginik.

KAPITEL X.

Saulib mingoartauninganik attanermut, sakkertitauninganiglo.

TAGVA Samuelib publaujak orksuktalik tiguva, kovilugolo tapsoma niakoanut kunnikpa, okarlunelo: Tækkovit Nalekab mingoarsimangmattit, attanniôkovlutit kingormgutigijanganut?

2 Manna aularuvit uvamnit, angutisiniarpotit maggungnik, Rahelib illuvine, Benjaminib kigililervine, Zelzame, okarniartungnik illingnut: Siutekoktôjut keneriartorlauktatit nachvarsimavut; ahâglo, atâtavit siutekoktôjut nippotivait, pingigilutiglo, okarlunelo: Sunamik ernera pitjutigallugo pinniartuksauvik?

3 Taikangallo sivumuaruvit, tikkiniarpotit Taborib Eichinganut (nappartomut), taingane angutit pingasut naipiniarpâtit majorarasuartut Gudemut Bethelmut. Illangat angusaluârsungnik pingasunik akjarsivok, aipanga kakkojanik pingasunik, pingajuallo publaujamik Weineligmik.

4 Illanâkarlutiglo salutiniarpâtit, tunnitsiviginiarpâtillo kakkojângnik maggungnik. Tapkoa taipkoa agganginit tigujaksari-vâkik.

5 Kingorngane tikkiniarpotit Gudib kakkarulâkotinganut Filisterit tangmarvingata najugânut; tainganelo iglugaseksuarnut tikkileruvit, nellautaijut kattimgajut kakkarulângmit attersarlutik pârnarpâtit, sivurlerkartut ingerutinik ingertunik, killausijartuniglo, nipsausijartuniglo, Harfesijartuniglo, tapkoalo nellautailutik.

6 Nalekablo Anerningata tikkilârpâtî, illagilugit nellautailerkovlutit; tagva ablatsangorniarpotit angumut assianut.

7 Nellonaikutat tamakkoa mana tikkiviginarpattit, tagva pinniarit pitjutekarniarlutit piniarungnartarnik; Gudib aipariniarmattit.

8 Sivunimne attersartuksauvotit Gilgalemut; ahâk, tagvane tikkitsomavagit, tunnijjomalungalo tunnergutiksanik ôtaksanik, tunnergutiksaniglo kujulijutiksanik. Uvlut 7 it nâlugit uttakijuksauvotit tikkikârtinanga illingnut, kaujitolutillo pinniaraksarnik.

9 Tunnulermallo, Samuelemit aularomavlune, Gudib omamik assianik tunnitsivigiva, nellunaikutallo taipkoa illunatik tikkilaukput uvlorme taipsomane.

10 Kakkarulângmullo tapsomunga tikkimanik, ahâk, tagva nellautaijut kattimgajut pârpât; Gudiblo Anerningata tikkivigiva, nellautailerporlo tapkoa akkorngane.

11 Illunatiglo sivorngane illitarksilauktut tapsomunga, tækungmatsuk nellautaijut illagilugit nellautailermat, ingmingnut okarput: Sunamut Kisib erninga tikkitaumava? Sauletauk nellautaijunut illingava?

12 Tagvanetullo illangat kiovlune okarpok: Atâtanga kinauva? Tamanna pivlugo okartokarpakpok: Sauletauk nellautaijunut illingava?

13 Nellautaijarêramelo kakkarulângmut pivok.

14 Saulible kattangutiârsua okarpok tapsomunga, nukapia-kotinganullo: Namut ailaukitik? Kiovik: Siutekoktôjut kenne-riartorlugit; tækkogamnuglo tagvanêlaungimatta, Samuelemut tikkipoguk.

15 Tagva Saulib kattangutiârsua okarpok: Okautilaunga, sunamik Samuelib okautilaukâtik?

16 Saulib kattangutiârsune kiova: Okautilaukpâtiguk, siutekoktojut nachvartaumangmatta. Attanniovigle pivlugo okautilungila sunamik.

17 Samuelible inugiartoksuit kaikovait Nalekamut Mizpamut.

18 Okarlunelo Israelib kittornganginut: Imâk Nalegak Israelib Gudingat okarpok: Uvanga Israelitit Egiptenemit aularutilaukpakka, piulilaukpapselo Egiptenemiut agganginit, attani-ovingmiullo illunatik okumaititsilauktut illipsingnik agganginit.

19 Illipselo uvlome Gudise singalukotilaukpassê, ikkajorlauktok illipsingnik kannoênipsingnit, kappiagijapsingnillo, okautilugolo: Attanekartitigut. Atte, tagva manna Nalegak sangariartorsiuk kinguvarêkotise, illagêngniselo malliklugit.

20 Samueliblo manna Israelib kinguvarêngit sakkertimagit Benjaminib kinguvarêkotingit nellautauvut.

21 Benjaminiblo kinguvarêkotingit, illagêngningit illagilugit sakkertimagit, Matrib kittorngarêngit nellautauvut, Saulelo Kisib erninga nellautauvok. Kennerpâllo nachvarnagolo.

22 Tagva Nalegak apperipsarpât: Ovungarniaralloarka? Nalegak kiovok: Ahâk, ijerlaukpok kattaujat akkornganut.

23 Tagva akpangerput, ailugolo tagvangat. Innugiartoksuillo akkornganut pigame, niakotut attautsetut takkinersaulaukpok innugiartoksoarnit illunainit.

24 Samueliblo innugiartoksuit illunaita okautivait: Tagva tækkovose Nalekab annerilauktanganik, nellekangimat innugiartoksoarne tamaine. Tagva innugiartoksuit tamaita igiakomijarput, okarlutiglo: Pilloringnartokarle attanermut!

25 Samuelible innugiartoksuit okautivait attannioviub illuserijanginik, aglalugillo aglangnut, illilugillo Nalekab sânganut. Samueliblo innugiartoksuit aularkovait, illunatik attunit iglomingnut.

26 Saulelo angerarivok Gibeamut; kattimajoksuillo illangita Gudib kiblilauktangita omattingittigut, illagivât.

27 Inuille koksalaikut illangit okarput: Sunamik oma ika-joraksarivâtigut? Nachogivâllo, pilliumiglo âtsivigilaunginivât. Tamnale tussangitserterpok tapkoninga.

KAPITEL XI.

Saulib sâlakarninganik sivorlerpâmik Amoniterinik.

NAHASE Amonitereôjok majorarpok, Jabeselo Gileademe illumavait. Angutillo Jabesemiut illunatik Nahasemut okarput: Angerkattigittigut, tagva kivgartoromavaptigit.

2 Nahasible Amonitereôjub kiovait: Tamattominga angerkattigijomavapse, illunase attunit ijipse tallerpia kappijomagapko, sujuktiluselo Israelitit illunatik akkorngane.

3 Tagva angajokaunerôjut Jabeseme okautivât: Tunnit-sivigittigut uvlunik 7 nik, kivgartortunik tilliklerkovluta Israelib kighilervinginut illunainut, tagvalo kinakangipat piuliklerniartomik uvaptingnik, annivigijomavaptigit.

4 Tagva kivgartortut tapkoa tikkiput Gibeamut Saulemut, okarlutiglo tamattominga innugiartoksuit siutingita sângine. Tagva innuit illunatik niplialerput kèadlarlutiglo.

5 Ahâglo, tagva Saul perorsévingmit pivok tuktuvait kingornganêdlune, okarlunelo: Inugiartoksuit sujut, kèadlarmatta taimak? Tagva Jabesemiut angutingita, illinganinik unipkautivât.

6 Tagva Gudib annerningata tikkipa, okautsit taimaitut tussaramigit, ningaumajarningalo illungertudlalerpok.

7 Tuktuvâglo magguk tiguvâk avgorlugiglo, tilliklerlunelo Israelib kighilervinginut illunainut kivgartortutigit, okautsaukojilunelo: Nelliât aularlungitok Saul Samuelelo malliklugik,

tapsoma tuktuvakotingit taimailiortitaujuksauvut. Tagva Nalekab sivuranarningata innugiartoksuit tupvigilerpait, aularmatta angutetut attautsetut.

8 Basekemelo opallungaijartauvut; Israeliblo kittorngangit 300000 diolaukput, Judablo kittorngangit 30000 diolaukput.

9 Tillijaujullo tikkisimalauktut okautivait: Imâk angutit Jabeseimiut Gileademe okautissigik: Kaupat sekkiniek kiakalerpat ikajortauniarpose. Tillijaujut uttermatta, okautigilugolo tamanna angutinu Jabeseimiunut, tagva kuviasulerput.

10 Jabeseimiullo angutingit okarput (Amoniterinut): Kaupat annijomavogut illipsingnut, issumapsingnik tamainik pinniarvigiluta pikovluse.

11 Uvlublo aipangata uvlângôningane Saulib innugiartoksuit avitipait pingasolilugit, tikkilutiglo tangmarvingmut, udser-tortib uvlarme nelliuningane, annaulerpaillo Amoniterit, uvlub kiakarninga tikkidlugo; amiakojulle taimak siamartitauvut, magguglonêt aiparêgungnaimanik.

12 Tagva innugiartoksuit Samuelemut okarput: Kikkôvât okalauktut: Saule attaniojuksauva uvaptingnut? Angutit taipkoa kailersigik, tokkotsikovluta taipkoninga.

13 Saulelo okarpok: Uvlorme tamattomane tokkotaujokartuksaungilak kinamiglonêt; Nalegak uvlome piulijaunermik tunnijilaungmat Israeleme.

14 Samuele innugiartoksoarnut okarpok: Kaititse, Gilgalemut ailerta, attanniôviglo nutângortilerlavut.

15 Tagva innugiartoksuit illunamassiatik Gilgalemut aivut, Saulelo attaningortipât tagvane Gilgaleme Nalekab sângane, tunnijilutiglo tunnergutiksanic kujalijutiksanic Nalekab sângane. Saulelo, Israelib angutingit illunaita illagilugit, kuviasudlalauk-pok tagvane.

KAPITEL XII.

Samuelib idluarsainerminik ipperaininganik, kaïblaininganiglo innugiartoksoarnik.

TAGVA Samuele Israelitinut illunamassianginut okarpok: Ahâk, nippise nalelaukpakka illunaine, okauserilauktapsingne uvamnut, attannermiglo pititsilaukpunga illipsingnut.

2 Mannalo ahâk, tagva attanipse sivorlervigivâse. Uvangale itomavunga kêrtolarmalo, ernikalo akkonapsingnêpuk, uvangalo sivurlervigilaukpapse innuosungnimnit uvlok tamanna tikkilugo.

3 Ahâk, manêpunga akkerartorlunga kiogisinga, Nalekab tapsomalo saimartitangata sângane, kia tuktuvakotinga, siute-

koktojokotingalonêt tigulaungmangapkik? kina aksorornermut aksarlaungmangapko, idluitullivigilaungmangapolonêt? Kialonêt agganginit pilliusiamik tigusilaungmangarma, ijikalo takpêtitau-kolaungmangapkik? Tagva uttertitsomavara.

4 Tapkoa okarput: Aksororvigilaungilaptigut, idluitullivigilatalonêt, tigusilaungilatillo sunamik kia agganginit.

5 Tamna okarpok tapkonunga: Nalegak kigligiudsijôle, sainartitangalo, uvlome uvlorme tamattomane sunasilaunginapse aggamne. Tapkoa okarput: Ahaila, kigligiudsijôjuksauvuk.

6 Samuelelo innugiartoksoarnut okarpok: Illa Nalegak tamna, pingortitsilauktok Mosesemik, Aronemiglo, atâtagijapsingniglo aularutjilauktok Egiptenemit.

7 Taimak ovungaleritse manna erkartuivigiluse pikovlunga Nalekab sângane, Nalekab ajungitullininginik pinniarlauktanginik illipsingnut, atâtagilauktapsingnullo.

8 Jako Egiptenemit tikkisimalaungmat, atâtagilauktase nipliadlarput Nalekamut, tapsomalo Mosese Aronelo tillivâk tessiornikovlugik atâtagijapsingnik Egiptenemit, nunakarkojikovlugo tapkoninga tamâne.

9 Tapkoale Nalegak Guditik puigormatsuk, niorygotigilaukpait Sisserab, sorsuktuksat Hazoreme angajokangita pitsartuninganut, Filisterillo pitsartuninganut, Moabiterillo attaningata pitsartuninganut, tapkoa unatadlarvigilaukpait.

10 Amalo niplialerput Nalekamut, okarlutiglo: Idluitullilaukpogut Nalegak kemmalauraptigo, Bâlillo Astarotelo kivgartorlauraptigik; mannale piulitigut omigijipta agganginit, tagva kivgartoromavaptigit.

11 Tagva Nalekab Jerubâle Bedanelo, Jeftalo, Samuelelo tillivait, piuliluselo omigijipse avatipsingnetut agganginit, nuna-karkoluselo ussornarluse.

12 Tækkolaurapsele Nahasib Amonib kittorngangita attaningata kaitsovigingmasse, okalaukpose uvamnut: Igviungitok, attaniuble attanniotivigijaksarivâtigut; Nalegak Gudise attannerilauralloarapsiuk.

13 Manna tagva attannekarpose annerilauktapsingnik, tuk-siararilauktapsingniglo; ahâgle, Nalekab attannermik pititsivigimavâse.

14 Nalegak manna sivuraginiarupsiuk, kivgartorlugolo, nippingalo nalengniarlugo, Nalekablo kanninga tappaginiangikupsiuk, tagva tamarmik illipse attanipse, attannerijapse Nalegak Gudise mallingniarpasse.

15 Nalekable nippinga nalengniangikupsiuk kanningale tappagigupsiuk, tagva Nalekab aggangita illipse atâtagijasselo akkerartorniarpâse.

16 Mannalotauk tamaungaleritse, tækkoluselo pijokartomik angijoksoarmik Nalekab pinniarlârtanganik ijipse sângine.

17 Perorsijat Weizenit kattersivingat nellijsimangilak? Uvangale Nalegak nipliarvigijomavara kallukojikovlugo, sillalukojikovlugolo, tukkisilerluselo tækkokovluse idluitoksoarmik Nalekab ijikita sângangne pinniarlauktapsingnik, attannermik tuksiarlaurapse.

18 Samueliblo Nalegak nipliarvigingmago, Nalegak kallerkojivok, sillalukojilunelo uvlorme tapsomane. Tagva innugiartoksuit illunamassiatik Nalegak Samuelelo sivoragivakit,

19 Okarlutiglo Samuelemut: Nalegak Gudit tuksiarvigiuk kivgatit pivlugit, tokkolerkonata; ajornivulle illunaita tappilugit, idluitomik tamattominga pilaurivogut, attannermik tuksiarlaurapta uvaptingnut.

20 Samuele innugiartoksoarnut okarpok: Sivuraniarase, idluitunik tamakkoninga tamainik pinnialauralloarpose, kissiane nûniarase Nalegak tunnulugo, kivgartorsiugle omamut tamânut;

21 Sangunaselo suksaungitok malliklugo, piutsengimat, piulikerungnangilarlo, sunaungitõngmat.

22 Nalekable innukotine kemmalungilait, attine angijoksoak pivlugo; Nalegak pigiarlaungmat illipse innukotingortiluse ingminut.

23 Ungasigletauk uvamnit, taimak idluitullilunga Nalekamut nokkartuksaugama tuksiarutigiluse, ajochertorluselo apkomik idluartomik tamarnangitomiglo.

24 Nalegak sivuragituinarsiuk kivgartorlugolo nertornarluse omamut tamânut; tækkolaurapse kannok angijoksoarmik pinniarvigingmasse.

25 Idluitomigle pinniarniarupse, tagva tamarmik illipse attanniselo assioniarpose.

KAPITEL XIII.

Jonathanib annaulerningninganik Filisterinik, tapkoalo kaitsoninginik Israelemut. Saulib tunnijininganik tunnergutiksamik perkojaungitomik.

SAULE Jahre attausek nâlugo attaniolaukpok; Jahriglo maguk nâlugik Israelitit attaniotivigilaukârdlugit,

2 Israelitinit angutit 3000 dit annerivait. Angutit 2000 dit Saule illagilugo Michmasemêlaukput, Betheliblo kakkangane, 1000 dillo Jonathane illagivât Gibeame Benjaminib nunanganê-tome; innugiartoksuille assingit aularkovait, illunatik attunit iglomingnut.

3 Jonathanible Filisterit ullimârpait tapkoa tangmarvingine Gibeamelauktome; tamattominga Filisterit kaujititauvut. Saulelo

tiptulausijarkojivok nuname illunâne, okarkojilunelo: Tamatto-
minga Ebraëerit tussarlit.

4 Israelitillo illunamassiatik tussarput okartokarmat: Saulib
Filisterit tangmarvingat ullimarlaukpait, Israelitit tippilungmatta
Filisterit sângane. Innugiartoksuillo illunamassiatik kaikojauvut
Saule malliklugo Gilgalemut.

5 Tagva Filisterit kattimalerput Israelitit sorsugvigijomav-
lugit, aksalloaggit 30000 dit, ablangajut horsine 6000 dit, in-
nugiartoksuillo assingit, siorkatitut immarbiaksub siksanganêtu-
titut unnuktigijut; majorarpullo tangmarterlutiglo Michmaseme,
Bethavenib kittâne.

6 Israelib angutingita tamanna tækkolauramitsuk, kappianar-
tovingmênamik, (innugiartoksuit kappiasudlaramik) ijerput kairo-
sungne, kôrkunelo, kairtunelo, ittersanelo, ittersâlungnelo.

7 Ebraëerille aivut Jordane ikârlugo Gadekut nunanganut,
Gileademullo. Saulele Gilgalemetuarpok sulle, innugiartoksuillo
illunatik tamna malliklugo maksuajungnailerput.

8 Tagva uttakivok uvlut 7 it nâlugit, nellitok Samuelib
okautigilauktanga tikkilugo. Samuele tikkingimat Gilgalemut
innugiartoksuit siamarterput tapsomangat.

9 Tagva Saul okarpok: Kaitsileritse uvamnut tunnergutik-
sanik ôtaksanik, tunnergutiksaniglo kujalijutiksanik. Tunnij-
vorlo tunnergutunik ôtaksanik.

10 Tunnijijarêrmallo tunnergutunik ôtaksanik, ahâk, tagva
Samuele kaivok. Tagva Saulib annilune pachrearpa salutitso-
mavlugo.

11 Samuele okarpok: Sunamik pinniarlaukît? Saul kiovok:
Tækkolaukpunga, innugiartoksuit siamartermatta uvamnit, ig-
villo kailaunginavit nellitome okautaumajome, Filisterillo kat-
timangmatta Michmaseme.

12 Tagva okarpunga: Manna Filisterit attersarviginiarpânga
Gilgalemut, uvangalo Nalekab kênanga tuksiarvigilaungilara;
tagva oktorlaukpunga tunnijilauklungalo tunnergutiksanik ôtaks-
sanik.

13 Samuele Saulemut okarpok: Sillainartomik pinniarlauk-
potit, Nalekablo Gudivit perkojanga, perkolauktanga illingnut,
nalelaungilat; manna Nalekab attaniovit Israelemut nakkiterajar-
mago soraijuitilugo,

14 Mannale attanniovit sokkosijuiniangilak. Nalekab angut
kennerêrpa ingminut, omattime namagijanganut, tamna Nalekab
perkova attanniokovlugo innukotiminut; igvit Nalekab perko-
janga nalelaunginangne.

15 Samulelo aularpok Gilgalemit, ailunelo Gibeamut Ben-
jaminib nunanganêtomut. Saulible innugiartoksuit illagijane
kittipait, angutit 600 diokasait.

16 Saulele erningalo Jonathan innugiartoksuillo illagijane

nokkangavut Benjaminib kakkarulângane. Filisterille tangmarsimavut Michmaseme.

17 Filisterillo tangmarvinganit katingajut pingasut aularput nuna asseroromavugo. Attautsit torarput apkosinermut Oframut sangmijomut, Sualib nunanganut;

18 Aipangit torarput Bethoronib apkosininganut. Pingajuillo torarput apkosinermut, sangmijomut Zeboimib naksanganut, sunakajuitub sennianêtomut.

19 Sabviortemigle naipitsijokalaungilak Israelib nunangane illunâne. Filisterit issumakalaungmatta, Ebraëerit saviksoarnik kallugiarniglo sennanajarmatta.

20 Israelitillo illunamassiatik attersariakalaukput Filisterinut, kina poagregarutekalaurangat, aggajaumiglonêt, ullimaumiglonêt, iviksukattautemiglonêt kênaksartaujariakartomik.

21 Tapkoa aggiakatuinarlaukput kênaksainermut iviksukautinik, aggajautiniglo, kappukautiniglo, ullimautiniglo.

22 Sorsugviub uylunga nelliutingmat manna, saviksoarlonêt, kallugiarlonêt, naipitaulaungilak innugiartoksuit Saulib Jonathaniblo illagijangita aggangine; Saule erningalo kissimik sakko-kalaukpuk.

23 Filisterillo tangmarsimajut annilerput Michmasib ungatânut.

KAPITEL XIV.

Jonathanib piniarnersoanganik nangiartuisartomik. Sauliblo pititsikassangninganik tapsominga tokkomut, illungertornerminut sillainartomut.

PIJOKALAUKPORLO uvlut illangane, Jonathan Saulib erninga, nukapiaminut, sakkunginik akjarsijomut okarmat: Kait, ailauluk Filisterit tangmarvinganut, akkiptingnêtomut. Okalungilarlo tamattominga atâtaminut.

2 Saulele Gibeametuarlaukpok, Granatit nappartungata iglugeksuit issunginêlauktub attâne; innugiartoksuillo tapsomanêlauktut, anguteôlaukput 600 dikassait.

3 Ahialo, Ahitob erninga Ikabodib angajuata, Pinehasib erningata, Elib erningata, ajochertuijôlaukpok Nalekamut Silome, ikkialijarlarmelo. Innugiartoksuit kaujimalaunginivut Jonathan aualarsimangmat.

4 Apkotible Jonathanib ainasuarvigijangata Filisterit tangmarvinganut senniane kairtokalaukpok maggungnik nuvulingnik, aipa miksiptingne, aipanga ungatâne; aipa Bozesemik attekalaupok aipangalo Senneruik.

5 Aipa sangmilaukpok avangat Michmasemut, aipanga angat Gabamut.

6 Jonathanelo akjarsijokotiminut sakkunginik okarpok: Kait, ailauluk akkiptingnut, kippisimangitut tapkoa tangmarvinganut; imakkâ Nalegak uvaptiguk sulliniarpallukpok; Nalekamut okumailungimat unnuktutigut ikkitutigullonêt ikajorlune.

7 Tagva akjarsijokotingata sakkunginik kiovâ: Pinniarit tamainik omattingnêtnik; ailerit, ahâk, aiparivagit, sorlo omatit pijomangmat.

8 Jonathan okarpok: Atte, akkianut pigumnuk innungnut, sakkânullo pigumnuk;

9 Okarniarpatta tagva: Nokkaritik tikkikârtinata illiptingnut; tagva inniptingne nokkaromavoguk, majorarvigijomangilavuglo.

10 Okarniarpattale: Kaileritik paunga uvaptingnut; tagva majoraromavoguk tapkonunga; tagva Nalekab tunnimavait aggaptingnut. Tamannalo nellonaikutarijomavavuk.

11 Mannalo Filisterit tangmarvingata sakkânut tikkimannik, Filisterit okarput: Ahâk, Ebræerit ittersamingnit ijersimavigilauktamingnit annisimavut.

12 Angutille tangmarvingmêtut Jonathane akjarsijokotingalo sakkunginik, kiovakit, okarlutiglo: Kaileritik paunga uvaptingnut, tagva ajochertoromagalloarpaptik. Tagva Jonathan sakkome akjarsijinganut okarpok: Malliklunga majorarit, Nalekab tunnimavait Israelitit agganginut.

13 Jonathanelo aggangmigut ittikamigullo majoakpok, sakkungatalo akjarsijingata mallikpa. Tagva ochovut Jonathanib sânganut, sakkungitalo akjarsijingat tokkotsikattarpok tapsoma kingorgane;

14 Taimak, Jonathanib sakkungitalo akjarsijingata sorsugvikita sivorlerpângane angutit 20 git tokkotaulaungmatta, perorsêvingme tuktuvâk magguk poagrejarpaktangangne uvlorme attautseme.

15 Tangmarvingmêtullo natername, tangmarviublo innugiartoksoangit illunamassiatik erksinermut tikkitaavut, kattimgajoksuillo aularlauktut sunatuinarmut koaksarputtauk, taimak nuna sajukpilangmat; koaksarniôlaungmat Gudemit pijomik.

16 Sauliblo udsertortingit Gibeame Benjaniib nunanganê-tome, tækkovut kattimgajut siamalermatta, sunatuinarmullo akpangermatta, nungutaulermattalo.

17 Saule innugiartoksoarnut illagijaminut okarpok: Kittisileritse nautsertorluselo kina uvaptingnit aularsimagalloarmangat. Kittitsingmattalo, ahâk, tagva Jonathan sakkungitalo akjarsijingat tagvanêlaungilâk.

18 Tagva Saule Ahiamut okarpok: Gudib iklervinga kaile tamaunga, (Gudib iklervinga nellutome taipsomane Israelib kittornganginêmat).

19 Saulelo okartillugo sulle ajochertuijomut, aulajadlarnek, akpangernerlo Filisterit tangmarvingane angivalliaovok. Saulelo ajochertuijomut okarpok: Tallit erkititsuk.

20 Saulelo innugiartoksuillo illagijangit illunamassiatik kattimalerput, tikkilutiglo sorsugvingmut: ahâglo, Filisterit illunatik attunit saviksoangit torarput illamingnut, pikabladlarnekarpurlo.

21 Ebraerittauk sivurngane Filisterinélauktut tapkoalo illagilugit majorarlauktut tangmarvingmut, nunamit avatânétomit, illalutivut Israelitinut, Saulib Jonathaniblo illagijanginut.

22 Israeliblo angutingita illunatik ijerlauktut ingminik Eframib kakkangane, tussaramik Filisterit kemângmatta, mallikpait sorsuglugit.

23 Taimak Nalekab nellitome taipsomane Israelitit ikajorpait. Sorsungnerlo pilerpok Bethaven tikkilugo.

24 Israeliblo angutingit nukkingêrotihermatta uvlorme taipsomane, Saulib okautigimarikpait, okarlunelo: Ominarsile, nelliat nerriok sunamik unnulerkârtinago, omigijikka uvamnut akkiniartaukârtinagit. Tagva innugiartoksuit illunamassiatik nerrilungilat sunamik.

25 Nunakattigêllo illunatik nappartut illuanut pilaukput. Pittakalaukporle igupsaujartut orksuanik nunatuinarme.

26 Innugiartoksuille nappartunut tikkilermatta, ahâk, tagva igupsaujartut orksua korlorpok tagvane; kinalonêlle pititsilungilak illanganik aggângmigut kannerninut, innugiartoksuit okarmaringnek sivoragingmatsuk.

27 Jonathanele tussarlaungilak atâtame inugiartoksuit okautimarilaungmagit, ajaupianelo aggangminut tigumiartane issautiva, nuvualo missukpa igupsaujartut orksuanut, pitilugolo aggangmigut kannerninut, tagva ijigik uitatsialerpuk.

28 Innugiartoksuit illangat kioovok okarlunelo: Atâtavit innugiartoksuit okautimarilaukpaît, okalauklunelo: Ominarsile nelliat uvlome nerriok sunamik. Innugiartoksuille nukkingêrotilaukput.

29 Tagva Jonathan okarpok: Atâtama nunakattigêt tamartilaukpaît; tækkoleritse, kannok ijika uitatsiarmanik, kêtakullungmik igupsaujartut orksuanik ominga oksilaurama.

30 Innugiartoksuille uvlome nerrijuksaulaungimatta omigijimik perkutigilauktanginit nachvarlauktamingnit, tamauna pivlugo sorsungnek Filisterinik anginersaujunguarlaunginivok.

31 Uvlorme taipsomane Filisterit ullimarpait Michmasemit Ajalon tikkilugo. Innugiartoksuillo nukkingêrotidlalaukput.

32 Innugiartoksuillo aksarnigaujut âkiksorpait, tigulugillo saukat, tuktuvaillo, nochaillo, tokkopaillo nunatuinarme, nerrilugillo aukartillugit.

33 Tagva Saule okautsauvok: Ahâk innugiartoksuit idlultullivut, aungmik nerringmatta. Tamna okarpok: Idlutomik

pinniarlaukpose, ujaraksoak aksakâtisiuk manna tamaunga uvamnut.

34 Saulelo okapsarpok: Innugiartoksuit akkornganut siamartitse, okautisigiglo, illunatik attunit tuktuvakotimingnik, saugakotimingniglo kaitsikovlugit uvamnut; tokkotsileritselo mâne, nerriluselo, idluitullikonase Nalekamut nerrinermut aungmik. Tagva innugiartoksuit illunatik attunit tuktuvakotitik aggamingnut kaipait tagvunga unnuarme, tokkopaillo tagvane.

35 Saulelo Altaremik sennavok Nalekamut. Tagva Altare sivurlerpâk tapsoma sennalauktanga Nalekamut.

36 Saulelo okarpok: Attersarta Filisterit malliklugit unnuarme, aksarlugillo kaulerkârtinago, amiakokarkojikonata kinamiglonêt tapkonangat. Tapkoa kiovut: Pinniarit namagijarnik tamainik. Ajochertuijorle okarpok: Tamaunga Gudemut kagililerta.

37 Saulible Gude apperiva: Attersartuksauvik Filisterit malliklugit? Israeliblo agganginut tunnijomavigit? Tapsomale kiolaungila nelliutome taipsomane.

38 Tagva Saule okarpok: Inugiartoksuit kattingajungit illunatik tamaunga kailit, tukkisilerluselo, tækkolapselo kinamut idluitullinek illingamangat nelliutome tamattomane.

39 Taimagle miksekârtigijomik sorlo Nalegak Israelib piulijinga inôngmat, tamna tokkojuksauvok, ernimnullonêt Jonathane mut illingagalloarpallonêt. Inugiartoksoarnillo kialonêt kionlungila.

40 Okarporlo Israelitinut illunamassianut: Illipse mattoma ungatanêleritse; uvanga ernalo Jonathan ovanêtsomavoguk. Innugiartoksuillo Saulemut okarput: Pinniarit namagijarnik.

41 Saulelo okarpok Nalekamut Israelib Gudinganut: Idluarnermik sakkertitsilerit. Tagva Jonathan Saulelo nellautauvuk; innugiartoksuille annigoivut.

42 Saule okarpok: Immeraut attorsiuk pivlunga ernalo Jonathane pivlugo. Tagva Jonathan nellautauvok.

43 Saulelo okarpok Jonathanemut: Okautinga, sunamik pinnialaukît? Jonathanib okautigiva tapsomunga, okarlunelo: Igupsaujartut orksuanik kêtârsungmik ôksilaukpunga ajaupiamut aggamnut tigumiarlauktamnut; ahâglo tamanna pivlugo tokkotaksauvunga.

44 Tagva Saule okarpok: Gudib imâk, imâglo pinniarvigilinga; Jonathan tokkojuksauvotit.

45 Innugiartoksuille Saulemut okarput: Jonathane piulijaunartomik, taimak angitigijomik pinniarlauktok Israeleme, tokkojuksauva? Tamanna ungasigle. Sorlo miksekârtomik Nalegak innôngmat, kattaktokartuksaungilak nuarmik attautsemiglonêt niakunganit nunamut; Gude uvlome tapsomûna pinniarlaungmat. Taimak innugiartoksuit Jonathane piulivât, tokkotaujuksaukonnago.

46 Tagva Saule majorarivok Filisterinit, Filisterillo aivut nunagijamingnut.

47 Saulible Israelib nalegauvinga tigujaârèramiuk, omigijine illumajine illunaita sorsugvigilerpait, Moabiterit, Amonib kittorngangit, Edomiterit, Zobamiut attaningat, Filisterillo; sanguvingminelo illunaine sugiarnermik pititsivok.

48 Sorsuktuksoarniglo kattimgajunik âkiksoivok, ullimærlugillo Amalekiterit, Israelitillo piulivait illunatik kappiasuktitsijut tapkoninga agganginit.

49 Saulele ernekalaukpok, Jonathanemik, Iswimiglo Malchisuamiglo. Pannigiglo imaitungnik attekalaupok: angajudlek, Merobemik, nukardlerlo Michalemik.

50 Sauliblo nullianga, Ahimâzib panninga, attekalaupok Ahinoamemik. Sorsuktuksaksoakotingitalo angajokangat, Nerib erninga, Saulib kattangutiârsua attekalaupok Abneremik.

51 Saulible Kise atâtagiva; Nerele Abnerib atâtanga Abiel-sib ernerilaukpa.

52 Songojomigle sorsungnekatsainarlaukpok Filisterinut Saulib innosingane tamât. Nanelo Saule angumik nukkelingmik songojomiglo tækkolaurangame, tamna pitipa ingminut.

KAPITEL XV.

Saulib salakarninganik Amalekiterinik; nalengininganiglo

Gudemik, ajektortauninganiglo.

SAMUELE Saulemut okarpok: Nalekab tillilaukpânga ming-oaraksarigapkit attanermut innukotinginut Israelitinut; tagva tussarit manna Nalekab okausingita nippinganik.

2 Imâk Nalegak Zebaoth okarpok: Erkaimavunga, sumik Amalek pinniarlaungmat Israelitinut, kannok terliarvigilaangmagit apkome, Egiptenemit aulartillugit.

3 Tagva manna ailerit, ullimarlugillo Amalekiterit, nungulugillo pigiangit tamaita illaliudlugit. Nikkaginiarnagit; tokkotsilerille tamangnik angutinik arnaniglo, sorrutseniglo amâ-maktuniglo, tuktuvângnik saukaniglo, Kamêlinik, siutekoktojuniglo.

4 Sauliblo innugiartoksuit kattitipait, kittilaitalo Telaimeme, angutit pissuktut 200000 dit, angutillo 10000 dit Judamit.

5 Saulelo Amalekiterit iglugaseksoanginut tikkiname terliarsiviksalliorpok kôb kiglingane.

6 Keniterillo okautsaukovait: Aileritse nûluselo attersaritse Amalekiterinit, tapkonunga illaliudluse, illipsingnik nungutsi-

konanga; illipse Israelitit illunaita takkopsoagilaurapsigik Egiptenemit aularlauktillugit. Taimak Keniterit nülerput Amalekiterinit.

7 Tagva Saulib Amalekiterit ullimarpait Hevilamit Sur, Egiptenib sivuranêtok tikkilugo.

8 Agaglo Amalekiterit attanningat tiguva ômatillugo, innukattigêksuillo illunamassiatik nungupait saviksub kênanganut.

9 Saulible innugiartoksuillo Agag nikkagivât, saugatsiallo, tuktuvaillo kuinijut, saugârkallo, illunaitalo ânanaujut, nungut-somalaungilaillo; kannoêtulle piungitullo, tamakkoa nungupait.

10 Tagva Nalekab okausingata Samuele tikkipa, okarlunelo:

11 Kakkialerpunga Saule attaningortilaurapko; tunnusi-mangmanga, okautsikkalo nellautsitilaungimagit. Tamanna Samuelib issumajarutigilerpa, niplialunelo Nalekamut unnuak nâlugo.

12 Samuele uvlarârsukut parngnailerpok Saule uvlarne pâromavlugo. Okautsauvorlo Saule Karmelemut tikkisimangmat, nappartitsimangmallo tagvane ingminut sâlakarnerub nellonaikutanganik, ingerarlaungmallo sunatuinarmut, tikkisimangmallo unnunga Gilgalemur.

13 Samuele manna Saulemut tikkimat, Saule okarpok tap-somunga: Nalekab saimartilitit! Nalekab okausingit nellaut-sitilaukpakka.

14 Samuelible Saule kiova: Sunauvâle saukat nipliadlarningit siutimne, tuktuvaillo kallingoadlarningit tussartakka?

15 Saule okarpok: Amalekiterinit neksarlaukpait; innugiartoksuit illunatik saukat tuktuvaillo ânanaunerpât nikkagilaungmagit, tunnergutiksât Nalekamut Gudingnut pivlugit; assingit nungulaukpavut.

16 Samuelible Saule kiova: Okautsaulerit, sunamik Nalekab okauserilauktanganik uvamnut unnuarme tamattomane. Tamna okarpok: okarit!

17 Samuel okarpok: Imaingilâk, mikkijolauktillutit ijikpit sângangne, angajokangortitaulaukpotit Israelib kinguvarêngita akkorngane, Nalekablo mingoarlaukpâtit attaningortilutit Israelitinut?

18 Nalekablo tillilaukpâtit apkosinermut, okarlunelo: Ailerit idluitullijullo Amalekiterit nungukit, sorsugvigilugillo nungut-sikârtinak taipkoninga.

19 Sôg Nalekab nippinga nalelaungikiuk, sangulutillo aksarnigaujanut, idluitullilutillo Nalekab ijikita sângangne?

20 Saulib Samuele kiova: Nalekab nippinga nalelaurallo-arpapa, ailungalo apkomut Nalekab tilliklerutigilauktanganut uvamnik. Agaglo Amalekiterit attaningat âlaukpara tamaunga, Amalekiterillo nungulaukpakka;

21 Inugiartoksuille aksarnigaujut saukat tuktuvaillo, âna-

naunerpât nungutaksat akkorngane, tigulaukpait tunnergutigijomavlugit Nalekamut Gudingnut Gilgaleme.

22 Samuelele okarpok: Issumavit Nalekab tunnergutiksatsat, tunnergutiksallo ôtaksat kuviaginersaringmagit nalengnermit Nalekab nippinganik? Ahâk nalengnek namanersauvok tunnergutiksamat, kammatsiarnerlo namanersauvok saukat angutingita orsuanit.

23 Nalenginek angekokterniôngmat, akkerartornerlo kivgartorniôvok Gudeungitunik, Gudioaniglo. Mannalo Nalekab okausingit singalukogilaurangne, tapsoma singalukogilaurivâtît attanniokonak Israelitinut.

24 Tagva Saul Samuelemut okarpok: Idluitullilaukpunga, Nalekab perkojanga okautsitillo tappagilaurapkit; innugiartok-suit illimagilaurapkit, nippingillo nalelaukpakka.

25 Mannalo idluitullinermik tamattominga issumagijungnai-vigilaunga, utterkattigilungalo, Nalekamut tuksiarkovlunga.

26 Samuele Saulemut okarpok: Utterkattigijomangilagit; Nalekab okausingit singalukogilaurangne, Nalekablo igvit singalukogingmattit attaniôkonnak Israelitinut.

27 Samuelelo tunnulermat aularomavlune, tapsoma tiguva ullingata terrekungagut, tamnalo allikpok.

28 Tagva Samuele okarpok tapsomunga: Nalekab uvlome Israelib attaniovinga aksarnigarilaukpa illingnit, tunnimalugolo innukattingnut idluarkijarnut.

29 Sâlakarte Israeleme sâglolunginivok, kakkialingilarlo; innuôlunginame suna kakkialerutigilugo pijuksaungmat.

30 Tamnale okarpok: Idluitullilaukpunga; opigilaungale mana innukotima angajokangita Israelitillo sângine; utterkattigilungalo, Nalegak Gudit tuksiарvigilugo pikovlunga.

31 Taimak Samuele utterpok, malliklunelo Saulemik, Saule tuksiarkovlugo Nalekamut.

32 Samuel okarpok: Agag Amalekiterit attaningat kaitaule uvamnūt. Agagiblo sivuranane aivigiva, okarlunelo: Taimak tokkub kassilinarninga pertainariakarpok.

33 Samuel okarpok: Sorlo saviksoarpit arnat aksarlaungmagit kittornganginik, taimak anânat aksartaujuksaugivok kittorngaminik arnat akkorngane. Taimak Samuelib Agag ullimarpa avgorlugo Nalekab sângane Gilgaleme.

34 Samuelelo aivok Ramatemut; Saulele majorarpok iglo-minut Gibeamêtomut.

35 Samueliblo Saule manamit tækkojungnaipa tokkome uvlunga tikkilugo. Samuelible Saule oggurilauralloarpa, Nalegak kakkialilaungmat Saule attaningortilaungmago Israelitinut.

KAPITEL XVI.

*Davidib mingoartauninganik Samuelemut aitanermut.
Sauliblo annûdlartub kuviasuktitauninganik Davidib Harfesi-
jarninganut.*

NALEGARLO Samuelemut okarpok: Kanok akkunértigijomik ogguarkit Saul singalukogimajara pivlugo, attaniojuksaungimat Israelitinut. Naksukotit orksukaut illulertoruk orksunik, ailuttillo, tillijomavagit Bethlehemiomut Isaimut; tapsoma erningita illangat tækkungiarapko, attanniokovlugo.

2 Samuele okarpok: Kannok taikungartuksauvík? Saulib tussarniarpa tokkoniarlungalo. Nalegak okarpok: Tuktuvângnit nocharmik tigusilerit illingnut, okarillo: Tikkipunga tunnergutiksamik tunnijiomavlunga Nalekamut.

3 Isailo kaikojaksarivat tunnijivingmut tunnergutiksamik, tagvane kaujitsomavagit pinniaraksarnik, mingoarsikovlutit okautiginiartarnik illingnut.

4 Samuel pinniarpok sorlo Nalekab okautilaungmago, tikkiporlo Bethlehemut. Tagva iglugaseksuit angajokangit kakkilarput, pachrearpållo, okarlutiglo: Ullapirsautekarka tikkinavit?

5 Tamna okarpok: Ahaila, tikkipunga Nalegak tunnergutiksamik tunnitsivigijomavlugo; ivsornaititse illipsingnik, kailuselo illagilunga tunnijivingmut tunnergutiksamik. Isailo erningillo ivsornaitipait kaikolugillo tunnijivingmut tunnergutiksamik.

6 Tagvalo manna ittermatta Eliabe tækkonârpa issumakarlunelo, tamnaumangat Nalekab saimartitanga.

7 Nalegarle Samuelemut okarpok; Tækkonârniarnak tau-tuanik angininganiglonêt; uvanga nachogigapko. Innub tækkoningatut pilungimat. Innuk tautukpok ijit sanginêtunik, Nalekable omat nautsertorpa.

8 Tagva Isaib Abinadabe kaikova, sângagorkolugolo Samuelib. Okarporlo: Nalekab tamna annerilunginiva.

9 Tagva Isaib Sama sângagorkova. Samuele okarpok: Nalekab tamna annerilunginiva.

10 Tagva Isaib ernine 7 it sângagorkovait. Samuelele okarpok Isaimut: Nalekab tapkoa nelliallonêt annerilaungila.

11 Samuelelo Isaimut okarpok: Nukapitset tapkoatuang-ôvât? Tamna okarpok: Nukkârdlerpâk amiakovok sulle; ahâglo saukat mianerivait. Tagva Samuel Isaimut okarpok: Tilliklerit tagvunga, aijaukolugolo; inginianginapta tikkikârtin-nago ovunga.

12 Tagva tilliklerpok tagvunga aijaukolugolo. Aupalanga-laukporlo, ijitsiariklunelo, taututsiariklarmelo. Nalegarlo okarpok: Atte! mingoarleruk, tamnauvok.

13 Tagva Samuelib naksukotine orksuktalik tiguva, mingoarpâlo kattangutingita akkorngane. Nalekablo Anerningata Davide tikkivigiva uvlormit taipsomangamit kingornganelo. Samuelele parngnailerpok, ailunelo Ramamut.

14 Nalekable Anerninga nûlerpok Saulemit, annernerublo idluitub Nalekamit pijub uimajartipa.

15 Tagva Saulib kivgangit okarput tapsomunga: Ahâk, annernerub idluitub Gudemit pijub uimajartidlarpâtit.

16 Nalegapta kivgane, sângane nangertut okautiligiti, kennerkovlugiti angumiki Harfesijatsiarungnartomiki; Harfesijarkovlugo aggangminuti tikkitauleiraikuviti annernermut idluitomuti Gudemit pijomuti, nakkornersaulerkovlutiti.

17 Tagva Saule kivgaminuti okarpok: Kênajaleritse angumiki, nokakseralingmiki sungiusimatsiartomiki, kaitsiuglo uvamnut.

18 Tagva nukapitset tapkoa illangat kiovoki, okarlunelo: Ahâk, tækkolaukpara Isaib Bethlehemiub erningita illangat, tamna nokakseralingmiki attutsiarungnarpok, anguteôjoki erkinaitoki, sorsugungnartoki, sillatôjorlo sunatuinarne, pinnarnartorlo, Nalekablo illagiva.

19 Tagva Saulib kivgartortuti tillivait Isaimuti, okautsaukovalo: Erniti Davide saukanêtok tillilauruki uvamnut.

20 Tagva Isaib siutekoktôjoki tiguva, kakkojarlo illulerkutelo Weinetaliki, angusalluârsuglo tuktungajoki illaliudlugiti, tillikliutitalo Saulemut ernermiguti Davidekuti.

21 Taimak Davide Saulemut tikkipoki, kivgartorlunelo sângane, tapsomalo nagligidlalerpa, akjarsijungorporlo sakkunginiki.

22 Saulelo tilliklerpok Isaimuti, okautsaukolugolo: Davide sâmnêtsainarkolauruki, saimaneksingmat ijingma sângangne.

23 Manna Gudib annerningata Saule tikkigaikpago, tagva Davidib Harfe tiguva, attorlugolo aggangminuti; tagva Saule nekkoksilerpok, namanersaulerlunelo, annernerlo idluitoki nûpok tapsomangati.

KAPITEL XVII.

Filisterit unatadlarninganiki Israelitinuti, Davidib illorearninganiki Goliathemiki.

FILISTERIT sorsuktuksaksoakotitiki kattitipait sorsungnermut, kattimalerpullo Suchome Judametome, tangmarterlutiglo Suchob Asekablo akkorngangne, Daminib nâningane.

2 Saulele Israeliblo angutingit kattimalerput, tangmarterlutiglo naksarme nappartolingme Eichenik, oppalungaijarlutiglo Filisterit sorsugvigijomavlugit.

3 Filisterillo nangerput kakkame ungatâne, Israelitillo kakkame miksâne, naksakalaungmat akkorngane.

4 Tagva annijokarpok Filisterit tangmarvinganit innukpamik, Goliathemik attelingmik, Gathemit pijomik, tallitut 6 tut, aggak-tullo attautsit sennimututiginginitut, poktutigijomik;

5 Nessalugakalaukporlo kannujarmik niakomine, sagvingmiutakalarmelo kavisiliktun itomik; sagvingmiutangatalo kanu-jaub okumaininga Sekeletut 5000 ditut okumaitigijôlaukpok.

6 Kannujarmiglo karlekalaukpok niungmine, sappulutakalarmelo kannujarmik tuingmingne.

7 Kallugiakotingatalo ippua umiab napparutangatut ilauk-pok; kallugiakotingatalo kikkiektanga Sekeletut 600 ditut okumaitigijôlaukpok, aksarsijokotingatalo sappulutanganik sivorlerpa.

8 Nangerporlo nipliarylunelo Israelib sorsuktokattigêkotinginut, okarvigilugillo: Sôg aularlaukise oppalungaijarluse sorsugomamut? Uvanga Filistereôlungilanga, illipselo kivgaungilase Saulemut? Annerosugitse illapse illanganik attersarniartomik uvammut.

9 Sappingikune sorsugvigilunga, ullimarumgalo, tagva kivgaujomavogut illipsingnut, uvangale sappingikupko, ullimarlugolo, taga illipse kivgaujuksauvose uvaptingnut, kivgartorkovluse uvaptingnik.

10 Filistereôjorlo okarpok: Uvlome, uvlorme tamattomane Israelib sorsuktokattigêngningit mittautigilaukpakka; tunnitsivigisinga attautsemik, sorsugutikovlunuk.

11 Saulelo Israelitillo illunamassiatik Filistereôjub oma okauserijanginik tussaramik, kakkiladlarput sivoradlalutiglo.

12 Davidele angutib Efratemiub Bethlehemêtub, Judab nunangane, Isaimik attiggub erneriva; tamna ernekalaukpok 8 inik, itolunelo Saulib nelliuningane, inutokaulunelo angutit akkorngane.

13 Isaible erningit angajudlit pingasut Saule illagællugo aularlaukput sorsungnermut, attekarlutiglo, erniangokârtok Eliabemik, tuglia Abinadabemik, pingajuak Sammamik.

14 Davidele nukârdlerpaulaukpok. Angajudlille pingasut Saule illagællugo aularmatta unatadlarnermut,

15 Davide aularivok Saulemit, atâtame saugakotinginik mianersikovlugo Bethlehem.

16 Filisterele sakkerpok uvlakut, unnulerninganelo, sakker-tilunelo uvlut 40 git nâlugit.

17 Isaile ernerninut Davidemut okarpok: Tigukit angajungnut oktût una Efa tættælugo kakkojaksat jarrasimajut, kakkojallo tellimaujortut ukkua, akpangerlutillo tangmarvingnut angajungnut,

18 Punneôjartullo tellimaujortut nutât ukkoa, âlugillo angajokanganut, angajutille nellipsarkit kannoêngitsiarmangatta, tigusiutullo sunamik perkojikpatta.

19 Saulele, tapkoalo, Israelitillo angutingit illunatik naksarmelaukput nappartolingme Eichenik, sorsugvigilaitalo Filisterit.

20 Tagva Davide uvlarârsukut parngnailerpok, saukaniglo kemailerpok udsertortemut, akjarsilunelo taikunga, sorlo Isaib perkolaungmago, tikkilunelo tallunut kamutingnut senamajunut. Sorsuktokattigêllo aularsimalaukput oppallungaijarsimalutiglo, nipliadlarlutiglo sorsungnerme.

21 Israelitit parngnailaungmatta, Filisterit parngnailaurivut-tauk tapkonunga.

22 Tagva Davidib illulerkut aksartanga kemmakpa illulerkutit udsertortinganut, akpangerlunelo sorsuktunut, ailunelo salutilaitalo angajune.

23 Okartillugolo sulle tapkonunga, ahâk, tagva sakkerpok Filisterit sorsuktokattigêngninginit innukpak, Goliathemik attelik, Filistereôjok Gathemiok, okarlunelo sorlo sivurngane pilaurame; Davidele tussarpok tamattominga.

24 Angutille Israelitit nelliata angut tamna tækkoguniuk kemâjutigiva, sivoradlarlunelo.

25 Israelitillo illunatik attunît okarput: Angut taimna, sakkertok tækkolaukpissiuk? sakkersimangmat Israelitit mittautigijomavlugit. Attaniublo tamna ullimarniktok tapsominga akluuitsomava tunnitsivigijomalâlo panniminik; atâtangatalo iglomiokattingit kiygaujungnaititsomavait Israeleme.

26 Tagva Davide angutunut nangerkattigijaminut okarpok: Sunamik tamna pinniarvioniarka Filisteremik ominga ullimarniktok, kangusuktitaunermiglo tamattominga pejaijok Israelemit? Kinauvâle Filistere kippisimangitok una, Gudib omatsainartub sorsuktuksaksoakotingit mittautigingmagit?

27 Tagva innugiartoksuit okautivât sivornganetut: Taimai-liorvioniarpok tamna ullimarniktok tapsominga.

28 Eliablo kattangutingita angajudlerpângata tussarpa angutit okarkattigingmagit, illungertolerlunelo Davide ningauma-jarvigiva, okarlunelo: Sôg attersarsimavît? Sôglo saukat ikkitut taikane innukajuitome kemalaukpigit? Angutaunasuginît omattivillo kassêninga illitarigalloarpâka. Attersarsimavotille sorsungnek tækkojomagangne.

29 Davidele kiovok: Sunamigle piniarlaukik? Perkojau-malungilanga tamattominga?

30 Allarpâlo, sâlungelo assianut, okarlunelo sivornganetut. Tagva innugiartoksuit kiovât sivornganetut.

31 Okautsillo, Davidib okauserijangit tussaramigit, okautigivait Saulemut; tapsomalo aijaukova.

32 Davidelo Saulemut okarpok: Innub kialonêt omattinga

mungoniarane taimna pivlugo, kivgait aijuksauvok Filistere tamna sorsugvigilugo.

33 Saulele Davidemut okarpok: Igvit aijungnangilatit Filisteremut omunga, sorsugvigilugo, igvit nukapiangôgavit, tamnale sorsuktuksangôvok inuosungnerminit.

34 Davidele Saulemut okarpok: Kivgavit atâtame saugakotingit mianerilaukpait, tikkitokalaukporlo Loewemik aklamiglo, aksarnigakarporlo kingmiarlune saugarmik kattimgajunit.

35 Udlatorparalo annaulerlugolo, piulilaukparalo siggunganit; opaktormangalo tigulaukpara umingitigut, annaulugolo tokkopara.

36 Taimak kivgavit tamarmik Loewelo aklarlo annaulaukpak. Taimaglo manna Filistere tamna kippisimaŋgitok ituksauvok taipkoa illangatut; Gudib omatsainartub sorsuktuksaksoakotingit mamailisarlaungmagit.

37 Davidelo okarpok: Nalekab piulilauktima Loewemit aklamillo, tapsoma piulinia rivângatauk Filisteremit omangat.

38 Saulelo Davidemut okarpok: Ailerit, Nalekab illagilitit. Sauliblo Davide attitipa annorâminik, nessarpâlo nessâlukamik kannujarmik niakoanut, sagvingmiutamiglo attitipa.

39 Davidiblo tapseruserutigiva saviksoanga annorâme sillatâgut, pissugiarlunelo, ôktorlautsenginame sulle taimaitomik. Tagva Davide Saulemut okarpok: Taimaidlunga pissugungnangilanga, sungiusimalunginama; pèrpaillo ingminit.

40 Tiguvâlo ajaupiane aggangminut, annerivaillo ujarkat tellimat manniktut kôngmit, pitilugillo ikpiarsukotiminut attortaminut, mianersijut attorpaktanganut, pôngmullo, illoereullo tiguva aggangminut ailunelo Filisteremut.

41 Filisterelo kailaurivok, kaglilerlunelo Davidemut, akjarsijokotingatalo sappulutanganik sivurlerpa.

42 Filistere manna tækkosarame, Davidelo tækkonârlugo pigame, nachogiva, nukapiangôngmat, aupalangajôvlune pinnarnarlunelo.

43. Filisterelo Davidemut okarpok: Kingmiôvik ajaupialijarlutit kaivigigamga? Okarnerlutigivâlo Davide, Gudigijane tailugo.

44 Okarporlo Davidemut: Kait uvamnut, uvinît tunnijomavara tingmitsanut killaub attânetunut, omajunullo naternamêtnut.

45 Davidele Filisteremut okarpok: Igvit kaivigivarma saviksoalijarlutit, kallugialijarlutillo, sappulutalijarlutillo; uvangale kaivigivagit Nalekab Zebaothib, Israelib sorsuktuksaksoakotingita Gudingata mittautigilauktavit attingane.

46 Uvlorme tamattomane Nalekab unerotiginiarpâtit agganut, annaunikovlunga illingnik, pèrsikovlungalo niakungnik illingnit; tunnijikovlungalo Filisterit kattimgajokotingita timing-

inik anernengêrtunik tingmitsanut killaub attânêtunut, omajunullo nujuartunut nunamêtunut, nunamiut illunatik tukkisilerkovlugit Israele Gudekarmat,

47 Illagêktullo ukkoa tukkisilerkovlugit, Nalegak ikajorlungimat saviksoakullonêt, kallugiaksoakullonêt; Nalekab sorsungnek nangmineringmago, tunniniarpâselo aggaptिंगnut.

48 Tagva manna Filistere parngnailermat kailunelo, Davidelo kaglilermago, Davide tuaviatorpok akpangerlunelo kattimgajoksoakattigênit Filisteremut.

49 Davidiblo aggane pitipait ikpiârsungmut, ujarkallo illangat tiguva, illoerearlunelo uvigarpâlo Filistere kaungagut, ujarak ittermat kaunganut, tamnalo ocholermat nunamut kênaminut.

50 Taimak Davidib Filistere sâlagiva illoereumut, ujarkamullo, ullimarlugolo tokkopâla. Davidelo saviksoakalunginame aggangmine,

51 Akpangerpok Filisterelo tikkipa, saviksoangalo amuva kenailitanganit, tokkopâlo, niakungalo nakkarpa tapsomunga. Filisterille tækkogamik, songonerpâkotigijatik tokkungmat, kemâvut.

52 Israeliblo Judablo angutingit parngnailerput, nipliarlutiglo, Filisterillo udlapait naksamut Ekroniblo ittertarvinginut tikkilutik, Filisterillo ullimartauvlutik ochovut apkome ittertarvingnut sangmijome, Gathelo Ekronelo tikkilugit.

53 Israeliblo kittorngangit utterput udlaningnermit Filisterinik, tangmarvingatalo perkutingit aksarnigarivait.

54 Davidible Filisterib niakoa tiguva, âpâlo Jerusalem, sakkungille iglominut illivait.

55 Saulib Davide Filisteremut aijok tækkogamiuk, okarpok sorsuktusaksoakotime angajokanganut Abnermut: Kia ernerivaûk nukapiak tamna? Abnerele okarpok: Sorlo miksekârtomik tarnit inôngmat attanersoak, nellovunga.

56 Attanek okarpok: Tagva apperkutigiuk, kia erneringmangago innuosuktok tamna.

57 Davidele uttermat unatadlarnernit Filisterinik, Abnerib tiguva âpâlo Saulib sânganut; Filisteriblo niakoa tigumiarpa aggangminut.

58 Sauliblo okautiva: Nukapiak, kia ernerivâtit? Davide okarpok: Kivgavit Isaib Bethlehemiub ernerivânga.

KAPITEL XVIII.

Jonathanib Davidiblo illanarêngnigingnik; Sauliblo annerud-sininganik Davidemik, tokkotsinasuarninganiglo tapsominga.

OKARÊRMALLO Saulemut Jonathanib omattingata Davidib omattinga angerkattigiva, Jonathaniblo nagligilerpa omattinetut nangmininetut.

2 Sauliblo tiguva uvlorme taïpsomane, utterkojungnailugolo atâtangata iglunganut.

3 Jonathanelo Davidelo angerkattigêkpu; nagligingmago omattinetut nangmininetut.

4 Jonathaniblo ulline attortane pêrpa, tunnivâlo Davidemut, taimaktau ulliksoakotine, saviksoakotinel, pittiksikotinel, tapserutekotinel.

5 Davidelo aularkattarpok namut tillijauvingminut Saulemut, sillatojomiglo illusekarlune. Sauliblo angajokangortipa sorsuktuksaksoakattigênut; namagijauvorlo innugiartoksoarnut illunainut, Sauliblo kivganganuttauk.

6 Pijokalauporle, uttermat unatadlarnemit Filisterinik, arnat Israelitit iglugaseksoanginit illunainit annisimalaungmatta attanek Saule pachreartorlugo, ingerlutik okigêserlutiglo, kivia-suklutiglo, nipliajorlutiglo.

7 Arnallo maggoilimajut nellekarlutik ingerkattigêkput, nipliajorlutiglo, okarlutiglo: Saulib 1000 dit ullimarlaukpait, Davidible 10000 dit.

8 Tagva Saule ningaumajadlalerpok, okauserlo tamanna idluigiva, okarlunelo: Davidemut tunnijilaukput 10000 dinik, uvamnullo 1000 dinik; attaniovik pigijomâriva.

9 Sauliblo Davide annujutigiva uvlormit taimangamit king-ornganelo.

10 Uvlublo aipangane annernerub idluitub Gudemit pijub Saule tikkipa, nellautaivorlo iglomine. Davidele nokakseralingmik attorpok aggangminut, sorlo uvlut tamaita pivalaurame. Sauliblo kallugiak tigumiarpa aggangminut,

11 Naukiarpalo, issumakarlunelo: Davide mangiptaromavara iglub senneranganut. Davidible maggoêrtorlune ullorearpa.

12 Sauliblo Davide sivurajutigiva; Nalekab illagingmago, Saulemille nusimalaukpok.

13 Tagva Saulib nuktipa ingminit, angajokangortilalo angutinut 1000 dinut; tamnalo aularkattarpok kailunelo innugiartoksuit sivurlerlugit.

14 Davidelo sillatôjomik illusekarpok pinniarnermine illunaine, Nalekablo illagiva.

15 Saule manna tækkogame, taimak sillatôjunik illusekarninganik, illeragiva.

16 Israelitille illuêngardlutik Judakullo Davide nagligivât, aularlutiglo utterlutiglo sivurlervigingmagit.

17 Saulelo Davidemut okarpok: Ahâk, panniga angajudlek Merobe tunnijomavara illingnut, nulliangôkovlugo illingnut; sivurajuituinarit, aulatsilerlutillo Nalekab unatadlarninginik. Saule issumakalaurame: Aggama âktoraksaringilât, Filisterille aggangita.

18 Davidible Saule kiova: Kinauvik uvanga? Innoseralo

atâtamalo kittorngarêngningit sunauvât Israeleme, uvanga ning-aungolertuksaugama attannermut?

19 Nelliunerle nelliusalermat Merobib Saulib panningata tunnijaksauvia Davidemut, tunijauvok Adrielemut Meholatemiomut, tapsomunga nulliangokovlugo.

20 Michalible Saulib paningata Davide nagligiva. Saule okautsaulaurame tamattominga okarpok: Tamanna namakpok;

21 Tunnijomavara tapsomunga, kattaktitaujutiksanganut il-lingakovlugo, Filisterit agganginut tikkitaukovlugo. Okarlunelo Davidemut: Uvlome taipsoma tuglianut ningaungolertuksauvotit uvamnut.

22 Sauliblo kivgane perkovait: Angigutsivluse Davide okarvigisiuk, okarluselo: Ahâk, attaniub kuviagivâtit, kivgangitalo illunatik nagligivâtit, taimaimat manna ningaungôlerit attannermut.

23 Sauliblo kivgangita okautsit taimaitut okauserivait Davidib siutikita sânangne. Davidele okarpok: Tamanna mikki-jonasugivissiuk ningaungôlerlune attannermut? Uvangale anguteôvunga aklujok pijariakitorlo.

24 Sauliblo kivgangita tamanna unipkautilaurivât, okarlutiglo: Okautsit taimaitut Davidib okauserilaukpait.

25 Saule okarpok: Imâk Davidemut okaritse: Attanek tunnergusiamik pilliusiamik tussulungilak, kissiane Filisterit 100 dit amingita nuvunginik, attaniub omigijingit akkiniartaukovlugit. Saulib Davide kattaktinasuarmago Filisterit aggangitigut.

26 Tagva kivgangita Davide okautivât okautsinik taimaitunik, Davidiblo tamanna idluarasugiva ningaungôlerkovlugo attannermut. Nelliutorlo nalaungilak sulle.

27 Tagva Davide parngnailerpok, angutekotinelo illagilugit aularpok, ullimarnilunelo Filisterit akkorngane angutinik 200 dinik. Davidiblo amingita nuvungit kaipait, unnurningillo namaksitipait attannermut, ningaungolerkovlugo attannermut. Tagva Saulib pannerminik tunnitsivigiva nulliangokovlugo tapsomunga.

28 Saulelo tækkovok mallugosularmelo Nalekab Davide illagingmago. Michaliblo Saulib panningata nagligiva.

29 Tagva Saulib Davide sivuragiluarpa sulle, omigilâlo in-nôtsine nâlugo.

30 Filisterillo angajokangit aularmatta, Davide sillatuner-saumlune pinniarlaukpok Saulib kivganginit tamainit, aularangatta; taimak attinga nertortaudlalaungmat.

KAPITEL XIX.

*Davidib annigoininganik; Saulib pinnasuarkattarninganik
tokkotsomavlugo.*

SAULIBLE ernine Jonathan, kivganelo illunaita okarvigilerpait, tokkotsikovlugit Davidemik. Jonathanible Saulib erningata Davide nagligidlarpa.

2 Kaujitipalo tamattominga, okarlunelo: Atâtama Saulib pijugakpâtit. Taimaimat udsertorit illingnik kaupat tikkilugo, ergusimalutillo ijerit illingnik.

3 Annijomavungale atâtagalo nangerkattigijomavara natername innigijarnê, pivlutillo atâtaga okarkattigijomavara, tækko-niartamniglo nellojungnaititsomavagit.

4 Jonathanelo idluarnerpâmik okarpok atâtaminut Saulemut Davide pivlugo, okautivâlo: Attaniub kivgane Davide idluitullijutiginiaarnago; idluitullivigilaungimattit, pinniarningalo piutsiar-pok illingnut.

5 Innôtsinelo ivlerilaungila, Filisterelo ullimarlaukpa, Nalekablo piulijaunermik angijoksoarmik Israelitit illunaita piinniarvigilaukpait. Tamanna tækkolaukpat, kuviasutigidlalaukpallo. Sôgle auk passijaksaungitok idluitullivigijomaviuk, Davide pit-jutekarnak tokkotsomagangne?

6 Tagva Saulib Jonathanib nippinga nalekpa, okarmarikelunelo: Sorlo miksekârtomik Nalegak inôngmat, tokkotaujuk-saungilak.

7 Tagva Jonathanib Davide kaikova, okautsillo tamakkoa tamaita okautigilerpait tapsomunga, âpâlo Saulemut, tapsoma sânganekovlugo sivurnanetut.

8 Sorsungnekalaurivorle ama; Davidiblo aularlune Filisterit sorsugvigilerpait, unnuktullo ullimarpait, kemâjutigingmatsuk.

9 Annerneâlable Nalekamit pijub Saule tikkipa, iksivâvorlo iglomine, kallugiarmo tigumiarpa aggangminut; Davidele nokak-seralingmik attorpok aggangminut.

10 Saulelo pinnasuarpok Davide kallugiarmut mangiptaromavlugo iglub senneranganut. Tapsomale tuavilukarlune Saule kemmakpa, kallugiarmo iglub senneranganut kapputivok. Davidele kemâvok, annigoilunelo unnuarme taipsomane.

11 Saulele kivgartortunik tilliklerpok Davidib iglunganut, udsertorkovlugit tapsomina, tokkotsikovlugillo tapsomina uvlub kaulerningane. Nulliangatalo Michalib Davide nellojungnaitipa tamattominga, okarlunelo: Unuarne tamattomane tarnit piuliniangikungne, tagva kaupat tokkojuksauniarpotit.

12 Tagva Michalib igalâkut ningitipa, ailerkovlugo, kemâkovlugolo, annigoikovlugolo.

13 Michalib innungoak tiguva, illilâlo sinigvingmut, tuktungajublo aminga illiva niakoanut, ullikpâlo annorangnik.

14 Tagva Saul kivgartortunik tilliklerpok aiklerkovlugit Davidemik. Michalle okarpok: Kannimavok.

15 Saulele kivgartortunik tilliklerpok Davide tækkojartorlugo, okarlunelo: Kailersiuk paunga uvamnut, aumitit illaliudlugit, tokkotaukovlugo.

16 Tillijajut manna tikkimatta, ahâk tagva innungoak nellavok sinnigvingme, tuktungajublo aminga niakoane,

17 Tagvale Saule Michalem okarpok: Sôg uivêrivinga, aulartilugolo omigijara, anigoikovlugo? Michal Saulemut okarpok: Tapsoma okautilaukpânga: Aularlanga, tokkoniarpagillonêt.

18 Davidele kemâvok, annigoilunelo, tikkiporlo Samuelemut Ramamêtomut, okativâlo tamainik Saulib pinniarlauktanginik tapsomunga. Samuelelo aularkattigiva, Najotemêtuarlutiglo.

19 Saulelo okautsaulerpok: Ahâk Davide Najotemêpok Ramamêtome.

20 Tagva Saule kivgartortunik tilliklerpok tagvunga, aiklerkovlugit Davidemik. Tapkoalo tækkovait nellautaijut kattimgajut maggoit, nellautaitillugit, Samuelelo aulatsijolaukpok tapkoninga. Tagva Gudib annerningata Saulib tillijangit tikkipait, nellautailerkovlugittauk.

21 Saule tamattominga okautsaulermat, tilliklerpok kivgartortunik taipkoa assinginik, tapkoalo nellautaignivut.

22 Tagva nangminek aivok Ramamut, tikkinamelo immektarviksoarmut Sekumetomut, appertsorpok okarlunelo: Samuelelo Davidelo nanêkâk? Tagva okautsauvok: Ahâk, Najotemêpuk, Ramamêtome.

23 Aivorlo tagvunga Najotemut Ramamêtomut. Gudiblo Anerningata tikkipatauk, agvertarporlo nellautailunelo tikki-kârane Najotemut Ramamêtomut.

24 Annorânelo pêrpaittau, nellautailunelotauk Samuelib sângane, ussingavlunelo pamakterkattarpok uvlok nâlugo, unuarlo nâlugo. Tamanna pivlugo okartokarpakpok: Sauletau, nellautaijunut illingava?

KAPITEL. XX.

Davidiblo Jonathaniblo illanarêngniggingnik.

DAVIDELE kemâvok Najotemit Ramamêtomit, tikkilunelo, okalarmelo Jonathanib sângane: Sunamik pinniarlaukik? Sunamik namangitullilaukik? Sunamik idluitullilaukik atâtarnut, innôsera pinnasuarmago?

2 Tamnale okarpok tapsomunga: Tamanna ungasigle, tokkotaujuksaungilatit. Ahâk, atâtaga pinniarlungilak sunamik, angijomiglonêt mikkijomiglonêt, kaujitolungitaminik siutimnut; sôg atâtama tamattominga angigutijaksarivânga? Taimaipallungilak.

3 Tagva Davide okamarigannerpok, okarlunelo: Atâtait kaujimatsiarpok saimaneksigama ijikpit sângangne, tamanalo pivlugo issumavallukpok: Jonathan kaujijuksaungilak tamattominga, issumajarutiginajarmago. Ahamarik sorlo miksekârtomik Nalegak innôngmat, sorlolo miksekârtomik tarnit innôngmat, ablorniôtuinarpok attautsemik uvangalo tokkublo akkonaptingne.

4 Jonathan Davidemut okarpok: Pinniarvigijomavagit omattivit tussugijanganik.

5 Davide okarpok tapsomunga: Ahâk, kaupat takkêlauvok, attannek illagilugo iksivakattaujuksauviga nerrimârvingme; ailanga tagva, natername ijerkovlunga uvluk pingajuak unnunga tikkidlugo.

6 Atâtavit apperkutigigumga, tagva okarit: Davidib ken-nuvigilaukpânga akpangerkojaujomanermik iglugaseksoakotiminnut Bethlehemut; illangit illunatik tagvane tunnergutiksamik tunnijingmatta, Jahrine tamaine tunnijauvaktomik.

7 Okarniarpat: Namakpok, tagva kivgat illingatsiarpok. Ningaumajalerniarpalle, tagva mallugosungniarpotit idluitomik kajusimalaungmat.

8 Taimak manna napkigosungnermik kivgait pinniarvigiuk; uvanga, kivgait angerkattigilauramga Nalekame. Idluitulline-karpalle illumne, tagva igvit tokkunga; sôgle âtsomavinga atâtarnut?

9 Jonathan okarpok: Tamanna ungasigle uvamnit, mallugosuktuksaugama, atâtaga kajusimangmat idluitomik pititsivigijomavlutit okautijaksarinaglo.

10 Davidele okarpok: Kia okautijatoraksarivinga, atâtavit okumaitomik kioniarpattit?

11 Jonathan Davidemut okarpok: Kait, anilunuk naternamut ailauluk. Tammarmiglo naternaliarpuk.

12 Jonathanelo Davidemut okarpok: Nalegak Israelib Gudinga, atâtaga issumasiorupko kaupat uvluglo pingajuangne, kannoêngitokarpallo Davide pivlugo, tilliklerlungikumalo, tamanna kaujिताukovlugo siutingnut;

13 Tagva Nalekab Jonathane pinniarvigiliuk imaitomiglonêt, imaitomiglonêt. Atâtamale idluitok namagikpago pivlutit, tagva kaujिताukojomagivara siutingnut, kemâlutillo ullapirsautekarlutit aularkovlutit. Nalekablo illagilitit sorlo atâtaga illagilaungmago.

14 Taimailiorlungikuma, tagva Nalekab napkigosungninganik pinniarviginiarnanga innôtillungalonêt tokkotillungalonêt.

15 Nalekablo Davidib omigijingit pêjarniarpagit attunit nunamit; tagva igvit napkigosungnît pêrniarnago iglomiokattimnit soraijuitomik.

16 Taimak Jonathanib Davidib iglomiokattingit angerkattigivait, okarlunelo: Nalegak kaitaukojile Davidib omigijingita agganginit.

17 Jonathanelo piganerpok, okautimariklugolo Davide, taimak angitigijomik nagligidlarpa; nagligigamiuk tarninetut nangmininetut.

18 Jonathanelo okarpok tapsomunga: Kaupat takkêlauvok, tagva apperkutigijauniarpotit; kingomajauniaravit iksivavigivaktarne.

19 Uvluhle pingajuangne kaisalaurit kanunga, ailutillo tagvunga ijervigilauktarnut sennaviub uvlungane, ingilutillo ujaraksub Aselemik attiggub tungânut.

20 Tagva senniane karkjutinik pingasunik pittiktaromavunga, sorlo nellonaikutamut pittiktarajaruma.

21 Ahâglo nukapiak tillijomavara okarlunga: Ailerit karkjutit keneriartorkit. Nukapiamut okarniaruma: Ahâk karkjutit miksiptingnêput tunnungne, aikit; tagva kailerit ullapirsautekarमत नान्गिअरनारतोकङ्गिलार्लो, सार्लो मिक्सेकार्टोमिक् नालेगाक इङ्गमात्.

22 Inuosuktomut okarniarumale: Ahâk karkjutit ikkanêput sivurângne; tagva ailerit, Nalekab aularkongmattit.

23 Sunamigle igvit uvangalo okarkattigilauktaptine, tagva Nalegak, igvit uvangalo akkonaptingnêpok soraijunane.

24 Davide ierpok natername. Takkêlaulermallo attannek ingilerpok sâmut nerrimârvingmut, nerrijomavlune.

25 Attannerlo ingilerêrmat innigivaktaminut illuserivaktamitut iglub senneranganut; Jonathane nikkovilerpok, Abnerere ingilerpok Saulib sennianut. Davidelo kingomajauvok innigivaktangane.

26 Saulelo uvlorme taipsomane okalungilak sunamik; issu-makalaukporle: Tikkitaumavallukpok sunamut, ivsornailungimat.

27 Takkêlaub uvlungata tugliane Davide kingomajaungmat iksivavigivaktangane, Saule ernerminut Jonathanemut okarpok: Sôg Isaib erninga tikkilungilâk nerrimarvingmut ikpeksarlonêt, uvlomelonêt?

28 Jonathanib Saule kiova: Kennuvigilaukpânga Bethlehemut aijomagame,

29 Okarlunelo: Ailangatôk, illagêngnivut tunnergutiksamik tunnijijariakarmatta iglugaseksoarne; angajungmalo nangminek perkolaukpânga; saimaneksiguma manna ijikpit sângangne, tagva

aularomavunga kattangutikka tækkojartorlugit. Tamanna pivlugo tikkilungilak attaniub nerrimårvinganut.

30 Tagva Saulib illungertorlune Jonathane ningaumajarvigiva, okarlunelo tapsomunga: Tappatovlutit idluitoålôjotit! nellungigalloarpunga, igvit Isaib erninga annerimagangne, igvit anânavillo piungitub nachogijaujutiksaptingnut.

31 Taimagle akkunêrtigijomik Isaib erninga innôngmat nuname, igvit attaniovillo illagællutit îtsungnarniangilatit. Taimaimat tilliklerit manna, aijaukolugolo maunga uvamnut; tokkojuksaungmat.

32 Jonathanib atâtane Saule kiova okautilugolo: Suna pivlugo tokkojuksauva? Sumik pinniarlauka?

33 Tagva Saulib kallugiak naukiutiva tapsomunga kapputi-jomavlugo. Tagva Jonathan tukkisilerpok atâtanga kajusimamaringmat Davide tokkotsomavlugo,

34 Illungertorlunelo ningaumajarlune nikkovipok nerrimarvingmit, takkêlaublo uvlungata tugliane taipsomane nerrilungilak nerkiksamik; Davide paksarigamiuk; atâtangata taimak pitlaraksaunerarmago.

35 Uvlâkut Jonathane annilerpok naternamut, Davidib tillijauvianut tapsomunga, nukapiablo mikkijub aipariva.

36 Okarporlo nukapiamut: Akpangerit, karkjutillo pittik-sautigijakka kenneriartorkit. Nukapiarlo akpangertillugo, kark-sok attausek pittikserutigiva kollâgut.

37 Nukapiarlo tikkimat tagvunga Jonathanib karkjutinik pittikservigijanganut, Jonathanib nipliutiva okarlunelo: Kark-jutit ikkanêput sivurangne.

38 Nipliutipsarpâlo: Tuavitit nokarniarnaglo. Tagva Jonathanib nukapiakotingata karkjutit avvorpait, âlugillo angajokaminut.

39 Nukapiarlo nellolaukpok tamattoma tukkinganik, Jonathanene Davidelo kissimik kaujimavuk.

40 Tagva Jonathanib sakkune tunnivait nukapiakotiminut, okarlunelo tapsomunga: Ailerit akjarlugillo iglugaseksoarnut.

41 Nukapiak aulartuarmat, Davide nikkovipok innigijaminit sekkernganêtomit, kênanelo pûvlugo pamakterpok nunamut, pingasuêrtorlunelo opigosukpok, kunniktigêklutiglo, kugviorkat-tigêlarmiglo; Davidele piluarlune.

42 Jonathanene Davidemut okarpok: Ullapirsautekarlutit aulaurit. Tamamnuk okautigimarilauktavuk Nalekab attingane, okarlunuglo: Nalegak uvanga igvillo akkonaptingnele, kinguvakotimalo kinguvakotivillo akkorngane; tamanna sokkosijuile naksaungitomot.

43 Parngnailerporlo aularlunelo, Jonathanelo iglugaseksoarnut tikkipok.

KAPITEL XXI.

Davidib kângrînganik, nerrîninganiglo kakkojanik tækkokjak-sanik; tigusinganiglo Goliathib saviksoagilauktanganik, kemâninganiglo Filisterinut.

DAVIDELE Nobemut tikkipok, ajochertuijomut Ahimelech-mik attelingmut. Ahimelechelo kakkilarpok Davide pachrea-ramiuk, okautivâlo: Sôg innutôvlutit illakarnaglo angumik tikkikît?

2 Davide ajochertuijomut Ahimelechmut okarpok: Attaniub sunamik perkolaukpânga, okautilungalo: Kaujijauniarane kina-mut, suna pivlugo tillilaurapkit, perkolauktamniglo illingnut. Nukapiakotikka tillimagapkittauk maunga ikkungalonêt.

3 Pekarkît manna sunamik attuinaujomik? Tagva tunnit-sivigilaunga aggamnut kakkojanik tellimanik, ubvalo nachvar-niartarnik.

4 Ajochertuijub Davide okautiva okarlunelo: Kakkojatui-narmik attuinaujakangilanga, kakkojamigle ivsornaitomik; nukapitset aglertuinarajalaurunik nulliamingnik.

5 Davidib ajochertuijok okautiva: Uvlut pingasut nâvlugit arnat avisimalaukput uvaptinguit aularkârnanga, nukapitsello illulerkutingit ivsornailaukput; apkulle tamanna ivsornailungi-pat, tagva uvlome ivsornaititauvok illulerkumut.

6 Tava ajochertuijub tunnitsivigiva ivsornaitunik, assianik kakkojakalaungimat kakkojanit takkojaksanit komergutigijau-majunik Nalekab sângane, kakkojat assingit nutât illijau-kovlugit uvlorme taipsomane, taipkoa tigujauvigilauktanganut.

7 Uvlorme taipsomane angutekalaukpok kamane palang-airutsaumajomik Nalekab sângane, Saulib kivgangita illang-anik, Doegemik ættingmik, Edomitereôjomik, angajokaunerôjo-mik Saulib mianerijokotinginit.

8 Davidelo Ahimelechmut okarpok: Mâne aggangne kapputekangilâk saviksoakangilârlonêt? Saviksoara sakkukkalo neksarlungilakka; attaniub perkojangit tuavinarlaungmatta.

9 Ajochertuijok okarpok: Goliathib Filisterib ullimarlaukta-vit naksarme nappartolingme Eichenik, saviksoanga ovanêpok, immusimavlune ulliksoarmut, ikkiab ungatâne. Tamna pijoma-gungne, tagva tiguleruk, assianik pittakangimat mâne tapso-mangat. Davide okarpok: Adsekangilak, tunnilauruk uvam-nut.

10 Davidelo parngnailerpok kemâlunelo Saulemit, tikkilunelo Achisemut Gathemiut attanninganut.

11 Achisible kivgangit okarput tapsomunga: Davideôvok taimna nunab attaniga, imgerutigilauktangat, okarlutiglo: Saul ullimarnilaukpok 1000 dinik, Davidele 10000 dinik.

12 Davidelo okautsit tamakkoa omamiutarilerpait, sivuragivalo Achise Gathemiut attaningat,

13 Tautunelo ablatsautipa tapkoa tækkoane, aksakâtilunelo ingminik tapkoa aggangita attâne, aporlunelo upkoamut ittertarviksoarmêtomut, nuvângalo korliarpok uminginut.

14 Tagva Achise okarpok kiygaminut: Ahâk tækkovose angut tamna kaujimangojarmat; sôg âpissiuk uvamnnt?

15 Kaujimangojartokarkîk ikkiluartunik, tamna âlaurapsiuk ovunga, senimne tattamajarkovlugo? Tamna ittertuksauva iglumnnt?

KAPITEL XXII.

Saulib tokkotsininganik Doegekut ajojertuijunik 85 ginik.

DAVIDELO aularpok tagvangat, kemâlunelo Adullamib kairo-sunganut. Kattangutingita atâtamelô iglomiokattangita illunatik tamanna tussaramitsuk, tikkilerput tapsomunga kannunga taikunga.

2 Angutillo sunatuinait, kappianartomêlauptut, akkiliksakar-tullo, omattekartullo kiksartunik, kattimalerput tapsomunga, tamnalo angajokagivât; angutillo 400 diokassait tapsomane-lauptut.

3 Davidelo aularpok tagvangat Mizpemut Moabiterit nunanganêtomut, okarlunelo Moabiterit attaninganut: Atâtaga anânagalo itterlit annilillo illipsingne, tukkisilerkârtinanga sumik Gudib pinniarvigijomârmangmânga.

4 Tagvanekovaillo Moabiterit attaningane, tapsomanêkov-lugit Davide kairosuksoarmêtillugo.

5 Nellautaijorle Gade Davidemut okarpok: Kairosuksoarmêtsainarniarnak, aularille tikkilutillo Judab nunanganut. Tagva Davide aivok, tikkilunelo nappartunut Haretelik attelingnut.

6 Saulelo tussarpok Davide angutillo illagijangit sakker-matta. Saulelo nunakaramê Gibeame nappartolingme Ramametome, kallugiak tigumiarpa aggangminut, kivgangillo illunatik nangerput seniane.

7 Tagva Saule okarpok kiygaminut senniane nangertunut: Illipse Jeminib kittorngangit tussaritse, Isaib erningata illunase tunitsiviginiarallopasse perorsêvingnik, kakkaniglo Weinelihsanik, angajokangortiniarluselo 1000 dinut, 100 dinullo?

8 Angerkattigêlaurapse akkerartorlunga, kaujititsijokangiarlo tamattominga siutimnut, ernermatauk Isaib erninga angerkattigilaungmago. Akkunapsingnêtokangilâk kinamik kangârtomik pivlunga nellonaijaikovlugo siutimnut? Ernerma kivgara akkerartortimago uvamnik; unangmiklerkovlugo uvamnik, sorlo sakkersimangmat.

9 Tagva Doeg Edomiok, Saulib kivgangita senniane nangertok kiovok okarlunelo: Isaib erninga taekkolaukpara, Nobemut Ahimelechmut, Ahitob erninganut tikkilaungmat.

10 Taipsoma Nalegak apperilaukpa pivlugo, tunnitsivigilâlo nerkiksanik, Goliathiblo Filistereôjub saviksoanganik.

11 Tagva Saule tilliklerpok taikunga, kaikojaukolugolo Ahimeleche ajochertuijok Ahitob erninga, atâtangatalo iglomiokattingit ajochertuijut Nobeme illunaita. Kaivullo illunatik attannermut.

12 Saulelo okarpok: Tussarit igvit Ahitob erninga. Tamna okarpok: Mânepunga Nalegâk.

13 Saulelo okarpok tapsomunga: Sôg angerkattigêlaukitik akkerartorlunga, igvit Isaiblo erninga, kakkojamiglo saviksoarmiglo tunnitsivigilaurangne, Gudelo apperilaurangne pivlugo, makkitatilugolo, unangmiklerkovlugo uvamnik, sorlo sakkersimangmat?

14 Abimelehib attannek kiova, okarlunelo: Kinalo kivgavit illunatik akkorngane Davidetut nertornartôva, ningaungôvlune attannermut, naletsiatsainarlutillo pijok, opigijaulunelo iglungne?

15 Uvlomele pigiartainarlaukik Gude apperilugo tamna pivlugo? Tamanna ungasigle uvamnit. Attannek taimaitomik illijiniarane kivgaminut atâtamalonêt iglomiokattinginut; kivgait tamakkoninga tamainik, mikkijomiglonêt, angijomiglonêt kaujilaungimat.

16 Attannerle okarpok: Ahimelech tokkotaksauvotit, igvit atâtavillo iglomiokattingit illunamassiatik.

17 Attannerlo okarpok sorsuktuksakotiminut senimine nangertunut: Sanguleritse tokkotsiluselo Nalekab ajochertuijokotinginik; aggangitatauk Davide illagingmatsuk; kaujimalauramiglo kemâninganik, nellojungnaitilaungilânga tamattominga. Attaniuble kivgangita aggatik illijomalaungilait Nalekab ajochertuijokotinginut tapkoa ullimârlugit.

18 Tagva attannek Doegemut okarpok: Igvit sangulerit ullimârlugillo ajochertuijut. Doeg Edomitereôjuk sangulerpok ullimarvaillo ajochertuijut, taimak uvlorme taipsomane angutit 85 it ikkialijartut sâtunik tokkungmatta.

19 Ajochertuijullo iglugaseksoangit Nobemik attiggit ullimârpait saviksub kênanganut, tamarmik angutit arnallo, sorrut-sillo, amâmaktullo, tuktuvait siutekoktôjullo, saukallo.

20 Ahimelechible Ahitob erningata, erningita illangat Abjatharemi attelik annigoivok, kemâlunelo Davide malliklugo;

21 Nellojungnaitilugolo Saulib Nalekab ajochertuijokotingit tokkolaungmagit.

22 Davidele Abjatharemut okarpok: Kaujimalauralloarpunga uvlorme taipsomane Edomiok Doeg tagvanêlaungmat, Saule tamattominga okautiniarajarmago: Uvanga passijaksauvunga atâtavit iglomiokattingita tarninginut tamainut.

23 Uvamnêtuarit sivuraniarnaglo; pijugaklertuble inosinnik, innôtsittauk pijugakpa, illagællungalo piulijaujuksauvotit.

KAPITEL XXIII.

Davidib piuliklerninganik iglugaseksoarnik Kegilamik attelingnik Filisterinit, kiggotigiĵauninganiglo, piulijauninganiglo.

DAVIDELO okautsaulerpok: Ahâk Filisterit Kegilamiut sor-sugvigilerpait, aksarnigarilugillo kakkojaksalliorvingit.

2 Tagva Davidib Nalegak apperiva okarlunelo: Aijuksauvîk tagvunga, Filisterillo taipkoa ullimârlugit? Nalegarlo Davidemut okarpok: Ailerit tagvunga, Filisterillo ullimârnarpattit, Kegilamiullo piuliniarpattit.

3 Angutille Davidemêlauptut okautivât: Ahâk, sivuravogut tamâne Judame, aijomalutalo Kegilamut Filisterit katinggajoksoanginut.

4 Tagva Davidib Nalegak ama apperiva; Nalekablo kiova okarlunelo: Atte, attersarit Kegilamut, Filisterit tunnijomagapkit agganut.

5 Taimak Davide angutekotine illagilugit aularpok Kegilamut, Filisterillo sursugvigivait, nergjutekotingillo aularutivait, ullimarpaillo angijomik. Taimak Davidib Kegilamiut piulivait.

6 Abjatharele, Ahimelechib erninga kemâgame Kegilamut Davidemut, ikkiak neksarpa unnunga.

7 Tagva Saule okautsaulerpok, Davide Kegilamut tikkisimangmat, okarlunelo: Gudib tunnimava agganut, pallangairudsaumangmat, iglugaseksaarnut tikkisimangmat, upkoaksoalingnut pallangairuservingnut senneroangnullo pallangairtaumajunut.

8 Sauliblo innugiartoksuit illunaita kaikojaukovait sorsungnermut unnunga Kegilamut, illujikovlugit Davidemik angutekotinginiglo.

9 Davidele mallugosulerame Saulib idluitomik issumagingmago, okarpok ajochertuijomut Abjatharemut: Ikkiak kaitsuk.

10 Davidelo okarpok: Nalegak Israelib Gudinga, kivgait tussarlaupok, Saule pinnasuarmat tikkitsomavlune Kegilamut, iglugaseksuillo asseroromavlugit pivlunga.

11 Kegilamiut pititsomarpânga taipsona agganginut? Saulelo attersarniarkâ sorlo kivgait tussarlaungmat? Tamattominga Nalegak Israelib Gudinga kivgait nellojungnairtilauruk. Nalegarlo okarpok: Attersarniarpok.

12 Davide okarpok: Kegilamiulle uvanga angutekotikkalo pitiniarpattigut Saulib agganginut? Nalegak okarpok: Ahaila.

13 Tagva Davide parngnailerpok, angutekotine illagællugit 600 diolauktut, aulârlutiglo Kegilamit, agvertarlutiglo namut sappingitamingnut. Saule manna okautsaulerame Davide Kegilamit annigoilermat, aularane nokkangalerpok.

14 Davidele sunakajuitomêtuarpok kairosungme, kakkame-tuarlunelo Sifib sunakajuitungane. Saulible kennitsainarpa in-nôtsine nâlugu, Gudible tunnilaungila tapsoma agganginut.

15 Davidelo tækkovok, Saule aularsimangmat inôsinga nung-utsomavlugo. Davidele Sifib sunakajuitunganêlaukpok nappartune.

16 Tagva Jonathan Saulib erninga parngnailerpok, ailunelo Davidemut nappartunut, aggangillo pitsartutipait Gudeme;

17 Okarlunelo tapsomunga: Sivuraniarnak, atâtama Saulib aggangita nachvarniangilâtit, attaningoromârpotillo Israelitinut, tagva uvanga tuglijomavunga illingnut; tamattominga atâtaga kaujimatsiarivok.

18 Angerkattigêkpuglo Nalekab sângane; Davidelo nappartunetuarpok, Jonathanele angerarivok.

19 Sifemiulle majorarput Saulemut Gibeamut, okarlutiglo: Davide iyersimangilâk uvaptingne kairosuksoarme nappartunetome, Hachilab kakkarolângane, tallerpianetome sunakangitome?

20 Taimak attanek manna kailune attersarle omattime pijomajanganut; tagva uvagut unertutigijomavavut attaniub agganginut.

21 Tagva Saule okarpok: Saimartitauleritse Nalekamut, napkigilaurapsinga.

22 Taimak aileritse manna, nellunginersaulerasuaritselo sulle, kaujimakovluse, tækkoluselo nane ittiggangita innigilauktanginik, kialo tækkolaungmangago; okautsaumagama pingitsertormat.

23 Ullernairtuileritse, nautsertorluselo inninik illunainik ijer-vigijanginik, kailermittiselo uvamnut kaujimamarikupse; tagva illagijomavapse. Nunamepat tagva kênajaromavara 1000 diokattartut Judametut akkorngane.

24 Tagva parngnailerput ailutiglo Sifemut Saulib sivurngane. Davidele angutingillo Maonib sunakajuitunganêlaukput, natername sunakajuitub tallerpiane.

25 Saule angutekotingillo manna aularmatta kenmeromav-

lutik, tagva Davide okautsaulerpok tamattominga, attersarporlo kairtomut, nokkangalunelo Maonib sunakajuitungane. Saulib tamanna tussaramiuk, Davide udlapa Maonib sunakajuitungane.

26 Saulelo angutekotine illagilugit aivok kakkab uvinganingata igluane, Davidelo angutekotinelō illagilugit kakkab uvinganingata ittiviane. Davidele tuavilukarmat Saule annigoromavlugō, tagva Saulib angutekotingitalo Davide angutekotingillo illumavut, tigujomavlugit.

27 Tikkitokarporle tillijaujomik Saulemut, okartomik: Tuavitit, kailutillo, Filisterit ittāsīmangmatta nunamut.

28 Tagva Saule uttilerpok udlaningnermit Davidemik, ailunelo Filisterit pachrearlugit; tamanna pivlugo nuna tamna taijauvok Sela Mahelkot.

KAPITEL XXIV.

Davidib nikkasungninganik Saulemik kairosungme.

DAVIDELO aularlune tagvangat majorarpok, Engediblo kairosunganētuarpok.

2 Saulelo uttermat Filisterinit tagva okautsaulerpok: Ahâk, Davide sunakajuitomêpok Engedimik attelingme.

3 Sauliblo angutit innuosuktut 3000 dit Israelitinit illunainit tiguvaît, ailunelo taikunga, Davide angutekotingillo kenne-riartorlugit tuktungajut kairtungine.

4 Tikkinamelo saukat mianerijauvinganut apkosiniub senni-anetunut kairosukarpok tagvane, Saulelo itterpok, ittikkane ulligomavlugit; Davidele angutekotingillo kairosub kinguane ikshivavut.

5 Tagva Davidib angutekotingit okarput tapsomunga: Ahâk, tagva uvlok, Nalekab okautigilauktanga illingnut: Ahâk, omigijit tunnijomavara aggangnut, pinniarvigilugo pikovlutit namagijarnut. Davidelo nikkovipok, terrêsarlunelo Saulib ullingata terrekunganik kippisivok.

6 Kingornganele omattinga tiglitâlerpok, Saulib ullingata terrekunganik kippisimagame.

7 Okarlunelo angutekotiminut: Tamanna Nalekab ungasiktiliuk uvamnit, taimailiortuksaugama, aggakka illilugit angajokamnut, Nalekab saimartitanganut; Nalekab saimartitaringmago.

8 Davidib angutekotine innerterpait okautsinut, akkerartorkolungilaïllo Saulemut. Saulele parngnailerpok kairosungmit annilune, pissuglunelo apkosinerme;

9 Kingorngane Davidetauk parngnailerpok, anilunelo kairosungmit, Saulelo kingornganit nipliārvigiva okarlunelo: Angajokâk attanek! Saule kēviarpok tækkolunelo kingunerminut. Davidiblo kēnane pûpa nunamut, opigosuklunelo;

10 Okarlunelo Saulemut: Sôg innuit okausingit nalekpigit okartut: Davidib kannoênit pinasuarpâ?

11 Ahâk, uvlorme tamattomane ijikik tækkovuk, Nalekab uvlome tunnilaungmattit aggamnut kairsungme, okartokalaukporlo, tokkotaksarigapkit. Kissiane nikkagijaulaupotit okalaurama: Agg akka illijomalungilakka angajokamnut, Nalekab saimartitaringmago.

12 Atâtak, tækkolerittôk ullikpît terrekovininganik aggamne, tokkotsomalaungilagit ullikpît terrekunga kippilaurapko. Illitarksilerit tækkolutillo, idluitokalungimat, tappanermiglonêt aggamne. Idluitullivigilaungilagittauk; igvillo tarniga udlapat péjaromavlugo.

13 Nalegak idluarsaijônarpok uvangalo igvillo akkonaptingne, pivlungalo kiglugviginiarpâtît; aggangmale aktoraksaringilâtît.

14 Sorlo okausiôvaktok nutaungitok malliklugo okartokarmat: Gudekangitunit illutsit piungitut pivut. Aggamale aktoraksaringilâtît.

15 Kina malligasuarpiûk Israelib attanninga? Kina udlakiuk? Kingmek tokkungajok, komaujak attausênak.

16 Nalegak idluarsaijôle, idluarsailunelo uvangalo igvillo akkonaptingne, tækkosarlunelo, illinganeralo âkiksorliuk, piulingalo agganit.

17 Davidiblo okautsit taimaitut okauserijarêrmagit Saulemut, Saule okarpok: Tamanna igvit nippigingikiuk ernîk Davide? Saulelo niplilerpok kéalunelo,

18 Okarlunelo Davidemut: Igvit idluarnersauvotit uvamnit. Igvit idluartullivigilaukparma, uvangale idluitullivigilaukpagit.

19 Uvlomelo kaujitalaukparma kannok ajungitullivigilauramga, Nalekab pitilaungmanga agganut, igvillo tokkolaunginamgalonêt.

20 Kannok nelliata omigijine naipiguniuk aularkonajaralloarkauk apkotikut kanoêngitokut? Nalekab ajungitomik akkinarlitit, uvlome pinarlauktat uvamnut pivlugo.

21 Ahâglo manna, nellungilanga attaningoromâravît, Israeliblo attaniovinga agganépok.

22 Tagva manna okautimarilaunga Nalekab sângane, péjailkonak kinguvannik kingunapkut, attimniglo nungutsikonak, atâtama iglomiokattinginit.

23 Davidiblo Saule okautimarilerpa. Tagva Saule angerarpok. Davidele angutekotingillo majorarput kairtunit innaksoarnut.

KAPITEL XXV.

Samuelib tokkunganik. Davidib kiksartitauninganik Nabalemut, ullapirsartauninganigle Abigailemut. Davidiblo nulliangningninganik.

SAMUELELO tokkovok, Israelitillo illunamassiatik kattimalerput oggorilugolo, illijartorlallo iglungane Ramamétome. Davidele parngnailerpok, attersarlunelo Paranib sunakajuitunganut.

2 Angutekalaukporlo Maoneme, pinniarvikartomik Karmeleme; angullo tamna perkutevaksoakalaukpok, saugakutekarpok 3000 dinik, tuktungajokutekalarmelo 1000 dinik. Pijokalaukporlo manna saugakotine sallimgagit Karmeleme.

3 Attekalaukporlo Nabalemik, nulliangalo attekarpok Abigailemik, arnaulaukporlo sillatôjok kênatsiariktorlo; angulle taimna mangaitolaukpok kassêtolunelo pinniarnermine, Kaleblo kinguvanginit pilaukpok.

4 Davidelo sunakajuitome tussarame Nabalib saugakotine sallimgagit;

5 Tilliklerpok innuosuktunik tellimaujortunik, okarlunelo tapkonunga: Majoraritse takpaunga Karmelemut; Nabalemullo tikkigupse tagva pivlunga illanakarluse salutisiuk,

6 Okarluselo: Pilloringnartokarle, ullapirsautib illagilitit, iglomiokattitillo illunaita, pigijattillo tamaita!

7 Tussaralaukpunga sallijekaravit saukanik. Mianerijokotitit pigijatit, illagilaukpâtigut, mittautigilaungilavut, kingumakli-laungilello sunamik unnurnginit, nunakarlutik Karmeleme.

8 Innuosukotitit apperikit tamanna pivlugo, tapkoa okautiniarpâtit; innuosuktullo ukkoa saimaneksilit ijikpit sângangne, tikkisimagapta uvlorme idluartome. Kivgatit ernillo Davide tunnitsivigikit aggakpit nachvarungnartanginik.

9 Davidiblo innuosuktokotingit tikkinamik tagvunga, okautsillo tamakkoa tamaita okauserijarêramigit Davide pivlugo Nabalemut, nippangerput.

10 Nabalible Davidib kivgangit kiovait okarlunelo: Davide taimna kinauva? Isaiblo erninga taimna kinauva? Kivget tapkoa unnuksivalliavut manna angajokamingnit kemâjut.

11 Kakkojakotikka, immerlo nerkillo sallijokotimnut tokkolauktakka, tigujaksarinajarpakka, tunnilugillo innungnut tapkonunga illitaringitamnut, nakit pingmangatta?

12 Tagva Davidib innuosuktokotingit sangulerivut apkotigijamingnut, tikkinamitsuglo, tamakkoniga tamainik okautivât.

13 Tagva Davide angutekotiminut okarpok: Illunase attunit saviksoase tapseruserutigisigik makkitipsingnut. Illunatiglo saviksoatik tapseruserpait. Davidelo tapseruserpok saviksoaminik makkitiminut, angutillo 400 dit aularlutik mallikpât takpaunga; 200 dille paivut perkutine.

14 Inuosuktulle illangata Abigaile Nabalib nullianga okautiva okarlune: Ahâk Davide kivgartortunik tilliklilaulpok sunakajuitomit, angajokavut salutilugo; tapsomale kinangagilaulkypait.

15 Taipkoalo piutsialauralloarput uvaptingnut, mittautigilaungilâtigut, kingomaklilaungilagut sunamik kattimgojokotipta unurninginit taipkonane agvertarluta naternamêdluta.

16 Avaluksoatitut illingalaukput uvaptingnut uvlotillugo unuarmelo, saukanik mianersitilluta taipkonane.

17 Kammatsiarit manna, tækkolutillo pinniaraksarnik, nellonangilak kannoêtokarniarmat angajokaptingnut, iglunganullo illunânut; angutauvorlo kuksalaitok, okautjanêtok.

18 Tagva Abigaile tuavilerpok tigulugillo kakkojat 200 dit, illulerkutiglo magguk Weinetalik, saukallo igamajut tellimat, oktutillo tellimat sennaugaktagit, Weiniblo paungangit kattingajut pannertut 100 dit, Feigillo 200 dit, ikkitipaillo siutekoktôjunut.

19 Inuosuktokotiminullo angutininut okarpok: Sivorlilersinga, ahâk, kingorngane kainiarivunga. Uinelo Nabal okautilaungila tamattominga.

20 Siutekoktôjomelo ablangatillugo, attersartillugolo kakkab tachaliningane; ahâk, tagva Davidib angutekotingitalo pârpât, tikkiwigivaillo.

21 Davidele okalaukpok: Atte, sullinanga sapputilaukpakka tamaita taipsoma pingit sunakajuitome tamattomane, kingomaklilaungimat sunamik perkutiminut; taipsomale ajungitullinera akkiniarutigiva uvammut idluitomut.

22 Gudib tamattominga, anginersamiglo Davidib omigijingit pinniarvigiligit, taimna kaulerkârtinago amiakokarkogupko attautsemik innungmik omajomiglonêt, perkutinginit pigijanginit tamainit.

23 Abigailiblo manna Davide tækkogamiuk akkasârpok siutekoktôjomit, pamakterlunelo Davidib sângane, kênane pûv-lugo, opigosuklunelo nuname.

24 Pamakterlunelo ittigganginut, okarlunelo: Adjai, nalegâk, idluitullinek tamanna uvanga pigilago, kivgaillo okalerle siutikpît sângangne, kivgavillo okausingit tussarkit.

25 Nalekama omattine torartiniarnago Nabalemur omunga, angumut kuksalaitomut, sillaitôngmat sorlo attinga tukkekarmat, sillainerlo taipsomanepok. Uvangel kivgait nalekama innuosuktokotingit tækkolaungilakka tillilauktatit.

26 Mannale nalegâk, sorlo miksekârtomik Nalegak inôngmat, sorlolo miksekârtomik tarnît inôngmat, Nalekab agviar-laukpâtît, tikkikonak aungmut tamattomunga, aggaktillo piu-lilaukpait. Mannalo Nabaletut îlertuksavut omigijitit, idluitullijomajullo nalekamnut.

27 Mânepok saimanartok kivgavit kaitanga nalekamnut, tamanna innuosuktunut tunnileruk nalekama agvertarkattigijang-inut.

28 Kivgait issumagijungnaivigiuk idluitullinermik tamattomunga. Nalekab nalegara sennaviginiarmago iglomik sokkosijutomik, Nalekab unatadlarninginik aulatsigavit; idluitomiglo nachvartokarniarane illingne, innôtsit nâlugo.

29 Inungmiglo makkitajokarniarpat unangmijomavlutit, tarnîllo pinnasuarlugo; tagva nalekama tarninga kellaksorkassiutijaumaniarpok innôjut kippitanganut Nalekame Gudingne; omigijivillo tarninga ajuktartaujomârpok ajuktaumut.

30 Nalekab nalegara ajungitunik tamainik okautigilauktaminik illingnut pinniarviginiarpago, perkojiniarpallo attanniokovlutit Israelemut,

31 Tagva nalekama omattinganut apporviksauniangilak, sinaungajutiksauniangilarlo, aungmik kovisilaunginavit pitjutekarnak, illingniglo nangminernik ikajorlaunginavit. Tagva Nalekab nalegara ajungitulliviginiarpa, kivgello erkaumajomârpok.

32 Tagva Davide Abigailemut okarpok: Nalegak Israelib Gudinga nertortaule, uvlorme tamattomane tilliklerlauktok illingnik, pachrearkovlutit uvamnik.

33 Okalânitillo saimanartôlît, igvillo saimartitaulerit uvlome agviarlauramga, tikkikonnanga aungmut, piuliklerkonnanga uvamnik, aggamnut nangminimnut.

34 Ahamarik, sorlo miksekârtomik Nalegak inôngmat agviartiga, idluitullikonnanga illingnut, tuavilutit pachrearajarlaungikunga, tagva Nabalemut amiakokarajangilak uvlârme tamattomane attautsemik innungmik omajomiglonêt.

35 Taimak Davidib tiguvait tapsoma agganginit kailauktangit tapsomunga, okautilugolo: Ullapirsautekarlutit majorarit iglungnut; ahâk, nippît nalelaukpara, kinaunillo kamagivara.

36 Abigaile Nabalemut tikkimat, ahâk, tagva nerrimartitsijarêrpok iglomine, attanniub nerrimaraksangatun îtomik, omattingalo serridlalaukpok illumine, talladlarporlo. Tapsomale okautilungila sunamik, mikkijomiglonêt angijomiglonêt, kaulerkâr-tinago.

37 Kaulermalle Weinelo Nabalemit annisimangmat tagva nulliangata okautiva taimaitomik. Tagva omattinga timingane tokkolerpok, ujarkatun îlerdlune.

38 Uvlullo tellimaujortolermatta Nalekab annauva tokkovlugo.

39 Davidele tamattominga tussarama Nabale tokkolerêrmat okarpok: Nalegak nertortaule mittautigijaunimnik akkiniarutekalauktok Nabalemik, kivganelo sapputilaungmago idluitullinermi; Nalekab Nabalib idluitullininga tamana akkiniarutigilaungmago niakoanut. Davidelo tilliklerpok Abigailelo okautsaukova nullianigomagamiuk.

40 Davidible kivgangit Abigailemut tikkinamik Karmelemut, okarkattigivât, okarlutiglo: Davidib tillilaukpâtigut, nullianigomangmattit.

41 Tamna nikkovilerpok, kênanelo pûvlugo nunamut, opigosukpok okarlunelo: Ahâk kivget mânepok, kivgartorkovlugo nalekama kivganginik, ittigganginiglo ubvarkovlugo.

42 Abigailelo tuavilaukpok parngnailerlunelo siutekoktôjorlo ablangavigiva, uigasuillo tellimat kivgarijane illagilugit, malliklugillo Davidib tillilauktangit, nulliangolerlunelo tapsomunga.

43 Davidiblo Ahinoametauk Jesreelmiok nullianikpa, tarmigmiglo nulliarilaukpâk.

44 Saulible pannine Michale, Davidib nullianga, tunniva Faltimut, Laisib Galimiub erninganut.

KAPITEL XXVI.

Davidib tigusinganik Saulib kallugianganik ermgusiârsunganiglo; nikkasungninganiglo Saulib inôsinganik.

SIFEMIULLE tikkiput Saulemut Gibeamêtomut okarlutiglo: Davide iersimangilâk Hachilab kakkarulângane sunakajuitub sivurâne?

2 Tagva Saule parngnailerpok, attersarlunelo Sifib sunakajuitunganut, angutit innuosuktut 3000 dit Israelemi illagilugit, Davide kenneromavlugo Sifib sunakajuitungane.

3 Tangmarterporlo Hachilab kakkarulângane sunakajuitub sivuranêtome, apkosiniub tungâne. Davidele sunakajuitomêtuarpok. Tækkogamelo Saulib mallingmago sunakajuitomut;

4 Nautsertortuksanik tilliklerpok, tukkisilerlunelo Saule nelâgut tikkisimangmât.

5 Davidelo parngnailerpok, tikkilunelo tagvunga Saulib tangmarvigijanganut, tækkolunelo Saulib innangavigijanganik, Abner Nerib erninga sorsuktuksaksoakotingita angajokangat illagilugo. Saule tallut illuanêlaukpok kamutinu sennamajut, sorsuktuksoakotingillo avatinganêdlutik.

6 Tagva Davide kiovlune, okarpok Ahimelechemut, Hethemiomut, Abisaimullo Zerujab erninganut, Joabib nukanganut: Kia attersarkattigijomavânga Saulib tangmarvinganut? Abisai okarpok: Uvanga attersarkattigijomavagit.

7 Taimak Davide Abisailo tikkipuk unuarne inugiertok-soarnut. Aháglo, Saule innangavok sinniklunelo tallut kamutit senamajut illuane, kallugiangalo kapposimavok niakungata tung-âne nunamut; Abnerelo inugiertoksuillo inangavut avatâne.

8 Tagva Abisai Davidemut okarpok: Gudib omigijit uvlome pitimava aggangnut; taimak uvanga kallugiarmut attausiarlunga mangiptaromavara nunamut, aipanganik pijariakarkonago.

9 Davidele Abisaimut okarpok: Asserorniarnago pit; kiale aggame illijomavagit Nalekab saimartitanganut pitlartaunia-ranelo?

10 Davide okapsarivok: Sorlo miksekârtomik Nalegak inôngmat, Nalekab annaulungipago, piviksangalonêt tikkilungipat tokkokovlugo, sorsungnermullonêt ailune tokkotaulungipat,

11 Nalekab uvamnit ungasiktiliuk, aggakka illijaksarigapkit Nalekab saimartitanganut. Taimak tigukik manna kallugiak niakungata tungânêtok ermgsiârsuglo, aularluluglo.

12 Taimak Davidib kallugiak ermgsiârsuglo, Saulib niakungata tungânêtuk, tiguvâk aularlunelo; tækkojokalungilarlo, mallugosuktokalungilarlonêt tamattominga, tuppalertokangilarlonêt; siningnermut ittijomut, Nalekamit pijomut tikkitaulaungmatta.

13 Davidelo manna akkianut tikkisimagame, nangeriartor-pok kakkab nuvuanut allivasiktomit, sivitolaungmat akkorngane;

14 Kaggudlarvigivaillo innugiertoksuit Abnerelo, okarlunelo: Tussarlungilatit Abner? Abnerelo kiovok okarlunelo: Kinauvît, attanek taimak kaggudlarvigigangne?

15 Davidelo Abneremut okarpok: Angutaulungilatit? Kialo nelligivâtis Israeleme? Sôgle sapputilaungikiuk angajokajet attanek? Innugiertoksuit illangat ittersimangmat, angajokajet attanek asseroromavlugo.

16 Namalungilarle taimailiorlauravit. Sorlo Nalegak miksekârtomik innôngmat, kittorngauvose tokkomut, angajokâse Nalekab saimartitanga sapputilaunginapsiuk. Tækkolerit manna manêpuk attaniub kallugiangana ermgsiârsungalo, niakungata tunganêlauktuk.

17 Tagva Saulib Davidib nippinga illitarilerpa, okarlunelo: Tamanna igvit nippigingikiuk erník Davide? Davide okarpok: Nippiga tagva, nalegâk attanek.

18 Okapsarlunelo: Sôg nalekama kivgame taimak unangmi-vaûk? sunaliorlaukik? Sunamiglo idluitomik pittakarka aggamne?

19 Taimak tussarittók manna, nalegâk attanek, kivgame okausinginik: Nalekab kajungertipattit akkerartorlunga, tagva tunnergutiksamik nerkiksamik naimalerle; innuble kittorngangit taimailiorpatta, tagva ominarsijaulit Nalekab sângane, uvlome ajektoraminga, Nalekab kingormgutijanganêtsungnanginama, okarlutiglo: Ailerit kivgartorlutillo Gudib assinginik.

20 Tagva manna auga kovijauniarane nunamut Nalekab kênangata sângane. Israelib attaninga aularsimagame komaujak attausénak kenneromavlugo, sorlo niksartok tupjartauvangat kakkane.

21 Saulelo okarpok: Idluitullilaukpunga, kailaungmît ernik Davide; mattoma kingorngane idluitullivigijomairpagit; tarniga uvlorme tamattomane ivlerijaulaungmat, ijikpît sângangne. Ahâk sillaidlunga illisimaidlarlungalo pinniarlaukpunga.

22 Davide kiovok okarlunelo: Ahâk, attaniub kallugiakotinga mânêpok; innuosuktut illangat ovungalerle ailugolo.

23 Nalekable illunaita attunît akkiniaromârpait, idluarningit okperningillo malliklugit, Nalekab uvlome tunnilaungmattit aggamnut, uvangale aggakka illijomalaungilakka Nalekab saimartitanganut.

24 Sorlolo uvlome tarnît angijônasugijaulaungmat ijimnut, taimak tarniga angijônasugijaule Nalekab ijikita sângangne, piulilingalo kappianartunit tamainit.

25 Saule Davidemut okarpok: Saimartitaulerit ernik Davide; pinniarniarpat namaksitiniarlugolo. Davidele aularpok apkosinermine, Saulelo utterivok nunaminut.

KAPITEL XXVII.

Davidib nunakarninganik Ziklageme, Filisterit nunanganêtome.

DAVIDELE omattimine issumalerpok; Uvlut illangane piniarpunga Saulib agganginut; namanersakalungilak uvamnut, kemâniarnimnit Filisterit nunanganut, Saule nippotjikovlugo uvamnik, kennerungnainiarylungalo Israelib kigililervingine tamaine; tagva annigoiniarpunga agganginit.

2 Parngnailerporlo, ailunelo angutit 600dit, tapsomanêlauktut illagilugit Achisemut Maochib erninganut, Gathemiut attaninganut.

3 Taimak Davide angutekotine illagilugit Achisemetuarpok Gathemetome, illunatik illatik illagilugit; Davidelotauk nulliakotingne Ahinoame Jesreelemiok, Abigailo Nabalib nulliagilauktanga Karmelemiok illagilugik.

4 Saulelo okautsaulerame Davidib kemâninganik Gathemut, kennerungnaipa.

5 Davidelo okarpok Achisemut: Saimaneksiguma ijikpît sângangne, tagva tunnitsiviokolaunga inniksamik iglugaseksuit illangane nuname, tagvane nunakarkovlunga; suna pivlugo kivgait illagilutit attanersub iglugaseksoakotingane iglokartuk-sauva?

6 Tagva Achisib uvlorme taipsomane tunnitsivigiva Zikla-

gemik. Tamanna pivlugo Ziklage Judab attaninganut illingavok, uvlok tamanna tikkilugo.

7 Nelliunerle Davidib nunakarninga Filisterit nunangane, Jahreôvok attausek, takkillo sittamat.

8 Davidele angutekotine illagilugit majorarpok ittârlunelo Gesuriterit, Girsiterillo, Amalekiterillo nunanginut, tapkoa itsangmit nuna tamana nunakotigilaungmatsuk, Suremit Egiptene tikkilugo.

9 Davidible nuna sâlagingmago, angutillonêt arnallonêt innôkolaungilait, saukallo tuktuvaillô, siutekoktôjullo, Kamêlillo, anorâllo tiguvait uttermilunelo, tikkilunelo Achisemut.

10 Achiselo okalaurangat: Uvlome ittarlaungilasse? Tagva Davide okarpok: Aunga Judab sekkernganut, Jerahmeeliterillo sekkernganut, Keniterillo sekkernganut.

11 Davidible angutillonêt arnallonêt innôvlutik tikkikolaungilait Gathemut, issumakarporlo, taipkoa okausiksakarungnara-jarput, okallajungnarajarlutiglo pivluta. Taimailiorpok Davide, tamannalo illuseritsainarlaukpa nunakardlune Filisterit nunangane.

12 Tamanna pivlugo Achisib Davide okperiva, issumakalunelo: Ingminik tippiluktilaukpok inukotiminut Israelitinut, tamanna pivlugo kivgautsainartuksauvok uvamnut.

KAPITEL XXVIII.

Saulib unatadlarneme Filisterinut ikajortiksasiorninganik angakome arname, koaksartitauvlunelo nellojungnaititauninganik kanoêniernerminik.

PIJOKALAUKPORLO nelliutome taipsomane Filisterit sorsuktusaksoakotitik kattitimagit, Israelitit sorsugvigijartoromavlugit. Achiselo Davidemut okarpok: Kaujijuksauvotit igvit angutekotitillo aularkattaujuksaugapse illagilunga sorsuktusakattigêksoarnut.

2 Davide Achisemut okarpok: Atte, tukkisijuksauvotit kivgavit pinniarungnarninginik. Achis Davidemut okarpok: Tamanna pivlugo udsertortingortitsomavagit niakumnik, innôsera nâlugo.

3 Samuelele tokkolaukpok, Israelitillo illuêngardlutik ogguri-laukpât, illijartorlaukpâllo iglugaseksoakotingane Ramame. Sauliblo nellautainerluktut angakullo pëjarlaukpait nunamit.

4 Manna Filisterit kattimalermatta, tikkilutiglo tangmarterlutiglo Sunememe; Saulibtauk Israelitit illuêngardlutik kattitipait, tangmarterlutiglo Gilboame.

5 Saulible Filisterit kattimgajoksoakotingit tækkogamigit erksilerpok, omattingalo mungudlalerpok.

6 Tapsomalo Nalegak apperiva; Nalekable kiolungila, sinnektomanekullonêt, kaumanitiksakullonêt nellautaijokullonêt.

7 Tagva Saule kivgaminut okarpok: Kenneritse arnamik annernelingmik nellautaijungnartomik, aikovlunga taipsomunga, apperilugolo. Kivgangillo okarput tapsomunga, âhak Endoreme arnakarpok annernelingmik nellautaijungnartomik.

8 Sauliblo annorâne pêrpait, assingillo attivait, ailunelo taikunga, assikitalo magguk illagivak, tikkilutiglo unnuarme arnamut, okarlunelo: Nagliktara, nellautaivigilaunga annerner-mut nellautaijungnartomut, sakkêvigilungalo taipsomunga okau-tigijamnik illingnut.

9 Arnak okarpok tapsomunga: Ahâk, kaujimagalloarpotit Saulib pinniarnerilauktanginik, kannok nellautainerluktut angakullo pêjarlaungmagit nunamit; sôgle tagva tarniga pititsoma-viuk nullutsanut tokkotaukovlunga?

10 Saulible okautimarilerpa Nalekame, okarlunelo: Sorlo miksekârtomik Nalegak inôngmat, tamana idluitulliningortitau-juksaungilak illingnut.

11 Tagva arnak okarpok: Kinamik sakkêvigijaksarivigit? Tamna okarpok: Samuele sakkertiuk.

12 Arnablo manna Samuel tækkogamiuk nipliakivok, okarlunelo Saulemut: Sôg uivêrivînga? Sauleôvotit.

13 Attanerlo okautiva: Sivuranak, sunamik tækkovît? Arnak Saulemut okarpok: Gudinik tækkovunga nuijunik nunamit.

14 Tamna okarpok: Kannok tautukarka? Arnak okarpok: Itok nuivok, annorarsimajok ullingmik Seideôjomik. Tagva Saule tukkisivok Samueleôngmat, kênanelo pûpa nunamut, opigosuklunelo.

15 Samuelele Saulemut okarpok: Sôg ullapilaukpinga majoakogamga paunga? Saule okarpok: Kappiasudlarpunga, Filisterit sorsugvigivânga, Gudelo nûsimavok uvamnit, kiungi-lângalo, nellautaijokullonêt, sinnektomanikullonêt; tamanna piv-lugo kaikojaulkolaukpagit, kaujititsikovlutit uvamnut pinniarak-samnik.

16 Samuel okarpok: Sôg uvanga appertsoromavinga, Nalegak nûsimangmat illingnit, omisuktungormallo illingnik?

17 Nalekab pinniarviginiarpâtit, sorlo uvapkut okalaungmat, attanioviglo aksarnigariniarpa agganit, tunniniarlugolo Davidemut innukattingnut;

18 Nalekab nippinga nalelaunginangne, ningaumajarningatalo illungertorninga namaksitilaunginangne Amalekiterinut; tamanna pivlugo Nalekab taimailiorvigilaukpâtit manna.

19 Tamanalo pivlugo Nalekab Israelitittauk illaliudlutit tunniniarpait Filisterit agganinut. Kaupat igvit ernivillo illa-giniarpapsinga. Taimaktauk Nalekab Israelib sorsuktokattigêk-soangit tunniniarpait Filisterit agganinut.

20 Tagva Saul tagvainak ochovok nettermut takkininga illunât malliklugo, koaksarutigidlalaitalo Samuelib okausingit, nukkingêrotilerporlo illumine; uvlok nâlugu unnuarlo nâlugu nerrilaunginame sunamik.

21 Arnarlo itterpok Saulemut, tækkolunelo angijomik koaksangangmat, okarporlo tapsomunga: Ahâk kivgavit nippit nalelaukpa, tarnigalo pitilaukpara aggamnut, okautsitit okauserilauktatit uvamnut nalelaurapkit;

22 Taimak igvittauk mana kivgavit nippinga naleguk. Tamuamik kakkojamik sâmiutsivigijomavagit, nerrikovlutit, nukkiaksarkovlutillo aijungnarkovlutillo apkotigijarnut.

23 Tamnale kunnulaukpok, okarlunelo: Nerrijomangilanga. Tagva kivgangita arnablo innapât, nippinginik nalekovlugo. Makkiporlo nettermit ingilunelo sinnigvingmut.

24 Arnarlo nochakalaukpok kuinititaumajomik iglomine, tagva tuavidlune tokkopa, tigusilunelo sennaukamik, senalugolo, sêrnakaranelo igava,

25 Kaipalo Saulib kivgakitalo sânginut. Nerrijarêramiglo nikkoviput, aularlutiglo unnuarme.

KAPITEL XXIX.

Davidib uttertitauninga Filisterinut.

FILISTERILLE sorsuktokattigêksoakotitik illunaita kattitipait Afekeeme. Israelitillo tangmarterput Aineme Jesreelemêto.

2 Filisterillo angajokaksoangit attunit agvertarput 100 dit 1000 dillo illagilugit; Davidele angutekotingillo kingurlerput Achiseme.

3 Tagva Filisterit angajokaksoangit okarput: Ebræerit tapkoa suksauvât? Achisib okautivait: Tamna Davideungilâk Saulib, Israelitit attaningata kivganga, uvamnêlauktok manna Jahrelo uvlullo nâlugit, sunasilaungilangalo idluitomik tapsomane taimangat kemâninganit mana tikkidlugo?

4 Filisterille angajokaksoangita ningaumajarvigivât, okautilugolo: Angut taimna utterkoleruk nokkangakolugolo nunamine, tillijauvigijamine illingnut, illagiluta attersarkonago sorsungnermut, akkerangorkonago uvaptingnut sorsungnerme. Sunamulle namagijaunersaujungnarajarka angajokaminut, pititsininganit tapsomunga angutit ukkoa niakunginik?

5 Davideungilâk taimna, imgerutigilauktangat okigêserme: Saulib 1000 dit ullimarlaukpait, Davidible 10000 dit?

6 Tagva Achisib Davide kaikova, okautilugolo: Sorlo miksekârtomik Nalegak inôngmat, uvanga nellagorasugivagit, aular-

nílo itternílo illagilunga sorsuktokattigéksoarne namagivara, idluito miglo mallugosulaungilanga illingne, nelliutomit taimanganit tikkilauravit uvamnut manna tikkidlugo; angajokaksuille namagilungilátit.

7 Taimaimat utterit manna, ailutillo ullapirsautekarlutit, idluitullikonak Filiserit angajokangita ijingita sângine.

8 Davidele okarpok Achisemut: Sunamik pinialaukik, sunamiglo mallugosulaukit kivgarne, nelliutomit taimangat sângnelaurama, manna tikkidlugo, kaijuksaunginama, sorsuktuksaunangalo angajokama attanniub omigijinginut?

9 Achis kiovek, okarlunelo Davidemut: Kaujimagalloarpunga, ijingmalo namagivátit Gudib Engelingatut sorlo. Filisterille angajokáksoangit okalaukput: Majorarkattaunkoniarnago illagiluta sorungnermut.

10 Taimaimat kaupat uvlarârsukut parngnailerit igvit angajokavillo kivgangit, tikkikattigijatit; uvlarârsukullo, parngnailerêrupse, kaulerpallo tagva aularitse.

11 Taimak Davide angutekotingillo uvlarârsukut parngnailerput, aularomavlutik uvlangotilugo, tikkimilutiglo Filisterit nunanganut. Filisterille majorarput Jesereelemut.

KAPITEL XXX.

Davidib salakarninganik Amalekiterinik, aítorturninganiglo aksarnigaunjunik.

TAGVA manna Davide uvluk pingajuangne angutekotine illagilugit Ziklagemut tikkimat, Amalekiterit ittálaukput aunga, Ziklagemullo; Ziklagemiullo sálagilaukpait, iglullo ikkilugit ikkomamut.

2 Arnallo mikkijut angijullo aularutilaukpait; tokkotsilaungilelle kinamik, aularutilaukpaille, aularsimalaukpullo apkotimikut.

3 Davidelo angutekotine illagilugit iglugaseksoarnut tikkiname, tækkolunelo ikkomamut ikkisimangmatta, nulliakotitiglo ernekotitiglo pannikotitiglo parngnairsortaumangmatta,

4 Davide innugiartoksuiillo illagijangit nipliakivut, kêadlarlutiglo kêajungnarungnaikâratik.

5 Davidible nulliagik parngnanêrsortaulaurivuk, Ahinoame Jeserelemiok, Abigailelo Nabalib Karmelemiub nulliagilauktanga.

6 Davidelo angijomik kappiasulaukpok, inugiartoksuit miloromangmatsuk, innugiartoksuit illunatik tarnangit annulaungmatta, nelliat ernine panninelo pivlugit. Davidele pitsartutipok ingminik Nalekame Gudimine;

7 Okarlunelo Abjatharemut ajochertuijomut, Ahimelechib erninganut: Kaitsivigilaunga ikkiamik. Abjathariblo ikkiak kailaungmago Davidemut,

8 Davidib Nalegak appertsorpa, okarlunelo: Sorsuktuksat udlajaksarivakka, anguniarpakkalo? Okarpok: Udlakit, anguniarpattit, piuliklerniarlutillo.

9 Tagva Davide aularpok, angutillo 600 dit illagijangit; tikkinamiglo Besorib kônganut illangit nokkarput.

10 Davidele angutillo 400 dit udlanikput; angutille 200 dit nokkartut merngortorluarlaukput Besorib kônga ikârungnarlugo.

11 Angumiglo Egiptenemiomik naipitsivut natername, tamna tessiorpât Davidemut, tunnitsivigivâllo kakkojamik, nerrikovlugo, imipâllo immermik.

12 Tunnitsivigivâllo Feigib illanganik, Weiniblo paunganginik kattingajunik pännertunik maggoinik. Nerrijarêramelo annerninga utterivok; uvlut pingasut, unnuallo pingasut nâlugit nerrilaungimat sunamik, immermiglo immerlaungimat.

13 Davidelo okarpok tapsomunga: Kia pigivâtî? Nakillo pivî? Okarpok: Nukapiangôvunga Egiptenemiok, kivgaulungalo Amalekiteremut; angajokamalo kemalaukpânga kannimalaurama, uvlut pingasut mattoma sivurwane.

14 Ittâlaukpogut aunga Kretimut, Judamullo Kaleblo sekernanganut, Ziklagelo ikkilaukpavut ikkomamut.

15 Davidib okautiva: Attersartitsomavinga ununga sorsuktuksanut taipkonunga? Okarpok: Okautimarilaunga Gudeme, tokkotsomanginamga, pititsomanginamgalonêt angajokama agganginut; tagva attersartitsomavagit, sorsuktuksanut taipkonunga.

16 Tessiorpaillo ununga. Ahâglo, siamarsimalaukput nuname illunâne, nerrilutiglo immerlarmiglo, okigêserlutiglo aksarnigaujut unnuktovaksuit aksarnigarilauktatik Filisterit Judablo nunanginit pivlugit.

17 Davidiblo ullimarpait allajalernermit uvlub aipangata ununga tikkilugo, kemâjokalaungimat attautsemiglonêt, angutit inuosuktut 400 dit assinginik, Kameliput ikkisâdiartut kemâlutiglo.

18 Taimak Davidib Amalekiterit aksarnigarilauktangit tamaita piulivait nulliakotingnelo;

19 Kingomajaujokalaungilarlo mikkijomiglonêt, angijomiglonêt, ernermiglonêt, pannermiglonêt, perkomiglonêt sunamiglonêt ivajârlauktanginik. Davidib tamaita uttertipait.

20 Davidiblo saukat, tuktuvailllo tiguvaît, nergjutillo ungorpait, okarpullo: Tamadsa Davidib aksarnigarijangit.

21 Davidelo angutunut 200 dinut merngortorluarlauktunut Davide malligungnarlugo, Besoriblo kôngane nokkarlauktunut tikkimat, annilerput Davide innugiartoksuillo illagijangit pach-

reartorlugit. Davidiblo innuit kaglilerpait salutilugillo illana-karlune.

22 Tagva innuit kassêtot kuksalaitullo, Davidib illagilauktangita akkornganêtot, kiovut okarlutiglo: Aularkattigilaungimattigit, tunitsiviojuksaungilet aksarnigaujunit piulilauktaptingnit. Nelliatale nulliane kittornganelo tessiorligit aularlunelo.

23 Tagva Davide okarpok: Taimailiortuksaungilase kattangutikka Nalekab tunnillauktangit uvaptingnut pitjutigællugit, sapputsilauktub uvaptingnik, tunnijilauktublo sorsuktuksoarnik taipkoninga tikkilauktunik sorsugvigijomavluta, aggaptingnut.

24 Kia tamattomane naleksarivâsse? Sorlo tapkoa sorsungnermut attersarlauktut ningersiangentitut, taimaituksaugiyut tapkoa perkutine nokkangajut ningersiangent, adsigêktomiglo aviktaujuksauvut.

25 Tamanna nelliutomit taimanganit kingornganelo illusiô-laukpok idluarniôlunelo Israeleme, uvlok tamanna tikkidlugo.

26 Davidelo Ziklagemut tikkiname, aksarnigavinit illangit tillikliutivait angajokajanut Judame illanarijaminut, okarlunelo: Ahâk, tagva pilliusiakarpose Nalekab omigijingita aksarnigavininginit.

27 Tapkoale tilliklervigivait, Bethlehemêtot, Ramotemêtot âne, Jatiremêtot,

28 Aroeremêtot, Sifamotemêtot, Estemoamêtullo,

29 Rachalemêtot, taipkoalo Jerahmeliterit iglugaseksoanginêtot, Keniterillo iglugaseksoanginêtot,

30 Taipkoalo, Harmametut, Bor-Asanemêtot, Atachemêtot,

31 Taipkoa Hebronemêtot, illunanêtullo Davidib agvertarvigilauktangine angutekotine illagilugit.

KAPITEL XXXI.

Saulib kappininganik ingminik sorsungnerme; erningitalo pingasut tokkotauninganik.

FILISTERILLE Israelitit sorsugvigivait; Israeliblo angutingita Filisterit kemâjutigivait, ocholutiglo ullimartauvlutik Gilboab kakkangane.

2 Filisterillo Saule erningillo unangmivait, ullimarpaillo Jonathan, Abinadabelo, Malchisualo, Saulib erningit.

3 Sorsungnerle songudlalaukpok Saulemut, pittiksertullo pittikpât uvigarlugolo, ikkilertaumalaukporlo angijomik pittiksertunut.

4 Tagva Saule akjarsijokotiminut sakkunginik okarpok: Saviksuit amuleruk, kappilungalo tapsomunga, kippisimangitut

taipkoa kaikonragit kappilungalo, mittautigilungalo. Aksarsijokotingale sakkunik, pijomalungilak, angijomik sivuragame. Tagva Saulib saviksoak tiguva, ochovigivâlo.

5 Aksarsijokotingalo sakkunik tækkogame Saule tokkungmat, ochotipoktauik saviksoarminut, tokkokattigilugolo.

6 Taimak Saule erningillo pingasut akjarsijokotingalo sakkunginik, angutekotingillo tokkovut attautsekut, uvlorme taip-somane.

7 Israelible angutingit naksab ungatâne, Jordaniblo akki-anêlauktut tækkogamik Israelib angutingit kemângmatta, Saulelo erningillo tokkungangmatta, iglugaseksuit kemmakpait, kemâlutiglotaik; taimaglo Filisterit kaivut iglogilaitalo.

8 Uvlub aipangane Filisterit kaivut, ullimarsimajut mattâromavlugit, naipipaillo Saule erningillo pingasut nellavlutik Gilboab kakkangane;

9 Niakungalo nakkarpat, sakkungillo pêrpait tapsomangat, tillikliutivaillo Filisterit nunanganut sunatuinarnut, okautigijaukovlugo Gudingoakotimik iglungane, innugiartoksuillo akkorngane.

10 Sagvingmiutangalo illivât Astarotib iglunganut, timingale tokkungajok nivingatipât Bethsanib avaluksoanginut.

11 Jabesemiut Gileademe tussaramik Filisterit pinniarlauktanginik Saulemut;

12 Parngnailerput angutit sorsugungnartut, ingergarlutiglo unnuak nâvlugo, tigulugillo Saulib erningitalo timingit tokkungajut Bethsanib avalunginit, âlugillo Jabesemut, ikkipaillo tagvane.

13 Sauningillo tiguvaik, illijartorlugillo nappartub Jabesemêutub attâne, nerritaililitiglo uvlut 7 it nâlugit.

Samuelib aglangita aipangit.



KAPITEL I.

Davidib pitlarningninganik sæglovlune okartomik tokkotsigame Saulemik. Tapsomalo ingerutinginik ogguarsiutinik Saul Jonathanelo pivlugik.

SAULIB tokkungata kingorngane, Davide unatadlarnemit Amalekiterinik utterlaungmat, maggungniglo uvlilaukârtillugo Ziklageme;

2 Ahâk, tagva uvluk pingajuangne angut Saulib sorsukat-tigêksoakotinginit tikkilerpok, annorakarlune alliksimajunik, ivjokalunelo niakomine. Davidemullo tikkiname pamakterpok nunamut, opigosuklunelo.

3 Davidible okautiva: Nakit pivît? Tapsoma okarvigiva: Israelib sorsukattigêksoakotinginit kemâlaukpunga.

4 Davidib okautiva: Okarvinga, kannok illingava? Tamna okarpok: Innugiartoksuit kemâlaukput sorsungnermit, innuillo unnuktut ochosimavut; tappilugillo Saulelo erningalo Jonathan tokkovûktauk.

5 Davidib innuosuktok okautjine tamattominga okautiva: Nakit kaujimavît, Saulelo erningalo Jonathan tokkungmannik?

6 Innuosuktok okautjina tamattominga okarpok: Maunga-tuinak tikkilaukpunga Gilboab kakkanginut; ahâglo, Saule egangavok kallugiakotiminut, kemuksillo, horsillo kângine ablang-ajut udlavât.

7 Keviarlaukporlo, tækkolungalo, kaikolarmalo. Uvangelokarpunga: Mânepunga.

8 Tapsomalo okautivânga: Kinauvît? Okautivara: Amalekitereôvunga.

9 Tamnalo okarpok uvamnut: Nangeriartorit uvamnut, tokkolungalo, illunane kappiasuktitaugama, innôseralo illumnê-marikpok sulle.

10 Tagva aivigilaukpara, tokkolugolo, kaujimamarilaurama innojungnangininganik ocholaungningata kingorngane; niakutelo tigulaukpara niakoanit, tallermiutarlo tallinganit, kaimavâkalo tamaunga illingnut nalekamnut.

11 Tagva Davidib annorâne tiguvait, alliklaitalo, angutillo tapsomanêlauktut illunatik taimailiorput.

12 Ogguarlutiglo kêalarmiglo, nerritailivullo unnuk tikkilugo, Saule, erningalo Jonathan pivlugik, Nalekablo innukotingit pivlugit, Israeliblo iglomiokotingit pivlugit, saviksoarmut ochotitaulaungmatta.

13 Davidiblo innuosuktok okautjine tamattominga okautiva: Nakit pivit? Tamna okarpok: Tækkorngârtab, Amalekitereô-jub ernerivânga.

14 Davide okarpok tapsomunga: Suvît sivuralaunginavit, aggaktit illilugit Nalekab saimartitanganut, asserorlugo!

15 Davidiblo innuosuktokotime illangat okautiva: Maungalerit ullimârlugolo. Tapsomalo ullimârpa, tokkokovlugo.

16 Tagva Davidib okautiva: Aut niakungnut illingale; kanit nangminit pivlutit okalalaungmat, okarmallo: Nalekab saimartitanga tokkolaukpara.

17 Davidiblo ogguarsiutit tamakkoa okâlatigilaukpait, Saule erningalo Jonathane pivlugik.

18 Perkojivorlo Judab kittorngangit ajochertortaukovlugit pittiktarnermik. Ahâk, aglaksimavut nellagortut aglakotingine:

19 Angajokaunerôjut Israeleme pôktojokotingne ullimartau-mavut. Kannok songojoksuit ochosimavut!

20 Okarniarase tamattominga Gatheme, unipkautiginiaras-siuglo apkosinerme Askalonib iglungita akkorngane, Filisterit panningit kувiasulerkonnagit, kippisimangitut panningit serrid-larkonnagit.

21 Kakkaujose Gilboame, mitsuksoakarniarane, sillalukarniaranelo illipsingnut, perorsêvikarniaranelo illipsingne, kaitsi-junik tunnergutiksani pilliusijanik; sôngojut sappulutangit tagvane pêjartaulaungmatta, Saulib sappulutanga, sorlo ming-oarsimanajangipat orksomut.

22 Jonathanib pittiksinga uniorsilaungimarikpok, Sauliblo saviksoanga uttilaungimarikpok aukejartaunane ullimarsimajut aunganut, orksokijaunanelo sôngojojoksuit orksunginut.

23 Saule Jonathanelo erdlingnarlutik innerkonarlutiglo in-nôsigingne, tokkomingnetauk aviutingilâk; okinersauvuk nektoralingmit, sanginersaulutiglo Loewemit.

24 Illipse Israelib panningit Saule kêagisiuk, annorakartit-silauktok illipsingnik aupaloriktunik pinnarnartunik, ânanausê-

lauktorlo illipsingnik annorapsingne pinnarnarsautinut Golde-
lingnut.

25 Kannok sôgojoksuit taimak ochomavut sorsungnerme!
Jonathan pôktojojokotingne ullimartaumavok.

26 Kiksautigivagit kattangutik Jonathan; angijomik kuvia-
sutigilaukpagit alliagilutillo; naglingningnit kuviaginersarilauk-
para arnab naglingninganit.

27 Kannok sôgojoksuit ochomavut, sorsugungnartullo tokko-
taumavut!

KAPITEL II.

*Davidib attaningortitauninganik Judakunut. Isbosethib attan-
ningortitauninganik kinguvarêt assinginut, salagijauninganiglo
unataðlarneme.*

PIJOKALAUKTUT tamakkoa kingorngane Davidib Nalegak
apperiva, okarlunelo: Majorartuksauvik paunga Judab iglu-
gaseksoangita illanganut? Nalekablo okautiva: Majorarit
paunga. Davide okarpok: Namut? Tamna okarpok: He-
bronemut.

2 Taimak Davide tagvungarpok, nulliangne Ahinoame Jes-
reelemiok, Abigailelo Nabalib Karmelemiub nulliagilauktanga
illagællugik.

3 Angutillo tapsomanêlauktut illautilugit Davidib takpaung-
artipait, illunatik attunit iglomiokotingit illagilugit; iglokaler-
lutiglo Hebronib iglugaseksoangine.

4 Judablo angutingit tikkilerput, Davidelo mingoarpât tag-
vane, attaningortilugo Judakunut. Davidelo okautsaulerame,
Jabesemiut Gileademêut Saule illijartorlaungmatsuk;

5 Kivgartortunik tilliklervigivait, okautsaukolugillo: Saimar-
titauleritse Nalekamut, napkinningnarmik taimaitomik pinniar-
laurapse angajokapsingnut Saulemut, illijartorlaurapsiuk.

6 Taimak Nalekab manna napkinningnarmik nertornarner-
miglo pinniarvigilise; uvangalo ajungitullivigijomagivapse, tai-
mailiorlaurapse.

7 Taimaglo manna aggase pitsartutitaulit, sivoraniaselo;
angajokase Saule innôjungnaimat, tagva Judakut mingoarlauk-
pânga attaningortilunga ingmingnut.

8 Abnerible Nerib erningata, Saulib sorsuktuksaksoakotingita
angajokangata, Isboseth Saulib erninga tiguva, âpâlo Mahanai-
memut,

9 Attaningortilâlo Gileademut, Assurimullo, Jesreelemullo,
Efraimemullo, Israelitinullo illunainut.

10 Isbosethelo Saulib erninga Jahrekalaupok 40 ginik attanningortitautillugo Israelitinut, attanniotilunelo Jahrik magguk nâlugik. Judakulle Davide ungagivât.

11 Nelliutorlo Davide attanniotillugo Hebroneme Judakunut, Jahriôvut 7 it takkillo pingasojortut.

12 Abnerelo Nerib erninga, Isbosethib Saulib erningata kivgangit illagællugit aularpok sorsuktuksaksoakattigênit, ingergalunelo Gibeonemut;

13 Joabelo Zerujab erninga aularpok Davidib kivgangit illagilugit; ingmingnullo tikkiintivut Gibeonib tessingane, tangmarterpullo tapkoa miksåne, taipkoalo tetsib akkiane.

14 Abneriblo Joabe okautiva; Nukapitset parngnailerlit, pingoartigêlerlillo sâptingne. Joabe okarpok: Taimailiolerlit.

15 Tagva parngnailerput ailutiglo 12 it Benjaminekunit, Isbosethemut Saulib erninganut illingajunit, 12 illo Davidib kivganginit.

16 Illunatiglo attunit ingmingnut tigutivut niakungitigut, saviksoatiglo kapputivait senneranginut ochokattigêkpullo. Tamana pivlugo inne tamanna taijauvok Helkat Hazurim Gibeonemêtok.

17 Sorsungnekalerporlo uvlorme taipsomane sôngojomik. Abnerere Israeliblo angutingit sâlagijaulauput Davidib angutinginut.

18 Tagvanetokalauporle Zerujab erninginik pingasunik: Joabe, Abisai, Asahelelo. Asahelele okkilalaukpok tuktungajotut naternamêtotut;

19 Asaheliblo Abner udlapa, nûlungilarlo tallerpingmullonêt, saumingmullonêt Abneremit.

20 Tagva Abner kêviarpok okarlunelo: Asaheleôvît? Tamna okarpok: Ahaila.

21 Abnerib okautiva: Pêrit tallerpingmullonêt saumingmullonêt, nukapitsello tapkoa illangat piuk illingnut, aksarlugolo sagvingmiutanganik. Asahelible kemmagomalaungila.

22 Tagva Abnerib Asahele okautipsarpa; Pêrit uvamnît. Sôg pijomavît ullimartaunernik uvamnût, ochokovlutit nunamnût? Kanorlo kênara allortitsungnarajarpigo angajuvit Joabib sângane?

23 Kunnulaukporle nûvigilugo. Tagva Abnerib kingumut kallugiaminut kappiva nângagut, kallugiak tunnuagut annilermat; ochovorlo tagvane, tokkolerlunelo tapsoma sângane, nelliallo tikkitok tagvunga Asahalib tokkungavlune nellavigijanganut nokkarpok.

24 Joabible Abisaiblo Abner udlavâk sekkerngub nippininga tikkilugo. Tikkinamiglo Amab kakkarulânganut Giab sânganêtomut, apkome sangmijome Gibeonib sunakajuitunganut;

25 Benjaminib kittorngangit kattilerput Abnerib kingorngane, kattimgajoârsoalerlutiglo, kakkarulaillo illangata kânga aivigivât.

26 Abneriblo Joabe nipliutiva, okarlunelo: Saviksoak sorairane nungutsijuksauva? Nellovit kingorngane ogguanartokarnersaunajarmat? Kannok akkunêrtigijomik innugiartoksuit okautijomangipigît allarkovlugit kattangutimingnit?

27 Joabe okarpok: Sorlo miksekârtomik Gude innôngmat, uvlome uvlâkut taimak okarajalauruvit, innugiartoksuit illunatik attunit allarajarlaukput kattangutimingnit.

28 Joabiblo tiptulaut tiptulausijautigiva, innugiartoksuillo illunatik nokkarput, udlanigungnailutiglo Israelitinik, sorsungnailutiglotauk.

29 Abnerible angutekotingitalo unnuak tamana nâlugô nater-naksoak pissugvigivât, Jordanelo ikârpât, Bithronelo illunât ingergavigivât, tikkilutiglo tangmarvingmut.

30 Joabele tunnulerpok Abneremit, innugiartoksuillo illunaita kattitipait; Davidiblo kivganginit angutit 19 it kingomajauvut, Asahelelo.

31 Davidible kivgangit Benaminekut Abneriblo angutekotingita akkorngane ullimarnilaukput, angutit 360 git tokkotaulaungmatta.

32 Asahelelo kivikpât, illijartorlâlo atâtangata illuvinganut Bethlehemêtomut. Joabelo angutekotinelo illagilugit, unuak nâlugô ingergakattigêkput, kagujauvlutik Hebroneme.

KAPITEL III.

Abnerib illagêlerningani Davidemut, tolkkotauninganiglo Joabemut.

AKKUNÊRTOMIGLE sorsungnekalaukpok Saulib iglomiokotingita Davidiblo iglomiokotingita akkorngane. Davidele agvertarpok pivallialunelo; Saulible iglomiokotingit agvertarput ikighivallialutiglo.

2 Davidemullo nutakkanik erniangojokalaukpok Hebroneme: Ernerikârtanga Amnon, Ahinoamit Jesreelemiomit;

3 Tuglia Kileabe, Abigailemit, Nabalib Karmelemiub nulli-agilauktanganit; pingajuat Absalome, Maachab, Thalmaib attaniub Gesureme panningata erninga.

4 Sittamangat Adonia, Hagithib erninga; tellimangat Safatja Abitalib erninga.

5 Pingasojoat, Jetream Eglamit Davidib nullianganit. Tapkoa Davidemut erniangôlaukput Hebroneme.

6 Sorsungnekartillugo manna Saulib iglomiokotingita Davidiblo iglomiokotingita akkorngane, Abnerib Saulib iglomiokotingit pitsartutipait.

7 Saulelo panervgakalaukpok Rizpamik attelingmik, Ajab panninganik. Isbosethelo Abneremut okarpok: Sôg atâtama pannervganga sinnikattigiviûk?

8 Tagva Abnerib Isbosethib okausingit tamakkoa ningauma-jadlarutigivait, okarlunelo: Kingmiub niakungatut illingavik, Judakut akkerartorlugit Saulib atâtavit iglomiokotinginut, tapsomalo kattangutinginut, illanarijinginullo, napkigosungnermik sakkertitsijunga, pititsilaungitungalo illingnik Davidib agganginut? Igvillo uvlome passivarma idluitullinermik arnak pivlugo?

9 Gudib Abner imâglo, imâglo pinniarvigiliuk, pinniarlungikuma, sorlo Nalekab Davide okautimarilaungmago,

10 Attaniovik Saulib iglunganit pêjartaujuksaungmat, Davidiblo iksivautaksoanga makkitâtitaujuksaungmat, Israelemut Judamullo, Danemit Berseba tikkilugo.

11 Tagva mattoma kingorngane kiojunguangilâ okautsemik attautsemiglonêt, taimak sivuragiva.

12 Abnerelo kivgartortunik tilliklerpok Davidemut, okautsaukolâlo: Kia nuna perkutigivaûk? Okarporlo: Angerkattiginga; ahâk, agama illagijaksarivâtit, sangutitsikovlunga illingnut Israelitinik illunamassianginik.

13 Tamna okarpok: Atte, angerkattigijomavagit. Attauserle tuksiarpara illingnit, kênamnik tækkokonak, kissiane kaititsikârtillutit uvamnut Michalemik, Saulib panninganik, kainiaruvit kênara tækkojomavlugo.

14 Davide kivgartortunik tilliklilaurivoktauk Isbosethemut, Saulib erninganut, okautsaukolâlo: Nulliakotimnik Michalemik tunnitsiviginga angerutigilauktamnik uvamnut Filisterit 100 dit uviningita aminginut.

15 Isbosethelo tilliklerpok tagvunga, tigujaukolâlo angumit taipsomangat Paltielemit, Laisib erninganit.

16 Ungatalo kannilârpa, kêalunelo kingorngane Bahurime tikkilugo. Tagva Abnerib okautiva: Uttilerit, ailutillo. Uttilerporlo.

17 Abneriblo Israelitit angajokaunerôjungit okarkattigivait, okarlunelo: Illipse mattoma sivurngane akkunît Davide pinna-suarlaukpasse attanningorkovlugo illipsingnut.

18 Taimailioleritse manna, Nalekab Davide okautigilaungmago: Innukotikka Israelitit piulijomavakka kivgama Davidib aggangittigut, Filisterit agganginit omigijingitalo illunatik agganginit.

19 Abner okarivoktauk Benjaminekut siutingita sângine; okariartorlunelotauk Davidib siutikita sângangne Hebroneme, tamainik Israelitit Benjaminekullo illunatik namagijanganik.

20 Abnerelo mana Hebronemut Davidemut tikkilermat, ang-
utit 20 git illagallugit, Davidib nerrimârterpait.

21 Abnerelo Davidemut okarpok: Parngnaileromavunga
ajomalungalo Israelitit illunamassiatik kattitilugit angajokam-
nut attanermut, angerkattigivlutit pikovlugit, attaniokovlutit
tarnivit tussugijanganut. Taimak Davidib Abner nûlerkova ing-
minit, aularkovlugo ullapirsautekarlune.

22 Ahâglo, Davidib Joabiblo kivgangit tikkilerput sorsuk-
tokattigênit, neksarlutiglo aksarnigaujunik unnuktunik. Abnerelo
manna Davidemêtsungnailaukpok Hebroneme; nûlerkolaukpâle,
ullapirsautekarlune aularlaungmat.

23 Joabele sorsuktuksaksoakattigêllo illunatik illagællugô
tikkisimangmat, okautsaulerpok, Abner Nerib erninga tikkisi-
malaungmat attanermut, nûlerkolaungmagolo ingminit, ullapir-
sautekarlune aularlaungmat;

24 Tagva Joabib attanek ittervigiva, okarlunelo: Sunalior-
laukît? Ahâk, Abnerib tikkilaukpâtît; sôg nûlerkolaukiûk illing-
nit, aularkovlugo?

25 Abner, Nerib erninga illitaringipiûk? Tikkisimagame
tillioromavlutit, illitarksilerkovlugo itterningsnik, anningnerniglo,
timeroilerkovlugolo pinniarnernik tamainik.

26 Joabelo Davidemit annigame, kivgartortunik tilliklerpok
Abnerib kingorngane, aiklermikovlugit tapsominga Borhasiramit;
Davidelo kaujimalaungilak tamattominga.

27 Abnerelo manna tikkipsarmat Hebronemut, Joabib tessi-
orpa ittertarviksub kerkânut, angigutsivlune okarkattigijomav-
lugo; kappivâlo tagvane nângagut, tokkolerkovlugo, nukame
Asahelib aunga pivlugo.

28 Davide tamattominga kingorngane tussarame, okarpok:
Passijaksaungilanga attaniovigalo Nalekab sângane soraijuitomik,
Abnerib Nerib erningata aunga pivlugo;

29 Joabible niakoanut illingalerle, taipsomalo atâtangata
iglomiokotinginut illunainut; pittakangitsainarniaranelo Joabib
kinguvângine, ajualingmik marnekatsainartomik, kallakadlar-
tomiglo, ajaupialijarlunelo pissugiakartomik, saviksoarmullo
ochotitaujomik, ajoksartomiglo nerkiksamik.

30 Taimak Joabib angajuatalo Abisaib Abner tokkopâk,
tamanna pivlugo nukagik Asahele tokkolaungmago unatadlar-
nerme Gibeoneme.

31 Davidele Joabemut innugiartoksoarmullo illunainut tap-
soma illagijanginut okarpok: Annorase alliktorsigik, pôngniglo
tapseruseritse illipsingnut, Abnerelo oggurilugo pititse. Attan-
niublo pissuklune iklervik mallikpa.

32 Abnerelo illijartormatsuk Hebroneme, attannek nipliar-
kivok, kêalunelo Abnerib illuvigane, innugiartoksuillo illuna-
tik kêavuttauk.

33 Attanniublo Abner ârusutigiva, okarlunelo: Abner tokkolerlaungilak sillaitub tokkolerningatut.

34 Aggaktit kellaksorsimalaungilet, ittikkatillo kippitjutinut illijaungilet; ochosimavotit, sorlo nelliat uivêtoâlungnut ochotitaungmat. Tagva innugiartoksuit illunatik kéagiluarpât sulle.

35 Innugiartoksuit illunatik manna ittermatta Davide nerrikattigijomavlugo uvlomarikillugo sulle, Davide angermarikipok, okarlunelo: Gudib imâglonêt imâglonêt pinniarvigilinga, kakkojaktoruma, sunamiglonêt ôksiguma sekkinek nippilerkârtinnago.

36 Inugiartoksuillo illunatik tukkisilerpât, attanniublo pinniarningit tamaita namagijauvat inugiartoksuit illunamassiatik iijingita sângine.

37 Inugiartoksuillo illunatik Israelitillo illunamassiatik tukkisilerput uvlorme taisomane, attannermit pilaungimat Abner Nerib erninga tokkotaulaungmat.

38 Attaniublo kivgane okautivait: Kaujimangilase uvlorme tamattomane attannek, pijariakôrtojojro ochosimangmat Israeleme?

39 Uvangale sangêpunga, attanniolungalo mingoarsimajok. Angutigle Zerujab kittorngagik, sinaungavuk uvamnūt. Nalekab tamna idluitullijok akkinniarvigiliuk, idluitullininga malliklugo.

KAPITEL IV.

Isbosethib tokkotauninganik. Davidiblo alkiniarninganik tokkotauninganik.

SAULIBLE erninga tussarame Abnerib tokkotauninganik Hebroneme, aggangit nukkingêrotilerput, Israelitillo illunamassiatik koaksarput.

2 Sauliblo erninga angutekalaukpok maggungnik angajokaujgunik sorsuktuksanut; aipanga attekalaupok Baenamik, aipanga Rechobemik, Rimonib Berothemiuub ernigingnik Benjamineb kittornganginit pijub. Beroth Benjaminekunut illingalaungmattaupok.

3 Berothemiuullo kemâlaukput Gethaimemut tujormiangolutiglo tagvane, uvlok tamanna tikkilugo.

4 Jonathane, Saulib erninga ernekalaurivok, tamna ittikamine tussialaukpok, Jahrekalauporlo tellimanik, pijokalaupok Saule Jonathanelo pivlugik tussartautilugit Jesreelemit, pairijingatalo kivikpa kemâlunelo; tuavilukârtillugolo kemâlunelo, pâlakpok tussialerlunelo; attekalauporlo Mefbosethemik.

5 Taimak manna Rimonib Berothemiuub ernigik Rechobe Baenalo aivuk, tikkilutiglo Isbosethib iglunganut, uvlub kiakarpangoningane; innangavorlo innarvingmine ketterartillugo.

6 Tikipuglo iglub illuanut, kakkojaksanik Waizenik aiklepomavlutik, kappiváglo nángagut kemálutiglo.

7 Iglo mut ittermannik taimna nellavok sinigvingmine inarvingmine, kappiváglo tokkolermat, niakungalo nakkarpák, niakungalo tiguvák, aularlutiglo apkosinerme naternaksoakut pijome unnuak nálugo.

8 Apáglo Isbosethib niakunga Davidemut Hebronemut, okarlutiglo attanermut: Ahák tagva Isbosethib, Saulib erningata, omigijivit, tarningnik unangmiklerlauktub niakunga; Nalekab uvlome angajokara attannek akkiniarutigilaukpa Sauleme tapso-malo kinguvángine.

9 Tagva Davidib kiovak: Sorlo Nalegak miksekârtomik inôngmat, tarnimnik piuliklerlauktok kappianartunit tamainit,

10 Taimna tigulaukpara nellonairsijok uvamnik, okartorlo: Saule tokkungavok, issumakalauktorlo pijokartunik ajungitunik unipkarame, tokkolaukparalo Ziklageme, akkilertauniarasugitilugo uvamnut, unipkautsine pivlugit.

11 Inûglo idluitoáluk ukkoa angut idluartok tokkolaukpák iglungane, inangavingane. Illa auk tamanna kaikojaksaringipigo aggapsingnit, illiptiglo pèrlutik nunamit?

12 Davidiblo innuosuktekotine perkovait; tapkoa tokkopakit, aggangillo ittiggangillo nakkarpait nivingatilugiglo tetsib kiglingane Hebronemétome. Isbosethible niakunga tiguvât illijartorpálo Abnerib illuvinganut Hebronemétomut.

KAPITEL V.

Davidib mingoartaupsarninganik attanermut Israelitinut illunainut; salakarninganiglo Jerusalemiunik Filisteriniglo.

KINGUVARÊLLO Israelitit illunatik tikkilerput Davidemut Hebronemut, okarlutiglo: Ahák, saunekattigivaptigit, uvinekattigilutillo.

2 Taimaglotauk mattoma sivurngane Saule attanniotillugo uvaptingnut, igvit Israelitit aulartilugillo ittertilaukpattit. Nalekablo okautilaukpâtít: Igvit innukotikka Israelitit pairijaksarivattit attaniojuksaulutillo Israelitinut.

3 Angajokaunerôjullo Israelitine illunatik tikkilerput attanermut Hebronemut. Attaniublo Davidib angerkattigivait Nalekab sângane, tapkoalo Davide mingoarpát attanningortilugo Israelemut.

4 Davide Jahrekalaupok 30 ginik attaningortitaugame, attanniotilunelo Jahrit 40 git nálugit.

5 Hebroneme attanniotilaukpok Jahrit 7 it takkillo 6 it náv-

lugit Judakunut; Jerusalemele attanniotilaukpok Jahrit 33 git nâvlugit, Israelitit illunamassianguinut Judakunullo.

6 Attannerlo angutekotine illagællugit aularpok Jerusalemut, Jebusiterit nunakalauktut tagvane sorsugvigijomavlugit. Tapkoale Davide okautivât: Oyunga itterniangilatit; tautungitulles tussiatullo agviarniarpâtit. Issumakalaukpulle Davide tagvunga itterungnarniangimat.

7 Davidible Zionib igloksoanga sôngojok aksarnigariva, tagva Davidib iglugaseksoangit.

8 Tagva Davide uvlorne taipsomane okarpok: Jebusiterinik salakartok, tikkitorlo iglut kânginut, tussietunut tautungitunullo, Davidib tarningatâ omigijanguinut, tamna aulatsijungortitaujuk-sauvok angajokangortitaujuksaulunelo. Tamanna pivlugo okartokarpok: Ittertokarniarane iglomut tussietomiglonêt tautungitomiglonêt.

9 Taimak Davidib igloksoak sôngojok iglogiva, tailugolo: Davidib iglogaseksoangit. Davidelo igloliarpok avatâgut Millomit, illuanelo.

10 Davidelo agvertarpok pivallialunelo, Nalekablo, Gudib Zebaothib illagiva.

11 Hiramiblo Tirusemiut attannerijangata Davide kivgartortunik tilliklervigiva, nappartuniglo Cederinik, iglub seneranganut illingajunik, igluliorteniglo, ujaralerijuniglo, iglomik igluliorkovlugit Davidemut.

12 Davidelo tukkisilerpok Nalekab attanermut Israelitinut nakkiterlaungmago, attaniovigalo angijorortimago innukotine Israelitit pivlugit.

13 Davidelo nulliaitsarinersauvok, panervgaksarinersaulunelo sulle Jerusaleme, Hebronemit tikkilaukârdlune; ernetarnersaulunelo sulle pannetarnersaularmelo.

14 Tamakkoalo erniangolauktut tapsomunga Jerusaleme attingit: Sammua, Sobabe, Nathan, Salomo.

15 Jebehar, Elisua, Nefeg, Jafia.

16 Elisama, Eliada, Elifaleth.

17 Filisterillo tussaramik Davide attanningortilugo mingoartaulaungmat, illunatik paunga majorarput Davide kenneromavlugi. Davide tamattominga tussarame attersarpok igloksoarmut avalulingmut.

18 Filisterille tikkilerput tangmarterlutiglo Refaimib naksangane.

19 Davidiblo Nalegak appertsorpa, okarlunelo: Paunga majorartuksauvik Filisterit akkerartorlugit? Aggamnullo tunnijomavigit? Nalegak Davidemut okarpok: Majorarit takpaunga, Filisterit tunnijomavakka agganngut.

20 Davidelo tikkipok Baal-Prazimemut, ullimarpaillo tagvane, okarlunelo: Nalekab omigijikka sivunamne siamartilaukpait sorlo

imiksuit suppingmatta. Tamanna pivlugo nuna tamna taijau-laukpok Baal-Prazim.

21. Gudioakotitiglo kemmakpait tagvunga; Davidible ang-utekotingitalo tiguva.

22 Filisterille ama majorarput paunga, tangmarterlutiglo Refaimib naksangane.

23 Davidiblo Nalegak apperiva; tamna okarpok: Majorar-tuksaungilatit paunga; kingorngattigulle tikkikit, tikkikovlutit tapkonunga nappartut Maulberiggit sâdlugit.

24 Tussarniaruvillo nappartut Maulbeeriggit pappingita kê-aksungningat pigialermat, tagva tuavitit, Nalegak annisimang-mat sivunerne, Filisterit kattimgajoksoakotingit annauleromav-lugit.

25 Davide taimailiorpok, sorlo Nalekab perkolaungmago, ullimarpaillo Filisterit Gebamit Gaser tikkilugo.

KAPITEL VI.

*Angersimanerub iklervingata ittertauninganik Jerusalemut
kuviasungnermut.*

DAVIDIBLO ama angutit innuosuktut Israeleme illunaita kat-titipait, 30,000 dit.

2 Parngnailerporlo, ailunelo innugiartoksuit illagijane Ju-dakunit illunatik illagilugit, aikleromavlune takpaunga Gudib iklervinganik, attekartomik tukkelingmik imaitomik: Nalekab Zebaothib attinga kângane innekarpok, Kerubimib kollâne.

3 Tapkoalo Gudib iklervinga ikkitipât aksalloalingmut nu-tâmaringnut, ailugolo Abinadab Gibeonemêtub iglunganit. U-sable Ahioblo, Abinadab ernikita aksalloalik nutâk aulatipait.

4 Tapkoalo Gudib iklervinga illaliudlugo anningmatsuk Abi-nadab Gibeoneme nunakalauktub iglunganit, Ahioalo iklerviub sivorngane pissuktillugo;

5 Davide, Israeliblo iglomiokotingit illunamassiatik nokak-seralingnik sunatuinarnik, kejungmit keblariktomit sennamaju-nik, attorput Nalekab sivorngane, Harfinik, Psalteriniglo killau-tiniglo, sivaniârsungniglo Cimbeleniglo.

6 Tikkimattalo Nachonib kakkojaksalliorvinganut, Usab is-sakpa najumilugolo Gudib iklervinga, tuktuva.

7 Tagva Nalekab Usa illungertorlune ningaumajarvigilerpa, Gudiblo annauva tagvane idluitullininga pivlugo, tokkokovlugo Gudib iklervingata tungâne.

8 Tagva Davide kiksalerpok, Nalekab Usa taimak sugauti-laungmago; innelo tamna taiva Perez-Usamik, uvlok tamanna tikkilugo.

9 Davidiblo uvlorme taipsomane Nalegak sivuragiva, okarlunelo: Kannok Nalekab iklervinga uvamnut kaijuksauva?

10 Ingminullo âtaukojomalaungila Davidib iglugaseksoanginut, âtaukovâle Obed-Edomib Gathemiub iglunganut.

11 Nalekablo iklervinga takkit pingasut nâlugit Obed-Edomib Gathemiub iglunganetuarmat, Nalekab pitsartutipa, iglomiokatingillo illunaita.

12 Attannerlo Davide okautsaulerpok tamattominga, Nalekab Obed-Edomib iglomiokotingit, tamaitalo pigijangit pitsartutimagit, Gudib iklervinga pivlugo. Tagva aivok aiklerlunelo Gudib iklervinganik Obed-Edomib iglunganit, takpaungartilugo Davidib iglugaseksoakotinganut, kувiasudlarlune.

13 Tapkoalo Nalekab iklervinganik akkigartut sivumualaukârlutik ablornernik pingasojortunik, tunnergumik tunnijijokarpok tuktuvangmik attautsemik, saukamiglo koinijomik attautsemik.

14 Davidelo illungertorlune okigêserpok Nalekab sivurngane, tapserusersimalaukporlo ulliksoarmik sâtomik.

15 Davidiblo Israelitillo illunamassiatik Nalekab iklervinga takpaungartipât, igiakomijarlutik, tiptulausijarlutiglo.

16 Nalekablo iklervinga Davidib iglugaseksoanginut tikkilermat, Michal Saulib panninga nuitavok igalakut, tækkovâlo attanek Davide kiggertartillugo okigêsertillugolo Nalekab sivurngane, nachogivâlo omættimine.

17 Nalekable iklervinga ittertingmatsuk, illivât inniksanganut, tuppiub Davidib tuppertorlauktangata tapsomunga kerkânut. Davidelo tunnijivok tunnergutininik ôtaksanik kujalijutiksaniglo Nalekab sângane.

18 Davidiblo tunnergutit ikkoalajaksat, tunnergutillo kujalijutiksatsat tunnijarêramigit, innugiartoksuit saimartipait Nalekab Zebaothib attingane.

19 Aitortorpailllo innugiartoksuit illunaita, Israelib unnurningit, tamarmik angutit arnallo attunit niakojarsumik sâtomik, abvakomiglo nerkemik, Weinemiglo oktut tættælugo. Tagva innugiartoksuit illunatik sangulerput attunit iglomingnut.

20 Davidele uttermat iglomiokotine saimartitsomavlugit, tagva Michalib Saulib panningata pachreartorpa, okarlunelo: Kannok ânanaudlalaupok uvlome Israelitit attanningat, kivgame kivgangita arnat sângine anorairsimalauktok, sorlo innuit illuserluktut annorairpangmatta.

21 Davidele Michalemut okarpok: Harfesijaromavunga Nalekab sângane, annerosulauktub uvamnik atatarnit taipsomalo iglomiokotinginit illunainit, perkolaungmanga attanniojuksaukovlunga Nalekab innukotinginut Israelitinut;

22 Mikkinersauleromavungalo sulle tamattomangat, pijaria-kitonasugijomavungalo ijipkut, kivgello arnat okautigilauktatit illagilugit nertortaujomavlunga.

23 Michalle Saulib paninga kittorngakalaungilak tokkome uvlunga tikkilugo.

KAPITEL VII.

*Davidib senajomaninganik Tempelemik, angervioninganiglo
Messiasemik. Tuksiarninganiglo.*

ATTANNEK manna iglomme iksivagame, Nalekab mergoêr-serviksamik tunnitsivigilaungmago omigijinginit avatanêtunit tamainit;

2 Nellautaijomut Nathanemut okarpok: Ahâk, uvanga iglo Cederinit sennamajok innigivara, Gudiblo iklervinga innekarpok itsat attâne.

3 Nathanib attannek okautiva: Ailerit, tamaita omattingnê-tut pinniarniarkit, Nalekab illagingmattit.

4 Unuarnele Nalekab okausinga tikkipok Nathanemut, okarlunelo:

5 Ailerit okarlutillo kivgamnut Davidemut: Imâk Nalegak okarpok: Igvit iglolioraksarivinga takkamane innekarkovlunga?

6 Iglome innekalaungitunga sulle uvlormit taipsomangat Israelitit Egiptenemit aularutilaurapkit, uvlok tamanna tikki-lugo, agvertarlaukpungale tupperme, innekartomelo.

7 Namullonêt Israelib kittorngangit illunaita illagilugit ag-vertarlaurama; Israelib kinguvarêngita nelliât okarkattigilau-ralloarpigit, perkolugit innukotikka Israelitit pairilugit, okar-lungalo: Sôg igloliorlungipissinga Cederelingmik?

8 Taimak manna imâk okartuksauvotiv kivgamnut Davidemut: Imâk Nalegak Zebaoth okarpok: Tigulaukpagit saukat miane-rijauvinganit attanniojuksaukovlutit innukotimnut Israelitinut;

9 Aiparilaukpagillo namut aivigilauktarnut, omigijitillo illu-naita sivunerne pëjarlaukpakka, attekartilaukpagillo angijomik, sorlo angijoksuit nunamêtit attingititut.

10 Uvangalo innukotikka Israelitit innekartitsomavakka, illijomavakkalo, tagvane nunakarkovlugit, tamarnartovingmelo agvertarungnaikovlugit, kassênerublo kittorngangit tetjarungnai-kovlugit tapkoninga sivurnganetut.

11 Nelliutomillo taipsomangamit idluarsaijunik pititsilau-rama innukotimnut Israelitinut; merngoêrsernermiglo tunnitsivi-gijomavagit omigijingnit illunainit. Nalekablo nellojungnaiti-pâtit, Nalekab igvit iglomik iglolioromangmattit.

12 Manna nelliunit annigoromârpät, atâtagijattit illagællugit nellavlutit sinnigomâruvit, kinguvaksat, timingnit pijuksak king-unerne makkititsomavara, taimna attaniovinganik nakkitervigi-jomavara.

13 Taipsomalo attera iglolioraksariva, uvangalo attanio-vingata iksivautanga sokkosijuititsomavara soraijuitomik.

14 Uvanga atâtaujomavunga taipsomunga, taimnalo erniojuk-sauvok uvamnut. Idluitullinermik piniarpat, innuit issakauting-inut, innuillo kittorngangita annautanginut sugiaromavara;

15 Napkiningnerale pêrtaujuksaungilak taipsomangat, sorlo pêrlaurapko Saulemit, sivunerne pêjarlauktara.

16 Igluille, attanniovillo sokkosijuituksauvuk issokangitomut sângne, iksivautallo soraijuituksauvok issokangitomut.

17 Nathanib okautsit tamakkoa illunaita, tækkotitsûglo tamana tamât okautigijarêrmagit Davidemut;

18 Tagva Davide attannek kaivok, nokkangalunelo Nalekab sângane, okarlunelo: Kinauvik Nalegak Nalegak! iglomiokatik-kalo sunauvât, manna tikkidlugo âlauramga?

19 Tamannalo tappilugo tamanna suglugilaukpat Nalegak Nalegak! kivgaville iglunga okarvigilaukpat sulle kanningitut pijomârtullo pivlugit. Tamanna illusiôvok innub illusingatut, Gudeôjub Nalegaujublo.

20 Sunamiglo Davidib anginersamik okarkattigijaksarivâtit? Kivgait illitarivat Nalegak, Nalegak!

21 Okautsitit pivlugit, omattekotillo malliklugo taimaitunik pijariakortôjunik pinniarlaukpotit, kivgait nellojungnaitigangne tamakkoninga.

22 Tamanna pivlugo angijônasugijauvotit; illiktut îtokangimat, Gudekangilarlo illiktun îtomik; tamaita siutiptingnut tus-sarlauktavut malliklugit.

23 Nanele nuname innukattigéksoakaka innukotiktut Israelititut? tapkoa pivlugit Gude ailaungmat innukotiksaminik piulikleromavlune, attekartitsomavlune ingminut, pinniarnerniglo taimaitunik angijoksoarnik kappianartuniglo pinniarlune nuna-kotingne, innukotivit sângine, piulilauktavit illingnut Egiptene-mit, nellojunit, Gudingoanginillo.

24 Igvillo innukotitit Israelitit innukotingortilaukpattit illingnut soraijuitomik; igvillo Nalegak Gudiôlerlaukpotit tapkoninga.

25 Taimak manna Nalegak Gude okautsit tamakkoa okau-serilauktattit kivgait iglungalo pivlugik nakkiterkit issokangitomut; pinniarlutillo sorlo okalauravit.

26 Tagva attit angijororniarpok issokangitomut, okartokaromârkovlugo: Nalegak Zebaoth Gudeôvok Israelitinut. Kivgavillo Davidib iglunga sokkosijuijomârpok sângne.

27 Igvit Nalegak Zebaoth Israelitit Gudingat, kivgavit siutinga angmarpat okarlutillo: Uvanga iglomik iglulioromavagit. Tamanna pivlugo kivgavit omattine nachvarpa, tuksiarnerit tamakkoa tuksiarutigilugit illingnut pikovlugo.

28 Manna Nalegak Nalegak! Igvit Gudeôvotit, okautsitillo miksekârnioniarput. Igvit ajungitut taimaitut okautigilaukpattit kivgarnut.

29 Taimak pigiarit manna, kivgavillo iglunga pitsartut-lauruk, sângnetsainarkovlugo soraijuitomik; igvit Nalegak Nalegak! okautigilaurangne, saimartitsinernullo kivgavit iglunga, saimartitaujomârpok soraijuitomik.

KAPITEL VIII.

Davidib salakarninginik sunatuinarnik. Pinniarkojaunerillo pijariakortônerpât âkiktauninginik.

PIJOKALAUKPORLO mattoma kingorgane Davidib Filisterit sâlagimgagit, nukkingêrotipaillo; sappulutaksoarlo sôgojok kakkarulângme Amamik attelingme aksarnigariva Filisterit agganginit.

2 Moabiterit ullimarlaurivait taimak, pingajuingit magguit tokkomut pitingmagit, pingajuingillo attautsit innukongmagit. Taimak Moabiterit kivgangortitauvut Davidemut, âtsilutiglo pilliutinik tapsômunga.

3 Davidib Hadad-Eser, Rehobib erninga Zobamiut attaningat sâlagigiva, ingergarame, pitsartunine aingmilugo, kôngmut Fratemut.

4 Davidiblo tapkonangat tiguvait 1700 dit horsit kângine ablangajut, 20000 dillo pissuktut, aksalloalingillo illunaita attoraksaujungnaitipait, aksalloaggillo 100 dit amiakokovait.

5 Siriamiullo Damaskusemit kaivut Hadad-Eser, Zobamiut attaningat ikajoromavlugo; Davidiblo Sireamiut angutit 22000 dit ullimârpait.

6 Sorsuktuksaniglo pititsivok Damaskusemut Siriamêtomut. Taimak Siriamiut kivgaulerput Davidemut, pilliutinik âtsilerkovlugit tapsômunga. Nalekab Davide ikajormago namut ainingine illunaine.

7 Davidiblo sappulutat Goldeôjut Hadad-Eserib kivganginut illingalauktut tiguvait, âlaitalo Jerusalem.

8 Betamille Berothaimemillo Hadad-Eserib iglugaseksoanginit attanek Davide tigusivok kannujarmik unnudlartomik.

9 Toile attaniôjok Hematheme tussarame Davidib Hadad-Eserib sorsuksoakotingit illunaita ullimarlaungmagit;

10 Ernine Joram tilliva Davidemut, illanakardlunelo salutitaukova, saimartitaukolâlo Hadad-Eser sorsugvigilaungmago sâlagilaungmagolo, (Toi unatadlarnekarmat Hadad-Eseremut) najortekarporlo pivianartunik Silbereôjunik, Goldeôjuniglo, kakkorliôjuniglo;

11 Tamakkoa attaniub Davidib perkutautipaittauk Nalekamut, Silbere Goldelo assingit Nalekamut perkutaulauktangit nellojunit illunainit nalektilauktaminit, illaliudlugit:

12 Siriamiunit, Moabemiunit, Ammonib kittornganginit, Filisterinit, Amalekiterinit, Hadad-Eseriblo Rehub erningata, Zobamiut attaningata aksartaujutigijanginit.

13 Taimaktauk Davidib attine angijorortipa, utterame Siriamiullo 18000 dit ullimaramigit sioraujaliub naksangane.

14 Sorsuktuksaniglo pititsivok Edomiut nunanganut, Edomiullo illunamassiatik David nalekpât, Nalekab Davide ikajormago, namut ainingine illunaine.

15 Taimak Davide attanniolaupok Israelitinut illunamassianginut, idluarnermiglo idluarsainermiglo sakkertitsivok innugiartoksoarnut illunamassianginut.

16 Joabe, Zerujab erninga angajokaulaupok sorsuktuksaksoakattigênut; Josafatele, Ahiludib erninga aglakteôlaupok attanioviub pijokarninginik.

17 Zadok Ahitob erninga, Ahimelechelo, Abjatharib erninga ajochertuijersoangôlaupok; Seraja aglaktakpakteôlaupok.

18 Benaja Jojadab erninga angajokaulaupok Krethinut Pletinullo. Davidib erningit attannertuijôlaupok.

KAPITEL IX.

Davidib ajungitullininganik Jonathanib erninganut.

DAVIDELO okarpok: Amiakokariva sulle kinamik Saulib iglunganit, napkinernermik pinniarkovlunga tapsomunga Jonathanane pivlugo?

2 Kivgakalaukporle Saulib iglunganit Zibamik attelingmik, tamna kaikovât Davidemut. Attanniublo okautiva: Zibaôvît? Tamna okarpok: Ahaila, kivgait.

3 Attannek okarpok: Pittakarka sulle kinamik Saulib iglunganit, Gudib napkigosungninganik pinniarvigilugo pikovlunga? Ziba okarpok attannermut: Pittakarpok sulle Jonathanib erningita illanganik ittikamigut tussiatomik.

4 Attanniub okautiva: Nanekâ? Ziba okarpok attannermut: Ahâk Lodabaremêpok, Machirib Amielib erningata iglungane.

5 Tagva attannek Davide tilliklerpok tagvunga, aijaukolâlo Lodabaremit Machirib Amielib erningata iglunganit.

6 Manna Mefiboseth Jonathanib, Saulib erningata erninga, Davidemut tikkiname, pamakterlune kênane pûpa, opigosuklunelo. Davidele okarpok: Mefiboseth! Tamna okarpok: Mânepunga kivgait.

7 Davidib okautiva: Sivoraniarnak; takopsoanermik pinniarvigijomagapkit, Jonathan, atâtait pivlugo; atâtatsiavillo Saulib perorsêvikotigilauktanginik illunainik tunnitsivigijomagivagit; igville uvlut tamaita nerrimavikotimne nerrikattautsainartuk-sauvotit.

8 Tamnale opigosukpok, okarlunelo: Kinauvik uvanga kivgait, sâleravit kingmemut tokkungajomut, sorlo uvanga illingagama?

9 Tagva Davidib Ziba Saulib kivganga, kaikova okautilâlo: Tamaita Saulib iglomiokotingitalo illunatik perkutigilauktangit tunnimaavakka angajokavit erninganut.

10 Taimak manna perorsêvikotinga sennalersiuk igvit, kittorngakotivillo, kivgakotivillo, kattitilugillo perortangit, innogutiksaukovlugit angajokavit erninganut, nerkiksakarkovlugo; Mefibosethele angajokavit erninga, uvlut taimaita nerrikattaujuksauvok nerrimavikotimne. Zibale ernekalaukpok 15 enik kivgakalarmelo 20 ginik.

11 Zibalo attannermut okarpok: Tamainik, sorlo angajokama attanniub kivgane perkolaungmago, taimak kivgait pinniartuksauvok. Mefibosethelo nerrijuksauvok nerrimavikotimne sorlo attanniub kittorngangita nelliattit.

12 Mefibosethelo erniârsukalaukpok, tamna attekalaukpok Michamik. Zibable iglomiokotingita illunatik Mefibosethe kivgatorpât.

13 Mefibosethele iglokalaukpok Jerusaleme, nerrigame uvlut tamaita attanniub nerrimavikotingane, tussialaukporlo ittikamigut igluktut.

KAPITEL X.

*Ammoniterit idluitullininganik Davidib tillijanginut,
salagijauninginiglo.*

MATTOMALO kingorngane pijokalaukpok Ammonib kittorngangita attanningat tokkolermat, erningalo Hanon attaningor-pok taipsoma innigilauktangane.

2 Tagva Davide okarpok: Napkinernermik pinniaromavunga Hanonemut Nahasib erninganut, sorlo taipsoma atâtangata napkinernermik pinniarvigilaungmanga. Tilliklerporlo tagvunga, mannigortaukolâlo kivgaminut atâtanga pivlugo. Davidib kivgagit manna tikkimatta Ammonib kittorngangita nunanganut,

3 Tagva Ammonib kittorngangita angajokaunerôjungit okarput Hanonemut, angajokamingnut: Issumavit Davidib atâtait

opigingmago ijikpît sângangne, manigoijunik tilliklervigilaungmattit? Issumalungilatit tamanna pivlugo kivgane tillilauramigit illingnut, iglugaseksuit nautsertoromagamigit, tukkisinasuarlugillo, serkomilugillo?

4 Tagva Hanonib Davidib kivgangit tiguvaît, umingillo kippivaît koppilugit, annorângillo kipjaumiktorpait ketterarlugit tapserut tikkilugo, aularkolaitalo.

5 Davide tamattomunga okautsaumagame, tilliklerpok pachreartaukovlugit; angutit taipkoa angijomik kangusuktitaulaungmatta. Attaniublo okautsaukovait: Jerichometuaritse, umise perorsearilugit, kingorngane uttileritse.

6 Ammonible kittorngangit tækkogamik tippilungorsimagamik Davidib sângane, tilliklerput kaikojilutiglo Siriamiunik, Rehobib iglomiokotinginik, Siriamiuniglo Zobamiunik, angutinik pissuktunik 20000 dinik, attannermillo Maachamit angutinik 1000 dinik, Istobemillo 12000 dinik.

7 Davidib tamanna tussaramiuk, Joabe tilliva sorsuktuksaksoakattigêt illunamassiatik illagilugit.

8 Ammoniblo kittorngangit aularput, parngnailerlutiglo sorsungnermut ittertarviksub upkoangata sillatâne. Siriamiulle Zobamit, Rehobemillo, Istobemillo, Maachamillo, kissimik naternamelaukput.

9 Joabelo manna tækkogame sorsungnek tapsomunga torarmat sivurânit kingornganillo; Israelitit angutinginit innuosuktunit illunainit annerosukpok, parngnailunelo Siriamiut akkerartoromavlugit.

10 Inugiartoksuillo assingit pitipait angajume Abisaib agganginut, parngnailerkovlugo Ammonib kittorngangit akkerartorlugit.

11 Okarlunelo: Siriamiut ajugauniarpatta uvamnut, tagva ikajoriartorlaunga; Ammonible kittorngangit ajugauniarpatta illingnut, tagva uvanga ikajoriartoromavagit.

12 Mannigorit, pitsartulertalo innukotivut Gudiptalo iglugaseksoangit pitjutigællugit; Nalegarle pinniarle namagijaminik.

13 Joabiblo innukotine illagijine illagilugit Siriamiut kaglierpait sorsugvigilugit; taipkoalo kemâvât.

14 Ammoniblo kittorngangit tækkogamik Siriamiut kemângmatta, nangminektauk Abisai kemâvât, itterlutiglo iglugaseksoarnut. Taimak Joabe uttilerpok Ammonib kittornganginit, tikkilunelo Jerusalem.

15 Siriamiullo tækkogamik salagijaugamik Israelitinut, kattilerput attautsemut,

16 Hadad-Eserelo tilliklerpok aijautipaillo Siriamiut kôksub akkianêtut, tikkipullo Helamemut, Sobachiblo Hadad-Eserib sorsuktuksaksoakotingita angajokangata sivorlervigivaît.

17 Davide tamattominga okautijaumagame Israelitit illuêngarlutik kattitipait, ingergalunelo Jordan ikârlugo, tikkilunelo Helamemut. Siriamiullo parngnailerput Davide akkerartorlugo sorsugvigijomavlugo.

18 Siriamiulle Israelitit kemâvait; Davidiblo Siriamiunit aksalloaggit 700 dit innungit, horsillo kângine ablangajut 18000 dit tokkopait; tapkoa illaliindlugit Sobache sorsuksoa-kattigêt angajokangat ullimarpa tokkokovlugo tagvane.

19 Attannille Hadad-Eserib nalektingit tækkogamik salagi-jaunermingnik Israelitinut, ulapirsautiksaliiorput Israelitinut, naleklutiglo tapkoninga. Siriamiulle sivuravut Ammonib kit-torngangit ikajornersarilugit.

KAPITEL XI.

Davidib asseroïninganik nulliarêngnermik, tokkotsininganiglo.

JAHRELO annigormat, nelliutome attannît aularvigivaktangane, Davidib Joabe kivganelo illagællugit, Israelitillo illuêngarlutik tillivait, asseroikovlugit Ammonib kittornganginik, Rabbalo illuvait. Davidele Jerusalemetuarpok.

2 Pijokalaukporlo Davide unnub nelliuningane makkilerame innangavingminit, pissuklunelo attanniub iglungata kângane, kânganillo tækkova arnak ubvartok ingminik, arnarlo tamna taututsiarilaukpok.

3 Davidelo tilliklerpok tagvunga, arnarlo taimna apperkutigijaukova, okarkojilunelo: Bathsebaungilâk taimna, Eliamib pannia; Uriab Hetiteriôjub nullianga?

4 Davidelo kivgartortunik tilliklerpok tagvunga, aijaukolâlo. Tapsomalo ittervigingmatsuk, sinnikattigiva. Tamnalo arnak sujungaitipok ingminik sujungnerminit, utterlunelo iglominut.

5 Arnarlo singailerpok, tilliklerlunelo, Davidelo nellojung-naititaukova okautsaukolâlo: Singaititaumavunga.

6 Davidele tilliklerpok Joabemut: Tilliklerviginga Uriamik Hetitereôjomik. Joabiblo Uria tilliva Davidemut.

7 Uriablo tikkingmatsuk, Davide appertsorpok Joabe innugiartoksuillo sorsungnerlo pivlugit, illingatsiaralloarmangât?

8 Davidiblo Uria okautiva: Attersarit iglokotingnut, ubvarlutillo ittiggangnik. Urialo anningmat attanniub iglunganit, attanniub pilliutinga mallikpok tapsomina.

9 Urialo innariarpok attanniub iglungata upkuangata sângane, angajokame kivgangita illunatik innangavinganut, attersar-taililunelo iglominut.

10 Davidele okautijaulerame: Uria attersarlungilak iglomi-

nut; Davidib okautiva: Nunab assianit tikkisimangilatit? Sôg attersarlaungilatit iglokotingnut?

11 Uriaie Davidemut okarpok: Iklervik, Israelitillo Juda-miullo tuppernetualerput, angajokaralo Joabe, angajokamalo kivgangit unnatadlarnermeput; uvangalo iglumnut aijuksauna-jarkik, nerrikovlunga, immerkovlungalo, nulliaralo innangakat-tigilugo? Sorlo miksekârtomik innôgavit, tarnillo inôngmat, taimailiorlungilanga.

12 Davidib Uria okautiva: Taimak uvlometauk ovanetuarit, kaupat aularkojomavagit. Taimak Uria uvlorme taipsomane, aipanganelo Jerusalemetuarpok.

13 Davidiblo kaikova, sângane nerrikovlugo immerkovlugolo; tallatipalo. Unnungmallo annivok, innariarlune sinnigomamut innangavingminut, angajokame kivgangit illagilugit; attersarlungi-larlo iglominut.

14 Uvlarme Davide aglangnik aglakpok Joabemut, tillikliu-tilaitalo Uriakut.

15 Aglakporle aglangne tapkonane imâk: Uria pitisiuk sor-sungnerub sugaluluarvianut, tunnulugolo allarsiuk, ullimartau-kovlugo, tokkokovlugolo.

16 Joabiblo manna iglugaseksuit illumangmagit, Uria inne-kartipa kaujimajaminut angutekarmat tagvane sorsugungnar-tunik.

17 Iglugaseksuillo angutingit annidlarmatta Joabelo sorsug-vigingmatsuk, innugiartoksuit Davidib kivgangita illangit ocho-vut, Urialo Hetitere tokkogivok.

18 Tagva Joabe tilliklerpok, Davidelo okautsaukova tamai-nik, sorsungnerub illuserilauktanginik.

19 Tillijarlo perkova, okarlunelo: Sorsungnerub illuserijanga tamât okautigijarêrungne attanermut,

20 Tækkoguvillo attannek ningarosulermat, okautikpattillo: Sôg sorsungnerme taimak iglugaseksuit kanileriartorlaukpissigik? Kaujimangilase kannok pittiksertokarpangmat avalut kânganit?

21 Kia Abimeleche Jerubetib erninga annaulaukauk? Ar-nab serkalitsiviub ujaraktangata illakunga egilaungikauk avalut kânganit tapsomunga, tokkolugo Tebezeme? Sôg avalut taimak kaninariartorlaukpissigik? Tagva okartuksauvotit: Kivgait Uria Hetitereôjok tokkungagivok.

22 Tillijarlo aivok tikkilunelo, okarlunelo Davidemut tamai-nik, tillijaujutigijaminik Joabemut.

23 Tillijarlo Davidemut okarpok: Angutit ajugarilaukpavut, annidlarlutiglo uvaptingnut naternamut, uvagulle tapkoa tung-anelaukpogut ittertarviksub upkoangata sânga tikkilugo.

24 Pittiksertullo pittiktarlaukput kivgarnut avalut kânganit, tokkolaitalo illangit, attaniub kivganginit; tapkoalo illagællugit kivgait Uria Hetitereôjok tokkogivok.

25 Davide tillijamut okarpok: Imâk Joabemut okartuksauvotit: Tamanna kuvianaijutiginiarnago pît, saviksoak nungut-singmat manna ominga, manna ipsominga. Katsungaileritse sorsungnerme iglugaseksoarnik, serkomitsikovlutit tapkoninga; mannigorillo.

26 Uriablo nullianga tussarame uine Uria tokkungmat, uine ogguriva.

27 Ogguarêrmalle, Davide tilliklerpok aijaukolâlo iglominut, nulliangolerporlo tapsomunga, ernilunelo tapsomunga ernermik. Nalekable pinniarnek tamanna Davidib pinniartanga idluigiva.

KAPITEL XII.

Nathanib okâlaninganik kakkiakerkojijomik; Davidib kakkiaker-ninganik; nellojungnaititauninganik Gudib issumangnarungnain-ninganik. Salomonib innulerninganik. — Ammoniterit salagi-jauninganik.

NALEKABLO Nathan tilliva Davidemut. Tapsomalo tikkigamiuk, okautiva: Iglugaseksuit illangane angutekalaukpok magungnik, aipa akluilaukpok, aipa akluvok.

2 Akluitok saugakuttekadlalaupok, tuktuvakuttekalarmelo.

3 Aklujorle sunakalaungilak saugârsukotituane pissiarilauktame assianik; nerritipalo angijororkovlugo tapsomane, kittorngangillo illagilugit; nerrilaukpok tamuanganit, immerlunelo ermugsiârsukotinganit, sinnilarmelo tapsoma sângane, panniktullo kamagiva.

4 Tikkitokalaungmalle nerrimarkattaujomik angumut akluitomot, tagva saugakotine tuktuvakotinelu ivlerivait, tapkonangat nerrimarkattaujok nerkiksaliorglugo, aklujublo saugakotinga ti-guva âkiksorlâlo angumut tikkitiminut.

5 Tagva Davidib illungertulêrlune angut taimna taimailiorlauktok ningaumajarvigidlarpa, okarlunelo Nathanemut: Sorlo Nalegak miksekârtomik inôngmat, angut taimna taimailiorlauktok tokkotaksauvok.

6 Tamannalo tappilugo saugak taimna sittamairtorlune akkileraksariva, tamattominga pinniarlaungmat ivlersilaungimallo.

7 Tagva Nathan Davidemut okarpok: Igvit anguteôvotit taimna. Imâk Nalegak Israelib Gudinga okarpok: Uvanga mingoarlutit attaningortilaukpagit Israelemut, piulilaukpagillo Saulib agganginit.

8 Tunnitsivigilaukpagillo angajokavit iglunganik, tappilugolo nullianginik sângnut, Israelekullo Judakullo tunnilaukpakka il-

lingnut, tamannalo suglunarpāt tagva mattominga ipsomingalo illautitsijomavunga sulle tamattomunga.

9 Sôgle tagva Nalekab okausingit nachogilaukpigit, idluitoâlungmik taimaitomik pinniaravit tapsoma ijikita sângangne? Uria Hetitere ullimarlaukpat saviksoarmut; nullianga tigulaukpat nulliarilugo, taimnale tokkolaukpat Ammonib kittorngangita saviksoangagut.

10 Manna saviksoak nûlertuksaungilak iglokotingnit sorajuitomik; nachogilauramga, Uriablo Hetitereôjub nullianga tigulaurangne, nulliangôkovlugo illingnut.

11 Imâk Nalegak okarpok: Ahâk kannoêtunik sakkertitsivigijomavagit iglokotingnit nangmineriarnit pijunik, nulliakotitillo tigujomavakka ijikpît sângangne tunnijomalugillo innukattingnut, nulliakotitit sinikattigivlugit pikovlugo sekkerngub kaumamaringningane.

12 Igvit tamattominga sagvangitome pinnialauravit, uvangale tamattominga pinniaromavunga Israelitit illunamassiatik tækkoane, sekkinekarninganelo.

13 Tagva Davide Nathanemut okarpok: Idluitullilaukpunga Nalekamut. Nathanib Davide okautiva: Tagva Nalekab ajornît pêjarsimagiva, tokkoniangilatit.

14 Nalekable omigijingit pijokartomut omunga mittautekartilaurangne, tamanna pivlugo ernek erniangomajok illingnut tokkolerniarpok.

15 Nathanelo angerarpok. Nalekablo nutarak Uriab nulliagilauktangata erniarilauktanga Davidemut annauva, kannimadlarkovlugo tokkojungnarlune.

16 Davidiblo Gude tuksiarvigiva nukapiarârsuk pivlugo, nerritaililunelo itterporlo, pâmangalunelo unnuak nâlugo netterme.

17 Tagva iglungata angajokaunerôjungit makkiput makkititsomavlugi nettermit; pijomalaungilarle, nerrikattinginivaillo.

18 Uvlulle 7 ingane nutarak tokkolerpok. Davidiblo kivgangit sivuralaukput tamanna okautigilugo Davidemut nutarak tokkungmat. Issumakaramik: Ahâk nutarak innôtillugo sulle okarkattigilaukpavut, tapsomalo nippivut nalelaungila; kannok angiluatomik issumajalerniarpok okarupta: Nutarak tokkungavok.

19 Davidele tækkogame kivgane issivsormatta mallugosuleralamelo nutarak tokkungmat, kivgane okautivait: Nutarak tokkungava? Tapkoa okarput: Ahaila.

20 Tagva Davide makkipok nettermit ermiklunelo, mingoarlamelo, annorangniglo assianik attivok, ailunelo Nalekab iglunganut, opigosularamelo. Angerarami niakojamik kaitaujijilerpok nerrilunelo.

21 Tagva kivgangita okautivât: Sunauva tamanna piniartat?

Nutarak innôtillugo nerritaililaukpotit kêalutillo; mannale tokkungalermat makkipotit nerrilutillo?

22 Tamna okarpok: Nutarak nerritailijutigilaukpara, kêagilugolo innôtillugo; issumakalaurama: Imakkâ Gudib saimarvinginiangimangângma nutarak innôkojaukovlugo.

23 Mannale tokkungangmat, suna pivlugo nerritailijuksauvîk? Uttertitsungnaralloarpigô? Aivigijomâralloarpara, tamnale utterniatsengilak ama uvamnut.

24 Davidiblo nulliane Bathseba manigorlaukârdlugo ittervigiva sinnikattigilugolo. Ernermiglo ernivok tapsomunga, tamna atserarpa Salomomik. Nalekablo nagligiva.

25 Pitipâlo Nathanib nellautaijub agganginut. Tapsoma atserarpa Jedidjamik Nalegak pivlugo.

26 Taimak manna Joabib Rabba Ammonib kittorngangita iglugaseksoakotingit sorsugvigivait, aksarnigarivaillo attaniub iglugaseksoakotingit,

27 Tilliklerlunelo kivgartortunik Davidemut, okautsaukovâlo: Rabbamiut sorsugvigilaukpakka, sâlagilaurivakkalotauk iglugaseksuit immiksoaggit.

28 Tagva igvit manna innugiartoksuit assingit kattitikit, iglugaseksuillo illumakit, salagilugillo, uvanga salakarkonanga tapkoninga, atteralo tamanna pivlugo taijaukonago.

29 Taimak Davidib innugiartoksuit illunaita kattitilugit tigu-vait, aularlunelo tagvunga, Rabbamiullo sorsugvigivait, sâlagilaitalo.

30 Taipkoalo attaningata niakotinga, Talentetut okumaitigijotut Goldekalauktok, ujaraliglo pivianartunik tiguva tapsoma niakoanit, illijaulunelo Davidib niakunganut; aksarnigaujullo unnuktovaksuit neksarpait iglugaseksuarnit.

31 Inugiartoksuille takkamanetut annitipait, illilaitalo kiblut kikkiengôjut, kapputillo, kuksautello kikkiengôjut attânut, ikkilaitalo kieksautine igaliksalliorvingne. Taimailiorvigivait Ammonib kittorngangita iglugaseksoangit illunaita. Tagva Davide innugiartoksuillo illunatik uttilerput Jerusalem.

KAPITEL XIII.

*Ammonib ajortullininganik najaminut. Absalonið tokkotsikoji-
ninganik tapsomînga, kemâninganiglo.*

TAMAKKOALO kingorngane pijokalaukpok Absalome Davidib erninga najakarmat ânanamik, Thamaremik attelingmik; Amnoniblo Davidib erningata alligartulerpa.

2 Amnonelo kanimasertorpok, Thamar najane, pivlugo.

Uigasolaungmat, Amnoniblo okumainasugiva tamna sunamik pinniarvigilugo.

3 Amnonele illanarijekalaukpok, Jonadabemik attelingmik, Simeab Davidib angajuata erninganik; Jonadabelo tamna anguteolaukpok sillatudlartok.

4 Tamna okarpok tapsomunga: Sôg igvit attaniub erninga uvlub aipanganit aipanganut salludlarpalliavît? Tamattominga okautijomangipinga? Tagva Amnonib okautiva: Thamar, nuk-kama Absalonib najanga alligartorpara.

5 Jonadab okautiva: Inariartorit sinnigvingnut kanimaser-torlutillo. Tagvalo atatait kainiarpat tækkojomavlutit, tagva okautiuk: Nagliktara, najara Thamar kailaule nekkoksititsikov-lugo uvamnik, nerkiksalliorkovlugo sâmnne tækkonârtillunga, uvangalo taipsoma agganginit nerrikovlunga.

6 Taimak Amnon innariarpok kanimasertorlunelo. Attan-nerlo manna tikkilermat tækkojomavlugu, Amnon attanermut okarpok; Nagliktara, najara Thamar kailaule, sâmnne sennakov-lugo uvamnut nerkiksamik sâtomik attautsemik, maggungnig-lonêt, nerrikovlungalo taipsoma agganginit.

7 Tagva Davide tilliklerpok Thamaremud iglomut, okaut-saukolâlo: Ailerit annivît Amnonib iglunganut, nerkiksallior-lugolo.

8 Thamar aivok annime Amnonib iglunganut, tamnale nella-vok sinnigvingmine. Tapsomalo sennaugak tiguva, akkulugolo immermut, sennalugolo; sâmuniglo sennavok ijikita sângangne, igalunelo sâmunik tapkoninga.

9 Tapsomalo (Thamarib) nerkiksak tamanna tiguva, nâvi-lugolo sânganut; nerrinermigle kunnulaukpok: Amnonelo okar-pok: Illunatik annilerlit uvamnit. Illunatiglo annivut tapsomangat.

10 Tagva Amnonib Thamar okautiva: Nerkiksak kaileruk aiparusermut, nerrikovlunga aggangnit. Tagva Thamarib sâut igalauktane tiguva, âlugillo anniminut Amnonemut aiparutsiub illunanut.

11 Amagolo tamanna tapsomunga, nerrikovlugo, tiguva, okautilâlo: Kailaurit najâk, sinnikattigilungalo.

12 Tapsomale okautiva: Taimangungitok annik, sangêtiniar-nanga, taimailiortokarpangimat Israeleme; sillainartomik taimaitomik pinniarnak.

13 Namut kangusungnera pivlugo aijuksauvik? Igvillo sillai-tutitut Israelemetutitut iniarpotit. Attannerle okarkattigiuk, tapsoma ivlerkutiniangilâtut uvamnik.

14 Tapsomale nalegomalaungila, sâlagivâlo, sangêtipâlo in-nangakattigilugolo.

15 Amnoniblo angijoksoarmik omigilerpa, taimak omisung-

nek manna anginersaulaungmat, naglingnermit sivurngane. Ammoniblo okautiva: Parngnailerit annilutillo.

16 Tapsomale okautiva: Idluitullinek tamanna, ajektoramga anginersauvok assianit pinniarlauktarnit uvamnut. Nippingale tussarlaungila,

17 Nukapiakotinele kivgarijane kaikova, okarlunelo: Una annitiuk uvamnit, upkoarlo kingorngane parngnanaileruk.

18 Pattigosijarlaukporlo tarsepatânik, taimaitunik attanniub panningit pattigosijarlauramik uigasôvlutik. Kivgangatalo annitilaukârtillugo, upkoarlo kingorngane pallangersimangmago;

19 Thamarib argsat egipait niakominut, pattigotelo tarsepatâk attortane alliktorpa, agganelo illivait niakominut, pissuklunelo kêavok.

20 Anningatalo Absalomib okautiva: Annît Amnon illingnelauka? Unêt najâk, nippangerit, annigivat, tamanna taimak omamiutariniarnago. Taimak Thamar uigasovlune Absalomib annigijame iglunganêtuarpok.

21 Attannerlo Davide tamattominga tamât tussarame, ningalerpok angijoksoarmik. Absalomible Amnon okarkattigingila ajortomiglonét ajungitomiglonét.

22 Absalomible Amnon omigiva, najanga Thamar sangêtilaungmago.

23 Jahrigle magguk nângmannik, Absalome sallijekalaukpok saugakotiminik Baalhazoreme Efraimib nunanganêtome; Absalomiblo attanniub kittorngangit illunaita kaikovait,

24 Tikkillerlunelo attannermut, okarlunelo: Ahâk kivgait sallijekarpok saukanik; attaniub kivgane illagilugit kivgane illagijomaliuk.

25 Attanniub Absalome okautiva: Aukak, ernîk, illunata ainiarata, pagvisarkonata illingnik. Innagalloarmagolo, aijomalaungilak sulle, saimartipale.

26 Absalome okarpok: Angajugale Amnon illaujuksaungilâk uvaptingnut? Attanniub okautiva: Sôg taipsoma illagijaksari-vâtî?

27 Tagva Absalomib innapa, illaukojikovlugo Amnonemik, attaniublo kittornganginik illunainik.

28 Absalomible nukapiakotine perkovait, okarlunelo: Kamatsiaritse, Amnon Weinemut kuviasulerpat, uvangalo okautigupse: Annone annaulersiuk, tokkolugolo, sivurakonnase, perkolaurapse; sivurajuileritse omaridlarluselo.

29 Taimak Absalomib nukapiakotingita Amnon pinniarvigivât, sorlo Absalomib perkolaungmagit. Tagva attanniub kittorngangit nikkoviput, illunatiglo attunît ikkivut siutekoktôjokotimingnut, kemmâlutiglo.

30 Apkomêtillugillo sulle, Davide tussaumanermut tikkitau-

vok, Absalomib attanniub kittorngangit illunaita tokkolaungmagit, amiakokalungimallo tapkonangat attautsemiglonêt.

31 Tagva attannek nikkovipok, annoranelo alliktorpa, pamakterlunelo nettermut; kivgangitalo avatingane nangertut illunatik annoratik alliktorpait.

32 Tagva Jonadabe, Simeab, Davidib angajungata erninga kiovok okarlunelo: Angajokara issumaniarane, nukapitset attaniub kittorngangit illunatik tokkungangmatta; Amnonele kissime tokkungavok. Absalome issumanerlulaungmat uvlormit taipso-manemit najanga sangêtilaungmago.

33 Taimaimat manna angajokangma attaniub, tamanna oma-miutariniarnago, attaniub kittorngangit illunaita tokkonasugæl-lugit; Amnonele kissime tokkovok.

34 Absalomele kemâvok. Nukapiarlo udsertorvingme ijiminut tækkosarpok, tækkolunelo; ahâglo innugiartoksuit aggerput nellekârdlutik apkosinerme kakkab sivinganingane.

35 Tagva Jonadabe attannermut okarpok: Ahâk attaniub kittorngangit kaivut; sorlo kivgait okalaungmat, taimailinga-laukpok.

36 Okarêrmallo, ahâk tagva attanniub kittorngangit tikki-lerput, niplialerlutiglo kêalarmiglo. Attannek kivgangillo illunatik kêavaksoadlaurivuttauk.

37 Absalomele kemâvok, ailunelo Talmaimut Amihudib er-ninganut, attanniôjomut Gesureme. Tapsomale ernine ogguri-laukpa uvlut tamaita.

38 Taimak Absalome kemmâvok, ailunelo Gesuremut, Jahrillo pingasut nâlugit tagvanêtuarlaukpok.

39 Attaniublo Davidib tarninga paingulerpok, aularomavlune Absalomemut; allijilaurame ernime Ammonib tokkunganik.

KAPITEL XIV.

Absalomib saimarvigijauninganik, arnab tuksiutsininga tapso-minga pivlugo.

JOABELE Zerujab erninga mallugosulerpok attaniub omattinga torarmat Absalomemut,

2 Tilliklerlunelo Tekoamut aiklerkojilunelo tagvangat arnamik sillatojomik, okautivâlo: Ogguarit annorâniglo ogguarsi-utitik attitilerit, mingoarniarnaglo illingnik orksunut, arnau-jalerille akkunît ogguarlauktomik tokkungajok pivlugo.

3 Attanermullo ittertuksauvotit, okarkattigilugolo imaitomik imaitomiglo. Joabiblo kaujitipa sunamik okartuksauning-anik.

4 Arnablo Tekoamiub attannek okarkattigijomagamiuk, pa-

makterpok nettermut kénane pûvlugo, opigosulunelo, okalar-melo: Attannek ikkajorlaunga!

5 Attanniub okautiva: Suvít? Tamna okarpok: Uigar-niôvunga, arnak ogguartok, uigalo tokkolerlaukpok.

6 Kivgaillo arnak ernekalaukpok maggungnik, tapkoa nater-namêdlutik aivakattigêlaukpuk, piuliklertokalaungimallo, aipang-ata aipa annaudlugo tokkolaukpa.

7 Ahâglo, manna illagêt illunatik kivgait akkerartorvigiler-pât, okarlutiglo: Ernít tokkotsilauktok kattangutiminik kait-suk, tokkotsikovluta taipso minga, kattangutingata tokkolauk-tangata tarnigata akkiniarutiksanganut, kingormgojijuksarlo péjaromavavut; ingniârsukotigalo amiako jok sulle, kamitsoma-vât, uigilauktamnit amiakokarkonago attermiglonêt sunamig-lonêt nuname.

8 Attanniub arnak okautiva: Angerarit, pivlutit perkoji-jomavunga.

9 Arnablo Tekoamiub attannek okautiva: Nalegâk attan-nek, idluitullinek tamanna illingalerle uvamnut, atâtamalo iglo-miukotinginut, attannerle iksiva utaksoangalo passijaksaungilik.

10 Attannek okarpok: Kina akkerartorlutit okausekartok, tamna kaitasuk uvamnut; tagva aktuijungnaituksauvok illingnik.

11 Tamna (arnak) okarpok: Attannek, Nalegarnik Guding-nik erkaumalerle, aungmik akkiniartut unnulualerkonnagit, asseroilutik, erneralo péjartaukonnago taipkonunga. Tamna okarpok: Sorlo miksekârtomik Nalegak inôngmat, nujak attau-serlonêt kattaktuksaungilak ernerpît niakunganit nunamut.

12 Arnarlo okarpok: Kivgait nalekamnut attannermut sunamik okarle. Tamna okarpok: Okarit.

13 Arnak okarpok: Sôg taimaitomik issumakalaukît Gudib innukotingit akkerartorlugit, attannek taimaitomik okalaungmat, idluitullingmat, ajektortanelo utterkolungimago?

14 Uvagut tokkoleriakarapta, illingalutalo immektut nuna-mut kivilertotut, nokkartitaujungnangitotut; Gudiblo innôsek péromangila issumaksarsiorporle, ajektortaumajok ajektortau-mikonnago tapsomunga.

15 Taimak manna tikkisimavunga nalegara attannek okar-kattigijomavlugo; innugiartoksuit kappiasuktimanga. Kivgait issumakalaurame: Attannek okarkattigijomavara; imakkâ pin-niarniarpok kivgangata okausekarninganik.

16 Kivgane arnak tussarniarmago, piuliklerkovlugo uvamnik, illunatik agganginit péjaijomajut uvamnik; ernimniglo, Gudib kingormgutijanganit.

17 Kivgaillo issumakalaukpok: Nalekama attanniub okau-singit manigoiniôjuksauvut uvamnut; nalegara attannek Gudib Engelingatut imat, tussarungnarmat sunamik idluarmangat id-luimangallonêt. Tamanna pivlugo, Nalekab Gudivit illaginiarpâtit,

18 Attannek kiovok, okarlunelo arnamut: Missiarviginiar-nanga apperkotiginiartammik illingnik. Arnak okarpok: Nalegara attannek okarle.

19 Attannek okarpok: Joabib aggangita illagingilât it tamakkonane tamaine? Arnak kiovok okarlunelo: Sorlo miksekârtomik tarnît inôngmat nalegara attannek, taipsoma assekangilak tallerpingmêlonêt saumingmêlonêt, nalekama attanniub okautigimajanganit. Kivgavit Joabib perkolaungmanga tamattominga, taipsomalo taimaitomik tamât kivgait arnak illumerti-laukpa;

20 Illusek tamanna taimak sangutitaksarigapko, tamanna kivgavit Joabib âkiksorlaukpa. Nalegarale sillatôvok Gudib Engelingata sillatuningatut, mallugosukovlugo pijokartunik tamainik nuname.

21 Tagva attanniub Joabe okautiva: Ahâk taimailiorlauk-punga; taimaimat ailerit manna, nukapiarlo Absalome uttertilaungmiuk.

22 Tagva Joabe pamakterpok nettermut kênane pûvlugo, opigosuklunelo, attannerlo kujagiva, okarlunelo: Uvlome kivgait tukkisilerpok, saimaneksimagama ijikpît sângangne angajokara attannek; attannek pinniarमत kivgame okauserijanganik.

23 Taimak Joabe parngnailerpok, ailunelo Gesuremut, âlâlo Absalome Jerusalem.

24 Attannerle okarpok: Itterile iglominut, kênaralo tækkoniarnago. Taimak Absalome tikkilerivok iglominut, tækkotaililugolo attanniub kênanga.

25 Israeleme illunane angutekalaungilak taimak ânanautigijomik Absalometut, taimaglo okautaulaukpok illunainut; ittiggangita allugingnit kabsinga tikkilugo kannoêtokalaungimarikpok tapsomane.

26 Niakungatalo nujangit kippijaulaukpatta, (tamannalo Jahrine tamât pivalaukpok, nujangille okumailuarlaukput kippijaujariakarmatta) tagva niakungata nujangit Sekeletut 200 ditut okumaitigijôvalaukput, attanniub Sekelingita okumainingit malliklugit.

27 Absalomemullo erniangolaukput ernit pingasut, pannerlo attausek, tamna attekalaupok Thamaremik, arnaukporlo taututsiariktok.

28 Taimak Absalome Jahrik magguk nâlugik Jerusalemetuarpok, tækkolugane attanniub kênanganik.

29 Absalomelo tilliklerpok Joabemut, tillijomavlugo attannermut, taimnalo kajjomalaungilak tapsomunga. Tamnale tilliklipsarpok, sullelo kajjomalaungilak.

30 Tagva kivgaminut okarpok: Ahâk, Joabib perorsêvikotinga perorsêvikotima senianêpok, perortokarporlo Gerstenik;

taimak aileritse ikkilugillo ikkomamut pitiitse. Tagva Absalomib kivgangita perorsévik tamna ikkipât.

31 Tagva Joabe parngnailerpok tikkilunelo Absalomemut iglub illuanut, okautivalo: Sôg kivgavit perorsévikotiga ikkomamut ikkilaukatsuk?

32 Absalomelo Joabemut okarpok: Ahâk tilliklerlaukpunga illingnut okautsaukolaukpagillo: Kait tamaunga, tilliklerkovlunga illingnik attannermut, okautsaukolugo, sôg Gesuremit utterlaukik? Namanersaunajarpok, tagvanenajaruma sulle. Taimak manna attanniub kênanga tækkolaulago: idluinekarpalle uvamme, tagva tokkunga.

33 Joabelo itterpok attannermut, okautivâlo tamattominga. Absalomelo kaikova, itterkovlugo attannermut; tamnalo kênaminik pûlune nettermut opigosukpok, attanniub sângane; attaniublo Absalome kunnikpa.

KAPITEL XV.

Absalomib attaningoromaninganik. Davidib kemâninganik.

PIJOKALAUKPORLO tamakkoa kingorngane Absalome âkiksoikojilaungmat ingminut aksalloalingnik horseniglo, angutiniglo 50 ginik, sivurlerpaktunik tapsominga.

2 Absalomelo taimak uvlâkut annijajovok, nangeriartorlunelo apkosiniub kiglinganut ittertârviub kannitanganut. Kinalo passiklernekalaurangat, attanniub idluarsaivianut aijomalaurangat; Absalomib kaikova ingminut, okarlunelo: Iglugaseksuit nelli-anit pivit? Tamnalo tagva okalaukpat: Kivgait Israelib kinguvarêngita illanganit pivok;

3 Tagva Absalomib okautiva: Ahâk illiornît idluarpok, namatuinarlunelo, kiglissiniartekangilatille attannerme.

4 Absalomelo okarpok: Kannoktôk uvanga idluarsaijungortitaunajaruma nuname, nelliât sunakartok idluarsartaujutiksakartorlo tikkilerajarkovlugo uvamnnt, uvanga ikajorajarkovlunga tapsominga, idluarnermik pikovlugo!

5 Kiale kaghlilerangago opigijomavlugo, tagva aggane issakpait tigulâlo, kunniklâlo.

6 Absalome taimailiorpok Israelitinut illunamassianginut, kailerangatta attannermut idluarsartaujomavlutik, tiglikpaillo taimak Israelitit angutingita omattingit.

7 Jahrit 40 git kingorngane Absalome attannermut okarpok: Aijomavunga angerneralo nellautsitisomavara Hebroneme, Nalekamut angernerilauktara.

8 Kivgait angerlaungmat, Gesuremêdlunga Sirieme, okarlungalo: Nalekab ama tikkiutipanga Jerusalem, tagva Nalegak kivgartoromavara.

9 Attanniub okautiva: Ullapirsautekarlutit aularit. Parngnailerporlo, ailunelo Hebronemut.

10 Absalomele nautsertortuksanik tilliklilaukpok Israelitit kinguvarênginut illunainut, okautsaukojilunelo: Tiptulautib nippinganik tussarniarupse, tagva nipliaritse: Absalome attanningortitaumavok Hebroneme.

11 Angutille 200 dit Jerusalemit kaikojaumajut Absalome illagivât; issumalingasuêrlutigle aivut, kaujimanatiglo pijokartomik tamattominga.

12 Absalomele tilliklilerivoktauk Ahitofelemut Gilomiomut, Davidib attannertuijokotinganut, iglogaseksoanganit Gilomik attelingnit pijomut. Manna tunnergutiniik tunnijingmat, angerkattigênek pitsartulerpalliavok, innugiartoksuillo kailutik unnuk-sivalliaivut Absalomeme.

13 Tagva attausek tikkilerpok, tamna okautjivok Davidemik tamattominga, okarlunelo: Israelitit illunatik attunit omattingita Absalome mallikpât.

14 Davidele kivgaminut tapsomanêlauptunut Jerusaleme illunainut okarpok: Atte kemâlerla, mâne annigoiviksakarniangimat Absalomemit; tuavititse aularkovluta, oppaluijaukonnata tapsomunga, tigusilunelo uvaptingnik, pijaksaungitomiglo pitisivigivluta, iglugaseksuillo ullimârlugit saviksub kênanganut.

15 Tagva attanniub kivgangit okarput tapsomunga: Ahâk kivgatit oppalungêrsimavut, pinniarlutik sunamik, angajokama attanniub annerosungninganik.

16 Attannerlo pissuklune annivok iglomiokattine illunatik illagilugit. Arnalle tellimaujortut pannervgat nokkarkovait, paikovlugit iglomik.

17 Attannerlo innugiartoksuillo illunatik pissuklutik anni-jarêramik, nokkarput iglub kanningitangane.

18 Kivgangillo illunatik senianêlutik pissukput; taimaktauk Kretit Plettillo, Gathemiullo illunatik, angutit 600 dit pissuklutik Gathemit tikkilauptut, attannek sivurlervigivât.

19 Attannerlo Itaimut Gathemiomut okarpok: Sôg igvittauk illagivittigut? Utterit attannermêtuarlutillo; tujormiangôgavit, nunagilauptarnillo aularlutit tamaungarpoit.

20 Ikpeksak tikkisimavotit, uvlomelo kajasivotit aularkattigijomavluta. Uvangale aijomavunga aivigijungnartamnut. Utterlaurit, kattangutitillo illagêllutit napkigijaunermik nertornarnermiglo pilit.

21 Itai kiovok okarlunelo: Sorlo miksekârtomik Nalegak inôngmat, sorlolo miksekârtomik angajokâra attannek inôngmat, nane angajokama attanniub innekarriarningane, tokkomut illinganiarmangat innôtsemullonêt, kivgait tagvanênarivok.

22 Davide okarpok Itaimut: Tagva kait, aularkattigilutalo.

Taimak Itai Gathemiok angutekotingillo illunatik aikattauvut, sorrutsillo illunatik illagijangit.

23 Nunamiullo illunatik kēadlarpūt nippekortôjomut, innugiartoksuillo illunatik kannilârpait. Attannerlo aivok kôb Kidronib akkianut, innugiartoksui'lo illunatik sivurlerput, apkosinerme sunakajuitomut sangmijome.

24 Ahâglo Zadok tagvanêlaurivok, Levitillo illunatik tapso-manêlauktut, akkigarlutiglo Gudib angerningata iklervinganik, illilâlo tagvunga. Abjatharelo kagverpok innugiartoksuit illunatik iglugaseksoarnit annikârtinnagit.

25 Attanniuble Zadoke okautiva: Gudib iklervinga iglugaseksoarnut âlaungmiuk. Saimaneksiniaruma Nalekab sângane, tagva ainariavânga, tækkokoniarpângalo ominga iglominiglo.

26 Okarunele imâk: Kuviagingilagit; ahâk mânepunga. Tapsoma pinniärvigilinga namagijaminut.

27 Attanniublo ajochertuijok Zadok okautiva: Igvit tækkô-jôlungilatit? Utterit iglugaseksoarnut ullapirsautekarlutit, illagallutiglo ernîktik, Ahimaaz ernît, Jonathanelo Abjatharib erninga.

28 Ahâk natername sunakajuitome uttakkijomavunga, kivgartortomik tikkitokarkârtinnago illiptingnit, okautsaukârtinangalo.

29 Taimak Zadokib Abjathariblo Gudib iklervinga âlerivâk Jerusalem, tagvanêtuarlutiglo.

30 Davidible kakkak orksuktalik majorarpa kēalunelo, niakungalo ulliksimalaukpok, kammilârlunelo pissukpok. Taimak-tauk innugiartoksiut illunatik illagijangita attunnit niakotik ulliksimalaukpait, majorarpullo kēalutiglo.

31 Davidelo okautsauulerame, Ahitofelib Absalome illaging-mago, okarpok: Nalegak, Ahitofelib attanertuininga sillaining-ortilauruk.

32 Davidelo kakkab kânganut tikkimat, tagvunga, Gudemik tuksiarviovaktomut, ahâk tagva Husaib Arachemiub pâarpa, ulliglijarlune alliksimajomik; ivjokarlunelo niakomine.

33 Davidiblo okautiva: Igvit illagigunga okumaijutiksau-niarpotit uvamnut.

34 Iglugaseksoarnulle ailerajaruvit okarajarlutillo Absalome-mut: Kivgarivarma, attannermut illingajomavunga, atâtarnut kivgaulauktunga nellitome taisomane, kivgaujomavunga manna illingnut; tagva idluarkutiksamnut Ahitofelib attannertuininga asserorajarpait.

35 Taimak Zadokib Abjathariblo ajochertuijuk illagivâtit. Tamaita tussarniartatit attaniub iglunganit okauseriniarpattit ajochertuijungnut Zadokemut Abjatharemullo.

36 Ahâk tapkungnanêpuk ernikik, Ahimaaz Zadokib, Jonathanelo Abjatharib erninga. Taipkungnûna okautsaukojungnar-parma tussarniartarnik.

37 Taimak Husai, Davidib illanârijanga, tikkilerpok igl-gaseksoarnut; Absalomelo tikkilerpok Jerusalem.

KAPITEL XVI.

Zibab mangatsininganik Mefibosethemik. Simeib okarnerlotjininganik Davidemik. Absalomib mallingninganik Ahitofelib attannertuininganik piungitoâlungmik.

DAVIDELO kakkab pôktojoninganit kêtamik attersarêrmat; ahâk tagva Zibab Mefibosethib kivgangata pârpâ, siutekokto-junik kapsinik iksivavilingnik neksarlune; tapkoalo kângine niakojakarpok 200 dinik, Weiniblo paunganginik katingajunik pannertunik 100 dinik, Feiginiglo 100 dinik, publaujamiglo Weinelingmik.

2 Tagva attannek Zibamut okarpok: Sunamut ukkoa attoromavigit? Ziba okarpok: Siutekoktôjut attanniub illanginut illingajuksauvut, kângine ablangakovlugit, niakojallo, Feigillo nukapitsanut nerkiksaujuksauvut, Weinelo imiksauvok tapkonunga, merngortorniarpatta sunakajuitome.

3 Attannek okarpok: Angajokavit erninga nanêka? Ziba attannermut okarpok: Ahâk nokkangalaukpok Jerusaleme; okarame: Uvlome Israelib iglomiokotingita atâtama nalegauvinganik tunnitsiviginiarivânga.

4 Attannek Zibamut okarpok: Ahâk Mefibosethib perku-tingit tamaita perkutaujuksauvut illingnut. Ziba okarpok: Opigosukpunga, saimaneksilaunga sângne angajokâra âttaneri-jaralo.

5 Attannerle Davide tikkimat Bahurim tikkilugo, ahâk tagva angut tagvangat annilerpok, Saulib iglungata kinguvânganit pijok, Simeimik attelik, Gerab erninga, tamna annilerpok okarnerlukulunelo.

6 Millorpâlo Davide ujarkanut, attanniublo Davidib kivgangit illunaita. Innugiartoksuit illunatik sôngojokotingillo illunatik, tapsoma tallerpianelaungmatta saumianelo.

7 Imâgle Simei okarpok, okarnerlutjilune: Annit, annit, kingmiôjotit aungmik nerrijok, anguteâlôjotit!

8 Nalekab akkiniarutigimavâtit Saulib iglomiokotingita illunatik aungit pivlugit, tamna inangêrlugo attaningorsimagavit. Manna Nalekab attanniovik tunnimava ernerpît Absalomib agganginut; ahâglo manna kannoêtokotingnêpotit, kingmiôgavit aungmik nerrijok.

9 Abisaile Zerujab erninga okarpok attannermut: Kingmiub tokkungajub oma angajokara attannek okarnerlotitaksarivaûk? Aivigijomavara, niakunganiglo nussuijomavara.

10 Attannek okarpok: Illipse Zerujab kittorngangit sugi-vissinga? Okautekalulerle; Nalekab perkungmago: Davide okarnerlotiuk. Kina manna okarungnarka? Sôg taimailiorkit?

11 Davidelo Abisaimut kivgaminullo illunainut okarpok: Ahâk, ernima, timinnit pimajub, pijugakpânga, suna pivlugo Jeminib erninga una manna taimailiortuksauginiva? Agviar-nago taimailiorle, okarnerlukovlugo, Nalekab perkolaungmago.

12 Imakkâ Nalekab ajulernera tækkonârniarpa, pitsiarnermullo akkinniarlunga tapsoma okarnerlotjininga uvlomênitak pivlugo.

13 Taimak Davide innukotine illagilugit sivumuarpok apko-sinerme; Simeile kakkab uvinganingane pissukpok senniâne, okarnerlukulnelo, ujarkello ivjullo katingajut milloriutivait tapsomunga.

14 Attannerlo innugiartoksuillo illunatik, Israelib angutingit illagijangit illagilugit, merngortorlune tikkipok Ajelimut, nek-koksilarmelo ingminik tagvane.

15 Absalomele innugiartoksuillo, Israelib angutingit illunatik Jerusalem tikkilerput, Ahitofeliblo illagiva.

16 Husaible Arachemiub Davidib illanârijangata Absalome itteramiuk, Absalome okautiva: Pilloringnartokarle, nalegak attannek! Pilloringnartokarle, nalegak attannek!

17 Absalomible Husai okautiva: Tamannauva napkininguît illannarijngnut? Sôg illannârijit illagilaungikiûk?

18 Husaible Absalome okautiva: Taimangungitok, Nalekable innugiartoksuillo ukkoa, angutillo illunatik Israeleme aneri-janganut perkutaujomavunga, tapsomanêtsainaromalungalo.

19 Amalo kina kivgartoraksarivigo? Erningata sângane kivgartortuksaungilanga? Sorlo atâtavît sângane kivgartorlau-rama, taimailingajomagivunga sângne.

20 Absalomelo Ahitofelemut okarpok: Attannertuileritse, sunamik pinniartuksauvita?

21 Ahitofelelo okarpok Absalomemut: Atâtavît pannervgangit, kemalauktangit paikovlugit iglomik, uvinikattigikit; tagva Isra-elitit illunamassiangit tussarniarput atatait tippeluktalaurangne, illunatiglo aggangit illingnêtit nangiartuinersaulerniarput.

22 Tagva tuppek napparterpât Absalomemut iglub kângane, Absalomiblo atâtame pannervgangit uvinekattigivait, Israelitit illunamassiatik ijingita sângne.

23 Nelliutome tapsomane, Ahitofele attannertuilaurangat, tamanna illingalaukpok sorlo Gude apperijaunajalaukpat; tai-mailaukput Ahitofelib attannertuiningit illunaita, tamangne Davideme Absalomemelo.

KAPITEL XVII.

Ahitofelib attannertuiningata sillatojub, unatadlarnek pivlugo, agviartauninganik. Tapsoma kevilerninganik kimingninganiglo ingminik.

AHITOFELO Absalomemut okarpok: Angutit 12000dit annerijomavakka, parngnaileromalungalo, Davidelo udlajomavara unuangotillugo,

2 Opingâromavaralo merngortortillugo ajalutillugolo. Tagva koaksartigupko, innugiartoksuillo illagijangit illunatik kemâlerpatta, tagva attannek kissiat ullimaromavara.

3 Innugiartoksuillo illunaita utteritsomagivakka illingnut. Illunatiglo illingnut âtaulerêrniarpatta sorlo tussugavit, tagva innugiartoksuit illunatik ullapirsautelingmetuarniarput.

4 Absalomib tamanna idluarasugiva, angajokaunerôjullo Israelemêtut illunatik.

5 Absalomele okarpok: Husai Arachimiok kaikojaulaungmile, tussartalo kannok tapsoma okarninganik tamanna pivlugo.

6 Husai ittermat Absalomemut, Absalomib okautiva: Imaikutunik Ahitofele okausekalaukpok; igvit okalaurit, taimailiortuksauvita, taimailiortuksaungilagullonêt?

7 Tagva Husai okarpok Absalomemut: Attannertuinek Ahitofelib sakkertanga tamattomane, attannertuiniôlungilak namatsiartok.

8 Husailo okapsarivok: Atâtait illitaritsiaralloarpat, innukotingillo sôngojoksôngmatta, ningaumajadlarmattalo issumamikut aklatut piarkaminik aksartaumajotut natername; tamannalo tappilugo atâtait angutiôvok unatadlarnermik sungiusimajok, siglotoniangilarlo innugiartoksuit illagællugit.

9 Ahâk, imakkâ ijerpallaivok manna ittersat illanganut, assianullonêt inniksamut. Pijokarajarpat tagva, sivurlerpamik pijaungimat, nipliartokarajarpallo okartomik: Sorsungnekalaukpok innugiartoksuit Absalomemik malliktut akkorngane;

10 Tagva illunatik attunit maksoajungnailerajarpur, sorsungnartorletauk aglat, omattekartorlo Loewetut. Israelitit illunamassiatik kaujimangmatta atâtait sangijoksôngmat, illagijangillo sorsugungnartôngmatta.

11 Tamattomingale attannertuivunga, kattersikovlutit illingnut Israelinik illunamassianginik, Danemit Bersaba tikkilugo, taimak unnuktigijunik siorkatitut immarbiub siksanganêtitut; igvillo nangminek akkornganêdlutit aularkattigilugit pikovlutit.

12 Tagva opingâromavavut nâne nennisivigijaptingne taip-somina, tikkidlaromavavullo sorlo mitsuksoak nunamut kattang-mat, amiakokarkojikonnata tapsomina, angutekotinginillo attautsemiglonêt.

13 Iglugaseksuillo illanganut tikkisimalerpat, tagva Israelitit illuêngarlutik iglugaseksuit tamakkoa aklunânut napperaksari-vait, aksorortilugillo kôngmut, nachvartokarungnaikovlugo tag-vane, ujarârsumik attautsemiglonêt.

14 Tagva Absalome Israelitillo illunamassiatik okarput: Husaib Arachimiub attannertuininga namanersauvok Ahitofelib attannertuininganit. Nalekable taimailingatipa Ahitofelib attannertuininga sillatôjok agviartaukovlugo, Nalegak kanoêtomik pititsikovlugo Absalomemut.

15 Husailo Zadokemut Abjatharemullo ajochertuijungnut okarpok: Imâglo, imaglo Ahitofelib Absalome angajokaunerôjullo Israeleme attannertorlaukpait; uvangale imâk imâglo attanner-tuilaukpunga.

16 Taimak manna tuavi tillikleritik, Davidelo okautsauko-lertikko, okarlutiglo: Nokkanganiarnak unnuak nâvlugo sunaka-juitub naternangane, ikârasualerille, attannek êjaukonago innu-giartoksuit illagijingit illagælugit.

17 Jonathanele Ahimaazelo nangerpuk immehtarvingme Ro-gelemik attelingme, arnablo kivgaub okautijartorpâk tamatto-minga. Tapkoalo aivuk tagvunga, attannerlo Davide okautijar-torpâk tamattominga; tækkotijuksaungimanik, iglugaseksoarnut tikkinajarlutik.

18 Nukapiable tækkovak, Absalomelo okautiva tamattominga. Tapkoale tuavilukarlutik aivuk, tikkilutiglo Bahurinemut, ang-utit illangata iglunganut; taimna avalutekotingita illuane im-mektaryikarpok, tapkoalo akkarpuk takkamunga.

19 Arnablo kebbik tigulugo issivilâlo immehtarviub pângata kollânut, kakkojaksallo serkalimajut issivipait oma kânganut, taimak mallugijaujungnarlungimat.

20 Absalomib kivgagit manna arnamut, iglub illuanut tikkinamik, okarput: Ahimaaz Jonathanelo nanêkak? Arnab okautivait: Kokulluk una ikârlaukpâk. Kenneramiglo, nennisi-natiglo, utterivut Jerusalemut.

21 Taipkoalo aularêrmatta, kagverpuk immehtarvingmit, ailutiglo, Davidelo attannek okautijartorpâk, okarlutiglo Davi-demut: Parngnaileritse, tuavidluselo kôk ikârsiuk; imâglo, imâglo Ahitofele attannertuilaungmat akkerartorluse.

22 Tagva Davide parngnailerpok innugiartoksuillo illagijangit illunatik, Jordanelo ikârpât kaulermarikârtinago, amiakoka-laungilarlo attautsemiglonêt ikârlaungitotomik Jordanemik.

23 Ahitofele tækkogame attannertuinine malliktaulungimat siutekoktôjokotine iksivaviktârpa, parngnailunelo, angerarlunelo

iglugaseksoarnut iglokarvigijaminut, iglunelo âkikpa, kimik-lunelo tokkolarmelo, illijartortauvorlo atâtame illuvekotinganut.

24 Davidelo tikkilerpok Mahanaimemut. Absalomiblo Jordane ikârpa, Israelitillo angutingit illunatik illagivât.

25 Absalomiblo Amasa Joabib inningane angajokangortilaukpa sorsuktuksakattigêksoarnut. Amasale erniolaukpok angumut Jethramik attelingmut, Israeliteôjomut, taipsoma Abigail Nahasib pannia, Zerujab Joabib anânangata nukanga aipariva.

26 Israelitille Absalomelo tangmarterput Gileademe.

27 Davide Mahanaimemut tikkisimangmat, tagva Sobi, Nahasib erninga Rabbatemit, Ammonib kittorngangita iglugaseksoakotinganit, Machirelo Amielib erninga Lodabaremit, Barsilailo Gileademiok Roglimit, kaitsivut,

28 Aumitinik, pôgutaniġlo, illulerkuteniġlo macharnik, Weizenik, Gerstenik, sennaukamiglo, Gersteniġlo jarasimajunik, Bohneniġlo, Linsiniġlo, Grützeniġlo,

29 Igupsaujartullo orksuanik, immublo orksuanik, punnaujartuniġlo sennamajunik saukat tuktuvaillo immunginit, Davidemut, inugiartoksoarnullo tapsomanêtunut, nerkiksakarkovlugit. Issumakaramik, inugiartoksuit nellonangitomik kâkput merngortorlutiglo immerudlalarmiglo sunakajuitome.

KAPITEL XVIII.

Absalomib sorsuksoakotingita salagiġauninginik Joabemut; Absalomib kappiġauninganik, nivingatillugo nappartome Eichemik attelingme.

DAVIDIBLO innugiartoksuit illagiġine oppalungaijarpait, angajokakartilaitalo 1000 dinut, 100 dinullo.

2 Tillivaillo, innugiartoksuit pingajungit attautsit, Joabe angajokagilugo; pingajungillo attautsit, Abisai angajokagilugo; pingajungillo attautsit Ithai Gathemiok angajokagilugo. Attannerlo innugiartoksoarnut okarpok: Uvangaatauk aularkattigiġomavapse.

3 Innugiartoksuille okarput: Aulartuksaungilatit; uvagulle kemâniaralloarupta, ketterarlutalonêt tokkolerniarupta, kamaġiniangilâtigut; igville ipotit sorlo 10000 ditut uvaptingnit; taimak manna namanersauvok ikajoruptigut iglugaseksoarnit.

4 Attanniub okautivait: Namagiġapsingnik pinniaromavunga. Attannerlo ittertarviksub tungânut nangeriartorpok, innugiartoksuillo illunatik annilerput, 100 dit kattigêklutik, 1000 dillo kattigêklutik.

5 Attanniublo Joabe, Abisailo, Ithailo perkovait, okauti-

lugillo: Sugautitaililugo nukapiak Absalome pinniarvigisiuk. Innugiartoksuillo illunatik tussarput attanniub angajokait illunaita perkungmagit Absalome pivlugo.

6 Innugiartoksuillo sillatânut naternamut tikkimatta, Israelitit pachrearlugit; tagva sorsungnek pigiarpok Efraimib nappartungine.

7 Innugiartoksuillo Israelitit sâlagijauvut tagvane Davidib kiyganginut, uvlorme taipso mane ullimartaunekalaungmat angijomik, angutinik 20000 dinik.

8 Sorsungnerlo siamarsimalaukpok tagvane nuname illunâne; nappartulle nungutsinersaulauput innungnik uvlorme taipso mane, saviksoarmit.

9 Absalomiblo Davidib kiygangit pârpait, ablangavlune horseojartub kângane. Horseojartorlo nappartoksub siliktub Eichemik attiggub attânut tikkimat, niakunga nâpok Eicheme, nivingalunelo killaub nunablo akkorngangne, horseojarkotingale tapsoma attânit pangalidlarlune aularpok.

10 Angutit illangata tamanna tækkogamiuk, okautigiva Joabemut, okarlunelo: Ahâk Absalome tækkolaukpara nivingatillugo Eicheme.

11 Joabiblo angut tamna okautjine tamattominga okautiva: Ahâk, tamattominga tækkolaukit? Sôg annaulaungikiuk, nuna-mut ochotilugo? Tagva pivlunga Silberlinginik 10 nik, tapserumiglo tunnitsivigijomanajarpagit.

12 Angut tamna Joabemut okarpok: Silberlinginik 1000 dinik tunnitsivigialloarunga aggamnut, sulle aggakka illijomanajang-ilakka attanniub erninganut. Attanniub igvit perkolaungmattit. Abisailo Ithailo siuptiptingnut tussartilluta, okarlunelo: Udser-toritse, kinalonêt pinniarlukonnago nukapiamut Absalomemut.

13 Ubvalo sunamik idluitullinajalauruma nangiarnartomik tarnimnut, attannek sunamiglonêt angigutijaulungimat; tagva igvit nangminek akkerartorajarpa.

14 Joabe okarpok: Taimak akkunêrtigijomik nokkarung-nangilanga illingne. Tagva Joabib kallugitset pingasut tiguvaît aggangminut, kapputilaitalo Absalomib omattinganut innotillugo sulle Eicheme.

15 Nukapitsello tellimaujortut, Joabib sakkunginik akjarsijut, tikkilutik illumavât, annaulerlugolo tokkopât.

16 Tagva Joabib tiptulaut tiptulausijautigiva, innugiartoksuillo utterkovait, udlanigungnaikovlugit Israelitinik; Joabib innugiartoksuit ivlerijomangmagit.

17 Absalomelo tiguvât, egilugolo nappartut akkornganut ittersâlungmut, ujarkello unnuktut perorliutivait kânganut. Israelitillo illuêngarlutik attunît kemâvut iglokotimingnut.

18 Absalomele nappajoksoamik nangminerijaminut nappartitsilaukpok inôvlune sulle; tamna napparsimavok attaniub

naksakotingane. Okalaurame: Ernekangilanga, tamana pivlugo, tamauna erkaumajaksaujuksauvok attimnut; atserarpâlo nappajok attine malliklugo, taijauvorlo uvlok tamanna tikkilugo, Absalomib inninganik.

19 Ahimaaz Zadokib erninga okarpok: Nagliktara akpangerlangatôk, attannerlo nellojungnaitilugo, Nalekab piulijaunermik sakkertitsivigingmago omigijingita agganginit.

20 Joabile okautiva: Igvit uvlome taigoraksamik ajungitomik âtsiniangilatit. Uvlub tamattoma assiane taigotaksamik âtsiniarpotit, uvlomeloungitok; attanniub erninga tokkungmat.

21 Kusimulle Joabe okarpok: Attannek okautijartoleruk tækkolauktarnik. Kusiblo Joabe opigiva, akpangerlunelo.

22 Ahimaazele Zadokib erninga okapsarpok Joabemut: Kannok uvangatauk akpangerajaruma Kusi malliklugo? Joabe okarpok: Sôg akpangeromavit ernik? Kait ovunga, taigoraksamik ajungitomik âtsiniangilatit.

23 Kannok akpangerajaruma? Tapsoma okautiva: Tagva akpangerit. Taimak Ahimaaz akpangerpok apkome naggonerpâme, Kusilo sivurngitorpa.

24 Davidele iksivavok upkoaksoak magguk akkorngangne. Udsertortelo majoarpok upkoaksub avalunetub kânganut, ijingminullo tækkosarpok, tækkolunelo angumik, inutôlune akpangeritomik.

25 Niplierporlo, attannerlo okautiva tamattominga. Attanerle okarpok: Innutôgune, tagva taigotaksak ajungitok tapsoma kanninganêpok. Tamnalo tuavilukarlune kannilertillugo,

26 Udsertortib angutib taipsoma assia akpangertok tækkova, niplierlunelo upkoaksoarmut, okarlunelo: Ahâk angut innutôlune akpangerpok. Attannek okarpok: Tamnatauk kivgartorteôvok ajungitok.

27 Udsertorte okarpok: Sivurliub akpangerninga tækkovara Ahimaazib Zadokib erningata akpangerningatun imat. Attannerlo okarpok: Angutauvok tamna idluartok, ajungituniglo taigotaksanik kaitsivok.

28 Ahimaazele niplierpok, okarlunelo attannermut: Ullapirsaut! Opigosuklunelo attanniub sângane kênane pûlugo nuna-mut, okarlunelo: Nertortaule Nalegak Gudît, innuit aggamingnik issaktitsilauktut nalekamnut attannermut akkerartorlugo uner-tutigijingat.

29 Attannek okarpok: Nukapiak Absalome kanoêlungigalloarka? Ahimaaze okarpok: Angijomik aulajadlarnermik tækkolaukpunga, attanniub kivgangata Joabib uvanga kivgait tillingmanga, nellovungalo sunaulaungmangat.

30 Attannek okarpok: Avatâgorit nangeriartorlutillo maunga. Avatâgorporlo nangeriartorlunelo tagvunga.

31 Ahâk tagva Kusi tikkilerpok, okarlunelo: Mâne taigo-

raksakarpok ajungitomik, nalegara attannek! Nalekab uvlome piulijaunermik sakkêvigilaukpâtik, illunatik akkerartorlauktivit agganginit.

32 Attannerle Kusimut okarpok: Nukapiak Absalome kanoêlungigalloarka? Kusi okarpok: Nalekama attanniub omigijingit illunaita illingajuksauvut nukapiab oma illinganingatut; illunaitalo akkerartortut illingnik idluitullijomavlutik.

33 Tagva attanek kiksalerpok, ailunelo iglomut angijomut ittertârvingmêtomut, kéalunelo, pissuklunelo okarpok imâk: Ernîk, Absalom, ernîk, ernîk Absalome! Gude pijomaletôk uvanga tokkojuksaunimnik inningne! Absalomekotîk, ernîk, ernîk!

KAPITEL XIX.

*Davidib uttertitauninganik Judakunut. Tapsomalo issumato-
ninganik kujalidlarninganiglo.*

JOABELO okautsaumalerpok: Ahâk attannek kêavok, ogguar-
lunelo Absalome pivlugo.

2 Sâlakarnermillo uvlorme taipsomane, kiksarnekalerpok innugiartoksuit illunamassiatik akkorngane, innugiartoksuit illunamassiatik tussarlaungmatta, attaniub ernine issumajarutigingmago.

3 Inugiartoksuillo angigutsivlutik, aularasuarput uvlorme taipsomane, iglugaseksoarnut ittertaililitik, sorlo inugiartoksuit angigutsivlutik aularpangmatta, kangusuktitaumajut sorsungnerme kemâlaukpatta.

4 Attaniublo kênane ulliksimalaukpa, okausertosarlunelo nipliavok: Ernîk Absalome, Absalome, ernîk, ernîk!

5 Joabible attannek iglub illuanut tikkipa okarlunelo: Uvlome kivgatit, uvlome piuliklerlauptut tarningnik, ernivillo, panivillo, nulliavillo panervgakotivillo tarninginik, illunaita kangusuktilaukpattit;

6 Omigijitit nagligigangne, nagligijitillo omigigangne, malugosukojigavit uvlome angajokajet kivgatit kamaginginangne. Mallugosugalloarama uvlome, Absalome innotuinarajarpot, uvagullo uvlome illunata tokkonajarupta, idluarasugituinarajarpot tamanna.

7 Tagva parngnailerit manna annilutillo, illanâkarlutillo kivgatit okarkattigilerkit. Okautimarikapkit Nalekame: Anni-
niangikuvit, angut attauserlonêt, illingnêtuarniangilak unnu-
arme tamattomane Tamanna sugalunersauniarpok illingnut, kappianartunit tamainit tikkitautigijarnit innuosungnernit manna tikkilugo.

8 Tagva attannek parngnailerpok, ingilunelo ittertarviub illuanut. Inugiartoksuillo illunaita okautsaulerput: Ahâk attannek iksivavok ittertarviksub illuane. Tagva innugiartoksuit illunatik tikkilerput attanniub sânganut. Israelitille kemmâlaukput illunatik attunît iglomingnut.

9 Innugiartoksuillo illunatik aivakattigêlerput Israelib king-uvarêngine illunaine, okarlutiglo: Attanniub piulilaukpâtigut omigijipta agganginit, piulilaukpâtigullo Filisterit agganginit, kemmâjariakalaukporlo nunamit Absalome pivlugo.

10 Absalomelo mingoarlauktavut attanniokovlugo uvaptingnut tokkolaukpok unatadlärnerme. Sôg manna kikkarkise taimak, attannek aitalilugo pigapse?

11 Attannerlo tilliklerpok Zadokemut Abjatharemullo ajocher-tuijungnut, okautsaukovâglo: Angajokaunerôjut Judakune okarkattigisigik, okarlutiglo: Sôg illipse kingurlerpaujomavise attannek aimilugo iglunganut? (Israelitit illunatik okausingit tikki-simalaungmatta attanniub sânganut iglunganut.)

12 Illipse kattangutigivapse, saunekattigiluse uvinekattigivapse; Sôg taimaimat illipse kingurlerpaujomavise, attannek aimilugo?

13 Amasamullo okaleritik: Saunekarkattigingilagit uvinekarkattigingilagillo? Gudib imâglo imâglo pinniarvigilinga, angajokaksoangojuksaungikuvit sorsuktuksakattigêksoarnut sâmne, Joabib iningane, innôtsit nâlugo.

14 Judakullo angutingita illunatik omattingit sangutipait, sorlo angutib attautsib omattingatut. Tilliklerpullo attanermut: Kailaungmît, igvit kivgakotitillo illunamassiatik.

15 Taimak attannek utterivok, Jordanemullo tikkimat, Judab angutingit Gilgalemüt tikkisimalaukput, attersaromavlutik, attannek pachrearomavlugo, attannerlo ikârtilugo Jordanib akkianut.

16 Simeilo, Gerab erninga, Jeminib erningata Bahurime nunakalauktok, tuavilaukpok, Judablo angutingit illagallugit attersarpok attannek pachrearlugo.

17 Angutillo 1000dit Benjaminekunit illagivât, taimaktauk Ziba, kivgak Saulib iglunganit pijok, ernine 15it, kivganelo 20git illagilugit, Jordanelo ikârpât attannek sivurlervigilugo.

18 Umiarlo oppalungaijarpât, attaniub illangit ikârtilugit, pinniarlutiglo kuviagijanginik. Simeile Gerab erninga attanniub sânganut pamakterpok Jordane ikârmago,

19 Okarlunelo attanermut: Nalekama idluitullinermik tamattominga illingatiniarnangatôk, erkainiaranelo kivgavit idluitullivigilaungmatit uvlorme taipsomane, nalegara attannek anitillugo Jerusalemit, attaniublo omamiutariniarnagotôk.

20 Kivgait illitarksilermat idluitullidlalaurama. Ahâglo

uvlome tikkitunit Josefib iglomiukotinginit tamainit sivurlio-kauvunga, nalegara attannek pachrearomavlugo.

21 Abisaile Zerujab erninga kiovok okarlunelo: Simeilo tamanna pivlugo, tokkotaksaunajangilák, Nalekab saimartitanga okarnerlotigilauralloarmago?

22 Davidele okarpok: Uvanga sugivissinga illipse Zerujab kittorngangit, uvlome Satanasingoromagapse uvamnút? Uvlome kina tokkotaujuksaunajarka Israeleme? Issumavit kaujimalunginama, uvlome attanningortitaumagama Israelitinut?

23 Attannerlo Simeimut okarpok: Tokkojuksaungilatit. Attaniublo angermarikpa.

24 Mefibosethe Saulib ernguta kailune attersarivok, attannek pachrearlugo. Ittikkanelo uminelonét ipêrutilaungilait, annoranelo ergortorlaungilait uvlormit taipsomangat, attanniub aularvianit, uvlok taimna ullapirsautekarlune uttermat tikkilugo.

25 Tagya manna Jerusalemut tikkiname attannek pâromavlugo, attanniub okautiva: Sôg aularkattigilaungipinga Mefiboseth?

26 Tamnalo okarpok: Nalegara attannek! kivgama uivêrilaukpânga. Kivgait issumakalaungmat, siutekoktôjut illangat iksivaviktâromavara, ablangajomalungalo tapsoma kângane, attanermullo ingergalunga; kivgait tussiangmat.

27 Tamannalo tappilugo taipsoma kivgait passilauriva attanerne. Nalegarale attannek Gudib Engelingatut îpok; pinniarit namagijarnik.

28 Atâtama iglomiokotingit illunatik sunaulautsengimatta, assianik, innungnit tokkotaksanit, nalekama attanniub sângane; taimak kivgait ingitilaukpat taipkoa nerrimarkattaujut nerrimavingne akkornganut; sunamik assianik idluartomik pitjutik-sakarkík attannek nipliarvigilugo?

29 Attanniub okautiva: Sunamik unnurnersanik okarkít sulle illuserilauktat pivlugo? Okautigilaukpara: Igvillo Zibalo perorsêvik avingniarpattik illiptingnut.

30 Mefiboseth attanermut okarpok: Taipsoma illuêngarlugo tiguliuk, nalegara attannek ullapirsautekarlune angerarsimale-rêrmat.

31 Barsilailo Gileademiok attersarpok Roglimit, attannerlo tessiorpa Jordanib akkianut, Jordaneme kannilaromavlugo.

32 Barsilailo innutokaudlalaukpok Jahrekarlune 80 ginik; tapsoma attannek pattangaitilaukpa, Mahanaimetillugo, angutitsiangolaurame.

33 Attannerlo Barsilaimut okarpok: Ikârkattigijaksarivarma, pattangaititsomavagit uvamne, Jerusaleme.

34 Barsilaile attanermut okarpok: Sunauva sulle inôneri-

niartara, uvanga attannek illagællugo takpaungartuksaugama Jerusalemut?

35 Uvlome Jahrekarpunga 80 ginik. Kannok uvanga illitarksijuksaunajarkik, sunamik idluarmangât, idluimangâllonêt, ikpigilungalonêt sunaumangât nerrijara, imertaralo, tussarlungalonêt sunaumangatta imgerpaktut angutit imgertullo arnat imgerutingit? Sôg kivgavit nalegara attannek akkunênersamik pagvisaraksarivaûk?

36 Kivgavit attannek kêtamik kannilaraksariva Jordane ikârlugo. Sôg attaniub taimaitomik nelileromavânga?

37 Kivgait utterkoleruk, tokkolerkovlunga iglugaseksoarne iglokarvigijamne atâtama, anânamalo illuvikita tungâne. Ahâk ovanêpok kivgait Kimeham, tamna nalegara attannek illagællugo ailerle, pinniarvigilugolo namagijarnik.

38 Attannek okarpok: Kimehamib aiparijaksarivânga akkianut, uvangalo pinniarvigijomavara kuviagijarnik; tamainiktauk annerijarnik uvamnit, tamakkoninga pinniaromavunga.

39 Innugiartoksuillo illunatik Jordane ikarêrmatsuk, attanniublotauk, attanniub Barsillai kunnikpa saimartilâlo; tamnalo utterivok nunakotiminut.

40 Attannerlo ingergavok Gilgalemut, Kimehamiblo ingergakattigiva. Innugiartoksuillo Judakut illunamassiatik attannek ikârtilaukpât, innugiartoksuille Israelitit ketterkatuiningit tagvanêlaukput.

41 Ahâglo, tagva Israelitit angutingit illunatik tikkilerput attannermut, okautivâllo: Sôg kattangutipta Judakut angutingita tiglilaukâtit, attannerlo iglomiokotingillo, ikârtilaukagit Jordane kut, Davidiblo angutekotingit illunaita illagællugo?

42 Tagva Judakut angutingita Israelitit kiovait; attannek kannidlartomik illagivavut, sôg tamanna ningarosujutigivissiuk? Attanermut nerkiksamik pilliusianiglonêt pilaurasugivittigut?

43 Taimak tagva Israelitit angutingita Judamit pijut, kiovait okarlutiglo: Uvagut tellimaujortuêrtorluta pitjutekarnersauvogut attannermut, taimaktauk Davidemut, illipsingnit. Sôgle tagva uvagut taimak sunaungitonasugivittigut, okautsivut sivurliotitaulaungimatta, attanivut ailugo? Judable angutingit songonersanik okausekalaukput Israelitit angutinginit.

KAPITEL XX.

Pikabladlartub Sebab unangmijauninganik, tokkotauninganiglo.

Amasab tokkotauninganik.

ANGUTEKALAUKPORLO tagvane illitarijaujomik kuksalaitomik, Sebamik attelingmik, Bichirib, angutib Jeminib kingu-

vânginit pijub erninganik; tapsoma tiptulaut tiptulausijautigiva okarlunelo: Illangiutivikalungilagut Davidemik, kingormguti-jaksakaratalonêt Isaib erningane. Israelitiôjut illunamassiatik attunît ailerlit iglokotimngnut!

2 Tagva Israelitit illunamassiatik Davide allarpât, mallik-pâllo Seba Bichrib erninga. Judable angutingita attannekotitit attâvigivât Jordanemit Jerusaleme tikkilugo.

3 Attanerle Davide angerarsimalerame Jerusalemut, pan-neryget tellinaujortut kemmalauktane iglomik paikovlugit tigu-vait, pitilaitalo pairijauvingmut, pattangaitilugillo, sinnikattigi-lungilaille. Taimaglo parngnanairsortaulaukput tokkotik tikki-lugit, innôlutiglo uigarniojutitut.

4 Attannerlo Amasamut okarpok: Angutit Judame, illunaita kaikokit, kaikovlugit uvluk pingajuane; igvillotauk tamâne nangertuksauvotit.

5 Amasalo aivok Judamiut kaikolugit; nelliutorle tailauk-tanga tapsomunga kangiupa.

6 Tagva Davide Abisaïmut okarpok: Manna Seba Bichrib erningata anginersamik kiksartiniarpâtigut Absalomemit. Igvit angajokavit kivgangit tigukit, udlalugolo, iglugaseksoarnik sông-ojunik ingminut nachvarkonnago, kemâkonnagolo ijiptingnit.

7 Tagva aularput tamna malliklugo Joabib angutingit illunatik, taimaktauk Kretillo Pletillo, sôngojuullo illunatik. Aular-pulle Jerusalemit, Seba Bichrib erninga udlalugo.

8 Ujarasuksoarmêtillugille Gibeonemêtome Amasab, sivurng-itorpait. Joabele tapserusersimalaukpok annorame attortame kângagut, tapsomalo kângagut tapserutemiutekalaukpok savik-soarmik, tamna kenailitamêdlune nivingavok tapsoma makkiting-ane, sivumuartillugolo tamna amuvok kattaklunelo.

9 Joabiblo Amasa okautiva: Ullapirsautekalerit kattang-utik! Joabiblo aggangminut tallerpingminut Amasa tiguva umingittigut, kunnigomavlugo.

10 Amasablo saviksoak Joabib agganginêtok kamatsoliorpa; tapsomalo tamattomunga kappiva nângagut, erchavingit kattang-matta nunamut, kappipsarlaungilâlo, tokkolaukporlo. Joabible angajuatalo Abisaib Seba Bichrib erninga udlalaukpâk.

11 Joabiblo angutekotingita illangata nangeriartorpa senni-anut, okarlunelo: Nelliât Joabemik kuviasutekartok, Davide-mullo illingajok, mallilerle Joabemik!

12 Amasale nellavok aungme aksasimavlune apkosiniub ker-kane. Illangalle tækkogame innugiartoksuit illunatik tagvane nokkarmatta, Amasa nûpa apkosinermiut perorsêvingmut, egitsi-lunelo anorânik tapsoma kânganut, tækkogame, illunatik tikki-tut tapsomunga nokkarmatta.

13 Manna apkosinermiut pèrsimangmat, illunatik attunît Joabe mallikpât, Seba Bichrib erninga udlajomavlugo.

14 Ingergavorlo Israelib kinguvarêngittigut illunaitigut, Abelemut, Beth-Maachamullo, Habarimemullo illunânut; tapkoalo kattimalerput mallikpâllo.

15 Tikkilutiglo, illumavâllo Abeleme Bethmaachemelo, tallumiglo illijivut iglugaseksuit avatâtigut, avalunullo tikkiput, innugiartoksuillo illunatik Joabib illagijangit aksorotjivut avalullo ochotitsomavât.

16 Tagva arnak sillatôjok iglugaseksoarnit kaigarsukpok: Nalegitse! nalegitse! Joabe okautisiuk, tamaungarkovlugo; okarkattigijomavara.

17 Tikkimagolo, arnak okarpok: Joabeovît? Tamna okarpok: Ahaila. Arnab okautiva: Kivgavit arnab okausingit tussarkit. Tamna okarpok: Tussarpunga.

18 Arnak okarpok: Itsak okartokarpakpok: Kina appert-sutekarpot, tamna appertsorle Abeleme; taimaglo idluartomik illinganekarpalaukpok.

19 Uvanga iglugaseksoarnutkennukajuitunut nertornartunullo Israelemetunut illingavunga; igvillo iglugaseksuit anânalo Israeleme asseroromavigit? Sog Nalekab kingormgutijanga nungut-somaviuk?

20 Joabe kiovok okarlunelo: Tamanna ungasigle, tamanna ungasigle uvamnit, nungutsijuksaunajarama, asseroijuksaunajaramalo; taimailingalungilak.

21 Angutible Efraimib kakkanginit pijub, Sebamik attiggub, Bichrib erningata, attannek Davide pikablavigilugo akkerartorlaukpa. Tamna kissimiovlune tunnilersiuk, tagva iglugaseksoarnit nûtsomavunga. Arnab Joabe okautiva: Ahâk niakoa egitaujuksauvok illingnut avalut kollâtigut.

22 Arnarlo kamunga tikkipok innugiartoksoarnut illunainut sillatunerminut. Tapkoalo Sebab Bichrib erningata niakunga nakkarpât, egilugolo Joabemut. Tagva tapsoma tiptulaut tiptulausijautigiva, tapkoalo siamalerput iglugaseksoarnit, illunatik attunit iglomingnut. Joabele uttilerivok Jerusalemattaner-mut.

23 Joabele angajokaulaukpok Israelib sorsuktuksaksoanginut illunainut. Benajalo Jojadab erninga angajokaulaukpok Kretinut Pletinullo.

24 Adoramelo pimaklerteôlaukpok, Josafatelo Ahiludib erninga, aglakteolaukpok attanioviub pijokarninginik.

25 Seja aglakpakteôlaukpok. Zadok Abjatharelo ajocher-tuijolaupok.

26 Taimaktauk Ira Jairemiok attanertuijolaupok Davide-mut.

KAPITEL XXI.

Kångnartomik Jahrit pingasut nâvluġit Saule pivlugo. Davidib unatađlarninganik sâlakarninganiglo Filisterinik.

DAVIDIB nelliuningane kângnartokalaurivoktauk Jahrine tuglerêne pingasune. Davidiblo Nalekab kênanga kennerpa. Nalegarlo okarpok: Saule pivlugo, iglolo aulik pivlugo Gibeonemiut tokkolaungmagit.

2 Tagva attanniub Gibeonemiut kaikoġaukovait okautilugillo: (Gibeonemiut Israelib kittornganginit pilaungilet, amiakolauk-pulle Amoriterinit; Israelible kittorngangita angerkattigimari-laukpait, Sauliblo ullimarasuarlaukpait illungertornermine Isra-elib kittorngangit Judakullo pivlugit.)

3 Tagva Davide manna Gibeonemiunut okarpok: Sunamik piniarvigijaksarivapse? Sunamullo ullapkoseraksarivapse, sai-martitsikovluse Nalekab kingormġutijanganik?

4 Gibeonemiut okautivât: Goldemiglonêt, Silberemiglonet pijomalungilagut Saulemit, tapsomalo iglunganit, pijomalungini-vogut kinalonêt tokkotaukovlugo Israeleme. Tamna okarpok: Sunamigle okarkise pinniartuksaunimnik illipsingnut.

5 Tapkoa attannek okautivât: Angut taimna asseroilauktok nungutsilauktorlo uvaptingnik, nungutaksarivavut taipsomangat amiakokarkonago sunamiglonêt Israelib erkâne illunaine.

6 Tunnitsivigitigut angutinik 7 nik, taipsoma iglunganit pi-junik, kimitsikovluta taipkoninga Nalekamut, Saulib Gibeako-tingane, Nalekab annerilauktangata. Attannek okarpok tunni-jomavakka.

7 Attanniuble Mefiboseth, Jonathanib, Saulib erningata er-ninga ivleriva, Nalekab angermaringninga pivlugo, tapkungnang-nelauktok tagva Davideme Jonathanemelo Saulib erningane.

8 Rizpable Ajab panningata ernigik, ernilauktagik Saulemut, Armoni, Mefibosethelo; taimaktauk Michalib Saulib panningata erningit tellimat, ernilauktangit Adrielemut Barsilaib erninganut, Mahalomiomut, attaniub tiguvaît,

9 Tunnilaitalo Gibeonemiut agganginut; tapkoa kimikpait kakkame Nalekab sângane. Taimak 7it tapkoa ochovut attaut-sekut, tokkolutiglo kattersiviub sivurlerpângata nelliuningane, kattersiviub Gerstinik pigiarningane.

10 Tagva Rizpab Ajab panningata pôksaijak tiguva issivilâlo kairtub kânganut kattersiviub pigiarningane, immek killangmit kôlerkârtinago tapkonunga; uvlotillugolo tingmitset killaub attânetut mikolaungilait tapkoa kângine, unnuarmelonêt omajut naternamêtut tapkonungarkolaungilait.

11 Davidelo okautsaulerpok, sunamik Rizpab Saulib pannerv-gangata pinniarlauktanganik.

12 Davidelo tagvungârpok tigusilunelo Saulib taipsomalo erningata Jonathanib sauninginik, Jabesemiunit Gileademetomit, taipkoa tigilaulktanginik, Bethsanib apkosininganit. Filisterinut nivingartauvinginit nelliutome taipsomane Filisterit Saule ullimarmatsuk Gilboab kakkangane;

13 Kaipaillo tagvangat takpaunga, kattitilugillo kimmitaumajut sauningit illaliutilugit;

14 Illijartorpaillo Saulib tapsomalo erningata Jonathanib sauningit Zelame Benjaminib nunanganêtome, atâtangata Kisib illuvinganut; pinniarlutiglo tamainik, sorlo attannek perkojilaungmat. Taimak Gude tamakkoa kingorngane ullapkosersimalaurivok nunamut.

15 Amale Filisterit unatadlarnermik pigiarlaurivut Israelitinut; Davidelo attersarpok, kivgangitalo illagilugo, Filisterillo sorsugvigivait. Davidelo merngortorlaukpok.

16 Jesbilo Nobemetok, (Rafab kittorngangita illangat, kallugiangalo kannujakalaukpok Sekelilitut 300 ditut okumaitigijunik, sakkokalaukporlo nutânik) tamna issumakalaukpok Davide ullimâromavlugo.

17 Abisaible Zerujab erningata ikajorpa, Filisterelo ullimarlugo tokkopa. Tagva Davidib angutekotingita okautimarikpât okarlutiglo: Aularungnaituksauvotit illagiluta sorsungnermut, kaumaute Israeleme kamitaukonago.

18 Mattoma kingorngane ama unatadlarnekalaurivok Gobeme Filisterinut. Tagva Sibechaib Husathemiub, Saf Rafatib kittorngangita illangattauk, ullimârpa.

19 Amalo unatadlarnekalaurivok Gobeme Filisterinut. Tagva Elhananib Jaere Orginib erningata Bethlehemiojub Goliathe Gathemiok ullimarpa, kallugiakalauktok ipulingmik, umiab napparutangatut îtomik.

20 Amalo unatadlarnekalaukpok sulle Gatheme. Tagvane angutekalaukpok takkijomik, tamna innugangoakalaukpok 6 inik aggangmine ittikkaminelo, tagva kattilugit 24 giovut; tamnalo Rafamittauk erniangolaukpok.

21 Israelitillo mittautigingmagit, Jonathanib Simeab Davidib angajuata erninga ullimarpa.

22 Tapkoa sittamat erniangolaukput Rafamut Gathemiomut, ochotitaulutiglo Davidib tapsomalo kivgangita agganginut.

KAPITEL XXII.

Davidib imgerutinginik nertordlerutiksaniĥ, piulijaunine omigijiminit pivlugo.

DAVIDIBLO imgerutiksab tamattoma okausertangit okauservait Nalekab sângane, nelliutome taipsomane, Nalekab piuli-laungmago, omigijingita illunatik agganginit, Sauliblo agganginit, okarporlo:

2 Nalegak kairtorivara, sernigijiksakautigivaralo, piulijigilugolo.

3 Gude torkorviksakautigivara tettigijara, sappulutaksarijara, piulijauviksamalo sakkotinga, sapputsijiga kemâvigijaralo, piulijiga, piuliklertotit uvamnik idluitullivionermit.

4 Nalegak nertoromavara, nipliarvigijomalugolo; tagva omigijimnit piulijatniarpunga.

5 Tokkub ânianarningita illumalaungmanga, Belialiblo kôngita koaksartilaukpânga.

6 Kappianartoviub kellerutingita napperlaukpânga, tokkublo aklunangita sâlagilaukpânga.

7 Kappiasuleraiguma, tagva Nalegak nipliarvigivara, kaigarsuklungalo Gudimnut; tagva Tempelektiminit nippiga tussarpa, kaigarsungneralo sânganut pivok siutikingnut.

8 Nuna sajukpilulaukpok, aulatitaulunelo, killaub tungavingit aulavut, sajukpilutiglo ningaumajartillugo.

9 Iserluk kongmuarlaukpok kinganganit, ikkomalo nungut-sijok kanninganit, kaumalakarmat tamattomangat.

10 Killak nakiglitalaukpa akkarlunelo, tâktokalaukporlo ittigangita attâne.

11 Kerubiblo kângane ablangavok, tingilunelo tagvunga, ikkiakilaukporlo annorib êsarungine.

12 Tuppingalo avatâne tâktoksoniolaukpok, nuvujangolunelo kernertunik silliktuniglo.

13 Kebliidlarnermut sânganêtomut, ikkoalalaukpok kaumalarlune.

14 Nalegak kallukarkojilaukpok killangmit, kogvasinerpangôjublo kalluksoakotine annitilaukpait.

15 Kargjutekotine pittiksautilaukpait, siamartilaitalo; kaumalakitsilaukpok koaksartipaillo.

16 Tagva imiksuit kôdlartut tækkojaulaukput, nunaksublo tungavinga ulligêrtaumalaukpok, Nalekab suadlarninganut, kingangata annerninganut, annerteridlarninganullo.

17 Tamna tilliklilaukpok kôtsiktomit, ailungalo, kakkilaukpângalo immaksoarnit.

18 Piulilaukpânga omigijimnit sangijoksoarnit, omigijimnit pitsartuluadlalaunktunit uvamnut,

19 Sâlakarlauktunit uvamnik, kanoênima nelluiningane, Nalegarlo sungertuteolaukpok uvamnut.

20 Tapsoma annitilaukpânga innitôjomut; nussulaukpânga kuviagilauraminga.

21 Nalekab ajungitullivigivânga idluarnera malliklugo, akkiniarpânga aggangma ivsornainingat malliklugo.

22 Uvanga Nalekab apkosiningit attorapkit, idluitullilungilangalo Gudimnut.

23 Idluarijangit illunaita ijingma sângangnêput, perkojangillo egilungilakka uvamnit.

24 Idluinekalungilangale sângane, ulloreasuklungalo ajortunik.

25 Tamanna pivlugo Nalekab akkinniarvigivânga idluarnera malliklugo, ivsornainera ijikita sângangne malliklugo.

26 Heiligeôjune heiligeôvotit, idluartunelo idluarpotit.

27 Ivsornaitune ivsornaipotit, mumiksimajune mumiksimavotit.

28 Innuit ajulertut ikajorangne, ijingnullo piojorijut miklilertipattit.

29 Igvit Nalegak kaumautigigapkit. Nalekab tângnera kaumaksarpa.

30 Aiparilutit sorsuktut egilugit serkomitsungnarapkit; Gudigalo aiparilugo karmaksuit abtusarvigijungnarpakka.

31 Gudib apkosiningit kanoêtokatsengilet, Nalekab okausingit illakangilet. Tamna sappulutaavok illunainut tettekartunut tapsominga.

32 Nanele Gudekarka Nalegak pinago? Nanelo torkorviksakautekarka Gudivut pinago?

33 Gudib nekkoksitipânga pitsartunermut, apkosinermiglo unertutivânga tamarnangitomik.

34 Ittigakka tuktut ittiggangititut itipait, pitilungalo poktojokotimnut.

35 Tapsoma aggakka ajochertorpait sorsungnermik, talleralo ajochertorpa pittikse kannujaujok kellulugo.

36 Tunnitsivigivarmalo piuliklernivit sappulutanganik. Nikkanarsartigungalo angijorortiparma.

37 Attimne inniksamik âkiksoivotit pissungnermut, kamgâka uniorterkonagik.

38 Omigijikka udlatsomavakka, nungutsomalugillo, utteromalungilangalo tokkotsijarêrkarnanga tapkoninga.

39 Tokkotsomavakka egilugillo, serkomitsomavakka, akkerartoraksaringilânga; ittikkama attânut ochojuksauvut.

40 Pitsartunekartitsungnarparma sorsungnermut, akkerartortikka ochotitsungnarpattit attimnut.

41 Omigijikka kemâtipattit, asseroikovlunga omisuktunik uvamnîk.

42 Keviarput, piuliklertekangilarle; Nalekamut, tapsomale kiolungilait.

43 Toggarlugit serkallititsomavakka sannektitut nuname, allorluktitut apkosinerme serkallititsomavakka, siamartitsomalugillo.

44 Piulilaukparma innukotima annartorninginit, sapputilungalo angajokangorkovlunga nellojut akkorgane; innugiartoksuit illitarilaungitama kivgartorpânga.

45 Tujormitsat sappidlalaukpânga, naletsiarpângalo siutînut naletsiartunut.

46 Tujormitsat perlersimavut, nimajalutiglo kellerutimingne.

47 Nalegak omavok, kairtoralo torkorviksakautiga, Gudigalo nertortaule, piulijauviksama kairtunga nakorijaule.

48 Gude tamna, akkiniarnermik tunnîijok uvamnîut, innukattigêksoarniglo ochotitsîjok attimnîut.

49 Tapsoma ikajorpânga omigijimnîit. Igvit angijorortiparman taipkonangat akkerartortimnîit; igvit ikajorparma koksalaîtunîit.

50 Tamanna pivlugo kujagijomavagit Nalegak, nellojut akkorgane, akkillo imgerutigilugo kujalîjutiksanîk,

51 Attannekotiminîut sakkertitsîjok, piulijaunermik angijoksoarmîk, ajungitullîjorlo saimartitamînut Davidemut, tapsomalo kinguvânginîut soraijuitomîk.

KAPITEL XXIII.

Davidib okausingita kingorlinginîk; tapsomalo songojokotinginîk pinnîarnînginîglo.

TAMADSA Davidib okausingita kingorlingit: Davide Isaib erninga okalaukpok, angut tamna angijorortitaumajok, Jakob Gudingata saimartitanga, Israelib imgerutiksalliortangat tussarnidîartunîk okarpok:

2 Nalekab annernînga uvapkut okalaukpok, tapsomalo okalâninga okapkut okautigijaulaukpok.

3 Israelib Gudinga okalaukpok uvamnîut, Israeliblo kairtunga okâlalaukpok, attannîôjok idluartok innuit akkorgane, attannîôjok sivuranerme Gudemîk.

4 Uvlâb kaumaningatut itsomârpok, sekkinek uvlarme nuilertillugo nuvujakangîpat, sillalungnerub kingorgane kaumadlarnermut iviksukat nuilerpatta nunamîit.

5 Igluga taimailingalungigalloarmat Gudeme, angernermigle tunnitsivigilaukpânga soraijuitomîk, akiksoijomîk tamainîk, sok-

kosijuitomiglo, piulijaujutigijamniglo tamât, tussugijamniglo, sulle perorsakolungigalloarmago.

6 Belialille illunatik Dornitut nutsuksimajutitut îput, ag-gangnut tigujaujungnangitutitut;

7 Tigusijomajorle tapkoninga, kikkiangmik, kallugiablo ippu-anik aggangminejariakarpok, ikkomamullo ikkitaujomârput, tag-vane najortamingne.

8 Tamædsa Davidib sôngojokotingita attingit: Jasabeame Hachmonib erninga, pijariakortonerpaulaukpok pingasut ak-korngane; kallugiakotine kongmuartipa, angutillo 800 dit ulli-mar-pait attautsekut.

9 Tapsoma kingorngane Eleasarib Dodob Ahohib erningata erningata Davidib sôngojokotingita pingasut akkorngane Davide illagiva. Filisterit okarnerlotigingmattigik, kattimalaungmattalo sorsungnermut, Israeliblo angutingita majoarmatta paunga.

10 Tagva tamna nangerpok ullimarpaillo Filisterit, aggangit merngortornermut keratalerkârtinagit saviksoarme. Nalegarlo piulijaunermik angijomik tunnijilaukpok taipsomane, innugiar-toksuit uttermatta tamna malliklugo aksarnilutik.

11 Tapsoma kingorngane Samma Agab Harariub erninga îlaukpok. Filisterit kattimalertillugit kattimgajunut attautsinut, perorsêvikalaukporlo tagvane perorsijalingmik Linsinik, innu-giartoksuillo Filisterit kemâvait;

12 Tagva tamna nangeriartorpok perorsêviub kerkânut, piu-lilalo, annaulerlitalo Filisterit, Gudelo sâlakarnermik angijomik tunnijilaukpok.

13 Tapkoalo pingasut pijariakortônerpaujut 30 git akkorng-ane, attersarlutik tikkiput Davidemut kattersiviub nelliuningane Adullamib kairosunganut, Filisterillo kattimgajut tangmar-simalaukput Refaimib naksangane.

14 Davidele taipsomane kairtoksoarne igloksoatut avalulior-simajotut îtunelaukpok. Filisterille innugiartoksoangit tangmar-simalaukput Bethleheme.

15 Davidelo ikligosulaukpok, okarlunelo: Kia imiksaitoro-mavânga immektarviub Bethleheme ittertarviub attânetub im-minganit?

16 Tagva songojoksuit pingasut tapkoa Filisterit tangmar-vingat ittârpât, kallulutiglo immermik immektarvingmit Beth-lehemêtomit ittertarviub attâne, akjartorpâllo, âlugolo Davide-mut. Tapsomale immeromalaungilâ, kovilâle Nalekamut,

17 Okarlunelo: Nalekab tamanna ungasiktiliuk uvamnit, taimailiorkovlunga. Aungôlungilâk angutinit tapkonangat, in-nosermingnik ivlersilaungitunit, ailauktunillo tagvunga? Im-meromalaungilâlo. Songojoksuit pingasut tapkoa taimailior-laukput.

18 Abisai Joabib angajua angajokaunerôlaurivoktauk pinga-

sut akkorngane. Kallugiakotine kongmuartipa ullimarpaillo 300 dit; okausiongînarlaukpoktauk pingasut akkorngane.

19 Opigijaunarnerpângolaukporlo pingasut akkorngane, angajokaulaukporlo tapkonunga; pingasulle taipkoa innorpait.

20 Benajalo Jojadab Ishailib erningata erninga, Kabzeelemiub pinniarnersoakalauktub. Tapsoma angutik Amoniterik Loewetut ituk ullimarpak, attersarlunelo Loewelo tokkopa imektarvingme aputekarvingme.

21 Egiptenemiorlotauk ullimarpa, angut erksinadlartok, tamna kallugiamik tigumiarpok aggangminut. Tapsomale attersarlune aivigiva ajaupialijarlune, Egiptenemiorlo aksarpa akso-rornermut kallugiarmik agganginit, tokkopâlo kallugiakotinganut nangminerijanganut.

22 Taimailiôrlaukpok Benaja Jojadab erninga, okausiongînarlaukporlo songojoksuit pingasut tapkoa akkorngane.

23 Opigijaunarnersaulaukporlo 30 ginit; pingasulle taipkoa innorpait. Davidiblo attannertuijungortipa.

24 Asahel, Joabib nukka, 30 git tapkoa akkornganêpok. Elhanan Dodab erninga, Bethlehemiub.

25 Samma, Haradamiok. Elika, Haradamiok.

26 Helez, Paltemiok. Ira, Jekezib erninga, Tekoamiok.

27 Abieser, Antotemiok. Mebunai, Husatemiok.

28 Zalmon, Ahohimiok. Maherai, Netofatemiok.

29 Helebe, Baenab erninga, Netofatemiok. Ithai, Ribaib erninga, Gibeamiok, Benjaminib kittorngangita iglugaseksoanganit.

30 Benaja, Pirgatonemiok. Hidai, Gaasib kônginit pijok.

31 Abialbon, Arbatemiok. Asmaveth, Barhumemiok.

32 Eljaheba, Salbonemiok. Jasonib, Jonathaniblo kittorngangit.

33 Samma, Hararemiok. Ahiam, Sararib erninga, Hararemiok.

34 Elifelet, Ahasbaib, Macheatib erningata erninga. Eliam, Ahitofelib Gilonemiub erninga.

35 Hezrai, Karmelemiok. Paerai, Arbitemiok.

36 Jegeal, Nathanib erninga Zobamiok. Bani, Gademiok.

37 Zelek, Amonitereôjok. Naharai, Beerothemioik, Joabib Zerujab erningata sakkunginik akjarsijok.

38 Ira, Jethremiok. Garebe, Jethremiok.

39 Uria, Hethitereôjok. Tapkoa illunatik kattilugit 37 gi-ôvut.

KAPITEL XXIV.

Davidib kittitsikojininganik innugiartoksoarnik, pitlartauninganiglo tamanna pivlugo.

NALEKABLO ningaumajarninga illungertulerlaurivok ama Israelitinut, Davidelo kajungersarpa tapkoa akkorngane, okarkovlugo: Ailerit, Israelitillo Judakullo kittijartorkit.

2 Attannerlo Joabemut sorsuktuksaksoakotime angajokanganut okarpok: Israelib kinguvarêngita illunatik akkorngattigut ailerit, Danemit Berseba tikkilugo; innugiartoksuillo kittikit; kaujilerkovlunga kapsiomangatta.

3 Joabe attannermut okarpok: Nalegak Gudit illautitsilerle innugiartoksoarnut tapkonunga, sorlo manna illingangmatta 100 deértortunik unnurnersanik sulle, nalegara attannek, ijingme kuvasutiksanganik tækkokovlugo tapkenane; kissiane sôg nalekama attanniub tamanna kuvasutigivaûk?

4 Attanniuble okausingit ajugaulaukput Joabemut, sorsuktukello angajokanginut. Taimak Joabe aularpok, sorsuktukello angajokangit attannermit, innugiartoksuit Israelitit kittijartorlugit.

5 Ailutiglo Jordane ikarpât, tangmarlutiglo Aroereme, iglugaseksuit tallerpiane, Gadib kôngata kiglinganetome, Jaeseremelo;

6 Tikkilutiglo Gileademut, Hadsiblo nunanganut atsiktometomut; tikkilutiglo Danjaanemut, Zidoniblo avatânut;

7 Tikkipullo iglugaseksoarnut songojunut Tirusemik attelingnut, Heviterillo, Kanaaniterillo iglugaseksoanginut illunainut, tikkilutiglo Judab sekkernganut, Bersebamut;

8 Taimaglo nuna illunât ingergavigivât, tikkilutiglo Jerusalemut takkit 9 it uvlullo 20 git aularvingmik kingorngane.

9 Joabiblo attanermut tunnivait innugiartoksuit kittitaumajut unnurningit. Israelemelo angutekalaukpok 800000 dinik sôgojunik, saviksoarmik amuarsijungnartunik, Judamelo angutinik 500000 dinik.

10 Davidiblo omattinga tiglilerpok innugiartoksuit kittitaulaukârtillugit. Davidelo Nalekamut okarpok: Angijoksoarmik idluitullilaukpunga, tamattominga pinnialaurama; mannalo Nalegak kivgavit idluitullininga pëjalauruk, sillaidlartomik pinnialaurama.

11 Davidelo uvlarme makkimat, Nalekab okausinga Gademut, nellautaijomut, Davidib tækkojokotinganut, pivok okarlunelo:

12 Ailerit tagvunga Davidelo okarvigiuk: Imâk Nalegak

okarpok: Pingasunik adsigêngitunik kaitsivunga illingnut; annerosulerit tapkoa illanganik, taimailiorkovlunga illingnut.

13 Gadelo Davidemut tikkipok, okautigivâlo tamanna tapsomunga, okautivâlo: Pijomavît Jahrit 7 it nâlugit kângnartokarkovlugo nunakotingne? Ubvalo takkit pingasut nâlugit akkerartortitit kemâjariakarangne, taipkoalo unangmiklerkovlugit illingnik? Ubvalo uvlut pingasut nâlugit nusilingnartokarkovlugo nunakotingne? Tagva kamatsialerit manna nautsertorlutillo, sunamik okartuksaumangarma tapsomunga tillilauktimnut.

14 Davide Gademut okarpok: Kappiasudlarpunga, kissiane Nalekab agganginut kattangniarta, tapsoma napkigosungninga angijongmat; innuit agganginut kattagomalungilanga.

15 Taimak Nalegak nusilingnartomik tikkitokarkojivok Israelitinut, uvlâmit nelliutok tamna taijaumajok tikkidlugo, innugiartoksoarnit Danemit Berseba tikkilugo angutit 70000 dit tokkolerimatta.

16 Engeliblo aggane issangmagit Jerusalemib kollânut asseromavlugit; Nalegak kakkialerpok idluinermik tamattominga, okarlunelo Engelemut, asserojomut innugiartoksoarnik: Namaksivok, aggaktit erkitikit. Nalekable Engelinga Arafnab Jebusitereôjub kakkojaksaliorvinganelaukpok.

17 Davidible Engele innugiartoksoarnik tokkotsijok tækko-gamiuk, okarpok Nalekamut: Ahâk, uvanga idluitullilaukpunga, uvanga idluitullinermik ominga piniarlaukpunga; sunamik saukat ukkoa pinniarlaukât? Aggaktit torarlit uvamnut akkerartorlunga, atâtamalo iglunganut.

18 Gadelo Davidemut tikkipok nelliutome taisomane okautivalo: Majorarit takpaunga, Altaremiglo sennalerit Nalekamut Arafnab Jebusitereôjub kakkojaksaliorvingane.

19 Taimak Davide majorarpok takpaunga, sorlo Gade oka-laungmat, sorlolo Nalegak perkojilaungmat.

20 Arafnalo keviarame, attannek kivgane illagilugit kaitillugo tækkova, kênanelo pûlugo nunamut opigosukpok,

21 Okarlunelo: Sôg nalegara attannek kivgaminut kaiva? Davide okarpok: Kakkojaksaliorvik unâ pissiarilugo illingnit, Altaremiglo sennalunga Nalekamut, pagvisartoâluk innugiartoksoarne soraikovlugo.


22 Arafnale Davidemut okarpok: Nalegara attannek tigusilerle, tunnergumiglo tunnijile namagijaminut; ahâk tagva tuktuvakarpok tunnergutiksamut ôtaksamut, tuktuvaublo annungita kejuktangit ikkomaksamut.

23 Tamaita Arafnab attanniojub tunnivait attannermut. Arafnalo okarpok attannermut: Nalekab Gudivit namagijautilitit ingminut.

24 Attannerle Arafnamut okarpok: Taimangungitok, pissiarijomavarale illingnit kénaujanut akkiluanga malliklugo; Nalekamnut Gudimnut tunnergumik ôtaksamik tunnijomalunginama, akkekangitomi pilauktamnik. Taimak Davidib kakkojaksaliorvik, tuktuvâglo pissiarivâk Sekelinut Silbereôjunut 50 ginut.

25 Sennalunelo tagvunga Altaremik Nalekamut, tunnijilunelo tunnergutini ôtaksanik, tunnergutiniglo kujalijutiksanik. Nalegarlo kennuvigijauvok nuna saimarvigilugo; Nalegarlo ullapkosertaulaupok nunamut, pagvisartoâluglo sorailaupok innugiar-toksuit Israelitit akkorngane.

Attannit aglangita sivorlingit.



KAPITEL I.

Salomob mingoartauvlune saimartitauvlunelo attanningortitau-ninganik.

ATTANNERLO Davide innutokaugame, Jahrekarlunelo unnuk-tunik, aukanerungnarlaungilak, annorangnut ulliktaulauralloar-mat.

2 Tagva kivgangita okautivât: Nalegara attannek pivlugo kennerlit innuosuktomi uigâsungmik, attanniub sângane nanger-niartomik, pairksiniartomiglo tapsominga, talligingnelo sinning-niartomik ivaniartomiglo nalekamnik attannermik.

3 Israelitillo kigililervingine illunaine uigârsuk ânanak ken-nerasuarpât, nachvarpâllo Abisag Sunemiok, âpâllo attanner-mut.

4 Tamnalo uigarsólaukpok ananaudlartok, pairiválo attannek, kivgartorlugolo. Attanninble uvinekattigilungilá.

5 Adoniale Hagithib erninga angijorortipok, okarlunelo: Attaningoromavunga; sennakojilunelo ingminut kammutingnik aksalloalingnik, angutiniglo ablangajunik horsine, angutiniglo 50 ginik sivurlertunik tapsominga.

6 Atátangatalo kuvianailisaromalaungila nelliunermine, okarajarlune: Sôg taimailiorkit? Tamnalotauk angutitsiangolaurivok, anâ nangatalo erniarilaukpa tugliovlune Absalomemut.

7 Attannertortigivaglo Joabe Zerujab erninga, Abjatharelo ajochertuijok. Tapkoa Adonia ikajorpâk.

8 Zadokible ajochertuijub, Benajablo Jojadab erningata, Nathaniblo nellautaijub, Simeiblo, Reiblo, Davidiblo sôgojokotingita Adonia illigilungilât.

9 Adoniablo saukat, tuktuvaillo, nergjutillo koinititaumajut tunnergutautigamigit ujarasuksub Soheletemik attiggub, immektarviub Rogelemik attiggub, sennianê tub tungâne, kattangutine attaniub erningit illunaita kaikovait, Judablo angutingit attaniub kivgangit illunaita.

10 Nellautaijorle Nathan, Benajalo, sôgojullo, Salomolo nukkane kaikolaungilait.

11 Tagva Nathan okarpok Bathsebamut Salomob anâ nanganut: Tussarlaungilatit Adonia Hagithib erninga, attaningorsimangmat, nalegavullo Davide nellomarikpok tamattominga?

12 Tagva kailaurit manna attannertoromavagit, tarningnik ernerpillo Salomob tarninganik piuliklerkovlutit.

13 Ailaurit itterlutillo kammunga attannermut Davidemut, okautilugolo: Nalegâk attannek, kivgait arnak angermarilaungikiûk, okarvigilugolo: Ernît Salomo kingunamne attâningortuksauvok, iksivajuksaulunelo iksivautakotimne? Sôgle manna Adonia attanningorsimava?

14 Ahâk tagvanêtillutit sulle, attannermullo okartillutit, kingunangne itteromavunga, okausiksatillo okautigijarêromavakka.

15 Bathsebalo itterpok attannermut kammunga aiparusermut. Attannerlo innutokaudlalaupok, Abisagiblo Sunemiub attannek kivgartorpa.

16 Bathsebablo okkungalune attannek opigiva: Attannerle okarpok: Suvit?

17 Tapsoma okautiva: Nalegâk, igvit kivgait angermarilaukpat Nalegarne Gudingne: Ernît Salomo attanningortuksauvok kingunamne, iksivajuksaulunelo iksivautakotimne.

18 Mannale ahâk, Adonia attanningorsimavok; igvillo nalegara attannek nellovat tamanna.

19 Taipsoma angusalluit, tuktuvaillo, nergjutillo koinititaumajut tunnergutautilaukpait, attaniublo erningit illunaita

kaikolaukupait, taimaktauk Abjathare ajochertuijok, Joabelo sorsuktuksaksoakattigêt angajokangat; kivgelle Salomo kaikolaungila.

20 Illingnullo nalegara attannek Israelitit ijingit illunatik torarput, nellojungnaititsikovlutit taipkoninga, kina iksivajuksaumangât nalekama attanniub iksivautaksoangane tapsoma kingorngane.

21 Imaitsomârporlo, nalegara attannek atâtagijane illagilugit sinnisimalerpat, tagva uvanga, ernalo Salomo, idluitullijonasugijauniarpoguk.

22 Ahâglo, tamna okartillugo sulle attannermut, nellautaijok Nathan kailune itterpok.

23 Attannerlo okautivât tamattominga: Ahâk nellautaijok Nathan mânepok. Kammungalo itterame attanniub sânganut, kênane pûlugo nunamut, attannek opigiva.

24 Okarlunelo: Nalegara attannek okalaukît: Adonia kingunanne attaniojuksauvok, iksivajuksaularmelo iksivautakotimne?

25 Uvlome attersârmât, tuktuvaillo, nergjutillo koinitisimajut, saukallo unnuktovaksuit tunergutautilaukupait, attaniublo erningit illunaita kaikolaukupait, angajokâjello, taimaktauk Abjathar ajochertuijok. Ahâglo nerrivut, immerlutiglo taipsoa sângane, okarlutiglo: Pilloringnartokarle attannermut Adoniamut!

26 Uvangale kivgait, Zadokelo ajochertuijok, Benajalo, Jojadab erninga, kivgaillo Salomo, kaikolaungilâtigut.

27 Tamanna nalekamnut attannermut perkojaumalauka? kivgatillo kaujilaungilet kina nalekama attanniub iksivautangane tapsoma kingorngane iksivajuksaumangât?

28 Tagva attannek Davide kiovok okarlunelo: Bathseba kaikolersiuk uvamnut. Tamnalo itterpok attanniub sânganut, attannerlo sângerpa.

29 Attannerlo angermarikpok, okarlunelo: Sorlo Nalegak miksekârtomik innôngmat, tarnimnik piuliklerlauktok kannoê-tunit tamainit,

30 Uvlome pinniaromavunga sorlo angermarilaurapkit Nalekame Israelib Gudingane, okarlunga, ernît Salomo kingunanne attaniojuksaumngat; tamnalo iksivajuksauvok iksivautakotimne innangêrdlunga.

31 Tagva Bathseba okkungalerpok kênane pûlugo nunamut, opigivâlo attannek, okarlunelo: Pilloringnartokarle nalekamnut attannermut Davidemut sorairane.

32 Attannerlo Davide okarpok: Ajochertuijok Zadok kaikolersiuk uvamnut, nellautaijorlo Nathan, Benajalo Jojadab erninga. Ittermattalo attanniub sânganut,

33 Attanniub okautivait: Angajokapse kivgangit illasearisigik, ernalo Salomo ikkitisiuk horseojârtokotimnut, attersartilugolo unnunga Gihonemut.

34 Ajochertuijublo Zadokib, aipakarlune nellautaijomik Nathanemik, mingoarliuk tagvane attaningortilugo Israelitinut. Tiptulausijaritselo tiptulautinut, okarluselo: Pilloringnartokarle attannermut Salomomut!

35 Tamnalo malliklugo majoraritse kailuselo, tagva iksivajuksauvok iksivautakotimne, attanniojuksauvorlo innangêrdlunga; uvangalo perkojomavara attanniokovlugo Israelitinut, Judakunullo.

36 Tagva Benajab Jojadab erningata attannek kiova, okarlunelo: Amen, Nalegak nalekama Gudinga okarletauk taimak!

37 Sorlo Nalekab nalegara aiparilaungmago, taimak Salomotauk aipariliuk, iksivautanga anginersaukovlugo Davidib iksivautanganit.

38 Tagva ajochertuijok Zadok, nellautaijorlo Nathan, Benajalo Jojadab erninga, Kretillo Pletillo, attersarput kannunga, Salomolo ikkitipât attanniub Davidib horseojartokotinganut, attersartilugolo Gihonemut.

39 Zadokiblo ajochertuijub nakjuk orksukaut tiguva tuppermit, mingoarpâlo Salomo, tiptulausijarpullo tiptulautinut, innugiartoksuillo illunatik okarput: Pilloringnartokarle attannermut Salomomut!

40 Innugiartoksuillo illunatik malliklugo majorarput, innugiartoksuillo nipsausijarput nipsautinut, kuviasudlarlutiglo, nuna nippersoanginut imiadlarmat.

41 Adoniablo tussarpa illunatiglo kaikolauktangita, najortigijangita; nerrijarêrlaukpullo. Joablo tiptulautib nippinga tussaramiuk okarpok: Kannok nipliadlarnek, aulajadlarnerlo iglugaseksoarne tukkekarkat?

42 Okartillugolo sulle, ahâk, tagva Jonathan Abjatharib ajochertuijub erninga kaivok. Adonialo okarpok: Kailaurit kammunga, angutaugavit nellagôrtok, taigotaksaniglo ajungitunik kaitsivotit.

43 Jonathanele kiovok, okarlunelo Adoniamut: Illa nalegapta attanniub Davidib ernine Salomo attanningortilaukpa.

44 Illagællugolo tillilaukpait ajochertuijok Zadok, nellautaijorlo Nathan, Benajalo Jojadab erninga, Kretillo Pletillo: ikkitilaukpâllo attaniub horseojartokotinganut.

45 Ajochertuijublo Zadokib nellautaijok Nathan aiparilugo mingoarlaukpa attaningortilugo Gihoneme, majorarlaukpullo tagvangat kuviasuklutik, iglugaseksuit aulajadlarmatta; tamannauvok nipliadlarnek tussarlauktasse.

46 Taimaglo Salomo iksivavok attanniub iksivautangane.

47 Attanniublo kivgangit ittersimavut kammunga, nalegavut Davide saimartilugo, okalaukpullo: Gudivit Salomob attinga anginersautiliuk attarnit, iksivautangalo anginersautiliuk iksivautarnit. Attannerlo opigosulaukpok innangavingme.

48 Attannerlo okalaurivok imâk: Nertortaule Nalegak Israelib Gudingat, uvlome iksivakojimajok kinamik iksivautamne, ijikka tækkokovlugik tamattominga.

49 Tagva koaksarput parngnailutiglo illunatik Adoniamut kaikojaulauktut, aularlutiglo attunît apkotigijamingnut.

50 Adoniable Salomo sivuragiva, parngnailerporlo ailunelo Altariblo nakjugik tigumiarpâk.

51 Salomolo okautsaulerpok: Ahâk, Adoniab attannek Salomo sivuragiva; ahâglo, Altarib nakjugik tigumiarpâk, okarlunelo: Attanniub Salomonib angermarilinga uvlome, kivgane tokkotsomangimago saviksoarmut.

52 Salomo okarpok: Nellagôrniarune, tagva nujak attauseronêt tapsomangat kattaktuksaungilak nunamut, idluitomigle nachvarviôgune, tokkotaksauvok.

53 Attannerlo Salomo tilliklerpok tagvunga, aijaukolâlo Altaremit. Tikkinamelo attannek Salomo opigiva. Salomole okarpok tapsomunga: Ailerit iglokotingnut.

KAPITEL II.

Davidib pijomajangita kingorlingat, tokkungalo. Salomonib mallingninga tapsominga, idluarsainingalo nertornartok.

MANNA nelliutok Davidib tokkoviksanga kaglilermat; ernine Salomo perkova, okarlunelo:

2 Uvanga sillaksoarmiut illunamassiatik apkotingat aiviginiarpara; tagva maksoalerit, angutautilillo.

3 Kamagikillo kamagijaksat Nalegak Gudît pivlugo, agvertarkovlutit tapsoma apkosiningine, kamatsiarkovlutillo illusiokojanginik, perkojanganiglo, idluarijanganiglo, kiglgiudsininginiglo, sorlo aglaksimangmat Mosesib perkojanginge, sillatôkovlutit piniarnerne illunaine, namullo sangulervigijarne;

4 Nalegak okautsiminik okauserilauktaminik pivlunga neltausititsikovlugo, okarame: Kittorngavit apkoserijatik udser-toromârpagit, sâmnne nertornarlutik, omamullo tamânut, tarne-mullo tamânut agvertarkovlugit; tagva angumik illingnit pijomik Israelib iksivautanganetomik ajoksartokarniatsengimarikpok.

5 Kaujimatsiarpotittauk sumik Joab Zerujab erningata piniarvigilaungmanga, sunamik pinniarlauktanganik Israelib sorsuktuksaksoakattigêkotingita angajokagingnut, Abneremut Nerib erninganut, Amasamullo Jetherib erninganut, tokkolauktamingnut, kovisilunelo unatadlarnarub aunganik, ullapirsautekartillugo, unatadlarnarublo aunganik pititsivok tapserutekotiminut, mak-kitimigut attorlauktaminut, ittiggagutiminullo ittikaminelauktunut.

6 Pinnialerit sillatonit malliklugo, nujangillo kêtojut ullapirsautekarlutik unnungakoniarnagit tokkungajut inninganut.

7 Barsilaible Gileademiub kittorngangit napkoarnermik pinniarvigijaksarvattit nerrimârkattaikovlugit nerrimarvingne. Taimailiorvigilaungmanga angajoat Absalome kemâlaurapko.

8 Ahâglo najortigivat Simeï, Gerab erninga, Jeminib erningata Bahurimemiok, okarnerlotjilauktok uvannik mamaitoâlungmik, nelliutome taipsomane aivigijamne Mahanaimemut. Taip-somale attersarlune pachrearlaukpânga Jordanemut. Tagva angemarilaukpara Nalekame okarlunga: Tokkotsomangilagit saviksoarmut.

9 Mannale passijaksaungitokoniarnago, angutaugavit sillatô-jok, kaujimatsiarniarpotillo sunamik pinniarvigijaksarimangangne, nujangit kêtojut aungmut unnungartilugit tokkungajut inninganut pikovlutit.

10 Taimak Davide sinnisilerpok, ailune atâtagijaminut, illijartortaulunelo Davidib iglugaseksoakotingine.

11 Nelliutorle Davidib attanniovia Israelitinut Jahreôvut 40 git. Jahrit 7 it nâlugit attanniolaupok Hebroneme, Jahrit 33 nâlugit Jerusaleme.

12 Salomolo iksivavok atâtame Davidib iksivautakotingane, attannioningalo sokkosijuilaukpok.

13 Adoniale Hagithib erninga kailaukpok kamunga Bathsebamut Salomob anânanganut. Tamnalo okarpok: Ullapirsautekarlutit tikkigalloarivît? Tamna okarpok: Ahaila.

14 Okarlunelo: Okausiksakarpunga illingnut. Arnak okarpok: Okarit.

15 Tamna okarpok: Nellungilatit attanniovik nangmineri-laurapko, Israelitillo illuêngarlutik torarvigilaukpânga, uvanga attaniojuksaugama; mannale attaniovik sangutitaumavok, nukam-nullo illingatitaumavok, Nalekamit pigimava.

16 Manna tuksiarnek attausek kennuarivara illingnit, kippilungniarnanga. Tamna arnak okarpok: Okalerit.

17 Tamna okarpok: Attannek Salomo okarkattigilauruk, kippilungniangimattit, tunnijikovlugo uvamnut Abisagemik Sune-miomik, nulliangokovlugo uvamnut.

18 Bathseba okarpok: Taimaile, pivlutit attannek okarkattigijomavara.

19 Bathsebalo itterlune tikkipok kammunga attannermut Salomomut, okarkattigijomavlugo Adonia pivlugo. Attannerlo nikkovilerpok pachrearorpâlo, opigilugolo, ingilunelo iksivautaminut. Iksivautarlo kaitaulaukpok attanniub anânanganut, ingilervoklugo tapsoma tallerpianut.

20 Tamnalo arnak okarpok: Tuksiarârsungmik kennuvunga illingnit, kippilungniangilarma. Attanniub okautiva: Tuksiarit anânak, kippilungniangilagit.

21 Tamna arnak okarpok: Abisag Sunemiovinek tunnijaule angajungnut Adoniamut, nulliangokovlugo tapsomunga.

22 Tagva attannek Salomo kiovok, okarlunelo anánaminut: Sôg Abisag Sunemiovinek kennuariviuk Adoniamut? Attaniovik-tauk kennuarigiuk tapsomunga, angajuklerpaungmat kattang-utimnit, illigijaulanelo Abjatharemut ajochertuijomut, Joabemullo Zerujab erninganut.

23 Attannerlo Salomo angermarikpok Nalekame, okarlunelo: Gudib mattominga ipsomingalo pinniarvigilinga, Adonia oka-laungipat tamattominga akkerartorlune innôserminut.

24 Mannalo, sorlo Nalegak miksekârtomik inôngmat nakki-tertok uvamnik, iksivakojijorlo uvamnik atâtama Davidib iksi-vautangane, iglomiglo sennalauktok uvamnut, sorlo okalaung-mat; Adonia uvlome tokkotaujuksauvok.

25 Attannerlo Salomo tilliklerpok taipsomunga Benajamik Jojadab erninganik; tapsoma ullimârpa tokkodlugo.

26 Ajochertuijomullo Abjatharemut attannek okarpok: Ailerit Anatotemut perorsévikotingnut, tokkotaksaugavit. Uvlomele tokkotsomangilagit, Nalekab iklervinga akjarlaurangne atâtama Davidib sivorngane, siorniorkattaulauravillo atâtaga siorniudlar-tillugo.

27 Taimak Salomob ajochertuijok Abjathar ajæktorpa, ajochertuijokonnago Nalekamut, nellautsikovlugit Nalekab okau-singit, okauserilauktangit Elib iglomiokotingit pivlugit Silome.

28 Tussaumajarlo tamanna pivok Joabemut; Joabib Adonia ungagilaungmago, Absalomeleungitok. Tagva Joabe kemâvok Nalekab tuppinganut, tigumiarpâglo Altarib nakjugik.

29 Attannerlo Salomo okautsaulerpok Joabe kemâsimangmat Nalekab tuppinganut; ahâglo nangerpok Altareme. Tagva Salomob Benaja Jojadab erninga tilliva, okarlunelo: Ailerit ulli-mârlugolo.

30 Benajalo Nalekab tuppinganut pigame, okautiva: Imâk attannek okarpok: annit. Tamna okarpok: Mâne tokkojomavunga. Benajablo tamanna okautigiva attannermut, okarlunelo: Taimak okalaukpok, taimaglo kiolaukpânga.

31 Attanniub okautiva: Pinniarit okauserilauktangatut, ulli-mârlugolo, illijartorlugolo; aungmik, Joabib sullinane kovilauktanganik pējaikovlutit uvamnit, atâtamalo iglomiokotinginit.

32 Nalekablo akkiniarutigiliuk aunganik niakoanut, angutik tokkolaungmagik, idluarkijagik, namakijagiglo, innuarlaukpâglo saviksoarmut, atâtaga Davide nellotillugo tamattominga, Abner, Nerib erninga, Israelitit sorsuktuksaksoakattigêngita angajokangat, Amasalo Jetherib erninga, Judakut sorsuktuksaksoakattigêngita angajokangat.

33 Tapkoa augik akkiniarutigijaukovlugik Joabib niakoanut, kinguvângitalo soraijuitomik; Davidele kinguvângillo, iglungalo,

iksivautangalo, ullapirsautekarkovlugit soraijuitomik Nalekab sângane.

34 Benajalo Jojadab erninga majorarpok, ullimârpâlo tokkolâlo. Illijartortauvorlo iglomine sunakajuitome.

35 Attanniublo Benaja Jojadab erninga angajokangortipa sorsuktuksanut, taipsoma inninganut; Zadokelo ajochertuijok, attanniub pitipa Abjatharib innigilauktanganut.

36 Attannerlo tilliklerpok, Simeilo kaikojaukova, okautivâlo: Igloliorit igluksarnik Jerusaleme, nunakarlutillo tagvane, anniarnaglo tagvangat, ikkungalonêt taikungalonêt.

37 Uvlut nelliane anniviginiartarne kôb Kidronib akkianut, tagva kaujimalerit tokkotaujuksaugavit; aut niakungnut pile.

38 Simei okarpok attannermut: Okarnît idluarpok; sorlo nalegara attannek okalaungmat, kivgait taimailiorniarpok. Taimak Simei nunakalaukpok Jerusaleme akkunît.

39 Pijokarlaukporle Jahrit pingasut kingorngane Simeib kivgagik kemângmannik Achisemut Maechab erninganut Gathemiut attanninganut. Simeilo okautsauerpok: Ahâk, kivgakotitik Gathemêpuk.

40 Tagva Simei parngnailerpok, siutekoktôjokotinelo iksivaviktariava aularlunelo Gathemut Achisemut, kivgane kenneromavlugik. Tagvungalo tikkiname kivgane âpâk Gathemit.

41 Salomolo okautsauvok Simei aularlaungmat Jerusalemit Gathemut, uttersimangmallo.

42 Tagva attannek tilliklerpok, kaikojaukolâlo, okautilugolo: Angermarilaungilagit Nalekame, kighligiudsivigilutillo, okautilutillo, uvlut nelliane aularajarvingne ikkunga, taikungalonêt kaujiuksaugavit tokkotaksaunernik? Igvillo okautilaukparma: Okautsitit tussartakka idluartôvut.

43 Sôgle Nalekab angermaringninga, perkojarlo tunnilauktara illingnut, mallilaungipigik?

44 Attannerlo okarpok Simeimut: Nellungilet kassênêk tamât, omattivit kaujimajanga, pinniarlauktat atâtamnut Davidemut; Nalekab kassênît akkiniarutigimava niakungnut.

45 Attannerlo Salomo pitsartutitaumavok, Davidiblo iksivautanga sokkosijuijomârpok Nalekab sângane sorairane.

46 Attanniublo Benaja Jojadab erninga perkova, tamna annivok ullimârpâlo tokkolugo. Attannioviglo aulajuititaulaukpok Salomob agganginut.

KAPITEL III.

Salomob nullianingninganik, tuksiarninganiglo illissimanermik; idluarsaininganiglo sillatôjomik.

SALOMOBLO Farao Egiptenemiut attanningat illanârilerpa, nullianilunelo Faraob panninganik, âpâlo Davidib iglugasekso-anginut, igloliorkârtinago iglominik Nalekablo iglunganik, avaluksoarniglo Jerusalemib avatâne.

2 Innugiartoksuille tunnergutunik tunnijilaukput sulle pôktojune; nelliutok taipsuma tikkidlugo igloliortokalaungimat sulle iglomik Nalekab attinganut illingajomik.

3 Salomoblo Nalegak nagligiva, agvertarlunelo atâtame Davidib illuserilauktangit malliklugit; kissiane pôktojune tunnergutunik tunnijivok isserluanititsilunelo.

4 Attannerlo aivok Gibeonemut, tagvane tunnergutunik tunnijjomavlune; tamanna pôktojolaungmat ânanaudlartok. Salomolo tunnijivok tunnergutunik ôtaksanik 1000 dinik Altareme tapsomane.

5 Nalekablo Salomo sakkervigiva Gibeoneme sinnektomane-kut unnuarme, Gudelo okarpok: Tuksiarit sunamik, tunnijak-sannik illingnut.

6 Salomo okarpok: Igvit atâtaga Davide kivgait napkoar-nermik angijomik pinniarvigilaukpat, agvertarlaungmat sângne miksekârnerme, idluarnermelo, omattiblo nellagôrningane; napkoarnermiglo tamattominga sokkosijuivigilaukpat, ernermiglo tunnitsivigilaukpat iksivautangane iksivajomik, sorlo manna illingangmat.

7 Mannalo Nalegak Gudiga, kivgait attanningortilaukpat atâtama Davidib inningane. Uvangelo nukapiarârsovunga kaujimanangalo kannok anninimnik itternimniglonêt.

8 Kivgaillo innugiartoksuit annerilauktavit akkornganêpok, taimak unnuktigijôjut kittitaujungnangimatta, aglagutigijaujung-nangimattalo unnumut.

9 Taimak kivgait omamik naletseriartomik tunnitsivigilauruk, innukotingnik idluarsajungnarkovlugo, tukkisilerkovlugolo sunamik idluarmangât, idluimangâllonêt. Kinale sappingilâk innugiartoksoakotitit taimak unnuktigijôjut idluarsarungnarlugit?

10 Tamanna Nalekab namagiva, Salomo taimaitomik tuksiar-mat.

11 Gudiblo okautiva: Taimaitomik tuksiaravit, tuksiar-launginavillo innôtsemik sivitôjomik, akluinermiglonêt, omigijivit tarninginiglonêt, sillatunermigle idluarsajungnarlutit;

12 Ahâk tagva okautsitit malliklugit pinniarpunga. Ahâk

omamik illissimajomik, sillatôjomiglo tunnitsivigimavagit, illiktut itokalaungimat sivunerne, pittakarniangimallo kingunerne.

13 Taimaktauk tuksiararingitarnik tunnitsivigimagivagit, imaitunik, aklûinermik, nertortaunermiglo, adsekarkonnak attautsemiglonêt attannit nelliunernetut akkorngane.

14 Apkosinimnello agvertarniaruvit, illusiokojakka, perkojakkalo mallingniarungne, sorlo atatait Davide agvertarlaungmat; tagva tunnitsivigijomavagit innotsemik sivitôjomik.

15 Salomolo tuppalermat, ahâk, tagva tamanna sinnektomaniolaukpok. Tikkiporlo Jerusalem, nangeriartorlunelo Nalekab angersimaningata iklervingata sânganut, tunnijilunelo tunnergutunik ôtaksanik, kujalijutiksaniglo, âkiksoilunelo nerri-mâraksamik angijomik kivgaminut illunainut.

16 Nelliutome taipsomane anguniarpaktûk kaivuk attannermut, nangeriartorlutiglo sânganut.

17 Arnâglo aipanga okarpok: Nalegâk, uvanga arnarlo una katingalaukpoguk iglome attautseme; uvangalo innangakattigilaukpara iglome.

18 Ernilaungnimalo uvlut pingasut kingorngane, tamna ernilaurivok. Uvaguglo aiparêlaukpoguk, taimak tujormijakangi-mat iglome uvaguk assiptionik.

19 Arnablo oma erninga tokkovok unnuarme; sinniklune nennerlugo tokkolaungmago.

20 Unuarmelo makkipok tiguvalô ernera sennimnit, kivgait arnak sinniktillugo, illilâlô talliminut, erninelo tokkungajok illiva tallimnut.

21 Uvlâkullo makkilaurama ernera amamaktitsomavlugo, ahâk tagva tokkungalaukpok. Uvlarmelo kemmergolaukpara, ahâglo, ernerilaungitara erniliaringitaralo.

22 Arnâglo aipa okarpok: Taimangungitok, ernera innôvok, ernillo tokkungavok. Tamnale okarpok: Taimangungitok ernît tokkungavok, erneralo innôvok. Taimaglo okarpuk attanniub sângane.

23 Attannerlo okarpok: Una okarpok: Ernera innôvok, ernillo tokkungavok; tamnalo okarpok: Taimangungitok, ernît tokkungavok, erneralo innôvok.

24 Attannerlo okarpok: Saviksoarmik aiklerutigissinga. Saviksoarlo kaitaulerêrmat attanniub sânganut,

25 Attannek okarpok: Nutarak innôjok aviksiuk maggoliti-lugo, koppangalo tunnisiuk omunga, koppangalo aipa tapsomunga.

26 Tagva arnak tamna ernelik innôjomik, okarpok attannermut, (omattinga illungertudlalermt ernine pivlugo): Nalegâk sorruksek innôvlune tunnisiuk tapsomunga, tokkoniarassiuglo. Arnâgle aipanga okarpok: Uvannullonêt illingnullonêt illinganiarnago, aviktaule.

27 Tagva attannek kiovok, okarlunelo: Sorrusek innôvlune tunnisiuk omunga, tokkoniarassiuglo, tamna anânaungmat.

28 Idluarsainerlo tamanna, attanniub attorlauktanga tus-saumajaulerpok Israelitit illunamassianginut, attannerlo sivora-givât; tækkogamik Gudib illissimaninga tapsomanêmat, idluar-sainermik attorlune.

KAPITEL IV.

Salomob pimaklertokotingit, ânanauningalo, illissimaningalo.

TAIMAK Salomo attanniôlaukpok Israelitit illunamassianginut.

2 Angajokakotigilauktangillo tapkoangôvut: Asarja Zadokib ajochertuijub erninga.

3 Elihoref, Ahijalo Sisab erningik aglakpaktôlaukpuk. Josafat Ahiludib erninga angajokaulaukpok aglakpaktunut.

4 Benaja Jojadab erninga angajokaulaukpok sorsuktuksak-soakattigênut. Zadokelo, Abjatharelo ajochertuijolaupok.

5 Asarja, Nathanib erninga angajokaulaukpok pimaklertu-nut. Sabude Nathanib ajochertuijub erninga, illanângolaukpok attannermut.

6 Ahisar aulatsijolaupok attanniub iglunganik, Adonirame Abdab erninga aulatsijolaupok perorsevikotinginik.

7 Salomolo pimaklertekutekalaukpok 12 inik Israelitit illu-namassianginut, pattangaititsijunik attannermik iglomioko-tinginiglo. Tapkoa attunît Jahreme attautseme, takkek attausek nâlugo pattangaititsijariakalaukput.

8 Imâglo attekalaupok: Hurib erninga, Efraimib kakkangine;

9 Dekerib erninga Makazeme, Saalbimemelo, Bethsemese-melo, Eglonemelo, Bethananemelo;

10 Hêsedib erninga Arubotheme, Suchomiglo pekalaaurivok, Hêferiblo nunanganik illunânik;

11 Abinadib erninga Nafat-Doreme illunâne, Tofathelo Sa-lomob pannia nulliariva;

12 Baena Ahiludib erninga Thanacheme, Megidomelo, Beth-seanemelo illunâne, Zarthanab sennianetome, Jesreelib attâne, naternak Meholamik attelik tikkidluglo; Jakmeamib ungatanut tikkilugo.

13 Gerib erninga Ramotheme Gileademêtome, pigilaukpaillo Jairib Mannassib erningata iglugasekotingit Gileademêtut, Argublo Basanemêtub erkâ, iglugaseksuit angijut 60 git, karmaksoarnik avaluggit, kannujarniglo senneroagit;

14 Ahinadabe, Iddob erninga, Mahanaimeme;

15 Ahimaze Naftalime, tamnatauk nullianikpok Salomob paninganik Basmatemik;

16 Baena Husib erninga, Assereme, Alothemelo;
 17 Josafath Paruab erninga, Isaschareme;
 18 Simeï Elab erninga, Benjamineme;
 19 Geber Urib erninga, nuname Gileademe, Sihonib Amoriterit attaningata, Ogiblo Basanemiut attaningata nunagilauktagingne; pimaklerte attausek nuname tamattomanelaukpok.

20 Judakulle Israelitillo taimak unnuktigijôlaukput siorkattitut imarbiaksub siksanganêtitut, nerrivullo, immerlutiglo, serridlalaularmiglo.

21 Taimaglo Salomo nalegaualaukpok attaniovingnut illunainut, kôksoarmit Filisterit nunangat, Egiptenemiut kigililervingat tikkidlugik; pilliutinik kaitsivut tapsomunga, nalekpâlo inôsingane tamât.

22 Salomolo uvlut tamaita pijariakalaukpok nerkiksaminut Korit 30 git tætlugit sennaukamik kakkortamik; Koriniglo 60 ginik sennaukamik assianik;

23 Tuktuvângnik tellimaujortunik koinititaumajunik; tuktuvângniglo 20 ginik, natername iviksukatalingme mianerijaulauk-tunik, saukaniglo 100 dinik; tuktut, tuktungajullo tuktuojartullo, nergjutillo koinititaumajut taijaukassiutinagit.

24 Attaniotigame nunab illunaksoanganut, kôksub miksânetomut, Tifsamit Gasa tikkilugo, attaniovingnut illunainut, kôksub miksânetunut, ullapirsautekalaukporlo illunainit avatânêtitut.

25 Taimak Judakut Israelitillo ussornarnarlutik nunakalaungmatta, nelliat nappartokotime Weineliaksub attâne, Feigeliaksublo attâne, Danemit Berseba tikkidluglo, Salomob inosingane tamât.

26 Salomolo horsekutekalaukpok kammutingnut illingajunik 40000 dinik, sorsuktuksakutekalarmelo horsit kângine ablangujunik 12000 dinik.

27 Pimaklertillo taipkoa Salomo, illunaitalo tapsoma nerrimarvinganut illingajut pattangaitipait, attunît takkermingne, ajoksarkojilungilello sunamiglonêt.

28 Gerstelotauk ivillo horsinut, pangalidlartunullo illingajut, kaipait nunamut najortanganut, attunît illusekarkojaunitik malliklugit.

29 Gudiblo Salomo tunnitsivigiva illissimanersoarmik, illitarsinersoarmiglo, sillatônermiglo, siorkattitut imarbiub siksanganetutitut.

30 Salomob illissimaninga anginersaulaungmat, kittorngat taunanêtit illunatik, Egiptenemiullo illissimaninginit illunainit;

31 Illissimanersaulaurivoktauks imgerusiortunit, Ethanemit Esrahitemiomit, Hemanemillo, Kalkolemillo, Dardamillo, Maholib ernikingnit; tussaumajautsiarlaukporlo nellojunut avatanêlauktunut illunainut.

32 Ajochertutsit adsiojut 3000 dit okauserilaukpait, inge-
rutingillo 1005 eôlaukput.

33 Nappartullo okautigivait Cederemit Libanonemêtomit,
Isope tikkilugo perorsajok iglub sennerangane. Nergjutillotauk
okautigivait, tingmitsello, pamgortullo, mingeritsello.

34 Innukattigêksoarnillo tamainit tikkitokalaukpok Salomob
illissimaninganik tussaromajunik, attannernit illunainit nunamê-
tunit, illissimaninganik tussarlauktunik.

KAPITEL. V.

*Salomob illanârêlerninga Hiramemut, oppalungaïjaininga
igloliornermut Tempelemik.*

HIRAMELO Tirusemiut attanningat tilliklerpok kivgaminik
Salomomut; tussaraurame mingoarlaungmatsuk, attanningor-
tilugo atâtangata inningane. Hiramib Davide illanârîtsainar-
laungmago innosermine tamât.

2 Salomolo tilliklerpok Hiramemut okautsaukolâlo:

3 Kaujimavotit atâtaga igloliorungnalaungimat iglomik Na-
lekab Gudime attinganut illingajomik, unataclarnek illuma-
jaujutigijanga pivlugo; Nalekamut illijaukârtinagit allungita
attânut.

4 Mannale Nalekab Gudima merngoêrsernermik tunnitsivi-
gimavânga avatimne, akkerartortokarungnangimat, agviarutik-
sakarungnaimallo idluitomik.

5 Ahâk, tagva issumavunga iglolioromavlunga iglomik Nale-
kab Gudima attinganut illingajomik, sorlo Nalegak okauseka-
laungmat atâtamnut Davidemut, okalaungmallo: Ernivit, inang-
êrlutit ingititsomajama iksivautarnut, tapsoma attera iglolio-
raksariva.

6 Taimaimat, perkojilerit manna, Cederinik Libanoneme
nakkartsijokarkovlugo, uvamnut illingajuksanik; kivgakotitit
illaukovlugit kivgakotimnut. Kivgakotivillo ikkajusiksanginik
tunnitsivigijomavagit, tamainik sorlo okarniaravit. Kaujimaga-
vit uvaptingnêtokangimat, kejunnik nakkartsijungnartunik Zi-
donemiutitut.

7 Hiramele Salomob okausinginik tamakkoninga tussarame,
kuviasudlalerpok, okarlunelo: Uvlome Nalegak nertortaule, tun-
nijilauktok Davidemut ernermik sillatutsiartomik, innugiartok-
soarnut taipkonunga attanniôjomik.

8 Hiramelo tilliklerpok Salomomut, okautsaukovalo: Tussar-
laukpunga okautsaukojarnik uvamnut, pinniaromavunga pijoma-
majat tamât malliklugo, kejuvit Cederit Cipressillo pitjutigællugit.

9 Kivgakotima attersautijaksarivait Libanonemit immarbiub kiglinganut; kallingortitaukojomavakkalo, átaukojomalugillo immarbikut nunamut taijaukoniartarnut uvamnut; kellarudjartaukojomavakkalo tagvane, iguptertaukolugillo; igvillo aijaukoniarpattit. Igville pijomajara pinniaraksarigivat, nerkiksanglo tunnijijuksauvotit kivgakotimnut.

10 Taimak Hiramib Salomo tunnitsivigiva kejunnik, Cederinik Cipressiniglo, pijomajanga tamât malliklugo.

11 Salomoble Hirame tunnitsivigiva Korinik 20000 dinik Weizenik, nerkiksanik tapsoma kivganginut. Koriniglo 20 ginik orksunik togarsinajomik. Taimaitunik Salomo tunnijivok Hiramemut Jahrine tamaine.

12 Nalekablo Salomo sillatunermik tunnitsivigiva, sorlo okarvigilaungmago. Hiramelo Salomolo ullapirsautekalaukpuk ingmingnut, angerkattigéklutiglo.

13 Salomolo annerosulerpok sennajuksanik Israelitit illunamassianginit, sennajuksallo angutaulaukput 30000 dit.

14 Tillivaillo Libanonemut, takkit nelliane 10000 dit, taimak takkek attausek nálugo Libanonemelaungmatta, takkiglo nálugik nunamingnédlutik. Adoniramelo angajokaulaukpok sennajuksanut tapkonunga.

15 Salomolo angutekutekalaukpok 70000 dinik akjarsijunik, 80000 diniglo ullimarniktunik kakkame;

16 Salomob angajokakotingit pinagit, aulatsijungortitaumajut sullijaksanik tamattominga, imâgle, 3300 dit aulatsilauktut in-nugiartoksoarnik sennajunik.

17 Attannerlo perkojivok ujaraksoarnik angijunik pivianar-tuniglo pèrsikovlugit ullimartauniartunik, iglub tungavianut il-lingajuksanik.

18 Salomoblo igloliortekotingit, Hiramiblo igloliortekotingit, Giblimiullo kejuut ullimarlugit avikpait, ákiksoilutiglo kejunnik ujarkaniglo igloliornermut iglomik.

KAPITEL VI.

Tempelib sennajauninga Jahrine 7ne.

ISRAELIB kittorngangita aularningata Egiptenemit kingorngangata Jahringita 480 ingane, Salomob attanioningata Jahringita sittamangane, takkerme Sifemik attelingme, tagva takkib aipanga, Nalegak igloliolierpa iglomik.

2 Iglele Salomob igloliortanga Nalekamut, tallitut 60 gitut takkitigijolaukpok, tallitullo 20 gitut sennimutotigijolaukpok, tallitullo 30 gitut poktotigijolaukpok.

3 Tempeliblo sângane torksumik sennavok, tallitut 20 gitut

takkitigijomik, iglub sennimutuninga malliklugo, tallitullo telli-maujortutitut sennimututigijomik, iglub sivurâne.

4 Igalângniglo sennavok iglome; illuane nerrotôjunik, sillatanelo nerrokitunik.

5 Iglublo sennerangata sillatâne aiparusermik agvertarvingnik kallerêktunik sennavok, avatâne illunane, Tempelib avatâne, aiparusingatalo avatâne; inniniglo sennavok sennerâne avatâne illunane.

6 Agvertarviglo allerpâk tallitut tellimatut senimututigijô-laukpok, tuglialo tallitut pingasojortotut sennimututigijôlaukpok, pingajoello tallitut 7 itut sennimututigijôlaukpok. Iglernangnik sennakojilaungmat iglub sennerangata sillatane avatâne, eganga-konnagit iglub senneranganut.

7 Iglolo igloliortautillugo, ujarkanit, ullimarsimajarértunit igloliortauvok, taimak igloliornorme ujaratsiat katjungningit, ullimautillo ullimarningit, sakkullonêt kikkiangojut pergvallungningit tussartaulaungimatta.

8 Upkoakalaukporle iglub kerkane tallerplane, majutitigut siuteroktut ítutigut majorarvikarkovlugo agvertarviub allerpânganit akkulermut, agvertarvingmillo akkulermit pingajuanut.

9 Taimak iglo igloliorpa pijarêtilâlo; kâkartipâlo iglo sâtu-janik, ikkângniglo Cedereôjunik.

10 Sennavorlo agvertarvingnik kallerêktunik iglub avatâne illunane, tallitut tellimatut pôktutigijunik, tungavullo iglome ikkângnut Cedereôjunut.

11 Nalekablo okausingit Salomomut pivut, okarporlo:

12 Iglo igloliortat pivlugo, perkojakka malliklugit agvertarniaruvit, namagijakka malliklugit pinniarniaruvit, perkojakkalo illunaita mallingniarungne; tagva okautsikka nellautsitiniarpakka illingne, sorlo atatait Davide okarvigilaurapko;

13 Innekaromavungalo Israelib kittorngangita akkorngane, innukotikkalo Israelitit kemmagomangilakka.

14 Taimak Salomob iglo igloliorpa, pijarêtilâlo.

15 Iglublo sennerangita illungit illupiarutserpait sâtujanik Cederiôjunik; iglub nettinganit kollâ tikkidlugo illupiarutserpa satujanik; iglublo nettinga netsisertorpa satujanik Cipressiojunik.

16 Iglublo kinguane sennavok upkomik sâtujanit Cedereô-junit, tallitut 20 itut takkitigijomik, nettermit kollâ tikkidlugo; sennavorlo tamattominga, illuane ivsornaitopângokovlugo;

17 Igluble tagva Tempelib sivua tallitut 40 gitut takkitigijolaukpok.

18 Illuane iglo illunane Cedereotuinaulaukpok sennangoa-raktaggit, kuglungajungoanik, nuvugalangoaniglo siggimajungoanik; ujaraglo attauserlonêt tækkuksaulaungilak.

19 Igluble kinguata illua âkiksorpa, Nalekab angersimaning-ata iklervinga âtaukovlugo takkamunga.

20 Innelo kinguane tallitut 20 gitut takkitigijolaukpok, tallitullo 20 gitut sennimututigijovlune, tallitullo 20 gitut poktotigijolaukpok, illupiarutserpâlo Goldemik pivianadlartomik; Altarelo sillaparpa sâtujuunik Cederiojunik.

21 Salomoblo iglo illuane illupiarutserpa Goldemik pivianartomik; kellaumguallo Goldeôjut siakitipait upkub, Goldemik illupiarusimajub sânganut.

22 Iglolo illunât, illunanemarik illupiarutserpa Goldemik; Altarelo illunât upkub sanganelauktok sillaparpa Goldemik.

23 Kamanelo inneme kinguanetome, Kerubingoakartitsivok maggungnik. Kerubingoaglo sennavak, kamanetuksak inneme kinguanetome, tallitut tellimaujortutitut poktutigijuk, nappartub orksuliuk kejujanit.

24 Kerubingoaglo esarungit attunît tallitut tellimatut takkitigijolaukput, taimak tallitut tellimaujortutitut îlaungmat tap-soma esarungata nuvuanit igluata nuvunganut.

25 Taimaglo Kerubingoak aipanga, tallitut tellimaujortutitut îlaurivok, anginigiglo taimaikoarêlaukpuk, adsigêktomiglo illusekarpuk.

26 Kerubingoaglo aipa tallitut tellimaujortutitut poktotigijolaukpok, aipangalo taimailaurivok.

27 Kerubingoaglo pitipak kamunga iglub illuanut. Kerubingoaglo esarungit issivijauvut Kerubingoak aipangata esarunga aktualermat iglub senneranganut, aipatalo êsarunga aktuavok iglub senneranganut akkianêtomut; iglable kerkane esarkuk aktuatiekpu.

28 Kerubingoaglo sillaparpâk Goldemik.

29 Iglublo sennerangit illunane illuane sillatânelo sennangoarakarkovait Kerubingoanik, Palmingoanik, nuvugolangoaniglo siggimajunik.

30 Iglublo nettinga sillaparpa Goldemik illuane sillatânelo.

31 Ittervingmullo innemut kinguanêtomut sennavok upkoangnik maggungnik, nappartub orksuliub kejujanit, nappajungillo kattablo kollâ kattilugit sennerkab tellimauningatut angitigijolaukput.

32 Sennangoarkaniglo Kerubingoanik, Palmingoanik, nuvugolangoaniglo siggimajunik ivertitsikojivok tapkonunga; sillaparglo Goldemik.

33 Taimaglotauk Tempelib itterviane nappajunik sennavok, nappartub orksoliub kejujanit, sennerkab sittamauningatut sillik-tigijunik.

34 Upkoangniglo maggungnik, kejungmit Cipressemik attingmit; upkoaglo attunît maggolimalaukpuk iglugêgnik attatigêgnik kevertautimingnut.

35 Sennangoarkaniglo kipperoksimajunik, Kerubingoanik, Palmingoaniglo, nuvugolangoaniglo siggimajunik, pitetservigi-

vait, sillaparpaillo Goldemik, taimamarik sorlo perkojaulaungmat.

36 Illulo kamanênersak avaluliorsimajok sennagiva, ujarkanit ullimarsimajunit, pingasunik kalleréktitsivlune, kânganelo keju-karlune kejunjik Cedereôjunik saviksimaunuk attautsemik.

37 Jahrit sittamangane takkerme Sifemik attelingme tungavik Nalekab iglunganut illijaulaupok,

38 Jahrilla 11 ingane takkerme Bulemik attelingme, (tagva takkit 8 ingat) iglo pijarêrtaumalaukupok, sorlo illingajuksaulaungmat, Jahrilla 7 it nâlugit igluliorasuarpat.

KAPITEL VII.

Attanniub iglokotingita igloliortauningat; perkutillo Tempelemut illingajuksat sennajauningit.

IGLOKOTIMINIGLE Salomo Jahrit 13 it nâlugit igloliortalaukupok; pijarêrmariupalo.

2 Sennalaurivatauk iglo nappârtut Libanonib iglunganik attelik, tallitut 100 ditut takkitigijok, tallitut 50 gitut sennimututigijok, tallitullo 30 gitut pôktotigijok, nappajune tukkilerêngne sittamaine, ikâlingne kângane.

3 Kâkartitaulaukporlo, innit nappajunêttut kângine kêjungmik Cedereôjomik, nappajut tapkoa 45 giôlaukput, 15 it tukkilerêngne attautsine.

4 Igalâkalaukporlo tukkilerêngne pingasune akkilerêngnik, pingasut, akkilekarlutik pingasunik.

5 Upkuallo nappajullo illunatik iktokerilaukput, taimaktauk igalât kaumajorlo akkilekarlune kaumajomik.

6 Torksumiglo sennagivok nappajunit, tallitut 50 gitut takkitigijomik, tallitullo 30 gitut sennimututigijomik; amalo torksumik oma sângane, nappajunit koakjulingnillo silliktunit.

7 Sennagivoktauk torksumik erkartuiviub iksivautanganut, erkartuiviokovlugo, netsisertorpâglo Cederinik.

8 Iglungalo iglogijanga avaluliorsimajub assianetok torksub kinguane, taimailuatsiamik illusekarlune sennajaulaurivok; sennalaurivoktauk iglomik torksutut itomik Faraob panninganut, Salomob nullianilauktanganut.

9 Tapkoalo tamaita ujaraulaukput pivianartut, iktokeriksaut malliklugo ullimârtaulauktut, kiblutinullo kiblormiktortaulauktut illuane sillatânelo, tungavinginit kângit tikkidlugit, taimaglotauk sillata avalulingme angijome;

10 Tungavigle ujaraulaurivoktauk pivianartut angijullo, tallitut tellimaujortut takkitigijut sittamaujortullo silliktigijut.

11 Tapkoalo kângine ujarakalaukpok pivianartunik, iktokeriksaut malliklugo ullimartaumajunik, Cederiniglo.

12 Avaluliorsimajorle angijok, avatâne tukkileréktokalaukpok pingasuinik ujaralingnik, tukkilerêngniglo attautsinik satujanik Cedereojunik; taimailingalaurivoktau avaluliorsimajok kamanênersak Nalekab iglungane, torksuglo Nalekab iglungane.

13 Attannerlo Salome tilliklerpok aijaukolâlo Hirame Tirusemiok,

14 Ugarniub erninga Naftalib kinguvanginit, atâtangalo angutaulaukpok Tirusemiok, kanutjerijolauktok; tamnalo illumersimamarikpok illisimanermik sillatunermiglo, sappinginer-miglo sennalune sunatuinarnik kannujarmit; tamnalo tikkipok attannermut Salomomut, sennalunelo tapsoma pinniarkoanginik tamainik.

15 Nappajuglo sennavâk kannujarmit, attunît tallitut 18 tut poktotigijuk, ninnerlo tallitut 12 tut takkitigijok namatuinaulaukpok avatâgut, nappajuk attunît sillingningnut.

16 Niakoartuglo kovivak kannujarmit nappajûk kangangnêtuksâk; niakoartuglo attunnit tallitut tellimatut poktotigijolaukpok.

17 Niakoartûglo kângine nulluangoakalaukpok, kellaumgujakalaukporlo pergaimajunik 7 inik aipane, 7 niglo aipangane.

18 Paungâlungoaniglo Granatinik attilingnik sennileréktunik maggoinik pititsivok niakoartungnut avatânut, niakoartuk ulliktaukovlugik tapkonunga.

19 Niakoartuglo nappajuk kânginetuk nuvugolaktut Liliemik attekartut ilaukpok, taipkotitunak torksungmetutitut, tallitut sittamatut silliktigijovlutik.

20 Paungâlungoallo Granatit sennileréktut avatâne 200 diolaukput kotsiktome sennileréktune, atsiktomelo niakoartub puvioninganigata avatanelauktungne, niakoartungne tamangne, nappajuk kânginelauktungne.

21 Nappajuglo nappartipak Tempelib torksungata sângane. Nappartitanelo tallerpingmut Jachinemik atserarpa; nappartitanelo saumingmut, Boasemik atserarpa.

22 Taimaglo nappajuk kâgangne Lilietut ilaukpok. Taimaglo nappajuk pijarêtaumalaukpok.

23 Immarbingoarlo kovilugo sennava, tallitut tellimaujortutitut silliktigijomik sinânit aipanganit aipanga tikkilugo, avatâne illunane, tallitulo tellimatut pôktutigijomik ninnerlo tallitut 30 gitut takkitigijomik namatuinarlaukpok sillingninganut avatâne.

24 Immarbingoablo, tallitut tellimaujortutitut silliktigijolauktub, sinâne kuglungajungoakalaukpok imârbingoab kiglingane illunane; kuglungajungoallo tapkoa sennileréklutik maggoilivlutik kovijaumalaukpok.

25 Nappavorlo tuktuvangoane 12 ine, tapkonangat pingasut sângmivut avunga, pingasut paunga, pingasut aunga, pingasullo taununga, immarbingoarlo kânginelune, okpatingit illunatik illumut torarmatta.

26 Ivjuningalo aggaktitut igluinartut sennimutoningititut ilaukpok, sinâlo ermgsiarsub sinâtit ilaukpok, Liliitut siggimajotut idlune; oktutillo Bathenik attiggit 2000 dit illulekarungnarlaukpok.

27 Sennalaurivoktauk ikkovraksanik tellimaujortunik kannujarmit, attunit tallitut sittamatut takkitigijunik, sennimututigijunglo, tallitullo pingasutut poktutigijunik.

28 Ikkovraksallo imâk sennajaulaukput, annekarmatta okaloraujat akkorngane.

29 Senneragingne okaloraujat akkorngane Loewingoakalaukpok tuktuvangoaniglo, Kerubingoaniglo, okaloraujanelo taimaitokalaurivok kôtsiktomê, Loewingoallo tuktuvangoallo attâne suvlolikalaukpok nivingajotun itunik.

30 Ikkovraksallo attunit aksaloakalaukput sittamanik kannujarnik; terrekunginelo sittamane tuengoakalaukpok kovijaumajunik, attunit akkilerêkput, egangalutiglo ukkusingmut.

31 Kongesingoalle ikkovraksat kerkangine tallertut attautsetut pôktotigijolaukput, angmalokitauvlutik, tallertut igluinarut ketterkangatullo silliktigijolaukput, kongesingoanelo katsiktokalaukpok iktokeriktunik, angmalokitaungitunik.

32 Aksalloajullo sittamat attâne senneranginelaukput, ikkangillo ikkovrangnelaukput, aksalloajut attunit tallitut igluinartut ketterkangatullo pôktotigijolaukput.

33 Aksalloajullo tapkoa aksalloaliub aksalloajungititut ilaukput. Ikângillo aksalloavingillo, issagutângillo avalungillo illunaita kovijaumalaukput.

34 Tuêngoallo sittamat ikkovraksat terrekungine sittamanelaukput; ikkovranêlaukput tuengoangit.

35 Ikovrello kongesingine tallib ketterkangatut poktotigijome okaloraujakalaukpok, annekalunelo avatâne illunane.

36 Tapkoalo anninginut, okaloraujanullo ittersaliorkojivok Kerubingoanik, Loewingoaniglo, nappartungoaniglo, Palminik attilingnik; sorlo attunit inniksakalaungmatta avatâne illunane.

37 Taimak illusekarlutik ikkovraksat tellimaujortut sennalaukpait, kovilugit, anginingit illusingillo adsigêmariklutik.

38 Ukkusillo tellimaujortut kannujarmit sennavait, attunit Bathinik 40 ginik illulekarungnarlauktut; tallitullo sittamatut silliktigijolaukput; ikkovrello attunit kangine ukkusikalaukpok attautsemik.

39 Ikovrello tellimat illivait iglub terrekunganut tallerpingmut, assingillo tellimat, terrekungmut saumingmut; immarbingoarle illiva iglub sivuranut tallerpianut sekkernganut.

40 Hiramiblo sennavaittauk ukkusit, poagillo itternugajallo; pijarértipaillo sennajaksat tamaita attanniub Salomonib sennajaukolauktangit, Nalekab iglunganut.

41 Tagva nappajuk, niakojartuglo nappajuk kângangne, nulluangoaglo maggoit niakojartuk nappajuugnêtuk ulliksanginut;

42 Paungâlungoallo 400 dit Granatit nulluangoanut illingalauktut, semilerêt maggoit nulluangoane attautsene, aksaujak niakojartuk kângangnêtuk ulliksanginut;

43 Taimaktauk ikkovret tellimaujortut, ukkusillo tellimaujortut, ikkovret kânginelauktut;

44 Imarbingoarlo, tuktuvângoallo 12 it attâne;

45 Ukkusillo poagillo itteringojallo, illulerkutillo tamakkoa illunaita Hiramib sennajangit Salomomut, Nalekab iglunganut illingajut, kannujatuinarmit sennajaulaukput.

46 Jordanib erkâne Sohotib Zarthaniblo akkorngangne attanniub kovijaukovait macharmut.

47 Salomoblo illulerkutit tamaita kiktitauningnut oktortaukolaungilait, kannujab unnudlarninga pitjutigællugo.

48 Salomoblo perkutit illunaita sennalaukpait Nalekab iglunganut illingajut: tagva Altare Goldeôjok, sâlo Goldeôjok kakkojaliksak tækkojaksanik;

49 Nennergoavit tellimat tallerpingmut, nennergoavillo tellimat saumingmut, inniub kammanenerpaub sivurâne, Goldemit illakangitomit, nuvugolangoallo, kollillo, takkutillo Goldemit;

50 Itteringojallo poagitillo, sâvillo allupsautillo, kallutaujallo isserluanititsijutit, komigautillo Goldemit pivianartomit, upkoamelo ivsornainerpângojome, Tempeliblo upkoangane kevertautit Goldeolaurivut.

51 Taimak sennajaksat Salomob sennajangit Nalekab iglungane pijarértitaumavut. Salomoblo ittertipait kamunga, tamaita atâtame Davidib ivsornaitilauktangit, Silberelo Goldelo, illulerkutillo; illilugillo Nalekab Tempelingata pivianartokotinginut.

KAPITEL VIII.

Angersimanerub iklervingata âtauninga Tempelemut; Tempelib attortautainarninga.

TAGVA attanniub Salomob ingminut kattikovait angajokau-nerôjut Israelitine, kinguvarêt angajokangit, atâtaujuullo Israelitit akkorngane attanningit illunaita Jerusalem, Nalekab angersimaningata iklervinga âlugo takpaunga Davidib iglugaseksoanganit, tagva Zionemit.

2 Angutillo Israeleme illunatik kattilerput attannermut

Salomomut, uvloksiorvingme, takkerme Ethanemik attelingme, tagva takkit 7 ingane.

3 Israelitillo angajokaunerojungit illunatik tikkimatta; ajochertuijut Nalekab iklervinga kivikpât,

4 Apâlo takpaunga; taimaglotauk angersimanagerub tuppunga, ivsornaitoviublo perkutingit illunaïta, tuppermêlauptut, ajochertuijut Levitillo takpaungartipait.

5 Attannerlo Salomo, illagêllo Israelitit, kattimalerlauptut tapsomunga, aikattigilauptut iklerviub sivorgane, tunnijilutiglo tunnergutiniik, saukanik tuktuvangniglo, taimak unnuktigijunik kittiksaulaungimatta, kittitaujungnangimattalo.

6 Taimak ajochertuijut Nalekab angersimaningata iklervinga âpât inniksanganut, innemut iglub kinguanêtomut, ivsornainer-pangôjomut, Kerubingoâk esarungita attânut.

7 Kerubingoâk esarotik issivingmagit inniub iklerviub mak-kitavigijangata kollâne, ullikpâlo iklervik akkerautingillo kollânit.

8 Akkerautingillo taimak takkitigijolauptut, issungit tækko-jaulaungmatta ivsornaitovingmit, inniub kinguanêtub sângane, igluble sivurânit tækkojaulaungilet; tagvanêtsainarpullo uvlok tamanna tikkilugo.

9 Pittakalaungilarlo sunamik iklervingme, aglagvik ujaraujuk assigingnik, Mosesib illilauptakita kamunga Horebeme, Nalekab Israelib kittorngangit angerkattigilaungmagit, Egiptenemut nunanganit aularsimalauptillugit.

10 Ajochertuijulle annilertillugit ivsornaitovingmit nuvujab Nalekab iglunga nâmalerpa;

11 Ajochertuijullo nangerungnarlaungilet tagvane pinniarak-satik pinniarlugit, nuvujak pivlugo. Nalekab ânanauningata Nalekab iglunga nâmangmago.

12 Tagva Salomo okarpok: Nalegak okarpok, tâktome innekaromagame.

13 Uvanga iglo igloliortalaukpara igluksarnut, inne innigijak-sarijat soraijuitomik.

14 Attanniublo kênane allarpa sailartilaitalo illagêt Israelitit illunamassiangit; illagêllo Israelitit illunatik nangerput tagvane.

15 Tamnalo okarpok: Nalegak Israelib Gudingat nertortaule, kannermanut atâtamnut Davidemut okalauptok, aggangminullo nellautsititsilauptok, okalauptorlo:

16 Uvlormit tapsomanemut innukotimnik Israelitinik aular-titsivigilauptamnit Egiptenemit, iglugaseksuit nellianik annerosulaungilanga Israelib kinguvarêngita nellianit, iglo igloliortalaukovlugo pivlunga, attera tagvanêkovlugo; Davidele annerilauptpara angajokaukovlugo innukotimnut Israelitinut.

17 Atâtagalo Davide issumakalauralloarpok, iglo iglolioromavlugo Nalekab Israelib Gudingata attinganut illingajuksak.

18 Nalegarle okalaukpok atâtamnut Davidemut: Issumakaravit attera iglolioromavlugo, namaktullilaukpotit tamattominga kajusilauravit.

19 Igville iglo tamanna iglolioraksaringilat, erniville illingnit pinniartub, tapsoma attera iglolioraksariva.

20 Nalekablo okautsine okauserilauktane nellautsitimavait. Uvanga atâtaga Davide innangêrlaurapko, iksivalungalo Israelib iksivautangane, sorlo Nalegak okalaungmat, iglolo igloliorlaukpara Nalekab Israelib Gudingata attinganut.

21 Akiksoilaukpungalo tagvane inniksamik iklervingmut Nalekab angersimaninganik pittalingmut, angerutigilauktanganik atâtagilauktaptingnut, Egiptenemiut nunanganit aulartilauramigit.

22 Salomoblo Nalekab Altarekotinga sângerpa, illagêt Israelitit illunamassiatik najortillugit, agganelo issangmivait killangmut,

23 Okarlunelo: Nalegak Israelib Gudinga, illiktut Gudekangilak, takpânelonêt killangme, attânelonêt nuname sokkosijuititsijomik angernermik napkinningnarmiglo kivgakotingnut agvertarlauktunut sângne omamut tamânut.

24 Sokkosijuititsilauktotit atâtamnut Davidemut, okauserilauktarnik tapsomunga. Kannernut okauserilaukpat, agganenullo nellautsitilaukpat, sorlo uvlorme tamattomane îmat.

25 Mannalo Nalegak Israelib Gudingat! kivgait atâtaga Davide sokkosijuititsivigilauruk okauserilauktarnik tapsomunga, okarlutit: Ajoksartuksaungilatit angumik sâmnne iksivajomik Israelib iksivautaksoangane, ernitit kammatsiartuinarpatta apkotigijamingnik, agvertarkovlugit sâmnne, sorlo igvit agvertarlauravit sâmnne.

26 Manna Israelib Gudinga, okautsitit miksekârtotikit, okauserilauktattit kivgarnut atâtamnut Davidemut.

27 Gudele nellâgut innekaromarloarka nuname? Ahâk, killaub, killaillo killangita illunamassiatata illulungilâtit. Kannorle tagva iglo una igloliolauktara pinniarungnarajarka tamattominga?

28 Sâlaurilletôk kivgavit tuksiarninganut, kennuninganullo, Nalegak Gudik, tussarkovlutit nipliarnermik, tuksiarnermiglo, kivgavit uvlome tuksiarnerijanganik sângne;

29 Ijikik uitatsainarkovlugik uvlotillugo unnuarmelo iglomut omunga, innemut okautigilauktarnut: Attera tagvanêtuksauvok; tussarkovlutit tuksiarnernik kivgavit tuksiarnerijanganik mâne inneme tamattomane;

30 Taimak tagva tussalaurit kivgavit innukotivillo Israelitit kennuninginik kennuneriniartanganik mâne; tussalerit tamatto-

minga inneme, innigijarne killangme, tussalaurit issumagijungnailugillo ajornerit.

31 Kina idluitullilerangat innukattiminut, kigligiksartuksaugunelo angermariktuksaugunelo, taimaimat sorlo okarame angermaringnerlo âtaulerpat Altarekotivit sânganut, iglome omanetub;

32 Tagva igvit tussalaurit killangme, pinniarlutillo, erkar-torlugillo kivgatit, uivêtok passijaksaunerarlugo, agvertarningalo pitilugo niakunganut; idluartorlo idluartonerarlugo, tunnitsivigilugolo idluarninga malliklugo.

33 Innukotitit Israelitit sâlagijaulerangatta* omigijimingnut, idluitullilauramik illingnut, sâviginiarpattillo, attillo kigligiud-sivigilugo pikpatta, tuksiarpattalo kennulutiglo illingnut iglome omane;

34 Tagva igvit tussalaurit killangme, issumagijungnailugillo innukotivit Israelitit ajorningit, uttertiniarlaitalo nunamut atâtagilauktanginut tunnilauktarnut.

35 Killaglo parngnanairsimalerangat, sillaluluganelo, idluitullilaungmatta illingnut; tuksiarniarpattalo inneme omane, attillo kigligiutiluglo pinniarpatta, ajornermingnullo sâpatta, pit-larangne;

36 Tagva igvit tussalaurit killangme, issumagijungnailugillo kivgavit innukotivillo Israelitit ajorningit, apkosinermik ajungit-mik agvertarvigijaksarijanganik unnertutilaukârlugit, tunniji-lutillo sillalungnermik nunakotingnut, tunnilauktarnut innukot-ingnut, innigijaukovlugo tapkonunga.

37 Kâkalerangat, nusilinartokalerangallonêt, perortullonêt kakkojaksat kernalerangatta, piglertaujartokalerangallonêt nerrijoksoarnik, omigijingitalonêt nuname ittertarvingit illumarangagit, pagvinartokalerangallonêt, kannimasekalerangallonêt, nellianik;

38 Tuksiartut kennujullo tamaita, innuit nellillonêt, innukotitit Israelitillonêt, tukkisilerpatta attunît omattimik pagvinar-ninganik, aggatiglo issangniarpattigik iglomut omunga;

39 Tamanna igvit tussalauruk killangme, inneme inigijarne, issumagijungnainilutillo, pinniarlutillo, tunnijilutillo nellianut, agvertarnerilauktanga tamât malliklugo, sorlo omattinga illitarigangne; igvit kissivit innuit kittorngangita illunatik omattingit illitarigangne;

40 Sivoratsainarkovlugit illingnik nelliutune tamaine, inno-tillugit nuname, atâtagijaptingnut tunnilauktarne.

41 Tækkorngartattaup nelliat, innukotingnut Israelitinut illingalungitok, tikkilerangat nunamit kanningitomêtomit attit pivlugo;

42 (Tussarniarmatta atternik angijoksoarmik, aggangniglo pitsartujoksoarnik, tallerniglo issamijomik), kailunelo tuksiarpatt iglub oma sângane,

43 Tagva igvit tussarit killangme inneme, innigijarne, pin-niarlutillo tamainik tækkorngartab nipliarutigijanganik illingnut; innukattigêksuit nunametut illunatik illitarksilerkovlugit atter-nik, sivorakovlugittauk illingnik, innukotititut Israelititut, tuk-kisilerkovlugillo attit malliklugo iglo tamanna igloliolauktara taijaungmat.

44 Innukotitit aularniarangatta unatadlarnermut omigijitik sorsugvigilugit apkome tilliklerutigijarne tapkoninga; tuksiar-niaraikpatta Nalekamut, iglugaseksuit annerilauktatit sâdlugit, iglolo atternut igloliolauktara sâdlugo.

45 Tagva igvit killangme tussalaurit tapkoa tuksiarninginik, kennuninginiglo, idluartomiglo sakkêvigikit.

46 Idluitulliniaraikpatta illingnut, (innukangimat idluitulli-lungitomik) igvillo ningarosugutigigungne, tunnilugillo omigi-jingnut, sâlagijingitalo aularutikpagit omisuktut nunanganut, kanningitomullonêt; kannitomullonêt;

47 Omamiutarilerpatsuglo nuname parngnanairsimavigija-mingne, sâlerpattalo tuksiarlutiglo illingnut, nuname parngna-nairsimavigijamingne okarlutiglo: Idluitullilaukpogut, tammar-lauklutalo uivêtolaukpogut;

48 Taimaglo sâlerpatta illingnut omamut tamânut, tarner-mullo tamânut, omigijimik, aularutijimik nunangane, tuksiar-pattalo illingnut, sâlutik nunagijamingnut atâtagijanginut tun-nilauktarnut, iglugaseksoarnut annerilauktarnut, iglomullo iglo-liorlauktamnut atternut.

49 Tagva tussalaurit tuksiarninginik, kenuninginiglo, killang-me, inneme innigijarne, idluartomiglo sakkêvigikit;

50 Innukotitillo issumagijungnaivigikit idluitullininginik il-lingnut, tappaninginiglo tamainik, tappajutigilauktanginik illing-nik; napkiningneksilaulillo salagijimingne, napkiningnikovlugit tapkoninga.

51 Innukutaungmatta perkutaulutiglo illingnut, aularutilauk-tatit Egiptenemit kiaksaumit kikkiangmit;

52 Ijikik uitakovlugik kivgavit innukotivillo Israelitit ken-nuninginut, tussarkovlutit tapkoninga, nipliarutiginiartangit il-lingnut tamaita pivlugit.

53 Igvit apterlaurangne innukotingnut, nunab innukattigêk-soanginit tamainit, sorlo okalauravit kivgakut Mosesekut, atâ-tagijavut aularutilaurangne Egiptenemit, Nalegak Jehova!

54 Salomoblo tuksiarnarit kennunerillo tamakkoa tamaita nâgamigit Nalekab sângane, tagva makkipok Nalekab Altare-kotinganit, serkortornermit aggane issangmilugit killangmut.

55 Nangeriartorporlo tagvunga, sâimartilaitalo illagêktut Israelitit illunamassiatik nippekortôjomut, okarlunelo:

56 Nertortaule Nalegak, innukotiminut Israelitinut merng-

oërsernermik tunnijilauktok, sorlo okalaurame. Okausek at-tauserlonêt tikkingilungilak okausinginit ajungitunit tamainit, kivgamigut Mosesekut okauserilauktanginit.

57 Nalekab Gudipta illagilittigut, sorlo atâtagijavut illagilaungmagit. Tapsoma kemmangniarattigut agganelo erkitiniarnagit uvaptingnit,

58 Omattivut sangutilugit tapsomunga, agvertarkovluta apkosiningine tamaine, mallikovlutalo perkojanganik, illusiokojanginiglo, idluarijanganiglo, perkolauktanganik atâtagijaptingnut.

59 Okautsikkalo tamakkoa Nalekab sângane kennunerilauktakka, najorlit Nalekamut Gudiptingnut uvlotillugo unnuamelo, kivgane idluartomik sakkêvigilugo pikovlugo, innukotinelo Israelitit, uvlut tamaita, sorlo pijariakaramik;

60 Innukattigêksuit nuname illunatik illitarksikovlugit, Nalegak Gudeôngmat, assekangimallo.

61 Omattiselo illuêngarlutik illingalaulit Nalekamut Gudiptingnut, agvertarkovluse, tapsoma illusiokojangit malliklugit, mallikovluselo tapsoma perkojanganik, sorlo pigapse nelliutome tamattomane.

62 Attannerlo Israelitillo illuêngarlutik tamna illagilugo tunnergutininik tunnijivut Nalekab sângane.

63 Salomolo tunnergutininik tunnijivok kujalijutiksatur tunnijaminik Nalekamut, tuktuvangnik 22000 dinik, saukaniglo 120000 dinik. Taimaglo attanniub Israeliblo kittorngangita Nalekab iglunga attortainarpât.

64 Uvlorme taipsomane attanniub inne avaluliorsimajok Nalekab iglungata sivurânetok ivsornaitipa; tagvane tunnergutit ôtaksat, tunnergutillo nerkiksatur, tunnergutillo ôtaksatur orksungit tunningmagit; Altare kannujaujok Nalekab sânganêtok, mikkiluarlaungmat tunnergutininik ôtaksatur, tunnerjutinullo nerkiksaujunut, tunnergutillo ôtaksatur orksunginut.

65 Taimaglo nelliutome taipsomane Salomob uvloksiorvik uvloksiorpa, Israelitillo illuêngarlutik illagêllugo, kattimajut unnuktovaksuit Hemathemit Egiptenib kônga tikkidlugo, Nalekab Gudipta sângane; uvlut 7 it nâlugit, amalalo uvlut 7 it nâlugit; tagva uvlôvut 14 it.

66 Uvlullo 8 ingane innugiartoksuit aularkôvait. Tapkoalo attannek saimartipatur, ailutiglo tuppermingnut, kuviasuklutik maksoalutiglo ajungitatur tamaita Nalekab pinniarlauktangit kivgaminut Davidemut, innukotiminullo Israelitinut pivlugit.

KAPITEL IX.

Nalekab sakkipsarninga Salomomut. Salomonib tunnijininga iglugaseksoarnik 20 ginik Hiramemut. Umiaktorningalo.

SALOMOBLO Nalekab iglunga, attanniublo iglunga, tamaitalo tussugijane, kajungerijanelo sennajomavlugit pijarêrtilaura-migit;

2 Nalekab sakkervigiva aipanganik, sorlo sakkervigilaung-mago Gibeoneme.

3 Nalekablo okautiva: Tuksiarnit, kennunillo, kennunerilauktat uvannut, tussarlaukpara, iglolo tamanna igloliorlauktat, attimnik pititsikovlunga tagvunga soraijuitomik, ivsornaiviotilaukpara; ijikkalo omattigalo tagvanêtuksauvut nelliutune tamaine.

4 Igvillo agvertarniaruvit sâmnne, sorlo atâtait Davide agvertarlaungmat, omamut nellagortomut, annerpanaijuitomullo, piiniarkovlutit taimailuatsiamik, sorlo pêrkolaurapkit; perkojakkalo idluarijakkalo mallingniarungne;

5 Tagva attanionivit Israelitinut iksivautaksoanga sokkosijuititsomavara soraijuitomik; sorlo atâtait Davide okarvigilaurapko, okarlunga: Ajoksartuksaungilatit angumik Israelib iksivautaksoanganêtomik.

6 Allarniarupsingale illipse ernipselo, mallingnagillo perkojakka, idluarijakkalo, mannilauktakka illipsingnut, ainiarluselo Gudib assingit kivgartorlugit, tuksiarvigilugillo pigupse;

7 Tagva Israelitit pêjarniarpakka nunamit tunnilauktamnit tapkonunga; iglolo ivsornaiviotilauktara attimnut, pêjaromavara kênarma sânganit; Israelitillo okausiovaktungoromârput, okangoarutingorlutiglo innukattigêksoarnut illunainut.

8 Iglolo tamanna poktojoksogalloarlune, illunainut sennerkotsijomârtunut kâkkiladlarutiksaujomârpok, supporomârput okarlutiglo: Sôg Nalekab nuna tamanna, iglolo tamanna tai-mailiortvigilaukpagit?

9 Okartokaromârporlo: Tamanna pivlugo, Nalegak Guditik kemmasimangmatsuk, atâtagijanginik aularutitsilauktok Egip-tenemiut nunanganit, Gudiblo assingit illalliormagit, tuksiarvigingmagillo, kivgartorlaitalo; tamanna pivlugo Nalekab tikkitaukolaukpait kannoêtomut mattomunga tamât.

10 Jahrit 20 git nângmatta, Salomob attorlauktangit, iglâk, Nalekab iglunga, attanniublo iglunga, igloliorlugik;

11 (Hiramib Tirusemiut attaningata Salomo tunnitsivigilaukpa tapkungnunga, nappartunik Cederinik, Cipressiniglo, Golde-miglo, taimaluatsiamik sorlo tussulaungmat) tagva Salomob

Hirame iglugaseksoarnik 20 ginik nuname Galilæamêtunik tun-nitsivigiva.

12 Hiramelo aularpok Tirusemit, iglugaseksuit taipkoa tæk-kojartorlugit, Salomob tunnilauktangit tapsomunga; namagi-laungilaillo.

13 Okarporlo: Iglugaseksuit tunnilauktatit uvamnat kano-êlingavat, kattangutik? Atserarpaillo nunamik Kabulemik, uvlok tamanna tikkidlugo.

14 Hiramiblo attannek tillikliutjivigiva Goldemik Talenti-nik 120 ginik.

15 Tamannalo pitjutaavok Salomob sennajuksat annerilaung-magit, Nalekab iglunga iglokotinelo, Millolo Jerusalemiblo ava-lungit, Hazorelo, Meggidolo Gaserelo sennajomalaungmagit.

16 Faraο Egiptenemiut attanningat takpaungarlaukpok, sâ-lagilaukpaillo Gaser, ikkilugillo ikkomamut, Kanaanemiullo ig-lugaseksoarnêlauktut tokkopait; iglugaseksuillo pilliutigilauk-pait panniminut, Salomob nullianganut.

17 Salomoblo Gaser sennavait, Bethhoronelo atsiktok,

18 Baalatelο, Tadmorelo, sunnakajuitome nuname.

19 Iglugaseksuillo kemmatulliviojut Salomob pigijangit, ig-lugaseksuillo kammutingnut illingajut, iglugaseksuillo sorsuk-tuksanut ablangajunut horsit kângine illingajut, tamaitalo tus-sugijane sennajomavlugit, Jerusaleme, Libanoneme, attanniovi-melo nunangane illûnane.

20 Innugiartoksuit amiakovinit Amoriterinit. Hethiterinillo Feresiterinillo, Heviterinillo Jebusiterinillo, Israelib kittorng-anginit pilaungitut;

21 Taipkoa amiakolauktut nuname kittorngangit, Israelib kittorngangita nungutsungnarlaungitangit, tapkoa Salomob sen-najuksautipait uvlok tamanna tikkidlugo.

22 Israelible kittornganginit kivgangortitsilaungilak, sorsuk-tuksaulaungmatta, kivgaulutiglo tapsomunga, angajokakotigi-laitalo, sorsuktuksaulutiglo kamutingne, angajokaulutiglo kam-mutekotinginut, ablangajunullo horsit kângine.

23 Aulatsijullo Salomob sullijaksanginik, 550 giolaukput, angajokaulauktut innugiartoksoarnut sennalauktunut sullijak-same tamattomane.

24 Faraoblo pannia nûlune takpaungarpok Davidib igluga-seksoanganit iglominut, Salomob igloliorlauktanganut tamna pivlugo. Taipsomane Millo sennalauriva.

25 Salomolo pingasoêrtorlune Jahreme attautseme tunniji-vok tunnergutinik ôtaksanik, kujalijutiksaniglo, Altareme sen-nalauktamine Nalekamut, isserluanititsilunelo kângane, Nale-kab sângane. Iglolo pijarêrtipa.

26 Salomolo umîjorpoktauk umiaksoarnik, Ezon Gebereme,

Elohib immarbiub iviggub suvloingnik sikjanganê tub kanni-tanganê tome. Edomiterit nunangane.

27 Hiramiblo kivgane, umiaktornermik sungiusimajut, immarbiuksoarmiglo illitarksijut tillivait umiaksoakut omuna Salomob kivgangit illägilugit.

28 Tapkoalo tikkiput Ofiremut, aiklerlutiglo tagvangat Goldemik Talentinik 420 ginik, atsilutiglo tamakkoninga attanner-mut Salomomut.

KAPITEL X.

Arabiamiut attanningata arnab nellipsaininganik Salomomik.

ARABIAMIULLO attaningata arnab Salomonib tussaumajanga, Nalekab attinga pitjutigællugo tussaramiuk, kaivok oktoromav-lugo nellaupsarutiksanut.

2 Jerusalemullo tikkipok unnuktunik najortekarlune, Kame-linik, mingoarutiksanik pivianartunik, Goldeniglo unnuktunik, ujarkaniglo pivianartunik, nangmartunik. Salomomullo tikki-pok, okarvigivalo tamainik omamigijaminik.

3 Salomoblo okautiva tamainik apperkutigijanginik; sumig-lonê nellonartokalaungilak attannermut, okauserilungitanganik tapsomunga.

4 Arabiamiullo attaningat arnak tækkogame Salomob illisi-maninganik tamât, iglomiglo igloliorlauktanganik.

5 Nerkiksaniglo tapsoma nerrimarvianut illingajunik, kiv-gangitalo iglunginik, naipertutsiarninginiglo, annoranginiglo, imiksalliertokotinginiglo, tunnergutinginiglo ôtaksanik tunni-janginik Nalekab iglungane; tagva uimamajotun-îlerpok,

6 Okarlunelo attannermut: Miksekârtôvok tussalauktara nunakotimne, illinganit illissimanillo pivlugik.

7 Okperijomalaungilaralo tikkikârtinnanga, tækkolugolo ijimnut. Ahâglo, koppanganiglonê okautsaulaungilanga, illissi-manelionersauvotit ajunginelionersaulutilla tussaumajamnit tus-sarlauktamnit.

8 Pilloridlarput innukotitit, nangitsainartut sângne, tussar-lutiglo illissimanernik.

9 Nertortaule Nalegak Gudît, ingitilaungmattit Israelib ik-sivautanganut, Nalekab Israelitit nagligingmagit soraijuitomik, tamanna pivlugo igvit attanningortilaukpâtit, namanermik idlu-arnermiglo sakkertitsikovlutit.

10 Tapsomalo attannek tunnitsivigiva Goldemik Tallentinik 120 ginik, mingoarutiksaniglo tippitsiariktunik unnuktovaksoar-nik ujarkaniglo pivianartunik. Mingoarutiksat taimak unnukti-

gijut Arabiamiut attaningata tunnillauktangititut attannermut Salomomut tikkiutjaujungnailaukput.

11 Hiramiblo umiaksoakotinga Goldetortok Ofiremit, kait-sivoktauk Ofiremit nappartunik Sandelemik attelingnik unnuk-tunik, ujärkaniglo pivianartunik.

12 Attanniub'lo sennakojivok kejugmit Sandelemik atteling-mit kattagêkutingnik tigumiarvingnik Nalekab iglungane attan-niublo iglungane; Harfeniglo, nokakseralingniglo imgerpaktu-nut. Kejuillo Sandeleojut taimaitut tikkiutjaujungnailaukput, tækkojaujungnailutiglo taimangat, uvlok tamanna tikkidlugo.

13 Attanniublo Salomob Arabiamut attanningat arnak tun-nitsivigiva tamainik tussugijanganik tuksiararijanganiglo, tunni-jane tapsomunga pijarællune tappilugit. Allârporlo aulârlunelo nunakotiminut kivgakotine illagilugit.

14 Goldele tikkiutjaulauktok Salomomut Jahreme attaut-
seme okumainingat Talenteôlaukput 666 git.

15 Tamannalo niuvertinit niuveriarniartunillo, innugiartok-suillo (angerlauktut Salomomut) attanninginit, aulatsijunillo nunnane pijok, taijaukassiutinago.

16 Attannerlo Salomo sennakojilaukpok, sappulutaksanik 200 dinik Goldemit namanerpâmit; Sekelititut 600 ditut okumai-tigijut Golde attorpa sappulutaksamut attautsemut.

17 Sappulutaksaniglo angijunik, Tartschenik attelingnik, 200 dinik; Paunditullo pingasutut okumaitigijok Golde attorpa Tartschemut attautsemut. Attanniublo pitipait igloksoarmut, nappartut Libanonemit igloksoanganik attelingmut.

18 Attannerlo iksivautaksoarmik sennavok Elefantib tôgang-ini, sillapârpâlo Goldemik pivianarnerpangôjomik.

19 Iksivautaksoarlo tanna, tungmerakalaukpok pingasujor-tunik, iksivautablo tunnuata kollâ kattigoliungalaukpok. Iksi-vavingatalo senneragik iglugêngnik egangavikalaukpuk talling-nut, Loewingoaglo nangerlaukpuk egangavikita tungangne.

20 Loewingoallo 12 it nangerlaukput tumerangne pingaso-jortune ittivigêngne. Taimaitomik sennamajokalausengilak at-tanniovît nelliane.

21 Attanniublo Salomob illulerkotingit immiksakautit Gol-diolauput, illulerkutillo illunaita Libanonib nappartungita ig-lunganêlauktut Goldetuinaulaukput; Silbere Salomonib nellu-ningane sunaunasugijautsengimat.

22 Attannek umiaksoakalaungmat immarbingme, Hiramib umiaksoakotinga aiparællugo Tarsisemut umiaktortok; attau-sêardlune Jahrine pingasune umiaksoak utterkattarpok, tikkiut-jilunelo Goldemik, Silberemiglo Elefantillo tôganginik, pissuk-tuniglo itjuartunik, tingmianiglo Fauenik attelingnik.

23 Taimak attannek Salomo akuinersaulaukpok, illissimaner-saulauklunelo attannernit illunainit nunamêtunit.

24 Nunaggillo illunatik tussudlarput Salomo tækkojomavlugo, sillatuninga, Gudib tunnillauktanga tapsoma omattinganut tus-saromavlugo.

25 Illunatiglo átsivigivát pilliutininik, perkutininik Silbereôjunik Goldeôjuniglo, annorangniglo, sakkuniglo tauvlukutiksaniglo, horseniglo, horseojartuniglo, Jahrine tamaine.

26 Salomolo kattersoivok kamutingnik aksalloalingnik, sorsuktuksaniglo horsit kángine ablangajunik, pekalaupporlo kamutingnik aksalloalingnik 1400 dinik, sorsuktuksaniglo ablangajunik horsit kángine 12000 dinik, innekkarkovaillo iglugaseksoarne aksalloalingnut illingajune, Jerusalemelo attanniub najugâne.

27 Attaniublo Silberit taimak unuktigijotipait Jerusaleme ujarkatitut, Cederillo nappartutitut Sikomorininik attekartutitut, naksarne perortutitut.

28 Salomolo átsiviomavok horsenik Egiptenemit, niuviaksaniglo sunatuinarnik, attanniublo niuvertekotingita niuviaksat tamakkoa pissiarivait,

29 Kaitsivullo Egiptenemit, aksalloalingmik attautsimik Sekelinut 600 dinut Silberemik; horsemiglo attautsemik Sekelinut 150 ginut. Taimaglo âtaulaurivuttauk Hethiterit attaninginut, Siriamiullo attaninginut, taipkoa aggangittigut.

KAPITEL XI.

Salomob nulliangit; kivgartorningalo Gudingoanik, tokkungalo.

ATTANNIUBLE Salomob arnat unnuktut Judit nunangata assinginit pijut nagligivait, Faraob panniata senniane arnat Moabiterinit, Amoniterinillo, Edomiterinillo, Zidonemiunillo, Hethiterinillo,

2 Innukattigéksoarnit taimaitunit Nalekab okautigilauktanginit: Aiviginiarassigik, tikkitailitissigiglo illipsingnut; nello-nangitomik omattise sangutiniarpait, Gudingoakötimingnut. Taimaitut Salomob ungagivait naglingnermut.

3 Nulliakalaukporlo 700 dinik attannit panninginik, pannervgakalarmelo 300 dinik. Nulliangitalo omattinga sangutipât.

4 Salomolo innutokaulermat nulliakotingita omattinga sangutipât Gudingoanut, omattingalo illuêngardlune illingalaungilak Nalekamut Gudiminut, sorlo atátangata Davidib omattinga pilaungmat.

5 Taimak Salomo agvertarpok Astorete, Zidonemiut Gudingat, Milkomelo Amoniterit makkojungnartokotingat malliklugik.

6 Salomoblo Nalekab kuviagingitanga pinniarpa, mallingna-

nelo illuêngardlune Nalekamik, sorlo atâtanga Davide pinniar-laungmat.

7 Taipsomane Salomob poktojok senavâ Kamos Moabiterit makkojungnartokotingat pivlugo, kakkame Jerusalemib nellâne-tome, Molechelo Amoniterit makkojungnartokotingat pivlugo.

8 Taimailiorlaukpok Salomo nulliane tækkorngartanit pijut illunaita pivlugit, Gudioakotimingnut isserluanititsijut, tunnijullo tunnergutinik.

9 Tagva Nalekab Salomo ningarilerpa, omattinga Nalekamik Israelib Gudinganik allaingmat, maggoêrtorlune sakkerlauktomik tapsomunga,

10 Perkojilauktomiglo tapsomunga, Gudib assingit mallik-lugit agvertartuksaungimat; mallilaungilaille perkojaunine Nalekamut.

11 Tamanna pivlugo Nalegak okarpok Salomomut: Taimai-liortokalaungmat illingnut, angernerä, perkojakkalo, perkolauktakka illingnut, mallilaunginangne, attanniovik aksarnigarijomagivara illingnit, tunnijomalugolo kivgakotingnut.

12 Innôtillutille taimailioromalungilanga atâtait Davide pivlugo; erniville agganginit aksarnigarijomavara.

13 Attanniovigle illuêngardlune aksarnigarijomangilara, kinguvarêt attautsit tunnijomavakka ernernut, Davide kivgara pivlugo, Jerusalemelo pivlugit annerilauktakka.

14 Nalekablo Salomo akkerartortekartipa Hadademik Edomiomik, attanniub Edomeme kinguvanganit pijomik.

15 Davidele Edomemêlauktillugo Joabelo sorsuktuksaksoakattigêt angajokangat takpaungarame ullimarsimajut illijartoromavlugit, angutaujut Edomeme illunamassiatik ullimar-pait.

16 Joabe takkit 6 it nâlugit Edomemêtuarame; Israelitillo illuêngardlutik, nungutsikârtinane angutaujunik illunainik Edomeme.

17 Tagva Hadade kemâvok illagællugolo Edomiut angutingita, atatangata kivgangita illangit, Egiptenemut tikkitsomavlutik. Hadadele nukapiangolaukpok sulle.

18 Aularpullo Midianemit, tikkilutiglo Paranemut, neksarpullo innungnik Paranemit, tikkilutiglo Egiptenemut Faraomut Egiptenemiut attanninganut. Tapsoma tunnitsivigiva iglomik, innugutiksamiglo, nunamiglo.

19 Hadadelo napkoaneksivok angijomik Faraome, nulliamiglo tunnitsivigiva, nulliame Tachpenesib nukkganganik.

20 Tachpenesiblo nukâ ernivok tapsomunga erninganik Genubathemik; Tachpenesiblo innugoiva Faraub iglungane; Genubathelo Faraub iglunganetsainarlaukpok, attanniub erningita akkornthane.

21 Hadadelo Egipteneme tussarame, Davide atâtagijangit illagællugit sinnisimaugmat, Joabelo sorsuktuksaksoangita anga-

jokangat tokkungmat, Faraomut okarpok: Aularkolaunga, nunakotimnut aimikovlunga.

22 Faraub okautiva: Sunamik kingumaklerkit uvanne nunakotingnut nûtsomagavit? Tamna okarpok: kingumaklerlungilanga sunamik, aularkolaungale.

23 Gudiblo akkerartortekartipa sulle assianik, Resonemik, Eljadab erninganik, angajokaminit Hadadeseremit Zobamiut attanninganit kemâlauktomik.

24 Angutiniglo kattersoivok ingminut, angajokaulaukporlo sorsuktuksat illanginut, Davide taipkoninga (Siriamiunik) salakarlauktillugo; aularpullo Damaskusemut, nunagivâllo attaniôtilutiglo Damaskuseme.

25 Tamnalo kanoêtokartitsinine tappilugo akkerartortêolauk-pok Israelitinut Salomob innosingata nâninga tikkidlugo; attanniolaукporlo Siriamiunut.

26 Jerobeamelotauk Nebatib erninga Efratemiok Zaredamit, Salomob kivganga, (anânangalo Zerugaulaukpok uigarnek) tamna aggangminik kongmuartitsivok attannermut akkerartorlune.

27 Tamannalo pitjuttauvok aggane kongmuartimagit attanek akkerartorlugo: Salomob Millo sennalaungmago, kingek Davidib atâtame iglugaseksoangane simmikpa.

28 Jerobeamelo angutaulaukpok erkinaitok. Salomoblo innusuktok tækkogamiuk sullidlarimat, aulatsijungortipa sennajuk-sanik Josefib iglunganit pijunik illunainik.

29 Pijokalaukporlo nelliutome taipsomane, Jerobeame aular-tillugo Jerusalemit, Ahiab Silomiub nellautaijub naipipa apkosinerme, ulliksoalijarporlo nutâmaringmik, tapkoalo magguk inu-tolaукpuk tagvane.

30. Ahiablo ullik nutâk attortane tiguva alliktorlâlo, allingingit 12 ôlivlugit,

31 Okarlunelo Jerobiamut: Alliktut tellimaujortut tigukit illingnut. Imâk Nalegak Israelib Gudingat okarmat: Ahâk attanniovik aksarnigarjomavara Salomob agganginit, kinguvarêllo tellimaujortut tunnijomavakka illingnut.

32 Kinguvarêt attautsit pigênaraksarivait kivgara Davide pivlugo, iglugaseksuillo Jerusalem pivlugit, annerilauktakka Israelib kinguvarênginit illunainit.

33 Tamanna pivlugo allarlaungmanga, Astarote Zidonemiut Gudioangat, Kamoselo, Moabiterit Gudioangat, Milkomelo, Amoniterit Gudioangat tuksiarvigilaungmagit; agvertarlaungimattalo apkosinimne, pinniaratiglo kuviagijamnik, perkojamnik, idluarijamniglo Davidetut atâtangatut.

34 Attanioviable illûnanga tigujomangilara agganginit, attanniotsainarkojomavara innosinga nâlugo, Davide kivgara annerilauktara pivlugo, perkojamnik idluarijamniglo mallilauktok.

35 Erningata agganginit attaniovik tigujomavara, illingnullo kinguvarêt tellimaujortut,

36 Erninganullo kinguvarêt attautsit tunnijomavakka, Davide kivgara kaumautekatsainarkovlugo sâmne iglugaseksoarne Jerusaleme annerilauktamne attera pitilugo tagvunga.

37 Igvillo tigujomavagit manna, attanniotilerkovlutit tamainut omattivit tussugijanginut, attanniojuksauluttilo Israelitinut.

38 Naletsiarniaruvillo manna tamainik perkoniartammik illingnut, agvertarniaruvillo apkosinimne, pinniarlutillo kuviagijamnik, idluarijakka perkojakkalo malliklugit piguvit, sorlo kivgara Davide pinniarlaungmat; tagva aiparijomavagit, iglolioromavluttilo sokkosijuitomik, sorlo Davide igloliorlaurapko, tunnitsivigijomavluttilo Israelemik;

39 Davidiblo kinguvângit nikkanarsartitsomavakka tamanna pivlugo, soraijuitomigleungitok.

40 Salomoble pijugakpa. Tagva Jerobeame parngnailerpok kemâlunelo Egiptenemut, Sisakemut, Egiptenemiut attaninganut. Egiptenemêtuarporlo Salomob tokkunga tikkilugo.

41 Unipkautsille tamakkoa assingit sulle Salomo pivlugo, pinniarlauktangit tamaita, illissimaningalo, aglaksimavut Salomob pinniarningita aglangine.

42 Salomoblo attannioningata Jerusaleme Israelitit illunamassianginut, nelliuninga Jahriovut 40 git.

43 Salomolo sinnisilerpok ailune atatagijaminut, illijartortaulunelo atâtame Davidib iglugaseksoangine. Erningalo Rehabeame innangêrlugo attanningorpok.

KAPITEL XII.

Kinguvarêt 10 it apterningit Rehabeamemit. Jerobeamiblo attanningortitauninga, kivgartorningalo Gudingoanik.

REHABEAMELO Sichememut aivok, Israelitit illuêngarlutik Sichememut tikkisimagamik attanningortitsomavlugo.

2 Jerobeame, Nebatib erninga tussarpok tamattominga Egiptenemêdlune sulle, kemâvigijamine attannek Salomo pivlugo, Egiptenemêtuarporlo.

3 Tilliklerpullo taikunga, kaikojaukolâllo. Tagva Jerobeame Israelitillo kattimajut illunatik tikkiput Rehabeame okarkattigijomavlugo, okarpullo:

4 Atâtavit nangmariakartavut okumailuartilaukpa, taimaimat igvit manna kivgartornek okumaitok, nangmagarlo siorniorntok illilauktanga uvaptingnut okinersautilikik: tagva nalegomavaptigit.

5 Tapsomale okautivait: Aileritse uvlut pingajuat tikkidlugo, tagva kaipsarniaritse uvammut. Innugiartoksuillo aularput.

6 Attanniublo Rehabeamib angajokajat atâtame Salomob sângane nangerlauktut innôtillugo sulle, kakimiolerkattigivait, okarlunelo: Kannok attannertuivise innugiartoksuit taipkoa kio-lugit?

7 Tapkoa okautivât: Uvlome innugiartoksuit taipkoa kiv-gartorniarungne, pijomajangillo mallingniarungne, tussarlugillo, illanârnartuniglo okausekarvigigunge, tagva nalengniarpâtit in-notsit nâlugo.

8 Tapsomale angajuklit attannertuiningat tunnilauktangat tapsomunga kemmakpâ, kakimiolerkattigivaillo innuosuktut, ik-kingutine sânganelo nangertut.

9 Okautivaillo: Kannok illipse attannertuivise, sunamik kio-juksaugapta innugiartoksoarnik, okautjigilauktamnik: Nangma-gak atâtavit illilauktanga uvaptingnut okinersautiuk?

10 Innuosuktullo, ikkingutingita okautivât: Innugiartoksuit okautjigilauktatit: Atâtavit nangmagaksavut okumailuartilaukpa, igvit okinersautiuk, imâk okautijaksarivattit: Erkekototiga sillinersaujuksauvok atâtama koktoragingnit.

11 Illa atâtama nangmiulaukpâse okumaitomik, uvangale illautitsijomavunga sulle tamattomunga; atâtama ipperautanut ipperartorlaukpâse, uvangale Scorpionenut sugiaromavapse.

12 Taimak Jerobeame innugiartoksuit illuêngârdlutik illagael-lugit tikkipok Rehabeamut, uvlut pingajuane, sorlo attannek okausekalaungmat okarlune: Tikkipsaritse uvamnut uvlut ping-ajuane.

13 Attanniublo innugiartoksuit kiovait okumaitomik, attan-nertuinerlo angajuklit tunnilauktangat tapsomunga kemmakpâ,

14 Okarvigivaillo innuosuktut attannertuiningat malliklugo, okarlunelo: Atâtama nangmagaksase okumaitilaukpait, uvang-ale illautitsijomavunga sulle; atâtama ipperautanut ipperartor-laukpase, uvangale Scorpioninut sugiaromavapse.

15 Attanniublo innugiartoksuit nalelungilait; illingatitaung-mat taimak Nalekamut, okautsiminik nellautitsikovlugo okau-serilauktaminik Ahiakut Silomiokut Jerobeamemut, Nebatib er-ninganut.

16 Israelitille illunamassiangit tækkogamik attanniub tussa-romangimagit, innugiartoksuit attannek kiovât okarlutiglo: Su-namik illangiutivikarkita Davidemik? Isaiblo erninga pigingi-lavut, Israelitiôjose aileritse tuppekotipsingnut! Taimak manna igvit Davidekotivit iglunga tækkonâruk. Taimak Israelitit ai-vut tupperkotimingnut,

17 Israelible kittornganginut Judakut igloksoangine nuna-kartunut, tapkonunga Rehabeam attanniolaupok.

18 Attanniublo Rehabeamib Adorame pimmaклerte tilling-mago tagvunga, Israelitit illunamassiatik millorpât ujarkanut

tokkolugo. Attannerle Rehabeame tuavidlune ikkivok aksalloa-lingnut, kemâlunelo Jerusalemut.

19 Taimak Israelitit apterput Davidib iglunganit, uvlok tamanna tikkilugo.

20 Israelitit illuêngarlutik tussaramik manna Jerobeame uttersimangmat, tikkilerput, kaikojaukolâlo illagêktunut, attanningortilâlo Israelitit illunamassianginut; kinguvarêllo Judakut assinginik, malliktokalaungilak attautsemiglonêt Davidib iglunganik.

21 Rehabeamelo Jerusalemut tikkiname Judakut illuêngardlutik, kinguvarêllo Benjaminekut kattertipait, angutit innuosuktut sorsugungnartut 180000 dit, Israelitit kinguvarêngit sorsugvigijomavlugit, attannioviglo ama sattortautilugo Rehabeamemut Salomob erninganut.

22 Gudible okausinga pivok Semajamut Gudib angutekotinganut, okarlunelo:

23 Rehabeame Salomob erninga Judakut attanningat, Judakullo illunamassiatik, Benjaminekullo, innugiartoksuillo assingit, okautikit okarlutillo:

24 Imâk Nalegak okarpok: Takpaungartuksaungilase kat-tangutise Israelib kittorningangit sorsugvigilugit; angutit illunatik attunît iglomingnut angerarlit, tamanna uvamnit pingmat. Nalekpaillo Nalekab okausingit, utterlutiglo, ailarmiglo sorlo Nalegak okarlaungmat.

25 Jerobeamible Sicheme Efraimib kakkangine iglugasellior-pait, nunagivaillo; aularporlo tagvangat Pnuelo iglugasellior-pait.

26 Jerobeamele issumertuivok omattiminut: Attanniovik manna utterniarivok Davidib iglunganut;

27 Innugiartoksuit ukkoa takpaungartuksaupatta, tunnergutiksaniglo tunnijilutik Nalekab iglungane Jerusaleme; tagva innugiartoksuit ukkua omattingit sâlerniarivut angajokamingnut Rehabeamemut Judakut attaninganut, tokkoniarpângalo, sâlerniarlutiglo Rehabeamemut Judakut attaninganut.

28 Tagva Jerobeame kakimiojokarkojivok, sennalunelo nochangoangnik Goldeojungnik, okautivaillo: Ajornarpok illipsingnut majorarluse Jerusalemut, ahâk, Israelitiôjose tagva Gudise aularutjilauktut illipsingnik Egiptenemit.

29 Aipangalo nappava Betheme, aipalo Daneme.

30 Tamannalo idluitullijutaulaupok; innugiartoksuit aipa sângeriartormatsuk (opigilugo) Dane tikkidlugo.

31 Iglomiglo igloliorpoktauk poktôjune, ajochertuijungortitsivorlo innugiartoksoarnit erkanangitonerpaujunit, Levib kittorninganginit pingitunik.

32 Uvloksiorvingmiglo akiksoivok takkit 8 ingata uvlungita 15 ingane, uvloksiorviub Judame adsinganik, tunnergutiniglo

tunnijivok Altareme. Taimailiorkok Bethelene, tunnergutit tunnijaikovlugit nochangoangnut sennalauktangangnut; âkiksoilunelo Bethelene ajochertuijunik poktojunut sennalauktaminut.

33 Tunnergutiniglo tunnijivok Altarib sennalauktame kângane Bethelene, takkit 8 ingata uvlungita 15 ingane, omattiminut issumertorlauktangane; akiksoilunelo taimak uvloksiorvingnik Israelib kittornganginut; tunnijilunelo tunnergutinik Altarib kângane, isserluanititsilunelo.

KAPITEL XIII.

Jerobeamib aggangita tokkungalerningit, âkiktauningillo nellautaijub tuksiarutingmago. Nellautaijub tokkotauninga Loewemut nalengininga Gudemik pivlugo.

AHAGLO, Gudib angutekotingita illangat tikkipok Judamit Bethelmut, Nalekab okausingagut, Jerobeame nangertillugo Altarib kiglingane isserluanititsivlune.

2 Nipliarporlo Altaremut Nalekab okausingagut, okarlunelo: Altare, Altare! Nalegak imâk okarpok: Ahâk, ernermik, erniangojokaromârpok, Davidib iglunganut, Josiamik attekaromârtomik, tamna tunnijijomârpok kângne pôktojub ajochertuijokotinginik, isserluanititsijunik kângne, innuillo sauningit ikkitso-mârpait kângne.

3 Nellonaikutamiglo tunnijivok uvlorme taipsomane, okarlunelo: Tamanna nellonaikutauvok, Nalekab tamanna okauserilaungmago: Ahâk, Altare koppiniarpok, arkjello kânganetok navitauniarput.

4 Attanniublo Gudib angutekotingata nipliartub Altaremut Bethelemetomut okausingit tussaramigit, aggane issakpait Altarib senniane, okarlunelo: Tigusiuk. Aggangillo issangmijangit tapsomunga tokkungalerput, ergitijungnangerpaillo.

5 Altarelo koppilerpok, arkjello navitaunvut Altaremit, nellonaikutak Gudib angutekotingata tunnilauktanga Nalekab okausingagut malliklugo.

6 Attannerlo kiovlune okarpok Gudib angutekotinganut: Nalekab Gudivit kênanga kennuvigiuktôk, tuksiutilungalo, aggakka âkiktaikovlugit. Tagva Gudib angutekotingata Nalekab kênanga kennuvigiva, attanniublo aggangit âkilerput sivurnganetullo idlutik.

7 Attanniublo Gudib angutekotinga okarvigiva: Kailaurit angerarkattigilaunga, nekkoksitilutillo, pilliumik tunnitsivigijomavagit.

8 Gudible angutekotingata attannek okautiva: Iglokotivít koppanganik tunnisiviginajaralloarunga, sulle aikattiginajangilagit; inneme tamattomane niakojaktoromanginama, immeromalungilangalonét immermik.

9 Imák perkojaumagama Nalekab okausingagut, okautsaungalo: Niakojaktortuksaungilatit, immertuksaunaglo, uttertuksaungilatillo apkosinekut attorlauktakut.

10 Aularporlo apkosiniub assiagut, utterlungilarlo apkome aivigilauktamine Bethelemut.

11 Betheleme nellautaijok innutokaujok nunakalaukpok; tapsomalo erningata tikkipa, unipkautilálo pinniarnernik tamainik, Gudib angutekotingata taipsoma pinniarlauktanginik uvlorme tapsomane Betheleme, okausinginiglo Altaremut.

12 Atátangatalo okarvigivait: Apkosinit nelliagut aularlauka? Erningit tækkolaungmatta apkosinit nelliagut Gudib angutekotinga, Judamit tikkilauktok, aularlaungmat.

13 Tapsomalo ernine okautivait: Siutekoktôjok iksivaviktarsiuk pivlunga. Siutekoktôjorlo iksivaviktarpât tapsomunga, tapsomalo ikkivigiva,

14 Mallikpálo Gudib angutekotinga, naipipálo iksivatillugo nappartub Terebintemik attiggub attáne, okautiválo: Igvit tamnavít Gudib angutekotinga Judamit tikkilauktok? Tamna okarpok: Ahaila.

15 Tapsoma okautiva: Kait, angerarkattigilaunga, niakojaktortlutillo.

16 Tamnale okarpok: Utterkattigijungnangilagit, aiparijungnangilagillo, niakojaktorkattigijungnangilagit, immertorkattiginiarnaglonét mâne inneme tamattomane.

17 Nalekab okausingittigut okautsaugama: Tagvane niakojaktortuksaungilatillonét immertuksaunaglonét uttertuksaungilatillo apkosinekut attorlauktakut tamaunga.

18 Tapsoma okautiva: Uvanga nellautaijôgivungatauk illikut, Engeliblo okarkattigilaukpanga Nalekab okausingagut, okautilungalo: Uttertitsuk iglokotingnut, niakojartorkovlugo, immerkovlugolo. Sæglokipåle.

19 Tagva utterkattigivâ, niakojartorlunelo, immerlarmelo iglungane.

20 Iksivatillugolo nerrimarvingme, Nalekab okausinga tikkipok nellautaijomut uttertitsilauktomut tapsominga;

21 Kaigarsugvigiválo Gudib angutekotinga Judamit tikkilauktok, okarlunelo: Imák Nalegak okarpok: Tamanna pivlugo Nalekab kanninga nalelaunginangne, perkojarlo Nalekab Gudivít perkojutigilauktanga illingnut mallilaunginangne,

22 Uttersimagavillo, niakojartortlutillo imerlarpillo inneme okarutigilauktangane illingnut: Niakojaktortuksaungilatit, immertuksaunaglonét; tamanna pivlugo timít tokkungajok atátagijavit illuvinganut pijuksaungilak.

23 Niakojaktorlaukârtillugolo immerlaukârdlunelo, siutekok-tôjok iksivavik târpâ nellautaijomut uttertilauktaminut.

24 Aulartillugolo Loewib naipipa apkosinerme, tokolâlo; timingalo tokkungajok egitaumalaukpok apkosinermut, siutekok-tojorlo nangerpok senniane, Loewelo nangerpok timib tokkung-ajub senniane.

25 Ahâglo innuit sennerkoput tækkolutiglo timemik tokkung-ajomik egisimajomik apkosinermut, Loewemiglo nangertomik timib tokkungajub senniane, tikkilutiglo okalarmiglo tamattominga iglugaseksoarne nellautaijub innutokaujub iglokarvigijangine.

26 Nellautaijorlo uttertitsilauktok taipsominga, tamattominga tussarame okarpok: Angutauvok Gudib pigijanga, Nalekab kanninganik nalelaungitok; tamanna pivlugo Nalekab tunnilaukpa Loewemut, tapsoma alliktorlaukpâ tokkolâlo, okautsit malliklugit, Nalekab okauserilauktangit tapsomunga.

27 Okarporlo ernerninut: Siutekoktôjok iksivaviktarsiuk pivlunga. Iksivaviktarêrmatsuglo,

28 Aularpok tagvunga, nachvarpâlo timinga tokkungajok, egisimajok apkosinermut, siutekoktojorlo Loewelo timib tokkungajub sennianetillugik. Loewe nerrilaungimarikipok timemitt tokkungajomit, siutekoktojorlo alliktorlaungila.

29 Tagva nellautaijub Gudib angutekotingata timinga tokkungajok kivikpa, illilâlo siutekoktôjomut uttertipâlo; nellautaijorlo innutokak tikkipok iglugaseksoarnut, ogurilugo illijartorlugolo.

30 Timelo tokkungajok illiva illuvekotiminut; ogurivâllo okarlutik: Kiksarnamék kattangutik!

31 Illijartorêrmatsuglo ernerninut okarpok: Tokkojomâruma, tagva illijartorsinga illuvermut, Gudib angutekotingata illijartortauvigijanganut, saunnikkalo illiniarsigik tapsoma sauningita sennianut.

32 Pijomârmât, sorlo kaigarsulaungmat Altaremut Bethelêmêtomut Nalekab okausingagut, pôktôjullo iglunginut illunainut, Samariab iglugaseksoanginnêtnut.

33 Pijokartuble tamattoma kingorngane Jerobeamib apkotigijane idluitok allârlungila, amale ajochertuijungortitsivok innungnit erkanangitonerpângôjunit; nelliallo pijomajok ajochertuijungortitauvok, iglunut poktôjunêtnut.

34 Tamannalo illingalaukpok Jerobeamib iglungata idluitullininganut, asserortaukovlugo pêjartaukovlugolo nunamit.

KAPITEL XIV.

Ahiab nellautaininga Jerobeame pivlugo. Jerobeamib tokkunga. Rehabeamib attanniotininga, idlultulliningit, pitlartauningalo tamalkkoâ pivlugit.

NELLIUTOME taipsomane Abia Jerobeamib erninga kannimalaukpok.

2 Jerobeamelo nulliaminut okarpok: Parngnailerit, pissertorlutillo, kinalonêt mallugosulerkonago Jerobeamib nulliaringmattit, ailutillo Silomut. Ahâk nellautaijok Ahia tagvanepok, okautjigilauktara, attanniojuksaugama innugiartoksoarnut tapkonunga;

3 Neksarlutillo niakojanik tellimaujortunik, sâtuniglo, illulerkomiglo tættætomik igupsaujartut orksunginik, aivigilugolo, okarkovlugo illingnut, kannok nukapiab illinganiarianganik.

4 Jerobeamiblo nullianga taimailiorpok, parngnailerlunelo ailarmelo Silomut, tikkiporlo Ahiab iglunganut. Ahiale tautugungnarlaungilak, ijigik innutokaunermut aulasuêrmannik.

5 Nalekable Ahia okautiva: Ahâk Jerobeamib nullianga kai-vok, suna apperkutigijomavlugo illingnit, ernine pivlugo, tamna kannimangmat. Tagva manna okautiniarpet imâk imâglo. Itteramelo manna tækkorngartausertorpok.

6 Ahiable ittiggangita kikkergallijarningat tussarmago itter-tillugo upkoakut, okarpok: Kailerit kamunga, igvit Jerobeamib nullianga, sôg tækkorngartausertorkit? Tillijaumavunga illingnut, taigotaksamut okumaitomut.

7 Ailerit Jerobeamelo okautiuk: Imâk Nalegak Israelib Gudingat okarpok: Angijorortilaukpagit innugiartoksoarnit, attan-ningortilutillo innukotimnut Israelitinut;

8 Attannioviglo Davidib iglunganit aksarnigarilaukpara, tunnilaukparalo illingnut. Igville kivgaptut Davidetut îlaungilatit, perkojamnik mallilauktotut, agvertarlauktotullo malliklunga omamut tamânut, pinniarlune ijingma idluarijanginik kissiane;

9 Sugaluluartomiglo pinniarlaukpotit tamainit sivunernelauktunit, ailaukpotit Gudiblo assinginik, Gudioanik kovimajunik sennalutit illingnut, ningaksaromavlunga, tunningnullo egimavarma,

10 Taimaimat, ahâk, kanoêtomik pititsijomavunga Jerobeamib iglunganut, pêjaijomavungalo Jerobeamemit, innungniglo omajuniglo tamainik, kivgaujomik kivgaungitomiglo Israeleme; Jerobeamiblo iglungata kinguvângit pêjaromavakka, sorlo aktarnerlukut pêjartauvangmatta, nungumarikârtinago.

11 Kina Jerobeamekunit tokkoniartok iglugaseksoarne king-

minut nerriajauksauvok, kinalo natername tokkolertok tamna tingmitjet sillamêtut nerriajaksarivât; Nalekab tamanna okau-serilaungmago.

12 Igvillo parngnailerit angerarlutillo. Ittikkatillo ablorni-arpatta iglugaseksoarnut, sorrusek tokkoniarpok.

13 Israelitillo illuêngarlutik oguriniarpât, illijartorniarlâllo. Tamna kissime Jerobeamekunit illuvermut pinniarmat, tapso-manesunamik Nalekab Israelib Gudingata kuviagijanganut illing-ajomik nachvartaungmat, Jerobeamib iglungane.

14 Nalegarle attannekartitsijomârpok Israelitinut, péjaijo-mârtomik Jerobeamib iglunganik uvlorme taipsomane. Sunalo pilerêrka manna?

15 Nalekablo Israelitit annauleromârpait, aulakovlugit, sorlo ivik suvlolik immâne aulataungmat, Israelitillo nutsugomârpait nunamit ajungitomit mattomangat tunnilauktaminut atâtanginut, siamârtitsomârpaillo kôksub ungâtânut, tamanna pivlugo nap-partokotimingnik (Gudingoalingnik) sennalaungmatta, Nalegak ningaksaromavlugo.

16 Israelitillo tunnijomârpait, Jerobeamib idluitullilauktub, Israelitiniglo idluitullititsilauktub ajorningit pivlugit.

17 Tagva Jerobeamib nullianga parngnailerpok, ailunelo, tikkilarmelo Tirzamat. Iglublo manoanganut tikkitillugo nukapiak tokkovok.

18 Illijartorpâllo, Israelitillo illuêngarlutik ogurivât, Nalekab okausingit malliklugit okauserilauktangit kivgamigut Abiakut nellautajokut.

19 Unipkautsillo tamakkoa assingit sulle Jerobeame pivlugo, kannok unatadlalaungmat, attanniotilaungmallo, ahâk, tamanna aglaksimavok Israelitit attanningita aglangine.

20 Jerobeamible attannioningata nelliuninga Jahreôvut 22it. Sinnisilerporlo atâtagijaminut ailune, erningalo Nadabe attanningorpok innangêrlugo.

21 Taimak Rehabeame Salomob erninga attanniolaupok Judame. Rehabeame Jahrekalaukpok 41 ginik attanningorame, attanniotilaupporlo Jahrit 17 it nâlugit Jerusaleme iglugaseksoarne Nalekab annerilauktangine Israelib kinguvarênginit tamainit, atterminik pititsikovlugo tagvunga. Anânanga attekalaupok Naemamik Amonitereôjok.

22 Judakullo pinniarlaukput Nalekab idluigijanginik, ningaksarnersarivâllo tamainit atâtagijangita pinniarlauktanginit, idluinermingnut pinniarlauktamingnut.

23 Sennalauppullotauk ingmingnut poktôjunik, nappajuniglo, nappartuniglo, kakkarulangne pôktojune illunaine, nappartullo tungojortut illunatik attâne.

24 Ajortullijokalaupoktauks nuname; nellojullo Nalekab pé-

jarlauktangita Israelib kittorngangita sivorngane makkojungnartulliningit attorpait.

25 Attanniuble Rehbeamib Jahringita tellimangane Sisak Egiptenemiut attaningat takpaungarpok, Jerusaleme sorsugvigilugit.

26 Tiguvaillo perkutit pivanartut Nalekab iglunganit, attanniublo iglunganit, tamaitalo tigujaujungnartut, tiguvaillo sappulutaksat Goldeôjut Salomob sennajaukolauktangit.

27 Tapkoalo inninginut attaniub Rehbeamib sappulutaksat kannujarmut sennajaukovait, tunnivaillo sorsuktuksat angajokangita, attanniub iglungata upkuanganik udsertortut agganginut.

28 Attannerlo Nalekab iglunganut itterlaurangat, sorsuktuksat akjarkattarpait, uttertikattarlaitalo kingorngane sorsuktuksat iglunganut.

29 Unipkautsille tamakkoa assingit sulle Rehbeame pivlugo, pinniarlauktangillo tamaita, ahâk, tamanna aglaksimavok Judakut attanningita aglangine.

30 Unatadlarnekatsainarlaukporle Rehbeamib Jerobeamiblo akkorngangne innositik nâlugik.

31 Rehbeamelô sinnisilerpok, atâtagijaminut ailune, illijartortaulunelo atâtagijaminut Davidib iglugaseksoangine. Anânangalo attekalaupok Naemamik Amonitereôjok. Erningalo Abiame attanningorpok innangêrlugo.

KAPITEL XV.

Judakut attanningit Abiame, Assa, Josafatelo. Israelitillo attannigik Nadabe, Baesalo.

JEROBEAMIB Nebatib erningata Jahringita 18 ingane Abiame attanningorpok Judakunut,

2 Attanniotilunelo Jerusaleme Jahrit pingasut nâlugit. Anânanga attekalaupok Maechamik Abisalomib panninga.

3 Tamnalo agvertarpok atâtame idluitulliningine tamaine piniarlauktangine tapsoma sângane, omattingalo illingamari-laungilak Nalekamut Gudiminut, sorlo atâtangata Davidib omattinga-ilaungmat.

4 Davidele pivlugo, Nalekab Gudingata kaumautekarkova Jerusaleme, erninga pitilaungmago tapsoma kingorngane, Jerusalemelô sokkosertailitingmagit.

5 Davide pinniarlaungmat Nalekab idluarijanganik, allailaungimallo tamainit perkolauktanginit tapsomunga, innôsermine tamât, pijokartok Uriamut Hethitereôjomut pivlugo kissianeungitok.

6 Unatadlarnekatsainarlaukporle Rehabeamib Jerobeamblo akkorngangne innôsingane tamât.

7 Unipkautsille tamakkoa assingit sulle Abia pivlugo, pinniarlauktangillo tamaita, ahâk tamanna aglaksimavok Judakut attanningita aglangine. Unatadlarnekatsainarlaukporle Abiablo Jerobeamblo akkorngangne.

8 Abialo sinnisilerpok, atâtagijaminut ailune, illijartorpâllo Davidib iglugaseksoangine. Erningalo Assa attanningorpok innangêrlugo.

9 Jerobeambib Israelitit attanningata Jahringita 20 ingane Assa attanningorpok Judakunut;

10 Attanniotilaukporlo Jerusaleme Jahrit 41 git nâlugit. Anânanga attekalaupok Maechemik, Abisalomib pannia.

11 Assalo pinniarpok Nalekab idluarijanganik, atâtangatut Davidetut.

12 Ajortullijullo pêjarpait nunamit, Gudingoallo atâtagijangita sennalauktangit illunaita tagvanêtsungnaitipait.

13 Taimaktauk anânane attanniojungnaitipa, Gudingoamik sennalaungmat ingminut nappartune. Assablo Gudingoakotinga pêjarpa, ikkipâlo kôb Kidronemik attiggub naksangane.

14 Poktojulle pêjartaulaungilet. Assable omattinga nellagorlune Nalegak ungagiva innosermine tamât.

15 Silberelo Goldelo, illulerkutillo, atâtangata ivsornaitilauktangit, nangminerlo ivsornaitilauktane ittertupait Nalekab iglunganut.

16 Unatadlarnekatsainarlaukporlo Assablo Baesablo Israelitit attaningata akkorngangne innôserringne tamât.

17 Baesale Israelitit attaningat takpaungarpok Judakut sor-sugvigivlugit, Ramalo igluliorsavait, kinalonêt aularungnartuksaukonnago aijungnartuksaukonnagolonêt Assab Judakut attaningata miksânut.

18 Tagva Assab Silbere Goldelo Nalekab iglungata perkutetalinganelauktut sulle, attanniublo iglungata perkutitalinganelauktut tiguva it tunnilaitalo kivgame agganginut, tillivaillo Benhadademut Tabrimonib Hesionib erningata erninganut, attanniôjomut Siriamê, iglokalaauktomut Damaskuseme, okautsaukovâlo:

19 Angerkattigêngnekarpok uvamne illingnelo, atâtamnelo atâtangnelo; tamanna pivlugo pilliumik tujoivigivagit, Silberemik Goldemiglo, angerkattigêngnek illingnêtok Baesamêtorlo Israelitit attaningane serkomilugo pikovlutit, tamna aularkovlugo uvamnit.

20 Benhadadiblo attannek Assa nalekpa, angajokâkotinelo tillivait Israelitit iglugaseksoanginut, ullimârpaillo Ijon, Danelo, Abelbetmaechalo, Kinerothelo illûnât, Naftalikut nunangane tamât.

21 Baesab tamanna tussaramiuk nokarpok igluliorlune Ramamik, utterivlunelo Tirzamat.

22 Attanniuble Assab Judakut illunamassiangit kaikojauskovait, attauserlonéllo tikkingitsariakalaungilak, ujarkello, kejuillo Baesab igluliorutigilauktangit tiguvaat akjatorlaitalo Ramamit; attanniuble Assab tamakkonangat Geba Mizpalo Benjaminekune igluliorpait.

23 Unipkautsit tamakkoa assingit sulle Assa pivlugo, sôngoningalo tamât, pinniarlauktangillo tamaita, iglugaseksuillo iglugaseliorkauktangit, ahâk tamanna aglaksimavok Judakut attanningita aglangine. Innutokaunime nelliuningane kissiane ittigalerilaukpok.

24 Assalo sinnisilerpok atâtagijaminut ailune, illijartortaulunelo atâtagijaminut, Davidib, atâtagijame iglugaseksoangine. Josafatelo erninga attanningorpok innangêrlugo.

25 Nadabele Jerobeamib erninga attanningorpok Israelitinut, Assab Judakut attanningata Jahringita aipangane, attanniotilunelo Israelitinut Jahrik magguk nâlugik,

26 Pinniarporlo Nalekab idluigijanginik, agvertarlunelo atâtame apkosiningine, idluitullininginelo, idluitullititsijutigilauktangine Israelitinik.

27 Baesale Ahiab erninga Isascharekunit pijok, angerkatigêngnekartitsivok pivlugo, ullimârpâlo Gibethoneme Filisterit nunanganêtome. Nadab Israelitillo illuêngarlutik Gibethon illumangmagit.

28 Taimak Baesab tokkopa Assab Judakut attanningata Jahringita pingajuane, attanningorlunelo innangêrlugo.

29 Attanniôgamelo manna, Jerobeamib iglomiokotingit illunaita ullimarpait, amiakokarkojilungilarlo Jerobeamekunit annernelingmik, nungutsikârtinago tapsominga, Nalekab okausingit okauserilauktangit kivgamigut Ahiakut, Silomiokut, malliklugit;

30 Jerobeamib idluiningit pivlugit, idluitullinerilauktangit, idluitullititsijutigijangillo Israelitinik, kajungersainermut ningaksaijutigijangillo Nalekamik Israelib Gudinganik.

31 Unipkautsille tamakkoa assingit sulle Nadabe pivlugo, pinniarlauktangillo tamaita, ahâk tamanna aglaksimavok Israelitit attanningita aglangine.

32 Unatadlarnekatsainarlaukporlo Assab Baesablo Israelitit attanningata akkornangane innôsermingne tamât.

33 Assab Judakut attanningata Jahringita pingajuane, Baesa Ahiab erninga attanningorpok Israelitit illunamassianginut, Tirzame, Jahrit 24 git nâlugit,

34 Pinniarlaukporlo Nalekab idluigijanginik, agvertarlunelo Jerobeamib apkutigijangine idluitullininginelo idluitullititsijutigijangine Israelitinik.

KAPITEL XVI.

Baesa, Ella, Simri, Amri, Ahabelo attanniolauktut Israelitinut.

NALEKABLE okausinga tikkipok Jehumut Hananib erninganut Baesa pitjutigællugo, okarlunelo:

2 Tamanna pivlugo sannermit makkitilaurapkit, attanningortilutillo innukotimnut Israelitinut, igvillo agvertaravit Jero-beamib apkotigijangane, idluitullititsilutillo innukotimnuik Israelitinik, ningaksaramgalo tapkoa idluitullininginut;

3 Ahâk tamanna pivlugo Baesab kinguvangit iglokotingatalo kinguvangit pëjaromavakka, iglokotillo illingatitsomavara Jero-beamib Nebatib erningata iglungatut.

4 Kina Baesakunit tokkojok iglugaseksoarne tamna kingmit nerrijaksarivât, kinalo natername tokkojok tamna tingmitjet sillamêtut nerrijaksarivât.

5 Unipkautsille tamakkoa assingit sulle Baesa pivlugo, pinniarnerijangillo, sôngoningalo, ahâk, tamanna aglaksimavok Israelitit attanningita aglangine.

6 Baesalo sinnisilerpok atâtagijaminut ailune, illijartortaulunelo Tirzame. Erningalo Ella attanningorpok innangêrlugo.

7 Nalekab okausingittauk tikkiput nellautaijokut Jehukut Hananib erningagut Baesamut iglunganullo, idluinek tamât pivlugo pinniarnerijsanga Nalekab sângane, ningaksarlugo aggangme pinniarninginut, Jerobeamib iglungatut ilerkovlugo; taimaglotauk tamanna pivlugo, taipkoa ullimârlaungmagit.

8 Assab Judakut attanningata Jahringita 26 ingane, Ella Baesab erninga attanningorpok Israelitinut, Tirzame Jahrik magguk nâlugik.

9 Kivgangale Simri, angajokaujok kammuit ketterkanginut, angerkattigêngnekartitsivok akkerartorlugo. Tirzamelaukporle Weinetorlunelo tallalunelo Arzab pimaklerteôjub Tirzame iglungane.

10 Simrile itterpok, ullimârpâlo tokkolugo, Assab Judakut attanningata Jahringita 27 ingane, attanningorlunelo innangêrlugo.

11 Attanniogamelo, iksivalunelo taipsoma iksivautangane, Baesab iglomiokotingit illunaita ullimârpait, amiakokarkojingilarlo tapsomangat kinamiglonêt, illanganiglonêt, illanarijang-aniglonêt.

12 Taimak Simrib Baesab iglomiokotingit illunaita pëjar-pait, Nalekab okausingit malliklugit, okauserilauktangit Baesa pivlugo nellautaijokut Jehukut;

13 Baesab idluiningit illunaita, erningatalo Ellab idluitulli-

ningit pivlugit, pinniarlauktangit, Israelitiniglo idluitullititsivlutik, Nalegak Israelib Gudinga ningaksarlugo, kivgartornermingnut Gudingoanik.

14 Unipkautsille tamakkoa assingit sulle Ella pivlugo, tamaitalo pinniarlauktangit, ahâk tamanna aglaksimavok Israelitit attanningita aglangine.

15 Assab Judakut attanningata Jahringita 27 ingane Simri attanningorpok Tizrume uvlut 7 it nâlugit. Innugiartoksuillo tangmarsimalaukput Gibetonit Filisterit nunanganêut sivurâne.

16 Innugiartoksuille tangmarvingne tussaramik okartokarmat Simri angerkattigêngnekartitsimangmat, attannerlo ullimârmago; tagva Israelitit illuêngarlutik uvlorme taipsomatsainaujome Amri sorsuktuksaksoakattigêt angajokangat attanningortipât tangmarvingme.

17 Amrilo Israelitillo illuêngarlutik illagællugo majorarput Gibetonemit, illumavaillo Tirza.

18 Simrile tækkogame iglugaseksuit sâlagijauniarmatta, itterpok attanniub igloksoangata sôgoninganut, ikkipâlo attanniub igloksoanga, tokkolunelo,

19 Ajornine pinniarlauktane pivlugit, pinniarame Nalekab idluigijanginik, agvertaramelo Jerobeamib apkotigijangane, tap-somalo idluiningine, pinniarlauktangine, Israelitit idluitullitilugit.

20 Unipkautsit tamakkoa assingit sulle Simri pivlugo, kan-norlo angerkattigêngnekartitsilaungmat, ahâk, tamanna aglaksimavok Israelitit attanningita aglangine.

21 Taipsomane innugiartoksuit aviutivut maggolivilutik; ketterkangita aipaingita Tibni Ginatib erninga ungagivât, attanningortilugo, ketterkangitale aipaingita Amri ungagivât.

22 Innugiartoksuille Amrib ungagijingit ajugaulaukput innugiartoksoarnut Tibnib Ginatib erningata ungagijinginut. Tibnilo tokkovok, tagva Amri attanningorpok.

23 Assab Judakut attanningata Jahringita 31 ingane, Amri attanningorpok Israelitinut, attanniotilunelo Jahrit 12 it nalugit, Tizramêdlune attanniôtivok Jahrit 6 it nâlugit.

24 Kakkarlo Samariamik attelik pissiariva Semeremit Tal-lentingnut maggungnut Silberemik, iglugaselliortalunelo kakkab kângane, iglugaseksuillo iglugaselliortane atserarpait kakkab innuata Semerib attinga malliklugo Samariamik.

25 Amrilo pinniarpok Nalekab idluigijanginik, sugaluluarlaukporlo sivorlerijaminit tamainit.

26 Agvertarlunelo Jerobeamib Nebatib erningata apkotigijangine illunaine, idluininginelo, idluitullititsijutigijangine Israelitinik, Nalegak Israelib Gudinga ningaksarlugo kivgartornermingnut Gudingoanik.

27 Unipkautsille tamakkoa assingit sulle Amri pivlugo pin-

nialrlauktangillo tamaita, sôngoningalo attorlauktanga, ahâk tamanna aglaksimavok Israelitit attanningita aglangine.

28 Amrilo sinnisilerpok atâtagijaminut ailune, illijartortauvorlo Samariame. Erningalo Ahabe attanningorpok innangêrlugo.

29 Assab Judakut attanningata Jahringita 38 ingane Ahabe Amrib erninga attanningorpok Israelitinut; attanniotivorlo Israelitinut Samariame Jahrit 22 it nâlugit.

30 Ahabelo Amrib erninga pinniarlaukpok Nalekab idlujijanginik, sugaluluartomik illunainit sivorlerilauktaminit.

31 Suglugilaukpa agvertarame Jerobeamib Nebatib erningata idluiningine, nullianikpâlotaug Isebele Etbaalib Zidonemiut attanningata pannia; Baalelo kivgartoriartorpâ, tuksiarvigivâlo.

32 Altarelo sennava Baal pivlugo, Baalib iglungane sennalauktamine tapsomunga Samariame.

33 Nappartuniglo illijivok; Ahabelo sugaluluartomik pinniarpok Nalegak Israelib Gudinga ningaksarlugo, Israelitit attannininit illunainit sivorlerilauktaminit.

34 Nelliutome tapsomane Hielib Bethlemiub Jericho iglugaselliorpait. Erninga angajuklek Abirame akkiliutaulaukpok tungavik illilauramiuk, erningalo nukârdlek Segube, akkiliutaulaukpok upkoaksuit illilauramigit; Nalekab okausingit malliklugit, okauserilauktangit Josuakut Nunib erningagut.

KAPITEL XVII.

Nellautaijub Eliab pinniarningit.

ELIALO Tisbitemiok Gileademiut illangat okarpok Ahabemut: Sorlo miksekârtomik Nalegak Israelitit Gudingat, sângiartara innôngmat, Jahrine tamakkonane mitsungniangilarlonêt, sillalungniangilarlonêt, kissiane uvanga okaruma.

2 Nalekablo okausingata tikkipa, okarlunelo:

3 Aularit ovangat, kingmuarlutillo kaulerviub nellânut, ijerlutillo kôngme Kitemik attelingme, kôktome Jordanemut;

4 Kôngmillo immertuksauvotit; tullukello perkomavakka pattangaititsikovlugit illingnik tagvane.

5 Tagva aivok taikunga, pinniarlunelo Nalekab okausingit malliklugit, aivorlo ingilunelo kôngme Kitemik attelingme, Jordanemut kôktome.

6 Tullukello atsigvikattarpât kakkojamik, nerkemiglo uvlâkut, unnukullo, immerporlo kôngmit.

7 Pijokalaukporlo uvlut kapsit kingorngane, kôk ipterilingmat; sillalulaungimat nuname.

8 Tagva Nalekab okausingata tikkipa, okarlunelo:

9 Parngnailerit ailutillo Zarpatemut, Zidonib kannitanganêtomut, tagvanêtuarlutillo; tagvane uigarnerit illangat perkoma-gapko pattangaititsikovlugo illingnik.

10 Parngnailerporlo ailunelo Zarpatemut. Tikkimallo iglugaseksuit upkoaksoanginut, ahâk, tagva uigarnekarpok tagvane kejungnik kattersoijomik. Tâpsomalo kaikova, okarlunelo: Immiârsungmik aiklerutilaunga illulerkume, immerkovlunga.

11 Aitillugolo aikleromamut, nipliarvigiva okarlunelo: Tamuamik niakojamik kaitsivigikassiutilaungatauk.

12 Arnak okarpok: Sorlo miksekârtomik Nalegak inôngmat, igamajokalungilanga sumiglonêt, tigumiakamik sennaukamik kissiane kattangme, orksuârsungmiglo publaujarme. Ahâglo kejuut illanginik kattersimavunga, itterlungalo, âkiksoromavlugo pivlunga, ernalo pivlugo, nerrikovlunuk, tokkolunuglo.

13 Eliab okautiva: Sivuraniarnak, ailerit pinniarlutillo, sorlo okarlauravit; sivurlermigle sâtoârsungmik igalerit tapkonangat pivlunga, annitsivigilungalo tamattominga, pivlutille ernillo pivlugo sennalerit kingorngane;

14 Imâk Nalegak Israelib Gudinga okarmat: Sennaugak katangme ketaulertuksaungilak, publaujarlo orksutalik ajoksartuksaungilak, uvlok taimna Nalekab sillalukojivia nuname tikkilugo.

15 Arnak aivok, pinniarlunelo, sorlo Elia okalaungmat. Tannalo nerrivok, arnarlo iglomiokatingillo uvlut kapsît nâlugit.

16 Sennaugak katangme kêtaunersaupallialaungilak, publaujarlo orksuktalik ajoksarlaungilak, Nalekab okausingit okauserilauktangit Eliakut malliklugit.

17 Pijokartullo tamakkoa kingorngane arnab iglomêvigijangata erninga kannimalerpok, kannimasingalo taimak sôngotigijolaukpok annernekarungnailermat tapsomane.

18 Tapsomalo arnab Elia okautiva: Suvigivagit igvit Gudib angutekotinga? Tikkisimavarma idluinikka erkartaukovlugit, ernalo tokkotaukovlugo.

19 Tapsomalo okautiva: Ernît tunniuk uvamnut. Tiguvâlo sâanganit, majorarlunelo innemut iglogijaminut, illivâlo sinnigvingminut.

20 Nalegarlo nipliarvigiva okarlunelo: Nalegak Gudik, uigarnek iglomêvigijara, taimak idluitullivigilaukiuk erninga tokkogangne?

21 Tessiterporlo pingasuêrtorlune sorrutsib kângane, nipliarlunelo Nalekamut okarlunelo: Nalegak Gudik, sorrutsib oma tarninga utterkolauruk tapsomunga.

22 Nalekablo Eliab nippinga tussarpa; sorrutsiblo tarninga utterpok tapsomunga omarlunelo.

23 Eliablo sorrusek tiguva, âlâlo unnunga iglomut, tunni-vâlo anânanganut, okarlunelo: Ahâk tagga, ernît innôvok.

24 Arnablo Elia okautiva: Manna illitarksivunga Gudib angutekotigingmattit, Nalekablo okausinga kannerne miksekârtongmat.

KAPITEL XVIII.

*Eliab tolkotsininga Baalib ajochertuijokotinginik;
okarningalo sillalungniarmat.*

NELLIUTORLO sivitôjok kângermat, Nalekab okausingata Elia tikkipa, Jahrit pingajuane, okarlunelo: Ailerit tækkotilutillo Ahabemut, sillalukojikovlunga nuname.

2 Elialo aivok tækkotilune ingminik Ahabemut. Kângnar-toksoakarporle Samariame.

3 Ahabelo Obadja, pimaklertokotine kaikova. (Obadjable Nalegak sivoragiva angijomik.)

4 Isebelible Nalekab nellautaijokotingit nungutilaungmagit, Obadjab nellautaijut 100 dit tiguvaît, ijerpaillo kairosungmut, mâne 50 git, ikkane 50 git, pattangaitilaitalo kakkojanik, imermiglo.

5 Taimak Ahab Obadja okautiva manna: Nuna ingerarvi-giuk, immektarvingnut, kôngnullo illunainut, iviksukanik nach-varungnarmangapta, horsillo, horsiojartullo piulilugit, nergjutit illunamassiatik tokkokonnagit.

6 Nunalo avikpâk ingmingnut ingergarvigijomavlugo. Ahabe innutolune ingerarpok apkosinît illangane, Obadjalotauk innutolune apkosiniub tapsoma assiane.

7 Obadjalo manna apkosinermêtillugo, ahâk, tagva Eliab pârpâ; illitarilerpâlo, pamakterporlo kênane pûlugo okarlunelo: Igvit Eliaungilatit Nalegara?

8 Tamna okarpok: Aukak; angajokait okautijartoruk: Ahâk Elia mânêpok.

9 Tamnale okarpok: Sunamik idluitullilaukik, kivgait tun-nijomagange Ahab agganginut, tokkotsikovlugo uvamnik?

10 Sorlo miksekârtomik Nalegak Gudit inôngmat, innukat-tigéksoakangilak, attanniovikaranelo, nalekama tilliklervigilaung-itananik, kennerlutit. Okalaukpattalo: Mânêngilak, tagva ang-ermaringnermik tigusilaukpok attanniovingmit mattomangat, innukat-tigéksoarnillo taipkonangat, nachvartaulunginavit.

11 Mannalo igvit okarpoit: Angajokait okautijartoruk: Ahâk Elia mânêpok.

12 Ainniarajarumalo manna illingnit, tagva Nalekab annerningata nutinajarpâtît kaujimangitamnut, kainiarumalo Ahabelo okautilugo tammattominga, tapsomalo nachvarlungipattit; tagva tokkoniarpânga. Kivgavillo Nalegak sivoragigalloarpâ innuosungnimnit.

13 Nalegara okautsaumalungilâk pinniarlauktamnik Isebele tokkotsitillugo Nalekab nellautaijokotinginik? Nalekab nellautaijokotingit 100 dit ijerlaurapkit, mâne 50 git, ikkanelo 50 git kairosungmut, pattangaitilugillo, kakkojamik immermiglo?

14 Igville manna okarpotit: Angajokait okautijartoruk: Elia manêpok, tokkotsikovlugo uvamnik.

15 Elia okarpok: Sorlo miksekârtomik Nalegak Zebaoth sangiartara inôngmat, uvlome tækkotitsomavunga tapsomunga.

16 Tagva Obadjab Ahabe pachrearpa, okautilâlo tamattominga. Ahablo Elia pachrearpa.

17 Ahablo Elia tækkogamiuk, Ahab okautiva: Igviovit Israelitinik asseroijotit?

18 Tamnale okarpok: Uvanga Israelitinik asseroilungilanga, igville, atâtavillo iglomiokatingit, Nalekab perkojangit kemmalaurapsigik, agvertarapselo Baale malliklugo.

19 Atte manna tillikilaurit Israelitit illuêngarlutik kattimalerkokit uvamnut kakkame Karmeleme, Baaliblo nellautaijokotingit 450 git, taimaktauk nappartut nellautaijokotingit 400 dit Isebelib nerrimavianit nerrijut.

20 Taimaglo Ahabe tilliklerpok Israelib kittorngangita illunatik akkornganut, nellautaijullo taipkoa kattimakovait kakkame Karmelemik attelingme.

21 Tagva Eliab innugiartoksuit illunamassiangit nangeriartorvigivait, okarlunelo: Kannok akkunêrtigijomik tussiarkise iglugêngne? Nalegak Gudeokpat, tagva tamna malliklugo agvertaritse; Baaleokpalle, tagva tamna malliklugo agvertaritse. Innugiartoksuillo kiolungilât.

22 Tagva Eliab innugiartoksuit okautivait: Uvanga innutôlunga amiakovunga, nellautaijovlunga Nalekamut, Baalible nellautaijokotingit 450 geôvut.

23 Tagva manna tunnitsivigitigut tuktuvângnik maggungnik, tapkoa annerosulerlit tuktuvâk aipânik, avgorlugolo, illilugolo kejuît kânginut ikkomakartailile, tagva uvanga tuktuvâk aipânga tigujomavara illijomalugolo kejuît kânginut, ikkomakartitsomanginivakka.

24 Tagva illipse Gudipse attinga nipliarvigisiuk, uvangalo Nalekab attinga nipliarvigijomavara. Gudîglo nelliak ikkomamut kioniartok, tamna Gudeôle. Innugiartoksuillo illuêngarlutik kiovut: Taimak idluarpok.

25 Eliablo Baalib nellautaijokotingit okautivait: Tuktuva-

kotise annerisiuk, sivorliolerluselo, illipse unnuktogapse, Gudipselo attinga nipliarvigisiuk, ikkomakartiniarnagole.

26 Tapkoalo tuktuvâk tiguât tunnijanga tapkonunga, tunnergutautipâllo, Baabliblo attinga nipliarvigivât uvlângmit uvlub ketterarninga tikkidlugo, okarkattarlutiglo: Baal tussartigut! Tagvanele nippekalaungilak, kionekalaungilarlo. Tussiarpullo Altare sennalauktatik avatagorvigilugo.

27 Ketterarmallo manna, Eliab mittautigilerpait, okarlunelo: Nippekortôvluse kaggudlaritse, Gudeôngmat issumaksarsiorpal-laiwok, sullijaksakarporlonêt, assinuarporlonêt, sinnikporlonêt, tuppalerkovlugo.

28 Tapkoalo nippekortôvlutik kaggudlarput, killerlutiglo ingminik savingnut nuvutsiariktunullo illutsitik malliklugit, au-nârkârtinagit.

29 Ketterarmallo nellautaivut, tunnergutiksak nerkiksak tun-nijaukârtinago; tagvanele nippekalaungilak, kionekaranelonêt, kamanekangilarlonêt.

30 Tagva Elia innugiartoksuit illunamassianginut okarpok: Kaileritse tamaunga uvamnut! Innugiartoksuillo nangeriartorvingingmatsuk, Nalekab Altarekotinga serkomitaumajok âkiksorpa.

31 Ujarkallo 12 it tiguvaît Jakob kittorngangita kinguva-rêngita unnurningit malliklugit, (Nalekab okausingita okarvigi-jangata imâk: Israelemik attekartuksauvotit.)

32 Ujarkanillo tapkonangat Altaremik sennavok Nalekab attingane, ittersalliorlunelo Altarib avâtâne, oktutut magguktut kângasutiksaliktitut silliktigijomik,

33 Kejuillo ketjiorpait, tuktuvaglo avgorpa, illivâlo kejuît kânginut,

34 Okarlunelo: Katet sittamat tættælugit immermik ailer-sigik, kovilugillo tunnergutiksamut ikkoalajaksamut kejungunullo. Okarporlo: Taimailiupsaritse. Taimailiupsarpullo. Tamnalo okarpok: Pingajuanik taimailioritse. Tapkoalo pingajuanik taimailiorput.

35 Immerlo kôkpok Altarib avâtâne, ittersarlo ullipkilau-rivok immermik.

36 Tunnergutekarviublo nerkiksanic nelliuningane, Elia nel-lautaijok tagvungariarpok okarlunelo: Nalegak Abramib, Isaublo, Israeliblo Gudingat, uvlome kaujijaule igvit Gudeôgavit Israe-leme, uvangalo kivgaugama illingnut, taimailiorlauramalo okaut-sitit malliklugit.

37 Tussarlaunga, Nalegak tussarlaunga, innugiartoksuit tap-koa kaujilerkovlugit, igvit Nalegak Gudeôgavit, tapkoa omat-tinginik sagiartitsikovlutit kingorngane!

38 Tagva Nalekab ikkomanga kattakpok pângat, nerrivaillo tunnergutiksak ôtaksak, kejuillo, ujarkello, ivjorlo immerlo itter-sangmêtok alluktorpa.

39 Innugiartoksuillo tamanna tækkogamitsuk, pamakterput okarlutiglo: Nalegak Gudeôvok, Nalegak Gudeôvok!

40 Eliable okautivait: Baalib nellautajokotingit tigulersigik, tapkoa illangallonêt kemâkonnago. Tiguvaillo. Eliablo atter-sartipait kôngmut Kisonemik attelingmut, tokkopaillo.

41 Eliablo Ahabe okautiva: Paunga majorarit, nerrilutillo immerit sillaludlarnernub mapkullungninga tussarapko.

42 Ahablo takpaungartillugo nerrijomavlune, immeromavlunelo, Elia majorarpok Karmelib kemerdluata nuvuanut, okkung-alunelo nunamut, niakonelo pitipa serkotingme akkorngangnut,

43 Okarlunelo kiygaminut: Majorarit paunga tækkosarlutillo immarbingmut. Tamna majorarpok, tækkosarlunelo, okarporlo: Pittakangilak sunamik tagvane. Elia okarpok: Aipsarkattarit tagvunga 7 êrtorlutit.

44 7 inganelo, okarpok: Ahâk nuvujârsuk kongmuarpok immarbingmit, angutib aggangita sillingningatut itok. Elia okarpok: Takpaungalerit Ahabelo okautiuk: Parngnairit attersarlutillo, sillalungmut tikkitauckonnak.

45 Annikitoârsuglo killak kernertaumavok nuvujanut, anno-remullo, sillalungnekarporlo angijomik. Ahabele kemukserpok, ailunelo Jesreelemut.

46 Nalekablo aggangita Elia tikkipât, tapsomalo makkitine tapseruserpa, akpangerlunelo Ahab sivurngane, Jesreel tikkid-lugo.

KAPITEL XIX.

Eliab kemâninga Isebel pivlugo; Gudib sakkerneŋa Eliamut; Elisab kaikojauninga.

AHABLO Isebele okautiva tamainik Eliab pinniarninginik, kan-norlo Baalib nellautajokotingit illunaita saviksoarmut tokkollaungmagit.

2 Tagva Isebele tillijaksamik tilliklerpok Eliamut, okautsau-kovalo: Gudit immâglonêt, immâglonêt, pinniarvigilinga, kaupat nelliutomê tamattomane innôtsit pinniarvigilungikupko, taip-koa attunît innôsingititut.

3 Tamattomingalo tækkogame, parngnailerpok, ailunelo innôtsine pivlugo, tikkilarmelo Bersebamut Judamêtomut, kivganelo kemmakpa tagvunga.

4 Tamnale sunakajuitomut aivok ingmeriaktut kanningi-tigijomik, tikkiporlo ingilunelo kigutangernaujakutit, attânut, tuksiarporlo tokkonerninik, okarlunelo: Namaksivok, taimak manna Nalegak tarniga tigulauruk; nekkornersaulungilanga atâ-tagijamnit.

5 Inarlunelo sinnilarmelo kigutangernaujakutit attâne. Ahâglo, Engelib aktorpa, okautilalo: Makkitit nerrilutillo.

6 Tækkosarporlo, ahâglo, niakungata tungâne niakojakarpok jarasimajomik, publaujakarlunelo immalingmik. Nerrijarêramelo immerêrlarmelo innapsarpok.

7 Nalekablo Engelinga tikkipsarpok aipanganik, aktorpalo, okarlunelo: Makkitit nerrilutillo: apkosinek attoriakartat sivi-tôngmat.

8 Makkiporlo, nerrilunelo immerlarmelo, pissukporlo ner-kiksab tamattoma nekkoksititsininganut, uvlut 40 git unnuallo 40 git nâlugit, Gudib kakkanga Horebe tikkilugo.

9 Itterporlo tagvane kairosungmut, siniktarlunelo takamane. Ahâglo, Nalekab okausingata tikkipa, okautilalo: Sunasiorkit mâne Elia?

10 Tamna okarpok: Illungertorlaukpunga Nalegak Gude Zebaoth pivlugo; Israelib kittorngangita angernerilauktat kemangmatsuk, Altarekotitillo serkomilaukpait, nellautaijokotitillo tokkolaukpait saviksoarmut, uvangalo amiakotôvunga, pinasuarpullo innôsimmik, pêjaivigijomavlunga.

11 Tamnalo okarpok: Annilerit, nangeriartorlutillo kakkame Nalekab sângane. Ahâglo Nalegak kângerpok, annorelo angijoksoak sôngojoorlo, kakkanik kopluijok, kairtuniglo serkomitsijok sivurlerpok Nalekamik; Nalegarle annoremêlaungilak. Annorible kingorngane nunab sajukpiludlarninga; Nalegarle nunab sajukpiludlarninganêlaungilak.

12 Nunab sajukpiludlarningata kingorngane ikkoma; Nalegarle ikkomamelaungilak. Ikkomablo kingorngane sulluksuâr-suk tussarnertok.

13 Eliab tamanna tussaramiuk, tagva kênane ullikpa ulliksoarminut, annilunelo, nangeriartorlarmelo kairosab pânganut. Ahâglo, nippib tikkipa, okarlunelo: Sunamik sullijaksakarkit mâne Elia?

14 Tamna okarpok: Nalegak, Gude Zebaoth pivlugo illungertorlaukpunga; Israelible kittorngangita angernerilauktat kemmalaukpât, Altarekotitit serkomilaukpait, nellautaijokotitit tokkolaukpait saviksoarmut, uvangalo amiakotôvunga, pinasuarpullo innôsimmik pêjaivigijomavlunga.

15 Nalekablo okautiva: Uttilermit, ailutillo apkotigijarne sunakajuitokut Damaskusemut, itterlutillo Hasaelelo mingoaruk attanningortilugo Siriamut,

16 Jehulo Nimsib erninga, attanningortilugo Israelitinut, Elisalo Safatib Abelmeholamiub erninga, nellautaijungortilugo innangêrlutit.

17 Pijokartuksauvorlo, kina Hasaelib saviksoanganik kemaijok, tamna Jehub tokkotaksariva, Jehublo saviksoanganik kemaijok, tamna Elisab tokkotaksariva.

18 Uvangelo amiakokarkojjomavunga Israelitine 7000 dinik, serkunik illunainik serkortorlaungitunik Baalib sângane, kannerniglo illunainik kunnilaungitunik tapsominga.

19 Aularporlo tagvangat, Elisalo Safatib erninga naipipâ makpiteritillugo nunamik tuktuvangnut iglugêngnut 12 inut, tamnalo nangminek 12 it tapkoa akkornnganelaukpok. Eliablo aivigiva ulliksoakotinelo egipa tapsoma kânganut.

20 Tagva tuktuvait kemmaklugit, akpangerdlunelo Elia mallikpa, okarlunelo: Atâtagalo anânagalo kunigiartorlaulakka, tagvalo malligomavagit. Tapsoma okautiva: Ailerit, utterlutillo! sunamigle pinniarlaukpagit?

21 Utterporlo tapsomangat; tuktuvâglo iglugêk tiguvâk tokkolugiglo, nerkingillo ikkoalavait kejugnut tuktuvâk annunginêtnut, tunnivaillo innungnut, nerrikovlugit. Parngnailerporlo mallikpâlo Elia, kivgartorlâlo.

KAPITEL XX.

Ahabib unnatadlarninga Benhadademut.

BENHADADIBLO Siriamiut attaningata sorsuktuksakotinne illunaita kattitipait, attannillo 32 git illagivât, horsillo, aksalloagillo; paungalo majorarpok, Samarialo illumavait sorsugvigilugillo.

2 Tillijaksaniglo tilliklerpok Ahabemut Israelib attanninganut, iglugaseksuit illuanut,

3 Okautsaukolâlo: Imâk Benhadade okarpok: Silberekotit, Goldekotillo perkutigivakka, nulliakotitillo kittorngakotitillo idluarnerpât perkutigigivakka.

4 Israelib attanningat kiovok okarlunelo: Nalegâk attannek, sorlo okalauravit, perkutaumavunga illingnut, tamaitalo pigijakka.

5 Tillijallo tikkipsarput, okarlutiglo: Imâk Benhadade okarpok: Tilliklervigilaurapkit, okautsaukolaurapkillô: Silberekotit Goldekotillo, nulliakotitillo, kittorngakotitillo tunnijaksarivattit uvamnut;

6 Tagva kaupat nelliutome tamattomane kivgakotikka tillijomavakka illingnut, iglokotingnik attannerijivillo iglunginik nellipsaikovlugit, innerkogijatillo tigujaksarivait aggamingnut aksarnigarijaksarilaitalo.

7 Tagva Israelitit attanningata nunab angajokaunerôjungit illunaita kaikovait, okarlunelo: Illitarksileritse tækkoluselo idluiluktomik kajusimangmat. Tilliklervigilaukpânga, nulliakotikka, kittorngakotikkalo, Silberekotikkalo, Goldekotikkalo pivlugit, tamakkoninga kippilugvigilaungilara.

8 Tagva angajokaunerôjut illunatik, innugiartoksuillo illunamassiatik okautivât: Nalektuksaungilatit, angertuksaunaglonêt.

9 Benhadadiblo tillijanginut okarpok: Nalegara, attannek okautisiuk: Tamaita sivurlermik okautigijaukolauktattit kivgar-nut, pinniaromavakka; tamannale sapperpara. Tillijallo ailer-put okarlutiglo tamattominga.

10 Tagva Benhadad tilliklervigiva okautsaukolâlo: Gudit imâk, imâglo piniarvigilinga, Samariab sanningit namaktuksaulerpatta, innugiartoksuit malliktut uvannik attunit tigumiarkamik pikovlugit.

11 Israelitille attanningat kiovok, okarlunelo: Okaritse: Sagvimiutamik attijok nertortuksaungilak ingminik, mattârtotut tamattominga.

12 Benhadad tamattominga tussarame, tupperne attannit immerkattigilugit pilune, kivgaminut okarpok: Parngnaileritse. Tapkoalo parngnailerput iglugaseksuit sorsugvigilugit.

13 Ahâglo, nellautaijut illangata Ahabe Israelitit attanningat aivigiva, okarlunelo: Imâk Nalegak okarpok: Kattimgajoksuit unnuktoksuit ukkoa tækkolaukpigit? Ahâk, uvlome tunnijomavakka aggangnut; nellojungnailerkovlutit uvanga Nalegaugama.

14 Ahabe okarpok: Kinakut? Tamna okarpok: Nunab angajokangita innuosuktokotingittigut. Ahabe okarpok: Kina sorsungnermik pigiartuksauva? Tamna okarpok: Igvit.

15 Tagva nunab angajokangita innuosuktotoktingit kittipait, tapkoalo 232giolaukput. Tapkoalo kingorgane innugiartoksuit illunaita Israelib kittorngangit illunaita kittipait angutit 7000 dit.

16 Tapkoalo annivut uvlub ketterarningane. Benhadadele immerpok, tallamalauklunelo tupperme attanit 32it tapkoa ikkajoriartorsimajut tapsominga illagilugit.

17 Nunablo angajokangita innuosuktokotingit annikârput. Benhadadele tilliklerpok nautsertortuksanik tapkoalo okautivât, okarlutiglo: Angutit annivut Samariamit.

18 Tamna okarpok: Annisimakpatta ullapirsautekaromamut tigusigik innôtillugit, annisimakpattalo unatadlaromamut tigusigik innotillugit.

19 Nunable angajokangita innuosuktokotingit annivut iglugaseksoarnit, sorsuktuksello tapkoa kingorgane.

20 Illunatiglo attunnit ullimârnikiput tikkitamangnik. Siriamiullo kemâvut, Israelitillo udlapait. Benhadadele Siriamiut attanningat kemâvok horsekut, horsit kângine ablangajut illagilugit.

21 Israeliblo attanningat aularpok ullimârpaillo horsit kamutillo, taimaglo Siriamiune sâlagijaunekartitsivok angijoksoarmik.

22 Tagva nellautaijub Israelib attanningat aivigiva okauti-

lâlo: Ailerit pitsartutilutillo, kamatsiarlarpillo, tækkolutillo pinni-
araksarnik. Siriamiut attanningat majoraromârivok sorsugvi-
givlutit, Jahre tamanna nâkpat.

23 Siriamiullo attaningata kivgangita okautivât: Taipkoa
Gudingit Gudiôvut kakkanut, tamanna pivlugo ajugaaulaukput
uvaptingnut. Naternamele sorsugvigijomavavut, ajugauniangi-
mangapta taipkonunga.

24 Imailiorit: Attannit nûkokit, attunît inninginit, inangêr-
taukokillo aulatsijunut nunamik,

25 Sorsuktusaksoarniglo akiksoilerit pivlutit taipkotitunak
assiojilauktatitut, horsiniglo aksalloalingniglo taipkotitunak, sor-
sugvigilavullo natername. Illâlo ajugaujomavogut tapkonunga.
Tapsomalo tapkoa nippingit nalekpait taimailiorlunelo.

26 Jahrelo tamanna nâsimangmat Benhadadib Siriamiut
oppalungaijarpait, majorarlunelo Afekemut Israelitit sorsugvigi-
jomavlugit.

27 Israeliblo kittorngangit oppalungaijartaulaukputtauk
pattangaititulutiglo, aularlarmiglo taipkoa pachrearlugit, tang-
marpullo akkingerlugit sorlo tuktungajutitut kattimgajutitut ik-
kitutitut maggoititut. Siriamiulle nunamik najimavut.

28 Tagva Gudib angutekotinga tikkipok, okarlunelo Israe-
litit attanninganut: Imâk Nalegak okarpok: Siriamiut oka-
laungmatta: Nalegak Gudeôvok kakkanut, Gudeôlungilarlo
nâksanut; tamanna pivlugo, kattimgajoksuit tapkoa illunamas-
siatik tunnijomavakka aggangnut, illipse tukkisilerkovluse uvanga
Nalegaugama.

29 Tangmarsimavlutiglo sangautivut uvlut 7it nâvlugit.
Uvlullo 7ingane sorsungnek pigiarpok; Israeliblo kittorngang-
ita Siriamiut pissuktut 100000dit ullimarpait uvlorme attaut-
seme.

30 Assingillo kemâvut Afekemut, iglugaseksuit illuanut,
avalungillo (karmangit) ochovut amiakolauktunut, angutinut
27000dinut. Benhadadelo kemâvoktauk iglugaseksuit illuanut,
nûkattarlunelo innemit attautsemit aipanganut.

31 Tagva tapsoma kivgangita okautivât: Ahâk tussarlauk-
pogut, Israelitit attaningit, attanniongmat tapkigosuktut; tag-
va pôngnik tapserusera makkitiptigut, aklunaniglo nimerdlot-
jita niakuptingnut, annilerlutalo Israelitit attanninganut, imak-
kâ innokoniarpâtit.

32 Tapkoalo makkititik tapseruserpait pôngnik, aklunâllo
nimerdlotivait niakomingnut, kailutiglo Israelitit attanninganut,
okarlutiglo: Benhadadib kivgavit okautsaukovâtit: Nagliktara
innokolaunga. Tamnale okarpok: Innovâ sulle? tagva kat-
tangutigivara,

33 Angutillo tapkoa okausek tamanna illaliorsarpât, tukke-
kartilâlo ingmingnut, okarlutiglo: Ahaila kattangutit Benha-

dad. Tamna okarpok: Kaileritse kailersiuglo. Tagva Benhadadib annivigiva, tapsomalo ikkikova aksalloalingmut (ingminut.)

34 Benhadadiblo okautiva: Iglugaseksoarnik atâtama aksarnigarilauktanginik atâtarnit sattersititsomavagit; apkosinerniglo pivlutit sennalerit Damaskuseme, sorlo atâtaga pinnialaungmat Samariame. Uvangelo angerkattigivlutit aularkojomavagit. Tapsomalo angerkattigêngnekarvigiva, aularkolâlo.

35 Tagva angutit illangata nellautaijut erninginit sillaline okautiva Nalekab okausingagut: Nagliktara annaulaunga! Tamnale kunnulaukpok annaulugo.

36 Tagva okautiva: Tamanna pivlugo, Nalekab nippinga nalelaunginangne; ahâk aularuvit uvamnit, tagva Loewib annau-niarpâtît. Aularmallo tapsomangat Loewib naipipa, annaulâlo.

37 Tapsomalo angutib taipsoma assia naipipa okarlunelo: Nagliktara annaulaunga! Angutiblo tapsoma annauva killerlugo.

38 Tagva nellautaijok tamna aivok, attannerlo uttakiva apkosiniub senniane, kênaminiglo pissertorpok argsanut.

39 Attannerlo kângermat, attannek nipliutiva, okarlunelo: Kivgait aularsimalaukpok sorsugviub kerkânut, ahâglo, angutit illangat tikkilune angumik atsivigivânga, okarlunelo: Angut una udsertoruk; kingomajauniarpat tagva innôtsit akkiliutiksaujuk-sauvok innosinganut, ubvalo Talentemik Silberemik akkilêjuk-sauvotit.

40 Kivgaillo sullijaksakartillugo mâne, ikkanelo, tagva tagvanêtsungnailaukpok. Israelitit attanningata okautiva: Tagga illinganit nangminek okautigivet.

41 Tagva tuavidlune argsak pêrpa kênaminit; Israelitillo attanningata illitarilerpa nellautaijut illagingmatsuk.

42 Tapsomalo okautiva: Imâk Nalegak okarpok: Tamanna pivlugo angut taimna, tokkotaksaunerartara aularkolaurangne illingnit, innôtsit taipsoma innôsingata inningenêtuksauvok in-nukotitillo taipsoma innukotingita inninginêdlutik.

43 Israelitillo attanningat kuvianaililunelo ningarlarmelo angerarpok iglominut tikkilunelo Samariamut.

KAPITEL XXI.

Nabotib tokkotauninga passijaksaunane; Ahablo okautsauninga tamanna pivlugo Eliamut, iglungata pêjartarjuksauninganik.

PIJOKARTULLO tamakkoa kingorngane pilerpok, Nabote Jesreelemiut illangat perorsêvikarmat nappartolingnik Weineliksanik Jesreeleme, Ahabib attanniub Samariame igloksoangata kiglingane.

2 Ahabiblo Nabote okarkattigiva okarlunelo: Perorsêvikotit nappartolik Weineliksanik tunnilauruk uvamnit, perorsêvingor-

titsomavara perorsijanut makpertalingnut; kannidlarmat iglumnut. Perorsêvingmik nappartolingmik Weinelihsanik namanersamik tunnitsivigijomavagit tamattomunga; ubvalo namaksiguvit Silberemik tunnitsivigijomavagit taimak unnuktigijunik akkiluangatut.

3 Nabotele Ahabemut okarpok: Tamattomunga Nalegak ungasigle uvamnit, kingormgutijara atatagijamnit tunnillugo illingnut.

4 Tagva Ahabe angerarpok ningaumajarlune okausek tamanna pivlugo, Nabotib Jesreelemiub okauserilauktanga tapsomunga, okarlunelo: kingormgutijara atâtagijamnit tunnijomangilara illingnut. Innarporlo sinigvingminut, kênanelo keviartipa, kakkojaktoranelo.

5 Tagva nulliangata Isebelib tikkipa, okarvigivâlo: Sôgle annernît annudlarka, nerringilatillo kakkojamik?

6 Tamna okarpok: Nabote Jesreelemiok okarkattigilaukpara, okautilugolo: Perorsêvikotingnik Weinelihsalingnik tunnitsivigilaunga kênaujarnut; ubvalo namagijaukpat illingnut perorsêviub Weinelihsaliub assianik tunnitsivigijomavagit tamattomunga. Taimnale okarpok: Perorsêvikotimnik Weinelihsalingmik tunnitsivigijomangilagit.

7 Tagva nullianga Isebele okarpok tapsomunga: Taimailiorlutit attanniotivit Israelitinut? Makkitit, kakkojaktorlutillo, maksoaniarlutillo. Uvanga Nabotib Jesreelemiub perorsêvikotinga Weinelihsalik nangminerijautitsomavara illingnut.

8 Aglangniglo aglakpok Ahabib attingane nakkiterpaillo Ahabib nakkitsutekotinganut, tilhklituvaillo innutokaunerôjunut angajokaunerôjunullo, taipsoma iglugaseksoakotinginetunut Nabotib najuganêtunut.

9 Imâglo aglakpok aglangne tamakkonane: Nerritailinermik akpartitsikojileritse, Nabotelo sivorliovlune ingitissiuk innugiartoksoarne;

10 Angutiglo uivêtuk ingitissigik tapsoma sânganut, passiklerkovlugik tapsomunga, okarlutiglo: Gudelo attannerlo okarnerlotigilaukpâkik. Annitissiuglo millorlugolo tokkolugo.

11 Taipsomalo iglugaseksoakotingita innutokaunerôjungit angajokangillo, iglugaseksoakotingine iglokalauktut, taimailiorput sorlo Isebele perkungmagit, sorlo taimna aglangne tillikhiutigijamine aglalaungmat;

12 Nerritailinermiglo akpartitsikojivut, Nabotelo sivorliovlune iksivakovât innugiartoksoarne.

13 Tagva angatik uivêtuk sangeriartorpâk, innugiartoksuillo sângine Nabote passivâk okarlutiglo: Nabotib Gude attannerlo okarnerlotigilaukpak. Tagva tessiorpât iglugaseksuit sillatânut milliorpâllo tokkolugo.

14 Tagva tilliklerput Isebelemut, okautsaukovâllo: Nabote millorsimavok tokkungalunelo.

15 Isebele tussaramé, Nabote, millorsimangmat tokkungang-mallo, Ahabemut okarpok: Atte Nabotib perorsévikotinga Weinelihsalik, kunujutigilauktanga tunnillugo illingnut kénaujanut, nangminiliutiuk. Nabote innôtsengimat, tokkungavorle.

16 Ahabe tussaramé Nabote tokkungangmat, tagva parng-nailerpok attersaromavlune Nabotib Jesreelemiub perorsévikotinganut Weinelihsalingmut, nangminiliutijomavlugo.

17 Nalekable okausingata Elia Tisbitemiok tikkipa, okarlunelo:

18 Parngnailerit attersarlutilllo Ahabe Israelitit attanningat Samariame pachrerarlugo. Ahâk, Nabotib perorsévikotinganêpok, attersarsimavok tagvunga nangmineliutijomavlugo.

19 Okarvigiuglo okarlutilllo: Imâk Nalegak okarpok: Innuarlaukpotit, nangmineliutijulotillotauk. Okarvigiuk okarlutilllo: Imâk Nalegak okarpok: Kingmit alluktorvingane Nabotib aung-anik, kingmittauk aut alluktoraksarivât.

20 Ahabelo Eliamut okarpok: Nachvarpinga omisukteojotit uvamnik? Tamna okarpok: Ahaila nachvarpagit, niorgvogtigigavit pinniartuinaromavlutit Nalekab ijikita idluigijanginik.

21 Ahâk kannoêtomik kaitsivigijomavagit, kinguvakotitillo péjaromavakka; Ahabemillo péjainiaromavunga tamainik kivgaungiglo kivgaungituniglo Israeleme.

22 Iglokotillo taimailingatitsomavara Jerobeamib Nebatib erningata iglungatut, Baesablo Ahiab erningata iglungatut; ningaksainek, ningaksaijutigijat uvamnik, Israelitiniglo idluitullitit-sijutigijat pivlugo.

23 Isebelelotauk Nalekab okautigiva, okarlunelo: Kingmit Isebele nerrijaxsarivat Jesreelib avalungita kiglingane.

24 Ahabekunit tokkoniartok iglugaseksoarne kingmit nerrijaxsarivat; naternamelô sillame tokkoniartok, tamna tingmitjet killaub attânetut nerrijaxsarivât.

25 Pittakalaungilak Ahabetut ingminik niorgvogtigijomik idluitullilune Nalekab sângane; nulliangata Isebelib uiveringmago taimailiorkovlugo.

26 Makkojungnartullivorlo unnuktunik, agvertarlunelo Gudingoat malliklugit, taimaluatsiavlune sorlo Amoriterit, Israelib kittorngangita sivorngane, Nalekab péjarlauktangit pinniarlaungmatta.

27 Ahabile okautsit taimaitut tussaramigit, annorane allik-pait, pôngmiglo tapserusêvok timiminut, nerritaililunelo, sinni-larmelo pôngme, sukkailisarlungelo pissukpok.

28 Tagva Nalekab okausingata Elia Tisbitemiok tikkipa, okarlunelo:

29 Tækkovit kannok Ahabe nikkanasarmat ingminik sârne? Tamanna pivlugo nikkanarsarmat ingminik sârne, kannoêtok tikkikojomalungilara tapsoma uvlungine; erningatale uvlungine kannoêtok tikkerkojomavara iglunganut.

KAPITEL XXII.

Ahabib tolkوتاuninga unnatadlarnernme. Josafat attanniojok Judakunut; Ahasja attanniojok Israelitinut.

JAHRILLO pingasut kângerput unatadlarnekarane Siriamiut Israelitillo akkorngane.

2 Jahrille pingajuane Josafat Judakut attanningat attersarlune tikkipok Israelitit attanninganut.

3 Israelitillo attanningat okarpok kivgaminut: Kaujimangilase Ramoth Gileademêmut perkutigigaptigik? uvagullo kikkarpogut, aksarnigarilungilavullo Siriamiut attanningata agganginit?

4 Josafatemullo okarpok: Illagijomavinga unnatadlarnermut Ramothemut Gileademêtomut? Josafate Israelitit attanninganut okarpok: Illiktut itsomavunga, innukotikkalo innukotititut, horsekotikkalo horsekotititut.

5 Josafatelo okarpok Israelitit attanninganut: Uvlome Nalekab okausinga appertsolauruk.

6 Tagva Israelitit attanningata nellautaijut 400 deôkasait katimakovait, okautilaitalo: Ramotemut Gileademêtomut aijuksauvik sorsugvigilugit, nippotijaksarivakkalonêt? Tapkoa okarput: Majorarit takpaunga, Nalekab tunniniarpait attanniub agganginut.

7 Josafatele okarpok: Pittakarungnaika Nalekab nellautaijokotingita illanganik, tapsomuna appertsorungnarajarluta?

8 Israelitit attanningat okarpok Josafatemut: Angutekaralloarpok sulle attautsemik, appertsorungnarutigijaptingnik Nalekamik, Michâmik Jemlab erninganik. Kissiane omigivara, nellautaivingimanga ajungitomik, idluitomigle kissiane. Josafate okarpok: Attannek taimak okaniarane.

9 Tagva Israelitit attanningata angajokait illangat kaikova, okarlunelo: Micha Jemlab erninga kaisaruk ovunga.

10 Israelitille attanningat Josafatelo Judakut attanningat iksivavuk attunît iksivautaksoakotimingne, annorarsimavlutik attanneksiutinik inneme Samariab itterviksoangata sillatânetome; nellautaijullo illunatik nellautaijut tapkoa sângane.

11 Zedekialo Knaenab erninga sennalaukpok ingminut nak-sungnik kikkiangnik, okarlunelo: Imâk Nalegak okarpok: Uk-kungnunga Siriamiut nakjungmigarniarpattit, nungutsikârtinak taipkoninga.

12 Nellautaijullo illunatik taimak nellautaijut, okarlutiglo: Majorarit takpaunga Ramotemut Gileademêtomut, sullidlarlutillo, Nalekab tunninarماغit attanniub agganginut.

13 Tillijablo aimalauktub Micha kaikolugo, okautiva: Ahâk nellautaijut okalaningit illunatik adsigêktomik attanniub idlu-

arkutinganut illingavut, taimaimat okautsitit taimailingalaulittauk taipkoa okausingititut, okarlutillo ajungitomik.

14 Micha okarpok: Sorlo Nalegak miksekârtomik innôngmat, okaromavunga Nalekab okauseriniartanginik uvamnut.

15 Attannermullo tikkimat, attanniub okautiva: Micha, Ramotemut Gileademêtomut aulartuksauvita, sorsungniarluta, nip-potijaksarivittigolonêt? Tapsoma okautiva: Ahaila, majorarit takpaunga, sullidlarlutillo, Nalekab tunniniarpait attanniub ag-ganginut.

16 Attanniub okaupsarpa: Kapseartorlunga okautimarijari-akarpagit, assianik okausekarkonnak uvamnut, Nalekab atting-ane miksekarnermit.

17 Tamna okarpok: Israelitit illunamassiatik tækkolauk-pakka siamarsimatillugit kakkat kângine saukattitut mianeri-jekangititut. Nalegarlo okarpok: Ukkoa angajokakangilet, illu-natik attunît angerarlit iglomingnut ullapirsautekarlutik.

18 Tagva Israelitit attanningat okarpok Josafatemut: Okau-tilaungilagit ajungitomik nellautailungimat pivlunga, idluitui-narmigle?

19 Tamnalo okarpok: Tamanna pivlugo tussarkit manna Nalekab okausingit: Nalegak tækkolaukpara iksivatillugo iksi-vautaksoarmine, killangmiugaseksuillo illunamassiatik nanger-tillugit senniane, tallerpiane, saumianelo.

20 Nalegarlo okarpok: Kia Ahabe tillioromavaûk, majo-rarkovlugo takpaunga, ochokovlugolo Ramoteme Gileademê-tome? Illangallo imâk okarpok, assialo imâk.

21 Tagva annernit illangat kaivok, Nalegarlo sangerpa, okarlunelo: Uvanga tillioromavara. Nalekab okautiva: Su-namut?

22 Tamna okarpok, aularomavunga, annerniojomalungalo nellagôngitok taipsoa nellautaijokotingita kanningine illunaine. Tamnalo okarpok: Igvit tillioraksarivat, sullidlarniarpotillo, aularit taimailiorlutillo.

23 Ahâglo mænna, Nalekab annernek nellagôngitok tunni-mava, nellautaijokotivit kanninginut illunainut, Nalekablo idlu-itomik okarutigilaukpâtit.

24 Tagva Zedekia Knaenab erninga tikkilerpok tamaunga, ulloarokpâlo Micha, okarlunelo: Kannok? Nalekab annerninga nûsimava uvamnit, okarkovlugo illingnut?

25 Micha okarpok: Ahâk tækkojomârpat uvlorme taipso-mane, innimit attautsemit kemâkattarniaruvit assianut ailutit, ijerlutit.

26 Israelitit attanningat okarpok: Micha tiguleruk, âlugolo Amonemut, iglugaseksuit angajokanganut, Joasemullo attanniub erninganut,

27 Okarlutillo: Imâk attannek okarpok: Una pitisiuk parngnanairsimavingmut, nerritilugolo kakkojamik, immertilugolo immermik kiksarnartomik, utterkârtinanga ullapirsautekarlunga.

28 Micha okarpok: Ullapirsautekarlutit utterniaruvit, tagva Nalegak uvapkut okalaungilak. Okarporlo: Tussaritse innugi-artoksojose illunase!

29 Taimak Israelitit attanningat, Josafatelo Judakut attanningat majorarput takpaunga Ramotemut Gileademêtomut.

30 Israelitillo attanningat okarpok Josafatemut: Pissertorlunga sorsungnermut aijomavunga, igville annorakotitit attikit. Taimaglo Israelitit attanningat pissertorpok ingminik annoraminut, tikkilunelo sorsungnermut.

31 Siriamiulle attanningata aksalloalikotime 32 ôlauptut angajokangit perkovait okarlunelo: Sorsuktuksaungilase mikki-junullonêt, angijunullonêt. Israelitille attanninganut kissiane.

32 Aksalloagillo angajokangita Josafate tækkogamitsuk aulajitigivat attannionasugivlugo Israelitinut tunarivâllo sorsuklugo; Josafatele nipliadlarpok.

33 Aksalloagillo angajokangit tækkogamik attanniolungimat Israelitinut allarpât.

34 Angutille illangata maungatuinak pittikse kelluva, pittiklugolo Israelitit attanningat, sagvingmiutab pêrniublo akkorn-agut. Tamnalo okarpok kemuksertokotiminut: Sangulerit nûtilungalo sorsungnermit, ikkilersimagama.

35 Sorsungnerlo sugalulerpok uvlorme taipsomane, attannerlo nangertitaumalaukpok aksalloaliub kângane Siriamiut akkiane, tokkolunelo unnungme. Auglo ikkimit kôkpok aksalloaliub illuanut.

36 Tagva akpartaukojauvut tangmarvingme sekkinek nippi-tillugo, okartokarlune: Illunatik attunnit iglugaseksoarmingnut nunagijamingnullo ailit.

37 Taimak attannek tokkovok, âtaulunelo Samariamut. Illijartorpâllo Samariame.

38 Aksalloaliglo ubvarmatsuk tetserme Samariamêtome, kingmit aunga alluktorpât; anguniarpaktulle ubvarpât, Nalekab okausingit okauserilauktangit malliklugit.

39 Unipkautsille tamakkoa assingit sulle Ahabe pivlugo, pinniarlauktangit, iglolo igluliorlauktanga Elefantit tânganginit, iglugaseksuillo seunalauktangit, ahak tamakkoa aglaksimavut Israelitit attanningita aglangine.

40 Ahabelo sinnisilerpok, atâtagijaminut ailune; erningalo Ahasja attanningorpok inangêrlugo.

41 Josafatelo Assab erninga attanningorpok Judakunut, Ahab Israelitit attanningata Jahringita sittamangane.

42 Jahrekalauporlo attanningorame 35 ginik, attaniotivorlo

Jahrinik 25 ginik Jerusaleme. Anânanga attekalaupok Asuba-
mik Silhib panninga.

43 Agvertarporlo atâtame Assab apkosiningane tamât,
senniagôrlungilarlo, pinniarporlo Nalekab idluarijanganik.

44 Poktojulle ipperarlaungilait, innugiartoksuillo tunnergut-
tinik tunnijivut, isserluanititsilutiglo sulle pôktojune.

45 Josafatelo ullapirsautekarpok Israelitit attanninganut.

46 Unipkautsille tamakkoa assingit sulle Josafate pivlugo,
sôngoninga, pinniarlauktangillo, kannorlo sorsuglaungmat, âhak,
tamakkoa aglaksimavut Judakut attanningita aglangine.

47 Ajortullijullo amiakolauktut sulle atâtame Assab nelliun-
ninganit pêjarpait nunamit.

48 Attannekalaungilarlo Edomiterit nunangane.

49 Josafatelo umiaksoarnik sennakojilaupok, immarbikso-
akut Ofiremut umiaktortuksaulauktunik Goldemik aiklertuk-
sauvlutik. Aularlaungilelle, serkomitaulaupulle Ezeongebereme.

50 Taipsomane Ahasja Ahabib erninga okarpok Josafate-
mut: Kivgakka umiaktorkattaupolaupok kivgakotingnut umiak-
soakut. Josafatele pijomalaungilak.

51 Josafatelo sinnisilerpok atâtagijaminut ailune, illijartor-
taulauporlo atâtagijaminut, atâtame Davidib iglugaseksoako-
tingine; Joramelo erninga attanningorpok innangêrlugo.

52 Ahasja, Ahabib erninga attanningorpok Israelitinut Sa-
mariame, Josafatib Judakut attanningata Jahringita 17 ingane;
attanniotivorlo Israelitinut Jahringnik maggungnik.

53 Pinniarporlo Nalekab idluigijanganik, agvertarlunelo atâ-
tame anânamelok apkosiningine, Jerobeamblo Nebatib erninga-
ata, Israelitinik idluitullititsilauktub apkosiningane;

54 Baalelo kivgartorpa, tuksiarvigilalo; ningaksarpalo Nale-
gak Israelib Gudinga, taimaluatsiak sorlo atâtanga pinniar-
laungmat.

Attannit aglangita aipangit.



KAPITEL I.

Ahasjab kannimaninga, tokkungalo. Tapsoma innukotingita nungutauningat ikkomamut killangmit pijomut, nellautaijub Eliab okausingit malliklugit.

MOABITERILLO nalegungnailaukput Israelitinik, Ahabe inno-jungnaimat.

2 Ahasjalo kattakpok killapataujakut iglomine Samariame, kannimalerlunelo, tillijaksaniglo tilliklerpok, okautivaillo: Apperiaritoritse Baal-Sebubemik Ekronemiut Gudinganik, kannimasermit tamattomangat nekkoksiniarmangarma?

3 Nalekable Engelingata Elia Tisbitemiok okarvigiva: Parngnairit, attanniublo Samariamiub tillijangit pârnarkit, okautilugillo: Gudekangilâk Israelitine, Baal-Sebube Ekronemiut Gudingat apperiarorapsiuk?

4 Tamanna pivlugo Nalegak okarpok: Innangavingnit, nellariarvigijarnit makkitsungnaituksauvotit; tokkojuksaulutillê. Elialo aularpok.

5 Tagvalo tillijaujut uttermatta tapsomunga, tapsoma okautivait: Sôg utterpise?

6 Tapkoa okautivât: Angutib majorarlune pârlaukpâtigut, okautilutalo: Uttermititse attannermut tillijigilauktapsingnut, okautilugolo: Imâk Nalegak okarpok: Gudekangilâk Israeli-tine, tillikleravit Baal-Sebube Ekronemiut Gudingat apperiarorlugo? Tamanna pivlugo makkitsungnaituksauvotit innangavingnit nellariarvigilauktarnit, tôkkojuksauvotille.

7 Tapsoma okautivait: Kanoêtomik angut taimna tautukalauka pârsijok illipsingnik, okautjiselo tamattominga?

8 Tapkoa okautivât: Angutaulaukpok merkolingnik annoralik, tapseruteligo makkitimigut amivinermik. Tamnale okarpok: Eliaôvok, Tisbitemiok.

9 Tagva tilliklervigiva angajokamik 50 ginut, 50 git tapkoa illagilugo. Tikkinamiuglo takpaunga, ahâk, tagva iksivavok kakkab kângane. Tapsomalo okautiva: Igvit Gudib angutinga, attannek okarpok: Attersarit.

10 Eliab angajokak 50 ginut kiova, okautilugolo: Gudib angutigikpanga, tagva ikkoma kattagle killangmit, nerrilitillo 50 gikotitillo. Tagva ikkoma kattakpok killangmit, nerriválo, 50 gikotingillo.

11 Tilliklipsarporlo angajokab assianik 50 ginut, 50 gillo illagilugo, tapsomunga. Tapsoma kiovlune, okautiva: Igvit Gudib angutinga, imák attannek okarpok: Attersarit.

12 Elia kiovok okarlunelo: Gudib angutekotigikpanga, tagva ikkoma kattagle killangmit, nerrilitillo 50 gikotitillo. Tagva Gudib ikkomanga kattakpok killangmit, nerriválo, 50 gikotingillo.

13 Tagva ama angajokait pingajuat 50 ginut, tilliva, 50 gillo illagilugo. Tamna tikkiname tapsomunga takpaunga, Elia serkortorvigiva tuksiarvigilugolo, okautilálo: Igvit Gudib angutekotinga, innosera, 50 gillo tapkoa innosingit akkitôlit ijikpit sângangne.

14 Ahák ikkoma kattalaukpok killangmit, nerrilaukpaillo sivorlik angajokák, 50 gikotingillo; mannale innosera akkitôle ijikpit sângangne.

15 Tagva Nalekab Engelingata Elia okautiva: Attersarkatigiuk, erksiginiarnagolo. Tagva parngnailerpok attersarkattiválo attannermut.

16 Okarporlo tapsomunga: Imák Nalegak okarpok: Tamanna pivlugo tillijanik tilliklilauravit, Baal-Seubelo Ekrone-miut Gudingat appertsorkolaurangne, Gudekarajangimat sorlo Israeleme, tapsoma okausingit appertsortaujungnarmatta, tagva inangavingnit nellariarvigilauktarnit makkitsungnaituksauvotit, tokkojuksauvotille.

17 Taimak tokkovok Nalekab okausingit, Eliab okauserilauktangit malliklugit. Joramelo attanningorpok tamna innangêrlugo, Joramib Josafatib erningata Judakut attanningata Jahringita aipangane; ernekalaungimat.

18 Unipkautsit tamakkoa assingit Ahasja pivlugo sulle, pinniarlauktangit, ahák tamakkoa aglaksimavut, Israelitit attanningita aglangine.

KAPITEL II.

Eliab killaliarninga; Elisab tattamnartitangit.

NALEKABLE Elia kongmuarkojomalaungmago killangmut, Elia Elisalo aularpuk Gilgalemit.

2 Eliablo Elisa okautiva: Nagliktara ovanetualaurit! Nalekab tillingmanga Bethelemut. Elisale okarpok: Sorlo mik-

sekârtomik Nalegak inôngmat, tarnillo, kemangniangilagit. Taimak attersarpuk unnunga Bethelmut.

3 Tagva nellautaijut erningit Bethelêmêlauptut annilerput Elisamut, okautivâlo: Kaujimagalloorakît Nalekab angajokait uvlome aularutiniarmago niakovit kollâgut? Tamnale okarpok: Kaujimagalloorivara, nippangertuinaritse.

4 Eliablo okautiva: Elisa, naglingnartotit ovanetualaurit, Nalekab tillingmanga Jerichomut. Tamnale okarpok: Sorlo miksekârtomik Nalegak innôngmat, tarnillo, kemangniangilagit. Taimaglo Jerichomut tikkipuk.

5 Tagva nellautaijut erningita Jerichomelauptut Elisa tikkipât, okautilâlo: Kaujimagalloorakît Nalekab angajokait uvlome aularutiniarmago niakovit kollâgut? Tamnale okarpok: Kaujimagalloorivara, nippangertuinaritse.

6 Eliablo okautiva: Naglingnartotit ovanetualaurit; Nalekab tillingmanga Jordanemut. Tamnale okarpok: Sorlo miksekârtomik Nalegak innôngmat, tarnillo, kemangniangilagit. Taimaglo aikattigêkpuk.

7 Angutille 50 git, nellautaijut erninginit aivut, nessipirlutiglo kaningitomit; tapkoale nangerpuk Jordaneme.

8 Tagva Eliab ulliksoane tiguva, immulâlo, immerlo annauva, tamanalo tagva avikpok avunga ikkungalo, tammarmiglo ikkârpuk ipteriliktokut.

9 Akkianullo tikkingmanik Eliab Elisa okautiva: Tuksiarit sunamik pinniartuksaunimnik illingnut, nûtitauskârtinanga illingnit. Elisa okarpok: Annernît uvamnêkovlugo maggoêrtorlune.

10 Tamna okarpok. Pijariakortôjomik tuksiarkauvotit; tækoniarungale nûtitaullunga illingnit, tagva taimainiarpok, tækkoniangikungale, taimainiangilak.

11 Pissukattigêktillugiglo, okartillugolo; ahâk, tagva tikki-lerpok aksalloalik ikkomalik, horselik ikkomaggit, avikpâglo; Eliablo ullajujaksoakut kongmuarpok killingmut.

12 Elisale tækkovok tamattominga, nipliadlarlunelo: Atâtâk, atâtâk! Israelib aksalloalikotingit, ablangajokotingillo horsine! Tækkojungnaipâlo. Anoranelo tiguva it allikpaillo, maggolivilugit.

13 Eliablo ullinga, kattalauktanga kivikpâ utterlunelo; nang-eriartorlunelo Jordanib sikjanganut.

14 Tiguvâlo Eliab ullinga, kattalauktanga, immerlo annauva, okarlunelo: Nanekâ manna Nalegak Eliab Gudinga? Immerlo annaungmago tagva avikpok avunga ikkungalo, Elisalo pissukpok tagvûna.

15 Nellautaijullo erningita, akkingertangita Jerichome, tækovât, okarlutiglo: Eliab annerningata Elisa immilangavigiva; pachreartorpâlo akkungavigivlugolo nunamut opigivât;

16 Okautivållo: Ahâk kivgakotivit akkorngane angutekar-pok 50ginik sôngojunik, tapkoa aularlit, angajokait kenneri-artorlugo; imakkâ Nalekab annerningata aularutilaukpago, pitilugolo kakkat nelliata kânganullonêt, nâksat nelliannullonêt. Tamnale okarpok tilliklerniarase.

17 Innapâlle akkunît, merngortorkârtinago, okarlunelo: Tillikleritse. Tilliklerpullo angutini 50ginik, tapkoa kennerpât uvlut pingasut nâlugit, nenninagolo.

18 Utterpullo tapsomunga, tamnale Jerichométualaukpok, okarporlo tapkonunga: Okautilaungilapse aijuksaunginapse?

19 Iglugaseksuillo angutingita Elisa okautivât: Ahâk iglugaseksoarne makkonane innekarominarpok sorlo nalegara tæk-kungmat, kissiane imilukarpok ovane, nunalo alliptornarpok.

20 Tamna okarpok: Kaitsivigisinga pogutamik nutâmik, pitetservigilugolo sioraujamik. Tapkoalo âtsivigivât tamatto-minga.

21 Annivorlo puailavingmut, sioraujallo egipait illuanut, okarlunelo: Imâk Nalegak okarpok: Immek tamanna kanoêt-sungnaitipara, mannâmit tokkomiglonêt alliptuamiglonet pijokarungnaituksauvok tamattomangat.

22 Taimak immek tamanna atsuilingorpok uvlok tamanna tikkilugo, Elisab okausingit, okauserijangit malliklugit.

23 Majorarporlo takpaunga Bethelemut. Apkosinermelo majorartillugo nukapiarârsuit annilerput iglugaseksoarnit, mil-lorpâllo ujarkanut, okautikattarpâllo: Nujaêrsimajotit majorar-lutit kait! Nujaêrsimajotit majorarlutit kait!

24 Keviarporlo, tækkonamigillo okarnerlutigivait Nalekab attingane. Tagva aklâk tikkilerpuk nappartunit, alliktorlugillo sorrutsit 42git tapkonangat.

25 Tagvangallo majorarpok kakkamut Karmelemik atteling-mut; tagvangallo utterpok Samariamut.

KAPITEL III.

Joramib attanniotininga Israelitinut. Unatadlarninga, sâla-karningalo Moabuterinik.

JORAME Ahab erninga attanningorpok Israelitinut Samari-ame. Josafatib Judakut attanningata Jahringita 18ingane; attanniotilunelo Jahrinik 12inik.

2 Pinniarporlo Nalekab idluigijanginik, atâtamituungitorle, anânamituungitorlo. Baalib nappajunga atâtangata sennajau-kolauktanga pêjarpa.

3 Jerobeamible Nebatib erningata Israelitinik idluitullititsi-

lauktub idluiningit ungagitsainarpait, allailungilarlo tapkonangat.

4 Mesale Moabiterit attanningat saugakutekalaukpok unuktunik, akkilévigijariakarpálo Jahrine tamaine Israelitit attanningat, saugársuit 100000dit, angusalluillo 100000dit merkunginik.

5 Ahable tokkungangmat, Moabiterit attanningata Israelitit attanningat nalegungnaipa.

6 Tagva attannek Jorame nelliutome taipsomane aularpok Samariamit oppalungaijailunelo Israelitit illunamassianginik.

7 Tilliklerlunelo Josafatemut Judakut attanninganut okautsaukoválo: Moabiterit attanningata nalegungnaipánga, kailaurit sorsukattigilungalo Moabiterinik. Tamna okarpok: Majorarlunga takpaungaromavunga, uvanga illiktut-ipunga, innukotik-kalo innukotititut, horsekotikkalo horsekotititut.

8 Okarlunelo: Apkosiñit nelliatigut takpaungaromavita? Taimna okarpok: Apkosinekut Edomiterit sunakajuitunginétutigit.

9 Taimak aularput tagvunga, Israelitit attanningat, Judakut attanningat, Edomiterillo attanningat. Imerianiglo 7 inik ingerarlaukârmatta, sorsuktuksaksoakattigêt, nergjutillo najortangit immekangilet.

10 Tagva Israelitit attanningat okarpok: Kappianamék! Nalekab attannit ukkua pingasut kaikolaukpait tamaunga, tunnijomangmagit Moabiterit agganginut.

11 Josafatele okarpok: Nalekab nellautaijokotingita illangat ovanêngilâk, Nalekamik appersorkovluta tapsomuna? Tagva Israelitit attanningata kivgangita illangat kiovok okarlunelo: Elisa Safatib erninga, kovisilauktok immermik Eliab agganginut mânêpok,

12 Josafate okarpok: Nalekab okausingit taipsomanêput. Taimak attersarput taipsomunga, Israelitit attanningat, Josafatelo Edomiterillo attanningat.

13 Elisable Israelitit attanningat okautiva: Igvit suvigivinga? Ailerit atâtavit nellautaijokotinginut, anânavillo nellautaijokotinginut. Israelitit attanningata okautiva: Aukak, Nalekab attannit pingasut ukkoa kaikungmagit tunnijomavlugit Moabiterit agganginut.

14 Elisa okarpok: Sorlo miksekârtomik Nalegak Zebaoth sângiartara inôngmat, Josafate, Judakut attanningat issumagina-jangikupko, igvit tækkosarajangilagit, kamaginajangilagillonêt.

15 Tagva kaitsivigisinga manna nipliajortomik. Angullo nokakseralingmik attortillugo Nalekab aggangita tikkipa;

16 Okarporlo: Imâk Nalegak okarpok: Sunatuinarne ittersallioritse naksarme tamattomane.

17 Nalegak imâk okarmat: Annoremiglonêt, sillalungmig-

lonêt tækkoniangilase, sulle naksak tamanna nâmaniarpok immermik, illipse, illaselo, nergjutekotiselo immerungnarkovluse.

18 Tamannalo mikkiluarpok sulle Nalekab sângane, Moabiterit tunniniarivait aggapšingnut.

19 Iglugaseksuillo songojut illunaita, iglugaseksuillo anne-
rimajut illunaita ullimarniarpassse, nakkartsiniarluselo nappar-
tunik ajungitunik illunainik, puailavillo immermik illunaita
simingniarpasse, perorsêvillo namanersat illunaita asserorniar-
passe ujarkanut.

20 Uvlarmelo tunnergutit tunnijauviane, ahâk immersoak
kôkpok Edomemit, nunalo nâmalerpok immermik.

21 Moabiterillo tussaramik, attannit majorarmatta sorsug-
vigijomavlugit, kaikojuvit illunainik attorungnarnermut sakkunik
namaktunik Jahrekartunik, innotokaunersaniglo, nangeriartorlu-
tiglo kiglilervingmut.

22 Uvlarârsukullo parngnaimatta, sekkinerlo nuilermat im-
mersub kângane, Moabiterit immek aupallugasugivât auktut;

23 Okarlutiglo: Aungôvok; attannit asserortaumavut savik-
soarmut, ullimartigêkpallaivut. Atte, Moabitereôjose manna ak-
sarnigakaritse.

24 Israelitille tangmarvinganut tikkingmatta, Israelitit parng-
nailerput ullimarpaillo Moabiterit, tapkoalo kemâvait. Isra-
elitillo nunamut tikkiput ullimârpaillo Moabiterit.

25 Iglugaseksuit serkomipait, illunatiglo attunît ujaratik egi-
pait perorsêvingnut namanerpânut tættætîpaillo, puailavillo illu-
naita simikpait, nappartullo ajungitut illunaita nakkarpait, ami-
akokakârtinagit kissiane iglugaseksuit ujarangit Kirharaseteme.
Illoereartullo illumavait, illoerearlugillo.

26 Moabiterillo attanningat tækkogame, sorsungnek sôngo-
luarmat tapsomunga, angutit 700 dit saviksoarmik amusijut ing-
minut pitipait pittarutigomamut Edomiterit attanninganut; sap-
pidlalaukpulle.

27 Tagva taipsoma erninga ernerikârtanga innangêrlugo
attanniojuksaulauktok tiguva, tunnîlâlo tunnergumut ôtaksamut
avalut kângine. Tagva ningarnekalerpok angijomik Israelitit
pivlugit, allarpaillo utterlutiglo nunamut.

KAPITEL IV.

Elisab tattamnartulliningit tellimat.

NELLAUTAIJULLO erningita nulliangita illangata Elisa nip-
liutiva okarlunelo: Kivgait, uiga tokkungavok, kaujimavotillo, kiv-
gavit Nalegak sivoragilaungmago, mannalo akkiliksakarvinga
tikkipok kittorngâka tigujomavlugik, kivgangortitsomavlugiglo
ingminut.

2 Elisab okautiva: Sunamik pinniarvigijaksarivagit? Okautinga, sunamik pittakarkit iglungne? Tamna okarpok: Kivgait arnak sunakalungilak iglome publaujab orksukautib assianik.

3 Tamna (Elisa) okarpok: Attarsijartolerit sillalingnit arnait illunainit illulerkutinik illulekangitunik ikkitolungitunik.

4 Itterlutillo, tunnungnelo ernikpillo tunnukingne upkoak pal-langairuk, kovisilutillo illulerkutinut illunainut, tæætullo âtaulit assianut.

5 Arnak aivok, upkuarlo tunnumine erningmelo tunnukingne pallangairpa; tapkoa illulerkutit âpait tapsomunga, tamnalo kovisivok kamunga.

6 Illulerkutillo tættælaungmatta, ernine okautiva: Illulerkunmik attautsemik sulle issautjivigilaunga. Tapsoma okautiva: Illulerkutekarungnaipok mâne. Tagva orksuk nokarpok.

7 Tamnalo arnak aivok, okarlunelo tamattominga Gudib angutekotinganut. Tamna okarpok: Ailerit orksuglo niorvgotigiuk, akkiliksakarvillo akkilêvigiuk; igville ernikpillo amia-kunga innogutigisiuk.

8 Nelliutomelo taipsomane pijokalaukpok, Elisa Sunememut aingmat. Tagvane arnakalaukpok akluitomik, tapsoma innapa nerrikovlugo tapsomane. Tagvûnarlaurangamelo ittervigitsain-narpa nerrikattigilâlo.

9 Tamnalo arnak uiminut okarpok: Ahâk tækkovunga Gudib angutekotinga ovûnatsainartok ivsornaidlarmat.

10 Inniliorlaulavuk mikkijomik iglupta kollâne, innarvingmiglo, sâmiglo, iksivautamiglo, nenergoabvingmiglo pititsilauluk takkamunga, tikkilerangatiguk itterkovlugo takkamunga.

11 Pijokalaukporlo uvlut illangane, itterame tagvunga, innarpok kollâne inneme sinniklunelo takkamane.

12 Kivgaminullo Gehasimut okarpok: Sunamemiok arnak kaikolauruk. Kaikungmagolo sângerpa.

13 Tapsomalo (Elisab) Gehasi okautiva: Okautiuk: Ahâk, kivgartormermik tamattominga tamainik pinniarvigilaukpâptiguk, sunamik uvanga pinniarvigijaksarivagit? Okausiksakarkit attan-nermut, sorsuktuksallonêt angajokanganut? Tamna (arnak) okarpok: Nunakarpunga innukotima akkorngaue.

14 Tamna (Elisa) okarpok: Sunamigle pinniarviojungnarka? Gehasi okarpok: Atso illa, ernekangilak, uingalo itôvok.

15 Tamna okarpok: Kaikoleruk. Kaikungmagolo, upkuêrd-lune nangeriartorpok.

16 (Elisalo) okarpok: akkâgo nelliutome tamattomane ernermik kuningniktuksauvotit. Tamna (arnak) okarpok: Aukak illa, nalegâk, angutaujotit Gudemut, kivgait arnak sæglokiniar-nago!

17 Arnarlo tamna singailerpok ernilunelo ernermik nelli-

tome taimaluatsiame akkâgolerma, sorlo Elisab okautilaungmago.

18 Soruserlo angijororame pijokarpok uvlut illangane, annilerame atâtaminut kippisijunut (kakkojaksanik),

19 Okarporlo atâtaminut: Kappianamék niakora, niakora! Tamna okarpok nukapiakotiminut: Anânanganut âleruk.

20 Tapsomalo tiguva âlâlo anananganut. Tapsomalo (anânangata) sâriiarpa uvlub ketterarninga tikkilugo, tagva tokkovok.

21 Tamnalo (arnak) majoarpok kollânut, illivâlo Gudib angutekotingata innarvianut, pallangairsivok annilunelo,

22 Uinelo kaikova, okarlunelo: Nukapitset illanganik tilliklervigilaunga siutekoktôjomiglo; Gudib angutekotinganut ajomavunga utteromalungalo.

23 Tamna okarpok: Sôg aivigijomaviûk? Uvlome takkêlaungimat Sabbateolungilarlonêt. Tamna (arnak) okarpok: Nipportuinarit.

24 Siutekoktôjorlo iksiyaviktarpa okarlunelo nukapiamut: Ungortuinarit katsungailutit, nokartaïlitolungalo ablanganermesivumut, kissiane okautigupkit.

25 Taimak aularpok, tikkilunelo Gudib angutekotinganut kakkamêtillugo Karmelemik attelingme. Gudible angutekotingata kanningitomit tækkogamiuk, okarpok nukapiakotiminut Gehasimut: Ahak arnak Sunememiok tikkilerpok.

26 Taimak manna akpangerdlutit pachreartoruk, apperilugolo, tamna nangminek, uingalo erningalo kanoêngitsiarolloarmangatta? Tamna okarpok: Ahaila kannoêngitsiarpogut.

27 Tikkinamele Gudib angutekotinganut kakkab kânganut, ittiggangit erkisimiarpait; Gehasile kaivok ajagomavlugo. Gudible angutekotinga okarpok: Taimailingale, tarninga kiksadlarmat; Nalekablo angigutilaupânga tamattominga, nellojungnaitaungilângalo.

28 Arnak okarpok: Kânga ernermik tuksiarlaukîk nalekamnit? Okalaungilanga, uiverijaksaringilarma?

29 Tamna (Elisa) okarpok Gehasimut: Makkitingnik tapseruserit, ajaupiakotigalo tiguleruk aggangnut, aivigilugolo; pârtauguvit kinamut, tagva salutiniarnago pit; salutitaugalloaruvillo, tagva kioniarnak, ajaupiakotigalo illiuk nukapiab kênanganut.

30 Nukapiable anânanga okarpok: Sorlo miksekârtomik Nalegak inôngmat tarnillo, allarniangilagit. Tagva parngnailerpok mallikpalo (arnak).

31 Gehasile tapkoa sivorngangne aimalaukpok tagvunga, ajaupiarlo illiva nukapiab kênanganut; tagvanele nippekalaungilarlonêt ikipiginekangilarlonêt. Utterporlo pachrearlugo, nellojungnaitipâlo, okarlunelo: Nukapiak tuppalungilak.

32 Elisalo iglomut tikkimat, ahâk tagva nukapiak tokkung-avljune nellavok innarvingane.

33 Itterporlo, upkoarlo pallangairpa, tuksiarlunelo Naleka-mut,

34 Kagvalerporlo pallungerlunelo sorrutsib kânganut, kanni-nelo illiva sorrutsib kanninganut, ijingnelo ijekingnut, agganelo tapsoma agganginut, taimaglo tessiterpok tapsoma kânganut, sorrutsib timinga aukanerkovlugo.

35 Tamnale (Elisa) makkipok uttertilunelo iglome, kagvar-lunelo tessiterporlo tapsoma kânganut. Tagva nukapiak tagi-oksavok 7 êrtorljune, kingorngane nukapiak ijingne uitipâk.

36 Elisablo Gehasi kaikova, okarlunelo: Arnak Suneme-miok kaikoleruk. Kaikovâlo. Tapsomalo tikkipa. Tamna okar-pok: Tagga ernît tiguleruk.

37 Tagva (arnak) tikkilerpok, pamakterlunelo ittiggangiaut, opigosulunelo netterme, erninelo tiguva annilunelo.

38 Elisale tikkingmat Gilgalemur, kâvikarpok nuname, nel-lautaijullo erningit, nunakalaukput tapsoma sângane. Tapso-malo kivgane okautiva: Ukkusiksoak oklertorvigjuk, igalutillo perortunik nellautaijut erningita nerkiksanginik.

39 Tagva tapkoa illangat naternamut aivok, perortunik kattersijomavljune, naipitsilunelo perortunik, manetuinartome perortunik, nunivarlunelo tapkonangat paungâlukullungnik, Ko-lokwinteni attelingnik, anorakotine tættædlugo, tikkinamelo okliutivait savingmut ukkusingmut; illitarilungimattigik.

40 Navingmagolo nerrijaukovlugo angutinut, nerrikamiglo nerkiksamit tamattomangat, tagva nipliarput okarlutiglo: Igvit Gudib angutekotinga, tokko ukkusingmêpok! Nerrilugo sappe-ramik.

41 Tamnale (Elisa) okarpok: Sennaukamik kaitsileritse. Pitipâlo ukkusingmut, okarlunelo: Naviuk innuit sânginut ner-rikovlugit. Tagva idluitokalaungilak ukkusingme.

42 Tikkitokarporle angumik Baalsalisamit, kaitsivigilugolo Gudib angutekotinga niakojanik kakkojaksanit innersinakârtu-nit, niakojanik 20 ginik Gerstemit, kakkojaksaniglo togarsima-junik ikpiârsukotimine. Tamnale okarpok: Tunnikit innung-nut nerrikovlugit.

43 Kivganga okarpok: Kannok angutit 100 dit tunnitsivi-gijaksarivakka tamakkonangat? Tamna okarpok: Innugiartok-suit tunnitsivigikit nerrikovlugit. Nalegak imâk okarmat: Ner-rijokarniarpok, amiakokarniarlunelo.

44 Tagva illivait tapkoa sânginut, nerrikovlugit; amiako-karporlo sulle, Nalekab okausingit malliklugit.

KAPITEL V.

Naemaniḅ Siriamiḅ kallakartub kallakarungnaititauninga Eli-samut. Gehasiḅ kallakartitauninga, pijomatudlarninga pivlugo.

NAEMAN Siriamiut attanningata sorsuktuksaksoakotingita angajokangat, angutitsiangolaukpok angajokame sângane, opigi-jaulunelo; tapsomuna Nalegak sâlakarnermik tunnijingmat Si-riame. Angutaudlalaukporlo, kallaliolunele.

2 Sorsuktukselle Siriamē aularlaukput, niviârsiarlo aularu-tilaukpât Israelitit nunanganit, tamna kivgaularaukpok Naemanib nullianganut.

3 Tamna angajokaminut arnamut okarpok: Kannoktôk na-legara nellautaijomênajarune Samariame, taipsoma pejaivigina-jarpa kallanginik.

4 Tagva itterpok angajokaminut okautilâlo tamattominga, okarlunelo: Imâglo, imâglo niviârsiak Israelitit nunanganit pijok okalaukpok.

5 Siriamiut attanningat okarpok: Tagva ailerit tagvunga, Israelitit attanningat aglagvigijomavara. Aivorlo tagvunga, nek-sarlunelo Talentinik 10nik Silberemik, Sekeleniglo 6000 dinik Goldemik, annorangniglo 10nik uvloksiorkviksiutinik;

6 Atsilunelo aglangnik tamakkoninga Israelitit attanning-anut, imâk okartunik: Aglait ukkua tikkipatta illingnut, ahâk, tagva kaujilerit kivgara Naeman tillilaurapko illingnut, kalla-karungnaitilugo pikovlutit.

7 Israelitillo attanningata aglait tamakkoa attuaramigit, an-norakotine allikpait, okarlunelo: Gudeovîk, tokkotsijungnarajar-lunga omartitsijungnarajarlungalo, tilliklervigingmanga, angut tamna kallangêjarlugo pikovlunga? Kamatsiaritse kannok pit-jutiksarsiorimat uvamne.

8 Elisab Gudib angutekotingata tamanna tussaramiuk, attan-niub annorakotine allilaungmagit, tilliklervigiva, okautsaukolâlo: Sôg annorakotitit allilaukpigit? Uvamnut kailerle tukkisilerkov-lugo nellautaijokarmat Israeleme.

9 Taimak Naeman kaivok aksalloalikut horselikutigit, no-karlunelo Elisab iglungata sângane.

10 Tagva Elisab tillijaksak tilliva tapsomunga, okautsauko-vâlo: Ailerit ubvarlutillo illingnik 7 êrtorlutit Jordaneme, tagva uvinît âkiktauniarpok kallakarungnainiarlutillo.

11 Tagva Naeman ningalerpok, aularlunelo okalarmelo: Issu-malaukpunga anniyiginiarmanga, nangeriartorlunelo tamaunga,

Nalekablo Gudime attinga nipliarvigilugo, aggangminullo sukutsera tillajarlugo, taimaglo kallak pèjarniarmago.

12 Koksoak Amana Farfarelo Damaskusemètuk namanersaungilâk immeksoarnit illunainit Israelemetunit? Tapkonane ubvarungnangilanga kallangêjarlungalo? Allaivorlo aularlunelo ningardlune.

13 Tagva kivgangita tikkipât, okarvigilugolo, okarlutiglo: Nagliktavut atâtak, nellautaijub pijariakortôjomik pinniarkolauk-pattit, pinniarajangilatit tamattominga? Kannok angiluartomik, okautilaungmattit: Ubvarit, tagva kallangêrotiniarpotit.

14 Tagva niovok, missiklunelo Jordanemut, akkarlunelo 7 êrtorlune, sorlo Gudib angutekotinga okalaungmat: uvingalo âkiktaumavok nukapiab innuosuktub uvingatut-idlune, ivsor-nailunelo.

15 Utterivorlo Gudib angutekotinganut, illagijane illunatik illagælugit. Itteramelô sângerpa, okarlunelo: Ahâk illitarksimavunga, Gudekangimat nunane illunaine, Israeleme kissiane; mannalo pilliumik tigusilaurit kivgarnit.

16 Tamna okarpok: Sorlo miksekârtomik Nalegak sangiartara innôngmat, tigulungilara. Innapâlo tigusikovlugo; pijomalaungilarle.

17 Tagva Naeman okarpok: Kivgait tunnitsiviojungnangilâk nunab oma ivjunganik, taimak angitigijomik horseojartuk magguk neksarungnartagingnik? Kivgait tunnergutiksanic, tunnergutiniglo ikkoalajaksanic tunnijijomairpok Gudeungitunut, Nalekamulle;

18 Nalekab kivgait tamattomane sainarvigilugo pikovlugo, tuksiaraikuma Rimonib iglungane, angajokara Rimonib iglunganut tuksiarartoraikune, aggakkalo egangavigivlugit pileraikune, tuksialeraikumalo Rimonib iglungane, tagva Nalekab kivgait issumagijungnaivigilugo pile.

19 Tapsomalo okautiva: Aularit ullapirsautekarlutit. Aularporlo tapsomangat, apkosiniub takkingata illanganik.

20 Tagva Gehasi, Eliab, Gudib angutekotingata kivganga okarpok: Ahâk angajokama Siriamiok Naeman una nikkagilaukpa, tigusilaungimat sunamik taipsoma agganginit kailauktanginik: Sorlo miksekârtomik Nalegak innôngmat, udlagomavara, tigusijomalungalo sunamik taipsomangat.

21 Taimak Gehasib Naeman udlapa, Naemanelo tækkogame udlaningmat, niovok aksalloalingmit, pachreartorpa, okarlunelo: Illunane idluarka?

22 Tamna okarpok: Ahaila. Kissiane angajokama tillilaukpânga, okautsaukolutillo: Ahâk, tikkitaumavunga, nukapiangnut, Efraimib kakkanginit, nellautaijut erninginit; tunnitsivigilaukik Talentemik Silberemik, annorangniglo maggungnik uvloksiorviksiutinik.

23 Naeman okarpok: Nagliktara tigusilaurit Silberemik Talentingnik. Innapâlo, poksilunelo Talentingnik maggungnik Silberemik, pôngnut maggungnut, annorângniglo uvloksiorviksi-utinik, tunnivaillo kivgamingnut, tapkoa akjarsivuk tapkoninga sivorngane.

24 Ofelemullo tikkiname, tiguvaît tapkoa agganginit, illivaillo iglomut, angutiglo aularkovak.

25 Tapkoalo aularêrmanik, nalegane sângerpa. Elisablo okautiva: Gehasi nakit pivit? Tamna okarpok: Kivgait ikkungalônêt, tagvungalônêt ailaungilak.

26 Tapsomale okautiva: Omattiga agvertarlaungilâk, angut taimna uttermat aksalloalikotimiñit, pachreartorlutit? Tamanna nelliutijolauka, Silbere anorâllo, perorsêvillo orksuktaggit, perorsêvillo Weineggit, saukallo, tuktuvaillo, kivgello angutit, kivgello arnat tigulugit?

27 Naemanible kallangata atâvigênarniarpâtit kinguvakotitillo soraijuitomik. Tagva annilerpok tapsomangat, kallakar-
lune apptitut.

KAPITEL VI.

Elisab poktartitsininga leikkiengmik; nollojungnaititsiningalo attannermik Siriamiut pinniarninginik. Kâviksoarlo Samariame.

NELLAUTAIJUT erningita Elisa okautivât: Ahâk inne innigijavut mâne sângne nimniuluarpok uvaptingnut.

2 Jordanemut aikolertigut, attunîllo tagvangat aiklerkotigut nappartunik ikkâksanik, igloliorkovluta tagvane, inniksarinartaptingnik. Tamna okarpok: Aileritse tagvunga.

3 Tapkoalo illangat okarpok: Nagliktara kivgakotitit illagikit. Tamna okarpok: Illagijomavapse.

4 Illagivaillo. Jordanemullo tikkinamik nappartunik nakkartsivut.

5 Illangallo nappartomik nakkartsigame, ullimaut kattakpok kongmut. Nipliadlarporlo okarlunelo: Kappianamêk Nalegâk! tappilugo attartugauvok.

6 Gudible angutekotinga okarpok: Nane kattaksimava? Kattagvigilauktangalo unertutigingmago tapsomunga, kejungmik kippisivok, tongnilunelò tagvunga. Tagva ullimaut pokilarpok.

7 Okarporlo: Kiviguk. Tagva aggane issakpait, tigulâlo.

8 Siriamiullo attaningat unatadlarnekarpok Israelitinut, kivganelo issumaksarsior kattigivait, okarlunelo: Ikane tagvanelo tangmaromavogut.

9 Gudible angutekotinga tilliklerpok Israelitit attanning-

anut, okautsaukolugolo: Udsertorit, inne taimna kamagitaililugo pikonak, Siriamiut attersaromangmatta tagvunga.

10 Israelitillo attanningat tilliklerpok tagva innemut tagvunga, Gudib angutekotingata unertutigilauktanganut tapsomunga, tennersarlugo, udsertorpâlo; taimailiortuinarlungilarlo attauséardlune, maggoêrtorlunelonêt.

11 Tagva Siriamiut attanningata omattingata tamanna annûjutigiva, kivganelo kaikovait, okautilugillo: Okautijomangipisinga, illapta nelliata Israelitit attanningat illagingmangago?

12 Tagva kivgangita illangat okarpok: Taimangungitok angajokara attannek; Elisale nellautaijok Israeleme, tamainik okarpok Israelitit attanninganut, okauserijarnik aiparuserkotingne innarvikotivit najugâne.

13 Tamna okarpok: Tagva aularitse, tækkojartorluselo, nanêmangat, tilliklerniarkovlunga tagvunga, aijaukolugolo. Nellojungnaitipâllo, okarlutiglo: Ahâk, Dotanemêpok.

14 Tagva tilliklerpok tagvunga horsinik aksalloalingniglo sorsuktuksaksoarniglo kattimgajoksoarnik, tikkipullo tagvunga unnuarme, illumavaillo iglugaseksuit.

15 Gudiblo angutekotingata kivganga uvlarârsukut makkingmat, annilermallo; ahâk, tagva kattimgajoksuit iglugaseksuit illumavait, horselijarlutik aksalloalijarlutiglo. Tagva kivgangata okautiva: Kappianamêk nalegâk, kannok pinniaromavinuk manna?

16 Tamna okarpok: sivuraniarnak; tapkoa unnurnersaungmatta uvaptingnêut, tapkonangat tapkonanêtunit.

17 Elisalo tuksiarpok, okarlunelo: Nalegak ijigik uitikik tækkokovlugo. Nalekablo nukapiab ijigik uitipâk tækkokovlugo. Ahâglo, kakkak nâmalaukpok horsenik aksalloalingniglo ikkoma-lingnik Elisab avatâne.

18 Attarsimangmatta tapsomunga, Elisa tuksiarpok, okarlunelo: Nalegak innugiartoksuit ukkoa tikkitaukokit tautunginermut. Tapsomalo tautunginermut tikkitaukovait, Elisab okausingit malliklugit.

19 Elisablo okautivait: Apkosinek una tamnaulungilak, iglugaseksuillo tapkoangunginivut. Malliksinga, uvangalo tessioromavapse angumut kennertapsingnut. Tessiorpaillo Samariamut.

20 Samariamullo tikkilermatta, Elisa okarpok: Nalegak tapkoa ijingit uitikit tautukovlugit. Nalekablo ijingit uitipait tautukovlugit; ahâglo tagva Samariab: (iglugaseksuit) kerkanginêmarilaukput.

21 Israelitillo attanningata Elisa okautiva tækkogamigit: Atâtâk saviksoarmut ullimaraksarivakka?

22 Tamna okarpok: Ullimaraksaringilattit. Angujattit saviksoakotingnut, pittiksekotingnullo, tapkoa ullimarkit. Sâm-

utsivigikit kakkojanik immermiglo, nerrikovlugit immerkovlugillo, aularkolugillo angajokakotinganut.

23 Tagva nerkiksaliorpait angijomik. Nerrijarérmattalo, immerérlutiglo, aularkovait, aikovlugit angajokamingnut. Taimangat Siriamiut sorsuktuksangit tikkitsungnaiput Israelitit nungananut.

24 Tamakkoalo kingorngane pijokalaupok, Benhadadib Siriamiut attanningata sorsuktuksaksoakotine kattitimagit majorarlunelo takpaunga, Samarialo illumavait.

25 Kâviksoakadlarporlo Samariame. Iglugaseksuit illumavait, siutekoktôjub niakunga akkekakârtinago kênaujanik, Silberlingemik attelingnik, 80ginik. Taubillo annangit oktutib Kabemik attiggub sittamauliviningat akkekakârtinagit Silberlinginik 5 nik.

26 Israelitillo attanningat avallunut aimat, arnat illangata nipliarvigiva okarlunelo: Ikajorlaunga nalegara attannek!

27 Tamna okarpok: Nalekab ikajungipattit, sunamut uvanga ikajoraksarivagit? kakkojaksat tullerartauvinganit, Weiniksalonét ipetejaivinganit?

28 Attanniublo okautiva: Suvit? Tamna okarpok: Arnab oma okautilaukpânga: Ernit tunnilaruk uvlome nerrikovlunuk, kaupat ernerâ nerrijomavavuk.

29 Taimak ernerâ nerrilaukpavuk. Uvangelo okautilaukpara uvlub aipangane: Ernit tunnileruk, nerrilauluglo; ijsersimavâle.

30 Attanniub arnab oma okausingit tussaramigit, annorane allikpait ailune avalunut. Tagva innugiartoksuit illunatik tækovât pôlijarmat timimine.

31 Okarporlo: Gudib imâk, imâglo pinniarvigilinga, Elisab Safatib erningata niakunga uvlome tapsomanêtsainarpat.

32 Elisale iksivavok iglomme, Israelitillo angajokangita iksivakattigivat. Attannerlo tilliklerpok angumik sivunermine. Tillijarle tikkikârnago tapsomunga, okarpok angajokaunerôjunut: Tækkolaukise kannok innuartub erninga una tilliklilaungmat tamaunga, niakumnik nussuksijomavlune? Tækkoleritse, tillijak tikkiniarpat, tagva upkoak pallangairsiuk, ajagissiuglo upkoamut; ahâk, angajokangata ittiggangita kikkergallijarningita mallikpât.

33 Taimaglo okartillugo sulle, ahâk, tagva tillijak tikkipok ununga tapsomunga, okarlunelo: Ahâk, kanoêtok taimaitok pivok Nalekamit; sunamik sulle nerriuktuksauvik Nalekamit?

KAPITEL VII.

*Elisab nellautaininganik uvlub aipangane nerkihsat akkekito-
juksaungmatta.*

ELISALE okarpok: Nalekab okausingit tussarsigik: Imâk Nalegak okarpok: Kaupat nelliutome tamattomane, oktut atausek sennaukamik kakkortamik, akkekaniarpok Sekkelemik attautsemik, oktutiglo Gerstenik Sekkelemik attautsemik, Samariab itterviksoangata attâne.

2 Tagva angajokaksuit illangata, attanniub aggangita ajækpagangata Gudib angutekotinga kiova, okarlunelo: Nalegarlo igalangnik sennanajarune killangme, kannok tamanna pijungnarajarka? Tamna okarpok: Ahâk ijingnut tækkoniarpet, nerriniangilatille tamattomangat.

3 Angutekalaukporlo sittamanik kallalingnik upkoame itterviksub sillatâne, tapkoa ingmingnut okautiutivut: Suna pivlugo ovanêtsomavita tokkokârtinata?

4 Iglugaseksoarnut itterungnarasuginajaralloarupta, tagva kâviksoakarpok iglugaseksoarne, tokkojariakarajaralloarpogullo tagvane: ovanêtuarupta tokkojariakarivogut. Taimak manna kaileritse, Siriamiullo tangmarvinganut akpangerta. Innokopattigut, tagva innôvogut, tokkopattigullo, tagva tokkunganiarpogut.

5 Tavligarârsukullo parngnaiput, tikkitsomavlutik Siriamiut katingajoksoakotinginut. Siriamiullo tangmarvingata issuanut tikkingmatta, ahâk, tagva immukatsengilak tagvane.

6 Nalekab Siriamiut tussarkolaungmagit horsit kikkergallijarninginik, kemuksillo aksalloaggit kallergallijarninginik, katingajoksuillo kikkergallijarninginik; ingmingnut okalaungmatta: Ahâk, Israelitit attanningata kaikolaukpait Hetiterit attanningit, Egipteniblo attannertangit, sorsugvigivluta pikovlugit, opingar-taukovlutalo taipkonunga.

7 Parngnailerpullo kemâlutiglo tavligarârsukut; kemailutiglo tuppermingnik, horsekotimingnik, siutekoktojojokotimingniglo tangmarvingmetunik sokkoseratik, kemâlutiglo innôsermingnik piulikleromavlutik.

8 Kallakartut tapkoa manna tangmarvingmut tikkinamik, tuppit illanganut itterput, nerrivut immerlutiglo, tigusilarmiglo Goldemik Silberemiglo, annorangniglo, iersijartorlutiglo tamakkoninga, utterpullo, itterlarmiglo tuppiub assianut, tigusilutigle tapsomangat ijeriartorpaillo.

9 Tagvale ingminut okautiutivut: Taimailiorniarata, uvlok tamanna uvlôvok taigotaksalik ajungitomik; angigutiguptigo

tamanna uttakilutalo kaulermarikârtinago, tagva pitlartaunik-sarsiniarpogut. Tagvalo manna kaititse, ailerlutalo, nellojung-naititsilutalo tamattominga attanniub iglungane.

10 Tikkinamiglo nipliarput iglugaseksuit upkoaksoangane, okautilaitalo udsertortut, okarlutiglo: Siriamiut tangmarvinganut tikkisimavogut; ahâglo innukangilak tagvane, nippekalingilarlonêt innungmit; horsille siutekoktojullo pittuksimatillugit, tuppillo sokkoseratik tagvanêput.

11 Upkoaksublo udsertortingit kaikovait, okariartorkovlugit tamattominga attanniub iglungane.

12 Tagva attannek makkipok unnuarme, okarlunelo kivgaminut: Okautijomavapse, sunamik Siriamiut piniarvingingmatigtut: Kaujimavut kâdlarapta, ailaukpullo tangmarvingmit, ije-riartoromanut ingmingnik natename, issumatillugit: Taipkoa annilerniarpatta iglugaseksoarnit, tagva innôtillugit tigujomavavut, ittajomalutalo iglugaseksoarnut.

13 Tagva kivgangita illangat kiovok okarlunelo: Horsit tellimat amiakojut sulle kamane, (ahâk kamane amiakovut Israelitit unnurninginit sakkijarungnaitunit) tapkoa tillikliutilavut, tækkolutalo.

14 Tagva kammutik maggoit aksalloalik horsit illaliutilugit tiguvait! attanniublo tillivait Siriamiut katingajoksuit malliklugit okarlunelo: Aileritse tækkoluselo.

15 Mallikpaillo Jordan tikkidlugo; ahâglo, tagva apkosinek nâmalaukpok anorângnik perkutiniglo, Siriamiut egilauktanginik, tuavilukalauramik. Tillijallo utterput okarlutiglo tamattominga attannermut.

16 Tagva innugiartoksuit annilerput aksarpâllo Siriamiut tangmarvingat. Oktullo attausek sennaukamik kakkortamik akkekarpok Sekelemik attautsemik, oktutiglo magguk Gerstenik akkekarivuk Sekelemik attautsemik, Nalekab okausingit maliklugit.

17 Attanniuble angajokak taimna aggangme ajækparvigijangât tilliva ittertarviksub attânnut. Innugiartoksuillo tullerar-pât ittertarviksoarme, tokkolugolo sorlo Gudib angutekotinga okalaungmat, attannek attersartillugo tapsomunga.

18 Pijokalaukporle Gudib angutekotinga okartillugo attannermut okarlunelo: Kaupat nelliutome tamattomane oktutik Gerstenik akkekarniarpuk Sekelemik attautsemik, oktullo attausek sennaukamik kakkortamik Sekelemik attautsemik Samariab ittertarviksoangata attâne.

19 Tagva angajokab oma Gudib angutekotinga kiova okarlunelo: Ahâk, Nalegak igalangnik sennanajarune killangme, kannok tamanna pilerungnarajarka? Tamnale okarpok: Ahâk ijingnut tækkoniarpak, nerriniangilatillo tamattomangat.

20 Taimailingaluatsialaurivok, innugiartoksuit tullerajarmatsuk ittertarviksoarme, tokkovorlo.

KAPITEL VIII.

Kâviksoakarne: Jahrit 7it nâlugit. Siriamiut assianik attannekarningat. Joramelo, Ahasjalo attanniojuk Judame.

ELISABLO arnak tamna okarvigiva, omartilauktame ernerub anânanga, okarlunelo: Parngnailerit iglomiokattitillo illagêlugit aularit, tujormijangolutillo sappingitarne; Nalegak kâvingmik kaikojiniarmat, tamanna nunamut tikkiniarpok Jahrit 7it nâlugit.

2 Arnak tamna parngnailerpok taimailiorlunelo, sorlo Gudib angutekôtinga okalaungmat, tujormiangolaukporlo Filisterit nunangane, Jahrit 7it nâlugit.

3 Jahrille 7it tapkoa kangermatta, arnak tamna utterivok Filisterit nunanganit; aularporlo attannek nipliarvigilugo, iglokotine perorsêvikotinelô pivlugit.

4 Attanniuble Gehasi Gudib angutekotingata kivganga okarvigiva okarlunelo: Unipkautilaunga pinniarnersoarnik tamainik Elisab pinniarlauktanginik.

5 Unipkartillugolo attannermut, kannok tokkungajok omartilaungmago; ahâk tagva namâkilune arnak tamna tikkipok tagvunga, omartitaumajub ernerub anânanga, attannerlo nipliarvigiva iglokotine pivlugo, perorsêvikotinelô pivlugo. Tagva Gehasi okarpok: Nalegâk attannek, tagva arnak tamna; tagvalo ernalinga Elisab omartilauktanga.

6 Attanniublo arnak apperiva; tapsomalo arnab unipkautiva tamattominga. Tagva attanniub pimaklertit illangat illaukova tapsomunga; okarlunelo: Sattorsitiuk tamainik nangminerijanginik, tappilugillo perorsêviub perortungita tamaita akkinginik, taimangat nuna aularlaungmago manna tikkilugo.

7 Elisalo Damaskusemut tikkipok. Tagvane Benhadad Siriâmiut attanningat kanimavlune nellalaukpok; okautsauvorlo, okartokarlunelo: Gudib angutekotinga tamaungarsimavok.

8 Tagva attannek Hasaelemut okarpok: Pilliutiksanic najortekarlutit, Gudib angutekotinga pachrearuk, Nalegarlo apperiuk taipsoâmuna, okarlutillo kannimasermit mattomangat nekkoksinaralloarmangarma.

9 Hasaeliblo pachrearpa pilliutiksaniclo neksarpok, perku-tiniglo sunatuinarnik Damaskusemit, nangmagaksanic 40 ginik Kamêlinut. Tikkinamelo sângerpa okarlunelo: Ernivit Benhadadib attanniub Siriame tillimavânga illingnut, okautsaukovâttillo: Nekkoksijungnaralloarkik kannimasermit omangat?

10 Elisab okautiva: Okautijartoruk: Nekkoksiniarpotit; Nalekable nellojungnaitilaukpânga, tokkoniarmat.

11 Gudiblo angutekotingata ökkijiva akkunit kêalunelo.

12 Tagva Hasael okarpok: Sôg nalegara kêava? Tamna okarpok: Kaujimavunga kannok igvit Israelib kittorngangit idluitullivigijomârangne. Iglugaseksoangit songojut ikkomamut ikkitsomârpattit angutekotingit innuosuktut tokkotsomârpattit saviksoarmut, sorrusiârsukotingillo tokkotsomârpattit, arnakingillo singaijut ullimârlugit avgoromârpattit.

13 Hasaele okarpok; Kivgait kingmek sunauva, taimaitunik pijariakortôjunik pinniartuksaunajarmat? Elisa okarpok: Nalekab nellojungnaitilaukpânga, igvit attannioniaravit Siria-miunut.

14 Tamnalo aularpok Elisamit, tikkilunelo angajokaminut, tapsoma okautiva: Sunamik Elisab okautilaukâtit? Okarpok: Okautilaukpânga: Nekkornersauniarpotit.

15 Kaulermallo ullik pergaimajok tiguva missuklugolo immermut, issivilâlo tapsoma kânganut; tagva tokkovok. Hasaelele attanningorpok innangêrlugo.

16 Joramib Ahabib erningata Israelitit attanningata Jahringita 5ingane, Joram Josafatib erninga attanningorpok Judakunut.

17 Jahrekalaupok 32 ginik attanningorame, attanniotilunelo Jahrit 8it nâlugit Jerusaleme.

18 Agvertarlunelo Israelitit attanningita apkosiningine, sorlo Ahabekut pilaungmatta; Ahabib pannia nulliarigamiuk; piniarporlo Nalekab idluigijanginik.

19 Nalekable Judakut asseroromalaungilait kivgakotine Davide pivlugo; sorlo okautilaungmago, tunnitsivigitsainaromavlugo kaumautiksamik kittorngangita akkorngane soraijuitomik.

20 Tapsoma nelliuningane Edomiterit nalegungnailaukput Judakunik, attannekartitsilutiglo ingmingnut.

21 Jorame Zairekut aularlaungmat, aksalloaggillo illunatik illagivlugo, unnuarmelo parngnailaukpok, Edomiterillo illumajine ullimârlaukpait, taimaglotauk kamutit angajokangit, innugiartoksuillo kemâvut iglomingnut.

22 Tamanna pivlugo Edomiterit nalegunгнаiput Judakunik uvlok tamanna tikkilugo. Nelliutome taisomane Libna nalegungnailaurivut.

23 Unipkautsit assingit Jorame pivlugo, tamaitalo piniarlaufkangit, ahâk tamanna aglaksimavok Judakut attanningita aglangine.

24 Joramelo sinnisilerpok atâtagijaminut ailune, illijartor-

taulunelo atatagijaminut, Davidib iglugaseksoakotingine, Ahasjalo erninga attanningorpok inangêrlugo.

25 Joramib Ahabib erningata Israelitit attanningata Jahringita 12 ingane, Ahasja Joramib erninga attanningorpok Judakunut.

26 Ahasja Jahrekalaupok 22 ginik attanningorame, attanniötilunelo Jahre attausek nälugo Jerusaleme. Anânanga attekalaupok Ataliamik, Amrib Israelitit attanningata panninga.

27 Agvertarporlo Ahabekut apkosiningane, pinniarlunelo Nalekab idluigijanginik Ahabekutitut, sakkeolaungmat Ahabekunut.

28 Joramelo Ahabib erninga illagælugo aularpok Ramothemut Gileademetomut, Hasael Siriamiut attanningat sorsugvigijomavlugo; Siriamiulle Jorame sâlagivât.

29 Tagva Jorame attannek utterpok mamititaujomavlune Jesreeleme ikkiminit, pilauktaminit Siriamiunut Ramame, Hasael Siriamiut attanningat sorsugvigingmago. Ahasjalo Joramib Judakut attanningata erninga attersarpok, Jorame Ahab erninga tækkojartoromavlugo Jesreeleme; kannimangmat.

KAPITEL IX.

Jehub mingoartauninga attanningortitauvlune; tokkotsiningalo Joramemik, Israelitit attanninganik, Ahasjamiglo Judakut attanninganik. Isebelib tokkotauninga.

ELISABLE nellautaijub nellautaijut erningita illangat kaikova, okautilugolo: Tapseruserit makkitingnik, publaujarlo orksukaut una najortigiuk, ailutillo Ramothemut Gileademêtomut.

2 Tagvungalo tikkiniaruvit, tagvane Jehu Josafatib Nimsib erningata erninga tækkoniarpat. Itterit nikkovikolugolo kat-tangutime akkornganit; tessiorlugolo innemut kammanênerpang-ôjomut,

3 Publaujarlo orksukaut tiguleruk, kovilugolo niakunganut, okarlutillo: Imâk Nalegak okarpok: Mingoarlutit attanningortilaukpagit Israelitinut. Upkoarlo upkoêraksarivat, kemajuksaulutillo siglutonaglo.

4 Nellautaijublo innuosuktokotinga, nukapiak aivok Ramothemut Gileademêtomut.

5 Ittermallo, ahâk tagva sorsuktuksat angajokangit iksivavut tagvane. Okarporlo: Illingnut angajokaujotit okausikakarpunga. Jehu okarpok: nelliptingnut? Tamna okarpok: Illingnut angajokaujotit.

6 Tagva nikkovipok itterlunelo. Tapsomale orksuk koviva

niakoanut, okautivâlo: Imâk Nalegak Israelib Gudinga okarpok: Mingoarlutit attanningortimavagit Nalekab innukotinginut Israelitinut.

7 Igville Ahabib angajokavit iglomiukotingit ullimaraksari-vattit, nellautajut kivgakotima aungit akkiniarutigijomavakka Isebelemut.

8 Ahabekullo illunamassiatik asserortaujuksauvut, Ahabe-kunillo péjaromavakka tamaita kivgallo kivgaungitullo Israeleme.

9 Ahabiblo iglomiukotingit illingatitsomavakka Jerobeamib Nebatib erningata iglomiokotingittitut, Baesablo Ahiab erningata iglomiokotingittitut.

10 Kingmillo Isebele nerriaksarivât perorsêvingme Jesreeleme, kinamullo illijartortaujuksaungilak. Upkoarlo upkoérpa kemâlunelo.

11 Jehulo annilermat angajokame kivganginut, okautsauvok: Illinganekatsiarka? Sôg uimajartok taimna tikkilauka illingnut? Tapsoma okautivait: Angut taimna illitarigalloarpasse okauserijangillo.

12 Tapkoa okarput, tamanna miksekârtolungilak, okautitigulle. Tamna okarpok: Imâglo imâglo, okautilaukpânga, okarlaukporlo: Imâk Nalegak okarpok: mingoarlutit attanningortimavagit Israelitinut.

13 Tagva tuavidlarput, attunnillo annoratik tiguvât illilugillo tapsoma attânut tumerangnut, tiptulautelo tiptulausijautigivat, okarlutiglo: Jehu attanningorpok!

14 Taimak Jehu Josafatib Nimsib erningata erninga angerkattigêngnekartitsivok Jorame akkerartorlugo. Joramele Israelitit illunatik illagilugit Ramothib Gileademêtub sângane tangmarsimalaukpok, Hasaele Siriamiut attanningat pivlugo.

15 Joramele attannek uttersimalaukpok mamititaujomavlune Jesreeleme, ikkiminit pilauktaminit Siriamiunut, Hasaele Siriamiut attanningat sorsugvigingmago. Jehulo okarpok: Taimak issumagupse, tagva kinalonêt kemâjuksaungilak iglugaseksoarnit, ainajarlune unipkautigilugolo Jesreeleme.

16 Jehulo ikkivok aularlunelo Jesreelemut, Jorame tagvane nellangmat; taimaglo Ahasja Judakut attanningat attersarlaukpok tagvunga Jorame tækkojomavlugo.

17 Udsertortuble nuvoguserme Jesreeleme nangertub Jehub kattimgajokotingit aggettut tækkovait, okarlunelo: Kattimgajut tækkovakka. Tagva Jorame okarpok: Ablangajok horsib kângane kaikoleruk tillilugolo pachrearlugit, okarlelo: Ullapirsautekarka?

18 Ablangajorlo horseme pachrearpâ, okarlunelo: Imâk attannek okarpok: Ullapirsautekarka? Jehu okarpok: Igvit ullapirsaut sugiviuk? sangulerit tunnumnut. Udsertorte kaujitsitsivok okarlunelo: Tillijab tikkimavait, utteranelo.

19 Tagva ablangajub horseme assianik tilliklerpok. Tamna

tikkiname tapsomunga, okarpok: Imâk attannek okarpok: Ullapirsautekarka? Jehu okarpok: Ullapirsaut sugiviuk? sangulerit tunnumnut.

20 Tagva udsertorte nellojungnaititsivok okarlunelo: Tikki-simavait, utterungnaiporlo. Perajarniövorlo Jehub Nimsib erningata perajarningatut; perajarmat, issumairotijotut.

21 Tagva Jorame okarpok: Annujileritse. Aksalloalikotingalo parngnaitipât; aularpuglo, Jorame Israelitit attanningat, Ahasjalo Judakut attanningat, attunit aksalloalikotimingne, Jehu pachrearomavlugo; naipipaglo Nabotib Jesreelemiub perorsêvigilauktangane.

22 Joramiblo Jehu tækkogamiuk, okarpok: Jehu ullapirsautekarka? Tamnale okarpok: Ullapirsaut suna? anânavit Isebelib anguniarningit, angakoktorningillo pivalliatuinartillugit?

23 Tagva Jorame allaivok tapsomangat, kemâlunelo, okarlunelo Ahasjamut: Pikkablajoksonekarpok Ahasja.

24 Jehuble pittikse tiguva, pittikpâlo Jorame tallikita akkorngatigut, kargjub omatterungmago, ochovorlo kammutekotingine.

25 Okarporlo angajokangmut Bidekaremut: Tiguleruk egilugolo Nabotib Jesreelemiub perorsêvigilauktanganut. Erkaigama igvit uvangalo kemukserlauramnuks aksalloalingme attaut-
seme atâtangata Ahabib kingorngane, Nalekab nangmagak tamanna illilaungmago tapsomunga.

26 Ahamarik, Nalegak okalaukpok, Nabotib aunga, erningitalo aungit ikpeksak tækkolaukpakka, uvangalo kigluvigijomavagit tamattominga perorsêvingme tamattomane. Taimak tiguleruk manna egilugolo perorsêvingmut tamattomunga, Nalekab okausingit malliklugit.

27 Ahasja Judakut attanningat tamattominga tækkogame, kemâvok apkosinerme, perorsêviub iglunganut sângmijome. Jehuble udlava, okarlunelo: Ullimarsiuktauk kamutingne! Pilaukpok majokame Guremut Jeblaamib kanitanganêtome. Kemâvorlo Meggidomut, tokkolunelo tagvane.

28 Kivgangitalo kemuksiutivat Jerusalem, illijartorpâllo tagvane illuvanganut, atâtagijanginut, Davidib iglugaseksoakingine.

29 Ahasja attanningorlaukpok Judakunut Joramib Ahabib erningata Jahringita 11 ingane.

30 Jehulo Jesreelemut tikkimat, Isebelelo tussarame tamattominga, kênane mingoarpa, pinnarnartitsilunelo niakominik, nitalunelo igalakut.

31 Jehulo ittertariksut attânut tikkimat, Isebele okarpok: Simri, angajokaminik innuarlauktok illingatsialauka?

32 Tamnalo arlorpok igalangmut, okarlunelo: Kina uvamnêka mâne? Tagva magguk pingasullonêt sâpât.

33 Tamna okarpok: Kattaktisiuk unnunga. Kattaktipållo; aungalo serkerarpok iglub senneranganut horsinullo; tullerajarpållo.

34 Itterêramelo nerrilaukârdlunelo, immerlaukardlarmelo, okarpok: Tækkojartorsiuk ominarsijaujok taimna, illijartorsiuglo, attanniub pannigingmago.

35 Tækkojartoramitsugle sunasilungilet tapsomangat niakungata, ittiggangitalo aggangitalo assianik;

36 Utterivullo okautilugolo mattominga. Tamnale okarpok: Tamannauvok Nalekab okauserilauktanga kivgamigut Eliakut, Tisbitemiojokut okalauklunelo: Perorsêvingme Jesreelemetome kingmit Isebelib uvinga nerrijaksarivât.

37 Isebeliblo timinga tokkungajok perorsaijotut natername, nellajuksauvok perorsêvingme Jesreelemetome; okarungnartokarkonago: tagva Isebele.

KAPITEL X.

Ahabib kinguvangita. Baabilblo kivgangita nungutauningit.

Jehublo tokkunga.

AHABELO ernekalaukpok 70ginik Samariame. Jehulo aglangnik aglakpok, tillikliutivaillo Samariamut, iglugaseksuit Jesreelib angajokanginut, angajokaunerôjunut Ahabiblo kittorningangita pairjinginut, tapkoa imâk okarput:

2 Aglait ukkoa illipsingnut tikkipatta, najortekarapse angajokapse erninginik, kamutinginiglo, horsekotinginiglo, iglugaseksoarniglo sôgojunik, sakkuniglo.

3 Tagva tækkungiarsiuk namanerpâk, pikkaringnerpâglo angajokapse erniginut, pitisiuglo angajokapse iksivautaksoanganut, angajokapselo iglomiokotingit sorsugutisigik.

4 Taipkoale sivoradlarput, okarlutiglo: Ahâk, attannik magguk nangerungnarlaungilâk sângane, kannok uvagut tagva nangeromavita?

5 Iglublo iglugaseksuillo angajokangit, pairsijullo tilliklerput Jehumut, okautsaukovâllo: Kivgavogut illingnut, tamainik pinniaromavogut okauserijarnik uvaptingnut; uvagut attanningortitsijomangilagut kinamik; pinnialaurit namagijarnik.

6 Tagva aglait aipainginik aglagvigivait, imâk okartunik: Illagigupsinga, nippigalo nalekupsuik, tagva angajokapse erningita niakungit tigulersigik, kailugillo uvamnut, kaupat nellutome tamattomane, Jesreelemut, (Attanniuble erningit, angutaulaukput 70 git. Iglugaseksuillo angajokaunerungita nullasavait.)

7 Aglait tapkoa manna tapkonunga tikkimatta, tiguva

attanniub erningit, tokkopaillo angutit 70 git, niakungillo illivait amargaujanut, tillikliutivaillo tapsomunga Jesreelemut.

8 Tillijarlo tikkipok nellojungnaitilâlo, okarlunelo: Attanniub erningita niakungit âlaukpait ovunga. Tamna okarpok: Illisigik, maggoililugit kallerêktisigik, itterviksub upkoangata sângane kaupemut.

9 Uvlakullo annigame, nangeriartorpok tagvunga, okarlunelo innugiartoksoarnut illunainut: Illipse idluartovose. Ahâk uvanga angerkattigêngnekartitsilaukpunga angajokara akkerartorlugo, tokkolaukparalo; kiale ukkoa ullinnarlaukagit?

10 Tagva illitarksileritse Gudib okausingita okauserilauktangita Ahabe pivlugo illangallonêt kattaksimangimat nunamut; Nalegarlo pinniarlaukpok, sorlo okalaurame kivgamigut Eliakut.

11 Jehublo amiakojut Ahabekunit Jesreeleme illunaita ullimarpait, angajokakotingit illunaita, illangillo, ajochertuijokotingillo, amiakokakonago attautsemiglonêt.

12 Parngnailerporlo, aularlunelo tikkilarmelo Samariamut. Apkosiniublo senniane iglokalaupok mianersijunut illingajomik.

13 Tagvane Jehub Ahasjab Judakut attanningata kattangutingit naipipait, okarlunelo: Kikovise? Tapkoa okarput: Ahasjab kattangutigivâtigut, attersarpogullo attanniub kittorngangit, attanniublo nulliangata kittorngangit sallutitsomavlugit.

14 Tamnale okarpok: Tigusigik innôtillugit. Tiguvaillo innôtillugit, tokkopaillo immertarvingme mianersijut iglungata sennianetome, angutit 42 git, amiakokarkojilungilarlo tapkonangit attautsemiglonêt.

15 Tagvangallo sivumuarpok, naipipalo Jonada Rechabib erninga, pârsijok tapsominga; salutipâlo okautilâlo: Omattit nellagôrka, sorlo omattiga illingangmat omattingnut? Jonada okarpok: Ahaila. Taimaipat tagva aggaktit tunnikit uvamnut. Agganelo tunnivait tapsomunga. Ikkikovâlo ingminut aksalloalingnut;

16 Okarlunelo: Aiparilaunga tækkolutillo illungertornimnik Nalegak pivlugo. Taimaglo kemuksiutitaukova illagêlugo kammutekotimine.

17 Samariamullo tikkiname Ahabekut amiakungit Samariamene illunaita ullimârpait nungumariktitsikârtinane tapkoninga, Nalekab okausingit, okauserilauktangit Eliamut, malliklugit.

18 Jehublo innugiartoksuit illunaita kattikovait, okautsaukolaitalo: Ahabib Baal kêtatuinarmik kivgartorlaukpa, Jehub namanersamik kivgartoromavâ.

19 Mannalo Baalib nellautajokotingit illunaita, kivgakotingillo illunaita, ajochertuijokotingillo illunaita kaikosigik uvamnut, tikkitailijokarniarane; tunijijariakarama Baalemur tunnergutiksamik angijomik. Tikkitailijok innôjuksaungilak. Jehule taimailiorpok pingitsertorlune Baalib kivgangit tokkotsomavlugit.

20 Jehulo okarpok: Baalib uvloksiorvinga ivsornaitisiuk, akpautigijaukosiunglo.

21 Jehulo tilliklerpok Israelitinut illunainut, tikkerkojilunelo Baalib kivganginik illunainik, amiakokalongimat attautsemiglonêt tikkilaungitomik. Tikkipullo Baalib iglunganut, Baaliblo iglunga tættemalaukpok issuanit issuanut, aipânut.

22 Okarporlo pimaklertunut iglomik annorâktalingmik: Baalib kivgangit illunaita annitsivigisigik annorângnik. Anno-rângniglo kaitsivut tapkonunga.

23 Jehublo Jonada Rechabib erninga itterkattigiva Baalib kattimavinganut, okarlunelo Baalib kivganginut: Nautsertoleritse tækkoluselo mâne pittakangimangat akkonapsingne Nalekab kivgangita nellianik, Baalible kivganginik kissênik.

24 Itterpullo tunnergutinik, tunnergutiniglo otaksanik tunnijjomavlutik. Jehuble sillatâne angutit 80 git perkolaukpait, okalauklunelo: Angutit tapkoa aggapsingnut tunnijama nelliat kemâkpat, tagva innôsise akkiksaujuksauvut, tapsoma innôsingata inningane.

25 Tunnergutiksarlo ôtakesak tunijaulerêrmat, Jehu sorsuktusanut angajokangnullo okarpok: Itteritse, ullimarlugillo illunaita, nelliallonêt annitailitisiuk. Ullimârpaillo saviksub kênanganut. Sorsuktuksello angajokaillo egipait sillamut, ailutiglo iglugaseksoarnut Baalib kattimavingata najugânut,

26 Annipaillo nappajut Baalib kattimavingata illuanit, ikkilaitalo.

27 Baaliblo nappajunga, kattimavinga illaliudlugo serkomi-pât, annagvingortipållo uvlok tamanna tikkilugo.

28 Taimak Jehub Baale pêjarpa Israelemit.

29 Jerobeable Nebatib erningata, Israelitinik idluitullititsilauktub, idluiningit, tagva nochangoâk Goldik Bethelme Danemelo allarlungilak.

30 Nalegarlo Jehumut okarpok: Tamanna pivlugo kunnutuilauravit, pinniarlutit namagijamnik, Ahabekunelo pinnialauravit tamainik, omattimnelauktunik, iksivajokartuksauvotit Israelitit iksivautaksoangane kittorngakotingnit, kinguvarêt sitamangat tikkidlugit.

31 Jehuble kamagingila Nalekab Israelib Gudingata perko-jangit malliklugit agvertarlune omamut tamâmut; Jerobeamb Israelitinik idluitullititsilauktub idluiningit allârlungimagit.

32 Nelliutome taipsomane Nalegak pigiarpok Israelitit illang-erlugit; Hasaeliblo sâlagivait Israelitit kigililervingine illunaine,

33 Jordanemit sekkerngub nuijarviata nellânut, nuna Gileademik attelik illunât, Gadekullo nunangat, Rubenekullo nunangat, Manassekullo nunangat, Aroeremit kongmêtomit Arnonib kannitanganêtomit, Gileadelo Basanelo.

34 Unipkautsit makkoa assingit Jehu pivlugo, pinniarlauk-

tangit, sôngoningalo tamât, ahâk, tamanna aglaksimavok Isra-elitit attanningita aglangine.

35 Jehulo sinnisilerpok atâtagijaminut ailune, illijartorpållo Samariame. Erningalo Joahas âttanningorpok innangêrlugo.

36 Jehuble attanniotivinga Israelitnut Samariame, Jahreô-vut 28 git.

KAPITEL XI.

Athaljab pinniarlungningit. Joasib attanningortitauninga Judakunut. Athaljab tokkotauninga.

ATHALJALE Ahasjab anânanga, tækkogame ernine tokkung-mat, parngnailerpok, tokkotsilunelo attanniub kinguvânginik illunainik.

2 Josebale attanniub Joramib panningata Ahasjab najang-ata tiguva Joase, Ahasjab erninga, tiglikpâlo attanniub kit-tornganginit tokkotaunit pairijinga aiparêllugo innime sin-nigvingme; ijerpâlo Athalja pivlugo, tokkotaukonnago;

3 Ijertaumalaukporlo tamna (pairijine) aiparêllugo Jahrit 6 it nâlugit. Athaljale attanniolaupok nuname.

4 Jahrille 7 ingane Jojada tilliklerpok, angajokajallo 100 di-nut, kappitallo sorsuktuksallo illagêllugit tiguvaît, itterkolugillo tapsomunga Nalekab iglunganut, angerkattigivaillo, angermari-kovaillo Nalekab iglungane, attanniublo erninga tækkojautipa tapkonunga,

5 Perkolugillo okalarmelo: Tamannauvok piniaraksase: Il-lipse pingasoliluse, pingajuisse attautsit nangeriartortuksauvut Sabbatib uvlungane, udsertortuksauvlutiglo attanniub iglungane;

6 Pingajuiselo attautsit, itterviksoarmêtuksauvut Suremik attelingme, pingajuiselo attautsit itterviksoarme sorsuktuksat tunnuanetome, taimaglo iglo udsertorsiuk, agviarluselo.

7 Pingajuissele maggoit, Sabbateme nûlertose, udsertortuk-sauvose Nalekab iglungane attanniub avatâne;

8 Illumajaksarivasse, attunît sakkokotipsingnik tigumiarluse aggapsingnut; kinalo kerdlerotijok siêktut akkorngatigut tamna tokkotaujuksauvok; attannermeleritselo annileraikpat itteraik-pallo.

9 Angajokajallo 100 dinut pinniarput tamainik, sorlo Jojadab ajochertuijub perkungmagit, pitipaillo attunît ingmingnut ang-utekotitik, Sabbateme tikkitut, Sabbatemelo nûlertut, tikkilu-tiglo ajochertuijomut Jojadamut.

10 Ajochertuijublo angajokait tunnitsivigivait kallugiarnik,

sappulutaniĝlo, attanniub Davidib pigilauktanginik, Nalekablo iglunganetunik.

11 Sorsuktusallo nangerput attanniub avatâne, attunît sak-komingnik tigumiarlutik, iglub sennerangata tallerpianit, iglub senerangata saumia tikkidluglo, Altaremelo, iglomelo.

12 Tapsomalo attanniub erninga annitipa; niakoserpâlo, perkojaniglo tunnitsivigiva, attaningortipâlo, mingoarlâlo aggatiglo pattiktipait nipliarylutiglo: Attannek innôle!

13 Athaljablo sorsuktusât, innugiartoksuillo nipliarningit tussaramigit, tikkilerpok innugiartoksoarnut Nalekab iglunganut.

14 Tækkosarlunelo, ahâglo, attannek nangerpok nappajome, sorlo illusiovalaungmat, angajokaunerôjullo tiptulausijartullo attannek nangerkattigivât, nunablo innungiartoksoangit illunatik kувiasudlalaukput, tiptulausijarlutiglo. Athaljable annorane alikpait nipliarylunelo: Pikkablojoksônek, pikkablajoksônek!

15 Ajochertuijuble Jojadab angajokajat 100 dinut sorsuktusanut angajokangortitaumajut perkovait, okautilugillo: Anni-tisiuk siaktat akkorganut, malliktorlo tapsominga tokkosiuk saviksoarmut. Ajochertuijok okalaungmat: Tokkotauniarane Nalekab iglungane.

16 Aggatiglo illivait tapsomunga; aivorlo apkosinerme hor-sit aivigivaktangine attanniub iglunganut, tokkotauvorlo tagvane.

17 Jodadalo angerkattigêngnekartitsivok Nalekab attanniublo innugiartoksuillo akkorngane, Nalekab innukotigijaksaringmagit; taimaktauk attanniub innugiartoksuillo akkorngane.

18 Tagva nunab innugiartoksoangit illunamassiatik itterput Baalib kattimavinganut, imitipâllo Altarekotingit, Gudioingotigillo serkomipait; Matthanelo Baalib ajochertuijokotinga tokkopât Altarit sângine. Ajochertuijorlo udsertortokartitsivok Nalekab iglungane.

19 Tiguvaillo angajokat 100 dinut. kappitallo, sorsuktusallo, nunablo innugiartoksoangit illunaita, attannerlo attersar-tipât Nalekab iglunganit, tikkilutiglo apkosinerme, sorsuktusât itterviksoanganit pijome, attanniub iglunganut; ingiporlo attanniub iksivautaksoanganut.

20 Innugiartoksuillo nuname illunamassiatik kувiasudlalaukput, iglugiseksuillo innilangalaukput. Athaljale tokkopât saviksoarmut attanniub iglungane.

21 Joaselo Jahrekalaupok 7 nik attanningorame.

KAPITEL XII.

Joasib attanniub Judame attanniotininga.

JEHUB Jahringita 7 ingane Joase attanningorpok, attannioti-lunelo Jahrit 40 git nâlugit Jerusaleme. Anânanga attekalaupok Zibeamik, Bersabamioviniôjok.

2 Joaselo pinniarlaukpok idluartomik, Nalekablo kuviagi-janganik, taimak akkunértigijomik, ajochertortautillugo ajochertuijomut Jojadamut;

3 Kissiane pôktojut pêjartaulaungilet; innugiartoksuille tunnergutinik tunnijivut, isserluanititsilutiglo sulle poktôjune.

4 Joaselo okarpok ajochertuijunut: Kênaujat illunaita ivsornaititaulertut, ittertitauput Nalekab iglunganut, kênaujat at-tortauvaktut, kênaujat illunatik attunît tunnijariakartangit tar-nitik pivlugit, kênaujallo illunaita, nelliata tunnijangit perkojau-nane omamut kunutuitomut Nalekab iglunganut,

5 Tamakkoa ajochertuijut tigujaksarivait ingmingnut, attu-nît illitarijamingnit. Tamakkonangat âkiksoraksarivait sujuk-simanerit Nalekab iglungane, sujuksimanerit illunaita nachvar-taulertut tagvane.

6 Ajochertuijullo attanniub Joasib Jahringita 23 ingane sujuksimanerit iglome âkiksortaukolaungimattigik;

7 Attanniub Joasib ajochertuijok Jojada kaikova, ajocher-tuijullo assingit, okautivaillo: Sôg sujuksimanerit iglome âkiksorlungipissigik? Mannalo kênaujat tigusijaksaringilase illitarijapsingnit, tunnijaksarilaukpassele iglub sujuksimaneninginut.

8 Tagva ajochertuijut angerput tigusijungnairo mavlutik kênaujanik innugiartoksoarnit, sujuksimanerillo iglome âkiksor-nagit.

9 Tagva ajochertuijub Jojadab iklervik tiguva, puttorlugolo killakartipa kânga, illilâlo Altarib sennianut tallerpianut. Nalekab iglungata ittertauviata sennianut. Ajochertuijullo upkoam-ik udsertortut, takkamunga pititsivut kênaujanik illunainik, Nalekab iglunganut kaitaumajunik.

10 Tækkopattalo kênaujakadlarmat iklervingme, tagva attan-niub aglapaktokotinga, ajochertuijoksoarlo majorarlutik tikki-lerpuk, pôlerlugillo, kittipaillo kênaujat naipitaujut Nalekab ig-lungane.

11 Kênaujalle kittitaumajut tunnivait sennajut sullijaksamik tamattominga, perkojaumajut aulatsikovlugit Nalekab iglung-anik agganginut; tapkoalo tunnivait igloliortunut sennajunullo Nalekab iglungane,

12 Tagva karmaliortunut, ujarkaniglo ullimârtunut, keju-

niglo ujarkaniglo ullimarsimajunik pissiniartunut, sujuksimanerit Nalekab iglungane akiksortaukovlugit, tamaitalo nachvartangit akiktauariakartut Nalekab iglungane.

13 Sennakojilungilelle kênaujanit kaitaumajunit Nalekab iglunganut, itteringujanik Silberinik, savingniglo, pogutaniglo tip-tulautiniglo, illulerkutillonêt nellianik Goldeôjomik Silbereôjomiglonêt;

14 Tapkoale sullijaksamik sennajut tunnitsiviovut tamatto-minga, akiksoikovlugit sujuksimanernik Nalekab iglungane.

15 Angutille tunnitsiviojut agganginut kênaujanik tunnijikovlugit taipkonunga sennajunut, apperijaulaungilet kingorgane tapkoa pivlugit; nertornarlutik pinniarmatta.

16 Kênaujalle tunnergutinit akkiliksêrutiksanit, tunnergutannillo ajortoêrutiksanit, Nalekab iglunganut âtaulungilet, ajo-chertuijunut illingangmatta.

17 Nelliutome taipsomane Hasael Siriamiut attanningat majorarpok, Gathelo sorsugvigivait, sâlagilaitalo. Hasaeliblo kênane sâtipa majoraromavlune Jerusalem;

18 Tagva Joasib Judakut attanningata ivsornaititaumajut taimaita tiguvaît, atâtagijame Josafatib, Joramiblo, Ahasjablo Judakut attanningata ivsornaitilauktangit, Goldelo tamât nachvartaumajok Nalekab iglungata perkutitalingane, tillikliutivaillo Hasaelemut Siriamiut attanninganut, tagva aularpok Jerusalem.

19 Unipkautsillo tamakkoa assingit Joase pivlugo, pinniar-ningillo tamaita, tamanna aglaksimavok Judakut attanningata aglangine.

20 Kivgangillo pikablavut, angerkattigêngnekartitsivullo, annaulerpâllo Millob iglungane unnunga sangmijome Sillamut.

21 Josabarib Simeatib erningata, Josabadiblo Somerib erningata annaulerlugo tokkopâk. Illijartortauvorlo atâtagijaminut Davidib iglugaseksoangine. Amazialo erninga attanningorpok innangêrlugo,

KAPITEL XIII.

*Joahasib Joasiblo attanniojuk Israelitinut attanniotinigik.
Elisab tokkoninga.*

JOASIB Ahasjab erningata Judakut attanningata Jahringata 23ingane, Joahas, Jehub erninga attanningorpok Israelitinut Samariame, attanniotilunelo Jahrit 17 it nâlugit.

2 Pinniarporlo Nalekab idluigijanganik, agvertarlunelo Jerobeamib Nebatib erningata Israelitinik idluitullitsilauktub idluiningit malliklugit, allailungilarlo tapkoninga.

3 Nalekablo ningausinga illungertulerpok Israelitit pivlugit, tunnilaitalo Hasaelib Siriamiut attanningata agganginut, Benhadadiblo Hasaelib erningata agganginut, innôsingit nâlugit.

4 Tagva Joahas tuksiarpok Nalekamut, Nalekablo tussarpa; Israelitit okumaiksartitauningat tækkogamiuk, Siriamiut attanningata okumaiksartimagit.

5 Nalekablo Israelitit piuliklertemik tunnitsivigivait, tessior-temik tapkoninga Siriamiut pitsartuninganit, Israelib kittorngangit iglomingne innekarmikovlugit sivurnanetut.

6 Sullele Jerobeamib Israelitinik idluitullititsilauktub iglomiokotingita idluitulliningit allarlaungilait; agvertarpulle tapkonane. Nappartullo (Gudingoataggit) Samariame, tagvanetsainaraurivut.

7 Taipsooma Joahase unnurnersanik amiakokarkolaungimago ablangujunit 50 ginit horsit kângine, kamutinillo aksalloalingnit 10 nit, angutinillo pissuktunit 10,000 dinit. Siriamiut attanningata tokkolaungmagit, illingatilaukpaillo sanniktitut kakkojaksat tullertautilugit sorlo.

8 Unipkautsit tamakkoa assingit sulle Joahas pivlugo, tamaitalo pinniarlauktangit, pitsartuningalo, ahâk, tamanna aglaksimavok Israelitit attanningita aglangine.

9 Joahaselo sinnisilerpok, atâtagijaminut ailune, illijartortauvorlo Samariame. Erningalo Joase attanningorpok innangêrlugo.

10 Joasib Judakut attanningata Jahringita 37 ingane, Joas, Joahasib erninga attanningorpok Israelitinut Samariame, ataniotilunelo Jahrit 16 it nâlugit;

11 Pinniarporlo Nalekab idluigijanginik, Jerobeamiblo, Nebatib erningata Israelitinik idluitullititsilauktub idluitulliningit allarlaungilait, agvertarporle tapkonane.

12 Unipkautsillo assingit sulle Joas pivlugo, pinniarlauktangillo, pitsartuningalo, kannok Amazia Judakut attanningat sorsugvigilaungmago; ahâk, tamanna aglaksimavok Israelitit attanningita aglangine.

13 Joaselo sinnisilerpok atâtagijaminut ailune. Jerobeamelo ingipok iksivautanganut. Joasele illijartortauvok Samariame Israelitit attanninginut.

14 Elisale kannimalerpok, kanimaserme tokkojutigijamine. Joasiblo Israelitit attanningata attersarvigiva, kugviorlunelo sângane okarlunelo: Atâtâk, atâtâk! Israelitit aksalloalikotingit, ablangajokotingallo horsine!

15 Elisable okautiva: Tigusilerit pittiksemik, kargjutiniglo. Tigusivorlo pittiksemik kargjutiniglo.

16 Tamnalo okarpok Israelitit attanninganut: Aggangnut pittikse kelluleruk; kelluvâlo aggangminut. Elisablo aggane illivait attanniub aggangita kânginut,

17 Okarlunelo: igalák unnunga sangmijok angmaruk. Tapsomalo angmarpa. Elisalo okarpok: Pittikserit; tamnalo pittikserpok. Elisale okarpok: Kargjut attausek sálakarnartok Nalekamit; kargjut attausek piulijaunartok Siriamiut akkerartorlugit; igvillo Siriamiut ullimarniarpattit Afekekeme, nungutaukârtinagit.

18 Okarporlo: Kargjutit tigukit. Tapsomalo tiguvaît. Tamnalo okarpok Israelitit attanninganut: Nuna annauleruk. Annaulerpâlo pingasuêrtorlune, nokarlunelo.

19 Tagva Gudib angutekotingata ningarilerpâ, okarlunelo: Tellimêrtorlutit pingasojortoêrtorlutillonêt annaulernilauruvit, tagva Siriamiut sâlaginiarajarpattit nungutaukârtinagit, mannale pingasuêrtorlutit salaginiarpattit.

20 Elisale tokkovok, illijartortaulunelo. Moabiterillo sorsuktuksangit ittâvut nunamut Jahreme taipsomane.

21 Pijokalauporlo, angut illijartormatsuk, sorsuktuksalle tækkungmattigik, angut tamna egipât Elisab illuvinganut. Tamnalo unnungarame, Elisablo sauningit âktoramigit, omârpok tullerarlunelo ittikaminut.

22 Hasaelible Siriamiut attanningata Israelitit okumaiksartilaukpait Joahasib innôsingane tamât.

23 Nalekable saimarvigivaît napkigilaitalo, sâlugillo, anger-simanine Abrahamut, Isaangmullo, Jakomullo pivlugo, asseroromalaungilaillo, ajæktorlaungilaillo kênaminut manna tikkilugo.

24 Hasaelelo Siriamiut attanningat tokkovok, erningalo Benhadad attanningorpok innangêrdlugo.

25 Tagva Joasib Joahasib erningata iglugaseksuit tigulerivaît Benhadadib, Hasaelib erningata agganginit, taipsoma tigulauktangit Joahasib atâtame agganginit unnatadlarneme. Pingasuêrtorlune Joasib sâlagiva Israelitillo iglugaseksoagilauktangit sattortautipait.

KAPITEL XIV.

Amazia Asarjalo, attannîk Judakune; Jerobeame attannek Israelitine.

JOASIB Joahasib erningata Israelitit attanningata Jahringita aipangane, Amazia Joasib erninga attanningorpok Judakunut.

2 Jahrekalauporlo 25ginik attanningorame, attanniotilunelo Jahrit 29it nâlugit Jerusaleme. Anânanga Jøadanemik attekalaupok, Jerusalememiok.

3 Pinniarporlo Nalekab namagijanganik, atâtamitulle Davidetuungitok, taimaluatsiarle sorlo atâtanga Joase pinniarlaungmat, taimailiorivoktau.

4 Pôktojut pèjartaulungimatta, innugiartoksuille tunnergutunik tunijivut isserluanititsilutiglo pòktojune.

5 Pijokalaupporlo attanniovingmine sòngogame, kivgane ulimaripait atâtaganik tokkotsilauktut.

6 Innuartulle kittorngangit tokkolaungilait; sorlo aglaksimangmat Mosesib aglangine perkojaktalingne, Nalegak perkojilaungmat, okalaungmallo: Atâtait tokkotaujuksaungilet kittorngat pivlugit, kittorngallo tokkotaujuksaungilet atâtait pivlugit, nellialle ajornine pivlugit tokkojuksauvok.

7 Edomiterillo ullimärpaittauk nâksame sioraujaktalingme 10000 dit, iglugaseksuillo Selamik attiggit sâlagivait unatadlarnermut; atserarpaillo Jakteelemik, uvlok tamanna tikkidlugo.

8 Taipsomane Amaziab tillijat tillivait Joasemut Joahasib Jehub erningata erninganut, Israelitit attanninganut, okautsaukovâlo: Kait tækkonautilauluk.

9 Joasele Israelitit attanningat tilliklerpok Amaziamut, Judakut attanninganut, okautsaukolâlo: Orpik Dorne Libanone-mêtok, tilliklerpok Cederemut Libanone-mêtomut, okautsaukovo: Pannit tunnileruk ernimnut nulliangokovlugo tapsomunga. Omajulle nujuartut natername Libanoneme, orpik Dorne tulle-rajakpât tullerlugolo serkomipât.

10 Edomiterit salagilaukpattit, tamanna omattivit piojorijutigiva. Nertornaut tamanna pigiuk, nunangnêtuarluttillo, sôg kannoêtoksiorkit, ochokovlutit Judæalo illagællutit?

11 Amaziale nalelungilak. Tagva Joas Israelitit attanningat majorarlune takpaungarpok; tækkonautivuglo tamna Amazialo Judakut attanningat, Bethseseseme Judæametome.

12 Judakulle sâlagijauvut Israelitinut, illunatiglo attunît kemâvut iglomingnut.

13 Joasiblo Israelitit attanningata tiguva Amazia Judakut attanningat Joasib Ahasjab erningata erninga Bethseseseme; tikkiporlo Jerusalem, Jerusalemiblo avaluksoangit serkomipait, itterviksoarmit Efraimemik attelingmit terrekub itterviksoanga tikkidlugo, tallitut 400 ditut takkitigijomik;

14 Tiguvaillo Goldit tamaita, Silberillo tamaita, illulerkutillo tamaita nachvartaulertut Nalekab iglungane, attanniublo iglungata perkutitalingane, tappilugillo sorrutsit satoraksauvlutik, utterlunelo Samariamut.

15 Unipkautsille makkoa assingit Joase pivlugo pinniarlauktangit, sôgoningalo, kannorlo Amazia Judakut attanningat sorsugvigilaungmago, ahâk, tamanna aglaksimavok Israelitit attanningita aglangine.

16 Joaselo sinnisilerpok atâtagijaminut ailune, illijartortalunelo Samariame Israelitit attanninginut. Erningalo Jerobeam attanningorpok innangêrdlugo.

17 Amaziale Joasib Judakut attanningata erninga, innô-laukpok Joasib Joahasib erningata Israelitit attanningata tokkungata kingorgane Jahrinik 15 nik.

18 Unipkautsille tamakkoa assingit Amazia pivlugo, tamanna aglaksimavok Judakut attanningita aglangine.

19 Jerusalemelo angerkattigêngnekartitsivut tamna akkerartorlugo, tamnale kemâvok Lachisemut. Tapkoalo tilliklerput malliklugo Lachisemut, tokkopâllo tagvane.

20 Apâllo horsekut, ilijartortauvorlo Jerusaleme atâtagijamine Davidib iglugaseksoangine.

21 Innugiartoksuillo Judakut illuêngarlutik Asarja Jahrekartillugo 16 nik tiguvât attanningortilâllo atâtangata Amaziab inningane.

22 Tapsoma Elathe iglugaseliorpait, sattortautilaitalo Judakunut, attannek sinnisilaukârdlune atâtagijane illagællugit.

23 Amaziab erningata Judakut attanningata Jahringita 15 ingane, Jerobeame Joasib erninga attanningorpok Israelitinut Samariame, (attanniotilunelo) Jahrit 41 nâlugit.

24 Pinniarporlo Nalekab idluigijanginik, allailungilarlo Jerobeame Nebatib erningata, Israelitinik idluitullitsilauktub idluitullininginik tamainik.

25 Tapsomale Israelitit kigililervingit sattortautipait Israelitinut Hemathemit, immarbik naternamêtok tikkilugo, Nalekab Israelib Gudingata okausingit malliklugit, okauserilauktangit kivgamigut Jonakut Amithaib erningagut, nellautaijokut, Gad Heferemit pijokut.

26 Nalekab Israelitit kappianarningat illapsungnartok tækungmago, illunaita pijaulaungmatta, kivgaujut, kivgaungitullo, ikajortekalaungimallo Israelitine.

27 Nalegarlo okalaungilak Israelitit attingit pêjaromagamigit killaub attâne; taimaglo ikajorpait Jerobeamekut, Joasib erningagut.

28 Unipkautsit tamakkoa assingit Jerobeame pivlugo, tamaitalo pinniarlauktangit, sôngoninga, kannorlo sorsuglaungninga, Judakunut Israeleme sattortautilaungmagit Damaskuse, Hematelo, ahâk, tamanna aglaksimavok Israelitit attanningita aglangine.

29 Jerobeamelo sinnisilerpok, atâtagijane Israelitit attanningit illaliudlugit. Erningalo Sacharja attanningorpok innangêrlugo.

KAPITEL XV.

Asarja Jothamelo attannâk Judakune. Sacharja, Sallume, Menaheme, Pekaja, Peka, Hosealo, attannit Isralitine. Israelitit aularudsauningita Assiriamut pigiarningat.

JEROBEAMIB Israelitit attanningata Jahringita 27 ingane attanningorpok Asarja, Amaziab Judakut attanningata erninga;

2 Jahrekalauporlo 16 nik attanningorame, attanniotilunelo Jerusaleme, Jahrit 52 git nâlugit. Anânanga attekalaupok Jechaljamik, Jerusalemiojok.

3 Pinniarporlo Nalekab namagijanganik, taimaluatsiak atâtanetut Amaziatut;

4 Pôktojulle pêjartaulaungilet, innugiartoksuille tunnergutini tunnijivut isserluanititsilutiglo sulle pôktojune.

5 Nalekablo attannek annauva, kallakarporlo, tokkome uvlunga tikkilugo, innekalunelo iglome ingmigolingajome. Jothamele attanniub erninga iglomik aulatsivok idluarsailunelo innugiartoksoarnik nuname.

6 Unipkautsille tamakkoa assingit Asarja pivlugo, tamaitalo pinniarlauktangit, ahâk, tamanna aglaksimavok Judakut attanningita aglangine.

7 Asarjalo sinnisilerpok atâtagijaminut ailune, illijartortauvorlo atâtagijamine Davidib iglugaseksoangine. Erningalo Jothame attanningorpok innangêrlugo.

8 Asarjab Judakut attanningata Jahringita 38 ingane Sacharja Jerobeamib erninga attanningorpok Israelitinut Samariame, attanniotilaukporlo takkit 6 it nâlugit;

9 Pinniarporlo Nalekab idluigijanginik, sorlo atâtagijangit pinniarlaungmatta. Jerobeamib Nebatib erningata Israelitinik idluitullititsijub idluitulliningit allarlaungilait.

10 Sallumelo Jabesib erninga angerkattigêngnekartitsivok akkerartorlugo, annaulerpâlo innugiartoksuit tækkoane, tokkolâlo, attanningorlunelo innangêrdlugo.

11 Unipkautsit tamakkoa assingit Sacharja pivlugo, ahâk, tamanna aglaksimavok Israelitit attanningita aglangine.

12 Tamannauvorlo Nalekab okauserilauktanga Jehumut: Igvit kittorngakartuksauvotit Israelitit iksivautaksoangane iksivajunik, kittorngarêt sittamangat tikkidlugo; taimailaurivok.

13 Sallumele Jabesib erninga attanningorpok, Asarjab Judakut attanningata Jahringita 39 ingane, attanniotivorlo takkek attausek nâlugo Samariame.

14 Tagva Menaheme Gadib erninga majorarlune takpaung-

arpok Tirzomit, tikkilunelo Samariamut, ullimarpâlo Sallume Jabesib erninga Samariame, tokkopâlo, attanningorlunelo innangêrdlugo.

15 Unipkautsit tamakkoa assingit Sallume pivlugo, angerkattigêngnekartitsiningalo, ahâk, tamanna aglaksimavok Israelitit attanningita aglangine.

16 Taipsomane Menahemib Tifsa, illunaitalo tapkonanêlauktut kigililervingillo Tirzab miksâne ullimârpait, itterkojomalaungimatsuk; singaijungillo illunaita ullimarpait, alliktorlaitalo.

17 Asarjab Judakut attanningata Jahringita 39ingane Menaheme Gadib erninga attanningorpok Israelitinut, attanniotilunelo Jahrit 10it nâvlugit Samariame.

18 Pinniarporlo Nalekab idluigijanginik. Inôsermine tamât Jerobeamib Nebatib erningata Israelitinik idluitullititsijub idluitulliningit allârlaungilait.

19 Fulelo Assiriاميut attanningat tikkipok nunamut. Menahemiblo Fule tunnitsivigiva Talentinik 1000dinik Silberemik, illilertuikovlugo tapsominga, attannioviglo sokkosijutilugo tapsomunga pikovlugo.

20 Menahemelo perkojivok akluinersat Israeleme angutit attunît tunijikovlugit Sekelinik 50ginik Silberemik, tunijikovlugo tamakkoninga Assiriاميut attanninganut. Taimak Assiriاميut attanningat aularlune angerarpok, nunamêtuarlungilarlo.

21 Unipkautsille tamakkoa assingit Menaheme pivlugo, tamaitalo pinniarlauktangit, ahâk, tamanna aglaksimavok Israelitit attanningita aglangine.

22 Menahemelo sinnisilerpok atâtagijaminut ailune, Pekajalo erninga attanningorpok innangêrdlugo.

23 Asarjab Judakut attanningata Jahringita 50ingane, Pekaja Menahemib erninga attanningorpok Israelitinut Samariame, attanniotivorlo Jahrik magguk nâlugik;

24 Pinniarporlo Nalekab idluigijanginik, Jerobeamib, Nebatib erningata, Israelitinik idluitullititsilauktub idluitulliningit allarlaunginamigit.

25 Peka, Remaljab erninga, angajokakotinga angerkattigêngnekartitsivok akkerartorlugo, ullimarpâlo Samariame, attanniub igloksangane, Argobe, Arielo illaliudlugit, angutillo 50git Gileadib kittornganginit illagivât, tokkopâlo, attanningorlunelo innangêrlugo.

26 Unipkautsit tamakkoa assingit Pekaja pivlugo, tamaitalo pinniarlauktangit, ahâk, tamanna aglaksimavok Israelitit attanningita aglangine.

27 Asarjab Judakut attanningata Jahringita 52ingane, Pekaja Remaljab erninga attanningorpok Israelitinut Samariame; attanniotilunelo Jahrit 20git nâlugit;

28 Pinniarporlo Nalekab idluigijanginik; Jerobeamib, Ne-

batib erningata Israelitinik idluitullititsilauktub idluitulliningit allarlaunginamigit.

29 Pekab Israelitit attanningata nelliuningane, Tiglat Piles-ser Assiriamiut attanningat tikkipok, tigulaitalo Hion, Abel, Bethmaecha, Janoha, Kedes, Hazor, Gilead, Galilæalo, Naftalikullo nunangat illunât, aularutivaillo Assiriamut.

30 Hosealo, Elab erninga angerkattigêngnekartitsivok Peka Ramaljab erninga akkerartorlugo, annaulerlugolo tokkopa, attanningorlunelo innangêrlugo, Jothamib Usiab erningata Jahringita 20ingane.

31 Unipkautsille tamakkoa assingit Peka pivlugo, tamaitalo pinniarlauktangit, tamanna aglaksimavok Israelitit attanningita aglangine.

32 Pekab Remaljab erningata Israelitit attanningata Jahringita aipangane, Jothame Usiab Judakut attanningata erninga attanningorpok,

33 Jahrekalauporlo 25 ginik attanningorame, attanniotilunelo Jahrit 16 it nâlugit Jerusaleme. Anânanga attekalaupok Jerusamik, Zadokib pannia.

34 Pinniarporlo Nalekab namagijanganik, taimaluatsiak sorlo atâtanga Usia pinniarlaungmat.

35 Kissiane pôktojut pêjartaulungilet, innugiartoksuille tunnergutitik tunnijivut, isserluanititsilutiglo sulle pôktojune. Tap-soma itterviksoak kogvasiktok Nalekab iglungane sennava.

36 Unipkautsit tamakkoa assingit Jothame pivlugo, tamaitalo pinniarlauktangit, ahâk, tamanna aglaksimavok Judakut attanningita aglangine.

37 Nelliutome taipsomane Nalegak pigiarpok tilliklerlune Judamut Rezinemik Siriamiut attanninganik, Pekamiglo Remaljab erninganik.

38 Jothamelo sinnisilerpok atâtagijaminut ailune, illijartortaulunelo atâtagijamine Davidib atâtagijame iglugaseksoangine. Ahaselo erninga attanningorpok innangêrlugo.

KAPITEL XVI.

Ahas Judakut attanningat.

PEKAB Remaljab erningata Jahringita 17ingane, Ahas, Jothamib Judakut attanningata erninga attanningorpok.

2 Ahas Jahrekalaupok 20 ginik attanningorame, attanniotilunelo Jahrit 16 it nâlugit Jerusaleme. Pinniarlungilarlo Nalekab Gudime namagijanganik, atâtagijamitut Davidetut.

3 Agvertarporle Israelitit attanningita apkosiningine, erni-

nelo ikkomakorkova, nellojut Nalekab pêjarlauktangita Israelib kittorngangita sivorngane, makkojungnartulliningit malliklugit;

4 Tunnergutiniglo tunnijivok isserluanititsilunelo poktoju-ne, kakkarulangnelo, nappartullo tungojortat illunatik attâne.

5 Taipsomane Rezin Siriamiut attanningat, Pekalo Remal-jab erninga Israelitit attanningat, aularlutik takpaungarpuk Jerusalemut sorsugvigijomavlugit, illumavâglo Ahase; salagi-jungnarlaungilaille.

6 Nelliutome taipsomane Rezinib Siriamiut attanningata Siria sattorsitipa Elathemik, Judillo ajæktorpaît Elathemit; Si-riamiulle tikkilutik innigivaillo uvlok tamanna tikkilugo.

7 Ahasible tillijat tillivait Tiglat Pilesseremut Assiriamiut attanninganut okautsaukovâlo: Kivgauvunga erniolungalo il-lingnut; majorarlutit kailaurit tamaunga ikajorlungalo Siriami-ut attanningata, Israelitillo attanningata agganginit, akkerar-tortuk uvannik.

8 Ahasiblo Silbere Goldelo Nalekab iglungane, attanniublo iglungata perkutitalingane nachvartaulauktut tiguvaît, tujorpâlo Assiriamiut attanningat pilliutinik.

9 Assiriamiullo attanningata nalekpâ, aularlunelo Damas-kusemut, sâlagivaillo, aularutivaillo (Damaskusemiut) Kiremut, tokkopâlo Rezine.

10 Attanniublo Ahasib Tiglat Pilesser Assiriamiut attanning-at aularlune pachrearpa Damaskusemut. Altarelo Damaskuse-mêtok tækkogamiuk; attanniub Ahasib Altarib adsinga oktu-tingalo sorlo tamna sennajaulaungmat, tillikliutiva ajochertui-jomut Uriamut.

11 Uriablo ajochertuijub Altare sennava, taimaluatsiak sorlo Ahasib attanniub tilliklervigilaungmago Damaskusemit taimak sennava, attannek Ahase tikkikârtinago Damaskusemit.

12 Attannerlo Damaskusemit tikkiname, Altarelo tamna tækkogamiuk, tunnergutininik tunnijivok kângane.

13 Ikkilugillo kângane tunnergutine ikkoalajaksat, nerkik-sallo, kovilugolo kânganut tunnergutine immiksak tunnergutillo kujalijutiksatsat tunnijame aungit serkijartaukovait Altarib oma kânganut.

14 Altarele kannujangôjok Nalekab sângane nappajok nûk-tipa inninganit, nappakonago Altarib nutâb Nalekablo iglung-ata akkorngangne; napparpâlo Altarib sennianut tachanut.

15 Attanniublo Ahasib Uria ajochertuijok perkova, okarlu-nelo: Altareme angijome ikkitsijuksauvotit tunnergutininik ikko-alajunik uvlarme, tunnergutiniglo nerkiksanik unnungme, attan-niublo tunnergutinginik ikkoalajaksanik, nerkiksaniglo, innugi-artoksuillo nunamiut tunnergutinginik ikkoalajaksanik, tunner-gutinginiglo nerkiksanik, tunnergutinginiglo imiksanik, tunner-guttillo ikkoalajaksat, tunnerguttillo assingita aungit tamaita

serkijaraksarivattit kânganut; Altarelo kannujangôjok pivlugo sulle issumaksarsioromavunga.

16 Urialo ajochertuijok tamainik pinniarpok, perkojaunerminik attannermut Ahasemut.

17 Attanniublo Ahasib ikkovrat sennerangit serkomipait, ukkusillo akkârtipait; immarbingoarło tuktuvangoanit kannujangojunit tapsoma attânetunit akkârtipa, illivalo nettermut ujaraujomut.

18 Taimaktauk torksuk, Sabbatib torksunga kâlik, sennajaulauktok iglome, attanniublo torksunga sillatanelauktok, nuktipak Nalekab iglunganut, Assiriاميوت attanningat pivlugo.

19 Unipkautsille tamakkoa assingit Ahase pivlugo, pinniarlauktangit, ahâk, tamanna aglaksimavok Judakut attanningita aglangine.

20 Ahaselo sinnisilerpok atâtagijaminut ailune, illijartortaulunelo atâtagijamine Davidib iglugaseksoangine. Hiskialo erninga attanningorpok innangêrlugo.

KAPITEL XVII.

Kinguvarêt 10 it aularutijauningit Salmanassermut, Assiriاميوت attanninganut, Hosea attanniotillugo. Tækkorngartat nunakarput Israelitit nunangane.

AHASIB Judakut attanningata Jahringita 12ingane, Hosea Elab erninga attanningorpok Israelitinut Samariame, attanniotilunelo Jahrit 9it nâlugit.

2 Pinniarporlo Nalekab idluigijanginik, Israelitille attanningitituungitok sivorlimetut.

3 Tapsomunga Salmanasser Assiriاميوت attanningat tikkilerpok sorsuklune. Hosealo kiygangorpok tapsomunga, tunnit-sivigivâlo pilliutinik.

4 Assiriاميوتulle attanningat tukkisilerpok Hosea angerkattigêngnekartitsingmat akkerartorlugo, tillijaniglo tilliklerlaungmat Somut Egiptenemiut attanninganut, pilliutiniglo tunnijijungnaimat Assiriاميوت attanninganut sivornganetut Jahrine tamaine. Tamanna pivlugo Assiriاميوت attanningata illumava, pitipâlo kellaksorsimatillugo parngnanairsimavingmut.

5 Assiriاميوتullo attanningat tikkilerpok nunab illunanganut, Samariamullo, illumavaillo Jahrit pingasut nâvlugit.

6 Hoseablo Jahringita 9ingane Assiriاميوت attanningata Samaria salagivait, Israelitillo aularutivait Assiriاميوت, nuna-kartipaillo Halame, Haboremelo Gosanib kôngane, Mederillo iglugaseksoangine.

7 Tamannalo pilaukpok, Israelib kittorngangit idluitulli-laungmatta Nalekamut Gudemingnut, tessiorlauktomut tapkoninga Egiptenemit, Faraub Egiptenemiut attanningata agganginit, Gudiblo assingit sivoragilaungmattigik;

8 Agvertarlaukpullo nellojut, Nalekab pëjarlauktangita Israelib kittorngangita sivorngane illusingit malliklugit, sorlolo Israelitit attanningit pinniarlaungmatta.

9 Israeliblo kittorngangit angigutsivlutik illusekarput namalungitunik Nalekab Gudimik sângane, pôktojuniglo sennavut ingmingnut iglugaseksoakotimingne illunaine, nuvgosingnelo iglugaseksoarne sôngoju.

10 Nappajuniglo nappartitsivut, Gudingoaniglo kakkarulangne pôktoju illunaine, nappartullo tungojortat illunatik attâne;

11 Isserluanititsilaukpullo tagvane poktoju illunaine nellojutitut, Nalekab tapkoa sivorngane pëjarlauktangitut. Pinniarlutiglo idluitoâluntnik, Nalekab ningaksartaujutiksanginik.

12 Kivgartorlutiglo Gudeungitunik, Nalekab okarutigilauktanginik tapkonunga: Taimaitomik pinniartuksaungilase!

13 Nalekablo Israelitit Judakullo tennersarlaukpait nellautaijokotimigut illunaitigut, tækkojokotimigullo, okautsaukovaillo: Utteritse apkotipsingnit idluitunit, mallikluselo perkojamnik, innatsinimniglo; perkojat illunatik malliklugit atâtagijapsingnut perkolauktakka, tillikliutilauktakkalo illipsingnut kivgakotipkut nellautaijutigut;

14 Nalelaungilelle kongesetigle keratatipait atâtagijamiktut, okperlaungitutitut Nalekamut Gudemingnut.

15 Perkojangillo anğerningalo, atâtagijanginut angerlauktanga, tennersariningillo tunnilauktangit tapkonunga, nachogivait, agvertarlutiglo Gudingoat suksaungitut malliklugit, pinniarlutiglo suksaungitunik, nellojut malliklugit avatimingne nunakalauktut, Nalekab perkojijutigijangit tapkoninga, taipkotitunak pinniartuksaungimatta.

16 Nalekable Gudemik perkojangit illunaita kemmakpait, sennalutiglo ingmingnut nochangoangnik kovijaumajungnik, nappartuniglo; tuksiarlutiglo killaub kattimgajoksoanginut illunainut kivgartorlarmiglo Baalemik;

17 Ernitiglo pannitiglo ikkomakôrkovait, nellautailuklutiglo angakoktorlarmiglo; iggisimavullo ingminik tunnilutik Nalekab idluigijanginik, ningaksarlugo.

18 Tagva Nalekab Israelitit ningaridlalaukpait, përpaillo kênaminik; amiakokalungilak kinguvarêt Judakut assinginik.

19 Judakuttauk Nalekab Gudimik perkojangit mallilaungilait, agvertarpulle Israelitit illusingit, sennalauktangit malliklugit.

20 Tamanna pivlugo Nalekab Israelib kinguvângit illunaita

ajaektorpait, tetjarlugillo, tunnilaitalo arktaijut agganginut, egitsikârane tapkoninga kênaminut.

21 Israelitit pêrsimalaukput Davidib iglunganit; Jerobeamelô Nebatib erninga attanningortipât, tapsomalo Israelitit tunnutipait Nalekamit, idluitullitilaitalo angijoksoarmik.

22 Taimak Israelib kittorngangit agvertarlaukput Jerobeamib idluiningine sennalauktangine tamaine, allarlaungilaillo,

23 Nalegak Israelitinik pējaikârtinago kênaminut, sorlo okalaurame kivgamigut illunaitigut nellautaijutigut Taimak Israelitit nunamingnit aularutitaulaukput Assiriamut uvlok tamanna tikkilugo.

24 Assiriاميullo attanningat tikkitokarkojivok innungnik Babelemut, Kutamillo, Avamillo, Hemathemillo, Sefarfaimemillo, pitipaillo Samariab iglugaseksoanginut, Israelib kittorngangit innangêrlugit. Tapkoalo Samaria nangminiutipât iglugaseksoangillo innigilaita.

25 Nunakarnimigle pigiarneane Nalegak sivuragilaungimatsuk, Nalegak tilliklerpok Loewinik tapkoa akkornganut, tapkoa tokkotsivut akkorngane.

26 Assiriاميullo attanningat okautsaukovât: Innugiartoksuit aularutilauktavit, pitilauktavillo Samariab iglugaseksoanginut, nunab tamattoma Gudingata illusinga nellovât, tamanna pivlugo Loewit tillilaukpait akkornganut, ahâglo, tapkoa tokkopait, nunab tamattoma Gudingata illusinga illitaringimatsuk.

27 Tagva Assiriاميut attanningat perkojivok, okarlunelo: Atsileritse tagvunga ajochertuijut aularutjigilauktapse illanganik, ailerluselo nunakarluselo tagvane, tapsomalo ajochertorlerligit nunab Gudingata illusinganik.

28 Tagva ajochertuijut taipkoa Samariamit aularutilauktangita illangat tikkilerpok, nunakarlunelo Betheme, ajochertorpaillo, kannok Nalegak sivuragijaksaringmatsut.

29 Innukattigêksuille illunatik attunît Guditik sennavait, pitipaillo pôktojut iglunginut Samariاميut sennalauktanginut, innukattigêksuit illunatik iglugaseksoamingne nunagijamingne.

30 Babelemiovinît Suchot Benoth sennavât. Kutemiovinît Nergele sennavât. Hemathemiovinît Assima sennavât.

31 Avamiovinît Nibehase Tartakelo sennavâk. Sefarfaimiovinît ernitik ikkipait Adrameliche Anamelechelo Sefarfaimemiut Gudingoakotigik pivlugit.

32 Nalegarlo sivuragikassiutivat, ajochertuijungortitsivullo nellimingnik pivlutik, poktôjunetuksanik, tapkoa tunnergutinik tunnijivut pivlugit iglune pôktojunetune.

33 Taimak Nalegak sivuragivât, Gudingoakotitiglo kivgartorkassiutivait, innukattigêksuit taipkoa aularutjauvigilauktamik tamaunga illusingit malliklugit.

34 Uvlorlo tamanna tikkilugo taimailiorput, illutsit nutaungitut malliklugit Nalegak sivuragijatu arilungilât, pinniaratiglo illuserivalauktatik, piuserivalauktatiglo malliklugit, pinniaratiglo illusiokojaujut perkojallo malliklugit, Nalekab perkolauktangit Jakob, atserartaulauktub tapsomunga Israelemik, kittornganginut;

35 Nalekab angerkattigingmagit, perkolaitalo, okarlunelo: Gudib assingit sivuraginarassigik tuksiarviginagillo, kivgartorassiglo, tunijitaililuselo tunnergutinik tapkonunga;

36 Nalegarle tessiortigijase Egiptenemit, pitsartunersoarmut tallerminullo issamijomut, tamna sivuragisiuk, tuksiarvigisiuglo, tunnergutiniglo tunnitsivigisiuk;

37 Illutsillo, idluarnerillo, innatsinerillo, perkojallo aglagutigilauktangit pivluse, tapkoa malligaksarivasse, pinniatsamarlugillo; Gudiblo assingit sivuraginagit,

38 Angerkattigêngnerlo angernerilauktanga illipsingnut pui-gorniarassiuk, Gudib attingit sivuragilugit pikonase;

39 Nalegarle Gudise sivuragijaksarivasse, tapsoma piuliniarpâse omigijipse illunatik agganginit.

40 Tapkoale nalelaungilet, illutsitigle illuserilauktatik malliklugit pinniarlaukput.

41 Taimak innukattigêt tapkoa Nalegak sivuragivat, kivgartorkassutilaitalotauk Gudingoakotitik. Taimailiorlaurivut-tauk taipkoa kittorngangit erngutingillo uvlok tamanna tikkilugo, sorlo atâtagilauktangit pinniarlaungmatta.

KAPITEL XVIII.

Hiskia attannek Judakunut. Jerusalemib illumajauninga Sanneribemut.

HOSEAB Elab erningata Israelitit attanningata Jahringita pingajuane, Hiskia Ahasib Judakut attanningata erninga attanningorpok;

2 Jahrekalauporlo 25ginik attanningorame attanniotilunelo Jahrit 29it nâlugit Jerusalem. Anânanga attekalaupok Abimik, Sacharjab pannia.

3 Pinniarporlo Nalekab namagijanganik, atâtagijangatut Davidetut.

4 Pôktojut attorungnaitipait, nappajullo serkomipait, nappartullo pêjarpait, kuglugoangojartorlo kannujangôjok, Mosesib sennalauktanga tugarlugo serkaliva; nelliutok taipsona tikkilugo Israelib kittorngangita isserluanititsivigilaungmatsuk, atserartauvorlo Nehustanemik.

5 Tapsoma Nalegak Israelib Gudinga tettigiva, kingornga-

nelo Judakut attanningita illunatik akkorngane adsekalaungilak, sivurnganelauktullo akkornganêlonêt.

6 Tapsoma Nalegak ungagiva uniorksivigingilalo, perkojangillo mallikpait, Nalekab perkolauktangit Mosesemut.

7 Nalekablo aipariva; illunanelo namut aivigijamine pillori-laukpok. Assiriاميullo attanningat allârpa nalegungnailugolo.

8 Filisterillo ullimarpait Gasa tikkidlugo, asserorlugillo er-kangit, udsertortib nuvgusinganit iglugaseksuit sôngojut tikki-lugit.

9 Hiskiab Judakut attanningata Jahringita sittamangane, tagva Hoseab Elab erningata Israelitit attanningata Jahringita 7ingane, Salmanasser Assiriاميut attanningat aularlune takpaungarpok Samariamut, sorsugvigilugit, illumavaillo,

10 Sâlagivaillo Jahrit pingasut kingorngane, Hiskiab Jahringita 6ingane, tagva Hoseab Israelitit attanningata Jahringita 9ingane Samaria sâlagijauvok.

11 Assiriاميullo attanningata Israelitit aularutivait Assiri-amut, nunakartipaillo Holame Haboremelo Gosanib kôngane, Mederillo iglugaseksongine.

12 Tamanna pivlugo Nalekab Gudimik nippinga nalelaungimatsuk, angerningalo; tamaitalo Mosesib Nalekab kivgangata perkolauktangit tappagilaungmattigik, nalelaungimattigiglo, pin-niarlaungimattigilônêt.

13 Attanniuble Hiskiab Jahringita 14ingane Sanherib Assiriاميut attanningat aularlune takpaungarpok, Judakut iglugaseksongit sôngojut illunaita sorsugvigilugit, aksarnigarivaillo.

14 Tagva Hiskia Judakut attanningat tilliklerpok Assiriاميut attanninganut Lachisemut, okautsaukovalo: Idluitullilaukpunga, aularit uvamnit; tunnijaukojattit uvamnut tunnijomavakka. Tagva Assiriاميut attanningata Hiskia Judakut attanningat tunnijikova Talentenik 300 dinik Silberemik, Talentiniglo 30ginik Goldemik.

15 Taimak Hiskiab Silberit tamaita Nalekab iglungane, attanniublo iglungata perkutitalingine nachvartaumajut tunnivait.

16 Nelliutome taipsomane Hiskiab Goldit Nalekab iglungata upkoanginit nappajunillo, Hiskiab Judakut attanningata sillapartaukolauktanginit pêrpait, tunnilaitalo Assiriاميut attanninganut.

17 Assiriاميulle attanningata Tartane, Rabсарiselo Rabsakelo tillivait Lachisemit, illakarlutik kattimgajoksoarnik attannermut Hiskiamut Jerusalem, majorarlutiglo takpaungarput. Tikkinamiglo nokkarput tetsib kogvasiktub, ergortuijut perorsêvingata apkosingata sennianêtub kôvingane,

18 Attannerlo nipliarvigivât. Tagva Eliakimib Hilkiab erningata, aulatsijub, attanniub iglunganik, Sebenablo aglakpak-

tub, Joablo Assafab erningata angajokaujub aglakpaktunut annivigivait.

19 Rabsakiblo okautivait: Okaritsetôk attannermut Hiskiamut: Imâk attannersoak Assiriamiut attanningat okarpok: Tettekarnek tettigijat sunauva?

20 Okarpotit, (okautsille okauseuinauvut): Attannertuinekarpunga, sôgonekalungalo sorsungnermut. Kinale sungertutigiviuk nalegungnailauranga?

21 Ahâk tettiksakarpotit ipsomina ajaupiamik suvlulingmik, napvaujersimajomik Egiptenemik. Tapsoma kia ajækpakuniuk aggangit kappiniarpait puttorniarlailalo. Taimailingavok Farao Egiptenemiut attanningat, illunainut tettekartunut tapsomina.

22 Okautigupsingalo: Jehova Gudivut tettigivavut. Tammale tammaungilâk, Hiskiab pejaivigijanga pôktojokotinginik, Altarekotinginiglo, okalauklune Judakunut Jerusalemiunullo: Altarib oma Jerusalemê tub sângane tuksiartuksauvose?

23 Mannalo attetôk angajokara Assiriamiut attanningat angervigiuk: horsinik 2000 dinik tunnitsivigijomavagit, ablangajokartitsijungnaruvit tapkonunga.

24 Kannok uttertitsijomagalloarkit angajokangma aulatsijokotingita mikkinerpângita illanganik? Egiptenemigle sungertutekarpotit, kammuit ablangajullo horsit kângine pivlugit?

25 Issumaville, uvanga Nalegak pinago tamaungarama iglugaseksuit tamakkoa asserorlugit pikovlunga? Nalekab okautilaukpânga: Majorarit takpaunga nunamut omunga, asserorlugolo.

26 Tagva Eliakime Hilkiab erninga Sebenalo Joalo okarput Rabsakemut: Kivgatit Siriamiut okausingit attorlugit okarvigikit, tukkisigaptigik; Judillo okausingit attorlugit okarviginiaratigut, innugiartoksuit avaluksuit kâginê tut siutingita sângine.

27 Rabsakible okautivait: Angajokangma tillilaukpingale angajokângnut illingnullonêt okausekarkovlunga taimaitunik? Angutinulloungitok avaluksuit kâginetunut, illagiluse annarmingnik nerrikovlugit, itteromingniglo immerkovlugit?

28 Tagva Rabsake nangeriartorpok tagvunga, nipliarlunelo nippekôrtojomut, Judit okausingit attorlugit, okarlunelo: Tussalerit attannersub Assiriamiut attanningata okausinginik.

29 Imâk attannek okarpok: Uiverijautailititse Hiskiamut piulijungnangermasse aggamnit.

30 Mannigortautailititseto Hiskiamut Nalegak tettigivlugo pijuksaugapse, okartillugo: Nalekab piuliniarpâtigut, iglugaseksuillo makkoa tunnijauniangilet Assiriamiut attanningata agganginut.

31 Hiskia nalengniarassiuk. Imâk Assiriamiut attanningat okarmat: Ullapirsautekarkattigissinga, annivigilungalo, tagva illunase attunit, nerrijuksauvose nappartokotipsingnit Weine-

liksamit, Feigeliksamillo, immertuksauluselo immektârvikotip-singnit;

32 Tikkikârtinanga ailuselo nunamut, nunapse adsinganut, pittalingmut kakkojaksanik, Weinelihsablo paungangita iptingnik, kakkojamiglo, perorsêvingniglo nappartolingnik Weinelihsanik, nappartuniglo orksulingnik, orksuniglo, igupsaujartullo orksunginik, innokovluse tokkokonnaselo. Hiskia nalengniar-rassiuik, tapsoma uiveringmasse, okarlune: Nalekab piuliniarpâtigut.

33 Innukattigêksuit assipse Gudingita attunît nunakotitik piulilaurivattigik Assiriاميوت attanningata agganginit?

34 Hemathemiut Arpamiullo Gudingit nanêkat? Sefarfai-memiut Henamiut, Iwamiullo Gudingit nanekât? Samaria piulilaurivattigik aggamnit?

35 Nelliangovât illunatik Gudingita akkorngane, nunakotim-ingnik piuliklerlauktut aggamnit, Nalekab Jerusalem piulijak-sariniarmagit aggamnit?

36 Innugiartoksulle niplilaungilet, kiolungilâllo sunamik; attannek perkojilaungmat, okalaungmallo: Kioniarassiuik.

37 Tagva Eliakimib Hiskiab erningata aulatsijub attanniub iglunganik, Sebenablo aglakpaktub, Joab Assafib erningata angajokaujub aglakpaktunut, Hiskia tikkipât annoralijarlutik alliksimajunik, unipkautivâllo Rabsakib okausinginik.

KAPITEL XIX.

Assiriاميوت annaujauningit Nalekab Engelinganut.

ATTANNIUBLE Hiskiab tamakkoa tussaramigit, anorâne alikpait, pôngmiglo attitipok, ailunelo Nalekab iglunganut,

2 Tillivaillo Eliakime aulatsijok attanniub iglunganik Sebenalo aglakpaktok, ajochertuijut angajuklit illagilugit, pôngnik attisimavlutik, nellautaijomut Jesaiasemut, Amozib erninganut,

3 Tapkoalo okautivât: Imâk Hiskiasse okarpok: Tamanna uvlôvok kappianartolik, suartauneliglo, okarnerlungneliglo; nutakkat tikkisimavut erniviksak tikkilugo, nukkekalungilarlo ernijungnarnermut.

4 Imakkâ Nalekab Gudivit tussaromangmangagit Rabsakib okausingit illunaita, tillijaumajub angajokaminut Assiriاميوت attanninganut, Gude omatsainartok mittautigilugo, suarlugolo okautsinut, Nalekab Gudivit tussarlauktanginut. Tagva igvit amiakojut sulle innugiartoksoarnit tuksiarutigilaukit.

5 Taimaglo attanniub Hiskiab kivgangit Jesaiasemut tikkiput.

6 Jesaiasiblo okautivait: Angajokase okautisiuk: Imâk

Nalegak okarpok: Okautsit tussarlauktatit Assiriاميut attanningata nukapiakotingita okarnerlutigijangit uvammik, sivuragi-niarnagit pît.

7 Ahâk annernermik tunnitsivigijomavara, tussaumajamiglo tussartuksauvok, uttertuksaulunelo nunaminut; saviksoarmullo ochotitsomavara nunangane.

8 Rabsakelo utterpok, Assiriاميullo attanningat naipipa sorsuktillugo Libnamut; tussarlaurame Lachisemit aularsima-ninganik.

9 Tagva Tirhaka Aetiopiاميut attanningat pivlugo tussar-pok: Ahâk aularpok sorsugvigijomavlutit. Tagva ama tillijat tillivait Hiskiamut, okautsaukovalo:

10 Imâk Hiskia Judakut attanningat okautisiuk: Uiveri-jautailitit Gudekotingnut tettigijarnut okarlutit: Jerusaleme tunnijauniængilet Assiriاميut agganginut.

11 Ahâk, tussarlaukpotit Assiriاميut attanningita pinniar-ninginik nunanut illunainut, kannok nungutilaungmattigik; ig-villo piulijaujuksaunajarkît?

12 Innukattigêksuit assipse, atâtagilauktama asserorlauk-tangita Gudingita piulilaukpattigik? Gosanemiut, Haranemiut, Rezufemiut, Edeniblo kittorngangita, Telassaremelaunktut?

13 Nanêkât Hemathemiut attanningat, Arpademiullo attan-ningat, iglugaseksuillo Sefarfaimemik attiggit attannertangat, Hanablo, Ivablo?

14 Hiskiablo aglait tamakkoa tiguvaît tillijab agganginit, attuarpaillo, majorarlunelo Nalekab iglunganut, issivipaillo Nalekab sânaganut:

15 Hiskialo tuksiarpok Nalekab sânagane okarlunelo: Nale-gak Israelib Gudinga, Kerubimit kângine iksivajotit, igvit Gu-detôvotit attanniovingnut nunamêtunut illunainut, igvit killang-mik nunamiglo pingortitsilaukpotit.

16 Nalegak siutikik mannîkik tussalaurillo, ijîkik utilaukik tækkolutillo, tussarlaukillo Sanherib okausingit, tillikliutilauk-tangit tamaunga, Gude omatsainartok mittautigijomavlugo.

17 Nellagorpok Nalegak, Assiriاميut attanningita innukatti-gêksuit nunangillo, asserorlaukpait saviksoarmut,

18 Gudingillo egilaukpait ikkomamut; Gudeolaungimatta, innuille aggangita pinniarnerivait, kejugôvlutik ujarauvlutiglo; taipkoa nungutilaukpait.

19 Mannale Nalegak Gudivut ikajorlauktiguttôk taipsoma agganginut, attanniovit nunamêtut illunamassiatik illitarksiler-kovlugit, igvit Nalegak Gudetôgavit.

20 Tagva Jesaiase, Amozib erninga, tilliklerpok Hiskiamut, okautsaukolâlo: Imâk Nalegak Israelib Gudinga okarpok: Tuk-siarnerilauktatit uvammut, Sanheribe Assiriاميut attanningat pivlugo, tussarlaukpacka.

21 Imaipullo Nalekab okauserijangit tamna pivlugo: Uiga-sub Zionib panningata nachogivâtit, mittautigilutillo; panniojub Jerusalemib kingunerne, illekettamarutigivâtit.

22 Kina mittautigilaukiuk, okarnerlutigilugolo? Kina nip-pekautigilaukiuk? Ijikik torartilaukpakik kôngmut Heiligeojomut Israelemetomut.

23 Tillijakotikut Nalegak mittautigilaukpat, okalauklutillo: Kamutekotimnut unnuktojunut, kakkat pôktoninganut majorarpunga Libanonib sivinganingane; Cederekotingillo pôktojut, Cipressekotingillo annerimajut nakkarpakka, tikkitsomalungalo kigiliveringita sinniktarvinganut tikkilugo, Karmelib nappartunganut.

24 Uvanga poagrearpunga immerlungalo imiksanik tækkorng-ârtanik, ittikkamalo tullerninganut Egiptenemiut kôksoangit il-lunaita ipteriliktipakka.

25 Tussarlaungilatille uvanga tamanna itsaksoarme taimai-lingatilaupapko, pigiarnermelo kajusimautigiumijarapko? Manna tikkikolaukpara, asseroikovlutit iglugaseksoarnik sôngojunik, ujarangortilugit kallerêktunik patsalungajunik,

26 Innungillo nukkingêrotitauvlutik mungungalaukput kang-usuktitautiltiglo; iviksukatitut naternametutitut-ilerlaukput, perorsijatitullo tungojortutitut, iviksukatitullo iglut kânginêttutitut, kunnulertutitut innerkârtinagit.

27 Nunakarnille, annivaktarnillo, itternerivaktarnillo kau-jimavakka, pikablâvigigamgalo.

28 Pikablâvigigamgale, pingijainillo kôngmuarsimangmat siutimnut, tamanna pivlugo suvlolikotimnik illijijomavunga king-arnut, kingmiarakotimniglo kannernut, uttertitsomavagillo apko-tigilauktakut tamaunga.

29 Tamannalo nellonaikutiksarivat: Jahreme tamattomane nerrijuksauvose ingminik perorlauktunik; Jahriblo aipangane ingminik nuijomârtunik; Jahriglo pingajuangne karngasoileritse kattersoilerluselo, Weineliksaniglo illiorkaileritse, nerriluselo paunganginik.

30 Piulijaumajullo, amiakullo Judakunit ama amâkarniari-vut attimingne, paungakaromârlutiglo kollimingne.

31 Jerusalemit anniniarmatta amiakut, piulijaumajullo Zio-nib kakkanganit. Nalekab Zebaothib illungertorninga tamatto-minga pinniarpok.

32 Tamanna pivlugo Nalekab Assiriاميوت attanningat okau-tigiva imâk: Tikkituksaungilak iglugaseksuit makkoa illuanut, kargjullo attauserlonêt pittiksautijaksaringila illuanut, sappu-lutaksarlo attauserlonêt tikkituksaungilak sivurânut, tallulior-tuksaungilarlo avatane;

33 Apkomele tikkivigijamine tamaunga uttertüksauvok, tik-

kituksaungilarlo iglugaseksuit tamakkoa illuanut, Nalegab okau-serilaukpa.

34 Uvangalo iglugaseksuit makkoa serngnigijomavakka piu-lijomalugillo pivlunga, kivgaralo Davide pivlugo.

35 Unnuarmelo tapsomane Nalekab Engelinga annivok an-naulernilunelo Assiriamiut tangmârvingane, angutinik 185000 dinik. Uvlarârsukullo makkilaungmatta, ahâk, tagva nellajo-kalaukpok illunane timinik tokkungajuinarnik.

36 Tagva Sanheribe Assiriamiut attanningat parngnailerpok, aularlunelo utterlarmelo, nokkangalunelo Niniveme.

37 Gudimelo Nisrochib iglungane tuksiartillugo ernekita Adramelechib Sarezeriblo ullimarpâk saviksoarmut, kemâvuglo nunamut Araratemik attellingmut. Erningalo Asserhadon attanningorpok innangêrlugo.

KAPITEL XX.

Hiskiâb kannimaninganik, âkiktauninganiglo tattamnadlartomik. Tokkunganiglo.

NELLIUTOME taipsomane Hiskia kannimalaukpok tokkoa-jarlune. Nellautaijublo Jesaiasib, Amozib erningata tikkipa, okautilâlo: Imâk Nalegak okarpok: Iglokotit oppalungaijaruk tokkoniaravit, nekkornersauniangilatillo.

2 Tapsomale kênane sâtipa iglub sennerânut, tuksiarlunelo Nalekamut, okarlunelo:

3 Erkailaurittôk Nalegak! sângne nertornarlunga agvertar-laurama, omamullo nellagôrtomut, pinniarlauramalo namagijar-nik! Hiskialo kugviudlallaukpok.

4 Jesaiasele iglugaseksuit kerkanginit annilerkârtinago sulle, Nalekab okausingata tikkipa, okarlunelo:

5 Utterit, Hiskialo innukotima attanningat okautiuk: Imâk Nalegak atâtavit Davidib Gudinga okarpok: Tuksiarnit tussar-laukpara, kugvitillo tækkolaukpakka. Ahâk, pijungnaititsoma-vagit; uvlut pingajuane majorarlutit takpaungalârpotit Nalekab iglunganut;

6 Innôserilauktarnullo illautitsijomavunga Jahrinik 15 nik, piulijomavagillo, iglugaseksuillo tamakkoa, Assiriamiut attan-ningata agganginit, iglugaseksuillo tamakkoa serngnigijoma-vakka pivlunga, kivgaralo Davide pivlugo.

7 Jesaiaselo okarpok: Kaitsileritse Feigemik makpasima-jomik; kaitsivullo, illilâlo soggomut; nekkoksilaukporlo.

8 Hiskiâble Jesaiase okautiva: Kannoêtomik nellonaikute-karka Nalekab pijungnaitiniarmanga, uvlut pingajuane takpaunga Nalekab iglunganut itterlârama?

9 Jesaiase okarpok: Tamanna nellonaikutariuk Nalekamit, Nalegak pinniarmat okauserijamitut: tachak tittarnik tillimau-jortunik uttertuksauva, sivumuartuksauvalonêt?

10 Hiskia okarpok: Ajornangilak tachak sivumuarkovlugo tittarnik 10 nik; tamanna pijomalungilara, uttimuartsauvorle tittarnik 10 nik.

11 Tagva nellautaijub Jesaiasib Nalegak nipliarvigiva, tap-somalo tachak uttimuartipa tittarnik 10 nik, akkakârlauktok Ahasib sekkerngoakotingata tikkutâne.

12 Nelliutome tapsomane Berodachib Baladanib, Baleda-mib erningata erningata Babelemiut attanningata aglait pilliutiksallo tillikliutivait Hiskiamut, tussaraurame Hiskia kannima-laungmat.

13 Hiskiable kuviasukattigivait, iglolo perkotitalik tamât tækkojautipa tapkonunga, Silbere Goldelo, mingoarutiksallo, orksuglo pivianartok, innelo sakkutalik, tamaitalo perkotitali-kotiminelauktut. Pittakalaungilarlo sunamik tapsoma iglungane nalegauvinganelo tamât, Hiskiab tækkojautilaungitanganik tap-konunga.

14 Tagva Jesaiase nellautaijok tikkipok attannermut Hiski-amut, okautilâlo: Kannok angutit taipkoa okalaukat? Nakillo tikkilaukatit? Hiskia okarpok: Nunamit ungasiktomit tikki-laukpânga, Babelemit.

15 Tamna okarpok: Sunamik tækkolaukat iglungne? Hiskia okarpok: Tamaita iglumnêtut tækkolaukpait; perkutitalikotim-nelo, pittakangilak sunamik, tækkojautilaungitamnik taipko-nunga.

16 Tagva Jesaiasib Hiskia okautiva: Nalekab okausingit tussarkit:

17 Ahâk, nelliutijomârpok, tamaita iglungnêtut atâtagilauk-tavillo kattessorlauktangit uvlok tamanna tikkilugo, aularudsau-jomârmatta Babelemit; amiakokarkojaujomângilarlo sunamik, Nalegak okarpok.

18 Taimaktauk ernitit illingnit pijut, ernitarijomârtatit, ti-gujaujomârput kivgaukovlugit Babelemiut attanningata iglokso-angane.

19 Hiskiale okarpok Jesaiasemut: Nalekab okausingit okauserimajangit namakput. Okarivorlo: Ullapirsautekartuinarletók, nertornarnekarlelo innôtillunga!

20 Unipkausit tamakkoa assingit Hiskia pivlugo, sôngo-ningalo tamât, pinniarlauktangillo, tetserlo, kôgvillo koktitsi-jutigilauktangit immermik iglugaseksornut, ahâk tamanna ag-laksimavok Judakut attanningita aglangine.

21 Hiskialo sinnisilerpok, atâtagijaminut ailune. Manasselo erninga attanningorpok innangêrlugo.

KAPITEL XXI.

Manasse, Amonelo attanniôjulk Judame.

MANNASSE Jahrekalaupok 12 inik attanningorame, attannio-tilunelo Jahrit 55 git nâlugit Jerusaleme. Anânanga attekalaupok Hefzibamik.

2 Pinniarporlo Nalekab idluigijanganik, innukattigêksuit Nalekab pêjarlauptangita Israelib kittorngangita sivorngane, makkojungnartulliningit malliklugit;

3 Pôktojullo atâtangata asserorlauptangit sennapsarivait, Altarillo sennavait Baalemut, nappartuniglo Gudioalainik âkiksoivok, sorlo Ahabe Israelitit attanningat pinnialaungmat, killangmiogaseksuillo tamaita (uvloritsat) tuksiarvigivait kivgatorlaitalo.

4 Altarillo sennavait Nalekab iglungane, Nalekab okautigilauptangane: Jerusalemut attera pititsomavara.

5 Uvloriagaseksuornullo illunainut Altarinik sennavok Nalekab iglungata innigingne avaluliorsimajungne tamangne.

6 Erninelo ikkomakôrkova, tingmitjello nipjarningit nello-naikutallo kammagivait, angakoktorlunelo nellautainarluklarmelo, pinniarporlo unnuktunik Nalekab idluigijanganik, ningaksarlugo.

7 Gudioarlotauk sennalauptane pitipa iglomut tapsumunga, Nalekab okautigilauptanganut Davidemut, Salomomullo: Iglomut tamattomunga, Jerusalemullo, annerimajamnut Israelib kinguvarênginit tamainit, attera pititsomavara soraijuitomik,

8 Israelitillo ittiggangit aularkojomairpakka nunamit tunnilauptamnit atâtagilauptanginut, kissianele kammatsiarpatta, pinniarpattalo tamaita perkolauptakka malliklugit, perkoyallo tamaita malliklugit, kivgama Mosesib perkolauptangit tapkoninga.

9 Nalelaungilelle; Mannassible uiverivait sugaluluarkovlugit innukattigêksuornit, Nalekab pêjarlauptanginit Israelib kittorngangita sivorngane.

10 Tagva Nalegak okalavok kivgamigut nellautaijutigut okarlunelo:

11 Taimaimat Manassib Judakut attanningata makkojungnartut tamakkoa pinniarlaungmagit, sugaluluartut Amoriterit sivornganelauptut makkojungnartullininginit tamainit, Judakullo idluitullitilaungmagittauk Gudioakotiminut.

12 Tamanna pivlugo Nalegak Israelib Gudioa okarpok imâk: Ahâk, kannoêtomik kaitsijomavunga Jerusalemut, Judamullo, tamattomunga tussarniartub tapsoma siutigik aviojiniartuksaungmanik.

13 Jerusalemele nokakservalleromavakka Samariab nokakservallautinganut, Ahabiblo iglungata nausaikotinganut; Jerusalemele nâvitsomavakka, sorlo pogutak nâvitaungmat, pussititsomavakkalo;

14 Kingormgutijamalo amiakungit kemagomavakka; tunnijomalaitalo omigijingita agganginut, aksarnigaukovlugit, ivajarijaukovlugillo omigijinginut illunainut.

15 Tamanna pivlugo, pinniarlaungmatta idluigijamnik, ningaksarlaukpângalo uvlormit taipsomangamit atâtagilauktangit Egiptenemit aularlaungmatta uvlok tamanna tikkilugo.

16 Manasselo kovisilaurivoktauk aungnik passijaksaungitunik unnuktunik, nâmatitsilerkârtinnago Jerusalemik tamattomunga; idluitulliningita senniatigut idluitullititsijutigijangita Judakunik, pinniarkovlugit Nalekab idluigijanginik.

17 Unipkautsit tamakkoa assingit Manasse pivlugo, tamaitalo pinniarlauktangit, ahâk, tamakkoa aglaksimavut Judakut attanningita aglangine.

18 Manasselo sinnisilerpok atatagijaminut ailune, illijartortaulunelo perorsêvingme iglome kiglinganêtome, tagva Usab perorsêvingane. Erningalo Amon attanningorpok innangêrlugo.

19 Amon Jahrekalaupok 22 ginik attanningorame, attanriotilunelo Jahrik magguk nâvlugik Jerusaleme. Anânanga attekalaupok Mesulemetemik, Harozib pannia, Jatbamiovinek.

20 Pinniarporlo Nalekab idluigijanginik, sorlo atâtanga Manasse pinniarlaungmat.

21 Agvertarmarikporlo apkome, atâtame agvertarvigilauktangane; kivgartorpaillo Gudingoat atâtame kivgartorlauktangit, tuksiarvigilaitalo.

22 Kemmakpâlo Nalegak, atâtagilauktame Gudingat, agvertarlungilarlo Nalekab apkosiningane.

23 Kivgangillo angerkattigêngnekartitsivut Amon akkerartorlugo, tokkopâllo attannek iglungane.

24 Innugiartoksuille nuname ullimârpait illunaita angerkattigêngnekartitsilauktut attannek Amon akkerartorlugo. Nunablo innugiartoksoangita erninga Josia attanningortipât innangêrlugo.

25 Amoniblo pinniarningita assingit, ahâk, tamakkoa aglaksimavut Judakut attanningita aglangine.

26 Illijartortauvorlo illuvikotiminut, Usab perorsêvikotinganêtomut. Erningalo Josia attanningorpok innangêrlugo.

KAPITEL XXII.

Attannek Josia. Tempelið sujungaititauninga.

JOSIA Jahrekalaupkok sittamaujortunik attanningorame, attanniotilunelo Jahrit 31 git nálugit Jerusaleme. Anânanga attekalaupkok Jedidamik, Adajab pannia Bazkatemiovinek.

2 Pinniarporlo Nalekab namagijanganik, agvertarporlo atâtagijame Davidið, apkosiningane tamât, senniagôrlungilarlo talterpingmullonêt saumingmullonêt.

3 Attanniublo Josiab Jahringita 18 ingane, attanniub tilliva Safan, Azaljab Mesulamib erningata erninga, aglakpaktok, Nalekab iglunganut okarlunelo:

4 Majorarit ajochertuijersoarmut Hilkiambut, tunnijkovlugo kênaujanik Nalekab iglunganut âtaumajunik, upkoat udsertertingita kattorsorlauktanginik innugiartoksoarnit;

5 Tunnijaukovlugillo aulatsikojaujut sullijaksanik Nalekab iglungane, agganginut, tunnijkovlugit tapkoninga, sennajunut Nalekab iglungane, iglub sujuksimaningit âkiksorlugit pikovlugit;

6 Tagva igluliortunut, sennajunut, karmaliortunullo, pissiniartuksaujunullo kejunnik ujarkaniglo ullimarsimajunik, iglub âkiktaujutiksanganut illingajunik;

7 Kissiane appertsortaukonnagit kenaujat agganginut tunnijaujut pivlugit, nertornarlutik pinniarmatta.

8 Tagva Hilkiab ajochertuijoksub Safan, aglakpaktok okautiva: Aglait perkojaktaggit nachvarlaukpakka Nalekab iglungane. Hilkiablo aglait tapkoa tunnivait Safanemut attuarsikovlugo tapkoninga.

9 Safaniblo aglakpaktub âpait attannermut, unipkautivâlo mattominga, okarlunelo: Kivgakotivit kênaujat iglumelauktut navilaukpait, tunnilaupkaillo aulatsijut sullijaksanik agganginut, perkojaumajut tamattomunga Nalekab iglungane.

10 Safaniblo aglakpaktub attannek unipkautiva okarlunelo: Hilkiab ajochertuijub aglangnik tunitsivigilaupkânga. Safaniblo attuaripait attanniub sângane.

11 Attanniuble aglait perkojaktaggit okâusertangit tussaramigit, annorane allikpait.

12 Attanniublo Hilkiab ajochertuijok, Ahikamelo Safanib erninga, Achborelo Michajub erninga, Safanelo aglakpaktok, Asajalo attanniub kivganga perkovait, okarlunelo:

13 Nalegak apperiartorsiuk pivlunga innugiartoksuillo pivlugit, Judakullo illuêngarlutik pivlugit, aglait tapkoa nachvartaumajut okausertangit pitjutigællugit; Nalekab ningausinga illungertorutigijavut angijoksongmat, tamanna pivlugo, atâtagi-

javut nalelaungimatta aglait tapkoa okausertanginik, pinniaratiglo tamainik aglaksimajunik tapkonane.

14 Tagva Hilkia ajochertuijok, Ahikamelo, Achborelo, Safanelo, Asajalo aivut nellautaijomut arnamut Huldmut, Sallumib, Tikvab erningata Harhamib udsertortub anorânik erningata nullianganut, (iglokarporlo Jerusalemib abvakungata aipangine) okarvigivâlo.

15 Tapsomalo okautivait: Imâk Nalegak Israelib Gudinga okarpok: Angut tillijise uvamnut okarvigisiuk:

16 Imâk Nalegak okarpok: Kannoëtomik kaitsijomavunga iglugaseksoarnut makkonunga, innunginullo, perkojat Judakut attanningata attuarlauktangita okausertanginik tamainik.

17 Tamanna pivlugo, kemmalaungmanga, Gudiblo assingit isserluanititsivigilaungmattigik, ningaksaromavlunga aggarmik pinniarninginut tamainut; tamanna pivlugo illungertornera iglugaseksuit tamakkoa pivlugit, ikkoalavok, kamitauniangilarlo.

18 Judakulle attanningat tillijise Nalegak appertsorlugo, imâk okautijaksarivasse: Imâk Nalegak Israelib Gudinga okarpok:

19 Tamanna pivlugo, omattit auksititaulaungmat okautsinut tussarlauktarnut, nikkanarsarlauravillo illingnik Nalekab sângane, tussarlauravit okauserilauktannik, iglugaseksuit tamakkoa innungillo pitjutigællugit, asserortaujuksaungmatta, ominarsijaujuksaungmattalo, annorakotitillo allilaurangne, kugviorlauravillo sâmmen; tagva uvanga tussarlaurivara, Nalegak okarpok.

20 Tamanna pivlugo atâtagijarnut illaliutitsomavagit, ullapirsautekarlutillo illuvingnut illautitaujuksauvotit, ijkijillo kannoëtut tamaita tækkojaksaringilait tikkerkojomârtakka iglugaseksoarnut tamakkonunga. Tapkoalo tamakkoa okautigivait attannermut.

KAPITEL XXIII.

Josiab attuartauvojininga perkojanik, serkomitsiningalo Gudingoanik; tokkungalo.

ATTANNERLO tilliklerpok, kattikovaillo ingminut Judakut Jerusalemiullo angajuklingit illunaita.

2 Attannerlo majorarpok takpaunga Nalekab iglunganut, Judakullo angutingita Jerusalemiullo illunatik illagivât, ajochertuijut nellautaijullo, innugiartoksuillo illunatik, mikkijut angijullo; siutingitalo sângine aglait angerkattigêgniggit, nachvar-taumlauktut Nalekab iglungane okausertangit illunaita attauvut.

3 Attannerlo nangerpok nappajut illangane, angerkattigèng-nekartitsivorlo Nalekab sângane, Nalegak malliklugo agvertaromagamik, perkojangillo, illusiokojangillo, idluarijangillo maligomavlugit, omamut tamânut, tarnemullo tamânut, angerkattigèngnerub oma okausertangit aglaksimajut aglangne tamakkonane nellautsitsomavlugit. Innugiartoksuillo illunatik angerkattigèkput.

4 Attanniublo ajochertuijersoak Hilkia, ajochertuijullo nukardlit, upkuallo udsertortingit perkovait, annitsijuksaungmatta Nalekab Tempelinganit, perkutinik tamainik sennajaulauktunik Baalelo Astarotelo, uvloriagaseksuillo pivlugit. Ikkipaillo Jerusalemib sillatâne naksarme Kidroneme; argsangillo âtauvut Bethelemut.

5 Gudioallo ajochertuijokotingit Judakut attanningita tagvanekolauktangit, isserluanititsikovlugit pôktôjune, Judakullo iglugaseksoangine, Jerusalemiblo avatâne, pejarpait; tapkoalo isserluanititsijut Baalelo, sekkinerlo, takkerlo Planetillo, uvloriagaseksuit tamaita pivlugit.

6 Gudioallo annitaukovait Nalekab iglunganit Jerusalemib sillatânut, kôngmut Kidronemut, ikkipaillo kôngme Kidroneme, serkalitilaitalo sanningortilugit, sanningillo kângarsorpait innuit erkanangitut illuvingita kânginut.

7 Ajortullijullo iglungit Nalekab iglungata tunganelauktut, itseliorviolauktullo arnanut, Gudioanut, imitipait.

8 Ajochertuijullo illunaita Judakut iglugaseksoanginit tikki-kovait, pôktôjullo, ajochertuijut isserluanititsivigilauktangit ivsornartipait, Gebamit Berseba tikkilugo; poktôjullo itterviksuit sângine asserorpait, tamnalotauk Josuab iglugaseksuit angajokaunerôjungata iglungata sânganelauktok, iglugaseksuit ittervingata saumianêlauktok.

9 Pôktôjulle ajochertuijungit tunnergutunik tunnijilaungilet, Nalekab Altarekotingane Jerusalemêtome, nerrivulle kakkojanik sêrnakangitunik kattangutimik akkorgane.

10 Tofetelo ivsornartipatauk Hinnomib kittorngangita nak-sanganêtok, kinalonêt ernerninik panniminiglonêt ikkomakorkojikonnago Moloche pivlugo.

11 Horsillo pejarpait Judakut attanningita tunnergutaulauktangit sekkinermut, pitilauktangit Nalekab iglungata ittervianut, Nethanmelichib iglugaseksuit aiparusinganêtub inningata sanganut; sekkerngublo kammutingit ikkipait.

12 Altarillo Ahasib iglungata kângane Judakut attanningita sennalauktangit, Altarillo Manassib sennalauktangit, Nalekab iglungata innigingne avaluliorsimajungne, attanniub serkomipait, akpangerdlunelo sanningit egipait kôngmut Kidronemut.

13 Poktojuttauk Jerusalemib sivuranêlauktut, kakkab Mas-hitib attiggub tallerpianêlauktut, Salomob Israelitit attanning-

ata sennalauktangit, Asthorete Zidonemiut makkojungnartokotingat pivlugo, Kamoselo Moabiterit makkojungnartokotingat pivlugo, Milkomelo Ammonib kittorngangita makkojungnartokotingat pivlugo, attanniub ivsornartipait,

14 Nappajullo serkomipait, nappartullo pëjarpait, inningillo nâmatipait innuit sauninginut.

15 Taimaktauk Altare Bethелеme, pôktôjok Jerobeamib Nebatib erningata Israelitinik idluitullititsilauktub sennalauktanga, Altare tamna, pôktojorlo serkomipâk; pôktojorlo ikkipa, saningortilâlo, nappajullo Gudingoat ikkipait.

16 Josialo keviarpok tækkolaitalo illuvît tagvane kakkame-lauktut, tillikilunelo, saunillo illuvingnêlauktut aijaukovait, ikkipaillo Altarib kângane, ivsornartipâlo, Nalekab okausingit, Gudib angutekotingata nipliarlauktangit, tamattominga nipliarlauktub, malliklugit.

17 Okarporlo: Illuvek tækkojara kannoêka? Iglugaseksuillo innungita okautivât: Tagva Gudib angutekotingata illuvinga Judamit tikkilauktub nipliadlalaubtublo tamattominga pinniarnerijarnik Altaremut Bethelemêtomut.

18 Okarporlo: Taimailingale, sauningit ullapitauniaratik kinamut. Taimak taipsoma sauningit piulijaulaukput, nellautaijub Samariamit tikkilauktub sauningit illagællugit.

19 Poktojullo iglungit illunaita Samariab iglugaseksoangine, Israelitit attanningita sennalauktangit Nalekamik ningaksailutik, pëjarpaittauk; taimaluatsiamiglo piinniarvigivait, sorlo Bethelēme pinniarlaungmat.

20 Poktojullo ajochertuijungit, tagvanelauktut tunnergutau-tipait Altarit kângine, taimaglo innuit sauningit ikkipait kângine. Taimaglo utterpok Jerusalem.

21 Attanniublo innugiartoksuut perkovait okarlunelo: Passamik attoleritse Nalekamut Gudipsingnut, sorlo aglaksimangmat aglangne, angerkattigêngnelingne.

22 Passa taimaitok attortaulaungimat idluarsaijut nelluiningit, Israelitinik idluarsailauktut, Israelitillo attanningita Judakullo attanningita nelluiningine.

23 Attanniuble Josiab Jahringita 18 ingane Passa tamanna attortaulaukpok, Nalegak pivlugo Jerusalem.

24 Taimaktauk Josiab nellautainerluktut illunaita, angakullo, adsingoallo, Gudioallo, makkojungnartullo illunaita, Judæame Jerusalemelo tækkojaulauktut, pëjarpait, perkojat okausertangit nellautsitsomavlugit aglaksimajut aglangne, Hilkiab ajochertuijub nachvarlauktangine Nalekab iglungane.

25 Attannekalaungilarlo adsinganik tapsoma sivorngane, taimak omamut tamânut, tarnemullo tamânut, pitsartunermullo tamânut sâlauktomik Nalekamut, Mosesib perkojangit tamaita malliklugit; tapsomalo kingorgane adsinga sakkijarlaunginivok.

26 Sullele Nalekab ningarnime illungertudlarninga, Judakunik ningarutijame, allarlungila, ningaksainerit tamaita pivlugit, Manassib ningaksaijutigijangit tapsomina.

27 Nalegarlo okarpok: Judakut pëjaromagivakka kënama sânganit, sorlo Israelitit pëjarlaurapkit; iglugaseksuillo makkoa annerilauktakka egitsomavakka, tagva Jerusalem, iglolo okautigilauktara: Attera tagvanêtuksauvok.

28 Unipkautsille tamakkoa assingit Josia pivlugo, ahâk, tamanna aglaksimavok Judakut attanningita aglangine.

29 Tapsoma nelliuningane Faraon Necho Egiptenemiut attanningat takpaungarpok, koksoarmut Fratemut Assiriemiut attanningat sorsugvigijomavlugo. Attanniuble Josiab aularlune pachrearpa, tokkolunelo Meggidome, tækkolaukârdlugo.

30 Kivgakotingitalo tokkungatillugo aularutivât Meggidomit, âlâllo Jerusalem, illijartorpâllo illuvanganut. Nunablo innungita Joahas, Josiab erninga tiguvât mingoarlâllo, attanningortipâllo atâtanga innangêrlugo.

31 Joahas Jahrekalaupok 23 ginik attanningorame, attanniotilunelo takkit pingasut nâlugit Jerusaleme. Anânanga attekalaupok Hamutalemik, Jeremiab pannia Libnamiovinek.

32 Pinniarporlo Nalekab idluigijanginik, sorlo atâtagilauktangit pinniarlaungmatta.

33 Faraoble Nechob kellaksortaukova Riblateme nuname Hemathemik attelingme, attaniojungnaikovlugo Jerusaleme, nunalo akkilêkova Talentinik 100 dinik Silberemik, Talentemiglo attautsemik Goldemik.

34 Faraublô Nechob Eliakime Josiab erninga attanningortipa atâtanga innangêrlugo, attingalo ablatsangortipa Jojakimemut. Joahasele neksarpa, âlâlo Egiptenemut, tagvane tokkolaukpok.

35 Jojakimiblo Silbere, Goldelo tamakkoa tunnivait Faraomut; nunamiulle tunnijkovait, Silbere tamanna tunnijungnarlugo, Faraub perkojanga malliklugo; attunit perkutingit malliklugit nunab innungit tunnijkovait Silberemik Goldemiglo, tunnijomavlugit Faraomut Nechomut.

36 Jojakime Jahrekalaupok 25 ginik attanningorame, attanniotilunelo Jahrit 11 it nâlugit Jerusaleme. Anânanga attekalaupok Sebudamik, Pedajab pannia Rumamiovinek.

37 Pinniarporlo Nalekab idluigijanginik, sorlo atâtagijangit pinniarlaungmatta.

KAPITEL XXIV.

Jojakime, Jojachine, Zedekialo attanît Judakunut.

Jerusalemib illujaumaninga.

TAPSOMA nelliuningane majorarlune takpaungarpok Nebukadnezar Babelib attannertanga; Jojakimiblo nalekpa Jahrit pingasut nâvlugit; allârpale nalegungnailugolo.

2 Tagva Nalekab tikkitaukovait sorsuktuksanut Kaldæamit, Siriamillo, Moabemillo, Amoniblo kittornganginit, tapkoa tillivait Judæamut, asseroikovlugit tamattominga, Nalekab okausingit malliklugit, okauserilauktangit kivgamigut nellautajutigit.

3 Nalekab okausingit malliklugit kissiane Judakut taimak pinniariövut, kênaminut pëjaromangmagit, Mannassib idluitulliningit pivlugit, pinniarlauktangit.

4 Auk passijaksaungitok kovilauktanga pivlugotauk, Jerusalemelo nâmatilaungmagit aungmut passijaksaungitomot, Nalekab issumagijungnaivigijomalaungilait.

5 Unipkautsille tamakkôa assingit Jojakime pivlugo, tamaitalo pinniarlauktangit, ahâk tamanna aglaksimavok Judakut attanningita aglangine.

6 Jojakimelo sinnisilerpok atâtagijaminut ailune; erningalo Jojachin attanningorpok innangêrlugo.

7 Egiptenemiullo attanningat aularungnairpok nunaminit; Babelemiut attanningata aksarlaungmago tamainik Egiptenemint attanningata pigijanginik, Egiptenib kônganit, kôk Frate tikkilugo.

8 Jojachin Jahrekalaupok 18 nik attanningorame, attanniotilunelo takkit pingasut nâlugit Jerusaleme. Anânanga attekalaupok Nehustamik Elnatanib pannia Jerusalemit.

9 Pinniarporlo Nalekab idluigijanginik, sorlo atâtanga pinniarlaungmat.

10 Nelliutome taipsomane Nebukadnezarib Babelemiut attanningata kivgangit majorarlutik takpaungarput Jerusalemut, tikkilutiglo iglugaseksoarnut, talluliorutiksalijarlutik.

11 Nebukadnezarelo Babelemiut attanningat tikkipok iglugaseksoarnut, kivgangit iglugaseksoarnik illumajitillugit.

12 Jojachinele Judakut attanningat annivok Babelemiut attanninganut, anânane, kivgakotinelô, angajokakotinelô, aulatsijokotinelô illagællugit. Babelemiullo attanningata tiguva attannionime Jahringita 8 ingane;

13 Tiguvaillo tagvangat Nalekab iglunganit, attanniublo

iglunganit, perkutit pivianartut tamaita, illulerkutillo Goldeôjut Salomob Israelitit attanningata sennajaukolauktangit Nalekab Tempelinganut, serkomipait, sorlo Nalegak okalaungmat.

14 Aularutivaillo Jerusalemiut illuêngarlutik, angajokajat illunaita, sorsuktuksat illunaita, parngnanaigutsaumajut 10000 dit, igloliortut illunaita, sabviortullo illunaita; amiakokarkojilungilarlo nunab innunginik erkananginerpangojunik kissianik.

15 Aularutivâlo Jojachin Babelemut, attanniublo anânanga, attanniublo nulliangit, angajokakotingillo; tapkoalo illaliudlugit sôngojut nuname parngnanaigutsauvlutik aularutikassiutivait Jerusalemit Babelemut.

16 Innuillo erkanarnerpât 7000dit, igluliortullo, sabviortullo 1000 dit, sorsugungnartut, unatadlarnermut piojut illunaita; tapkoa Babelemiut attanningata parngnanaigutsauvlutik âpait Babelemut.

17 Babelemiullo attanningata Methanja, akkanga, attanningortipa innangêrlugo, attingalo ablatsangortipa Zedekiamut.

18 Zedekia Jahrekalaupok 21 ginik attanningorame, attanniotilunelo Jahrit 11 it nâvlugit Jerusaleme. Anânanga attekalaupok Hamitalemik Jeremiab pannia Libnamiovinek.

19 Pinniarporlo Nalekab idluigijanginik, sorlo Jojakime piniarlaungmat.

20 Nalekable ningarninga pitjutigællugo, Jerusalemiut Judakullo taimailiortitaulaupkut ajæktuikârtinane tapkoninga kênaminit. Zedekiablo Babelemiut attanningat nalegungnailerpa.

KAPITEL XXV.

Iglugaseksuit Jerusalemið serkomitauningit; innugiartoksuillo aularutsauningit Babelemut.

PIJOKALAUKPORLO attannioningata Jahringita 9 ingane, takkit 10ingata uvlungita 10ingane, tagva Nebukadnezar Babelemiut attanningata sorsuktuksaksoakotine tamaita illagællugit tikkipok Jerusalemut; illumavaillo, talluliorlaitalo.

2 Taimak iglugaseksuit illujaumalaukuput Zedekiab attannioningata Jahringita 11ingat tikkidlugo.

3 Takkillo 4ingata uvlungita 9ingane kâksoak angijororpalliavok iglugaseksoarne, nerkiksakalungilarlo nunab innugiartoksoanginut.

4 Iglugaseksuillo pittaktauvut, sorsuktuksallo illunatik unuarne kemâvut itterviksoakut attanniub perorsevingata avalukita akkorngangnetokut. Kaldæerille iglugaseksuit avatâne-laukuput. Attannerlo kemmâvok apkosinerne naternamut to-rartome.

5 Kaldæerillo sorsuktuksaksoangita attannek udlapât, angulâllo Jerichub naternangane, sorsuktuksaksoakotingillo illunatik siamalerput tapsomangat.

6 Tapkoalo attannek tiguvât, aularutivâllo takpaunga Babelemiut attanninganut Riblatemut; kakkimiojutigivlugo illingajuksauninga okautigivât.

7 Zedekiablo kittorngangit tokkopait ijikita sângangne, ijigiglo tautugungnaitipakit, kellaksorlâllo kellaumgujanut aularutivâllo Babelemut.

8 Takkillo 5ingata uvlungita 7ingane, tagva Nebukadnezarib Jahringita 19ingane, Nebusaradan sorsuktuksat angajokaksoangat, Babelemiut attanningata kivganga, Jerusalem tikkipok,

9 Ikkipaillo Nalekab iglunga, attanniublo iglunga, iglullo illunaita Jerusaleme, iglullo angijut illunaita ikkipait.

10 Kaldæerillo kattimgajoksoangita, sorsuktuksat angajokaksoanganetut Jerusalemib avaluksoangit serkomipait.

11 Innugiartoksuille amiakungit iglugaseksoarne, kemâlauktullo Babelemiut attanninganut, innugiartoksuillo assingita amiakungit, Nebusaradanib sorsuktuksat angajokangata aularutivait.

12 Nunamiullo erkananginerpânginit sorsuktuksat angajokangata illangit nokkarkovait, perorsévilerijiokovlugit Weineliksani, kakkojaksaniglo.

13 Kaldæerillo nappajut kannujaujut, Nalekab iglunganêlauktut, ikkovrallo, immarbingoarlo kannujaujok, Nalekab iglungane serkomipait, kannujangillo aularutivait Babelemut.

14 Ukkusillo, poargitillo, sâvillo, allupsautillo, illulerkutillo kannujaujut, kivgartornermut attortaulauktut tiguvait.

15 Taimaktauk sorsuktuksat angajokangata, êlikautit, kallutaujallo, illulerkutillo Goldeôjut, Silbereôjullo tiguvait.

16 Nappajûk, immarbingoarlo, ikkovrallo, Salomob sennalauktangit, Nalekab iglunganut; illulerkutit tamakkoa tamaita kannujangit kiktitarlugit ajornalaukpok.

17 Nappajûk aipa tallitut 18tut poktôtigijolaukpok, niakojartungalo kânganêtok kannujaulaurivok, tallitullo pingasotut pôktotigijôlaukpok, nulluangoakalaukporlo, paungâlungoakalar-melo, Granatenik attelingnik, niakojartub avatane, illunâllo kannujaulaukpok, nappajûglo aipanga, taimailingalaurivok nulluangoat illaliudlugit.

18 Sorsuktuksallo angajokangata tiguva ajochertuije Seraja, sivurliojit illangat, ajochertuijorlo Zefanja tuglit illangat, udsertortullo upkoanik pingasut,

19 Iglugaseksoarnillo angajokaksuit illangat, angajokangor-titaumajok sorsuktuksanut, angutillo tellimat, attanniub najuganetsainarlauktut, naipitaumajut iglugaseksoarne, Soferelo

sorsuktuksaksoakattigêt angajokangat, innugiartoksoarnik nuna-me illinniartitsijok sorsungnermik, angutillo 60git nunab in-nunginit, iglugaseksoarne naipitaumajut;

20 Tapkoa Nebusaradanib sorsuktuksat angajokaunerojung-ata tiguvait, âpaillo Babelemiut attanninganut Riblatemut.

21 Babelemiullo attanningata ullimârlugit tokkopait Ribla-teme, Hematib nunanganetome. Taimak Judakut aularutitau-malaukput nunakotimingnit.

22 Innugiartoksuille amiakunginut nuname, Nebukadnezarib Babelemiut attanningata amiakokojanginut, Gedalja Ahikamib Safanib erningata erninga angajokangortipa.

23 Sorsuktuksallo angajokangit illunatik, angutillo tapko-nanêtut tussaramik, Babelemiut attanningata Gedalja angajo-kangortimago nunamut, tikkiput Gedaljamut Mizpamut, tapkoa: Ismael, Nethanjab erninga, Johananelo Kareab erninga, Sera-jalo Thanhumetib erninga, Netofatemiovinek, Jaesanjalo, Mae-chatib erninga, angutekotitik illagilugit.

24 Gedaljablo tapkoa angutekotingillo angermarikpait, okautilaitalo; Sivuratailititse Kaldæamiut naleklugit; nunamê-tuaritse, Babelemiullo attanningat naleksiuk, tagva pilloringni-arpose.

25 Takkille 7ingane Ismaele, Nethanjab Elisamab erning-ata erninga attanniub kinguvanginit pijok, tikkipok, angutit 10 illagilugit, Gedaljalo ullimârlugo tokkopât, tappilugillo Judit, Kaldæerillo tapsomanêlauktut Mizpame.

26 Tagva innugiartoksuit illunatik mikkijut angijullo, sor-suktuksallo angajokangit parngnailerput, aularlutiglo Egiptene-mut; Kaldæerit illimagigamigit.


27 Jahrilla 37ingane Jojachin, Judakut attanningat aula-rudsaulaukârdlune, takkit 12ingata uvlungita 27ingane Evil-Merodachib Babelemiut attanningata, attannionime Jahringita sivorlingane, Jojachimib Judakut attanningata niakunga kivik-pa parngnanairsimavingmit,

28 Illanaksarlunelo okarkattigiva, iksivautangalo sivorlio-tipa attannît tapsomanêlauktut Babeleme illunatik iksivautang-init;

29 Annorairkovalo parngnanêrsimavingmêsiutinginik; nerri-markattauntsainarlaukporlo tapsoma sângane innôsingane tamât.

30 Nerkiksangillo attoriakartangit, nerkiksat pijariakatsai-nartangit tunnitsiviôlaukpok attannermut, uvlut tamaita, innô-singane tamât.

KRONIKAB AGLANGITA SIVURLINGIT.



KAPITEL I.

Kinguvarêt Adamemit Jako tikkilugo.

- ADAM, Seth, Enos,
 2 Kenan, Mahalaleel, Jared,
 3 Henoch, Methusala, Lamech,
 4 Noa, Sem, Ham, Jafet.
 5 Jafetib erningit tapkoangôvut: Gomer, Magog, Medai, Javan, Tubal, Mesech, Tiras.
 6 Gomeriblo erningit tapkoangôvut: Askenas, Rifat, Togarma
 7 Javanib erningit tapkoangôvut: Elisa, Tarsisa, Kitime, Dodanime.
 8 Hamiblo erningit tapkoangôvut: Kus, Mizraime, Put, Kanaan.
 9 Kusiblo erningit tapkoangôvut: Seba, Hevila, Sabta, Ragema, Sabtecha. Ragemable erningit tapkoangôvuk: Scheba, Dedanelo.
 10 Kusiblo Nimrod ernetariva; tamna angutaudlalerlaupok nuname.
 11 Mizramiblo ernetarivait: Ludime, Anamime, Lehabime, Naftuhime,
 12 Patrusime, Kasluhime, (tapsomangat Filisterit pivut.) Kaftorimelo.
 13 Kanaaniblo ernetarivait Zidon, erniangokârtane, Hetelo,
 14 Jebuselo, Amorilo, Girgosilo,
 15 Hevilo, Arkilo, Sinilo,
 16 Arvadilo, Zemarilo, Hematilo.
 17 Semib erningit tapkoangôvut: Elame, Assur, Arfasat, Lud, Arame, Uz, Hul, Geter, Masech.
 18 Arfasatiblo ernetariva Sala; Salablo ernetariva Eber.
 19 Eberelo ernetarpok maggungnik, aipanga attekalaupok

Pelegemik, tapsoma nelliuningane nuna aviktaulaungmat, tapsomalo nukanga Jaktanemik attekalaupok.

20 Jaktaniblo ernetarivait Almodad, Saleflo, Hazarmafetelo, Jaralo,

21 Hadoramelo, Usallo, Diklalo,

22 Ebalelo, Abimaello, Schebalo,

23 Ofirelo, Hevilalo, Jobabelo. Tapkoa illunaita Jaktanib ernerivait.

24 Sem, Arfasat, Sala,

25 Eber, Peleg, Regu,

26 Serug, Nahor, Tara,

27 Abram, tagva Abraham.

28 Abrahamib ernigik tapkoangôvuk: Isaak Ismaelelo.

29 Tamadsa tapkoa kinguvangit: Ismaelib ernerikârtanga Nebajot, Kedarelo, Adbeello, Mibsamelo,

30 Mismalo, Dumalo, Masalo, Hadadelo, Temalo,

31 Jeturelo, Nafiselo, Kedmalo. Tapkoa Ismaelib ernerivait.

32 Keturablo, Abrahamib pannervgangata erningit: erniari-vait, Simrame, Jaksanelo, Medanelo, Midianelo, Jesbakelo, Sualo. Jaksaniblo ernigik tapkoangôvuk: Scheba Dedanelo.

33 Midianiblo erningit tapkoangôvut: Efa, Efer, Henoch, Abida, Eldaa. Tapkoa illunaita Keturab ernerivait.

34 Abrahamiblo Isaak ernetariva. Isaakiblo ernigik tapkoangôvuk: Esau, Israelelo.

35 Esaub erningit tapkoangôvut: Elifas, Reguel, Jeus, Jaelamelo, Koralo.

36 Elifasib erningit tapkoangôvut: Teman, Omarelo, Zefילו, Gartamelo, Kenaselo, Timnalo, Amalekelo.

37 Reguelib erningit tapkoangôvut: Nahat, Seralo, Samma, Misalo,

38 Seirib erningit tapkoangôvut: Lotan, Sobalelo, Zibeonelo, Analo, Disonelo, Ezerelo, Disanelo.

39 Lotanib erningit tapkoangôvut: Hori, Homamelo; Lothaniblo Timna najagilaukpa.

40 Sobalib erningit tapkoangôvut: Alian, Manahatelo, Ebalo, Sefilo, Onamelo. Zibeonib ernigik tapkoangôvuk: Aja, Analo.

41 Anab erninga: Dison. Disonib erningit tapkoangôvut: Hamrame, Esbanelo, Jetranelo, Keranelo.

42 Ezerib erningit tapkoangôvut: Bilhan, Saevanelo, Jaekanelo. Disanib ernigik tapkoangôvuk: Uz, Aranelo.

43 Tamadsa attannît, attanniotikârlauktut Edomiterit nungane, attannît illangat attanniotikârtinago Israelib kittorngangita akkorngane: Bela, Beorib erninga; iglugaseksoakotingillo attekalaupok Dinhabamik.

44 Belalo tokkungmat Jobabe, Serab erninga Bazramiok attanningorpok innangêdlugo.

45 Jobabelo tokkungmat, Husame Temaniterit nunanganit pijok attanningorpok innangêrlugo.

46 Husamelo tokkungmat, Hadad Bedadib erninga, Midianiterinik ullimarniktok, Moabiterit naternangane, attanningorpok innangêrlugo; iglugaseksoakotingillo attekalauput Avitemik.

47 Hadade tokkungmat Samla Masrekemiok innangêrlugo attanningorpok.

48 Samla tokkungmat, Saul Rehobotemit kôngmetomit pijok innangêrlugo attanningorpok.

49 Saulelo tokkungmat, Baal Hanan, Achborib erninga innangêrlugo attanningorpok.

50 Baal Hananelo tokkungmat Hadad attanningorpok innangêrdlugo, iglugaseksoakotingillo attekalauput Pagimik; nulliangalo, Matredib Mesahab panningata pannia, attekalaupok Mahetabeelemik.

51 Hadadele tokkungmat, angajokangôrput Edomeme: Angajokâk Timna, angajokâk Alia, angajokâk Jetet,

52 Angajokâk Ahalibama, angajokâk Ela, angajokâk Pinon,

53 Angajokâk Kenas, angajokâk Teman, angajokâk Mibzar,

54 Angajokâk Magdiel, angajokâk Irame. Tamadsa angajokait Edomeme.

KAPITEL II.

Jakob Judablo erningit.

TAMADSA Israelib erningit: Ruben, Simeon, Levi, Juda, Isaschar, Sebulon,

2 Dan, Josef, Benjamin, Naftali, Gad, Asser.

3 Judab erningit tapkoangôvut: Ger, Onan, Sela. Tapkoa pingasut ernetarivait Kanaanemiomit Suab panninganit. Gerele Judab erninga ernerikârtanga idluilaukpokj Nalekab sângane, tamanna pivlugo tokkopâ.

4 Thamarible ukkoangata erniarivâk tapsomunga, Perez, Seralo; taimak Judab erningit tellimaungmatta.

5 Perezib ernigik tapkoangôvuk: Hezron, Hamullo.

6 Serable erningit tapkoangôvut: Simri, Etan, Heman, Kalkol, Dara. Tapkoa kattilugit tellimauput.

7 Karmib erninga Achaneôvok, kiksartitsilauktok Israelitnik, nungutaksaujomik tigusilaurame.

8 Etanib erninga, Asarjaôlaukpok.

9 Hezroniblo erningit, erniangomajut tapsomunga, tapkoangôvut: Jerameel, Ramelo, Kalubailo.

10 Ramiblo Aminadabe ernetariva. Aminadab, Nahasson ernetariva, angajokaulauktok Judakunut.

11. Nahassonib Salma ernetariva. Salmab Boase ernetariva.
12. Boasib Obed ernetariva. Obedib Isai ernetariva.
13. Isaiblo Eliabe ernine ernerikártane ernetariva, Abinadabelo tuglek, Simealo pingajoat,
14. Nethaneelelo sittamangat, Raddailo tellimangat,
15. Ozemelo pingasojoat, Davidelo 7ingat.
16. Tapkoalo najakit tapkoangôvuk: Zeruja Abigailelo. Zerujab erningit tapkoangôvut: Abisai, Joabe, Asahelo, tapkoa pingasut.
17. Abigailable Amasa erniariva. Amasable atâtanga Jetercôlaukpok Ismailib kinguvânginit pijok.
18. Kalelo Hezronib erninga ernetârpok Asubamit nulliaminit, Jerigotemillo; tamadsalo tapsoma (Asubab) erningit: Jesser, Sobabelo, Ardonelo.
19. Asubale tokkungmat, Kaleb Efrate nullianikpa; tapsoma Hur erniariva tapsomunga.
20. Hurib Uri ernetariva, Uriblo Bezaleel ernetariva.
21. Kingorngane Hezronib Machirib Gileadib atâtangata pannia innangakattigiva; nullianikpalo Jahrekarlune 60ginik; tapsomalo Segube erniariva tapsomunga.
22. Segublo Jair ernetariva, tamna iglugaseksoakalaukpok 23ginik Gileadib nunangane.
23. Tiguvaillo Gesur, Aramelo, Jairiblo iglugasengit, tappilugillo Kenat aiparusingillo, iglugaseksuit 60git. Tapkoa illunaita Machirib Gileadib atâtangata ernerivait.
24. Hezronelo tokkolaukârmat Kale Efratame, nulliangata Abiab erniariva tapsomunga Ashur, Tekoab atâtanga.
25. Jerameeliblo Hezronib ernerikártangata erningit, tapkoangôlaukput: Sivurlek Ram, Bunalo, Ozemelo, Ahjalo.
26. Jerameelo nulliakalaukpok sulle assianik, Ataramik atelingmik, tamna anânavok Onamemut.
27. Ramiblo Jerameelib ernerikártangata erningit tapkoangôlaukput: Maaz, Jaminelo, Ekerelo.
28. Onamiblo ernigik tapkoangôlaukpuk: Samai, Jadalo. Samaiblo ernigik tapkoangôlaukpuk: Nadabe, Abisurelo.
29. Abisuriblo nullianga attekalaukpok Abihailemik, tapsoma erniarivak tapsomunga Achban, Molidelo.
30. Nadabiblo ernigik tapkoangôvuk: Seled, Appaimelo; Seledelo tokkovok kittorngakarane.
31. Appaimiblo erninga, Jeseiôvok. Jeseib erninga Sesaneôvok; Sesanib erninga Ahelaiôvok.
32. Jadable Samaib nukangata ernigik tapkoangôvuk: Jeter, Jonathanelo. Jeterelo tokkovok kittorngakarane.
33. Jonathaniblo ernigik tapkoangôvuk: Pelet, Sasalo. Tagva Jerameelib erningit.

34 Sesanele ernekarane pannekalaukpok. Sesanelo kivga-kalaukpok Egiptenemiomik, Jarhamik attelingmik.

35 Sesaniblo Jarha kivgane tunnitsivigiva panniminik, nuliangôkovlugo tapsomunga, tapsoma erniariva tapsomunga Atai.

36 Ataiblo ernetariva Nathan. Nathaniblo ernetariva Sabade.

37 Sabadiblo ernetariva Eflal. Eflaliblo ernetariva Obed.

38 Obediblo ernetariva Jehu. Jehublo ernetariva Asarja.

39 Asarjablo ernetariva Halez. Haleziblo ernetariva Elleasa.

40 Elleasablo ernetariva Sissemal. Sisemaiblo ernetariva Sallume.

41 Sallumiblo ernetariva Jekamia. Jekamiablo ernetariva Elisama.

42 Kaleblo Jerameelib nukangata erningit tapkoangôvut: Mesa ernerikârtanga, tamna Sifib atâtagiva, Maresablo Hebronib atâtangata erningit.

43 Hebroniblo erningit tapkoangôvut: Kora, Tapualo, Rekemelo, Samalo.

44 Samablo ernetariva Rahame, Jarkaamib atâtanga. Rekemib ernetariva Samai.

45 Samaib erninga attekalaukpok Maonemik. Maoniblo Betzur erneriva.

46 Efablo Kaleb pannervgangata erniarivait Haran, Mozalo, Gaseselo. Haraniblo Gases ernetariva.

47 Jadaiblo erningit tapkoangôvut: Rekeme, Jothamelo, Gesanelo, Peletelo, Efalo, Saafelo.

48 Maechable Kaleb pannervgangata erniarivak Seber Tirhenalo.

49 Ernriarivaglo Saaf, Madmanab atâtanga, Sevalo, Machbenab, Gibeablo atâtangak. Kaleblo pannia Achsaualaukpok.

50 Tamadsa manna Kaleb erningit: Hur, erniangokârtok Efratemit; Sobal, Kiriattjearimib atâtanga;

51 Salma, Bethlehemib atâtanga; Haref, Bethgaderib atâtanga.

52 Sobalelo Kiriattjearimib atâtanga, ernekalaukpok: Haroemik, Hazimiglo, Hamenuhotemiglo.

53 Kinguvarêllo Kiriattjearimemit pijut tapkoangôvut: Jethemiut, Putemiullo, Sumatemiullo, Mizraimiullo. Tapkonangallo pilaukput, Zaregamiut, Esthaholemiullo.

54 Salmablo erningit Bethlehemeôvok, Netofatemiullo, Atarot, Beth Joab, Manatemiullo ketterkangit Zaraitemiojut.

55 Aglakpaktullo Jabezeme nunakalauktut kinguvarêngit tapkoangôvut, Tireatemiut, Simeatemiullo, Suchatemiullo. Tagva Kiniterit Hamatemit pimmajut, Bethrechab atâtanganit.

KAPITEL III.

Davidib erningit. Judakullo attanningit.

TAMADSA Davidib erningit erniangolauktut tapsomunga Hebrone: Sivorlek, Ammon, Ahinoamit Jesreelemiovinermit; tuglek Daniel Abigailemit Karmelemiojomit;

2 Pingajoat Absalome Macchab, Talmaib attanniojub Gesureme panningata erninga; sittamangat Adonia, Ilagithib erninga;

3 Tellimangat Safatja, Abitalemit; pingasojoat Jetreama, nulliaminit Eglamit.

4 Tapkoa pingasojortut erniangovut tapsomunga Hebrone; Jahrit 7 it takkillo 6 it nâlugit attanniotigame tagvane, Jerusalemele attanniôtilaukpok Jahrit 33 git nâlugit.

5 Tapkoalo erniangôvut tapsomunga Jerusaleme: Simea, Sobabe, Nathan, Salomo, tapkoa sittamat Bathsuamit Amielib panninganit;

6 Tapkoalo tappilugit, Jebehar, Elisama, Elifalet,

7 Noga, Nefeg, Japia,

8 Elisama, Eliada, Elifalet, tapkoa 9 it.

9 Tagva Davidib erningit, pannervgat erningit illautinagit. Thamarelo najagilaukpât.

10 Salomob erninga Rehabeameôlaukpok, tapsoma erninga Abiaôlaukpok, tapsoma erninga Assaôlaukpok, tapsoma erninga Josafateôlaukpok,

11 Tapsoma erninga Jorameôlaukpok, tapsoma erninga Ahasjaôlaukpok, tapsomalo erninga Joaseôlaukpok,

12 Tapsomalo erninga Amaziaôlaukpok, tapsoma erninga Asarjaôlaukpok, tapsoma erninga Jothameôlaukpok,

13 Tapsoma erninga Ahaseôlaukpok, tapsoma erninga Hiskiaôlaukpok, tapsoma erninga Manasseôlaukpok,

14 Tapsoma erninga Ammoneôlaukpok, tapsoma erninga Josiaôlaukpok.

15 Josiab erningit tapkoangôlaukput: Sivorlek Johanan, tuglek Jojakim, pingajoat Zedekia, sittamangat Sallume.

16 Jojakimiblo erninga Jechanjaôlaukpok, tapsomalo erninga Zedekiangôlaukpok.

17 Jechanjablo parngnanêrsortamalauktub erningit tapkoangôlaukput: Sealthiel,

18 Malchirame, Fadaja, Seneazar, Jekamja, Hosama, Nedabja.

19 Fadajab ernigik tapkoangôvuk: Zerubabel, Simeilo.

Zerubabelib ernigik tapkoangôlaukpuk: Mesullame, Hananjalo, najangâglo Selomitheolaukpok;

20 Tapkoalo tappilugit, Hasuba, Ohel, Berechja, Hasadja, Josabhesed, tapkoa tellimat.

21 Hananjablo ernigik tapkoangôlaukpuk: Platja, Jesajalo; tapsoma erninga Refajaôlaukpok, tapsomalo erninga Arnanau-laukpok, tapsomalo erninga Obadjaolaukpok, tapsomalo erninga Sachanjaôlaukpok.

22 Sachanjable erninga Semajaulaukpok. Semajablo erningit tapkoangôlaukput: Hattus, Jegeal, Baria, Nearja, Safat, Sesa, tapkoa 6it.

23 Nearjablo erningit tapkoangôlaukput: Elioenai, Hiskia, Asrikam, tapkoa pingasut.

24 Elioenablo erningit tapkoangolaukput: Hodaja, Elia-sibe, Plaja, Akube, Johanan, Delaja, Anani, tapkoa 7it.

KAPITEL IV.

Judab Simeoniblo kinguvangit.

JUDAB erningit tapkoangôlaukput: Perez, Hezron, Karmi, Hur, Sobalelo.

2 Reajablo Sobalib erningata Jahate ernetariva. Jahatib Ahumai Lahadelo ernetarivâk. Tagva kinguvarêt Zaregate-miut.

3 Tapkoalo atâtamit Etamemit pivut: Jesreel, Jesma, Jed-baselo; tapkoalo najangat Hazlelponimik attekalaukpok;

4 Pnuelelo, Gedorib atâtanga; Eserelo Husab atâtanga. Tagva Hurib erningit, erniangokârtub Efratemit, Bethlehemib atâtangata.

5 Ashurelo Tekoab atâtanga nulliakalaukpok maggungnik, Helleamik, Naeramiglo.

6 Naerablo erniarivait tapsomunga Ahusamik, Heferemiglo, Temnimiglo, Ahastaremiglo. Tagva Naerab erningit.

7 Helleablo erningit tapkoangôlaukput: Zerete, Jezoharelo, Etnanelo.

8 Hoziblo ernetarivait, Anube, Hazobealo, Aharheliblo kinguvarêngit, Harumib erningata.

9 Jabezelo opigijaunersaulaukpok kattangutiminit; anâng-atalo atserarpa Jabezemik, okarame: Siorniudlarlunga erniarilaukpara.

10 Jabezelo niplialaukpok Israelib Gudinganut, okarlunelo: Pitsartutilaungatôk, kighilervigalo anginersautilugo, aggakpillo illaginiarlinga, kannoêtomullo tikkitautailitilunga, ânertaukon-nanga tapsomunga. Gudiblo tuksiararijanga tikkerkova.

11 Kalublo Suhab nukangata Mehira ernetariva, tagva Estonib atâtanga.

12 Estoniblo ernetarivait Betrafa, Passealo, Tehinalo, iglugaseksuit Nahasemik attiggit atâtangat, tagva angutit Rechamit pijut.

13 Kenasib ernigik tapkoangôvuk: Athniel, Serajalo. Athnieliblo erninga Hathateôlaukpok.

14 Meonothaiblo ernetariva Ofra. Serajablo ernetariva Joabe, iglulioritut naksangata atâtanga, iglulioriteôngmatta.

15 Kaleblo Jefunnib erningata erningit tapkoangôvut: Iru, Elalo, Naamlo. Elab erninga Kenaseôlaukpok.

16 Jehaleeliblo erningit tapkoangôlaukput: Sif, Sifalo, Tirjalo, Asareello.

17 Esrablo erningit tapkoangôlaukput: Jether, Meredelo, Eferelo, Jalonelo, Taharelo, Mirjamlo illaliudlugo, Samailo, Jesbalo, Esthemoab atâtanga.

18 Nulliangatalo Judijab Jared erniariva, Gedorib atâtanga Heberelo, Sochob atâtanga, Jekuthiello, Sanoab atâtanga. Tagva Bitfab Faraub panningata, Maredib nullianilauktangata erningit.

19 Arnablo Hodijab Nahab najangata Kegilab atâtangata erningit tapkoangôlaukput: Garmi Esthemoalo Maechitemiok.

20 Simonib erningit tapkoangôlaukput: Ammon, Rinnalo, Benhananlo, Tilonelo. Jeseib ernigik tapkoangolaukpuk: Sohet, Bensohetelo.

21 Selablo Judab erningata erningit tapkoangôlaukput: Er, Lechab atâtanga, Laedalo, Maresab atâtanga, uvineruksaijaliortillo kinguvarêngit, Asbeakut akkorngane.

22 Taimaktauk Jokime, angutillo Kosbeamit pijut, Joase, Sarafelo attanniotijut Moabemiunut, Jasubi-Lehemiunullo, sorlo unipkautsit nutaungitut okarmatta.

23 Machaliorteôlaukput, tapkoalo nunakalauktut perortut avaluliorsimajut akkorngane; tagvane nunakalaukput attannerme, tapsoma sullijaksangit pinniarlugit.

24 Simeonib kinguvangit tapkoangôlaukput: Nemuel, Jaminelo, Jaribelo, Seralo, Saulelo,

25 Tapsoma erninga Sallumeôlaukpok, tapsoma erninga Mipsameôlaukpok, tapsoma erninga Mismaôlaukpok.

26 Mismablo erninga Hamueleôlaukpok; tapsoma erninga Zahureôlaukpok, tapsoma erninga Simeioôlaukpok,

27 Simeilo ernëkalaukpok 16nik, pannekalarmelo 6nik, katangutingillo unnuktunik kittorngakalaungilet; abvakungille il-lunatik taimak unnuksivallialaungilet Judab kittorngangititut.

28 Nunakalaukpulle Bersebame, Moladamelo, Hazar-Sualemelo,

29 Bilhamelo, Ezememelo, Tolademelo,

30 Bethuelemelo, Harmamelo, Ziklagemelo,

31 Bethmarchabotemelo, Hazarsusimemelo, Bethbireimelo, Saraaimemelo. Tagva taipkoa iglugaseksuokit, attannek Davide tikkilugo.

32 Iglugasengit tapkoangôlaukput: Ethan, Ainelô, Rimmon, Tochenelo, Asanelo, iglugaseksuit tellimait.

33 Aiparusingillo, iglugasait, iglugaseksuit makkoa avatanelauktut Baal tikkilugit; tagva tapkoa inningit abvakungillo.

34 Mesobabelo, Jamlechelo, Josalo, Amaziab erninga,

35 Joello, Jehulo, Josibjab Serajab erningata, Asielib erningata erninga,

36 Elioenailo, Jakobalo, Josohalo, Asajalo, Adiello, Ismeello, Benajalo,

37 Sisalo Sifeib erninga, Allonib erningata, Jedajab erningata, Simrib erningata, Semajab erningata.

38 Tapkoa attanniôlaukput illamik akkorngane, abvakungillo siamarlaukput unnuksivalliavlutik.

39 Aularpullo Gedoremot nâksab kittâ tikkilugo, nerripkauteliksarsiorlutik saugakotimingnut;

40 Nerripkautiksarsivullo unnuktunik ânâniglo, nunasilutiglo nerrotôjomik, kassungajomiglo, akluinartomiglo; sivurngane Hanib kinguvângit tagvane nunakalaungmata.

41 Tapkoalo manna attingittigut aglaksimajut, tikkiput Hisiab Judakut attamingata nelliuningane, ullimarpaillo tuppungit innungillo naipitaumajut tagvane, nungupaillo uvlok tamanna tikkilugo, nunakarlutiglo tagvane taipkoa innangêrlugit; nerripkautiksakarmat tagvane saukanut.

42 Tapkonangallo Simonib erninginit 500 dit aularput Seirib kakkanginut, angajokatik Platja, Nearja, Refajalo, Usiello Jeseib erningit illagilugit,

43 Ullimarpaillo Amalekiterit amiakungit kemmâjut; nunakarlutiglo tagvane, uvlok tamanna tikkidluglo.

KAPITEL V.

Rubenib, Gadiblo, Manassiëblo kinguvângit.

RUBENIB Israelib ernerikârtangata erningit (erniangokârto-laungmat, tamattomungale atâtame innangavia ivsornartilaungmago, erniangokârtoninga tunnijaulaukpok Josefib, Israelib erningata erninginut; tamnalo erniangokârtonasugijaulaungilak;

2 Judale sôngojolauktok kattangutime âkkorngane attanni-onermik tunnitsiviôlaukpok, Josefele erniangokârnermik.)

3 Taimak Rubenib Israelib ernerikârtangata erningit tapkoangôvut: Hanoeh, Pallulo, Hezronelo, Karmilo.

4 Joeliblo erninga Semajaulaupok, tapsoma erninga Goge-ôlaukpok, tapsoma erninga Šimeiōlaukpok.

5 Tapsoma erninga Michaôlaukpok, tapsoma erninga Reajaulaupok, tapsoma erninga Baalôlaukpok,

6 Tapsoma erninga Beeraôlaukpok, Tiglat Pilnesseremut, Assiriاميut attanninganut aularutitaulauktok; angajokaulauporle Rubenekut akkorngane.

7 Tapsomalo kattangutingit kittitauvlutik kinguvâtik maliklugit, angajokakalaukput, Jejelemik, Sacharjamiglo.

8 Belalo Asanib erninga, Semab erningata, Joelib erningata nunakalaukpok Aroereme, Nebo, Baal-Meonelo tikkilugik.

9 Nunakalaukporlo unane sunakajuitok tikkidlugo, kôb Fratib miksane, nergjutekotingit unnuktolaungmatta Gileadib nunangane.

10 Sauliblo nelliuningane unatarput Hagariterinut, ochotitauvullo tapkoa agganginut, tuppungillo innigivait Gileadib kittâne illunane.

11 Gadible erningit nunakalaukput taipkoa senniane nuna-me Basaneme, Salcha tikkidlugo.

12 Joel angajokaunerôjok, Šafanelo tuglia, Jaenai, Safatelo Basaneme.

13 Kattangutingitalo atâtangit tapkoangôvut: Michael, Mesulamelo, Seballo, Jorailo, Jaekanelo, Sialo, Eberelo, tapkoa 7 it.

14 Tamadsa Abihailib erningit, Hurib erningata, Jaroab erningata, Gileadib erningata, Michaelib erningata, Jesisaib erningata, Jadob erningata, Busib erningata.

15 Ahi Abdielib Gunib erningata erninga angajokaulaupok tapkoa atâtangita iglunginut,

16 Nunakalaukpullo Gileademe Basanemêtome, iglogasenginelo, Saroniblo aiparusine illunaine kiglilervingit tikkidlugit.

17 Tapkoa illunatik kinguvarêkotitik malliklugit kittitau-mavut Jothamib Judakut attanningata nelliuningane, Jerobeamiblo Israelitit attanningata nelliuningane.

18 Rubenib erningit, Gadiblo erningit kinguvarêllo Manassekut ketterkangit, angutaujut tapkonangat sorsugungnartut, sappulutalijartut, saviksoahijartullo, pittiksaniglo kellusijungnartut, unatarnemiglo illisimajut, tapkoa 44760 ôlaukput, tapkoa aularput unatadlarnernmut.

19 Unatadlarpaillo Hagariterit, Jeturelo, Nafeselo, Nodabelo.

20 Ikajortaulaupullo tapkoa akkerartorungnarlugit, Hagariterillo illagijangillo illunaita tunnijauvut agganginut. Gudemut nipliarmatta sorsungnerme; tapsomalo tussarpait, tetti-gingmatsuk.

21 Aularutivaillo taipkoa nergjutekotingit, Kamelit 5000 dit,

saukello 250000 dit, siutekoktojut 2000 dit, innuillo 100000 dit.

22 Ullimarsimajut unnuktut ochungmatta, unatadlarnek Gudemit pingmat. Nunakarpullo tagvane taipkoa innangêrdlugit, nelliutok parngnanairsortauviat tikkidlugo.

23 Kinguvarêllo Manassekut ketterkangita kittorngangit nunakalaukput nuname, Basanemit, Baal Hermon tikkilugo. Seniremelo kakkamelo Hermoneme, unnuktolaukput.

24 Tamadsalo tapkoa atâtangita iglungita angajokangit: Efer, Jesei, Eliel, Asriel, Jeremia, Hodawja, Jadiel, angutaudlartut, angutillo nertornartut, angajokaulutiglo opinartut atâtamik iglungine.

25 Idluitullilaukputle atâtagijamik Gudinganut, ajortullilutiglo innugiartoksuit Gudib tapkoa sivorngane pêjarlauktangita Gudingoakotingit malliklugit:

26 Tagva Israelib Gudingata Fulib Assiriاميوت attanningata annerninga, Tiglat Pilnesseriblo Assiriab attannertangata annerninga kajungersarpâk, aularutivaillo Rubenekut, Gadekullo, kinguvarêllo Manassekut ketterkangit, âpaillo Halamut, Haboremullo, Haramullo, Gosaniblo konganut, uvlok tamanna tikkilugo.

KAPITEL VI.

Levikut, Aronekullo; iglogaseksoangillo.

LEVIB erningit tapkoangôlaukput: Gersom, Kahatelo, Merarilo.

2 Kahatiblo erningit tapkoangôlaukput: Amram, Jezeharelo, Hebronelo, Usielelo.

3 Amramiblo kittorngangit tapkoangôlaukput: Aron, Moselo, Mirjamelo. Aroniblo erningit tapkoangôlaukput: Nadabe, Abihulo, Eliasarelo, Itamarelo.

4 Eliasarib Pinehase ernetariva; Pinnehasib Abisua ernetariva.

5 Abisuab Buki ernetariva; Bukib Usi ernetariva.

6 Usib Seraja ernetariva; Serajab Merajote ernetariva.

7 Merajotib Amarja ernetariva; Amarjab Ahito ernetariva.

8 Ahitob Zadoke ernetariva; Zadokib Ahimaaz ernetariva.

9 Ahimaazib Asarja ernetariva; Asarjab Johannan ernetariva.

10 Johannanib Asarja ernetariva, ajochertuijôlauktok iglome Salomob igliortangane Jerusaleme.

11 Asarjab Amarja ernetariva; Amarjab Ahito ernetariva.

12 Ahitob Zadoke ernetariva; Zadokib Sallume ernetariva.

13 Sallumib Hilkiä ernetariva; Hilkiab Asarja ernetariva.

14 Asarjab Seraja ernetariva; Serajab Jozadake ernetariva.

15 Jozadakelo aularkassiutitaumalaukpok, Nalekab Judakut, Jerusalemiullo Nebukadnezarekut parngnanairsortauvlutik aulartitaukolaungmagit.

16 Levib erningit tagva tapkoangovut: Gersome, Kahat, Merarilo.

17 Gersomiblo ernigik attekarpuk: Libnimik, Simeimiglo.

18 Kahatible erningit attekarpuk; Amramemik, Jezebaremiglo, Hebronemiglo, Usielemiglo.

19 Merarib ernigik attekarpuk: Mahelimik, Musimiglo. Tagva Levitit kinguvarêngita atâtagijangit.

20 Gersomib erninga Libniôlaukpok, tapsoma erninga Jahateôlaukpok, tapsoma erninga Simaôlaukpok.

21 Tapsoma erninga Johaôlaukpok, tapsoma erninga Iddoôlaukpok, tapsoma erninga Serahôlaukpok, tapsoma erninga Jeatraiôlaukpok.

22 Kahatib erninga Aminadabeôlaukpok, tapsoma erninga Koraôlaukpok, tapsoma erninga Assirêôlaukpok.

23 Tapsoma erninga Elkanaôlaukpok, tapsoma erninga Abiasafeôlaukpok, tapsoma erninga Assireôlaukpok.

24 Tapsoma erninga Tahateôlaukpok, tapsoma erninga Urieleôlaukpok, tapsoma erninga Usijaôlaukpok, tapsoma erninga Sauleôlaukpok.

25 Elkanablo ernigik tapkoangôlaukpok: Amasai, Ahimotelo.

26 Tapsoma erninga Elkanaôlaukpok, tapsoma erninga Elkanaôlaukpok Zofemiok, tapsoma erninga Nahateôlaukpok.

27 Tapsoma erninga Elijabeôlaukpok, tapsoma erninga Jerohameôlaukpok, tapsoma erninga Elkanaôlaukpok.

28 Tapsoma erninga Samueleôlaukpok, tapsoma ernierikâr-tanga Vasniôlaukpok, Abijalo.

29 Merarib erninga Maheliôlaukpok, tapsoma erninga Libniôlaukpok, tapsoma erninga Simeiôlaukpok, tapsoma erninga Usaôlaukpok.

30 Tapsoma erninga Simeaôlaukpok, tapsoma erninga Haggijaôlaukpok, tapsoma erninga Asajaôlaukpok.

31 Tamadsale Davidib pitilauktangit imgerkovlugit Nalekab iglungane iklerviub merngoêrservigijangane;

32 Kivgartorlutiglo iglub tuppiub kattimaviojub sângane imgerlutik, Salomo Nalekab iglunganik Jerusaleme igloliorkârtinnago, nangerlutiglo illuserijatik pinniarkojaunermingne maliklugit.

33 Tapkoangovullo nangerlauktut tagvane erningillo: Kahatib erninginit Heman imgerpaktok, Joelib erninga, Samuelib erningata,

34 Elkanab erningata, Jerohamib erningata, Elielib erningata, Toab erningata,

35 Zufib erningata, Elkanab erningata, Mahatib erningata, Amasaib erningata,

36 Elkanab erningata Joelib erningata, Asarjab erningata, Zefanjab erningata,

37 Tahatib erningata, Asirib erningata, Abiassafib erningata, Korab erningata,

38 Jozeharib erningata, Kahatib erningata, Levib erningata, Israelib erningata.

39 Kattangutingalo Assaf nangerpok tapsoma tallerpiane. Tamnalo Assaf Berechjab erneriva, Simeab erningata,

40 Michaelib erningata, Baesejab erningata, Malchijab erningata,

41 Atnib erningata, Serab erningata, Adajab erningata,

42 Ethanib erningata, Simab erningata, Simeib erningata,

43 Jahatib erningata, Gersomib erningata, Levib erningata.

44 Kattangutingillo Merarib erningit saumiane nangerput: Ethan, Kusib erninga, Abdib erningata, Malluchib erningata,

45 Hasabjab erningata, Amaziab erningata, Hilkiab erningata,

46 Amzib erningata, Banib erningata, Samerib erningata,

47 Mahelib erningata, Musib erningata, Merarib erningata, Levib erningata.

48 Tapkoale kattangutingit Levitit tunnijaumalaukput kivgartornernut sunatuinarnut Nalekab iglungata tuppigane.

49 Aronible erningillo tunnnergutinik tunnijnivut tunnnergutiksaliub ôtaksanik Altaringane, isserluanijutiksaliublo Altaringane, pinniaraksanullo tamainut ivsornainerpangôjome illingalaukput, ullapkoserpaillo Israelitit, taimaluatsiak, sorlo Mosese, Gudib kivganga perkojilaungmat.

50 Tamadsale Aronib erningit: Eleasar, erninga, tapsoma erninga Pinehaseôlaukpok, tapsoma erninga Abisuaôlaukpok,

51 Tapsoma erninga Bukiôlaukpok, tapsoma erninga Usiôlaukpok, tapsoma erninga Serajaôlaukpok.

52 Tapsoma erninga Merajoteôlaukpok, tapsoma erninga Amarjaôlaukpok, tapsoma erninga Ahitobeôlaukpok.

53 Tapsoma erninga Zadokeôlaukpok, tapsoma erninga Ahimaazeôlaukpok.

54 Tamadsalo tapkoa iglungit innigijangit kighilervingine, Aronib erningit, Kahatib kinguvânginit, tapkoa imeraumut nel-lautaulaungmatta,

55 Tunitsivigivaillo Hebronemik, Judakut nunanganetunik, tapkoalo aiparusingit avatâne.

56 Iglogaseksuille perorsêvinginik iglogasenginiglo tunnivait Kalemut Jefunib erninganut.

57 Aroniblo erninginut tunnivait iglogaseksuit pitlartaujung-

nairvit Hebron, Libnalo, aiparusingit illaliudlugit, Jater, Este-moalo, aiparusingit illaliudlugit,

58 Hilenelo, Debirelo,

59 Asanelo, Betsemeselo aiparusingit illaliudlugit.

60 Kinguvarênillo Benjaminekunit Geba, Alemetelo, Anato-telo, aiparusingit illaliudlugit. Tapkoalo iglogaseksoangit ab-vakungine 13 ôlaukput.

61 Kahatible erningita assingit tunnitsiviôvut imeraut at-torlugo, kinguvarêt Manassekut ketterkanginit iglogaseksoar-nik 10 nik.

62 Gersonib erningit tunitsiviôvut kinguvarênit Isaschareku-nit, kinguvarênillo Asserekunit, kinguvarênillo Naftalikunit, kinguvarênillo Manassekunit Basanemetunit, iglogaseksoarnik 13 nik.

63 Merarib erningit avakungit malliklugit tunnitsiviovut immeraut attorlugo, kinguvarênit Rubenekunit, kinguvarênillo Gadekunit, kinguvarênillo Sebulonekunit, iglogaseksoarnik 12 nik.

64 Taimaglo Israelib kittorngangita Levitit tunnitsivigivait iglogaseksoarnik tapkoninga, aiparusinginiglo;

65 Tunnitsivigivaillo immeraut attorlugo kinguvarênit Judab kittornganginit, kinguvarênillo Simeonib kittornganginit, kingu-varênillo Benjaminib kittornganginit, iglogaseksoarnik taijang-inik.

66 Kahatiblo erningita assingita abvakungita iglogasekso-angit kinguvarênit Efraimekunit pivut.

67 Tunnitsiviôvullo iglogaseksoarnik pitlartaujungnaivingnik Sichememik, Efraimib kakkanginêtnik, Gesermiglo,

68 Jakmeamemiglo, Bethoronemiglo,

69 Ajalonemiglo, Gatrimonemiglo, aiparusinginiglo.

70 Kinguvarêllo Manassekut ketterkanginit, Aneremik, Bilea-memiglo aiparusinginiglo.

71 Gersoniblo erningit tunnitsivigivait, kinguvarêt Manasse-kut ketterkanginit Golanemik, Basanemetunik, Astarotemiglo aiparusinginiglo,

72 Kinguvarênillo Isascharekunit Kedesemik, Dabratemiglo,

73 Ramotemiglo, Anememiglo, aiparusinginiglo.

74 Kinguvarênit Asserekunit Masalemik, Abdonemiglo,

75 Hukokemik, Rehobemiglo, aiparusinginiglo.

76 Kinguvarênit Naftalikunit: Kedesemik, Galileametunik, Hamonemik, Kiriataimemiglo, aiparusinginiglo.

77 Merarib kittorngangita assingit tunnitsivigivait kinguvarênit Sebulonekunit: Rimonomik, Taboremiglo, aiparusinginiglo;

78 Jordaniblo akkiane Jerichob nellâne Jordanib kittâne, kinguvarênit Rubenekunit: Bezeremik, sunakajuitometunik, Ja-zamiglo, aiparusinginiglo.

- 79 Kedmotemiglo, Mepatemiglo, aiparusinginiglo.
 80 Kinguvarênit Gadekunit: Ramotemik Gileademetunik Mahanaimiglo,
 81 Hesbonemiglo, Jaeseremiglo, aiparusinginiglo.

KAPITEL VII.

Jakob erningita assingita 6 it erningit, tapkoalo kinguvângit.

ISASCHARIB erningit tapkoangôlaukput: Tola, Pualo, Jasubelo, Simronelo, tapkoa sittamat.

2 Tolab erningit tapkoangôlaukput: Usi, Refajalo, Jerielo, Jahemailo, Jebsamelo, Samuelelo, niakoôjut atâtagijamik iglungane Tolamit, angutit angutaudlartut illagijamik akkorngane, tapkoa unnurningit Davidib nelliuningane 22600 deôlaukput.

3 Usiblo erninga Jesrajaôlaukpok. Jesrajablo erningit tapkoangôlaukput: Michael, Obadjalo, Joelelo, Jesialo, tapkoa telimat, niakoôlaukpullo illunatik.

4 Tapkonanelaukpullo kittorngarêngit, atatagijanginit pijut malliklugit, sorsuktukset unatadlarnermut attorakset 36000 dit; unnuktunik nulliakaramik ernekalarmiglo.

5 Kattangutingillo Isascharekut abvakunginit tamainit angutit angutaudlartut kittitaulauktut 87000 diovt.

6 Benjaminib erningit tapkoangôlaukput: Bela, Becherelo, Jediaelelo, tapkoa pingasut.

7 Belablo erningit tapkoangôlaukput: Ezbon, Usilo, Usielelo, Jerimotelo, Irilo, tellimat, niakoôjullo atatagijamik iglungine, angutaudlartut. Kittitauvullo 22034 illo.

8 Becheriblo erningit tapkoangôlaukput: Semira, Joaselo, Elieserelo, Elioenailo, Amrilo, Jerimotelo, Abialo, Anatotelo, Alametelo; tapkoa illunaita Becherib ernerilaukpait.

9 Unnurningillo abvakungit malliklugit, niakoôjut atâtagijamik iglungine, angutit angutaudlartut 20200 diôlaukput.

10 Jediaeliblo erninga Bilhaneôlaukpok. Bilhaniblo erningit tapkoangôlaukput: Jeus, Benjaminelo, Ehudelo, Knaenalo, Setanelo, Tarsiselo, Ahisaharelo.

11 Tapkoa illunaita Jediaelib ernerivait niakoôjut atâtagijanginut, angutit angutaudlartut 17200 dit, aulartut sorsuklutik unatadlarnermut.

12 Supimelo, Hupimelo erniôlaukpuk Iremut. Husimelo Aherib ernerilaukpa.

13 Naftalib erningit tapkoangôlaukput: Jaziel, Gunilo, Jerezelo, Sallumelo, Bilhab erningit.

14 Manassib erninga: Esrieleôvok, Aramjab panervgangata erniarijanga; tapsoma Machire Gileadib atâtanga ernetariva.

15 Machiriblo Hupimib, Supimiblo najakit nullianikpa. Najangalo attekalaupok Maechemik. Erningatalo tugliub attinga, Zelafehadeôlaukpok; Zelafehade pannekalaukpok.

16 Maechablo Machrib nulliangata ernek erniariva, tamna atserarpa Peresemik; nukangalo Sareseôlaukpok, tapsoma ernigik Ulameôlaukpok Rakemeôlarmelo.

17 Ulamib erninga Bedaneôlaukpok. Tagva Gileadib erningit Machirib erningata, Manassib erningata.

18 Tapsomalo najangata Molechetib Ishude, Abieserelo, Mahelalo erniarivait.

19 Semidablo erningit tapkoangôlaukput: Ajan, Sichemelo, Likhilo, Aniamelo.

20 Efraimiblo erningit tapkoangôlaukput: Sutela, tapsoma erninga Beredeôlaukpok, tapsoma erninga Tahateôlaukpok, tapsoma erninga Eleadaôlaukpok, tapsoma erninga Tahateôlaukpok,

21 Tapsoma erninga Sabadeôlaukpok, tapsoma erninga Sutelaôlaukpok, tapsoma ernigik Esereôlaukpok, Eleadelo. Angutillo Gatemiut nunab innungita nakterpait, attarlauramik tapkoa nergjutekotingit aksarnigarijomavlugit.

22 Atâtangallo Efraime ogguarlune kiksarlaukpok akkunît, kattangutingitalo tikkipât manigoromavlugo.

23 Nullianelo uvinikattigiva, tamnalo singailerpok, ernilunelo ernermik, tamna atserarpa Briamik, iglungane kanoêto-karmat.

24 Pannialo Seeraôlaukpok, tapsoma Bethoron iglogaseliorlaukpait, Bethoron atsiktok, kotsiktorlo, Usen-Seeralo.

25 Tapsoma ernigik Refaolaukpok, Resefelo, tapsoma erninga Telaôlaukpok, tapsomale erninga Tahaneôlaukpok.

26 Tapsomalo erninga Laedaneôlaukpok, tapsoma erninga Amihudeôlaukpok, tapsoma erninga Elisamaôlaukpok.

27 Tapsoma erninga Nuneôlaukpok, tapsoma erninga Josuaôlaukpok.

28 Pigijangallo nunakotingallo Beth-Eleôlaukpok aiparusingillo, kittânelo Naeran, pânelo Geser, aiparusingillo, Sechemelo, aiparusingillo. Gasa aiparusingillo tikkidlugit,

29 Manassiblo kittorngangita senniane, Bethsean aiparusingillo, Taenach aiparusingillo, Meggido aiparusingillo, Dor aiparusingillo. Tapkoa Josefib Israelib erningata kittorngangita innigivait.

30 Asserib erningit tapkoangôlaukput: Jemna, Jeswalo, Jeswilo, Brialo, najangallo Sera.

31 Briab ernigik tapkoangôlaukput: Heber, Malchielelo, tagva Birsawitib atâtanga.

32 Heberib ernetarivait Jaflet, Somerelo, Hotamelo, Sualo najangat.

33 Jafletib erningit tapkoangôlaukput: Passa, Bimehalo, Aswatelo; tagva Jafletib erningit.

34 Somerib erningit tapkoangôlaukput: Ahi, Ragalo, Jehubalo, Aramelo.

35 Nukangatalo Helemib erningit tapkoangôlaukput: Zofa, Jemnalo, Seleselo, Amallo.

36 Zofab erningit tapkoangôlaukput: Sua, Harneferelo, Suallo, Berilo, Jemralo,

37 Bezerele, Hodelo, Samalo, Silsalo, Jetranelo, Béeralo.

38 Jetherib erningit tapkoangôlaukput: Jefune, Fispalo, Aralo,

39 Ullab erningit tapkoangôlaukput: Ara, Hanielelo, Rizjalo.

40 Tapkoa illunaita Asserib ernerilaukpait, niakoôlaukput atâtagijamik iglungine, angutit angutaudlartut annerimajullo, niakoôjullo angajokânut. Kittitaumalaukpullo sorsuktuksanut unatadlarnermut unnurningit malliklugit 26000 dit.

KAPITEL VIII.

Benjaminib, Sauliblo kînguvângit.

BENJAMINIB Bela ernerikârtane ernetariva, Asbalelo tuglek, Aralo pingajuat,

2 Noha sittamangat, Rafa tellimangat,

3 Belalo ernekalaukpok: Addaremit, Geramiglo, Abihudemiglo.

4 Abisuamiglo, Naemanemiglo, Ahoamiglo,

5 Geramiglo, Sefufanemiglo, Huramemiglo.

6 Tamadsalo Ehudib erningit, niakoôlauktut atâtat akkorngane, Gebamiune, aulârpullo tagvangat Manahatemut.

7 Naemablo, Ahiablo, Gerablo aulârtilaukpait; ernetarivaglo Usa, Ahihudelo.

8 Saharaime ernetarpok Moabiterit nunangane (ipkoa aularkolaukârdlugit) nulliamingnit Husimemit, Baeramillo,

9 Ernetarivaillo nulliaminit Hodesemit: Jobabe, Zibjalo, Mesalo, Malchamelo,

10 Jeuzelo, Sachjalo, Mirmalo. Tagva tapsoma erningit, niakoôjut atâtanut.

11 Husemillo ernetarivuk, Ahitobe, Elpaalo.

12 Elpaaliblo erningit tapkoangôlaukput: Eber, Miseumelo, Samedelo. Tapsoma, Ono, Lodelo, aiparusingillo iglogaselliorpait.

13 Brialo, Samalo niakoôlaukpuk atâtanut Ajalonemiut akkorngane; tapkoa Gathemiut singitipait.

- 14 Ahjo, Sasakelo, Jeremotelo,
- 15 Sebadjalo, Aradelo, Aderelo,
- 16 Michaelelo, Jespalo, Johalo; tagva Briab erningit.
- 17 Sebadja, Mesullamelo, Hiskilo, Heberelo,
- 18 Jesmerailo, Jeslialo, Jobabelo; tagva Epaalib erningit.
- 19 Jakime, Sichrilo, Sabdilo,
- 20 Elioenaillo, Ziltailo, Elielelo,
- 21 Adaja, Brajalo, Simratelo; tagva Simeib erningit.
- 22 Jespan, Eberelo, Elielelo,
- 23 Abdonelo, Sichrilo, Hananelo,
- 24 Hananjalo, Elamelo, Antotjalo,
- 25 Jefdejalo, Pnuelelo; tagva Sasakib erningit.
- 26 Samserai, Seharjalo, Athaljalo,
- 27 Jaeresjalo, Elialo, Sichrilo, tagva Jerohamib erningit.
- 28 Tagva niakoôjut atâtanut, abvakungine; tapkoa igloka-laukput Jerusaleme.
- 29 Gibeonemelo, Gibeonib atâtanga nunakalaukpok, nulli-angalo attekalaukpok Maechemik.
- 30 Erningalo erneîkârtanga Abdoneôlaukpok, Zurelo, Kiselo, Baallo, Nadabelo,
- 31 Gedorelo, Ajolo, Secherelo,
- 32 Miklotible Simea ernetariva, nunakalaurivuttauk Jerusaleme, kattangutitik illagilugit tapkoa akkiane.
- 33 Nerib Kise ernetariva, Kisib Saul ernetariva, Saulib, Jonathan, Malchisualo, Abinadabelo, Esbaalo ernetarivait.
- 34 Jonathanib erninga Meribaaleôlaukpok. Meribaalib Micha ernetariva.
- 35 Michab erningit tapkoangôlaukput: Piton, Melechelo, Taeralo, Ahaselo;
- 36 Ahasiblo Joadda ernetariva, Joaddablo ernetarivait Alemet, Asmawetelo, Simrilo. Simriblo Moza ernetariva.
- 37 Mozab Binea ernetariva, tapsoma erninga Rafaôlaukpok, tapsoma erninga Eleasaôlaukpok, tapsoma erninga Azelôlaukpok.
- 38 Azelelo ernekalaukpok Ginik, attingit imailaukput: Esrikame, Bochrulo, Jesmaelelo, Searjale, Obadjalo, Hananelo. Tapkoa illunaita Azelib ernerilaukpait.
- 39 Nukangata Esekib erningit tapkoangôlaukput: Ulame, ernerikârtanga, Jeuse tuglek, Elifelet pingajuat.
- 40 Ulamible erningit angutaudlarlaukput, pikarilaukpullo pittikserlutik; ernekalaukpullo erngutekalarmiglo unnuktunik, 150 ginik. Tapkoa illunatik Benjaminib erninginit pivut.

KAPITEL IX.

Jerusalemiut, Gibeamiullo.

ISRAELITILLO illuêngarlutik kittitaumalaukput, ahâglo aglak-simavut Israelitit, Judakullo attanningita aglangine, aulartitau-mavullo mana, idluitullinitik pivlugit Babelemut.

2 Sivorngane nunakalauktut pigijamingne iglugaseksoakotim-ingnelo Israeliteôlaukput, ajochertuijut, Levitit, Nethinimilo.

3 Jerusalemelo iglokalauput Judab kittorngangita illangit, Benjaminiblo kittorngangita illangit, Efraimiblo kittorngangita illangit, Manassiblo kittorngangita illangit.

4 Utai, Amihudib erninga, Omrib erningata, Imrib erningata, Banib erningata, Perezib Judab erningata kittornganginit.

5 Silonimillo: Assaja, erniangokârtok, erningillo assingit.

6 Serablo erninginit Jeguel, kattangutingillo 690 it.

7 Benjaminiblo erninginit Sallu, Mesulamib erninga, Hodaw-jab erningata, Hasnuab erningata;

8 Jebnejalo Jerohamib erninga; Elalo, Usib erninga, Mich-rib erningata; Mesullamelo, Sefatjab erninga, Reguelib erning-ata, Jebnejab erningata;

9 Kattangutingillo abvakungit malliklugit 956 it. Angutit tapkoa illunatik niakoôlaukput atâtanut, atâtagijamik iglungine.

10 Ajochertuijunillo: Jedaja, Jojaribelo, Jachinelo;

11 Asarjalo, Hilkiab erninga, Mesullamib erningata, Zadokib erningata, Merajotib erningata, Ahitob erningata, angajokaujok Gudib iglungane;

12 Adajalo, Jerohamib erninga, Pashurib erningata, Malchiab erningata; Maesailo Adielib erninga, Jachserab erningata, Mesullamib erningata, Mesilemitib erningata Immerib erningata;

13 Tapkoalo kattangutingit, niakoôjut atâtamik iglungine, 1760 git erkinaitut sullijeksanut kivgartornerme Nalekab iglungane,

14 Levitinillo, Merarib erninginit: Semaja, Hasub erninga, Asrikamib erningata, Hasabjab erningata.

15 Bahbakarelo, Hereselo, Galalo, Matanjalo, Michab erninga, Sichrib erningata, Assafib erningata.

16 Obadjalo Semajab erninga, Galalib erningata, Jedutunib erningata Berechjalo, Assab erninga, Elkanab erningata, Netofatiterit iglogasengine nunakalauktub.

17 Upkuallo udsertortingit: Sallume Akubelo, Talmonelo, Ahimanelo, kattangutingillo; Sallumelo angajokaulaupok.

18 Mannalo tikkilugo attanniub upkuangata kittanêutub sâng-anêput, tapkoa upkuanik udsertortut, Levib erningita tang-marvinganit pijut.

19 Sallumelo, Koreb erninga, Abiasafib erningata, Korab erningata, kattangutingillo. atâtame iglunganit pijut, Korakut, sullijaksakalaukput tuppiub upkoanga udsertorlugo, atâtangillo Nalekab tangmarviane ittervik udsertorpât.

20 Pinehaselo, Eleaserib erninga angajokagilaukpât; Nalekablo aipariva.

21 Sacharja, Meselemjab erninga udsertorteolaujovok tuppiub kattimaviojub upkoanganik.

22 Tapkoa illunatik annerijaulaukput udsertorkovlugit upkuab manuangane, 212 it. Iglogasakotitik malliklugit aglaktaumalaukput. Davidiblo, Samueliblo, tækkojub, taimaitungortilaukpait nertornarningit pivlugit.

23 Tapkoa, erningillo, Nalekab iglungata tuppiojub ittervinginelaukput udsertorlugit.

24 Annorit sittamat malliklugit upkoat udsertortingit nangerput: kittane, kangianelo, tachânelo, sekkernganelo.

25 Kattangutingille iglogasekotimingnelaukput, kaitsainarkovlugit uvlut 7 ingane, tapkonanekovlugillo.

26 Levitit upkoanik udsertortut angajokauherôjungit sittamat nertornarlamik angajokaulaukput inninut perkutinullo pivianartunut Gudib iglunganetunut.

27 Gudiblo iglungata avatâne unnuarmik najivut, pigartuk-saulauramik, perkojaulaukpullo uvlâne tamaine ittervit angmarlugit.

28 Tapkoalo illangit pimaklertungortitaumalaukput illulerkutininik, kivgartornernut illingajunik, kittitaumavlutigle ittertipait, kittitaumavlutiglo annipait.

29 Illangillo pimaklertungortitaumalaukput illulerkutininik ivsornaitunik, sennaukamiglo kakkortamik, Weinemiglo, Orksomiglo, Weirauchemiglo, isserluanijutiksaniglo.

30 Ajochertuijullo erningita illangita isserluanijutiksatsennavait.

31 Matitjalo, Levitit illangat, Sallumib ernerikârtanga, Korakut illangat, pimaklertungortitaumalaukpok jarataumajunik kallutaujane.

32 Kahatekunille kattangutinginit illangit, perkojaumalaukput, kakkojanik takkojaksanik sennalutik, Sabbatene tamaine pikovlugit.

33 Tagva imgerpaktut, niakoôjut Levitit atâtangita akkorngane, kivgartoriakalaungitut, uvlotillugo unnuamelotamatto-minga sullijaksakalauramik.

34 Tagva niakoôjut Levitit atâtanginut abvakungine. Tapkoa nunakalaukput Jerusaleme.

35 Gibeamelot nunakalaukpok Jejel, Gibeonib atâtanga, nullianga attekalaukpok Maechamik,

36 Erningalo ernerikártanga Abdon, Zurelo, Kiselo, Baalelo, Nerelo, Nadabelo,

37 Gedorelo, Ahajolo, Sacharjalo, Miklotelo.

38 Miklotiblo Simeame ernetariva; nunakalaukpullostauk Jerusaleme, kattangutimik akkiane, illagijamik akkorngane.

39 Neriblo Kis ernetariva; Kisib Saul ernetariva. Saulib ernetarivait Jonathan, Malchisualo, Abinadabelo, Esbaalelo.

40 Jonathaniblo erninga Meribaaleôlaukpok, Meribaaliblo Micha ernetariva.

41 Michab erningit tapkoangôlaukput: Piton, Melechlo, Taherealo.

42 Ahasib Jaera ernetariva. Jaerab Alemeth ernetariva, Asmavetelo, Simrilo. Simrib Moza ernetariva.

43 Mozab Binea ernetariva, tapsoma erninga Rafajaôlaukpok, tapsoma erninga Eleasaôlaukpok, tapsoma erninga Azeleôlaukpok.

44 Azelib ernekalaukpok 6 nik, attekalaunktunik: Asrikame-mik, Bochrumiglo, Jismaelemiglo, Searjamiglo, Obadjamiglo, Hananemiglo; tagva Azelib erningit.

KAPITEL X.

Saulib tokkotauninga unatadlarnernie Filisterinut.

FILISTERIT Israelitit sorsugvigivait. Israelitillo Filisterit kemâvait, ullimarsimajullo ochovut kakkame Gilboamik attelingme.

2 Filisterille Saul erningillo tunârivlugit unangmivait, ullimarpaillo Jonathan, Abinadabelo, Malchisualo, Saulib erningit.

3 Sorsungnerlo songudlalaupok Saulemut, pittiksertullo tikkipât, pittiksertunullo ikkilertaulaupok.

4 Tagva Saul sakkunginik akjarsijomut okarpok: Saviksuit amuleruk kappilungalo tokkolaunga tapsomunga, kippisimangitut tapkoa kaikonnagit, idluitomiglo pinniarvigilunga. Akjarsijokotingale sakkunik pijomalaungilak, angijomik sivuragame. Tagva Saulib saviksoakotine tiguva ochovigilâlo.

5 Akjarsijokotingale sakkunik takkogame Saul tokkungmat, ochotipoktau saviksoarmut, tokkolunelo.

6 Taimak Saul, erningillo pingasut, iglomiokatingillo tokkovut attautsekut.

7 Israelitillo angutingit, naksamelauktut, takkogamik kemângmatta, Saulelo erningillo tokkungmatta, iglugaseksoakotitik kemakpait, kemâlutiglo, Filisterillo tikkilutik innigivait.

8 Kaulermallo Filisterit tikkilerput ullimarsimajut annorai-

jarlugit; naipipaillo Saule erningillo, nellatillugit kakkame Gilboamik attelingme,

9 Annoraijarpållo, niakungalo sakkungillo tiguvaít, tillikliutilaitalo Filisterit nunanganut sunatuinarnut, okautigijaukojilutiglo tamattominga, Gudingoakotimik innugiartoksuillo illunamassiatik sângine;

10 Sakkungillo illivait Gudimik iglunganut, niakungalo atsungerpât Dagonib iglunganut.

11 Jabesemiullo Gileademe, tussaramik tamainik, Filisterit pinniarlauktanginik Saulemut:

12 Tagva angutit sorsugungnartut illunatik parngnailerput, tigulugillo Saulib erningitalo timingit tokkungajut, âpaillo Jabesemut, illijartorpaillo sauningit nappartub Terebintemik at-tigub Jabesemetub attâne, nerritailutiglo uvlut 7 it nâlugit.

13 Taimak Saule tokkovok, idlailutilline pivlugit, Nalekab idluitullijutigilauktane, Nalekab okausinginut, nalektaulaungitunut tapsomunga; taimaglotauk angakut apperingmagit.

14 Nalegarle apperilaungila: tamanna pivlugo tokkokova, attannionerlo sâtipa Davidemut Isaib erninganut.

KAPITEL XI.

Davidib annerijauninganik Israelitinut illunainut attannermut; tapsoma sâlakarninganik Jerusalemiunik; tapsomalo sôngojoðkotingit.

ISRAELITILLO illuêngarlutik kattilerput Davidemut Hebrone-mut, okarlutiglo: Ahâk saunekattigivaptigit, uvinekattigilutillo.

2 Sivornganelotauk Saule attanniotillugo, igvit Israelitit aulartilugillo ittertilaukpattit; Nalekablo Gudivit okautilaukpâtit: Igvit innukotikka Israelitit pairijaksarivattit, attanniojuksaulutillo innukotimnut Israelitinut.

3 Israelitillo angajokaunerôjungit illunatik tikkilerput attannermut Hebronemut. Davidiblo angerkattigivait Nalekab sângane Hebroneme. Mingoarlugolo Davide attanningortipât Israelitinut, Nalekab okausingit Samuelekut malliklugit.

4 Davidelo, Israelitit illuêngarlutik illagilugit aularpok Jerusalemut, tagva Jebusemut; Jebusiterille nunakalaukput nuname tagvane.

5 Jebusemiullo Davide okautivat: Ovunga ittertuksautsengilatit: Davidible Zionib igloksoanga sôngojok aksarnigariva, tagva Davidib iglugaseksoangit.

6 Davidelo okarpok: Jebusiterinik salakarkârtok tamna

niakoôjuksauvok angajokangortuksaularmelo. Tagva Joabib, Zerujab erningata, majoarkârpait, angajokangortitaulunelo.

7 Davidible igloksoak sôgojok iglogiva, tamanna pivlugo taijaulaupok Davidib iglugaseksoanginik.

8 Avatânelo iglogaseliorpait iglogaseksuit, Millomit avatânelo illunane, Joabible iglugaseksuit amiakungit âkiksorpait.

9 Davidelo piganerpok pivallialunelo, Nalekablo Zebaothib aipariva.

10 Tamadsa angajokait Davidib songojokotingita akkorngane, pitsartutitsilauktut tapsominga attannioningane Israelitit illunatik illagællugit, attanningortitaukovlugo Israelitinut, Nalekab okausingit malliklugit.

11 Tamadsalo Davidib sôgojokotingita unnurningit: Jasabeame, Hachmonib erninga, pijariakortonerpâk 30 it akkorngane; kallugiakotine kongmuartipa, ullimârpaillo 300 dit attautsekt.

12 Tapsoma tungâne Eleasareôlaukpok, Dadob erninga, Ahohib erningata, sôgojullo pingasut akkornganelaukpok.

13 Tamna Davidemelaukpok Pasdamime, Filisterit kattimatilugit tagvane sorsungnermut. Perorsêvikalaukporlo tagvane Gerstelingnik; innugiartoksuillo Filisterit kemâvait.

14 Tagva nangeriartorput perorsêviub kerkânut piulilâlo, Filisterillo ullimârpait; Nalegarlo sâlakarnermik angijomik tunnijivok.

15 Tapkoalo pingasut pijariakôrtojunit 30 ginit attersarput kairtomut, Davidemut kairosungmut Adullamemik attelingmut. Filisterillo tangmarvingat nâksarmelaukpok Refaimemik attelingme.

16 Davidele tapsomane, avaluliorsimajotut itunelaukpok, Filisterille innugiartoksoangit tapsomane tangmarlaukput Bethleheme.

17 Davidelo ikligosulerpok, okarlunelo: Kia immiksaitoromavânga immehtarviub Bethleheme ittertarviub attanêtub iminganit?

18 Tagva pingasut tapkoa Filisterit tangmarvingat ittârpât, kallulutiglo immermik immektârvingmit Bethlehememêtomit ittertarviub attanêtomit, akjartorpâllo, âlugolo Davidemut. Tapsomale immeromalaungila, kovivâle Nalekamut,

19 Okarlunelo; Nalekab tamanna ungasiktiliuk uvamnit, taimailiorkovlunga, immerlungalo angutit ukkoa aunganik innosingita nangiarnarningane, innosingille nangiarnartomêtillugit tamaungartilaukpât. Tamanna pivlugo immeromalaungilâ. Songojsuit pingasut tapkoa taimailiorlaukput.

20 Abisailo, Joabib angajua, pijariakortônerpaulaukpok pingasut akkorngane; kallugiakotinelo kongmuartipa ullimârpaillo 300 dit. Okausionginarlaukporlo pingasut akkorngane,

21 Opigijaunerpângolaukporlo pingasunit, angajokaulunelo tapkonunga, pingasulle taipkoa sivurlit innorpait.

22 Benaja, Jojadab erninga, Ishailib erningata, Kabzeelemiub pinniarnersoakalauktub. Tapsoma angutik Moabiterik Loewetut-ituk ullimarpâk; attersarporlo Loewelo tokkopâ immektarvingme aputekarviane.

23 Ullimarpâlotaug angut Egiptenemiok tallitut tellimatut takkitigijok, tigumiartorlo kallugiarmik aggangminut umiab napparutangatut itomik. Tapsomale attersarlune aivigiva ajau-pialijarlune, kallugiarlo tiguva agganginit, nakterlâlo kallugiakotinganut nangminerianganut.

24 Taimailiorlaukpok Benaja, Jojadab erninga, okausionginarlaukporlo sôngojoksuit pingasut akkorngane,

25 Opigijaunerpangôlaukporlo 30 git akkorngane, pingasulle taipkoa (sivurlit) innorpait. Davidiblo atannertuijungortipa ingminut.

26 Songojullo sorsuktuksane tapkoangôlaukput: Asahel, Jobabib nukkâ. Elhanan, Dodob erninga, Bethlehemiuib.

27 Samot, Haroremioik. Helez, Pelonemiok.

28 Ira, Ekeb erninga, Tekoimiok. Abieser, Antotemiok.

29 Sebechai, Husatemiok. Ilai, Ahohitemiok.

30 Maherai, Netofatemiok. Heled, Baenab erninga, Neto-fatemiub.

31 Itai, Ribaib erninga, Gibeami, Benjaminib kittorngang-ita iglogaseksoanginit pijub. Benaja, Pirsatonemiok.

32 Hurai, Gaasib kônginit pijok. Abiel Arbatemiok.

33 Asmavet, Baherumiok. Eliaba, Saalbonemiok.

34 Hasamib Gisonemiub erningit. Jonathan, Sagib erninga, Hararimiok.

35 Ahiaime Sacharib erninga, Hararimiok. Elifal, Urub erninga.

36 Hefer, Mecheramiok. Ahia Pelonemiok.

37 Hezro, Karmelemiok. Naerai, Asbaib erninga.

38 Joel, Nathanib kattanguta. Mihebar, Hagrib erninga.

39 Zelek, Amonitereôjok. Naherai, Berotemiok, akjarsijok Joab, Zerujab erningata sakkunginik.

40 Ira Jetrimiok. Gareb, Jetrimiok.

41 Uria, Hetitereôjok. Sabad, Ahelaib erninga.

42 Adina, Sisab erninga, Rubenekunit pijok, angajokaujok Rubenekunut, 30 gillo illagivait.

43 Hanan, Maechab erninga. Josafat, Matonemiok.

44 Usia, Asteratemiok. Sama, Jaelelo, Hotamib ernigik, Aroetemiub.

45 Jediael, Simrib erninga. Joha, kattanguta, Tize-miok.

46 Eliel, Mahevimiok. Jeribai, Josawjalo, Elmaamib ernigik. Jethma, Moabitereojok.

47 Eliel, Obed, Jaesiel, Mezobajamit.

KAPITEL XII.

Davidemut tikkitut Ziklagemut attingit.

TAPKOANGOVULLE Davidemut tikkitut Ziklagemut, allingitariakartillugo sulle Saulemik, Kisib erninganik. Sôngojuullo akkornganêlaukput, ikkajorteolutiglo unatadlarnernme,

2 Pittiksertut, sappingitullo ujarkanik illoerearlutik, karg-jutiniglo pittiksautilutik aggangnut tallerpingnut saumingnullo. Saulib kattangutinginit Benjaminekunit pijut;

3 Pijariakortonerpâk Ahieser, Joaselo, Samaab, Gebeamib ernigik; Jesiel, Peletelo, Asmavetib ernigik; Baracha, Jehulo Antotemiok.

4 Jesmaja Gibeonemiok, angutaudlartok 30 git akkorngane, angajokaujorlo 30 ginut. Jeremia, Jahesiel, Johanan, Josabad Gederamiok.

5 Eleasai, Jerimot, Bealja, Samarja, Safatja Harochetemiok.

6 Elkana, Jesijalo, Asareelo, Joeserelo, Jasabeamelo, Korakut,

7 Joela, Sabadjalo, Jerohamib ernigik, Gedoremiub.

8 Gadekunit apterput Davidemut kairosungmut sunakajuitometomut, sôngojut sorsugungnartullo sappulutalijartut, kal-lugialijartullo, tautukalauktut Loewetut, tuktungajutitullo kakanêtutitut sukkalijutigijut.

9 Sivorlek Eser, tuglek Obadja, pingajuat Eliabe,

10 Sittamangat Masmana, tellimangat Jeremja,

11 Pingasojoat Athai, 7 ingat Eliel,

12 8 ingat Johanan, 9 ingat Elsabad,

13 Tellimaujoat Jeremja, 11 ingat Machbanai.

14 Tapkoa Gadib erninginit, angajokait sorsuktuksanut, mikkinerpâk 100 dinut, angnek 1000 dinut.

15 Tapkoangôvut ikkârlauktut Jordanemik takkit sivorlerpângane ulliksimatillugo sikjamingne tamangne, kemâtitsijullo naksarmiunik tamainik, taununga paungalo.

16 Tikkitokalaukporletauk Davidemut kairosungmut Benjaminib Judablo kittornganginit.

17 Davidible annivigivait, kiolugillo okautivait: Ullapirsainarluse tikkikupse ikajoromavlunga, tagva omattima illægijaksarivâse; tikkikupsele pingitsertorluse akkerartoromavlunga,

idluinekangimarigalloartillugo uvamne, tagva atâtagijapta Gudingata takkoliuk, tamanna pitlarlugo.

18 Annerneruble angajokaunerôjok Capitanit kajungersarpa, okarporlo: Igvit pigivaptigut Davide, igvillo Isaib erninga illigivaptigit! Ullapirsautekarit, ullapirsautekarit! ullapirsautekarit ikkajortitit! Gudivit ikkajormatit. Tagva Davidib illaliorpait, angajokangortipaillo sorsuktuksanut.

19 Manassekunillo, Davidemut tikkiput, tikkitillugo Filisterit illagilugit Saule unatadlarvigijomavlugo, ikkajornagille. Filisterit angajokaksoangita kakkimiolerlaukârlutik aularkolaungmatsuk, okarlutiglo: Angajokane Saule illingingâruniuk tagva niakoêjartaujungnarajarpogut.

20 Ziklagemut ailertillugo manna Manassekunit tikkiput tapsomunga, Adna, Josabad, Jedjael, Michael, Josabad, Elihu, Ziltai, niakoôjut 1000 dinut Manassekune.

21 Tapkoalo Davide ikkajorpât arktaijut akkerartorlugit; illunatik sôngudlarlaungmatta angutaudlarlutiglo. Capitangortitaulutiglo sorsuktuksanut.

22 Uvlut tamaita tikkitokalaukpok Davidemut ikkajoromavlugo, kattimgajoksoanglerkârtinagit Gudib kattimgajoksoakotingititut.

23 Tamadsale niakoôjut unnurningit oppalungêrsimavlutik sorsungnermut, tikkitut Davidemut Hebronemut Saulib attanniovinga sâtilugo tapsomunga, Nalekab okausingit malliklugit.

24 Judab kittorngangit sappulutalijartut, kallugialijartullo, 6800 ôlaukput, oppalungêrsimavlutik sorsungnermut.

25 Simeonib kittorngangit sôngojut sorsungnermut 7100 ôlaukput.

26 Levib kittorngangit 4600 deôlaukput.

27 Jojadalo angajokaunerôjok Aronekunit illakarlune 3700 dinik.

28 Zadokelo innuosuktok, sôngojob angutaudlartorlo, atâtame iglomiokatingit illagilugit kapit 22 git.

29 Benjaminib kittorngangit, Saulib kattangutingit 3000. Nelliutok taimna tikkidlugo, unnurnersat tapkonangat Saulekut ungagivait sulle.

30 Eframib kittorngangit 20800 sôngojut anguteôjullo okausiovaktut atâtagijamik iglungine.

31 Kinguvarêt Manassekut ketterkangit 18000 attermikut tajaulauktut, kaikovlugit Davide attanningortilugo.

32 Isascharib kittorngangit sillatojut, attannertuijullo nelliutune tamaine Israelitit pinniaraksanginik kapit 200 dit; kattangutingillo illunamassiatik naletsjarlaukput okausinginik.

33 Sebulonekunit, aulartut, kattimgajunut oppalungêrsimavlutik sorsungnermut, sakkulijarlutik sunatuinarnik 50000 dit, omattiggit naletsjartunik.

34 Naftalikunit, kapitat 1000 dit, tapkoalo illagilugit sapulutalijartut, kallugialijartullo 37000 dit.

35 Danekunit oppalungêrsimajut sorsungnermut 28600 dit.

36 Asserekunit aularutut kattimgajunut oppalungêrsimajullo sorsungnermut 40000 dit.

37 Jordaniblo akkianit, Rubenekunit, Gadekunillo, kinguvarêllo Manassekut ketterkanginit sakkolijarlutik sunatuinarnik sorsungnermut 120000 dit.

38 Sorsuktusat tapkoa illunatik sorsungnermik sungiusimajut, tikkiput omamut tamanut Hebronemut, Davide attanningortitsomavlugo Israelitinut illunamassianginut. Israelitillo, tapkoa assingittauk attautsemik omattekarkattigêlaukput Davide attanningortitaujuksaungmat.

39 Tagvanelo uvlivut Davideme pingasunik, nerrilutiglo immerlarmiglo, kattangutingita nerkiksalliorlaungmagit.

40 Kanninerpållo avatingine, Isascharekut, Sebulonekullo, Naftalikullo tikkidlugit, kaitsivut niakojanik, siutekoktojune, Kamelinelo, Horseojartunelo, tuktuvângnelo; sennaukamiglo, Feiginiglo, Weineliksallo paunganginik pannersimajunik, Weinemiglo, orksungmiglo, tuktuvangniglo, saukaniglo unnuktunik; kuviasutiksakarmat Israeleme.

KAPITEL XIII.

*Angersimanerub iklervingata aijauninga Kiriat-Jearimemit;
âtauningalo Obed Edomib iglunganut.*

DAVIDIBLO angajokait 1000 dinut 100 dinullo, angajokaillo illunaita kachimiokattigivait,

2 Okarlunelo Israelitit illagêngninginut illunainut: Namagijaukpat illipsingnut, Gudemillo Nalegaptinut pikpat: tagva tilhiklerta illunânut, kattangutiptingnut assiptionut Israelib nunangine illunainetunut, illagilugillo ajochertuijunut Levitinullo iglugaseksoarmingnetunut, kattimalerkovlugit uvaptingnut.

3 Gudiptalo iklervinga ailermilavut uvaptingnut, Saulib nel-luuningane kammagilaunginaptigo.

4 Tagva illagêt illuêngarlutik okarput, taimailiortokartuksaungmat; tamanna innugiartoksuit illunatik namagingmatsuk.

5 Taimak Davidib Israelitit illunamassiangit kattikovait, Sihoremit Egiptenib (kôganit) Hemat tikkidlugo, Gudib iklervinga ailugo Kiriat Jearimemit.

6 Davidelo majorarpok Israelitit illunamassiangit illagilugit Kiriat-Jearimemut Judametomut, tagvangat takpaungartitsomavlugo Gudib iklervinga, Nalekab iksivajub Kerubit kângine, attiub tuksiarvioviane.

7 Gudiblo iklervinga kemuksiutitaukovât kamutingnut nu-

tångnut, Abinadab iglunganit; Usablo Ahiablo kamutik aulati-påkik.

8 Davidele Israelitillo illuêngarlutik Gudib sivorngane pitsartunermingnut tamainut attorput imgerutinik, Harfiniglo, Psalteriniglo, killautiniglo, Cimbeleniglo, tiptulautiniglo,

9 Tikkimattale Kidonib kakkojaksaliorvinganut, Usab ag-gane issakpait iklervik najumijomavlugo; tuktuvák sanguler-mannik.

10 Tagva Nalekab nigarninga illungertulerlaukpok Usa pivlugo, annauvâlo tamana pivlugo aggane issalaungmagit iklervingmut, tokkovorlo tagvane, Gudib sângane.

11 Tagva Davide kiksalerpok Nalegak taimaitomik koppa-kartitsilaungmat Usame, innelo tamna taiva Perez-Usamik uvllok tamanna tikkilugo.

12 Davidiblo Gude illimagiva uvlorme taipsomane, okarlunelo: Kannok Gudib iklervinga kaititaksarivigo uvamnut?

13 Taimak Davidib Gudib iklervinga ingminut âtaukolaungila Davidib iglugaseksoanginut, pititaukovâle Obed Edomib Gathemiub iglunganut.

14 Taimak Gudib iklervinga takkit pingasut nâlugit Obed Edomib iglunganêtuarpok. Nalekablo Obed Edomib iglomio-kattingit, tamaitalo pigijangit pitsartutipait.

KAPITEL XIV.

Davidib nulliangit kittorngangillo. Filisterit salagijauningit.

HIRAMIBLO Tirusib attannertangata Davide tilliklervigiva tillijanik, kejungniglo Cederinik, karmaliorteniglo iglulliortiniglo, iglomik iglolloirkovlugit tapsomunga.

2 Davidelo tukkisilerpok Nalekab attannioninga Israelitinut nakkiterlaungmago; attanniovinga angijorortitaungmat innukottingit Israelitit pivlugit.

3 Davidelo arnanik unnurnersanik nullianikpok sulle Jerusaleme, ernetarnersaulunelo pannitarnersaularmelo sulle unnurnersanik.

4 Tamadsalo Jerusaleme erniangolauktut tapsomunga attingit: Samua, Sobabe, Nathan, Salomo,

5 Jebehar, Elisua, Elpalet,

6 Noga, Nefeg, Jafia,

7 Elisamma, Baeljada, Elifalet.

8 Filisterillo tussaramik Davide mingoartauvlune attanningortitaumangmat Israelitit illunamassianginut, tagva illunatik aularlutik majorarput takpaunga Davide kenneromavlugo. Davide tamattominga tussarame aularpok pâromavlugit.

9 Filisterillo tikkilutik tangmarterput Refaimib naksangane.

10 Davidiblo Gude apperiva, okarlunelo: Paunga majorartuksauvik Filisterit akkerartorlugit, tunnijomavigillo aggamnut? Nalekab okautiva: Majorarit takpaunga, tunnijomavakka aggangnut.

11 Tagva aularput Baalprazimemut, Davidiblo ullimârpait tagvane. Davidelo okarpok: Gudib omigijikka aggap-tigut alliktorpait, sorlo immiksuit suppingmatta. Tamanua pivlugo inne tamna atserarpât Baalprazimemik.

12 Gudingoakotitiglo kemmakpait, Davidiblo ikkitaukovait ikkomamut.

13 Filisterille ama tikkilaurivut tangmarterlutiglo naksarme.

14 Davidiblo Gude ama apperiva. Gudiblo okautiva; Majorartuksaungilatit takpaunga kingorngattigut, sangulerille tapkonangat, tikkikovlutit tapkonunga nappartut Maulbeeregit sâdlugit.

15 Tussarniaruvillo nappartut Maulbeeregit pappingita keasungninginik tagva opaksârit sorsungnermut; Gudib aularkârmat illingnit Filisterit kattimgajoksoangit annaulugit.

16 Davidelo taimailorpok sorlo Gudib perkolaungmago, ullimârpaillo Filisterit kattimgajoksoangit Gibeonemit Gaser tikkidlugo.

17 Davidiblo attinga okausiolaukpok nunane tamaine, Nalekablo innukattigêksuit illunaita tupviotipait sivuranermik tapsominga.

KAPITEL XV.

Angersimanerub iklervingata âtauninga Jerusalem.

IGLUNIGLO iglugaselliorpok ingminut Davidib iglugaseksoangine, Gudiblo iklervinga inniksalliorpâ, tuppektorpâlo.

2 Taipsomane Davide okarpok: Gudib iklervinga Levitit assinginut akkigartaujuksaungilak; tapkoa Nalekab annerilaungmagit Nalekab iklervinga akkigarlugo pikovlugit, kivgartorkovlugillo tapsominga soraijuitomik.

3 Davidiblo Israelitit illunamassiangit kattikovait Jerusalem, Nalekab iklervinga takpaungartilugo pikovlugit, inniksamut âkiksortaukolauktanganut tamna pivlugo.

4 Davidiblo kattikovait Aronib erningit, Levitillo.

5 Kahatib erninginit, Uriel, angajokaunerôjok, kattangutingillo illagilugit 120 git;

6 Merarib erninginit Assaja, angajokaunerôjok, kattangutingillo illagilugit 220 git;

7 Gersomib erninginit, Joel angajokaunerôjok, kattangutingit illagilugit 130 git.

8 Elizafanib erninginit Semaja angajokaunerôjok, kattangutingit illagilugit 200 dit;

9 Hebronib erninginit, Eliel angajokaunerôjok, kattangutingit illagilugit 80 git.

10 Usielib kittornganginit Aminadabe angajokaunerôjok, kattangutingit illagilugit 112 it.

11 Davidiblo kaikovait, Zadoke, Abjatharelo, ajochertuijuk; Levitillo, Uriel, Assajalo, Joello, Sémajalo, Elielelo, Aminadabelo;

12 Okautivaillo: Illipse angajokaunerôvose kinguvarênut Levitinut, tagva manna sujungaititse illipsingnik kattangutipsingniglo, Nalekab Israelib Gudingata iklervinga takpaungartilugo pikovluse, tagvunga inniksaliorkluktamnut tapsomunga;

13 Sivurnganele illipse pilaunginase, Nalegak Gudivut kopaktitsilaukpok akkonaptingne, tamana pivlugo kennerlaunginaptigo sorlo pijariakarmat.

14 Tagva ajochertuijut Levitillo sujungaitiput, Nalebab Israelib Gudingata iklervinga takpaungartilugo pikovlugit.

15 Leviblo kittorngangita Gudib Nalekab iklervinga akki-garpât ikkautingnut erksuklugo, sorlo Mosese perkojilaungmat Nalekab okausingit malliklugit.

16 Davidelo Levitit angajokânginut okarpok, kattangutitik, imgerpaktut kaikolugit, nokakseralijarlutik, Psalterilijarlutiglo, Harfelijarlutiglo, Cimbelijarlutiglo pikovlugit, imgerkovlugillo nippekortojomut kuvasuklutik.

17 Tagva Levitit Heman Joelib erninga kaikovât; kattangutinginillo, Assaf, Berechjab erninga; Merariblo kittornganginit kattangutinginit Ethan, Kusajab erninga;

18 Illagællugillo kattangutingit tuglit, Sacharja, Ben, Jaesiel, Semiramot, Jehiel, Unni, Eliab, Benaja, Maeseja, Mathitja, Elifelela, Mikneja, Obed Edom, Jehiel, upkuanik udsertortut.

19 Imgerpaktut Heman, Assaf, Ethanelo perkojauvut Cimbelit, kannujarmat sennamajut nippekortojullo attorlugit,

20 Sacharjalo, Assiello, Semiramotelo, Jehiello, Unilo, Eliabelo, Maesejalo, Benajalo, Psalterit attorlugit ingiorlugit;

21 Matitjale, Elifelejalo, Miknejalo, Obed Edomelo, Jejello, Assasialo Harfesijarlutik imgerkârkovlugit.

22 Kenanjalo Levitit angajokangat aulatsijok imgernermik, illiniartitsikovlugo tapkoninga imgernermik, sillatudlarmat.

23 Berechjalo, Elkanalo, udsertorteolaukpuk iklerviub upkoanganik.

24 Sebanjalo, Josafatelo, Nethaneelelo, Amasailo, Sachar-

jalo, Benajalo, Elieserelo ajochertuijok tiptulausijarlaukput Gudib iklervingata sivurgane; Obed Edomelo, Jehialo udsertorteolaukput iklerviub upkoanganik.

25 Taimak Davide angajuklillo Israeleme, angajokaillo 1000 dinut aivut Nalekab angerutingata iklervinga aijomavlugo takpaunga Obed Edomib iglunganit, kuviasuklutik.

26 Gudiblo Levitit Nalekab angerutingata iklervinganik akkigartut ikkajormagit, tunnergumik tunnijivut tuktuvângnik 7 nik saukaniglo angusallungnik 7 nik.

27 Davidelo attisimalaukpok ullingmik sâtomik, taimaktauk Levitit iklervingmik akkigartut, imgertullo, Kenanjalo, imger-tunik aulatsijok, imgertut akkorngane, Davidelo attisimalauri-voktauk sillapamik sâtomik.

28 Taimak Israelitit illunamassiangita Nalekab angerutingata iklervinga takpaungartipât, igiakomijarlutik, tiptulausijarlutiglo, Trompetesijarlutiglo, Cimbelisijarlarmiglo nipperkortojuunik, Psalteresijarlutiglo, Harfesijarlarmiglo.

29 Nalekab angerutingata iklervinga manna Davidib iglugaseksoanginut tikkilermat, tagva Michal, Saulib panninga nui-tavok igalâkut, tækkovâlo attannek Davide kiggertartillugo, okigêsertillugolo Harfesijartillugolo, nachogivâlo omattimigut.

KAPITEL XVI.

Davidib tuksiarutingit angernerub iklervingata angeraujau-ninga pivlugo. Kivgartornerub Gudemik âkiksอร์ตuuninga.

GUDIBLO iklervinga ittertinamitsuk, illivât tuppiub Davidib tuppertorlauktangata tapsomunga illuanut, tunnijilutiglo tunnergutunik ôtaksanik, kujalijutiksanglo Gudib sângane.

2 Davidiblo tunergutit ôtaksat, tunergutillo kualijutiksat tunijarêramigit, innugiartoksuit saimartipait Nalekab attingane.

3 Aitortuilunelo illunainik Israelitinik, tamangnik angutunik arnaniglo, attunit niakojârsungmik abvakomiglo nerkemik, Weinemiglo ôktut tættælugo.

4 Nalekablo iklervingata sânganut Levitit illangit pitipait kivgartornermut (illingajuksat), Nalegak Israelib Gudinga opigilugo, kujagilugolo, nertorlugolo pikovlugit.

5 Tapkoa Assaf sivurlek, Sacharja tuglek, Jejello, Semiramotelo, Jehiello, Matitjalo, Eliabelo, Benajalo, Obed Edomelo, Jehello, Psalterinik, Harfiniglo attorlutik; Assafible Cimbele nippekortôjok attorlugolo.

6 Benajable, Jehasieliblo Trompete attutsainarpâk Gudib angerningata iklervingata sângane.

7 Taipsomane Davidib Nalegak kujagijaukokârpa Assafekut, kattangutingittigullo:

8 Nalegak kujagisiuk, attinga okalautigisiuk, pinniar-ningit nellonairtisigik innukattigêksoarnut.

9 Imgervigisiuk, nipliajunik attorutigisiuk, tattamnartulliningillo tamaita tuksiaruselliorutisigik.

10 Attinga heiligeôjok nertorsiuk. Tapkoa Nalekamik kenertert omattingit kuviasulerlit.

11 Nalegak, apperkutigisiuk, pitsartuningalo, kênanga kensainsainarsiuk.

12 Tattamnartulliningit pinniarlauktangit erkarsigik, tattamnartulliningit okausingillo.

13 Illipse, kinguvangôjose Israelemut tapsoma kivganganut, illipse kittorngaujose Jakomut annerimajangit.

14 Tamna Nalegauvok Gudivut, erkartuivok sillaksoarme illunâne.

15 Angerninga erkaumatsainarsiuk soraijuitomik, okautsit perkolauktangit kinguvarênut tausendinut,

16 Angernerilauktanga Abrahamut, okarmaringningalo Isaangmut;

17 Pitipâlo tamanna Jakomut malligeksaukovlugo, Israelemullo angernermut soraijuitomut,

18 Okarlaukporlo: Igvit Kanaanib nunanganik tunnitsivigijomavagit, imerautipse kingormgutijanganut;

19 Ikkitotillugit kêtautilugillo tujormiangotilugillo numame.

20 Nûlerlaukpullo innukattigêksuit illanganit assianut, attanniovillo illanganit innukattigêksoarnut assinginut.

21 Okumaiksartitaukolaungilait kinamullonêt, attannillo pit-larpait pivlugit.

22 Mingoartakka aktorniarassigik, nellautaijokotikkalo id-luitulliviginiarnagit.

23 Nunaujose illunase Nalegak imgervigisiuk, piulikler-ninga akpautigisiuk uvlut tamaita.

24 Unipkaritse ânanaudlarninganik nellojut akkorngane, tattamnartullininginiglo innukattigêksuit akkorngane!

25 Nalegak angijoksôngmat, nertornartoksôlarmelo sivurana-luarporlo Gudinut tamainit.

26 Nellojut illunamassiatik Gudingit Gudingoangôngmatta, Nalekable killak sennalaukpâ.

27 Ananaunekarpok, pinarnarnekarlarmelo tapsoma sângane, tattamnadlartuniglo kuvianadlartuniglo illusekarpok tapsoma inningane.

28 Kaitsileritse Nalekamut innukattigêksoangôjose, kaitsiler-itse Nalekamut nertortaunermik opigijaunermiglo.

29 Kaitsileritse Nalekab attinganut nertordlernermik; pilli-

utit kailersigik, sangeriartorlugolo, Nalegarlo tuksiarvigisiuk ivsornainerub ánanaudlarningane.

30 Sillaksoarmiut illunamassiatik sivuragilitsuk; Tapsoma nuna ákiksorlaukpa aulakonnago.

31 Killak kuviasugle, nunalo serridlarle; okautaulelo innu-kattigéksuit akkorngane Nalegak attanniôtíngmat.

32 Immarbiksoak iktullijarle takkamanétullo; perorsévit kuviasuglit, tamaitalo tapkonanétut.

33 Nappartullo illunatik nappartunétut igiakomijarkogisigik Nalekab sângane, tikkilermat nuna erkartoromavlugo.

34 Nalegak kujagisiuk illanakarmat, saimarsainingalo so-rairniatsengimat.

35 Okaritselo: Ikajortigut Gude piulijivut, kattitilutalo piulitigullo nellojunit, attit heiligeôjok kujagilugo, igvillo nertorlutit pikovluta.

36 Nalegak Israelib Gudinga nertortaule issokangitomit is-sokangitomot, innugiartoksuillo illunatik okarlit: Amen, Nalegarlo nertorlitsuk.

37 Taimak Nalekab angerutingata iklervingata sânganêt-sainarkovait Assaf kattangutingillo, kivgartutsainarkovlugit iklerviub sângane uvlut tamaita.

38 Obed Edomele kattangutingillo 68 git, Oded Edomelo, Jedithunib erninga Hossalo udsertortungortipait upkoaksoarnik.

39 Zadokelo ajochertuijok, kattangutingillo ajochertuijut Nalekab iglungata poktojométub Gibeame sânganetuarkovait,

40 Uvlut tamaita tunnijkovlugit Nalekamut tunnergutininik ôtaksanik, Altarib tunnergutiksanut ôtaksanut illingajub kângine, uvlarme unnungmelo, sorlo aglaksimangmat Nalekab perkojangine, Israelitinut perkolauktangine.

41 Tapkoalo illagilugit Heman, Jeditunelo, annerijaujullo assingit attermikut taijaumalauktut, Nalegak kujagilugo pitsiarninga sorainiatsengimat.

42 Illagilugillo Heman, Jeditunelo, Trometit Cimbelilo Gudiblo nokakseralingningit attorlugit. Jeditunible erningit udsertortungortipait upkoaksoarnik.

43 Taimak innugiartoksuit illunatik attunît angerarput iglo-mingnut; Davidelo sanguvoktauk iglomiokattine saimartitso-mavlugit.

KAPITEL XVII.

*Davidib kajusimaninga Tempelemik sennajomarlune;
Mesiasiblo angerutigjauninga.*

PIJOKALAUKPORLO Davidib iglune innigilauramiuk, okar-pok nellautaijomut Nathanemut: Ahâk, uvanga iglo Cederenit sennamajok innigivara, Nalekablo angerningata iklervinga itsat attanêpok.

2 Nathanib Davide okautiva: Tamaita omamigijattit pin-niarkit, Gudib aiparingmattit,

3 Unnuarmeile taipsomane Gudib okausinga tikkipok Na-thanemut, okarlunelo:

4 Ailerit Davidelo kivgara okautiuk: Imâk Nalegak okar-pok: Igvit iglolioraksaringilarma inniksamnut illingajomik.

5 Iglome inekalaunginama uvlormit taipsomanemit Israelib kittorngangit aularutilaurapkit, uvlok tamanna tikkilugo; ailaukpungale tuppermit tuppermut, innemillo innemut.

6 Agvertarvigilauktamne Israelitit illunamassiatik akkorng-ane, idluarsaijut nelliât perkolauktara innukotikka pairilugit, okautilauralloarpigo, okarlungalo: Sôg igloliorlungipissinga Cederelingmik?

7 Tagva mana okalerit kivgamnut Davidemut: Imâk Nalegak Zebaote okarpok: Tigulaukpagit iviksukatalingmit saukat kingornganit, attanniojuksaukovlutit innukotimnut Israe-litinut,

8 Aiparilaukpagillo nâmut aivigijarnut, omigijitillo pêjar-laukpacka sivunerne, attekartilaukpagillo sorlo angijoksuit nu-name attekarmatta.

9 Innukotikkale Israelitit innekartitsomavakka illijoma-vakkalo, tagvane innekarkovlugit, aulajungnaititaukovlugillo, innuillo kassêtut nukingêrotititaksarijungnaipait sivornganetut,

10 Nelliutunelo taipsomanetut idluarsaijut perkolaurapkit angajokaukovlugit innukotimnut Israelitinut; omigijitillo illu-naita manigotititsomavakka; nellojungnaitipagillo Nalekab igvit iglomik iglolioromangmattit.

11 Uvlokotitille annigoromârpatta, aivlutit atâtagijarnut, tagva kinguvâksattit kingunerne ernivît illangat makkititsoma-vara, tamna attanniovinganik nakkiterivigijomavara.

12 Tapsoma iglomik iglolioraksarivânga, iksivautangalo nakkiteromavara issokangitomut.

13 Uvanga atâtaujomavunga taipsomunga, taimnalo ernic-juksauvok uvamnut. Napkinengningneralo pêjaromangilara taip-somangat, sorlo pêjarlaurapko taipsomangat sivunernelauk-tomit.

14 Pititsomavarale iglumnut attanniovikotimnullo sorajjuitomik, iksivautangä sokkosijuikovlugo issokangitomut.

15 Nathaniblo okautsit tamakkoa tamaita malliklugit, tæk-kotitsug'o tamanna tamät malliklugo Davide okarvigilaukpa.

16 Tagva attannek Davide kaivok nokkangalunelo Nalekab sângane okarlunelo: Kinauvik Nalegak Gud, iglomiokatikkalo sunauvât, manna tikkidlugo âlauramga?

17 Tamannalo suglugilaukpat sulle Gude, kivgaville iglunga pivlugo, kanningitut pijomârtullo okautigilaukpattit sulle; tæk-konalauparmalo innub illusinga malliklugo Gudeogalloarlutit, Nalegaujok kotsiktome.

18 Sunamiglo anginersamik Davide okartuksauva illingnut, kivgait ânanausigangne? Kivgait illitarivat.

19 Nalegak kivgait pivlugo, omattit malliklugo tamattominga tamät pijarialiksoarmik pinniarlaukpotit, nellonêrsilutillo pijariakortôjomik tamattominga tamät.

20 Nalegak adsekangilatit, Gudekangilarlo assingnik, taimaimariklutit sorlo siutiptingnut tussaraurapta.

21 Nanelo innukattigêksoakarka nuname innukotitut Israelitut, Gudib aijutigijangitut, ingminut innugiartoksoarnik piulikleromavlune, attekartitsomavlunelo ingminut, pinniarnernut pijariakortôjunut, kappianadlartunullo, innukattigêksuit pingudlaurangne innukotivit sivorgane piulilauktavit Êgiptenemit?

22 Innukotitillo Israelitit innukotingortilaukpattit illingnut issokangitomut; igvillo Nalegak Gudingorlaukpotit tapkonunga.

23 Manna Nalegak okautsit okauserilauktattit kivgait pivlugo, iglungalo pivlugo, nellautsilerlit sorajjuitomik, pnniarlutillo sorlo okalauravit.

24 Illa miksekârlit, attit angijororkovlugo issokangitomut, okartokarkovlugo: Nalegak Zebaoth, Israelib Gudinga Gudeôvok Israelitinut, kivgavillo Davidib iglunga sokkosijuile sângne.

25 Ivgit Nalegak kivgait nellojungnaitilaukpat iglomik igloloromagangne, tamanna pivlugo kivgait nachvarpok tuksiararijaminik sângne.

26 Manna Nalegak, igvit Gudeôvotit, ajungitorlo taimaitok okautigilaukpat kivgarnut.

27 Manna pigiarit kivgavit iglunga pitsartutilugo sângnetsainarkovlugo sorajjuitomik; saimartitattit saimartisimangmatta sorajjuitomik.

KAPITEL XVIII.

Davidib sálakarningit sunatuinait; pimalklertokotingillo.

TAMAKKOA kingorngane Davidib Filisterit ullimárpait manigotitipaillo, aksarnigarivaillo Gathe, aiparusingillo Filisterit agganginit.

2 Moabiterittauk ullimarlaurivait; taimak Moabiterit kivgaulerput Davidemut, átsilutiglo pilliutinik tapsomunga.

3 Hadad Eseretauk, Zobab Hematemétub attannertanga salagigiva ingerarame attanniovine tunganilititsomavlugo kôngme Fratemik attelingme.

4 Davidiblo tiguvait tapsomangat kammutit 1000 dit, horsillo kângine ablangajut 7000 dit, angutillo pissuktut 20000 dit. Davidiblo kammutit illunaita illakungortipait, kammutillo 100 dit amiakokovait.

5 Siriamiullo Damaskusemiut tikkilerput Hadadeser Zobab attannertanga ikajoromavlugo. Davidible Siriamiut tapkoa angutit 22000 dit ullimárpait.

6 Sorsuktuksakartitsivorlo Damaskuseme, taimaglo Siriamiut kivgaulerput Davidemut, átsilutiglo pilliutinik, Nalekab ikajormago aivigijangine tamaine.

7 Davidib sappulutat Goldeôjut Hadadeserib kivgangita pigijangit tiguvait, álugillo Jerusalem.

8 Taimaktauk Davide Hadadeserib iglugaseksoakotinginit Tibeatemit, Kunemille tigusivok kannujavaksoarnik. Tamattomangat Salomob immarbingoak kannujaujok, nappajuglo, illulerkutillo kannujaujut sennavait.

9 Togullo Hematib attannertanga tussarame, Davidib Hadadeserib Zobab attannertangata sorsuktuksakotingit illunaita ullimarlaungmagit:

10 Ernine Hadoram tilliva attannermut Davidemut, salatitaukoválo, saimartitaukolugolo, Hadadeser sorsugvigilaungmago ullimárlaungmagolo. (Togu unatarnekarmat Hadadeseremut,) tamnalo illagællugo illulerkutlinik sunatuinarnik Goldeôjunik Silbereôjuniglo, kannujaujuniglo,

11 Tamakkoalotauk attanniub Davidib Silberit Goldillo innukattigéksoarnit, tagva Edomiterinit, Moabiterinillo, Amoniterinillo, Filisterinillo, Amalekiterinillo, tigulauktangit illaliudlugit perkotautipait Nalekamut.

12 Abisaiblo Zerujab erningata Edomiterit ullimárpait, sioraujab náksangane, 18000 dit;

13 Sorsuktuksakartitsivorlo Edomeme; Edomiterillo illunatik kivgangorput Davidemut. Nalekab Davide ikkajormago aivigijangine tamaine.

14 Taimak Davide attanniotilaukpok Israelitnut illunamas-sianginut, attorlunelo idluarsainermik idluarnermiglo innugiar-toksoarnut illunamassianginut.

15 Joab Zerujab erninga angajokaulaukpok sorsuktuksak-soarnut. Josafate Ahiludib erninga angajokaulaukpok aglakpak-tunut.

16 Zadok, Ahitub erninga, Abimelechelo Abjatarib erninga ajochertuijolaupok, Sausa aglakpakteolaukpok.

17 Benaja, Jojadab erninga angajokaulaukpok Kretinut Ple-tinullo, Davidiblo erningit attanniub najorivait ikkajortigi-lugit,

KAPITEL XIX.

Amoniterit idluitulliningit Davidib tillijanginut, Davidiblo pitlarningninga tapkoninga.

MATTOMALO kingorngane Nahase Ammonib kittorngangita attannerijangat tokkovok, erningalo attanningorpok innangêrd-lugo.

2 Tagva Davide issumalerpok: Napkinernermik pinniaro-mavunga Hananemut, Nahasib erninganut, atâtangata napki-ningernermik pinniarvigilaungmanga, tillijaniglo tilliklerpok taip-somunga, manigorlugo pikovlugit atâtanga pivlugo. Davidiblo kivgangit Ammonib kittorngangita nunanganut tikkimatta ma-nigoromavlugo;

3 Tagva Ammonib kittorngangita angajokaunerôjungit okar-put Hananemut: Isumavit Davidib atâtait opigingmago ijkipit sângangne, manigoijunik tilliklervigilaungmattit? Illa kivgangit tikkisimavut illingnut nausakarlutik, asseroijomavlutiglo, nunalo nautsertoriarlugo.

4 Tagva Hananib Davidib kivgangit tiguvaît, kipsarvigivaît, anorângillo kipjaumiktorpait ketterarlugit, makkitingit tikkid-lugit, aularkolaitalo.

5 Aularpullo, Davidelo okautsaukovât tamattominga angu-tinut. Tamnale tilliklerpok pachrearlugit, (angutit taipkoa angijomik kangusuktitaulaungmatta.) Attannerlo okarpok: Je-richometuaritse, umise, perorsearilugit; tagvalo uttileritse.

6 Ammonible kittorngangit takkogamik tippiludlaramik Da-vidib sângane, Hanan Ammoniblo kittorngangit tillikliutjivut Talentinik 1000 dinik Silberemik, tikkikojijomavlutik tapko-nunga kamutinik, ablangajuniglo horsit kângine, Mesopotami-amit, Maechamillo, Zobamillo;

7 Tikkikojilutiglo kamutinik 32000 dinik, attannermiglo

Maechamik innukotine illagilugit; tapkoa tikkilerput tangmar-terlutiglo Medbob sivurânut. Ammoniblo kittorngangit kattilerputtauk iglugaseksoakotimingnit, tikkilerlutiglo sorsugomamut.

8 Davidib tamana tussaramiuk Joabe tilliva sorsuktuksaksoakattigêt sôngojut illunamassiatik illagilugit.

9 Ammonible kittorngangit aularsimalaakput, oppalungaijarlutiglo sorsungnermut iglugaseksuit upkoaksoangata sivurâne. Attannille tikkisimajut ingmikorlutik naternamelaukput.

10 Joabele manna tækkogame sorsungnek torartitaungmat tapsomunga sânganit kingornganillo; annerosulerpok Israelib angutinginit innuosuktunit illunainit, parngnailerlunelo Siriamiut akkerartoromavlugit.

11 Innugiartoksuille assingit pitipait angajume Abisaib agganginut, parngnailerkovlugit Ammonib kittorngangit akkerartorlugit.

12 Okarlunelo: Siriamiut sôngoluarniarpatta uvamnut, tagva ikajoriartorlaunga; Ammonible kittorngangit sôngoluarniarpatta illingnut, uvanga ikkajoromavagit.

13 Maksoalerit, maksoavlutalo innukattivut Gudiptalo iglugaseksoakotingit pinniarutigilavut. Nalegak pinniarle namagijaminik.

14 Joabelo innugiartoksuit illagijane illagilugit kaglilerpok Siriamiut sorsugvigivlugit; kemmâvâllo.

15 Ammonible kittorngangit tækkogamik Siriamiut kemângmatta, Abisai angajua kemâgivât, itterlutiglo iglogaseksoarnut. Joabelo tikkipok Jerusalem.

16 Siriamiulle tækkogamik salagijaunermingnik Israelitinut; tillijanik tilliklerput, tikkikolaitalo Siriamiut kôksub akkianêtut. Sofachiblo Hadadeserib sorsuktuksaksoakotingita angajokangata sivorlervigivait.

17 Davide tamattominga okautsaulerame, Israelitit illunamassiatik kattitipait attautsemut, ingergalunelo Jordane ikârlugo; tikkinamigillo parngnailerpok. Davidelo opalungaijarpok Siriamiut sorsugvigijomavlugit, tapkoalo sorsukattigivât.

18 Siriamiulle Israelitit kemâvait. Davidiblo Siriamiunit kamutit 7000 dit innungit, 40000 dillo angutit pissuktut tokkopait; illaliudlugillo Sofache sorsuktuksaksoakattigêt angajokangatat tokkopa.

19 Hadadeseriblo kivgangit tækkogamik sâlagijaunermingnik Israelitinut, ullapirsautiksalioput Davidemut kivganginullo. Siriamiullo Ammonib kittorngangit ikajoromairpait.

KAPITEL XX.

*Amoniterit iglugaseksoakotingita Rabbamik attigit sâlagijau-
ningat; Filisterillo salagijauningat.*

JAHRELO kângermat, nelliutome attannit aularvigivaktangane, Joabib sorsuktuksaksoakattigêt aularutivait, asserorlâlo Amonib kittorngangita nunangat, tikkilunelo Rabba illumavait; Davidele Jerusalemetuarpok. Joabible Rabba sâlagivait, serkomilaitalo.

2 Davidiblo attanningata niakotinga tiguva niakunganit, tukkisilâlo Talentetut okkumaitigijomik Goldekarmat, ujara-karmallo pivianartunik; illijaulaukporlo Davidib niakoanut. Aksarnigaujoksuillo aularutivaittauk iglugaseksoarnit.

3 Innugiartoksuille takkamanetut annitipait avgorlugillo kiblutinut, niksinnullo, kuksautinullo kikkiangôjunut, Davidib Amonib kittorngangita iglugaseksoakotingit illunaita taimailiorvigivait. Davidelo innugiartoksuit illagilugit utterpok Jerusalemut.

4 Tamattoma kingorngane sorsungnekalerpok Gasereme Filisterinut. Taipsomane Sibechaib Husatemiub Sibai innukpait kittorngangita illangat ullimârpa; manigotititauvullo.

5 Amalo sorsungnekalerlaukpok Filisterinut. Tagva Elhanib Jairib erningata Lahemi Goliathib Gathemiub nukanga ullimârpa, kallugiakalauktok ippulingmik umiab naparutangatutitomik.

6 Amalo sorsungnekalaukpok Gatheme. Tagvane angutekarpok innugangoalingmik 6 inik aggangmine ittikaminelo, tagva 24 ôjut, erniangolaurivoktauk innukpanit.

7 Mittautekarporlo Israelitinik. Jonathanible, Simeab, Davidib angajuata, erningata ullimârpa.

8 Tapkoa erniangolaukput innukpanit Gatheme, ochotitautlutiglo Davidib tapsomalo kivgangita agganginut.

KAPITEL XXI.

Innugiartoksuit kittitauningat, pitlartaunerlo nusilingnartomik.

SATANASIB Israelitit akkerartorpait. Davidelo kajungersarpa Israelitit kittitaukolugit pikovlugo,

2 Davidelo Joabemut innugiartoksuillo angajokanginut okar-

pok: Israelitit kittijartorsigik Bersebamit Dane tikkilugo; kailugillo uvamnut, kaujikovlunga unnurninginik.

3 Joabe okarpok: Nalegak illautitsilerle innukotiminut sorlo mana illingangmatta 100 deértortunik unnurnersanik sulle; kissianeale nalegâk attannek, illunaita, nalekama kivgaringilait? Sôgle nalekama tamana apperkutigivauk? Sôg patsitikartuk-saulerka Israelitinut?

4 Attanniuble okausingit ajugaulaukput Joabemut, Joabelo aularpok agvertarlunelo Israelitit nunangitigut illunaitigut, tikkiporlo Jerusalem.

5 Innugiartoksuillo kittisimajut unnurningit tunnivait Davidemut. Innugiartoksuillo illunatik unnurningit 1100000 deolaukput saviksoarmik amusijut, Judakullo 470000 diolaukput saviksoarmik amusijut.

6 Levikullo, Benjaminekullo kittikassiutlaungilait tapkoa akkorngane; Joabib attanniub okausingit makkojuggingmagit.

7 Gudible tamana idluigiva; annauvaillo Israelitit.

8 Davidelo okarpok Gudemut: Angijomik idluitullilaukpunga taimailiorlaurama; mannale pëjarlauruk kivgavit idluitullininga, sillainartomik pilaurama.

9 Nalekablo Gade Davidib tækkojokotinga okarvigiva, okarlunelo:

10 Ailerit Davidelo okarkattigiuk: Imâk Nalegak okarpok: Pingasunik adsigëngitunik manijervigivagit annerosulerit tapkoa illanganik, taimailiorkovlunga illingnut.

11 Gadiblo Davide tikkigamiuk okautiva: Imâk Nalegak okarpok: Annerosulerit:

12 Jahrinik pingasunik kângnartuniglonët; kemânermiglonët takkit pingasut nâlugit akkerartortitit pivlugit, omigijivillo saviksoangit pivlugit, angukovlugit illingnik; Nalekab saviksoanganiglonët, nusilingnartomiglo nuname uvlut pingasut nâvlugit, Nalekab Engelinga asseroikovlugo Israelitit kigilervingine illunaine; tagva issumaksarsiolerit nautsertorlutillo mana sunamik kiojuksaunimnik tapsomunga tillijimnut.

13 Davide okarpok Gademut: Kappiasudlarpunga angijomik; kissianeale Nalekab agganginut kattagomavunga, tapsoma napkoarusungninga angijovaksongmat, kattagomangilangalo innuit agganginut.

14 Tagva Nalekab nusilingnartok tikkerkova Israelitinut, ochojokarmat Israeleme angutinik 70000 dinik.

15 Gudiblo Engele tilliva Jerusalem, asserorlugit pikovlugo. Asserorsaitillugolo Nalekab tækkova tamanna, kakkiale-rutigivâlo, Engelelo asserorsaijok okautiva: Namaksivok aggaktit erkitikit. Nalekable Engelinga nangerpok Arafna Jebusitereôjub kakkojaksalliorvingata kiglingane.

16 Davidelo tækkosarpok, tækkovâlo Nalekab Engelinga nangertillugo killaub nunablo akkorngangne, saviksoarmiglo kenailitakangitomik tigumiartillugo aggangmine, issautjitillugolo tapsominga Jerusalem. Tagva Davide angajokaunerôjullo pôngnut ulliksimavlutik pamakterput kênatik pûvlugit.

17 Davidiblo Gude okautiva: Uvangaungilanga innugiartoksoarnik kittitaukojijok? Uvangauvunga idluitullilauktok, namalungitomislo pinniarlauktok; saukalle ukkoa, sunamik pinniarlaukât? Nalegak Gudik aggaktit torarlit uvamnut atâtamalo iglomiokotingnut akkerartorluta innukotingnulloungitok, tapkoa kappiasuktillugit.

18 Nalekablo Engelingata Gade okautiva: Davide okautilugo pikovlugo, Davide majorartuksaungmat Altarelo sennajaksaringmago Nalekamut, Araf nab Jebusitereôjub kakkojaksalliorvingane.

19 Taimak Davide Gadib okausingit okauserilauktangit Nalekab attingane malliklugit majorarpok.

20 Arnanelo keviarame erningillo sittamat illagilugit Engelmiglo takkogame, ijerput; Arnanible Waizen tullertautipait.

21 Davide mana Arnanemut aingmat, Arnan tækkosarpok, Davidelo tækkova, annilunelo kakkojaksalliorvingnit, kênanelo pûvlugo nunamut Davide opigiva.

22 Davidiblo Arnan okautiva: Inniksamik tunnitsivigilaunga kakkojaksalliorvingme, Altaremik Nalekamut sennajungnarkovlunga tagvunga; namaktomik akkekartillugo tunnijaksarivat uvamnut, pagvisartoâluk soraikovlugo.

23 Arnanele Davidemut okarpok: Tigusilerit Nalegâk attanek, pinniarlutillo sorlo namagijaungmat illingnut, âhâk tuktuvak una tunnivara tunergutiksamut ôtaksamut, tuktuvaublo annungita kejuktangit ikkomaksamut, Weizenelo tunergutiksamut nerkiksamut, tamaita tunnivakka.

24 Attannerle Davide Arnanemut okarpok: Taimangungitok, kênaujanulle akkikonartanga malliklugo pissiarijomavara; pigijattit tigujomanginapkit âlugillo Nalekamut, akkekangitomiglo tunnijijomangilanga tunnergutiksamik ikkoalajaksamik.

25 Taimak Davidib Arnan tunnitsivigiva innemut matto-munga Goldemik, Sekeletut 600 ditut okumaitigijomik.

26 Davidiblo tagvane Altare sennava Nalekamut, tunijilunelo tunergutininik ôtaksanik, kujalijutiksanglo. Nalegarlo nipliarvingmago tussarpa ikkomakut killangmit tunergutiksaliub ôtaksanik Altaringata kângane.

27 Nalekablo Engele okautiva, saviksoane pôlugo kênailitanganut pikovlugo.

28 Nelliutome taisomane Davide tækkogame, Nalekab tussarmago Arnanib Jebusitereôjub kakkojaksalliorvigijangane, tunnergutininik tunnijjongovok tagvane.

29 Nalekable iglunga Mosesib sennalauktanga sunakajuitome, tunnergutiksaliublo ôtaksanik Altaringat nelliutome taipsomane pôktojomêlaukpuk Gibeoneme.

30 Davidele aijungnarlaungilak tapsoma sânganut Gude kennerlugo, koaksarnermut, Nalekab Engelingata saviksoanganik.

KAPITEL XXII.

Davidib attuinaruterininga sunatuinarnik Tempelemut; kaib-lainigalo ernerninik Salomomik.

DAVIDELO okarpok: Gudib Nalekab iglunga mânetuksauvok, mânelo Altare tunnergutinin ôtaksanut.

2 Davidiblo tujormitjet Israelib nunanganêlauktut katterkovait; ujaralerijokarkojivorlo ujarkat ullimârlugit, Gudib iglunganut illingajuksat.

3 Davidele âkiksoivok kikkiangnik unnuktunik, kikkitsanut upkoanut itterviksoanganêtuksanut, assinginullo kikkiektortaujariakartunut illingajuksanik, kannujarmiglo taimak angitigijomik kiktartaujungnangimatta.

4 Kejungniglotauk kittiksaungitunik Zidonemiut Tirusemiullo âtsingmatta kejungnik Zedereôjunik unnuktunik Davidemut.

5 Davide issumagame: Ernera Salomo nukapiangôvok, nikanarlunelo, iglOLE igloliortaujuksak Nalekamut angijojuksauvok, attinga nertornautalo angijororkovlugik nunane illunaine, tamana pivlugo attuinaruterivigijomavara sunatuinarnik. Taimak Davide attuinaruterivok unnuktunik tokkokârane.

6 Erninelo Salomo kaikova, perkolugolo Nalekab Israelib Gudingata igluksanga igluliorlugo,

7 Okautivâlo: Ernik, uvanga kajusimalaukpunga Nalekab Gudima attinga iglomik igluliorlugo.

8 Nalekable okausingata tikkipânga, okarlunelo: Aut unnuktut kovilaukpattit, unatadlarnekalauklutillo angijomik, tamana pivlugo igvit attera iglulioraksaringilat, auksoarmik taimak angijoksoarmik kovisilauravit sâmnene nunamut.

9 Ahâk, ernit, erniangojuksak illingnut, tamna angutaujomârpok uimajangitok; uvanga merngoêrserkojomagapko omigijinginit avatinganêtunit tamainit; Salomomik attekartuksaungmat, uvangalo ullapirsauvik, merngoêrsernermiglo tunijijomavunga Israelitinut innôsingane tamât.

10 Tapsoma attera iglomik iglulioraksariva. Ernerijomavara, tapsomalo atâtagijaksarivânga. Uvangalo tapsoma attannioningata iksivautanga Israelitinut nakkiteromavara soraijuitomik.

11 Mana Nalekab aiparilitit erník, sullitsiarkovlutit Nalekab Gudivit igluksanga igluliorlugo pikovlutit, sorlo okautigilaungmattit.

12 Nalekab tunnitsiviginiarpátittauk sillatunermik illissimannermiglo, Israelitillo perkoniarpait illingnut, mallikovlutit Nalekab Gudivit perkojanganik.

13 Tagva pilloridlarniarpotit, kamatsiaruvit Gudib perkojanganit, idluarijangillo, Nalekab perkolauktangit Mosesekut Israelitinut malliklugit pinniarkovlutit. Maksoalerit mungotailutillo, sivoraniarnak, koaksanganaglo!

14 Ahâk siorniornimne piksarsiorlaukpunga Nalekab iglunganut illingajuksanik Talentinik 100000 dinik Goldemik, 1000 dillo 1000 deêrtorlutik Talentinik Silberemik, tamakkonungalo kannujarnik kittiktartaujungangitunik, unnudlarmatta; kejunignilotauk ujarkaniglo piksarsiorlaukpunga, tapkoa illaksakartitsungnarpattit.

15 Sennajullo unnuktut illingnêput, ujaralerijut, iglulior-tullo, sungiusimajullo sullijaksanik sunatuinarnik.

16 Golde, Silberelo, kannujarlo, kikkierlo, kittiksaungilet. Parngnailerit tagva sennalugolo; Nalekab aipariniarpátit.

17 Davidiblo Israelitit angajokangit illunaita perkovait ernine Salomo ikajorlugo pikovlugit.

18 Nalekab Gudipse illagingilâse merngoêrsernermiglo tunnitsivigiluse avatipsingne illunane? Tapsoma nunab innungit tunnilaungmagit aggamnut, nunalo nalektitaumavok Nalekamut, innukotinginullo.

19 Taimak mana omattise tarniselo torartisigik Nalegak kenerlugo. Parngnaileritselo igloliorluselo Gudemut Nalekamut ivsornaitovingmik, Nalekab angerningata iklervinga, illulerkutillo ivsornaitut pititaukovlugit iglomut Nalekab attinganut igluliortaujuksaujomut.

KAPITEL XXIII.

Levitit kittitauningit sullijaksakartitauningillo.

DAVIDELO innutokaulermat, inôsermiglo namaksigame, ernine Salomo attanningortipa.

2 Davidiblo angajokajet Israeleme illunaita, ajochertuijullo, Levitillo kattikovait,

3 Levitit kittitaukovlugit Jahrekartut 30inik unnurnersaniglo; unnurningillo niakomit niakomut 38000 diolaukput, anguteôjut sôngojut.

4 Tapkonangat 24000dit perkojauvut, pinniaraksat Nalekab

iglungane pinniarlugit; 6000 dillo angajokangôrput, idluarsaijungorlutiglo;

5 4000 dillo udsertortungorput upkoanik; 4000 dillo imgerlutik, nertordlertungorput Nalekamik, nokakseralingnik, sennalauktamnik (Davide okarpok) attorlutik, nertordlerutiksanik imgerlutik pikovlugit.

6 Davidiblo avikpait ingmigolingajunut Levib erningit, tagva Gerson, Kahat, Merarilo, malliklugit.

7 Gersonekunit tapkoangôlaukput: Laedan, Simeilo.

8 Laedamib erningit: Sivorlek Jehiel, Sethamelo, Joello, tapkoa pingasut.

9 Simeiblo erningit tapkoangôlaukput: Salomith, Hasielelo, Haronelo, tapkoa pingasut. Tapkoa angajokaunerôlaukput atâtat Laedanekut akkorngane.

10 Simeiblo erningit: Jahath, Sinalo, Jeuselo, Brialo. Tapkoa sittamat Simeib ernerilaurivait.

11 Jahatelo sivorliôlaukpok, Sinalo tugliôlaukpok. Jeuselo, Brialo ernekalaungilak unnuktunik, tamanna pivlugo atâtab atautsib kinguvângititut kittikassiutitauvut.

12 Kahatib erningit tapkoangôlaukput: Amrame, Jazeharlo, Hebronelo, Usielelo, tapkoa sittamat.

13 Amramib ernigik tapkoangôvuk: Aron, Moselo. Aronele ingmigolingatitaumalaukpok, ivsornaititaukovlugo ivsornainerpangôjomut, tamma erningillo soraijuitomik, iserluanititsilerlutik Nalekab sângane, kivgartorlutiglo saimartitsilutiglo Nalekab attingane soraijuitomik pikovlugit.

14 Mosesiblo Gudib angutingata erningit taikassiutitauvut kinguvarêt Levikut akkorngane.

15 Mosesible ernigik tapkoangolaukpuk: Gersom, Elieserelo.

16 Gersomib erningit: Sivurlek Sebul.

17 Elieserib erningit: Rehabja, sivurlek. Elieserelo assianik ernekalaungilak. Rehabjable erningit unnuktovaksolaukput.

18 Jezecharib erningit tapkoangôlaukput: Salomith, sivurlek.

19 Hebronib erningit tapkoangôlaukput: Jeraja sivurlek, Amarjablo tuglek, Jehasielo pingajoat, Jakmeamelo sittamangat.

20 Usielib erningit tapkoangôlaukput: Micha sivurlek, Jesialo tuglek.

21 Merarib erningit tapkoangôlaukput: Maheli, Musilo. Mahelib erningit tapkoangôlaukput: Eleaser, Kiselo.

22 Eleaserelo tokkovok ernekarane pannekalaukporle, katangutingitalo Kisib erningita tiguvait.

23 Musib erningit tapkoangôlaukput: Maheli, Ederelo, Jeremothelo, tapkoa pingasut.

24 Tagva Levib erningit atâtagijamik iglomiokattingita atâ-

tallo angajokaunerôjut akkorngane, sorlo kittitaulaungmatta attingita unnurningit malliklugit, niakomit niakomut, pinniarlauktut pinniaraksanik Nalekab iglungane, Jahrekartunit 20ginik unnurnersaniglo.

25 Davide okarmat: Nalekab Israelib Gudingata innukotine merngoêrsernermik tunnitsivigilaukpait, innekarniarporlo Jerusaleme soraijuitomik.

26 Taimaglo Levitit akjarsijariakarungnaiput iglomik, illulerkutiniglo kivgartornermut pijariakartunik.

27 Davidible okausiugita kingorlingit malliklugit Levitit kittitaulaukput, Jahrekartunik 20 ginik unnurnersaniglo.

28 Pititaulaukpullo Aronib erningita agganginut, kivgartornermut Nalekab iglungane, avalut illuane, innenelo aiparutsine sujungaititsikovlugillo ivsornaitunik sunatuinarnik, ikajorkovlugillo sullijaksane Gudib iglungane.

29 Kakkojanullo tækkojaksanut sennaukamullo kakkortamut, tunnergutiksanut nerkiksalingnut, kakkojanullo sernakangitunut, tapkonungalo jarrajaupaktunut kallutaujame illingajunut; okumailutanullo illunainut, oktutenullo;

30 Nangerkovlugillo uvlane tamaine Nalegak kujagilugo, nertorlugolo, taimaglotauk unnune;

31 Tunnergutiksallo ôtaksat illunaita tunnilugit Nalekamut Sabbatine, takkêlânelo uvloksiorvingnelo, unnurningit sorlo pijariakarmatta malliklugit, taimailiutsainarkovlugit Nalekab sângane;

32 Pinniarkovlugillo pinniaraksanik tupperme kattimaviôjome, ivsornaitovingmelo, ikajorkovlugillo Aronib erninginit kattangutinginik kivgartornerme Nalekab iglungane.

KAPITEL XXIV.

Ajochertuijut ingmigolingatitauningit.

ARONIBLO erningita ingmigolingatitauningit, tapkoangôlaukput. Aronib erningit tapkoangôlaukput: Nadabe, Abihu, Eleasar, Ithamarelo,

2 Nadabele Abihulo tokkokârlaukpuk atâtamingnit, kittorngakalaungilâglo, Eleaserelo, Ithamarelo ajochertuijungorlaukpuk.

3 Davidiblo âkiksorpait imâk: Zadoke, Eleaserib erninginit pijok, Ahimelechelo, Ithamarib erninginit pijok, unnurningit sullijaksangillo malliklugit.

4 Eleaseriblo erninginit unnurnersanik nachvartokalaukpok niakoôjunik angutit akkorngane Ithamarib erninginit; âkiksor-

paillo imâk: Eleaserib erninginit 16it, angajokangnut atâtamik iglomiokattingita akkornegane, 8 illo Ithamarib erninginit atâtamik iglomiokattingita akkornegane.

5 Imeraumullo âkiksorpait adsigêktomik, angajokaunerôjut ivsornaitome, Gudiblo angajokâkotingit Eleaserib Ithamariblo erninginit pingmatta.

6 Semajablo aglaktâktub Nethaneelib erningata Leviteôjub aglaktait attanniub sângane, angajokaillo Zadokiblo ajochertuijub, Ahimelechiblo Abjatharib erningata, atâtallo angajokaunerôjut ajochertuijut Levitillo akkornegane; atâtat angajokaunerôjut illangat Eleaserekunit imerautigivât, aipangalo Ithamarekunit.

7 Imeraut sivorlek nellautsilaukpok Jojaribemut, aipanga Jedajamut,

8 Pingajoat Harimemut, sittamangat Seorimemut.

9 Tellimangat Malchijamut, pingasojoat Mejaminemut,

10 7 ingat Hakozezumut, 8 ingat Abiamut

11 9 ingat Jesuamut, 10 ingat Sechanjamut,

12 11 ingat Eliasibemut, 12 ingat Jakimemut,

13 13 ingat Hupamut, 14 ingat Jesebeabemut,

14 15 ingat Bilgamut, 16 ingat Imeremut,

15 17 ingat Hesiremut, 18 ingat Hapizezemut,

16 19 ingat Pithajamut, 20 ingat Jeheskelemut,

17 21 ingat Jachinemut, 22 ingat Gamulemut.

18 23 ingat Delajamut, 24 ingat Maasiamut.

19 Tagva âkiksортаuningat pinniaraksamingnut itterlutik Gudib iglunganut, illutsitik perkojaumajut atâtamingnut Aro-nemut malliklugit, sorlo Nalekab Israelib Gudingata perko-laungmago.

20 Leviblo erningita assingit tapkoangôlaukput: Amramib erninginit Subael. Subaelib erninginit Jedea.

21 Rehabjab erninginit Jesia sivorliôlaukpok.

22 Jezeharikunit Slomoth, Slomothib erninginit Jahat.

23 Hebronib erningit tapkoangôlaukput: Jerja sivorlek, Amarja tuglek, Jahesiel pingajoat, Jakmeame sittamangat.

24 Usielib erninga Michaôlaukpok. Michablo erningita illangat Samireôlaukpok.

25 Michab nukanga Jesiaôlaukpok. Jesiab erningita illangat Sacharjaôlaukpok.

26 Merarib erningit tapkoangôlaukput: Maheli, Musilo, tapsoma erninga Jaesiaôlaukpok.

27 Merarib erningit, erninganit Jaesiamit tapkoangôlaukput: Soham, Sakurelo, Ibrilo.

28 Mahelemit Eleasar, tamna ernekalaungilak.

29 Kisemit. Kisib erninga Jerahmeeleôlaukpok.

30 Musib erningit tapkoangôlaukput: Maheli, Ederelo, Je-

remothelo. Tagva Levitit erningit, atâtagijamik iglungit maliklugit.

31 Tapkoalotauk imerautigijauvut kattangutingita Aronib kittorngangita senniane, attanniub Davidib Zadokiblo, Ahimelechiblo, atâtallo angajokaunerôjut ajochertuijut Levitillo akkorngane sangine; adsigêktomik imerautigijauvut, kattangut mingnerpâk angajokaunerôjutut atâtat akkorngane.

KAPITEL XXV.

Imgerpaktut aviktauningit ingmigolingajunut 24 inut.

DAVIDELO sorsuktuksaksoakattigêllo angajokângit aviksivut kivgartornermut Assafib, Hemaniblo, Jedithuniblo erninginit Harfesijartunik, Psalteriniglo, Cimbeliniglo attortunik kittitau-laukpullo sullijaksanut piniarkojaunitik malliklugit.

2 Assafib erninginit: Sakur, Josefelo, Nethanjalo, Asarelalo, Assafib erningit aulatitauvlutik Assafemut nipliajokteô-lauktomut attannerme.

3 Jedithunemit. Jedithunib erningit tapkoangôloukput: Gedalja, Zorilo, Jesaijalo, Hasabjalo, Matitjalo, tapkoa 6it aulatitauvlutik atâtamingnut Jedithunemut, Harfesijarlutik nellautailauktut, Nalegak kujagilugo nertorlugolo.

4 Hemanemit: Hemanib erningit tapkoangôlaukput: Bukja Mathanja, Usiel, Sebucl, Jerimot, Hananja, Hanani, Eliatha, Gidalthi, Romamthi-Eser, Jasbekasa, Malloti, Hothir, Mahesiotelo.

5 Tapkoa illunaita Hemamib ernerivait, attanniub tækkojokotingita, Gudib okausingit attorlugit nertordlertub. Gudib Heman tunnitsivigilaungmago ernernik 14nik panningniglo pingasunik.

6 Tapkoa illunaita aulatitauvut atâtamingnut Assafemut, Jedithunemut, Hemaumullo, imgerlutik Nalekab iglungane, Cimbclit, Psalterillo, Harfillo attorkassiutilugit, kivgartornerme Gudib iglungane, taimaluatsiak sorlo attanniub Assafe, Jedithunelo Hemancllo perkolaungmagit:

7 Tapkoa kattangutingill, illaliudlugit imgernermik Nalekamut, sungiusimajut illunatik 288 ôlaukput.

8 Pinniarkojaunitiglo imerautigivait adsigêktomik, mingnerpâmut angnerpâmullo, illiniartitsijomut illiniartomullo.

9 Imeraut sivorlek nellautsivok, Assafekut illanganut, Josefemut. Aipanga Gedaljamut, kattangutingit erningillo illaliudlugit, tapkoa 12 ôlaukput.

10 Pingajoat Sakuremut, erningit kattangutingillo illaliudlugit, tapkoa 12 ôlaukput.

11 Sittamangat Jezrimut, erningit kattangutingillo illaliudlugit, tapkoa 12 ôlaukput.

12 Tellimangat Nethanjamut, erningillo kattangutingillo illaliudlugit, tapkoa 12 ôlaukput.

13 Pingasojoat Bukjamut, erningit, kattangutingillo illaliudlugit, tapkoa 12 ôlaukput.

14 7 ingat Jesreelamut, erningit kattangutingillo illaliudlugit tapkoa 12 ôlaukput.

15 8 ingat Jesajamut, erningit kattangutingillo illaliudlugit, tapkoa 12 ôlaukput.

16 9 ingat Mathanjamut, erningit kattangutingillo illaliudlugit, tapkoa 12 ôlaukput.

17 Tellimaujoat Simeimut, erningit kattangutingillo illaliudlugit, tapkoa 12 ôlaukput.

18 11 ingat Asareelemut, erningit kattangutingillo illaliudlugit, tapkoa 12 ôlaukput.

19 12 ingat Hasabjamut, erningit kattangutingillo illaliudlugit, tapkoa 12 ôlaukput.

20 13 ingat Subaelemut, erningit kattangutingillo illaliudlugit, tapkoa 12 ôlaukput.

21 14 ingat Mathitjamut, erningit kattangutingillo illaliudlugit, tapkoa 12 ôlaukput.

22 15 ingat Jeremothemut, erningit kattangutingillo illaliudlugit, tapkoa 12 ôlaukput.

23 16 ingat Ananjamut, erningit kattangutingillo illaliudlugit, tapkoa 12 ôlaukput.

24 17 ingat Jasbekasamut, erningit kattangutingillo illaliudlugit, tapkoa 12 ôlaukput.

25 18 ingat Hananimut, erningit kattangutingillo illaliudlugit, tapkoa 12 ôlaukput.

26 19 ingat Mallotimut, erningit kattangutingillo illaliudlugit, tapkoa 12 ôlaukput.

27 20 ingat Eliathamut, erningit kattangutingillo illaliudlugit, tapkoa 12 ôlaukput.

28 21 ingat Hothiremut, erningit kattangutingillo illaliudlugit, tapkoa 12 ôlaukput.

29 22 ingat Gidaltimut, erningit kattangutingillo illaliudlugit, tapkoa 12 ôlaukput.

30 23 ingat Mahesiothemut, erningit kattangutingillo illaliudlugit, tapkoa 12 ôlaukput.

31 24 ingat Romamthieseremut, erningit kattangutingillo illaliudlugit, tapkoa 12 ôlaukput.

KAPITEL XXVI.

*Udsertortut upkoanik; pimaklertit pivianartunik,
idluarsaijullo.*

UPKOAT udsertortingita ingmigolingatitauningit. Korekunit Meselemjaôlauptok Korib erninga, Assafib erninginit pijok.

2 Meselemjable erningit tapkoangôlauptok: Sacharja erniangokârtok, Jediael tuglek, Sebadja pingajuat, Jatniel sittamangat,

3 Eliam tellimangat, Johanan pingasojoat, Elioenai 7ingat,

4 Obed Edomib erningit tapkoangôlauptok: Semaja erniangokârtok, Josabad tuglek, Joa pingajoat, Sachar sittamangat, Nethaneel tellimangat,

5 Amiel pingasojoat, Isaschar 7ingat, Pegulthai 8ingat; Gudib pitsartutilaungmago.

6 Erningalo Semaja erniangoviolaaurivok ernernik atâtagijamik iglungane attanniotijunik angutaudlarlauramik sôngolauramiglo.

7 Semajab erningit tapkoangôlauptok: Athni, Refaello, Obedelo, Elsabadelo (kattangutelik erkinaitunik) Elihu, Samachjalo.

8 Tapkoa illunaita Obed-Edomib erninginit pilauptok, tapkoa erningillo kattangutingillo illaliudlugit angutit erkinaitut, pikkariktut sullijaksanut, 62 ôlauptok Obed-Edomemmit.

9 Meselemja ernikalauptok kattangutekalarmelo, angutunik erkinaitunik 18nik.

10 Hossalo Merarib kittornganginit pijok, ernikalauptok, Simri erkanarnerpâk (erniangokârtôlaungilak, atâtangatale erkânarnerpângortipâ),

11 Hilkia tuglek, Tebalja pingajoat, Sacharja sittamangat. Hossab erningit kattangutingillo kattilugit 13 ôlauptok.

12 Tapkonunga upkoanik udsertortut ingmigolingajut pilauptok, angutit niakungit malliklugit, pigârtut kattangutimik senniane, tapkoa kivegartortilugit Nalekab iglungane.

13 Imerautillo attortaulauptok pijariakitut, pijariakortojullo pivlugit, upkoat illunatik attunît pivlugit.

14 Imeraut kittâne nellautsivok Meselemjamut; erningale Sacharja attannertuijolaunktok sillatôjok, imerautigijaulaurivok, imerautalo nellautsivok tachânut;

15 Obed-Edomemulle erninginullo sekkernganut Esupimib iglungata senniane.

16 Suppimemullo Hossamullo kangianut upkuame Salachremik attelingme, apkosiniub takpaungarviane, udsertortut assingita senniane.

17 Kittâne Levitekalaukpok pingasojortunik, tachane uvlut tamaita sittamanik, sekkerngane uvlut tamaita sittamanik, Esupimemelo maggungnik, maggungniglo;

18 Parbaremêlo kangiane sittamanik, apkosiniub kiglingane, maggungniglo Parbareme.

19 Tagva upkoat udsertortingita ingmigolinganingit Korib erninginit Merariblo erninginit pijut.

20 Levitinillo Ahia pimaklerteôlaukpok Gudib iglungata pivianartokotinginik, pivianartuniglo ivsornaititaumalauktunik Nalekamut.

21 Laedanib erninginit Gersonib erninginit pijomit. Laedanemit angajokakalaukpok atâtanut Jehielemik.

22 Jehielib ernigik Setham nukangalo Joel, pimaklerteôlaukpok Nalekab iglungata pivianartokotinginik.

23 Amramekunit, Jezeharekunit, Hebronekunillo, Usielekunillo.

24 Sebuele, Gersomib erninga, Mosesib erningata angajokaulaukpok pivianartunut.

25 Nukangale Elieser attautsemik ernekalaukpok, Rehabjamik, tapsoma erninga Jesajaôlaukpok, tapsoma erninga Joramêôlaukpok, tapsoma erninga Sichriôlaukpok, tapsoma erninga Salomitheôlaukpok.

26 Salomith tamna kattangutingillo angajokaulaukput perkutenut pivianartunut tamainut, ivsornaititaumalauktunut attaniub Davidib, atâtallo angajokaunerôjut, angajokait 1000 dinut, 100 dinullo, akkorngane, sorsuktuksallo angajokangita ivsornaitilauktanginut.

27 Unatadlarnemit aksarnigaujunillo ivsornaitilaukpait, Gudib iglungata âkiksortaujutiksanganut illingakovlugit.

28 Samueliblo tækkojub ivsornaitilauktangit, Sauliblo, Kisib erningata, Abneriblo, Nerib erningata, Joablo, Zerujab erningata ivsornaitilauktangit, (perkutit) ivsornaititaumajut illunaita Selomithib kattangutingitalo agganganut aulataulaukput.

29 Jezeharikunit Kenanja, erningillo illagællugit sullijaksanut sakkijartunut Israeleme, aulatsijôlaukput, idluarsaijolutiglo.

30 Hebronekunit Hasabja kattangutingillo, innuit erkinaitut 1700 dit, angajokangortitaulaukput Israelitinut Jordanib miksâne, kangiane, Nalekab illusiokojangit tamaita pitjutigællugit, kivgartornerlo attannermik pivlugo.

31 Hebronekunit Jera niakoôlaukpok Hebronekut atâtagijangita kinguvângita akkorngane. Davidib attannioningata Jahringita 40 gingane nautsertortaulaukput, nachvartokalauk-

porlo akkorngane Jaesereme Gileademétome angutinik erkinaitunik.

32 Kattangutingillo angutit erkinaitut 2700, illunatik niakoôjut. Davidiblo angajokângôrtipait Rubenekunut, Gadekunullo, kinguvarêllo Manassekut ketterkanginut, Gudib attanniublo illusiokojangit tamaita pitjutigællugit.

KAPITEL XXVII.

Sôrsuktuksat âkiksortauningit; kinguvarêt angajokaksoangit, pimaklertit, aulatsijullo.

TAMADSA Israelib erningit unnurningit malliklugit niakoôjut kinguvarênut, angajokaillo 1000 dinut, 100 dinullo, aulatsijullo tapkoninga, naipertorlauptut attannermik, ingmigolinganimik illusingit tamaita malliklugit, tikkitut aulartullo takkernit takkernut Jahrib takkingine tamaine. Ingmigolingajullo attunît angutekalauptut 24000 dinik.

2 Ingmigolingajunut sivorlernut takkit sivorlinganut, Jasa-beame, Sabdielib erninga angajokaulauptok, ingmigolingajokotinganullo angutit 24000 dit, illingalauptut.

3 Perezib erninginit pilauptok, niakoôlunelo, takkib sivorliub sorsuktuksangita angajokanginut illunainut:

4 Ingmigolingajunullo takkib aipangane Dodai Ahohimiok angajokaulauptok, Miklothelo (tamna angajokarilugo) aulatsijolauptok tapkonunga ingmigolingajokotinginullo angutit 24000 dit illingalauptut.

5 Sorsuktuksat angajokangat, takkit pingajuane angajokau-nerôjok Benajaôlauptok Jojadab ajochertuijub erninga; ingmigolingajokotinginullo 24000 illingavut.

6 Tagva Benaja tamna, sôngojojok 30 git akkorngane, angajokaujorlo 30 ginut. Ingmigolingajokotingillo aulataumalauptut erninganut Ammi-Sabademut.

7 Sittamangat, takkit sittamangane Asaheleôlauptok, Joab nukanga, kingornganelo erninga Sabadja; ingmigolingajokotinginullo 24000 dit illingalauptut.

8 Tellimangat, takkit tellimangane Samehuteôlauptok, Jesramiok; ingmigolingajokotinginullo 24000 dit illingalauptut.

9 Pingasojoat, takkit 6 ingane Israôlauptok, Ikkesib erninga Thekoamiok; ingmigolingajokotinginullo 24000 dit illingalauptut.

10 7 ingat takkit 7 ingane Helezeôlauptok, Pelonemiok, Efraimib kittornganginit; ingmigolingajokotinginullo 24000 dit illingalauptut.

11 Sittamaujoat takkit 8 ingane Sibechaiôlaukpok, Husamiok Sarehiterinit; ingmigolingajokotinginullo 24000 dit illingalaukput.

12 9 ingat, takkit 9 ingane Abieserôlaukpok, Anthomiok Jeminib kittornganginit; ingmigolingajokotinginullo 24000 dit illingalaukput.

13 Tellimaujoat, takkit 10 ingane Maheraîôlaukpok, Netofatemiok, Serahiterinit; ingmigolingajokotinginullo 24000 dit illingavut.

14 11 ingat, takkit 11 ingane Benajaôlaukpok, Pirgatomyok, Efraimib kittornganginit; ingmigolingajokotinginullo 24000 dit illingalaukput.

15 12 ingat, takkit 12 ingane Heldaiôlaukpok, Netofatemiok Athnielemit; ingmigolingajokotinginullo 24000 dit illingalaukput.

16 Israeliblo kinguvarênginut, tapkoangôlaukput: Rubenekunut Elieser, Sichrib erninga, angajokaulaukpok, Simeonekunut, Sefata Maechab erninga.

17 Levikunut, Hasabja, Kemuelib erninga. Aronekunut Zadok.

18 Judakunut Elihu Davidib kattangutinginit. Isascharekunut Amri, Michaelib erninga.

19 Sebulonekunut Jesmaja, Obadjab erninga. Naftalikunut Jeremoth, Asrielib erninga.

20 Efraimekunut Hosea, Asasjab erninga. Kinguvarêt Manassekut ketterkanginut Joel, Pedajab erninga.

21 Kinguvarêt Manassekut ketterkanginut Gileademêtunut Iddo, Sacharjab erninga. Benaminekunut Jaesiel, Abnerib erninga.

22 Danekunut, Asareel, Jerohamib erninga. Tagva Israelib kinguvarêngita angajoksoangit.

23 Davidiblo tapkoa Jahrekartut 20 inik ikkinersaniglo kit-tikassiutitaukolaungilait, Nalegak okalaungmat, Israelitit unnuksivalliatitsomavlugit uvloritsatitut killangmêtutitut.

24 Joab, Zerujab erninga, pigiarlaukpok kittitsilune, nâ-laungilaille, Israelitille tamanna pivlugo ominautemut tikkitaualkput; tamana pivlugo unnurningit aglaktaulaungilet attannib Davidib aglakotinginut (Kronikakotinganut).

25 Attanniub pivianartokotinginut Asmaveth, Adielib erninga pimaklerteôlaukpok; pivianartunullo nunametunut iglogaseksoarnetunut, iglugasengnêtunullo, igloksoarnetunullo Jonathan Usiab erninga pimaklerteôlaukpok.

26 Perorsaijunut nuna poargejarlugo perorsarlugolo Eseri Kelubib erninga angajokaulaukpok.

27 Perorsevingnut Weineliksanut Simei Ramatemiok angajokaulaukpok. Kematullivingnullo Weinetalingnut, Weinemullo kematulliosimajunut tamainut Sabdi Sifimiok angajokaulaukpok.

28 Perorsêvingnut orksutalingnut, nappartutalingnullo Maulbeerelingnik naksarnêtnut Baal Hanan, Gadekut illangat angajokaulaupok. Orksomut kematulliosimajomut Joase angajokaulaupok.

29 Tuktuvângnut Saroneme iviksukatalingnêlauptunut Sitra Saronemiok angajokaulaupok. Tuktuvângnulle naksarnêlauptunut Safat Adlaib erninga angajokaulaupok.

30 Kamêlinut Obil Ismaelitereôjok angajokaulaupok. Siutekoktojunut Jehadja Meronomiok angajokaulaupok.

31 Saukanut Jasise Hagaritereôjok angajokaulaupok. Tapkoa illunatik angajokaulauput attanniub Davidib perkutinginut.

32 Jonathanelo Davidib akkanga attannertuijolaupok, angut sillatôjok, illissimajorlo. Jehielelo, Hachmonib erninga, attanniub erninginelauptok.

33 Ahitofelelo attannertuijolaurivok attannermik. Husai Arachimiok illanângolaupok attannermut.

34 Ahitofeliblo kingorngane Jojâda, Benajab erninga, Abjatharelo (attannertuijolaupok). Joabelo angajokaunerôlaupok sorsuktuksaksoakattigênut.

KAPITEL XXVIII.

Angajokait kattimaningat, Davidiblo âkiksoiningata kingorlerpângat.

DAVIDIBLO Israelitit angajokangit illunaita kattikovait Jerusalem, tagva kinguvaret angajokangit, ingmigolingajullo attannermik naipertortut angajokangit, angajokaillo 1000 dinut 100 dinullo, pimaklertit attanniub perkutinginik, nergjutekotinginiglo, erninginiglo, aulatsijullo attanniub iglunganik, sôngojullo angutillo angutaudlartut illunatik illagilugit.

2 Davidelo, attannek nikkovipok nangerlunelo okarlunelo: Naleksinga kattangutikka innukotikkalo. Issumalauptunga iglomik iglolioromavlunga Nalekab angerningata iklervingata merngoêrserviksanganik, ikkovraksamiglo Gudipta ittigganginut, oppalungaijarlaupungalo iglolioromavlunga.

3 Gudible okautsaukolaupânga: Igvit, attera iglolioraksaringilet; sorsuktuksaugavit, aungmiglo kovisilaupotit.

4 Taimaigalloarmat, Nalekab Israelib Gudingata annerilaupânga atâtama iglomiokattigininit tamainit attanniokovlunga Israelitinut soraijuitomik. Judakut annerilaungmagit attanniokovlugit, Judakunillo atâtakukka atâtamalo erningita akkorng-

ane uvanga kuviagilaukpânga attanningortilunga Israelitit illunamassianginut.

5 Ernimalo illunatik akkornganit (Nalekab ernernik unnuk-tunik tunnitsivigilaungmanga) ernera Salomo annerilaukpa, iksivajuksaungmat Nalekab attanniovingata iksivautaksoangane Israelitinut attanniovlune.

6 Okautilaukpângalo: Ernerpit Salomob igluga, innekotikalo avaluliorsimajut iglolioraksarivait; annerilaurapko erneri-jomavlugo, uvangalo atâtaujomavunga tapsomunga;

7 Attannioningalo nakkititsomavara soraijuitomik, katsungaidlune pinniarniarpat perkojakka idluarijakkalo malliklugit, sorlo uvlome illingangmat.

8 Manna Israelitit illunamassiangita Nalekab illagêktokotingita Nalekablo siutekita sângangne, (kaiblarpapse): Mallileritse pinniarnuselo Nalekab Gudipse perkojanganik tamainik, nuna ajungitok pigênarlugo pikovluse, kingormgutijaksautilugolo kittorn gapsingnut pikovluse kingunapse soraijuitomik.

9 Igvillo ernik Salomo, atâtavit Gudinga illitarileruk, kivgartorlugolo omamut tamânut, tarnimullo kunujitomot. Nalekab omattit illunaita nautsertormagit, issumaillo tamaita issumaksarsiorningit tukkisivait. Kennerniarungne nachvarniarpat; kemmaniarungnele, ajektorniarpâtit soraijuitomik.

10 Tækkolerit manna, Nalekab annerilaungmattit, iglomik igluliorlutit pikovlutit ivsornaitomot, maksoalerit sennalugolo.

11 Davidiblo ernine Salomo ôktutiksamik tunnitsivigiva torksomot, iglunganullo, inn nullo pivianartotalingnut, inninullo kollânêtunut, aiparutsinullo, kamanêtunut, iksivautablo saimanartoliub inniksanganut;

12 Oktotiksanglo tamainut omamigijaminut, tagva innemut avaluliorsimajomot Nalekab iglungane, innenullo illunainut avatanê, Gudib iglungata perkotitalinganut, innemullo ivsornaititaumajunut illingajomot;

13 Ajochertuijut, Levitillo ingmigolingatitaumaninginut kivgartornerublo pinniaraksanginullo tamainut Nalekab iglungane; illulerkutinullo tamainut kivgartornermut Nalekab iglungane illingajunut;

14 Goldiojunut, Goldib okumaininga malliklugo, illulerkutirut illunainut kivgartornerit nellianut illingajunut, illulerkutinullo Silbereôjunut, illunainut, okumainingit malliklugit, illulerkutinut tamainut kivgartornerit nellianut illingajunut.

15 Nenergoabvillo Goldeôjut kollingitalo Goldeôjut okumaininginik, nenergoabvit kollingitalo attunît okkumainingit malliklugit, nenergoabvillo Silbereôjut, kollingitalo attunît okumainingit malliklugit, nenergoabvit attunît attoraksangit malliklugit.

16 Tunnitsivigivâlo Goldemik kakkojat tækkojaksat sânginut,

sât nellianut okumaijuksauninganik, taimaktauk Silberemik sânut, Silbereôjuksanut.

17 (Oktutiksaniĝlo) kappukautinut, pôgutanullo illulerkutinullo Goldemit illakangitomit, ermgusiarsungnullo Goldeôjunut, ermgusiarsuit nelliata okumaininga malliklugo, ermgusiarsungnullo Silbereôjunut, ermgusiarsuit nelliata okkumaininga malliklugo.

18 Iserluanijutiksallo Altaringanut, Goldeôjomit illakangitomit, okumaininga malliklugo; Kerubiglo Goldeôjuk kamutikita oktutiksanganik, issângajuk ulliktuglo kollâne Nalekab angerningata iklervinganik.

19 Tamakkoa tamaita aglagutigijaumavut Nalekab agganginut ajochertortigilauktama oktutiksab piniarninginik tamainik.

20 Davidelo okarpok ernerminut Salomomut: Maksoalerit mungotaililutillo, sennalugolo, sivuraniarnak koaksanganiarnaglo. Gudib Nalekab Gudima aipariniarpâtit, agganelo erkitiniangilait kemangniangilâtillonêt, pijarértitsikârtinak piniaraksanik tamainik Nalekab iglungata kivgartortauninganut illingajunik.

21 Abâĝlo, manéput ajochertuijut, Levitillo ingmigolingajingit, piniartaukojaujunut illunainut Nalekab iglungane illingajut, illagivâtît sullijaksane illunaine, kunujulutiglo sillatunekalarmiglo sullijaksanut tamainut; taimaglo angajokaunerôjut innugiartoksuillo illunaita, piniartaukojarnut illinganiarput.

KAPITEL XXIX.

Angajokait tunnergutingit Tempelib igluliortauninginut illingajuksat. Davidib tuksiarninga kujalidlarhune. Salomob mingoartauninga. Davidib tokkungu.

ATTANNERLO Davide illagênut illunamassianginut okarpok: Gudib Salomo, ernerma illangat, innuosuktok nikkanartorlo sulle annerilaukpa, pinniaraksarle angijôvok, innungmut igluksaujuksaungimat, Nalekamulle Gudemut.

2 Uvangale ajugaringitamnit piksanik kattersoilaukpunga Nalekab iglunganut, Goldemik perkutinut Goldeôjuksanut, Silbere Silbereôjuksanut, kannujarmik kanujangôjuksanut, kikkiangmik kikkiangôjuksanut, kejungmik kejungôjuksanut, ujarkanik Onichemik attelingnik, ujarkaniglo aglalingnik taksepâtanik ivertisimajunik, ânanausijutiksanic, ujarkaniglo piviarnartunik sunatuinarnik, ujarkaniglo Marmoremik attelingnik unuk-tunik.

3 Tapkoalo tappilugit alliasungnermut Gudib iglunganik, perkutimnik nangminerjamnik, Goldemik Silberemiglo,

4 Talentinik Goldemik 3000 dinik Ofiremit pijunik, Talentiniglo 7000 dinik Silberemik illakangitomik, tunnijjomavunga Gudima iglunganut, iglut sennerangita illupiarutaksanginut.

5 Goldeôlerkovlugit Goldeôjuksat, Silbereôkovlugillo Silberêôjuksat. Pikkariktut sennajanginut tamainut. Kinalo mana kunnujuikâ uvlome tigumiaralijarlune tikkilune Nalegak pivlugo?

6 Tagva kunnutuilauput atâtat angajokangit, kinguvarêllo angajokangit, angajokait 1000 dinut, angajokaillo 100 dinut, angajokaillo attanniub sennajaukojanginut.

7 Tunnijilutiglo attoraksanik Gudib iglunganut, Talentinik 5000 dinik, 10000 diniglo kênaujanik Goldeôjunik, Talentiniglo 10000 dinik Silberemik, Talentiniglo 18000 dinik kannujanik, Talentiniglo 100000 dinik kikkiengmik.

8 Kinalo nachvarviôjok ujarkanik, tamna tunnijivok tapkoninga Nalekab iglungata perkutitalinganut Jehielib Gersoniteôjub agganginut.

9 Innugiartoksuillo tunnnergutitik kunnutuilitik tunnijatik kuviasutigivait, tunnigamigit Nalekamut omamut tamânut, kunnutuilitik. Attannerlo Davidetauk kuviasuvaksoangôlaukpok.

10 Davidiblo Gude nertorpa, okarlunelo illagêt illunamasiatik sângine: Igvit Nalegak Israelib atâapta Gudinga nertortaulerit soraijuitomik.

11 Igvit, anginek, pitsartunerlo ânanaunerlo, sâlakarnerlo, ussornarnarnerlo pigivattit. Illunaita killangmêtut nunamêtullo nangminerigangne. Igvit Nalegak nalegaunek pigivat, pôktojo-vaksôvotit angajokaksoangôlutillo illunainut.

12 Akluinerlo opigijaunerlo kênarnit pivok, igvillo attanriotivotit tamainut; aggangnelo pitsartunekarpok, sôngonekalar-melo; aggangnêporlo angijorortitsinek, sokkosijuititsinerlo.

13 Mannalo Gudivut kujagivaptigit, attillo ânanaudlartok nertorpavut.

14 Uvangale sunauvîk? innukotikkalo sunauvât, sappingituk-saugapta tunnnergutit taimaitut kunnutuidluta tunniligut? Illing-nille pivut tamaita, aggangnillo tunnilaupavut illingnut.

15 Pigigaptigut, tujormiangolutalo sângne iglomekarvigivap-tigillo, atâaptitut illunaititut. Uvlovut mâne nuname tachak-tut îput, nokkangatsengilello.

16 Nalegak Gudivut, kattititaumajut tamaita tunnimaajavut igvit iglomik iglulioromavlutit attit heiligeôjok pivlugo, aggang-nit pimavut, tamaitalo pigivattit.

17 Nellungilanga Gudiga omat ôktorangne, nellagôrnerlo kuviagigangne. Tamanna pivlugo tamakkoa tamaita (kunnutuid-lunga) omamut nellagôrtomut tunnilaupakka, kuviasuklungalo

manna tækkolaukponga innukotitit manêtut, kunnutuidlutik tunnitsivigilaungmattit.

18 Nalegak, atâtagijapta Abraham, Isaakiblo, Israeliblo Gudingat, innukotivit omattingine taimaitunik issumakartitsitsainalaurit, erkarsautekartitsitsainarlutillo issokangitomut, omattingillo torartilaukit illingnut!

19 Erneralo Salomo omamik nellagôrtomik tunnitsivigilaurok, perkojatit kigligiudsinitillo idluarijattillo naleklugit pikovlugo, tamainik pikovlugo, igluliorkovlugolo igloksoarmik ominga, attuinarutilauktamnik.

20 Davidelo illagêt illunamassianguinut okarpok: Nalegak Gudise nertorsiuk! Illagêllo illunamassiatik Nalegak atâtagijamik Gudingat nertorpât, okkolutiglo opigilakillo Nalegak attannerlo;

21 Tunnijilutiglo Nalekamut tunergutinik; uvlublo aipangata uvlångoningane, tunnijivut tunnergutinik ôtaksanik tuktuвъngnik 1000 dinik, saukanik angusallungnik 1000 dinik, saugârsungniglo 1000 dinik, tunnergutiksatsat immiksatsat illautilugit, tunnergutiksallu assingit sulle unnuktovaksuit Israelitit illunamassiatik pivlugit.

22 Nerrivullo immerlutiglo uvlorme taipsomane Nalekab sângane kuvasuvaksoadlarlutik. Salomolo Davidib erninga attanningortipsarpât, mingoarlugolo attanningortipât Nalekamut, Zadokelo ajochertuijersoangortipât.

23 Taimak Salomo ingipok Nalekab iksivautaksoanganut, attanniovlune atâtane Davide innangêrdlugo, pilloridlalaukporlo; Israelitillo illunamassiatik nalekpât.

24 Angajokâksuillo songojullo illunatik attanniublo Davidib erningita illunatik attannek Salomo attannerilerpât.

25 Nalekablo Salomo angijoksotipa Israelitit illunamassiatik sângine, tunnitsivigivâlo attannionerub ânanaudlarninganik, tapsoma sivorngane Israelitit attanningita nelliata pigilaungitanganik.

26 Davidele Isaib erninga attanniôlaukpok Israelitinut illunamassianguinut.

27 Attanniôtiningatalo nelliuninga Israelitinut, Jahreôvut 40 git. Hebroneme attanniotilaukpok Jahrinik 7nik, Jerusale-mêlo Jahrinik 33 inik.

28 Tokkolunelo innutokaunerme idluartome, kiglimorlune, akluidlarlune, opigijaulunelo. Erningalo Salomo attanningor-pok innangêrdlugo.

29 Attanniuble Davidib illuserivalauktangit, sivorlit kingorlillo, ahâk, makkoa aglagutigijaumavut Samuelib tækkojub unipkausingine, nellautaijublo Nathanib unipkausingine, Gadiblo tækkojub unipkausingine,

30 Attanniotininga pitsartunekarningalo, nelliunerillo kângertingit, Israelitillo attanniovillo nunane illunatik kângertingit, illaliudlugit.

KRONIKAB AGLANGITA AIPANGIT.



KAPITEL I.

Salomob tunnijininga tunnergutiksamik Gibeame, sinnektomanningalo, alkuiningalo.

SALOMOLO, Davidib erninga pallangêrtaulaukpok nalegauvingmine, Nalekablo Gudingata aipariva, angijovaksôtipalo.

2 Salomoblo Israelitit illunamassiatik okarkattigivait, angajokâksuit 1000 dinut, 100 dinullo, idluarsaijullo, Israelitillo angajokangit illunaita, atâtat anginerôjungit,

3 Aikovlugit, Salomo, illagêllo illunamassiatik illagilugo pôktôjomut Gibeamêtomut; Gudib kattimavinga, tuppek, Mosesib, Nalekab kivgangata sennalauktanga sunakajuitome, tagvanêmat.

4 Davidible Gudib iklervinga takpaungartilaukpa Kiriatarimemit, tagvunga Davidib âkiksoivigilauktanganut tapso-munga, tuppermik tuppertârlaungmago Jerusaleme.

5 Altarele kannujaujok, Bezaleelib Urib erningata, Hurib erningata sennalauktanga, tagvanêlaukpok Nalekab iglungata sângane; Salomoblo, illagêllo tamna nellipsarpât.

6 Salomolo tunnijivok Altareme kannujaujome, tuppiub kat-timaviôjub sânganêtome Nalekab sângane, tunnergutiniik ôtak-sanik 1000 dinik.

7 Unnuarmele taipsomane Gudib Salomo sakkervigiva okau-tilâlo: Tuksiarit, sunamik tunnitsivigijaksarigapkit?

8 Salomoblo Gude okautiva: Napkoanersoarmik atâtaga Davide pinniarvigilaukpat, uvangalo taimna innangêrdlugo at-tanningortilaukparma;

9 Tagva manna Nalegak Gude okautsitit atâtamnūt Davide-mut nellautsitikittôk! Uvânga attanningortilaukparma innugiar-toksoarnut taimak unnuktigijojunut nunab sanningititut.

10 Tagva manna tunnitsivigilaunga sillatunermik, illitark-sinermiglo, innugiartoksuit tapkoa sângine annikovlunga itter-kovlungalo; kiale ukkoa innugiartoksoakotitit idluarsarungnar-kagit?

11 Tagva Gudib Salomo okautiva: Taimaitunik issumagavit, akuinermiglo perkutini, nertortaunermiglonêt, omigijivillo tok-kunginik, innôtsemiglo sivitôjomik tuksiarlaunginavit; sillatu-nermigle, illitarksinermiglo, innukotikka attanningortitsijutigijak-ka illingnik idluarsarungnarlugit:

12 Tagva sillatunermik illitarksinermiglo tunnitsiviomavotit; tamakkoalo tappilugit akuinermik, perkutiniglo, nertortauner-miglo tunnitsivigijomavagit, attannît akkorngane adsekalauponak sivunerne, kingunernelo, pittakarkonaglonêt.

13 Taimaglo Salomo poktôjomit Gibeonemêtomit tikkipok Jerusalem, Nalekab tuppingtona sânganit; attanniotilunelo Is-raelititut.

14 Salomolo kattersoivok kamutingnik aksalloalingnik, ablangajuniglo horsit kângine, kamutekutekalaukporlo 1400 dinik, ablangajokutelaukporlo horsit kângine 12000 dinik, in-nekarkovaillo iglugaseksoarne kamutingnut illingajune, Jerusa-lemelo attanniub najugâne.

15 Attanniublo Silberit Goldillo Jerusaleme taimak unnuk-tigijotipait ujarkatitut, Cederillo nappartutitut Sikomorinik at-tekartutitut naksarne perortutitut.

16 Salomolo âtsiviolaupok horsenik Egiptenemit, perku-tiniglo niuviaksanik sunatunarnik. Attanniublo niuverteko-tingtona niuviaksat tamakkoa pissiarivait.

17 Kaitsiyullo Egiptenemit kammutingnik, attautsingnik kê-naujanut Silberlingenik attelingnik 600 dinut, horsemiglo at-tautsemik Silberlingnut 150 ginut. Taimak âtsivuttauk Hetite-rit attanninginut illunainut, Siriamiullo attanninginut illunai-nut

KAPITEL II.

Salomob angerkattauninga Tirusemiut attanninganut, Tempelîb igloliortauninga pivlugo.

SALOMOLO issumavok Nalekab attinga iglomik igloliromav-lugo, iglomiglo attannionime innigijaksanganik.

2 Kittitsivorlo angutini, akjarsijunik 70000 dinik, nakkart-

sijuniglo nappartune 80000 dinik, aulatsijuniglo tapkoninga 3600 dinik.

3 Salomolo tilliklerpok Hiramemut, Tirusib attannertanganut, okautsaukoválo: Sorlo atátaga Davide pinniarvigilarangne, tillikliutjvivigilugolo Cederinik igloliorungnarkovlugo ingminut, taimailiorvigilaungatauk.

4 Ahâk, Nalekab Gudima attinga iglomik iglolioromavara, ivsornaititaujutiksamik tapsomunga, isserluanijutiksanic tippit-siariktunik ikkitsiviksamik sângane, kakkojaniglo tækkojaksamik âkiksoiviksamik, tunnergutiksaniclo ôtaksanic tunnijiviksamik uvlâne unnunelo, Sabbatinelo, takkêlanelo, Nalekablo Gudipta uvloksiorvingine. Sorajuitomik Israelitit taimailioria-karput.

5 Iglolo iglolioromajara angijojuksauvok; Gudivut anginersaungmat Gudinit tamainit.

6 Kinale ajoksangilâk tamna igloliorlugo? Killaub killaillo killangita illunamassiatik illumajungnangilât. Uvangalo kinaujuksauvik igloliorungnarlugo? kissiane, isserluanititsivigilugo.

7 Tagva manna tilliklervigilaunga angumik sillatôjomik, sungiusimajomik Goldelerilune, Silberelerilunelo, kannujalerilunelo, kikkitjerilunelo, Purpurelerilunelo aupaluktamik, Karmesinelerilunelo, kaujimajomiglo ittersaliorlune kepperuklune illissimajut Judamêtut Jerusalemêtullo atâtama kaikolauktangit il-lagilugit.

8 Tillikliutjvivigilaungalo nappartunik Cederinik, Cipressiniglo Sandeliniglo Libanonemit; nellunginama kivgakotitit sungiusimangmatta nappartut nakkarlugit Libanoneme; aaâglo, kivgakotima kivgakotitit illagijaksarivait,

9 Attuinaruiviokovlunga kejungnik unnuktunik; iglo igloli-oraksarijara angijojuksaungmat pijariakortôjuksaungmallo.

10 Ahâglo, kivgakotingnut, nappartunik nakkarsijunut tunnijiomavunga Korinik 20000 dinik Weizenik tugaksimajunik, Koriniglo 20000 dinik Gerstinik, Bathiniglo 20000 dinik Weinemik, Batheniglo 20000 dinik orksumik.

11 Tagva Hirame Tirusemiut attanningat aglaktigut okarpok, tilliklerlunelo Salomomut: Nalekab innukotine nagligingmagit, igvit attanningortilaukpâtit tapkonunga.

12 Hiramelo okaranerpok: Nertortaule Nalegak Israelib Gudinga, killaub nunablo pingortingak, attannek Davide tunitsivigilaungmago ernermik sillatôjomik pokitomiglo illissimajomiglo, igloliornartomik igluksamik Nalekamut, attannionimelo igluksanganik.

13 Mannalo tilliklerpunga angumik illissimajomik, sillatunelingmik, Hurame-Abifemik,

14 Erniojomik arnamut Danib panninginit pijomut, atâtangale Tirusemiôlaukpok, tamna Goldelerijungnarpok, Silbere-

lerijungnarlarmelo, kannujalerijungnarlunelo, kikkiterijungnarlunelo, ujaralerijungnarporlo, kejulerijungnarlunelo, Purpurelerijungnarlarmelo aupaluktamik, Karmesinelерijungnarlunelo, ittersaliorungnarporlo kepperuklune sunatuinarnik, sunatuinarniglo ajornartunik, sennajaukojaujunik tapsomunga sennajungnarpok, sillatojokotitit, nalekamalo Davidib sillatojokotingit il-lagilugit.

15 Mannalo nalegara tillikliutjile Weizenik, Gersteniglo, orksumiglo, Weinemiglo kivgaminut, sorlo okalaurame.

16 Tagva kejuit nakkaromavavut Libanoneme, pijariakar-ningititut unnuktigijut, kallingortitautilugillo immarbikut âtso-mavavut Joppemut; tagvangallo âtaukojungnarpattit takpaunga Jerusalem.

17 Salomoblo tujormitjet, Israelitit nunanganetut kittipait, atâtame Davidib kittitsiningata tapkoninga unnurningit mallik-lugit, nachvartauvullo 153600 dit.

18 Tapkonangallo 70000 dit akjarsijungortipait, 80000 dillo nakkarsijungortipait kakkame nappartune, 3600 dillo aulatsi-jungortilaita, aulujititsijut innugiartoksoarnik sullijaksane.

KAPITEL III.

Tempelið igloliortauninga.

SALOMOLO pigiarpok Nalekab iglunga igloliorlugo Jerusaleme, kakkame Morijamik attelingme, atâtaminut Davidemut unertuti-gijaulauktome, inneme Davidib âkiksorlauktangane, Arnanib Jebusitereôjub kakkojaksaliorvingane.

2 Pigiarpurlo igloliorlune attanniotime Jahringita sitta-mangata takkingita aipangata uvlungita aipangane.

3 Tungaviglo Salomob illilauktanga Nalekab iglungata ig-loliortauninganut imailaukpok: tukkimutoninga tallitut 60 gi-tut, sennimutoninga tallitut 20 gitut.

4 Torksuksoarlo iglub sennimutoningata sânganêlauktok, tallitut 20 gitut takkitigijolaukpok, pôktoningale tallitut 120 gitut ilaukpok; illuanelo illupiarutserpa Goldemik illakangito-mik.

5 Iglolo angijok illupiarutserpa sâtujanik Cipressiojunik, pekartipâlo Palmingoanik, kellaumgujangoaniglo.

6 Iglolo sillapârpa ujarkanik pivianartunik ânanausijutik-sanganut; Goldele attortaujok Parwaimemit pilaukpok.

7 Iglolo, ikkaitjallo, kattallo, iglublo sennerangit, upkoallo illupiarutserpait Goldemik, itterselliorkojilunelo sennerkane Kerubingoanik.

8 Iglolo ivsornainerpângojok sennagiva, tapsoma tukkimuto-

ninga, iglub sennimutoninga malliklugo tallitut 20 gitut ilaukpok, sennimutoningalo tallitut 20 gitut ilaurivok; illupiarut-serpâlo Goldemik pivianarnerpangôjomik Talentinik 600 dinik.

9 Kikkitsello okumainingit, Sekkelitut Goldeojutitut 50 gitut ilaukput. Innillo kollanêtot illupiarutserlaurivaittauk Goldemik.

10 Iglomelo ivsornainerpangôjome pittakârtitsivok Kerubingoangnik, sennangoarnik kepperuktut illusingit malliklugit sennajaumajungnik, sillapârpâglo Goldemik.

11 Kerubingoaglo esarungita takkingat tallitut 20 gitut ilaukpok, taimak esarok attausek tallitut tellimatut takkitigijolaungmat, aktoalune iglub senneranganut; esarkublo igloa tallitut tellimatut ilaurivok, aktoalunelo Kerubingoab aipata esarunganut.

12 Taimak Kerubingoab aipata esarukita aipa tallitut tellimatut takkitigijolaurivok, aktoalunelo iglub senneranganut, esarkublo iglua tallitut tellimatut ilaurivok, aktoalunelo Kerubingoab aipata esarunganut;

13 Kerubingoak esarungit issangatillugit tallitut 20 gitut takkitigijolaukput; nangerpuglo ittikamingne, kênatiglo sângavuk iglomut.

14 Upkomiglo sennagivok Purpuremit aupaluktomit, tungojoktamillo, Karmesinemillo, Bissusenillc, Kerubingoakartipâlo.

15 Iglublo sângane nappajokartitsivok maggungnik, tallitut 35 gitut pôktutigijungnik, niakojartomiglo kanganut nuvuanut, tallitut tellimatut pôktotigijomik.

16 Kellaumgujaniglo sennavok, taipkotitunak inneme kinguanetomêtitut, illijilunelo tapkoninga nappajuk kângangnut. Paungâlungoaniglo Granatinik attelingnik 100 dinik sennavok, nivingatipaillo kellaumgujangoanut.

17 Nappajuglo nappartipâk Tempelib sângane, aipa tallerpingmut, aipalo saumingmut; tallerpingmetorlo Jachinemik atserarpa, saumingmêtorlo Boasemik.

KAPITEL IV.

Tempelib perkutingita illulerkutingitalo illangit.

ALTAREMIGLO kannujaujomik sennagivok, tallitut 20 gitut tukkimutotigijomik sennimutotigijomiglo, tallitullo tellimaujortutitut pôktotigijomik.

2 Immarbingoarlo sennava kovilugo, tallitut tellimaujortutitut silliktigijok, sinânit apanganit, aipa tikkidlugo, angmaloriksarsimajok avatâne, tallitullo tellimatut poktotigijok; nimerlo tallitut 30 gitut takkitigijok namatuinarlaukpok avatane.

3 Tuktuvangoakalaukporlo attâne, avatâne illunane; immarbingoablo tallitut tellimaujortutitut silliktigijolauktub avatâne, kuglungangoakalaukpok sennilerêngnik maggoinik, kovikassiuutitaumalauktunik.

4 Nappavorle taimak tuktuvangoata kângine, tapkoa pingasut sângmitillugit avunga, pingasut paunga, pingasut aunga, pingasullo taununga; immarbingoarlo kânginelaukpok; okpatíngillo illunatik illumut torarput.

5 Ivjoningalo aggaktitut igluínartut sennimutoningítitut ilaukpok, sinnâlo ermguasiar sub sinningatut ilaukpok, Lilietut sigisimajotut-ídlune; illulekarungnarlaukporlo Bathenik 3000 dinik.

6 Sennavaillo ukkusit tellimaujortut tapkoa tellimat mak-
kitipait tallerpingmut, tellimallo saumingmut erchortuiviksau-
lutik, illulerkutit tamaita tunnergutínut otaksanut attortau-
lauktut erchortorpait tapkonane; immarbingoarle ubvarviksau-
laukpok ajochertuijunut.

7 Sennavaillo nennergoabvit Goldeôjut tellimaujortut, illing-
ajuksauningit malliklugit, pitipaillo Tempelemut, tellimat taller-
pingmut, tellimallo saumingmut.

8 Sâlo tellimaujortut sennavait, pitilaitalo Tempelemut; tel-
limat tallerpingmut, tellimallo saumingmut. Sennavaillo pogu-
tat Goldeôjut 100 dit.

9 Sennavâlo ajochertuijut iningat avaluliorsimajok, avalu-
liorsimajorlo angijok, upkoallo avaluliorsimajomut angijomut,
upkoallo sillapârpait kannujarmik.

10 Immarbingoarlo nappartipa iglub tallerpiane kittâne
sekkerngane.

11 Hiramiblo ukkusit, poargillo, pogutallo sennavait; Tai-
maglo Hiramib sennajaksat, sennajane attannermut Salomomut,
Gudib iglungane innerpait:

12 Tagva nappajuk, niakojartuglo nuvuangnetuk kângangne
illagilugik; nulloangoaglo maggoit niakojartuk nappajuk nuvu-
angnêtuk aksaujakita ulliksangit,

13 Paungálungoallo Granatit 400 dit nulluangoanut, Grana-
tit sennilerêt maggoit nulluangoanut attautsinut, niakojartuk
aksaujakita ulliksangínut.

14 Ikkovrallo sennavait, ukkusillo, ikkovrat kânginêtut.

15 Immarbingoak, tuktuvaillo 12 it tapsoma attânêtut.

16 Ukkusillo, poargillo, kappukautillo, illulerkutingillo ta-
maita illagilugit Hiram-Afibib sennavait attannermut Salomo-
mut, Nalekab iglunganut illingakovlugit, kannujarmit illakang-
itomit.

17 Jordanib erkâne Sochotib Zartaniblo akkorngangne
attanniub kovijaukovait macharme.

18 Salomoblo illulerkutit tapkoa illunaita sennavait unnuk-tovaksovlutik; kannujangita okumainingit kiktitartaujungnang-imatta unnumut.

19 Salomoblo perkutit tamaita Gudib iglungata illuanut illingajut sennavait: tagva Altare Goldeôjok, sâlo, kakkojallo tækkojaksat kânginetuksat;

20 Nennergobvit, kollingit illaliudlugit, Goldemit illakang-itomit, ikkoalakovlugit ivsornainerpângojub sângane, sorlo illu-siojuksaungmat;

21 Nuvugolangoangallo kollérne, takkersutillo Goldemit; tapkoa illunatik Goldeolaukput;

22 Sâvillo, pogutallo, allupsautillo, kallutaujallo isserluanijutiksatsat Goldeôlaukput. Itterviglo upkoangalo illuane ivsornainer-pangôjomut, upkoallo iglome Tempeleojome Goldeolaukput.

KAPITEL V.

Tempelîb attortautainarninga.

TAIMAGLO sennajaksat Salomob sennajangit Nalekab iglungane innertaumalaukput. Salomoblo ittertipait tamaita atâtame Davidib ivsornaitilauktangit, tagva Golde Silberelo perkutillo sunatunait, illivaillo perkutitalingmut Gudib iglunganêtomut.

2 Tagva Salomob Israelitit angajokangit illunaita, kinguvarêt angajokaunerôjungit, atâtallo attanningit, kattikovait Jerusalemut, Nalekab angerningata iklervinga âtaukovlugo takpaunga Davidib iglugaseksoanginit, tagva Zionemit.

3 Kattimalerpullo attannermut Israelib angutingit illunamassiatik uvloksiorvingme, tagva takkit 7 ingane.

4 Israelitillo angajokaunerôjungit illunatik tikkiput. Levitillo iklervik erksupât,

5 Apâllo takpaunga, tuppek kattimaviojok, perkutillo ivsornaitut tuppermetut illaliudlugit, tapkoa ajochertuijut Levitillo takpaungartipait.

6 Attannerlo Salomo, illagêllo Israelitit kattimalauktut tapsomunga, iklerviub sânganelaukput tunnijilutiglo tunergutiksanut saukanik, tuktuvangniglo, taimak unnuktigijunik, kittitaujungnarlaungimatta unnumut.

7 Ajochertuijullo Nalekab angerningata iklervinga ittertipât takkamunga inniksanganut, innemut iglub kinguanêtomut, ivsornainerpangôjomut, Kerubingoak esarungita attânut.

8 Kerubingoaglo esarkotik issangavait iklerviub inningata kollâne, ullikpaillo iklervik akkerautigiglo kollânit.

9 Akkerautiglo taimak takkitigijolaukpuk, issungit tækkojaulaungmatta iklervingmit ivsornaitovingmit, inniub kinguanê-

tub sângane; igluble sivuanit tækkojaulaungilet. Tagvanêtuarporlo uvlok tamanna tikkilugo.

10 Pittakalaungilarlo sunamik iklervingme aglagvik ujaraujuk assigingnik, Mosesib illilauktakita takkamunga Horebeme, Nalekab Israelib kittorngangit angerkattigilaungmagit aulartillugit Egiptenemit.

11 Ajochertuijullo annilertillugit ivsornaitovingmit (ajochertuijut najutijut illunamassiatik sujungaitilauramik, ingmigolingatitauningit kamagijaulaungilet),

12 Levitillo imgerpaktut, tapkoa illunatik, Assafe, Hemanelo, Jedithunelo, erningillo, kattangutingillo, annorarsimavlutik sâtnik, Cimbelijarlutik, Psalterilijarlutiglo, Harfelijarlutiglo nangerput Altarib kittâne, najortanginelo ajochertuijut 120 git Trompetesijartut;

13 Imailaukporlo attausênak Trompetesijarajarune imgerajarunelo, nippe attausênak tussartaunajarune Nalegak nertorlugo kujagilugolo. Trompetillo, Cimbelillo nokakseraggillo sunatunait, nertordlertullo Nalekamik, pitsiarmat napkinengingalo sorairniatsengimat issokangitomut, nippingit pigialermatta: tagva Nalekab iglunga illumertaulerpok nuvujarmik,

14 Ajochertuijut nangerungnarlaunginatta kivgartorlutik nuvujak pivlugo; Nalekab ânanauningata Gudib iglunga illunât nâmagmago.

KAPITEL VI.

Salomob tuksiarninga Tempele attortautainartillugo.

TAIPSOMANE Salomo okarpok: Nalegak okalaukpok innekaromagame tâktome.

2 Uvanga iglo igloliolauralloarpara igloksarnut, innelo in-nigijaksarijat soraijuitomik.

3 Attanniublo kênane allarpa, illagêllo Israelitit illunamas-siangit saimartipait, illagêllo Israelitit illunatik nangerput tag-vane.

4 Okarporlo: Nertortaule Nalegak Israelib Gudinga, kan-nerminut okalauktok atâtamnut Davidemut, aggangminullo nel-lautsitisilauktok, okalaurame:

5 Nelliutomit taispomangamit aulartitsivigilauktamnit innu-kotimnik nunamit Egiptenemit, iglugaseksuit nellianik annero-sulaungilanga Israelitit kinguvarêngine illunaine, iglo igloliortaukovlugo, attera tagvanêkovlugo, angullo annerilaunginivara attanniokovlugo innukotimnut Israelitinut.

6 Jerusalemele annerilaukpakka attera tagvanekovlugo; Davidelo annerilaukpara angajokaukovlugo innukotimnut Israe-litinut.

7 Davidelo issumalaungmat Nalegak Israelib Gudingata attinga iglomik igloliorlugo,

8 Nalegak atátamnut Davidemut okarpok: Namaktullilaukpotit issumagavit attera iglomik iglolioromavlugo.

9 Igville iglo tamna iglolioraksaringilat, erniville illingnit piniartub, tapsoma attera iglolioraksariva.

10 Taimak Nalekab manna okautsine okauserilauktane nelautsitimavait, uvangalo atátaga Davide innangêrlaukpara, ik-sivalungalo Israelib iksivautaksoangane, sorlo Nalekab okalaungmat, iglolo igloliorlaukpara Nalekab Israelib Gudingata attinganut;

11 Iklerviglo takkamunga pitilaukpara, Nalekab angerning-anik pittalik, angerlauktanganik Israelib kittornganginut.

12 Salomoblo Nalekab Altarekotinga sangariartorpa, illagêt Israelitit illunamassiatik najutitillugit, agganelo issangmivait.

13 Salomoble ikkovrak kannujaujok sennalaukpa, nappartilaukpâlo inniub âvaluliorsimajub kerkânut, tallitut tellimatut tukkimutotigijok, sennimutotigijorlo, tallitullo pingasotut pôktotigijok; tapsoma kânganut nangeriartorpok, serkortorlunelo illagêt Israelitit illunamassiatik sângine, agganelo issangmivait killangmut,

14 Okarlunelo: Nalegak Israelib Gudinga, Gudekangilak . illiktut killangmêlonêt, nunamêlonêt; sokkosijuititsijotit anger-nernik, napkinningnermiglo kivgakotingnut, agvertartunut sâng-ne omamut tamânut.

15 Nellautsititsikauvotit kivgakotingnut Davidemut, atâ-tamnut okauserilauktarnik tapsomunga, kannernut okauserilaukpat, aggangnullo nellautsitilaukpat, sorlo uvlorme tamatto-manêmat.

16 Manna Nalegak Israelib Gudinga, kivgait Davide, atâ-tagâ, sokkosijuititsivigilauruk okauserilauktarnik tapsomunga, okarlutit: Ajoksartuksaungilatit angumik, sâmnê iksivajomik Israelib iksivautangane, ernitit kammatsiartuinarpatta apkotigijamingnik, agvertarkovlugit perkojamne, sorlo igvit sâmnê agvertarlauravit.

17 Manna Nalegak Israelib Gudinga, okautsitit miksekârtotikit, okauserilauktatit kivgakotingnut Davidemut.

18 Gude nellâgut innekaromagalloarka innungne nuname? Ahâk killaub killaillo killangita illunamassiatik illumajung-nangilatit, kannok tagva iglo una igloliorlauktara pijungnara-jarka tamattominga?

19 Sâlaurilletôk Nalegak Gudiga, kivgakotivit tuksiarning-anut, kennuninganullo, tussarkovlutit kennunernik tuksiarnerniglo kivgavit attortanginik sângne,

20 Ijikik uitatsainarkovlugik uvlotillugo unuarmelo iglomut omunga, innemut okautigilauktarnut, attit tagvungatitsomagang-

ne, tussarkovlutit tuksiarnermik, kivgavit tuksiarnerijanganik, inneme tamattomane.

21 Taimak tussalaurit manna kivgavit innukotivillo Israelitit kennuninginik, kennuneriniartanginik inneme omane: tussalaurugle innemit innigijarnit, killangmit, tussarungnelo issumagijungnainilaurit.

22 Kina idluitullirangat innukattiminut, angermaringnermiglo illitsiviokpat, attoraksanganik, angermaringnerlo âtaulerpat Altarekotivit sânganut, iglome omanêtub,

23 Tagva igvit tussalaurit killangmit, pinniarlutillo, kivgatilto erkartorkit, passijaksak akkiniarlugo pikovlutit, agvertar-ningalo pitilugo niakoanut, idluartorlo idluarnerarlugo pikovlutit, tunnitsivigilugolo idluarninga malliklugo.

24 Innukotitillo Israelitit sâlagijaulerangatta omigijimingnut, idluitullilauramik illingnut, sâgiarpattalo, attillo kigligiutigilugo pikpatta, tuksiarpattalo kemulutiglo illingnut iglome omane;

25 Tagva igvit tussalaurit killangmit, issumagijungnailugillo innukotivit Israelitit ajorningit, uttertilugillo nunamut, tapkonunga, atâtagilauktanginullo tunnilauktarnut.

26 Killak parnanairsimalerangat sillaluluganelo, idluitullilaungmattalo illingnut, tuksiarniarpattalo inneme omane, attillo kigligiutigilugo pikpatta, sâpattalo ajornermingnit manigotitigangne,

27 Tagva igvit tussalaurit killangme, issumagijungnailugillo kivgakotivit innukotivillo Israelitit ajorningit, ajochertorlaurkârdlugit apkosinermik ajungitomik, agvertarvigijaksarijanganik; tunnijilutillo sillalungnermik nunakotingnut, tunnilauktarnut innukotingnut, innigijaukovlugo tapkonunga.

28 Kâvikalerangat nuname, nûsilingnartokarangallonêt, perorsijat kakkojaksat kernersilerangattalonêt, piglertaujartokadlarangallonêt nerrijoaksoarnik, omigijingitalonêt nuname itfertarvingit illumajarangagit, pagvinartokarangallonêt, kannimasekarangallonêt nellianik;

29 Tuksiarnernit tamaita, kennunerillo tamaita, tagva pinniartut, innuit nellianut, innukotingnullo Israelitinut illunainut, mîssigilerpatta illunatik attunît pagvisartaunermingnik, ânianermingniglo, aggatiglo issangminiarpagit iglomut omunga;

30 Tamanna igvit tussalauruk killangmit, innemit innigijarnit, issumagijungnainilutillo, illunaitalo attunît pinniarvigikit apkosinerilauktangit tamaita malliklugit, sorlo omattingit illitarigangne; igvit kissivit innuit kittorningangita omattingit illitarigangne.

31 Sivoralerkovlugit illingnik, agvertarkovlugillo apkosinekotingne uvlut tamaita, innotillugit nuname tunnilauktarne atâtagijaptingnut.

32 Tækkorngartattauck nelliat, innukotingnut Israelitinut

illingalungitok, tikkilerangat nunamit kanningitomit, attit ang-ijok, aggaktillo pitsartojut, tallillo issangmijok pivlugit, tikkipallo tuksiariunelo iglomut omunga;

33 Tagva igvit tussalaurit killangmit, innemit innigijarnit, pinniarniarlutillo tamainik nipliarutigijanganik illingnut, innukattigêksuit nunamêut illunatik atternik illitarksilerkovlugit, sivuragilutillo pikovlugit, innukotititut Israelititut, tukkisilerkovlugillo iglo una, igloliolauktara, attit malliklugo atserartaungmat.

34 Innukotitit aularniarangatta unatadlarnermut, omigijitik sorsugvigilugit, apkome tilliklerutigijarne tapkoninga, tuksiar-pattalo illingnut, iglugaseksuit ukkoa annerilauktatit sâdlugit, iglolo igloliolauktara atternut sâdlugo:

35 Tagva igvit tuksiarningit, kennuningillo tussarlaukit killangmit, idluartomiglo sakkêvigikit.

36 Idluitulliniaraikpatta illingnut, (innukalungimat idluitullilungitomit) illulugvigigungnelo, tunnilugillo omigijinginut, sâlagijingitalo parngnanairsortauvlutik aularutikpagit nunamut kanningitomit kannitomullonêt;

37 Omamiutarilerpatsuglo nuname parngnanairsimavigijamingne, sâlerpattalo, kennulerpattalo illingnut, nuname parngnanairsimavigijamingne, okarlutiglo: Idluitullilaukpogut; tamarlauklutalo, innorlulaûkpogut;

38 Taimaglo sâlerpatta illingnut omamut tamânut, nuname parngnanairsimavigijamingne, parngnanairsortauvlutik aulartitauvigijamingne, tuksiarpattalo sâlutik nunagijamingnut atâtâgijanginut tunnilauktarnut, iglugaseksoarnullo annerilauktarnut, iglomullo igloliolauktamnut atternut;

39 Tagva igvit tuksiarningit, kennuningillo tussarlaukit killangmit, innemit innigijarnit, idluartomiglo sakkêvigikit, innukotitillo issumagijungnaivigikit idluitullininginik illingnut.

40 Taimak manna Gudiga ijikik uitalaulik, siutikiglo kamatsiarlauk, tuksiarnermik inneme omane.

41 Mannalo Nalegak Gude kângatarit innemut merngoêrservingnut, igvit, pitsartunivillo iklervinga. Ajochertuijokotitit Nalegak Gude attititaulit piulijaunermik, idluarijatillo kuvasulerlit ajunginek pivlugo.

42 Igvit Nalegak Gude mîngoartaukojavit kênanga allârtiarnago; erkailaurit saimanermik angerutigijaumajomik kivgakotingnut Davidemut.

KAPITEL VII.

Tempelib attortautainarningata nâninga. Gudiblo sakkerninga Salomomut, angerningillo sillungningillo.

SALOMOBLO tuksiarnek nâgamiuk, ikkoma kattakpok killangmit, nerrilunelo tunnergutini otaksanik, tunnergutiniglo tokkotaksanik; Nalekablo ânanauningata iglo nâmalerpa;

2 Ajochertuijut itterungnarlungimatta Nalekab iglunganut; Nalekab ânanauningata Nalekab iglunga nâmangmago.

3 Israeliblo kittorngangita illunatik ikkoma tækkovât kattak-tillugo, Nalekablo ânanauninga iglub kollâne, okkolerlutiglo kênatik pûvlugit nunamut, opigosulutiglo. Nalegarlo kujagivât pitsiarmat, napkinengningalo sorairniatsengimat.

4 Attannerle innugiartoksuillo illunatik tunnergutini tunnijut Nalekab sângane.

5 Attannerlo Salomo tunnijivok tuktuvangnik 22000 dinik, saukaniglo 120000 dinik, taimaglo Salomob innugiartoksuillo Gudib iglunga attortainarlugo ivsornaitipât.

6 Ajochertuijullo nangerput pinniaraksamingne, Levitillo Nalekab nokakseralikotinginik, attanniub Davidib sennajaukolauktanginik attorlugik, Nalegak kujalivigilugo, napkinengninga soraijuimat, Davide ingerlune nertordlerlaurangat tapkutiguna. Ajochertuijullo akkingerlugit Trompetesijarput, Israelitilio illunamassiatik nangerput.

7 Salomoblo avaluliorsimajok ketterdleik, Nalekab iglungata sivurânetok ivsornaitipa, tunigamigit tagvane tunnergutit ôtaksat, tunnergutillo kujalijutiksatsat, Altare kannujaujok Salomob sennajaukolauktanga mikkiluarmat tunnergutinut otaksanut, tunnergutinullo nerkiksanut, tunnergutilio kujalijutiksatsat orksunginut.

8 Taimaglo Salomob nelliutome taipsomane uvloksiorvik attorpa uvlut 7 it nâlugit, illagællugolo Israelitit illunamassiangit, illagêt unnuktovaksuit Hemathemit Egiptenib kônga tikkidluglo.

9 Uvlullo 8 ingane kattimaniksakarput; Altarible attortautainarninga uvloksiorpât uvlut 7 it nâlugit, uvloksiorviglotauk uvlut 7 it nâlugit.

10 Takkillo 7 ingata uvlungita 23 gingane innugiartoksuit angerarkovait iglunginut kuviastuktillugit maksoatillugillo, ajungitut tamaita pivlugit Nalekab sakkertilauktangit Davidemut Salomomullo, innukotiminullo Israelitinut.

11 Taimak Salomob Nalekab iglunga, attanniublo iglunga innerpâk, tamaitalo omattime illumigijangit sennajomavlugit Nalekab iglungane, iglominelo sullivait.

12 Nalekablo Salomo sakkervigiva unnuarme, okautilâlo: Tuksiarnit tussarlaukpara, innelo tamanna annerimavara uvamnut tunniorkaiviksaukovlugo tunnergutiksani.

13 Ahâk, killak pallangairupko, sillalukonnago, piglertaujartullonêt nerrikogupkit nunamik, nussilingnartorlonêt tikkikogupko innukotima akkornganut,

14 Innukotikkalo attera malliklugo atserarsimajut nikkanarsarpatta, tuksiarpattalo, kênaralo kennerlugo pikpatta, sagiarlutiglo apkotigijamingnit idluitomit; tagva killangmit tussaromavunga, issumagijungnailugillo ajorningit, nunangallo innulilugo.

15 Manna ijikka uitatsainartuksauvuk, siutikkalo kammatsiartuksauvuk tuksiarnernik attortaujunik inneme tamattomane.

16 Taimaglo manna iglo tamanna annerimavara ivsornaitilugolo, attera tagvanêkovlugo issokangitomut, ijikkalo, omattigalo tagvanêtuksauvut nelliutune tamaine.

17 Sâmnelo agvertarniaruvit sorlo atâtait Davide agvertarlaungmat, pniaruvit taimaluatsiamik sorlo perkogapkit, perkojakkalo idluarijakkalo malligungne;

18 Tagva attanniovikpit iksivautanga sokkosijuititsomavara, sorlo Davide atâtait angervigilaurapko, okalaurama: Ajoksartuksaungilatit angumik, nalegaujomik Israelitinut.

19 Allarniarupsele, idluarijakkalo perkojakkalo tunnilauktakka illipsingnut, kemmagupsigik, Gudiblo assingit kivgartoriartorupsigik, tuksiarvigilugillo pigupse;

20 Tagva nutsungniarpakka nunakotimnit, tunnilauktamnit tapkonunga, iglolo tamna ivsornaiviotilauktara attimnut, eginiarpara kênama sânganit, okausiovaktungortiniarparalo okangoarutingortiniarlugolo innukattigêksuit illunatik akkorngane.

21 Iglolo tamna pijariakortônerpângôlauktok, tapsominga sennerkotsijut kakkiladlarutigijomârpât, okoromârlutiglo: Suna pivlugo Nalekab nuna una, iglolo una taimaiiorvigilaukpagik?

22 Okartokaromârpôrlo: Tamanna pivlugo, Nalegak, atâtagijamik Gudingat kemmalaungmatsuk, aulartitsilauktok tapkoninga Egiptenemit, Gudiblo assingit ungagilugit, tuksiarvigilugillo, kivgartorlugillo pilaungmatta; tamanna pivlugo tikkitaukolaukpait kannoêtomut mattomunga tamât.

KAPITEL VIII.

*Salomob iglogaseliorninga; illusinga kivgartornerme Gudemik;
umiaktorningalo; tunnergutingillo.*

JAHRILLO 20git, Salomob attorlauktangita Nalekab iglunga, iglunelo igloliorlugik, kingorngane,

2 Iglugaseksuittauk iglugaseliorpait Huramib tunnijangit Salomomut, Israeliblo kittorngangit nunakarkovait tapkonane.

3 Salomolo aivok Hemath-Zobamut, songotipaillo;

4 Tadmoro sunakajuitome iglugaseliorpait, iglugaseksuillo kemmatulliviojut illunaita iglugaseliortaluktane Hematheme.

5 Iglugaseliortalottauk Beth-Horon kagvasiktok, atsiktorlo, iglugaseksuit sôngojut avaluksoaggit, upkoaksoaggillo, senne-roaggillo.

6 Baelathetauk, iglugaseksuillo kemmatulliviojut Salomob pigijane illunaita, iglugaseksuillo illunaita kamutingnut, ablang-ajunullo horsit kângine illingajut, tamaitalo Salomob tussugijane sennajomavlugit, Jerusalemelo, Libanonemelo, attanniovimelo nunangane illunane.

7 Innugiartoksuit amiakovinît Hetiterinit Amoriterinillo, Feresiterinillo, Heviterinillo, Jebusiterinillo, Israelib kittornganginit pilaungitut,

8 Taipkoa amiakojut, Israelib kittorngangita nungulaungitangita kittorngangit Salomob sennajuksangortipait, uvlok tamanna tikkidlugo.

9 Israelible kittornganginit Salomo kivgangortitsilungilak kikunik sullijaksaminut illingajunik, sorsuktuksaulaukpuhle, angajokaulutiglo Kapitanut, aulatsijolutiglo kammutekotinginik, ablangajokotinginiglo horsit kângine.

10 Aulatsijullo angajokaunerôjungit attanniub Salomob sullijaksanginik 250giôlaukput, aulatsilauktut innugiartoksoarnik.

11 Faraublo pannia Salomob aijaukova takpaunga Davidib iglugaseksanginit iglomut, (Salomob) igloliorlauktanganut tap-somunga. Okarame: Nulliara iglokartuksaungilak Davidib Israelib attanningata iglungane, ivsornaititaulaungmat, Gudib iklervinga takkamungartaulaungmat.

12 Taimangat Salomo tunnergutinik ôtaksanik tunnijivok Nalekamut, Nalekab Altaringata kângane, sennalauktamine, torksub sângane;

13 Tunnergutiksallo uvlunut tamainut illingajut, tunnivait Mosesib perkojangit malliklugit, Sabbatine, takkêlanelo, uvloksiorvingnelo, pingasuêrtorlune Jahreme, tagva uvloksiorvingme

kakkojanik sêrnakangitunik, Wochillo uvloksiorvinganelo, uvloksiorvingmelo iglokarvingmik akkerkunik millukattalingnik.

14 Tapsomalo ajochertuijut pitipait ingmigolinganingit malliklugit, pinniaraksanginut, sorlo Davidib oma atâtangata âkik-sorlaungmagit; Levitillo sullijaksanginut, nertordlerlutik kivgartorlutiglo ajochertuijut sângine, uvlut tamaita illusingititut; upkoaksoaniglo udsertortut ingmigolinganingit malliklugit, attunît upkoaksoanganut. Taimak Davidib Gudib angutekotingata perkolaungmago.

15 Attanniublo perkojanga ajochertuijut Levitillo, sunatuinaillo pivianartullo pivlugit senmerkotaulaungilak.

16 Taimaglo Salomob pinniaraksangit tamaita pijarêrtitaumavut, Nalekab iglungata tunganilititauningata uvlunga tikkilugo, tapsomalo innertaumaninga tikkilugo, Nalekab iglunga innersimamarikârtinago.

17 Tagva Salomo aularpok Ezeon-Geberemut, Elotemullo immarbiksub siksanganêtunut, Edomemiut nunanganut.

18 Huramblo tillikliutjivigiva umiaksoarnik kivgakotimigut, immarbiksoarnik illitarksijutigut; tapkoalo Salomob kivgangit illagilugit umiaktorput Ofiremut, aiklerlutiglo tagvangat Golde-mik Talentinik 450 ginik, âtsilutiglo tamakkoninga Salomomut.

KAPITEL IX.

Salomob nellipsartauninga arnamut Arabiamiut attanninganut.

Akluininga, tolckungalo.

ARABIAMIULLO attanningata arnab Salomob tussaumajanga tussaramiuk, kaivok Salomo ôktoromavlugo nellaupsarutiksanut, tikkiporlo Jerusalem, najortekarlune unnuktunik Kamelinik, mingoarutiksanik pivianartunik, Goldeniglo unnuktunik, ujar-kaniglo pivianartunik nangmartunik. Salomomullo tikkiname okarvigiva tamainik, omamigijaminik.

2 Salomoblo tamainik okautiva apperkutigijanginik; nello-nartokalaungilarlo sunamik Salomomut, okauserilaungitanganik tapsomunga.

3 Arabiamiullo attanningata arnab Salomob illissimaninga, iglolo igloliorlauptanga tækkogamigit,

4 Nerkiksallo tapsoma nerrimavianut illingajut, kivgakotingitalo iksivaningit, nangerningillo, naipertutsiarningillo, anorângillo, immiksaliorkotingillo, tapkoalo annorângit, majutingillo majoarutigijangit Nalekab iglunganut, tagva uimâmajotut-ilerpok.

5 Attannerlo okautiva: Miksekártóvok tussarlauktara nukotimne illinganit illissimanillo pivlugik.

6 Okausingille okperilaungilakka, tikkikártinanga, tækkolugolo ijimnut. Aháglo, illissimanersoarpit koppanganiglonét okautsaumalaungilanga. Tussaumajak tussarlauktara pitikipet.

7 Pilloridlarput angutekotitit, pilloridlarpullo kivgakotitit nangertsainartut sângne, illissimanerniglo tussarlutik.

8 Nalegak Gudit nertortaule nagligijit, iksivautakotiminut ingitilaungmattit attannertut, Nalegak Gudit pivlugo. Gudivit Israelitit nagligingmagit, sokkosijuititsomavlugit soraijuitomik, igvit attanningortilaukpâtít tapkonunga, namanermik idluarnermiglo attorkovlutit.

9 Tapsomalo arnab attannek tunnitsivigiva Goldinik Talenitnik 120ginik mingoarutiksanglo tippitsiariktunik unnuktunik, ujarkaniglo pivianartunik. Mingoarutiksakalaungilak tapkotitunak, Arabiamiut attanningata tunnijangititut attannermut Salomomut.

10 Huramiblo kivgangit, Salomoblo kivgangit Goldenik kaitsilauktut Ofiremit, kaitsilaurivuttauk kejungnik Sandelemik attelingnik, ujarkaniglo pivianartunik.

11 Salomolo sennajaukojivok kejungmit Sandelemik attelingmit majutinik Nalekab iglungane, attanniublo iglungane, Harfeniglo nokakseralingniglo ingerpaktunut. Sivurngane kejuut taimaitut tækkojaulaungilet Judakut nunangane.

12 Attanniublo Salomob Arabiamiut attanningat tunnitsivigiva tamainik tussujanginik, tuksiararijanganiglo, tapsoma arnab kailauktangita attannermut assinginik. Allarporlo, aulârlunelo nunakotiminut, kivgakotine illagællugit.

13 Goldele tikkiutjaulauktut Salomomut Jahreme attautseme Talenteólaukput 666 git,

14 Niuvertit niuvernartullo kaitangit kittikassiutinagit. Arabiamiullo attanningit illunatik, angajokaillo nuname, kaitsivut Goldemik Silberemiglo Salomomut.

15 Attanniublo Salomob sappulutaksat 200 dit sennavait Goldemit namanerpaujomit, Sekkeletut 600 ditut okumaitigijut Golde attorpait sappulutaksamut attautsemut.

16 Tartschillo 300 dit Goldemit namanerpâmit, Sekkeletullo 300 ditut okumaitigijut Golde, attorpait Tartschemut attautsemut.

17 Attanniublo pitipait igloksoarmut, nappartut Libanonemit igloksoanganik attelingmut. Attanniublo iksivautaksoak sennava Elefantit tôganginit, sillaparpâlo Goldemik illakangitomik.

18 Iksivautaksoarlo tungmerakalaukpok pingasojortunik, ikkovrakalaukporlo attajomik Goldeôjomik, ajakpavikalaukporlo maggungnik iglugêngnik tallingnut iksivavingme, Lœwingoaklo nangerpuk ajækpavikita tungangne.

19 Løwingoallo 12 it nangerlaukput tagvane tumerangne pingasojortune ittivigêngine. Taimaitomik sennamajokalauseng-ilak attanniovit nelliane.

20 Salomoblo illulerkutingit immiksakautit Goldeolaukput; iglublo nappartut Libanonemit iglungata illulerkutingit illunatik Goldeolaukput, Silbere sunaunasugijautsengimat Salomob nelliuningane.

21 Attaniub umiaksoakotingit umiaktormatta immarbingme, Huramib kivgangit illagilugit, utterkattarlutiglo Jahrine pingasune attauséarlutik, tikkiutjilutiglo Goldemik Silberemiglo, Elefantillo tôganginik, pissuktuniglo itjuarsijunik, tingmianiglo Fauinik attelingnik.

22 Taimak attannek Salomo anginersaulaukpok attannernit nunamêtunit tamainit, akuinerme illissimanermelo.

23 Attannillo nunamêtut illunatik Salomob kênanga kenerasuarpât sillatuninga tussaromavlugo, Gudib tunnilauktanga tapsoma omattinganut.

24 Illunatiglo attunît atsivigikattarpât pilliutimingnik, illulerkutinik Silbereojunik Goldeojuniglo, annorângniglo, sakkuniglo, mingoarutiksaniglo, horsiniglo, horseojartuniglo Jahrine tamaine.

25 Salomolo horsekutekalaukpok kemmuktunik 4000 dinik, sorsuktuksakutekalarmelo ablangajunik horsit kângine 12000 dinik, innekarokjaulaukpullo iglugaseksoarne, kammutingnut aksalloalingnut illingajune, attanniublo najugâne Jerusaleme.

26 Attanniotilaukporlo attannernut illunainut, kôb miksânit Filisterit nunangat tikkidluglo, Egipteniblo kiglilervinga tikkidluglo.

27 Attanniublo Jerusaleme Silbere taimak unnuktigijotipait ujarkatitut, Cederillo nappartutitut Sikomorinik attekartutitut, naksarne perortutitut.

28 Atsiviomavorlo horsinik Egiptenemit nunanillo illunainit.

29 Unipkautsit assingit sulle Salomo pivlugo, sivurlit kingorlillo, ahâk, tapkoa aglaksimavut nellautaijub Nathanib aglangine, Ahiablo Silomiub nellautaijutigijangine, Jeddiblo tækkojub tækkotitauningine, Jerobeame Neadib erninga pivlugo.

30 Salomolo attanniotilaukpok Jerusaleme Israelitit illunamassianguit Jahrit 40 git nâlugit.

31 Salomolo sinnisilerpok, atâtagijaminut ailune, illijartortauvorlo Davidib atâtame iglugaseksoangine. Rehabeamelo erninga attanningorpok innangêrdluglo.

KAPITEL X.

Kinguvarêt 10 it apterningit Rehabeamemit.

REHABEAMELO Sichememut aivok, Israelitit illunamassiang-it Sichememut tikkisimagamik attanningortitsomavlugo.

2 Jerobeamelo Nebatib erninga, Egiptenemêlauktok, kemâ-vigijamine Salomo pivlugo, tussarame tamattominga utterpok Egiptenemit.

3 Tilliklerpullo taikunga kaikojaukovâllo. Jerobeamelo Israelitit illunamassiangit illagilugit, tikkilerpok okarkattigivâllo Rehabeame, okarlutiglo:

4 Atâtavit nangmariakartavut okumailuartilaukpa, tagva igvit manna atâtavit kivgartorkojininga okumaitok, nangmagarlo siornioinartok illilauktanga uvaptingnut okinersautitik; tagva nalegomavaptigit.

5 Tapsoma okautivait: Uvlut pingasut nâkpatta kaipsarniaritse uvamnut. Innugiartoksuillo aularput.

6 Attanniublo Rehabeamib angajokaunerôjut atâtame Salomob sângane innôtillugo nangerlauktut kachimiolerkattigivait, okarlunelo: Kannok attannertuivise innugiartoksuit taipkoa kiolugit?

7 Okarkattigivât okarlutiglo: Innugiartoksuit taipkoa pitsiarvigigungne, naletsiarungnelo, illanârnartuninglo okausekarvigigungne, tagva naletsainarniarpâtit.

8 Tapsomale angajuklit attannertuiningat, tunnilauktangat tapsomunga kemakpâ, innuosuktullo ikkingutine nangertullo sângane kachimiolerkattigivait,

9 Okautivaillo: Sunamik illipse attannertuivise, innugiartoksuit taipkoa kiolugit pijuksaugapta okautjigilauktakka, okarlutiglo: Nangmagak atâtavit illilauktanga uvaptingnut okinersautiuk?

10 Innuosuktulle ikkingutingita okarkattigivât okarlutiglo: Imâk okartuksauvotit innugiartoksoarnut, okarkattaulauktunut illinguik, okarlauktunullo: Atâtavit nangmagaksavut okumailuartilaukpa, igville okinersautiuk, okautikillo: Erkekotiga silinersaujuksauvok atâtama koktoragingnit.

11 Manna atâtama nangmiulaukpassê okumailuatomik; tagva uvanga nangmagaksase illajomavara. Atâtama ipperautinut ipperartorlaukpâse; uvangale Skorpionenut.

12 Jerobeamelo innugiartoksuillo illunatik uvlut pingajuane Rehabeamut tikkimatta, sorlo attannek okalaungmat: Uvlut pingajuane kaipsarniaritse uvamnut;

13 Attanniub kiovait okumaitomik. Attanniublo Rehabeamib angajuklit attannertuiningat kemmakpa,

14 Okarkattigivaillo innuosuktut attannertuiningat malliklugo, okarlunelo: Atâtama nangmagaksase okumailuartilaukpagit, tagva uvanga okumainersautitsomavakka; atâtama ipperautinut ipperartorlaukpâse, uvangale Skorpionenut sugiaromavapse.

15 Taimaglo attanniub innugiartoksuit nalelaungilait. Gudemut taimak illingatitaungmat, Nalegak okautsiminik nelläut-sititsikovlugo okauserilauktaminik Ahiakut, Silomiokut Jerobeamemut Nebatib erninganut.

16 Israelitille illunamassiangit tækkogamik attanniub nalengimagit, innugiartoksuit attannek kiovât okarlutiglo: Sunamik illangiutivikarkita Davidemik? kingormgutijaksakangilagullo Isaib erningane! Israelitiôjose, aileritse tuppekotipsingnut! Taimak manna igvit iglokotit tækkonâruk Davide. Israelitillo illunamassiatik tupperkotimingnut aivut.

17 Israelib kittornganginut Judakut iglugaseksoangine iglokartunut Rehabeame attanniotivok.

18 Rehabeamible Hadorame angajokaujok sennajuksanut tilliva; Israelible kittorngangita millorlugo tokkopât. Attannerlo Rehabeame tuavidlune ikkivok kamutekotiminut, kemmâ-lunelo Jerusalem.

19 Taimak Israelitit aptertut Davidib iglunganit uvlok tamanna tikkilugo.

KAPITEL XI.

Rehabeamib parngnailerninga unatadlarnermut, innertertauningalo Gudemut. Iglugaseksoakotingit, nulliangillo, kittorngangillo.

REHABEAMELO Jerusalememut tikkiname, Judakut Benjaminekullo katterkovait angutit innuosuktut 120000 dit, Israelitit sorsugvigijomavlugit, attanniovik sattortautitsomavlugo ama Rehabeamut.

2 Nalekable okausinga tikkipok Semajamut Gudib angutekotinganut, okarlunelo:

3 Rehabeame Salomob erninga Judakut attanningat okautiuk, Israelitillo illunaita, Judakunut Benjaminekunullo illingajut, okarlutillo:

4 Imâk Nalegak okarpok: Majorarluse takpaungartuk-saangilase, kattangutiselonêt sorsugvigijaksaringilasse, illunatik

attunît angerarmilit, tamanna uvâmmit pingmat. Nalekpaillo Nalekab okausingit nokkarlutiglo aularnermit Jerobeamut.

5 Rehabeamelo iglôkarpok Jerusaleme, iglugaseksuillo Judame sôngotipait:

6 Tagva: Bethleheme, Etame, Tekoalo.

7 Betzur, Socho, Adullamelo.

8 Gath, Maresa, Sif,

9 Adoraime, Lacnis, Aseka,

10 Zarega, Ajalon, Hebronelo, tapkoa iglugaseksoangolaukput songotitaksat Judame Benjaminemelo.

11 Tapsomalo sôngotidlarpait, angajokakartilaitalo, piksakar-tilugillo nerkiksanik, orksumiglo Weinemiglo.

12 Iglugaseksoarnelo illunaine sappulutaksakartitsivok, kal-lugiakartitsilunelo, sôngotidlarpaillo. Judakullo Benjaminekullo tapsomunga illingavut.

13 Ajochertuijullo Levitillo Israelitit illunamassiangine kig-lilervinginelo illunainêtut illagilerpât.

14 Kemmakpaillo iglugaseksoagijatik, perkutitiglo, tikkilutiglo Judakunut Jerusalemut. Jerobeamib erningitalo ajæktor-magit, ajochertuijuêrutilugit Nalekamut.

15 Ajochertuijungortitsivorle pôktôjunut, Satanasenullo, nochangoanullo, sennajaukojaminut.

16 Tapkoalo kingorngane Israelib kinguvarênginit illunainit tikkitokalerpok Jerusalemut, omattemingnik tunnijijunik, Nalegak Israelib Gudinga apperkutigilugo, tunnergutininik tunnijijomav-lutik Nalekamut atâtagijamik Gudinganut.

17 Pitsartutipållo Judakut attanniovingat, nakkiterpållo Rehabeame Salomob erninga Jahrit pingasut nâlugit; agvertaramik Davidib Salomoblo apkosiningine Jahrit pingasut nâvlugit.

18 Rehabeamiblo Mahelate Jerimotib Davidib erningata pannia tiguva nulliarivlugo, Abihaillo Eliab Isaib erningata pannia.

19 Tapsomalo erniarivait tapsomunga ernerit: Jeus, Semar-jalo, Sahamalo.

20 Tapsomalo kingorngane Maecha Absalomib pannia nulliarilerpa; tapsoma erniarivait tapsomunga: Abia, Atailo, Sisalo, Selomitelo.

21 Rehabeamiblo Maecha Absalomib pannia nagliginerpariva nulliaminit illunainit, panervgaminillo illunainit; nulliakarame 18nik, pannervgakalarmelo 60ginik; ernertarlunelo 28ginik, pannetaralarmelo 60ginik.

22 Rehabeamiblo Abia Maechab erninga niakungortipa angajokangortilâlo kattangutingita akkorngane; issumavorlo attan-ningortitsomavlugo.

23 Pinniarporlo sillatôlune, siamartipaillo ernine Judakut Benjaminekullo iglugaseksoanginut songojunut illunainut, ner-

kiksakartipaillo unnuktunik, tigusalunelo tapkonunga illingajunik arnanik unnuktunik.

KAPITEL XII.

*Rehabeamib salagijauninga Sisakemut, Egiptenemiut attaning-
anut, tokkungalo.*

REHABEAMIBLE attaniôvinga pallangêrsimangmat songong-mallo, Nalekab perkojangit kemmakpait, Israelitillo illunamas-siangita tamna illagilugo.

2 Rehabeamible attannioningata Jahringita tellimangane aularlune takpaungarpok Sisak Egiptenemiut attanningat Jerusalememe sorsugvigijomavlugit, (idluitullilaungmatta Nalekamut),

3 Najortekarlune kammutingnik aksalloalingnik 1200 dinik, ablangajuniglo horsit kângine 60000 dinik; kittiksaulaungilello innugiartoksuit illaulauktut tapsomunga Egiptenemit Libienemillo, Suchimemillo, Aetheopiamillo.

4 Iglugaseksuillo sôgojut sâlagivait Judamêtot, tikkilunelo Jerusalememe tikkidlugit.

5 Tagva Semajab nellautaijub Rehabeame Judakullo angajokaunerôjungit Jerusalememe kattimalertut sivuramut Sisakemik, okautivaillo: Imâk Nalegak okarpok: Illipse kemmalaukpapsinga, tamanna pivlugo tunnilaukpapse Sisakib agganginut.

6 Tagva angajokaunerôjut Israeleme, attannerlo mannigotitilerput, okarlutiglo: Nalegak idiuarpok.

7 Nalegarle tækkogame manigotitingmatta, Nalekab okausinga Semajamut tikkipok, okarlunelo: Manigotitikauvut, tamanna pivlugo assoreromalungilakka; piulijaunermigle tunnitsivigijomavakka, illungertorneralo kovijaujuksaungilak Jerusalemut Sisakekut.

8 Taimaigalloarmalle kivgartoraksarivât, tukkisilerkovlugit sunaumangat kivgartorlunga, nunallo attanniovingit kivgartorlugit.

9 Taimak Sisak Egiptenemiut attanningat takpaunga majorarpok Jerusalemut, tigusalunelo perkutinik pivianartunik Nalekab iglunganêtunik, attanniublo iglunganêtunik, illunaitalo aksarnigarivait, tiguvaillotauk sappulutaksat Goldeôjut Salomob sennajaukolauktangit.

10 Attanniublo Rehabeamib taipkoa inninginut sappulutaksat kannujaujut sennajaukovait, unertutigivaillo sorsuktuksat, attanniub iglungata upkoanginik udsertortut angajokânginut.

11 Attannerlo Nalekab iglunganut itterlaurangat, udsertortut akjarkattariartorpait, uttertikattarlaitalo udsertortut iglunganut.

12 Manigotitingmallo Nalekab ningarningata allarpa, asserortaumarikonago. Judakune sulle idluarnekaromat.

13 Taimak attannek Rehabeame pallangilak Jerusaleme, attanniotilunelo. Rehabeame Jahrekalaupok 41 ginik attanningorame, attanniotilunelo Jahrit 17 it nâvlugit Jerusaleme, iglugaseksoarne Nalekab annerilauktangine Israelib kinguvarênginit tamainit, atterminik pititsikovlugo tagvunga. Anânanga attekalaupok Naemamik, Amoriteriôjok.

14 Idluitullilaukporlo, omattinelo torartilaungila Nalegak kennerlugo.

15 Rehabeamible pijokalaungningit sivurлит kingorlillo, aglaksimavut Semajab nellautaijub, Iddoblo tækkojub unnipkausingine; Rehabeamiblo Jerobeamiblo akkorngangne unnatadlartokatsainarpok.

16 Rehabeamelo sinnisilerpok atâtagijaminut ailune, illijartortaulunelo Davidib iglugaseksoangine. Erningalo Abia attanningorpok innangêrdlugo.

KAPITEL XIII.

Abia Judakut attanningat; tapsoma sâlakarninga Jerobeamik Israelitit attanninganik.

ATTANNIUB Jerobeamib Jahringita 18 ingane, Abia attanningorpok Judame.

2 Attanniotilunelo Jahrit pingasut nâlugit Jerusaleme. Anânanga attekalaupok Michajamik, Urielib Gibeamiub panninga. Unatadlartokalerporlo Abiablo Jerobeamiblo akkorngangne.

3 Abialo oppalungaijarpok unatadlarnermut angutit innuosuktut 400000 dit sorsugungnartut illagilugit. Jerobeamele oppalungaijarpok sorsukattigijomavlugo, angutit innuosuktut 800000 dit sorsugungnartut illagilugit.

4 Abialo majorarpok kakkamut Zemaraimik attelingmut, Efraimib kakkanginêtomut, okarlunelo: Naleksinga, Jerobeame, Israelitillo illunamassiatik!

5 Nellungilase Nalekab Israelib Gudingata Davide tunnit-sivigilaungmago Israelitit attanniovinganik sorajuitomik, tanna, erningillo, angernermut sioraujalingmut?

6 Jerobeamele Nebatib erninga, Salomob Davidib erningata

kivganga pimariuterlaukpok nalegungnailunelo nalekaminik.

7 Illaulaukpullo tapsomunga innuit kuksalaitut Belialib kittorngangit, tettitosarvigivållo Rehabeame, Salomob erninga, Rehabeamele innuosuktolaupok suile, omatekalunelo nangiar-saraitomik, sorsuklune agviarlaunginamigit.

8 Manna illipse issumavose Nalekab attanniovikotinga Davidib erninginut illingajok kippalidlaromavlugo, illipse unnuk-tôgapse, nochangoakarapselo Goldeøjungnik Jerobeamib sennalauktangangnik, Gudeôkovlugik illipsingnut.

9 Nalekab ajochertuijokotingit, Aronib erningit Levitillo, pingudlalaungipissigik, ajochertuijungortitsiluselo nangminipsingnut, innukattigéksoatitut nunane? Tikkitok tigumiaralijarlune tuktuvârsungmik, saukaniglo angusallungnik 7nik, tamna ajochertuijungortitauvok, tapkoa Gudiolungitut pivlugit.

10 Uvagulle Nalegapta Gudipta illagivâtigut, allarlungitapta; ajochertuijullo Nalekamik kivgartortut, Aronib erningit Levitillo sullijaksamingne,

11 Ikkipaillo uvlâne tamaine, unnunelo tamaine tunnergutit ôtaksat, isserluanijutiksallo tippitsiariktut Nalegak pivlugo; illijilutiglo kakkojanik tækkojaksanik sâmut Goldeøjomut illakangitomik; nennergoabviglo Goldeøjok, kollingillo unnune tamaine ikkipait. Uvagut kammagijaksat Nalegak Gudivut pivlugo kammagigaptigik, illipsele kemmalaukpasse.

12 Ahâglo, uvagut illagivâtigut sivuniptingne, Gudib ajochertuijokotingitalo, Trompetillo trompetesijautigijaukovlugit akkingerluse. Kittorngaujose Israelemut, akkerartorniarase Nalekamut atâtagijapse Gudinganut, sullinianginapse.

13 Jerobeamele terliarsivikartitsivok avatâne, tunnuanit tikkitsomavlugit, taimaglo nangerput Judakut sivurâne, terliarsivingmiullo tunnungine.

14 Judakullo manna keviarmatta, ahâk tagva sângine tunnunginelo sorsugvikalaukpok. Tagva niplialerput Nalekamut, ajochertuijullo Trompetit trompetesijautigivait.

15 Angutillo Judakut illunamassiatik nipliarput, angutillo Judakut nipliarthugit, Gudib Jerobeame Israelitillo illunaita annauvait Abiab Judakullo sângine.

16 Israeliblo kittorngangita Judakut kemmâvait, Gudiblo tunnivait tapkoa agganginut.

17 Abialo innukotingillo sâlakarnekartitsivut angijomik tapkonâne, ochovullo Israelitinit ullimarsimajut angutit innuosuktut 500000 dit.

18 Taimak Israelib kittorngangit mannigotititaulauput taipsomane; Judable kittorngangit maksoalerput, Nalegak atâtagijamik Gudingat tettigigamitsuk.

19 Abiablo Jerobeame udlava, aksarpâlo iglugaseksoarnik,

Bethelemik aiparusinginiglo, Jesanamik, aiparusinginiglo, Efromemiglo aiparusinginiglo;

20 Jerobeamelo nukkiktarlungilak Abia innôtillugo, Nalekablo annauva tokkolugo.

21 Abialo pallangairame arnat 14 it nulliarilerpait, erner-tarlunelo 22 ginik, pannetarlarmelo 16 nik.

22 Unipkautsit assingit Abia pivlugo, apkotingillo pinniar-ningillo, tamakkoa aglaktaumavut Iddob nellautaijub aglangine.

KAPITEL XIV.

Assa attanningorpok; kivgartornek Gudeungitunik pêjarpa; sâlukarninga Aethiopiamiunik.

ABIALO sinnisilerpok, atâtagijaminut ailune, illijartorpâllo Davidib iglugaseksoangine; Assalo erninga attanningorpok innangêrdlugo. Tapsoma nelliuningane nuna innilangalaukpok Jahrinik 14 nik.

2 Assalo pinniarlaukpok idluartomik, Nalekablo Gudingata namagijanganik.

3 Altarillo tækkorngartat pêjarpait, pôktojullo, nappajok-suillo serkomipait, nappartullo Gudingoaggit nakkarpait.

4 Judakullo okautsaukovait Nalegak, atâtagijamik Gudingat kenneraksaringmatsuk, pinniarkovlugillo malligaksat perkojallo malliklugit.

5 Judakullo iglugaseksoanginit illunainit pôktojut Guding-oallo pêjarpait. Attannioviglo innilangalaukpok sângane.

6 Iglugaseksuillo sôngojut iglugaseliorpait Judame, nuna innilangalaungmat, unatadlatokalaungimallo tapsomunga, Jahrine taipkonane; Nalekab merngoêrserviksakartimago.

7 Judakullo okautivait: Iglugaseksuit ukkoa iglugaselior-lavut, avaluliorlavullo karmaksoarnik, nuvgusekartilugillo, upkoakartilugolo, nuna sulle saptinguêmat, Nalegak Gudivut kennerlauraptigo; kennerlaukpavut, tapsomalo merngoêrservi-kartilaukpâtigut avatiptingne. Taimaglo igloliorsavut, sullidlar-lutiglo.

8 Assalo sorsuktuksakalaukpok sappulutalijartunik, kallu-gialijartuniglo, Judakunit 300000 dinik, Benjaminekunillo sappu-lutalijartunik, pittikserungnartuniglo 280000 dinik, tapkoalo illunatik songovlutik angutaudlalaukput.

9 Serable Aethiopiamiub sorsugiarторpait najortekarlune 1000000 nik sorsuktuksanik, kamutingniglo aksaloalingnik 300 dinik, tikkipullo Maresa tikkidluglo.

10 Assalo aularpok pâromavlugit, oppalungaijarpullo sor-

sungnermut naksarme Zefatamik attelingme Maresab kannitanganêtoime.

11 Assablo Nalegak Gudine nipliarvigiva, okarlunelo: Nalegak adsigêngitokangilak illingne, ikajorlutit unnuktut akkorngane, pitsakitorlonêt ikajorlugo. Ikajortigut Nalegak Gudivut; sungertutigigaptigit, atternelo tikkisimavogut, unnukto-vaksuit tapkoa pârlugit sorsugomavlugit. Nalegak igvit Gudigivaptigit salagijauniarnak innungnut.

12 Tagva Nalekab Aethiopiamiut annaulerpait Assab Judakullo sivurâne, kemmâkovlugit.

13 Assablo innugiartoksuillo najortane illagilugit udlapait Gerar tikkidlugo. Aethiopiamiullo ochovut taimak unnuktigijovlutik innojokarungnailaungmat tapkonangat, serkomitau-laungmatta Nalekab tapsomalo sorsuktuksaksoakotingita sângine. Aksarnigaujullo unnuktovalsuit neksarpait.

14 Iglugaseksuillo tamaita Gerarib avatâne sâlagivait, Nalekab sivuranarningata tupvigilaungmagit. Iglugaseksuillo illunaita aksarpait, aksarnigaksakarmat tapkonane unnuktovalsokarnik.

15 Nergjutillo tuppingit sâlagivaittauk, saukallo unnuktovalsuit Kamelillo tikkiutivait, utterpullo Jerusalem.

KAPITEL XV.

Assafib pigiarninga kivgartornek Gudemik âkiksorlugo.

GUDIBLO annerningata Asarja Odedib erninga tupvigilerpa.

2 Tamna annivok Assa pachreartorlugo, okautilâlo: Naleksinga, Assa Judamiôjoselo, Benjaminemiôjoselo illunase! Nalekab illagivâse, illipse illagigapsiuk; kennerniarupsiuglo tagva nachvartaukoniarpok illipsingnut; allarniarupsiugle, tagva allarniarivâse.

3 Uvlokaromârporle unnuktunik Israeleme, Gudekaromângitunik idluartomik, ajochertuijokaromângituniglo ajochertuijunik, perkojakaromângituniglo.

4 Sagiaromârpattalo kappianartonerminene Nalekamut Israelib Gudinganut, kenneromârpatsuglo, tagva nachvartaukoniarpok.

5 Nelliutome taisomane kannoêngitsiarnekaromângilak tapsomunga annijomut ittertomullo, aulajadlarnekaromârmat illunainut nunamêtunut.

6 Innukattigêksuit attautsit innukattigêksuit assingit serkomigomârmagit, iglugaseksuillo attautsit iglugaseksuit assingit; Gudib koaksartitsomârmagit kappianartunut tamainut.

7 Illipsele maksoaleritse, aggasselo kattaktailitilugit piritse, pinniarnise akkiksakarniarmatta.

8 Assable okautsit tamakkoa tussaramigit, nellautaijublo Odedib nellautaijutigijangit, maksoalerpok, pêjarpaillo makkojungnartut Judakut Benjaminekullo nunangangnêtit, iglugaseksaornêtullo aksarnigarilauktamine Efraimib kakkangine. Nalekablo Altaringa Nalekab torksungata sânganêtok nutângortipa.

9 Kattikovaillo Judakut Benjaminekullo illuêngarlutik, tujormitjallo tapkonanêtit Efraimekunit, Manassekunillo, Simeonekunillo. Israelitinit unnuktut apteramik, tikkipållo, tækko-gamik Nalekab Gudingata aiparingmago.

10 Kattimalerpullo Jerusalemut Assab attannioviata Jahringita 15 ingata takkingita pingajuane,

11 Tunnijilutiglo uvlorme taipsomane tunnergutininik Nalekamut aksarnigavinernit tikkiutilauktamingnit, tuktuvaît angusalunginik 700 dinik, saukaniglo 7000 dinik.

12 Angerkattigêkpullo, Nalegak atâtagijamik Gudingat keneromavlugo omamut tamânut, tarnemullo tamânut;

13 Kinalo Nalekamik Israelib Gudinganik kennerniarajangitok, tamna tokkotaujuksaungmat, mikkijômangât angijômangâllonêt, angutaumangallo arnaumangâllonêt.

14 Angervigimarikpållo Nalegak nippekôrtôjomut, igiakomijarlutiglo, trompetesijarlutiglo, tiptulausijarlarmiglo.

15 Judakullo illunamassiatik angermaringnek tamna kuviasutigivât; angermarilauramik ômamut tamânut, kenerpållo pijomanermingnut tamânut, nachvartaukolaukporlo tapkonunga; Nalekablo merngoêrsernekartipait avatingine illunane.

16 Assab attanniojub Maecha anânane attanniojungnaitipâtauk, Gudingamik sennalaungmat nappartune. Assablo Gudingoakotinga pêjarpa, tugarlugolo serkalitipa, ikkilâlo kôngme Kidronemik attelingme.

17 Pôktojulle Israeleme pêjartaulaungilet; Assable omattinga nellagorlaukpok inno sermine tamât.

18 Ittertippaillo Nalekab iglunganut atâtame ivsornaitilauktangit, ivsornaitilauktanelo, Silbere Goldelo illulerkutillo.

19 Unatadlartokalaungilarlo, Assab attannioningata Jahringita 35 ingat tikkidluglo.

KAPITEL XVI.

Assab idluittullininga Gudemut, nellautaijokotinganullo; tok-kungalo.

ASSAB attanniovingata Jahringita 36 ingane Baesa, Israelitit attanningat majorarlune takpaungarpok Judakut akkerartorlugit; iglugaseliorpaillo Rama, Assa Judakut attanningat agviaromav-lugo aularnermik itternermiglo.

2 Assale Nalekab iglungata attanniublo iglungata perkoti-talingangnit tigusivok Silberemik Goldemiglo, tillikliutigivaillo Benhadademut Siriamiut attanninganut Damaskuseme nunakar-tomot okautsaukovâlo:

3 Angerkattigêngnekarpok uvamne illingnelo, atâtamnelo atâtangnelo; tamanna pivlugo tillikliutjivigilaukpagit Silberemik Goldemiglo, angerkattigêngnek illingnêtok Baesamêtorlo Israelitit attanningane serkomilugo pikovlutit, tamna aularkovlugo uvamnit.

4 Benhadadib attannek Assa nalekpa, sorsuktuksakotimelo angajokangit tillivait Israelitit iglugaseksoanginut; tapkoa ulli-maripait Ejon, Danelo, Abelmaimelo, iglugaseksuillo kemmatul-liviktaggit Naftalikunêtit illunaita.

5 Baesab tamanna tussaramiuk nokarpok Ramamik igluga-seliorkune, nippotivâlo pinniarnine.

6 Attanniuble Assab Judakut illunamassiangit illasearivait, akjartorpaillo ujarkat kêjuillo Baesab igloliorutigilauktangit Ramamit, tamakkonangallo Geba Mizpalo iglugaseliorpait.

7 Nelliutome taipsomane Hananib tækkojub Assa Judakut attanningat tikkipa, okautilâlo: Siriamiut attanningat sunger-tutigilaurangne, Nalegarlo Gudat tettigilaunginangne; tamanna pivlugo Siriamiut attanningata sorsuktuksakotingit aggakpit ke-mâjivait.

8 Aethiopiamiut, Libienemiullo unnuktovalsolaungilet, kam-mutekarlutik ablangajokarlutiglo horsit kângine unnuktunik? Sullelo Nalekab tunnilaukpait aggangnut sungertutigilaurangne.

9 Nalekab ijikita nunat illunaita tautungmattigik, pitsartu-titsikovlugo tapkoninga, omamut tamânut ungajunik tapso-munga. Sillaitomik pinniarlaukpotit; tamanna pivlugo manna-mit unatadlartokarniarpotit.

10 Assable tækkojok ningarvigiva, pitilâlo parngnanêrsima-vingmut; okalokivigivalo pijokartok tamanna pivlugo. Assablo nelliutome taipsomane innugiartoksuit illangit nênerpait.

11 Assable pijokalaungningit, sivurlit kingurlillo, ahâk, aglaksimavut Judakut, Israelitillo attanningita aglangine.

12 Assalo ittigalerilerpok attannionime Jahringita 39 ingane, kannimasingalo sugalukpalliadlarpok kannimavlunele Nalegak kennerlaungila, aniasiortille.

13 Taimak sinnisilerpok atâtagijaminut ailune, tokkovorlo attannionime Jahringita 41 ingane.

14 Illijartortauvorlo illuvikotiminut, sennajaukolauktaminut Davidib iglugaseksoangine. Illivâllo innangavianut tættætau-lauktomut isserluanijutiksani tippitsiariktunik, mingoarutiksani glo sunatuinarnik, âniasiusiortit illusingit malliklugit sennamajunik; ikkoalanekartitsivullo angijomik.

KAPITEL XVII.

Josafatib attanniôtininga.

ERNINGALO Josafat attanningorpok innangêrdlugo, makkut-jilunelo Israelitinik.

2 Judakullo iglugaseksoangit sôngojut illunaita, sorsuktuk-sakartipait, aulatsijokartitsivorlo Judakut nunangane, Efraime-kullo iglugaseksoangine illunaine, atâtame Assab aksarnigari-lauktangine.

3 Nalekablo Josafate aipariva; agvertarmat atâtame Davidib apkosiningine, nutaungitune, kennertaililugillo Baalit,

4 Atâtagijamele Gudinga, agvertarlunelo tapsoma perkojanginge, Israelitillo pinniarningit malliklugiungitok.

5 Tamanna pivlugo Nalekab attanniôvik pallangairpa aggangine. Judakullo illunamassiatik pilliutinin tunmitsivigivât, akluinekalaukporlo, opigijauneliolunelo arklینگartomik.

6 Omattingalo maksoapalliavok Nalekab apkosiningane, piganerporlo pôktojut, nappartullo Gudingoaggit pêjarlugit Judakunit.

7 Attannionime Jahringita pingajuane, angajokakotine Benhail, Obadjalo, Sacharjalo, Nethaneello, Michajalo tillivait, ajochertuijartorkovlugit Judakut iglugaseksoangine;

8 Tapkoalo illagilugit Levitit, Semaja, Nethanjalo, Sebadjalo, Asaello, Semiramotelo, Jonathanelo, Adonjalo, Tobjalo, Tobadonjalo; illagilugillo ajochertuijut Elisamalo, Joramlo.

9 Ajochertuivullo Judame, najortekalutiglo Nalekab aglakotinginik perkotitalingnik, ingergavullo Judakut iglugaseksoangittigut illunaitigut, ajochertuilutiglo innugiartoksoarnik.

10 Nalekablo sivuranarningata nunat attanniovingit Judakut avatinginêut illunaita tupvigilerpait sorsukonagit Josafatemut.

11 Filisterillo illangit âtsivut Josafatemut pilliutunik, Silberemiglo nangmakamik attautsemik. Arabiamiullo kaitsivigivât saukanik angusallungnik 7700 dinik, tuktungajuniglo angusalungnik 7700 dinik.

12 Taimaglo Josafate pivalliaavok, angijororpallialunelo; igloliorsalunelo Judakut nunangane igloksoarnik avaluliorsimajunik, kemnatullivingniglo.

13 Kemmatullisimajokutekalaukporlo unnuktunik Judakut iglugaseksoangine, angutekutekalarmelo sorsugungnartunik angutaudlartuniglo Jerusaleme.

14 Tamadsalo tapkoa ingmigolinganingit atâtagijamik iglungine, Judakune angajokaunerolauktut tausendinut: Adna angajokaunerôjok, angutillo sorsugungnartut 300000 dit illagivât.

15 Tungânelo Johananeôlaukpok angajokâk, 280000 dillo illagivât.

16 Tungânelo Amasjaôlaukpok Sichrib erninga, pijarællune kivgautitok Nalekanut, angutillo sorsugungnartut 200000 dit illagivât.

17 Benjaminib kittornganginit Eliadaôlaukpok, angutaudlartok, 200000 dillo illagivât, oppallungêrsimajut pittiksalijarlutik sappulutalijarlutiglo.

18 Tungâne Josabadeôlaukpok; 180000 dillo illagivât oppallungêrsimavlutik sorsungnermut.

19 Tapkoa illunatik attannek naipertorpat, attanniub pitilauktangit iglugaseksoarnut sôngojunut Judame illunâne kittikassiutinagit.

KAPITEL XVIII.

Josafatib illanâkalerninga Ahabemik. Ahabelo aipariva unatadlarnermut Siriamiumut. Ahabib toklunga.

JOSAFATELO akluinekadlalaupok, opigijauneliolunelo, Ahabelo illanârilerpa.

2 Jahriglo magguk nângmanik, attersarpok Ahabemut Samariamêtomut. Ahabiblo tamna pivlugo, innugiartoksuillo najortingit pivlugit, saukat tuktuvaillo unnuktut tokkotaukovait. Tilliorpâlo takpaungarkattaukovlugo Ramotemut Gileademêtomut.

3 Ahabiblo Israelitit attanningata Josafate Judakut attanningat okautiva: Aularkattigilaunga Ramotemut Gileademêtomut. Tapsoma okautiva: Uvanga illiktun-îpunga innukotik-kalo innukotititut, illagijomavaptigit unnatadlarnermut.

4 Josafatible Israelitit attanningat okautiva: Nagliktara uvlome Nalekab okausinga apperilauruk.

5 Tagva Israelitit attanningata nellautaijut angutit 400 dit kattikovait, okautilugillo: Sorsugiarartortuksauvita Ramotemut Gileademêtomut nippotitaksarivigolonêt? Tapkoa okarput majorarlutit takpaungarit, Gudib tunniniarpait attanniub agganginut.

6 Josafatele okarpok: Pittakangilâk sulle Nalekab nellautaijokotingita illanganik, tapsomuna appertsorajarluta?

7 Israelitit attanningat Josafatemut okarpok: Angutekârpok sulle attautsemik, appertsorungnarajarutigijaptingnik Nalekamik, kissiane omigivara, ajungitomik nellautaivingimanga, idluitomigle kissiane; tagva Micha Jemlab erninga. Josafate okarpok: Attannek taimak okarniarane.

8 Israelitillo attanningata angajokakotime illangat kaikova, okarlunelo: Micha Jemlab erninga tamaungartisarak!

9 Israelitillo attanningat, Josafatelo Judakut attanningat iksivavuk attunit iksivautaksoakotimingne aannorarsimavlutik attanneksiutinik, iksivavugle inneme Samariab itterviksoangata sillatanêtome; nellautaijullo illunatik nellautavut tapkoa sângangne.

10 Zedekialo Knaenab erninga sennavok ingminut naksungnik kikkiangojungnik, okarlunelo: Imâk Nalegak okarpok: Ukkungnunga Siriamiut nakjumigarniarpattit nungutitsikârtinnak taipkoninga.

11 Nellautaijullo illunatik taimak nellautailaurivut, okarlutiglo: Majorarlutit takpaungarit, sullidlarniarpotit; Nalekab tunniniarpait attanniub agganginut.

12 Tillijablo aimalauktub Micha kaikolugo, okarkattigiva, okarlunelo: Ahâk nellautaijut okalâningit illunatik adsigêktomik attanniub idluarkutinganut illingavut; nagliktara, okautsitit taimailingalaulittauk taipkoa illangata okausingititut, okarlutillo ajungitomik.

13 Michale okarpok: Sorlo Nalegak miksekârtomik innôngmat, Gudima okauseriniartanganik okaromavunga.

14 Attannermullo tikkimat, attanniub okautiva: Micha, aultuksauvita Ramotemut Gileademêtomut sorsungniarluta, nipotijaksarivigolonêt? Tamna okarpok: Ahaila majórluse takpaungaritse, sullidlarniarpote, tunnijauniarput aggap-singnut.

15 Attanniublo okautiva: Kapseartorlunga okautimarijariakarpagit, assianik okausekarkonak uvamnut, miksekârnermik kissiane Nalekab attingane?

16 Tagva okarpok: Israelitit illunamassiatik tækkolaupakka siamarsimatillugit kakkat kângine saukatitut mianerijekangititut. Nalegarlo okarpok: Ukkoa, angajokakangilet, illunatik attunit angerarlit iglomingnut ullapirsautekarlutik.

17 Tagva Israelitit attanningata Josafate okautiva: Okautilaungilagít: Nellautaivigilungimanga ajungítomik, idlúito-migle?

18 Tamnale okarpok: Tamanna pivlugo Nalekab okausingít tussarsigik: Nalegak tækkolaukpara iksivatillugo iksivautakso-armine, killangmiugaseksuillo illunamassiatik nangertillugít tal-lerpiane saumianelo.

19 Nalegarlo okarpok: Kia Ahabe Israelitit attanningat tillioromavaük, majorarlune takpaungarkovlugo, ochokovlugo Ramoteme Gileademétome? Tamnalo imák okarmat, assialo imák;

20 Annernerit illangat kaivok, Nalegarlo sängeriarpa, okar-lunelo: Uvanga tillioromavara. Nalekable okautiva: Suna-mut?

21 Tamna okarpok: Aularomavunga, annerniôjomalungalo nellagongítok, tapsoma nellautaijokotingita illunatik kanningine. Tamnalo okarpok: Tilliorniarpét, sullidlarniarlutillo, aularít taimailiorlutillo.

22 Mannalo ahák, Nalekab annernek nellagôngítok tunni-mava nellautaijokotivít tapkoa kanninginut, Nalekablo idlúitomik okarutigilaukpátít.

23 Tagva Zedekia Knaenab erninga tikkilerpok tagvunga, ulloarokpálo Micha, okarlunelo: Apkosit nelliagut Nalekab annerninga nûsimava uvamnit, okarkovlugo illingnut?

24 Micha okarpok: Ahák tækkojomârpét, iglorutsít kama-nenerpânganut tikkitsomâruvít ijerkovlutít.

25 Israelitille attanningat okarpok: Tigusiuk Micha, nokar-kolugolo Amoneme iglugaseksuit angajokangane, Joasemelo attanniub erningane;

26 Okarluselo: Imák attannek okarpok: Una parngnanair-simavingmut pitisiuk, nerritilugolo kakkojamik, immertilugolo immermik kiksarnartomik, utterkârtinanga ullapirsautekar-lunga.

27 Micha okarpok: Ullapirsautekarlutít utterniaruvít, tagva Nalegak uvapkut okalaungilak. Okarporlo: Tussaritse innugiar-toksôjose illunase!

28 Taimak Israelitit attanningat, Josafatelo Judakut attan-ningat majorarput takpaunga Ramotemut Gileademétomut.

29 Israelitillo attanningata Josafate okautiva: Pissertor-lunga sorsungnermut aijomavunga; igville annorâkotítit attikit. Israelitillo attanningat pissertorpok ingminik annorâminut, tik-kipullo unataclarnermut.

30 Siriamiulle attanningata kamutekotime angajokangít per-kolaukpait, okarlunelo: Sorsuktuksaungilasse mikkijunullonêt, angijunullonêt, Israelitille attanninganut kissiane.

31 Pijokalaukporlo kamutít angajokangita Josafate tækkoga-

mitsuk aulajitigivât attannionasugivlugo Israelitinut; sangulutiglo tunarilugo sorsugomavlugo. Josafatele nipliadlarpok; Nalekablo ikajorpa, Gudiblo sangutipait tapsomangat.

32 Kamutille angajokângit tækkogamik attanniolumimat Israelitinut, allarpât.

33 Angutille illangata maungatuinak pittiksine kelluva, pittikpâlo Israelitit attanningat sagvingmiutab pêrniublo akkorngagut. Tagva kemuksertokotiminut okarpok: Sangulerit nûtilungalo sorsungnermit, ikkilersimagama.

34 Sorsungnerlo sugalulerpok uvlorme taipsomane. Israeli-tillo attanningat nangerpok kamutikotimine, Siriamiut akkiane, unnuk tikkilugo, tokkolunelo sekkinek nippilertillugo.

KAPITEL XIX.

*Josafatib suartauninga illanakarninga Ahabemik pivlugo;
âleksoiningalo kivgartornermik Gudemik.*

JOSAFATELE Judakut attanningat ullapirsautekarlune utterpok Jerusalemut.

2 Jehublo Hananib erningata tækkojub pachreartorpa, okautilâlo attannek Josafate: Igvit Gudekangitok ikajoraksariviuk, nagligilugillo Nalekamik omisuktut? Tamannalo pivlugo Nalekab ningausingata kollangiarpât.

3 Ajungitomigle nachvartokalauralloarpok illingne, nappartut Gudingoaggit pêjarlaurangne nunamit, omattillo torartilaurangne Gude kennerlugo.

4 Taimaglo Josafate Jerusalemêtuarpok. Amalo aularpok innugiartoksuit akkornganut, Bersebamit Efraimib kakkangit tikkidlugit, sattortautipaillo Nalekamut atâtagijangita Gudinganut.

5 Idluarsaijokartitsivorlo nuname Judakut iglugaseksoangine sôngoJune illunaine.

6 Okautivaillo idluarsaijut: Kammatsiaritse pinniarnipsingnik innuit pivlugit idluarsailunginapse, Nalekamulle; tapsomalo illagivâse idluarsainerme.

7 Tamanna pivlugo sivuranek Nalekamik illipsingnê, udsertutsiaritse pinniarluselo, Nalekame Gudiptingne idluinekalungilak, kammanginekangilarlonêt innub kinauninganik, illalliornekangilarlo pilliutinik.

8 Jerusalemelotauk Josafate pittakartitsiyok Levitinit ajochertuijunillo, atâtanillo angajokaunerôjunit Israeleme, aulatsi-junik Nalekab idluarsaininganik, akkerartortigêngnerniglo, nunakarkolugillo Jerusaleme.

9 Perkovaillo, okarlunelo: Taimailioritse sivuranerme Nalekamik, nertornarluse, omamullo nellagortomut.

10 Illinganerne tamaine âtaujune illipsingnut kattangutipsingnit, iglugaseksoarmingnêtnit, auk pivlugolonêt, malligaksat pivlugillonêt, perkojat pivlugillonêt, illutsit pivlugillonêt, idluarijaunerit pivlugillonêt, tagva ajochertorsigik, idluitullikonagit Nalekamut, ningautsemiglo tikkitokarkonago illipsingnut kattangutipsingnullo. Taimailoritse, tagva idluitullitailiniarpose.

11 Ahâk, Amarja ajochertuijersoak angajokaunerôvok illipsingnut Nalekab illingakojiningit tamaita pivlugit. Taimaktauk Sabadja Ismaelib erninga, angajokaksoak Judakunut, attanniub illingakojiningit tamaita pivlugit. Aulatsijullo Levitit sapsingnêput. Maksoaleritse pinniarluselô; Nalekablo ajunginek aipariniarpa.

KAPITEL XX.

Josafatib sâlakarninga Amoniterinik Moabiteriniglo.

TAMAKKOA kingorngane, Moab kittorngangit, Amoniblo kittorngangit, illagilugillo Amunitit illangit tikkilerput Josafate sorsugomavlugo.

2 Tikkitokarporlo nellojungnaititsijomik Josafatemik, okarlunelo: Tikkitokarpok opaluktunik illingnik unnuktovaksoarnik, immarbiaksub akkianit Siriamit; ahâglo Zazeton Tamaremêput, tagva Engeddime.

3 Tagva Josafate sivuravok, kênanelo torartipa Nalegak kenneromavlugo; nerritailinearkojivorlo Judakune illunaine.

4 Judakullo kattimalerput Nalegak kenneromavlugo, Judakullo iglugaseksoanginit illunainit tikkiput, Nalegak kennerlugo.

5 Josafatelo, Judakut Jerusalemiullo kattimaniksangane, ineme avaluliorsimajome nutâmetome, Nalekab iglungata sângane, nangerpok,

6 Okarlunelo: Nalegak atâtagijapta Gudingat, igvit Gudeungilatit killangme, aulatsijolungilatillo innukattigêksuit illunamassiatik attanniovingine? Aggangnelo pitsartunekarpok sôngonekarlunelo, kialonêllo akkerartorungnangilatit.

7 Igvit Gudivut nunab tamattoma innungit pêjarlaungipigit innukotivit Israelitit sivorngane, tunnilaungipiuglo Abraham nagligijavit kinguvânginut issokangitomot?

8 Nunagilaukpâllo ivsornaitovingmiglo atternut igloliorlaukput tapsomane, okarlutiglo:

9 Tikkitauleraikupta kannoêtomut, saviksoarmut, pitlartau-nermut, nusilingnartomot, kângnartomullonet, tagva nangeriartoromavogut iglub oma sânganut, sângnullo, (attit iglub oma illuanêmat,) nipliarvigijomavaptigillo kappiagijavut pitjutigêlugo, igvillo tussarniarpotit, ikajorniarlutillo.

10 Mannalo ahák, Amonib Moablo kittorngangit, taipkoalo Seirib kakkanginit, opaktaukolaungitattit Israelib kittornganginit, Egiptenemit aularitlugit, sennerkojariakalaukpaille, pé-jarlaungilaillo ;

11 Ahaglo, manna akkiniarlukpâtigut, kailutiglo singitso-mavluta perkutigijarnit, tunnilauktarnit uvaptingnut pigitsainarlugo.

12 Gudivut, erkartoromangipigit? Uvaptingne pitsartunekangimat unnuktoksuit taipkoa opaluktivut akkerartorungnarlugit. Nellovogut kannok pinniaraksaptingnik, ijiptale torarvigivâtit.

13 Judakullo illuêngarlutik nangerput Nalekab sângane, kittorngatik, nulliatiglo, ernitiglo illagilugit.

14 Jehasiele Zachariab erninga Benajab erningata, Jehielib erningata, Mathanjab erningata, Leviteôjok Assafib kittornganginit, tupviolerpok Nalekab annerninganik, illagêt kattimajut akkorngane.

15 Okarporlo: Okokse, Judamiôjose illunase, Jerusalemiôjoselo, attanniojotillo Josafate! Imâk Nalegak okarpok illipsingnut: Kattingajoksuit taipkoa sivuragijaksaringilasse, maksujarutiginagillonêt: illipse sorsuglunginapse, Gudele.

16 Kaupat attersarvigijaksarivasse; ahâglo, majokame Zize-mik attelingme majorarniarput, naipiniarpasselo naksab pângane, sunakajuitub Jeruelemik attiggub sângane.

17 Illipse sorsugiarriakarniangilase pijokartome tamattomane. Nangeriartortuinartitse, nangerluselo tækkolerluselo Nalekab illagijipse piuliklarninganik, Judamiojose, Jerusalemiôjoselo. Sivuraniarase maksujarniaraselo; kaupat aularitse, pâriartorlugit, Nalekab illagivâse.

18 Tagva Josafate okkolerpok kênane pôvlugo nunamut; Judakullo, Jerusalemiullo illunamassiatik pamakterput Nalekab sânganut, Nalegarlo opigivât.

19 Levitillo, Kahatib kittornganginit, Korablo kittornganginit, makkiput Nalegak Israelib Gudinga nertorlugo ingerlutik nippersoarmut killangmut.

20 Uvlarârsukullo parngnailerput, aularlutiglo Tekoab sunakajuitunganut. Aularitlugillo Josafate nangerpok okarlunelo: Naleksinga Judamiôjose Jerusalemiôjoselo: Nalegak Gudise okperisiuk, tagva ussornarniarpose; nellautaijokotingillo okperisigik, tagva sullidlarniarpose.

21 Innugiartoksuillo okarkattigivait, ingertokartitsivorlo Nalekamut, nertordlerkovlugit pinarnarsinerme heiligeôjome, sivurlerkovlugillo oppalungêrsimajunik unatadlarnermut, okarkovlugillo: Nalegak kujagisiuk napkinningna sorainiatsengimat.

22 Pigiartillugillo kujalilutik nertordlerlutiglo, Nalegak terharsijokartitsivok Amonib Moablo kittornganginik, tapkoning-

alo Seirib kakkanginit pìjunik, tikkitunik Judamut; ullimârtaulaukpullo.

23 Amoniblo Moabiblo kittorngangita taipkoa Seirib kakkanginit pijut nangerdlutik akkingarpait pêjarlugit nungutso-mavlugillo, Seiremiullo nungulerêramigit, tagva tapkoa illangata illane ikajorpa asserortigêkovlugittauk.

24 Judakulle kakkab kânganut tikkimatta sunakajuitub sak-kânut, tagva sanguvut kattimgajoksoarnut taipkonunga, ahâglo, timingit tokkungavlutik nellavut nuname, kemâjokalaungilarlo attautsemiglonêt.

25 Tagva Josafate innugiartoksoakotine illagilugit tikkipok, perkutingit aviklugit, nachvarpullo tapkonane unnuktovaksoarnik, perkutinik annorangniglo, illulerkutininiglo pivianartunik, aksarpaillo tamakkoninga taimak unnuktigijunik, akjartortaujungnangimatta; aksarnigaujallo avikpait uvlut pingasut nâlugit, unnuktolaungmatta.

26 Uvlulle sittamangane kattimalerput nertordlernerub naksangane, tagvane Nalegak nertormatsuk. Tamanna pivlugo inne tamna atserartauvok nertordlernerub naksanganik uvlok tamanna tikkilugo.

27 Taimaglo Judamiut Jerusalemiullo angutingit utterput, Josafatelo sivurliovlune, Jerusalemeliarkovlugit kuviasuklutik. Nalekab kuviasungnermik tunnitsivigilaungmagit omigijingit pivlugit.

28 Jerusalemullo itterput Psalterijarlutik, Harfesijarlutiglo Trompetesijarlutiglo Nalekab iglunganut.

29 Gudiblo sivuranarningata attanniovit illunaita nunane tupvigilerpait, tussarmatta Nalekab Israelitit omigijingit sor-sugvigilaungmagit.

30 Taimaglo Josafatib attanniovinga innilangalaukpok, Gudiblo merngoêrsernermik tunnitsivigiva avatâne illunane.

31 Josafatelo attanniotipok Judakunut; Jahrekalaukporlo 35 ginik attanningorame, attanniotilunelo Jahrit 25 git nâlugit Jerusaleme. Anânanga attekalaukpok Asubamik, Silhib pan-ninga.

32 Agvertarporlo atâtame Assab apkosiningine, katsungalaungilarlo pinniarlune Nalekab namagijanganik.

33 Pôktôjulle pêjartaulaungilet, sullelo innugiartoksuit omatititik torartilaungilait atâtagijamik Gudinganut.

34 Unipkautsit assingit Josafate pivlugo, sivurlit kingurlillo, ahâk tamakkoa aglaksimavut Jehub Hananib erningata unipkausingine, aglalauktangine, Israelitit attanningita aglanginut.

35 Kingornganelo Josafatib Judakut attanningata Ahasja Israelitit attanningat piungitunik pinniarnelik angerkattigiva.

36 Angerkattigivâlo umijoromavlutik, immarbiksoarmut umi-aktortuksanik; umijorpullo Ezeon Gebereme.

37 Tagva Elieser Dodavab erninga Maresamiok nellautailerpok Josafate kiglornilugo, okarlunelo: Tamanna pivlugo Ahasja angerkattigilaurangne Nalekab pinniarnît asseroppa. Umiak-suillo serkomitauvut, umiaktorungnarlaungilello immarbikso-armut.

KAPITEL XXI.

Joramib tokkotsininga nukkamînîk, kîvgartorningalo Gudingoarîk, tokkungalo.

JOSAFATELO sinnisilerpok, atâtagijaminut ailune, illijartortauvorlo atâtagijamine Davidib iglugaseksoangine; erningalo Jorame attanningorpok innangêrdlugo.

2 Nukkakalaukporlo Josafatib erninginik, Assarjamik, Jehielemiglo, Sachariamiglo, Azarjamiglo Michaelেমiglo, Sefatjamiglo, tapkoa illunaita Josafatib Judakut attanningata ernerilaukpait.

3 Atâtangatalo tunnitsivigivait tunnergutînik unnuktunik Silberemik Goldemiglo, pivianartuniglo, iglugaseksoarniglo sôngo-junik Judamêtunik illaliudjilune, attanniovingmigle Jorame tunnitsivigiva, erniangokârtongmat.

4 Joramele attanningortitaujarêrame, atâtame inningane, pallangaijarêramelo, nukthane illunaita tokkopait saviksoarmut, illagilugillo angajokaunerôjut Israeleme illangit.

5 Jorame Jahrekalaupok 32 ginik attanningorame, attanniotilunelo Jahrit 8 it nâvlugit Jerusaleme.

6 Agvertarlunelo Israelitit attanningita apkosiningine, sorlo Ahabekut pinniarmatta, Ahabib pannia nulliaringmago; pinniarnilunelo Nalekab idluigijanginik.

7 Nalekable Davidib iglunga (kinguvangit) assesoromalaungila, angerkattigêngnek pivlugo Davidemut angernerilauktanga, sorlolo okalaungmat, tamnalo kittorngangillo kaumautekartitso-mavlugit nelliutune tamaine.

8 Tapsoma nelliuningane Edomiterit apterput Judakunit attannekartitsivullo ingmingnut.

9 Tagva Jorame angajokâkotine kamutekotinelo aksalloaggit illagælluit, aularpok taipkonunga, unnuamelô parngnailerpok, ullimarpaillo Edomiterit illumajine, kamutillo angajokangit.

10 Taimaglo Edomiterit apterput Judamit uvlok tamanna tikkidlugo. Nelliutome taisomane Libna (iglugaseksuit) apterivut, Nalegak atâtagijame Gudingat kemangmago.

11 Poktôjuniglo sennavok kakkane Judamêtune, Jerusalemiullo ajortullitipait, Judamiullo uivêrivait.

12 Aglangniglo tikkitokarpok tapsomunga, nellautaijomit Eliamit pijunik, imâk okartunik: Imâk Nalegak, atâtagijavit

Davidib Gudinga okarpok: Tamanna pivlugo agvertarlaunginavit atâtavit Josafatib apkosiningine, Assablo Judakut attanningata apkosiningine;

13 Agvertaraville Israelitit attanningita apkosiningane, Judamiullo Jerusalemiullo ajortullitigangne, Ahabekut ajortulliningit malliklugit; nukkatillo, atâtavit iglomiokotingit idluar-kijattit nakterlaukpattit;

14 Ahak, tagva Nalekab pagvisarnartoksoarmik tikkikojini-arpok, innukotingnut, kittorngakotingnullo, nulliakotingnullo, perkutingnullo illunainut.

15 Igville kannimasekarniarpotit unnuktunik; kannimaser-mik erchavingne, erchavitit kannimasermut annilerkârtinagit uvlormit uvlormut.

16 Taimaglo Nalekab Filisterit annerningit, Arabiamiullo Aethiopiamiut sennianetut annerningit akkerartortipait Joramemut.

17 Majorarpullo takpaunga Judamut ittârpâllo, aksarnigarivaillo perkutit tamaita attanniub iglunganêlauptut, taimaglo-tauk erningit, nulliangillo, amiakokalungimat ernermik, Joahasib nukardlerpângojub assianik.

18 Tamakkoalo tamaita kingorngane pagvisarpa kannimasernermut erchavingine âkiktaujungnangitomut.

19 Taimailingalaukporlo uvlormit uvlormut; Jahriglo mag-guk nângmanik erchavingit annilerput tapsomangat kannimasermut, tokkovorlo serlekidlarlune. Ikkoalanekartitsilungilello kângane, sorlo atâtagijangine pinniarlaungmatta.

20 Jahrekalaupok 32 ginik attanningorame, attanniotilunelo Jahrit sittamaujortut nâvlugit Jerusaleme, agvertarnekalunelo ânanaulungitomik, annernêngerporlo oggurijaunane. Illi-jartorpâllo Davidib iglugaseksoangine, attannille illuvinginêung-itok.

KAPITEL XXII.

Ahasjab attanniotininga, tokkungalo. Anânangata Athaljab pinniarlungningit.

JERUSALEMIULLO Ahasja, erningita nukârdlerpângat attanningortipat innangêrdlugo. Sorsuktuksalle Arabiamiunit tik-kitut tangmarvingmut, angajuklit illunaita nakterlaukpait. Taimaglo Ahasja Joramib Judakut attanningata erningata attanningorpok.

2 Ahasja Jahrekalaupok 42 ginik attanningorame, attan-

niotilunelo Jahremik attautsemik Jerusaleme. Anânanga attekalaupok Athaljamik, Amrib panninga.

3 Agvertarporlotauk Ahabekut apkosiningane. Anânangata attannertormago idluitullikovlugo.

4 Tamanna pivlugo pinniarpok Nalekab idluigijanginik Ahabekutitut. Taipkoa atâtangata tokkungata kingorngane attaneringmagit asserortaujutiksanganut.

5 Taipkoalo attannertuiningat malliklugo agvertarpok. Joramelo Ahabib Israelitit attanningata erninga aularkattigiva unatadlarnermut Ramotemut Gileademêtomut, Hasaele Siriamiut attanningat sorsugvigijomavlugo. Siriamiulle Jorame ikkilerpât;

6 Tagva utterpok mammititaujomavlune Jesreeleme, ikkinit pilauktaminut Ramoteme Gileademêtome, Hasaele Siriamiut attanningat sorsugvigingmago. Ahasjalo Joramib erninga Judakut attanningat attersarpok Jorame Ahabib erninga Jesreeleme kannimavlune nellajok tækkojartoromavlugo.

7 Ahasjablo asserortauninga Gudemit pilaukpok, tikkininganut Joramemut, tikkisimagamelo Jorame aularkattigiva Jehu, Nimsib erninga, Nalekab miagoarlauktanga Ahabekut pêjarlugit, pachreartorlugo.

8 Pijokalauporlo Jehub Ahabekut pitlarmagit, Judakut angajokangit Ahasjablo angajungita erningit, Ahasjamik kivgartortut naipipait, tokkopaillo.

9 Ahasjalo kennerpa, tiguvalo, iyersimatillugo Samariame, apållo Jehumut, tokkopållo, illijartorlållo. Okarmatta: Josafatib kennerlauktub Nalekamik omamut tamânut erneriva. Ahasjablo iglungane kinakalaungilak attanniolerungnarajartomik.

10 Athaljalo Ahasjab anânanga tækkogame ernine tokkungamat, parngnailerpok tokkotsilunelo Judakut attanningata kinguvânginik illunainik.

11 Josabeatible attanniub najangata Joase Ahasjab erninga tiguva, tigililalo attanniub kittorngangita tokkotaujut akkornganit, pitipållo pairijinga aiparællugo innemut sinnigvingmut. Taimak Josabeatib attanniub Joramib panniata ajojertuijub Jojadab nulliangata ijerpa Athaljamit, (Ahasjab najagingmago) tokkotaukonago.

12 Illagilugillo Gudib iglungane iyersimalaukpok Jahrit pingasojortut nâvlugit, Athalja attanniotillugo nuname.

KAPITEL XXIII.

Joasib mingoartauvlune attanningortitauninga Jojadamut. Athaljab tolkkotauninga; kivgartornerub Baalemik asserortau-ninga.

JAHRILLE 7ingane Jojada maksoalerpok, angajokajallo 100 dinut, tagva Asarja Jerohamib erninga, Ismaelelo Johannanib erninga, Asarjalo Obedib erninga, Maesejalo Adajab erninga, Elisafatelo Sichrib erninga, tiguvaît, angerkattigilaitalo.

2 Tapkoa ingergavut Judakut nunangatigut, kattikovaillo Levitit Judakut iglugaseksoanginit illunainit, atátallo Israeleme angajokaunerôjungit, kaikovlugit Jerusalem.

3 Illagêllo illunamassiangita attannek angerkattigivât Gudib iglungane. Jojadablo okautivait: Attanniub erninga attanniojuksauvok, sorlo Nalekab Davidib erningit okautigilaungmagit.

4 Tagva manna imailiortuksauvose: Illipse pingasoliluse pingajuisse attautsit, ajochertuijunit Levitinillo nangeriartortuksauvut Sabbatib iglungane udsertorlutik upkoanik;

5 Pingajuiselo attautsit attanniub iglunganêtuksauvut; pingajuiselo attautsit upkoaksoarme angijomêtuksauvut, innugiartoksuillo illunamassiatik innemêtuksauvut avaluliorsimajome Nalekab iglunganêtome.

6 Kinalo Nalekab iglunganut itterkonnago, ajochertuijut Levitillo kivgartortut assingat, tapkoa ittértuksauvut ivsornainamik; innugiartoksuille assingit illunatik udsertortuksauvut Nalekamik.

7 Levitillo attanniub avatânetuksauvut, attunît sakkomingnik tigumiarlutik aggangmingnut. Kinalo iglomut ittertök tokkotaujuksauvok. Tapkoalo attanermêtuksauvut annileraikpat itteraikpallo.

8 Levitillo Judamiullo illunatik taimailiorlaukput, sorlo Jojada ajochertuijok perkojilaungmat, attunillo innukotitik ingmingnut pitipait, tikkitut Sabbateme nûlertuksat illagilugit, Jojadab ajochertuijub ingmigolingajut nûkolaungimagit.

9 Jojadablo ajochertuijub angajokajat 100 dinut tunnitsivigivait kallugiarnik, sappulutaniġlo, sakkuniglo, Davidib pigilauktanginik, Gudib iglunganêlauktunik;

10 Innugiartoksuillo illunaita pitipait attunît sakkumingnik tigumiarlutik aggangmingnut, iglub sennerangata tallerpianit iglub sennerangata saumianut tikkidlugo, Altareme, iglomelo attanniub avatâne.

11 Attanniublo erninga annitipât, niakoserpâllo, tunnitsi-

vigivållo perkojanik, attanningortilållo. Jojadablo erningitalo mingoärpât, okarlutiglo: Attannek innôle!

12 Athaljable innugiartoksuit, opaktut, attannermiglò nertordlertut nipliadlarningit tussaramigit, aivok innugiartoksoarnut Nalekab iglunganut.

13 Tækkosarlunelo, ahâglo, attannek nangerpok nangervigijamine ittervingme, angajokajallo, trompetesijartullo attannek nangerkattigivat, nunablo innugiartoksoangit illunatik kuviasuklutik tiptulausijarlutiglo, imerpaktullo nokakseralingnik sunatuinarnik attorlutik, nertordlerlutiglo. Tagva annorâne allikpait, okarlunelo: Pikkablajoksonek! pikkablajoksonek!

14 Jojadable ajochertuijub angajokajat 100 dinut, angajokaujut sorsuktuksanut tikkerkovait okautilugillo: Annitisiuk, siaktut akkornganut tikkidlugu; malliktorlo tapsominga tokkotaujuksauvok saviksoarmut; ajochertuijok okarmat: Tokkoniarasiuk Nalekab iglungane.

15 Aggatiglo illivait tapsomunga, tikkimallo horsit ittervianut attanniub iglungane, tokkopât tagvane.

16 Jojadalo angerkattigègnekartitsivok, tapsomane innugiartoksoarnelo illunaine, attannermelo innukutaujuksaugamik Nalekamut.

17 Tagva innugiartoksuit illunatik itterput Baalib iglunganut, immitipållo, Altaringillo, innungoangillo serkomipait. Mathanelo Baalib ajochertuijokotinga tokkopât Altarit sângine.

18 Jojadablo sullijaksat Nalekab iglungane perkovait ajochertuijunut, Levitinullo Davidib ingmigolingatilauktanginut, Nalekab iglungane tunnergutunik ôtaksanik tunnilutik Nalekamut pikovlugit, sorlo aglaksimangmat Mosesib perkojanginge, kuviasuklutik, nertordlerutiksakarlutiglo Davidib illusinga malliklugo.

19 Udsertortokartitsivorlo upkoanik Nalekab iglungata upkoaksoangine, ivsornartomik nellianiglonêt ittertokarkonago.

20 Tiguvaillo angajokajat 100 dinut; erkinarnerpållo nalgaujullo innugiartoksoarne, nunablo innungit illunaita, attersar-tipållo attannek Nalekab iglunganit, âlållo upkoaksoakut pôktojokut attanniub iglunganut; ingitipållo attannek attanniub iksivautaksoanganut.

21 Nunablo innungit kuviasudlalaukput; iglugaseksuillo innilangalaukput; Athaljale saviksoarmut tokkolaukpat.

KAPITEL XXIV.

Tempelib alkiktauninga. Joasib nakkilersininga tolkotsiningalo nellautaijomik; tokkotauningalo.

JOASE Jahrekalaupok 7nik attanningorame, attanniotilunelo Jahrit 40git nâlugit Jerusaleme. Anânanga attekalaupok Zibjamik, Bersebamiok.

2 Joaselo pinniarlaukpok Nalekab namagijanganik, ajochertuijok Jojada innotillugo.

3 Jojadablo nulliakartipa maggungnik; ernetarlunelo pan-netarlaukpok.

4 Kingornganelo Joase kajusimalerpok Nalekab iglunga nutangortitsomavlugo,

5 Ajochertuijullo Levitillo kattikovait, okautilaitalo: Aularitse Judakut iglugaseksoanginut illunainut, kattersoiluselo kênaujanik Israelitinit illunainit Nalekab Gudipse iglungata âkiktaujutiksanganut illingajuksanik Jahremi Jahremut, erine-sukluselo taimailioritse. Levitille tuavilaungilet.

6 Tagva attanniub Jojada ajochertuijersoak kaikova, okautilâlo: Sôg Levitit kammagingipigit, kattersoikovlugit Judamunit Jerusalemiunillo, tunnergutinik, Mosesib Nalekab kivgangata kattersortaukojanganik Israelitit akkorngane, perkojaktaliub tuppanganut?

7 Athaljable Gudekangitub, erningitalo Gudib iglunga serkomilaupât, tamaitalotauk Nalekab iglunganut ivsornaititau-malauktut, perkutautilaukpait Baalem.

8 Tagva attannek perkojivok iklervingmik sennakovlugit, illivâllo Nalekab iglungata itterviksoangata sillâtânut.

9 Akpartaukojilunelo Judame Jerusaleme, kaitsijuksaung-matta Nalekamut Mosesib Gudib kivgangata tunnijaukojanganik Israelitinut sunakajuitome.

10 Tagva angajokajat illunatik innugiartoksuillo illunatik kувiasulerput, kaipaillo, egilugillo iklervingmut, tættækârti-nago.

11 Nelliutileraihpallo iklervik âtaujuksaulaungmat Levitinut, attanniub perkojanga malliklugo, tækkopatta kênaujakarmat unnuktunik kammene, tagva attanniub aglakpaktokotinga, ajochertuijersoarmullo perkojaujut kaikattarput navilâllo iklervik, tiguvâllo âpsarlugolo inninganut. Taimailiorput uvlut tamaita, kattersoilutiglo kênaujanik unnuktunik.

12 Attanniublo Jojadablo tunnivait sennajunut sullijaksanik Nalekab iglungane, sullijaksakartitsijunullo, ujaralerijunik, ig-

loliorteniglo Nalekab iglunga nutângortilugo, sabviorteniglo kikiangmik, kannujarmiglo Nalekab iglunga âkiksorlugo.

13 Sennajullo sennavut, âkiktaunerlo pivalliaavok tapkoa aggangittigut, innermarikpâllo Nalekab iglunga sattortautimilugo, sôngotipâllo.

14 Pijarêramiglo kênaujat amiakojut sulle, âpait attanniub Jojadablo sângangnut; tapkonangallo illulerkutit Nalekab iglunganut illingajuksat sennajauvut, illulerkutit kivgartornermut illingajuksat, tunnergutinullo ôtaksanut, allupsautit, illulerkutit Goldeôjut, Silbereôjullo. Tunnergutiniglo ôtaksanik tunnijit-sainarlakuput Jojada innôtillugo.

15 Jojadale innutokaulaupok, namaksilunelo innoserminik, tokkolarmelo; Jahrekalauporlo 130 ginik tokkogame.

16 Illijartorpâllo Davidib iglugaseksoangine, attannit akkornganut, ajungitullilaungmat Israelemut, Gudemullo, iglunganullo.

17 Jojadablo tokkungata kingorngane, Judakut angajokau nerôjungit tikkiput, tuksiarvigilugolo attannek; attanniublo nalekpait tagva.

18 Nalekablo atâtagijamik Gudingata iglunga kemmakpât, kivgartorlugillo nappartut Gudingoaggit, Gudingoallo assingit. Tagva Judakut Jerusalemiullo ningautsimut tikkitaavut, idluitullinek tamanna pitjutigællugo.

19 Tapsomalo nellautaijut tillivait tapkonunga, uttertitso mavlugit ama Nalekamut, tennersarpaillo; kissianele kammagingilât.

20 Gudible annerningata Zacharja Jojadab ajochertuijub erninga tupvigilerpa, nangeriartorporlo innugiartoksuit kollânut, okautilaitalo: Gude imâk okarpok: Sôg Nalekab perkojangit tappagivissigik? Sulliniatsengilase. Nalegak kemagapsiuk, kemaniarivâse.

21 Angerkattigêngnekartitsivulle akkerartorlugo, millorpâllo inneme avaluliorsimajome Nalekab iglunganêtome, attanniub perkojanga malliklugo,

22 Attanniublo Joasib napkoarnekerkarlaungila, Jojadab Zachariasib atâtangata pinniarluktanga tapsomunga; innuarpâle erninga. Tokkovlunelo okarpok: Nalekab tækkova, akkiniarutigivâlo.

23 Pijokalauporlo Jahre kângermat Siriamiut sorsuktuk-sangit majorarlutik takpaungarput Judamut Jerusalemullo, tokkopaillo innugiartoksuit angajokangit illunaita; aksarnigarijaviglo tamaita tillikliutivait Damaskusemiut attanninganut.

24 Siriamiut sorsuktuksangit ikkitotuinarlutik tikkilauralloarput, Nalekable tapkoa agganginut tunnivait sorsuktuksat kattingajoksuit unnuktut; tamanna pivlugo Nalegak atâtagijamik Gudingat kemalaungmatsuk. Joaselo pitlarpât.

25 Aularmattalo tapsomangat, (kemakpât kannimadlartillugo) kivgakotingit angerkattigêngnekartitsivut akkerartorlugo, Jojadab ajojertuijub erningita aungit pivlugit, nakterpâllo innangavingane, tokkovorlo. Illijartorpâllo Davidib iglugaseksoangine, attaunille illuvingita akkornthaneungitok.

26 Tapkoangôvugle angerkattigêngnekartitsilauktuk tapso-munga: Sabade Simeatib erninga, arnab Amonitereôjub, Josabadelo Simritib erninga, arnab Moabitereôjub.

27 Erningille, tunnijariakarningitalo unnurningit, Gudiblo iglungata igluliortauninga, ahâk, tamakkoa aglaksimavut, unip-kautsine attannit aglangine. Erningalo Amazia attanningorpok innangêrdlugo.

KAPITEL XXV.

Amaziab Judakut attanningata attanniotininga.

AMAZIA Jahrekalaukpok 25 ginik attanningorame; attanniotilunelo Jahrit 29 it nâlugit Jerusaleme. Anânanga attekalaukpok Joadamik, Jerusalemiok.

2 Pinniarporlo Nalekab namagijanganik, omamulle tamânuungitok.

3 Attanniovinga manna pallangersimangmat, kivgakotine nakterpak, attannermik atâtanganik ullimarnilauktuk.

4 Kittorngangille tokkolaungilait. Taimak aglaksimangmat perkojane, Mosesib aglangine, Nalegak perkojingmat, okarlunelo: Atâtat tokkotaujuksaungilet kittorngat pivlugit, kittorngallonêt atâtat pivlugit; nellialle ajornine pivlugit tokkotaujuksauvok.

5 Amaziablo Judakut kattikovait, pitipaillo atâtat kinguvângit (iglungit) malliklugit, angajokait 1000 dinut 100 dinullo malliklugit, Judakut illuêngarlutik Benjaminekullo; kittipaillo Jahrelingnit 20 ginik unnurnersaniglo, naipipaillo 300000 diojut annerimajut, aularungnartut unatadlarnermut, kallugialijarungnartut, sappulutalijarungnartullo.

6 Tapkoa tappilugit Israelitinit ikajortiksarsivok angutinik sôngojunik unatadlarnermut 100000 dinik, Talentinut 100 dinut Silberemik.

7 Gudible angutekotingita illangata tikkipa, okarlunelo: Attannek Israelitit sorsuktuksaksoangit illaukoniarnagit illingnut, Nalekab Israelitit Eframib kittorngangillonêt illagingimagit.

8 Igville aularit, sôngoniarlutillo sorsungnerme, Gudib sapkoniarajarmattit omigijivit sângine; Gudeme pitsartunekarmat ikajorlune, sapkutsilunelo.

9 Amaziab Gudib angutekotinga tamna okautiva: Kan-

norlo Talentit 100 dit tunnimalauktakka sorsuktuksanut Israelitinit pinniarvigijaujuksauvât? Gudib angutekotinga okarpok: Nalegak unnurnersakarpok sulle makkonangat, tunnijungnartaminik illingnut.

10 Tagva Amaziab sorsuktuksat tapkoa Efraimekunit tikkilauktut tapsomunga apterpait, aularkovlugit nunamingnut. Tagva ningarningita Judakut illungertutigilerpait, aularlutiglo nunamingnut, ningarnermut illungertorlutik.

11 Amaziale maksoalerpok, innukotinelu aularutivait naksarmut sioraujalingmut, Seiriblo kittorngangit 10000 dit ullimarpait.

12 Israeliblo kittorngangita anguvait tapkonangat 10000 dit innôtillugit; tapkoa tessiorpait kairtub sinâkjuata kânganut, ijukartipaillo kairtub sinâkjuanit, illunatik kârkovlugit.

13 Sorsuktuksalle Amaziab utterkolauktangit, innukotine illagilugit sorsungnermut aikonagit, ittârput Judakut igluga-seksoanginut Samariamit Beth-Horon tikkidlugo, ullimarpaillo tapkonangat 3000 dit, aksarnigaujokartitsivullo unnuktunik.

14 Amazialo utterame Edomiterit sâlagijauninganit, Seirib kittorngangita Gudingoangit neksarpait Gudiotilugillo ingminut, tuksiarvigilugillo isserluanititsivigilaitalo.

15 Tagva Nalekab ningarningata Amazia illungertutigiva, nellautaijullo illangat tilliva tapsomunga, okautilalo: Sôg innugiartoksuit Gudingoangit kennerpigit, innukotimingnik piuliklerungnarlaungitut agganit?

16 Okarkattigingmagolo (Amaziab) okautiva: Igvit attannertuijungortitaumavit attannermik? Nippangerit. Sunna pivlugo annaulertaujomavit? Tagva nellautaijok nokkarpok, okarlunelo: Mallugosukpunga, Gude kajusimangmat asseroromavlutit, taimailioravit attannertuinalo nalenginangne.

17 Amazialo Judakut attanningat issumalerpok, tilliklerlunelo Joasemut Joahasib erninganut Jehub erningata, Israelitit attanninganut, okautsaukovâlo: Kait tækkonautilauluk!

18 Joasele Israelitit attanningat tilliklerpok Amaziamut Judakut attanninganut okautsaukovâlo: Orpik Dornemik attelik, Libanonemêtok, tilliklerpok Cederemut Libanonemetomut, okautsaukovâlo: Pannit tunnileruk ernimnut, nulliangokovlugo tapsomunga; omajulle nujuartut Libanonemêtut, orpik Dorneôjok tullerajakpât tullerlugolo serkomipât.

19 Issumavotit: Ahâk Edomiterit salagilaukpakka; tamanna omattit piojorijutigiva, nertornautiksarsiorlutillo; manna nunangnêtualerit. Sôg kannoêtoksiorkit, ochokovlutit, Judakullo illagellutit?

20 Amaziale nalelaungilak; tamannale Gudemit pilaukpok, tunnillugit pikovlugo, Edomiterit Gudingit kennerlaungmagit.

21 Tagva Joase Israelitit attanningat majorarlune tak-

paungarpok, tækkonautivuglo, tamna Amazialo Judakut attanningat, Bethsesemeseme Judamêtome.

22 Judakulle salagijauvut Israelitinut, kemâlutiglo attunît iglomingnut.

23 Joasiblo Joahasib erningata Israelitit attanningata Amazia Judakut attanningat Joasib erninga tiguva Bethsesemeseme, tikki-utilâlo Jerusalem, Jerusalemiblo karmangit (avaluksoangit) serkomipait, itterviksoarmit Efraimemik attelingmit, terrekub itterviksoanga tikkilugo, tallitut 400 ditut takkitigijomik.

24 Goldillo Silberillo tamaita, illulerkutillo tamaita Nalekab iglunganêlauptut Obed-Edomeme, attanniublo iglungata perkutitalingane, sorrutsillo satoraksauvlutik tiguva, neksarlugillo Samariamut.

25 Amazialo Joasib erninga Judakut attanningat innôlauptok sulle Joasib Joahasib erningata Israelitit attanningata tokkungata kingorngane Jahrinik 15 nik.

26 Unipkausit assingit Amazia pivlugo, sivurlit kingorlillo, ahâk, tamakkoa aglaksimavut Judakut Israelitillo attanningata aglangine.

27 Nelliutomillo taimangat Amaziab allaivianit Nalekamik, angerkattigêngnekartitsivut Jerusaleme akkerartorlugo; kemâvorlo Lachisemut. Tagva malliklugo tilliklerput Lachisemut, tokkopâllo tagvane.

28 Horsekullo âpât, illijartortauvorlo atâtagijamine Judakut iglugaseksoangine.

KAPITEL XXVI.

Usiab attanniotininga.

TAGVA innugiartoksuit Judakut illunamassiatik Usia Jahrekalaunktok 16 nik tiguva attanningortilâllo atâtangata Amaziab inningane.

2 Tapsoma Elothe iglugaseliorpait, sattortautilaitalo Judamut, attannek sinnisilaukârdlune atâtagijane illagællugit.

3 Usia Jahrekalaunkpok 16 nik attanningorame, attanniotilunelo Jahrinik 52 ginik Jerusaleme. Anânanga attekalaunkpok Jechaljamik, Jerusalemiok.

4 Pinniarporlo Nalekab namagijanganik, sorlo atâtanga Amazia pinniarlaungmat.

5 Gudelo kennerpa taimak akkunêrtigijomik Sacharja, tukisijok Gudib tækkotitanginik, innôtillugo; taimaglo akkunêrtigijomik Nalegak kennerlaungmago, Gudib sullidlarkolaunkpa.

6 Aularporlo, Filisterillo sorsukpait, Gatiblo karmangit

(avalungit) Janiblo karmangit, Asdodiblo karmangit serkomipait; iglugaseliorporlo Asdodib avatâne, Filisterillo akkornthane.

7 Gudiblo ikajorpa Filisterit akkerartorlugit, Arabiamiut Gurbaaleme nunakartut akkerartorlugit, Meuniterillo akkerartorlugit.

8 Amoniterillo Usia tunnitsivigivât pilliutinik, attingalo okausiolaupok Egipten tikkidlugo; sôngopalliatsainarmat.

9 Usiablo nuvugutsit igloliorpait Jerusaleme, terrekub itterviksoangane, naksablo itterviksoangane, terrekullo assingine, sôngotipaillo.

10 Igloksuillo avaluliorsimajut igloliorsavait sunakajuitome, aggarlunelo immektarvingnik unnuktunik, nergjutekalaurame unnuktunik naksarne, naternanelo; perorsajokutekalaurivok perorsévingne, kakkanelo Weineliksalingne, Karmelemelo; perorsainek kuviasutigiamiuk.

11 Usialo sorsuktúksakutekalaukpok sorsugungnartunik, aulartunik unnatadlarnermut, katingajovlutik ingmigolingatitavlutik, sorlo kittitaumangmatta Jejelib aglakpaktub agganginut, Masejamullo aulatsijomut, Hananjab attanniub angajokakotingita illangata aulatsininganut.

12 Atâtallo angajokaunerôjut, sorsuktuksat sôngojut akkornthane unnurningit, 2600 diolaupok.

13 Tapkoalo aulatsiningine sorsuktuksanik 307500 dinik sorsugungnartunik, sôngudlarlutik attannek ikajorlugo omigijingit akkerartorlugit.

14 Usablo sorsuktuksat illunaita pittakartipait sappulutanik, kallugiarniglo, nessâlungniglo, sagvingmiutaniglo, pittikseniglo, ujarkaniglo illoereumut.

15 Tallutiniglo sennavok Jerusaleme tattamnadlartunik, nuvugutsit kânginêtuksanik, terrekullo kânginêtuksanik, pittikserviksaniglo kârgjunik, illoerearviksaniglo ujarkanik. Tussaumajauvorlo kanningitomot, tattamnadlartomik ikajortaulaungmat, sôngokârtinago.

16 Sôngoleramele omattinga piojorilerpok asserortaujutiksaminut. Idluitullivorlo Nalekamut Gudiminut, ailunelo Nalekab Tempelinganut, isserluanititsijomavlune isserluanititsiviub Altaringane.

17 Asarjablo ajochertuijub illagællugo ajochertuijut 80 git, angutit erkomatsiartut, mallikpât,

18 Kiglornilâllo Usia attannek, okautilugolo: Igvit Usia isserluanititsijuksaungilatit Nalekamut; ajochertuijulle, Aronib erningit, ivsornaititaumajut isserluanititsikovlugit. Annit ivsornaitovingmit, tammaravit; nertortaujutiksarnullo Gudib Nalekab sângane illinganiangilak.

19 Usiale ningalerpok illulerkullo isserluanititsivik tigumiarpa aggangminut, ajochertuijunullo okalokitillugo, kallak

annilerpok kaungane ajochertuijut tækkoæne, Nalekab iglungane, isserluanititsiviub Altaringata sângane.

20 Asarjablo ajochertuinerôjub, ajochertuijullo illunatik tækkosarmatsuk, ahâk, tagva kallaksimalaukpok kaungane, annitipållo. Nangminerlo tuavilukarpok annileromavlune, Nalekab annaulaungmago.

21 Taimak Usia attannek kallaliôlaukpok tokkone tikkilugo, iglolo ingmigolingajok innigiva kallaliôvlune, avisimagame Nalekab iglunganit. Jothamible attanniub erningata attanniub iglunga aulapa, idluarsarlaitalo innugiartoksuit nuname.

22 Unipkautsille tamakkoa assingit Usia pivlugo, sivurlit kingurillo nellautaijub Jesaiasib Amozib erningata aglagutigi-laukpait.

23 Usialo sinnisilerpok atâtagijaminut ailune, illijartorpållo atâtagijangine, natername attannit illijartortauvingane. Okarmatta: Kallaliiovok. Erningalo Jothame attanningorpok in-nangêrdlugo.

KAPITEL XXVII.

Jothamib attanniotininga.

JOTHAME Jahrekalaukpok 25 ginik attanningorame, attanniotilunelo Jahrit 16 it nâlugit Jerusaleme. Anânanga attekalaupok Jerusamik, Zadokib pannia.

2 Pinniarporlo Nalekab namagijanganik, taimaluatsiak sorlo atâtanga Usia pinniarlaungmat; kissiane Nalekab Tempelinganut itterlungimat; innugiartoksuille idluitullivut sulle.

3 Tapsoma Nalekab iglungane itterviksoak kogvasiktok igloliropa, avalungnelo Ofelemik attelingne sennavok unnuktunik.

4 Iglugaseksoarniglo iglugaseliorpok Judab kakkangine, nappartunelo igloliorsavok igloksoarnik avaluliorsimajunik, nuvgusingniglo.

5 Sorsugvigivâlo Amonib kittorngangita attanningat, salagilaitalo; Amonib kittorngangita Jahreme taipsomane tunnitsivigingmatsuk Talentinik 100 dinik Silberemik, Koriniglo 10000 dinik Weizenik, Koriniglo 10000 dinik Gerstenik. Taimak unuktigijunik Amonib kittorngangita tunnitsivigivattaupok Jahrib aipangane, pingajuanelo.

6 Taimak Jothame sôngudlalaukpok; apkotigijane âkigasuarmagit Nalekab Gudime sângane.

7 Unipkautsille tamakkoa assingit Jothame pivlugo, unatadlarningit, pinniarningillo, ahâk, tamakkoa aglaksimavut Israelitit Judakullo attanningita aglangine.

8 Jahrekalaukpok 25 ginik attanningorame, attanniotilunelo Jahrit 16 it nâlugit Jerusaleme.

9 Jothamelo sinnisilerpok atâtagijaminut ailune, illijartorpållo Davidib iglugaseksoangine. Erningalo Ahas attanningor-pok innangêrdlugo.

KAPITEL XXVIII.

Ahasib attanniotininga pinniarningillo.

AHAS Jahrekalaukpok 20 ginik attanningorame, attanniotilunelo Jahrit 16 it nâlugit Jerusaleme, pinniarylungilarlo Nalekab namagijanganik atâtagijamitut Davidetut.

2 Agvertarporle Israelitit attanningita apkosiningine, Gudingoaniglo kovimajunik sennavoktauk Baalemut;

3 Isserluanititsivorlo Hinomib erningita naksangane, erninelo otautipait nellojut Nalekab Israelib kittorngangita sivurngane pêjarlauktangita makkojungnartulliningit malliklugit;

4 Tunnergutiniglo tunnijilaukpok isserluanititsilunelo pok-tôjune, kakkarulângnelo, nappartullo tungojortut illunatik at-tâne.

5 Tagva Nalekab Gudingata tunniva Siriamut attanningata agganginut; tapkoalo ullimarpât, anguvaillo innukotinginit unnuktut, parngnanairsortauvlutiglo aularutivait Damaskusemut. Israelitillo attanningata agganginut tunnijaaulaurivok, tapsomalo salagijaunekartipa angijomik.

6 Pekajablo Remaljab erningata Judakune 120000 dit ullimarpait uvlorme attautseme, illunatik angutit sorsugungnartut, Nalegak atâtagijamik Gudingat kemmangmatsuk.

7 Sichriblo, angutaudlartub Efraimekunit, tokkopait Maeseja attanniub erninga, Asrikamelo, aulatsijok attanniub iglunganik, Elkanalo attanniub tuglia.

8 Israeliblo kittorngangita kattangutimingnit aularutivait parngnanairsortaumajut 200000 dit, nullit, ernillo pannillo, aksarpaillotauk perkutinik unnuktunik, aksarnigaujullo âpait Samariamut.

9 Tagvanelaukporle Nalekab nellautaijokotingita illangat, Odedemik attelik, tamna annivok sorsuktuksat Samariamut tikkitut pachreartorlugit, okautilugillo: Ahâk, Nalekab atâtagijapse Gudingata Judakut ningaringmagit tunnilaupait aggapsingnut; illipsele tokkolaukpasse kanningaumajarnermut, killangmut tângmat.

10 Mannalo kajusimavose Judamiut Jerusalemiullo kittorngangit attanniotivigijomavlugit, angutillo arnallo kippalungortit-

somavlugillo illipsingnut. Idluinekangilak illipsingne, illa illipsingne, akkerartortomik Nalekamut Gudipsingnut?

11 Tagva naleksinga manna, parnanairsortallo aularutimajase kattangutipsingnit, uttertisigik; Nalekab ningarningata illungertorutigingmasse.

12 Tagva Efraimib kittorngangita angajokaunerôjungita ilangit: Asarja, Johananiib erninga, Berechjalo, Mesillemotib erninga, Jehiskialo Sallumib erninga, Amasalo, Haldaib erninga, nikkoviput, tapkoa unatadlarnernit tikkitut kiglornilugit.

13 Okautilugillo: Parnanairsortat, tamaungatitaksaringilasse; idluitullijarêraptat Nalekamut, illipse issumavose idluinivut, tappanivullo illatuinaromavlugit, tappanivut angijovaksongmatta, ningautsiblo Israelitit illungertorutigivait.

14 Tagva sakkulijartut, parngnanairsortat, aksarnigaujullo kemmakpait angajokaunerôjut illagêllo illunatik sânginut.

15 Tagva angutit manna attimikut taijaumajut nikkoviput, tiguvaillo parngnanairsortat, illunaitalo annorairsimajut akkorngane, annorarpaillo aksarnigaujunit, annorartipaillo kamiktorlaitalo, tunnitsivigivaillo nerkiksanik, immiksaniglo, mingoarpaillo, sangêtullo ikkitipait siutekoktôjunut, âlugillo Jerichomut iglugaseksoarnut Palmitalingnut, kattangutinginut; utterlutiglo Samariamut.

16 Nelliutome taipsomane attannek Ahase tilliklerpok Assiriاميut attanninginut, ikajorlugo pikovlugit.

17 Edomiterillotauk tikkiput sâlagilugillo Judakut, aularutivaillo illangit.

18 Filisterillo iglugaseksuit naksarnetut Judablo sekkernganêtut ittaripait, aksarnigarivaillo Bethsemese, Ajalonelo, Gederotelo, Socholo, aiparusingit illagilugit, Timnalo, aiparusingit illagilugit, Gimsolo, aiparusingit illagilugit, innigivaillo.

19 Nalekab Judakut mannigotitingmagit, Ahase Judakut attanningat pivlugo, Judakut ussingatimagit, Nalegarlo idluitul-livigingmago.

20 Tiglatpilneseriblo Assiriاميut attanningata opaglukpa, tettivâlo, ikajorlungilâlo.

21 Ahasib Nalekab iglunga, attanniublo iglunga, angajokaunerôjullo iglungit aksaralloarpait, tunnilaitalo Assiriاميut attanninganut; sullilaungilarle.

22 Tettijaunimelo nelliuningane, Ahase attannek idluitulliganerpok sulle Nalekamut;

23 Tunnergutiniglo tunnijivok Damaskusemiut, salakarlauktut tapsominga Gudinginut, okarlunelo: Siriamiut attanningita Gudingita ikajorpait tapkoa; tamanna pivlugo tunnergutinik tunnijjomavunga tapkonunga ikajorkovlugittauk uvamnik. Ochojutiksanganulle Israelitillo illunatik ochojutiksangingnut illingalaukput.

24 Ahasiblo Gudib iglungata illulerkutingit kattitipait, avgorpaillo Nalekab iglungata illulerkutingit. Nalekablo iglungata upkoangit pallangairpait; Altarekartitsivorlo ingminut Jerusaleme terrekune illunaine.

25 Judakullo iglugaseksoangine illunaine pôktojokartitsivok, Gudib assingit isserluanititsivigivlugit, Nalegarlo atâtagijame Gudingat ningaksarpa.

26 Unipkautsit assingit tamna pivlugo, apkotigijangillo tamaita, sivorlit kingorlillo, ahâk, tamakkoa aglaksimavut Judakut Israelitillo attanningita aglangine.

27 Ahaselo sinnisilerpok, atâtagijaminut ailune, illijartorpållo iglugaseksoarne Jerusaleme; âtaulungilarlo Israelitit attanningita illuviginut. Erningalo Jehiskia, attanningorpok innangêrdlugo.

KAPITEL XXIX.

Hiskiab kievgartornek Gudemik sattortautipa.

HISKIA Jahrekalaupok 25 ginik attanningorame, attanniotilunelo Jahrit 29 it nâlugit Jerusaleme. Anânanga attekalaupok Abjamik Sacharjab pannia.

2 Pinniarporlo Nalekab namagijanganik atâtamitut Davidetut.

3 Attannionimelo Jahringita sivurlerpângata takkingita sivurlerpângane Nalekab iglungata upkoangit pallangairudjarpait, âkilaitalo;

4 Ittertipaillo ajochertuijut Levitillo, kattikolugillo apkosineme nerrotôjome kittanêtome,

5 Okantivaillo: Naleksinga Leviteôjose: Manna ivsornaitileritse, Nalekablo atâtagijapse Gudingata iglunga ivsornaitilugo pititse, ivsornartut annitisigik ivsornaitovingmit.

6 Atâtagijavut tammarlaungmatta, pinniarlaukpullo Nalekab Gudipta idluigijanginik, kemmalaukpållo. Kênatik sangulaungmagit Nalekab iglunganit, tunnulaupållo;

7 Upkoarlo torksungme pallangairlaukpât, kollillo kammi-laukpait, isserluanijutiksanglo isserluanititsilaungilet, tunnijilaungilello tunnergutinik ôtaksanik ivsornaitovingme Israelib Gudinganut.

8 Tamanna pivlugo Gudib ningausingata Judakut Jerusalemullo tikkipait, tunnulaupaillo siorniorntartunut kakkilarnartunullo, mittautigijaunermullo, sorlo ijipsingnut tækko-gapse.

9 Ahâgle, tamanna pivlugo atâtagijavut ochosimavut saviksoarmut, ernivullo pannivullo nulliavullo aulartitaumavut.

10 Manna kajusimavunga Nalegak Israelib Gudinga angerkattigijomavlugo ningarninga, kaningaumajarningalo allaikovlugik uvaptingnik.

11 Manna ernikka katsunganiarasse; Nalekab illipse anne-
rilaungmasse nangertuksaugapse sângane, kivgaujuksauluselo
isserluanititsijôjuksaugapse tapsomunga.

12 Tagva parngnailerput Levitit tapkoa: Mahat, Amasaib
erninga, Joello, Asarjab erninga, Kahatib erninginit; Merariblo
erninginit: Kis, Abdib erninga, Asarjalo, Jehaleelib erninga;
Gersoniblo erninginit: Joabe, Simmab erninga, Edenelo, Joab
erninga;

13 Elizafaniblo erninginit: Simri, Jejelelo; Assafiblo er-
ninginit: Sacharja, Matanjalo.

14 Hemaniblo erninginit: Jehiel, Simeilo; Jedutuniblo er-
ninginit: Semaja, Usielelo.

15 Tapkoalo kattangutitik kattitipait, ivsornaitilutiglo, tik-
kilerpullo attanniub perkojanga, Nalekab okausinginit pijok
malliklugo, Nalekab iglunga sujungaitilugo.

16 Ajochertuijullo itterput Nalekab iglunganut sujungaitit-
somavlugo, ivsornartullo tamaita, nachvartaujut Nalekab iglunga-
ne, annipait innemut avaluliorsimajomut Nalekab iglunganêto-
mut; Levitillo tiguvait akjartorlaitalo kôngmut Kidronemut.

17 Pigiarpullo ivsornaitilutik takkit sivurlerpângata uvlunga-
ita sivurlerpângane; takkiblo tapsoma uvlungita 8 ingane itter-
put Nalekab torksukotinganut, ivsornaitipâllo Nalekab iglunga
uvlut 8 it nâlugit; takkiblo sivurlerpângata uvlungita 16 ingane
innersimavât.

18 Tagva itterput attannermut Hiskiamut okarlutiglo: Na-
lekab iglunga illunât sujungaitimavavut, tunnergutiksatsat ôtak-
sat Altaringat, illulerkutingillo tamaita, kakkojallo tækkojaksat
sângat, illulerkutingillo tamaita.

19 Illulerkutillo illunaita, attanniub Ahasib attanniôvlune
egilauktangit idluitullilune, tapkoa sattortautimavavut ivsornai-
tilugillo; ahâglo Nalekab Altaringata sânganêput.

20 Tagva attannek Hiskia uvlârorpok, iglugaseksuillo anga-
jokaunerôjungit kattitipait, takpaungarlunelo Nalekab iglunga-
anut.

21 Atsivullo tagvunga tuktuvângnik angusallungnik 7 nik,
saukaniglo angusallungnik 7 nik, saugârsungniglo 7 nik, tuk-
tungajuniglo angusallungnik 7 nik, tunnergutiksamat ajortoêru-
tiksamut illingajuksanik, attanniôvik pivlugo, ivsornaitovik piv-
lugo, Judakullo pivlugit. Tapsomalo ajochertuijut, Aronib
erningit perkovait tunnijkovlugit tunnergutiksantik Nalekab
Altaringata kângane.

22 Tagva tuktuvait tokkopait, ajochertuijullo auk tiguvât
serkerartipâllo Altarib kânganut;

23 Apaillo tuktungajut angusalluit tunnergutiksamut ajortoêrutiksamut illingajut attanniub illagêllo sânginut, pattik-paillo.

24 Ajochertuijullo tokkopait, aungillo ajortoêrutiksauvlune serkerartipât Altarib kâganut, Israelitit illuêngarlutik ullap-koserlugit. Attannek perkojilaungmat tunnergutit ôtaksat, ajortoêrutiksallo tunnilugit, Israelitit illunamassiangit pivlugit.

25 Pitipaillo Levitit Nalekab iglungane, Cimbelijarlutik, Psalterijarlutiglo, Harfesijarlutiglo, sorlo Davide, Gadelo attanniub tækkojokotinga, Nathanelo nellautaijok perkojilaungmatta, Nalekamille perkojak tamna pivok, nellaitaijokotingittigut.

26 Levitillo nangerput, Davidib nokakseralikotinginik najortekarlutik, ajochertuijullo Trompetinik.

27 Hiskialo perkojivok tunnergutit ôtaksat tunnilugit Altareme. Pigiarmattalo tunnergutiksak ôtaksak tunnilugo, tagva imgernek Nalekamut, trompetesijarnerlo, attornerlo Davidib Israelib attanningata nokakseralikotinginik sunatuinarnik pigiarivut.

28 Illagêllo illunatik pamakterput; imgernerlo tussaksaulaupok, Trompetillo nipliadlarput tunnergut ôtaksak tunnijaujarêrkârtinnago.

29 Tunnergullo ôtaksak tunnijaujarêrmat, attannek okkovok, illunatiglo najuganêlauptut, opigosulutiglo.

30 Attanniublo Hiskiab angajokaunerôjullo, Levitit perkovait Nalegak nertorlugo Davidib Assafiblo tækkojub imgerutingit attorlugit pikovlugit. Kuviasuklutiglo nertordlerput okkolutiglo, opigosularmiglo.

31 Hiskialo kiovlune okarpok: Manna tigumiaralijarluse ikkipose Nalekamut, tamaungariartoritse, kaitsiluselo tamaunga tunnergutiksanic, tunnergutiksaniclo nertordlerutiksanic Nalekab iglunganut. Illagêllo âtsivut tunnergutinik, tunnergutiniglo nertordlerutinik, illunatiglo kunnutuitut tunnergutinik ôtaksanic.

32 Tunnergutillo ôtaksat illagêt kaitangita unnurningit tuktuvangôlaukput 70git, saukat angusalluit 100dit, saugârsuillo 200dit, tapkoa illunatik tunnergutiksaulaukput ôtaksat Nalekamut.

33 Ivsornaitipaillo tuktuvaît 600dit, saukallo 3000dit.

34 Ajochertuijulle ikkitoluarlaukput tunnergutiksatsat ôtaksat illunaita aktorungnarlaungilait tamanna pivlugo kattangutinginut Levitinut ikajortaulaukput pinniarnek tamanna pijarêrkârtinago, ajochertuijullo ivsornaitikârtinagit. Levitit illungertorneraulaungmatta ivsornaitilitik ingminik ajochertuijunit.

35 Tunnergutille ôtaksat, tunnergutit kujalijutiksatsat orksungit illaliudlugit, tunnergutiksallo immiksatsat tunnergutinut

ôtaksanut illingajut unnuktolaukputtauk. Taimaglo kivgartor-nek Nalekab iglungane âkiktaunalaupok.

36 Hiskialo kuviastolaupok innugiartoksuit illunatik illa-gilugit, Gudib innugiartoksuit oppalungaijarlaungmagit, tagvai-nak pinniartaunmat.

KAPITEL XXX.

Hiskia Passamik uvloksiorkojivok innugiartoksuit kuviastutik-sanginut.

HISKIALO tilliklerpok Israelitinut illunainut, Judamiunullo, aglangniglo aglapok Efraimekunut Manassekunullo, kaikovlugit Nalekab iglunganut Jerusalemut, Passamik uvlosiorlutik Nalekamut Israelib Gudinganut.

2 Attanniublo angajokâkotine illagêllo illunaita kachimioler-kattigivait Passa attoromavlugo takkib aipangane,

3 Attorungnarlaungimatsuk nelliutome taipsomane, ajocher-tuijut ivsornaitisimajut ikkitoluarlaungmatta, innugiartoksuillo tikkilungimatta Jerusalemut.

4 Attanniublo illingatitaunek tamanna idluariva, illagêllo illunamassiatik,

5 Perkojivullo tamanna akpautigijaukovlugo Israelitine il-lunaine Bersebamit Dane tikkidlugu, kaikovlugit Passamik uv-loksiorlutik Nalekamut Israelib Gudinganut Jerusaleme; akku-nit attorlaungimatsuk sorlo aglaksimangmat.

6 Tagva akpangertut aivut, aglait attanniub angajokako-tingitalo agganginit pijut, neksarlugit, Israelitit, Judakullo il-lunatik akkorngattigut, attanniublo perkojanga malliklugo okar-put: Kittorngaujose Israelemut, sâleritse Nalekamut, Abrahâb, Isaakiblo Israeliblo Gudinganut; tagva tamna sâlerniarivok amiakojunut illipsingnit, kemâlauktunut Assiriamit attanning-ata agganginit;

7 Atâtagijapsetullo kattangutigijapsetullo idluitullilauktutitut Nalekamut atâtagijamik Gudinganut, tunnilauktangititullo ta-manna pivlugo asserornartomut, sorlo nangminek tækkogapse, iniarase.

8 Tagva tappatôniarase manna atâtagijapsetut, aggassele tunnissigik Nalekamut, kaititselo ivsornaitovikotinganut ivsor-naitilauktanganut issokangitomut, Nalegarlo Gudise kivgartor-siuk, ningarninga illungertortok sangulerkovlugo illipsingnit.

9 Illipsele sâlerniarupse Nalekamut, tagva kattangutise kit-torngaselo napkigijaunekarniarput parnanairsortimingne, nuna-mut tamattomunga utterkovlugit, Nalegak Gudise saimarsai-

gosungmat, napkigosuklunelo, kênanelo sânguniangilâ illipsingnit, illipse sâvigigupsiuk.

10 Akpangertullo aivut iglugaseksoarnit iglugaseksoarnut Efraimekut, Manassekullo nunangane, Sebulonekullo tikkidlugit, iJORutigivaille mittautigilaitalo.

11 Illangille Asserekunit, Manassekunillo, Sebulonekunillo manigotitiput ingminik tikkigalloarlutiglo Jerusalemut.

12 Nalekab aggangita Judakuttauk tikkipait adsigêktunik issumakartimagit, pinniarkovlugit attanniub angajokaunerôjullo perkojangat, Gudib okausinginit pijok, malliklugo.

13 Innugiartoksuillo unnuktut kattimalerput Jerusaleme uvloksiorvik kakkojanik sêrnakangitunik uvloksioromavlugo, takkib aipangane, illagêt unnuktovaksuit.

14 Parngnailerpullo Altarillo Jerusalemelauktut pêjarpait, Altarillo isserluanititsivit illunaita pêjarpait, êgilugillo kôngmut Kidronemut;

15 Tokkotsivullo Passasiorutiksamik takkib aipangata uvlungita 14 ingane. Ajochertuijullo Levitillo kangusulaukput ivsornaitilutiglo, atsilutiglo tunnergutiksanik ôtaksanik Nalekab iglunganut;

16 Nangerpullo innimingne, sorlo illusiolaungmat Mosesib Gudib angutekotingata perkojangit malliklugit. Ajochertuijullo auk serkerartipât Levitit agganginit.

17 Unnuktolaungmatta illagêktune ivsornaitilaungitut ingminik, tamanna pivlugo Levitit saugarsuit passasiorutiksat tokkopait, illunaita sujungaitilungitut akkisartorlugit, ivsornaitilaitalo Nalekamut.

18 Innugiartoksoarnillo unnuktut, Efraimekunillo unnuktut, Manassekunillo, Isascharekunillo, Sebulonekunillo sujungaitilaungitut ingminik, nerrilutiglo Passamik aglait malliklugiungitok. Hiskiablo tuksiupait okarlunelo: Nalekab ajungitub illunaita issumagijungnaivigiligit,

19 Omattimingnik torartitsilauktut Gude Nalegak, atâtagijamik Gudingat kennerlugo, unêt ivsornaimarilungigalloarlutik.

20 Nalekablo Hiskia tussarpa nekkoksitilaitalo innugiartoksuit.

21 Taimak Israelib kittorngangita Jerusaleme najutijut uvloksiorvik kakkojanik sêrnakangitunik uvloksiorpat uvlut 7 it nalugit kuvasuvaksoadlarlutik. Levitillo ajochertuijullo Nalegak uvlut tamaita nertorpât Nalekab nokakseralikotingit nipliadlartut attorlugit.

22 Hiskiablo Levitit illunaita sungiusimajut kiygartornermik ânanâmik Nalekamik, pitsiarlune okarkattigivait. Nerrivaillo uvloksiorviub tunnergutingit uvlut 7 it nâlugit, tunnijilutik tunnergutunik kujalijutiksanik, imgerlutiglo nertordlerutiksanik Nalekamut atâtagijamik Gudinganut.

23 Kattimajullo illunatik kajusimavut, ama uvlut 7 it uvloksioromavlugit; tapkoalo uvlut 7 it uvloksiorpaittauk kuviasuklutik.

24 Hiskiab Judakut attanningata kattimajut tunnitsivigingmagit tuktuvångnik angusallungnik 1000 dinik, saukaniglo 7000 dinik. Angajokajallo illagat tunnitsivigivait tuktuvångnik 1000 dinik, saukaniglo 12000 dinik. Taimak ajochertuijut unnuktut ivsornaitiput ingminik.

25 Kattimajullo Judakut, illunamassiatik kuviasudlalauput, ajochertuijut Levitillo, kattimajullo Israelitinit tikkimalauktut, tujormitjello Israelitit nunanganit tikkimalauktut Judamelo nunakartut.

26 Kuviasuvaksoadlarnekarporlo Jerusaleme. Salomonib Davidib erningata, Israelitit attanningata nelluininganit taimaito-kalaungilak Jerusaleme.

27 Ajochertuijullo Levitillo nikkovilerput saimartilaitalo innugiartoksuit, nippingallo tussartaulaupok, tuksiarningallo tik-kilerpok kamunga innigijanganut ivsornaitomut killangmut.

KAPITEL XXXI.

Hiskiab asseroininga kivgartornermik Gudingoanik; pattangaititsiningalo ajochertuijunik.

TAMAKKOA tamaita pijarér-laungmatta Israelitit illunamassiatik, najutigut tagvane, aularput Judakut iglugaseksoanginut, serkomipaillo nappajoksuit, nakkarlugillo nappartut Gudingoaggit, pôktojullo, Altarillo serkomipait, Judakunêttut, Benjaminekunêttullo, Efraimekunelo, Manassekunelo, nungutaumarikârtinagit; tagva Israelib kittorngangit illunatik utterput attunît per-kutigijamingnut, iglugaseksoakotimingnullo.

2 Hiskiablo ajochertuijut Levitillo ingmigolinganangit piti-pait, attunît ingmigolinganangit malliklugit, ajochertuijut Levitillo, tunnijnernmut tunnergutiksani ôtaksanik, tunnergutiksani-glo kujalijutiksani, ingernermullo nertordlerutiksani, nertordlernermullo Nalekab tangmarviata upkoaksoangine.

3 Attanniublo perkutime illangit tunnikattarpait tunnergus-tiksani ôtaksanut uvlaksiutinut, unnuksiutinullo, tunnergus-tiksani-glo ôtaksanut, Sabbatesiutinut, takkêlasiutinullo, uvloksior-viksiutinullo; sorlo Nalekab perkojangine aglaksimangmat.

4 Innugiartoksuillo Jerusalemiut perkovait, ajochertuijut Levitillo pijaksangit tunniligut pikovlugit, tapkoa katsungainer-saujungnarkovlugit perkojanut.

5 Perkojarlo tamna tunnijaubarêrmat Israelib kittorngangit

âtsivut innerkârtunik kakkojaksanik, Weiniblo paungangita ip-tinginik, orksuniglo, igupsaujartullo orksunginik, perorsêviublo perortunginik sunatuarnik; tamaitalo tellimaujortungit âpait unnuktut.

6 Israeliblo Judablo kittorngangit, Judakut iglugaseksoangine nunnakartut, âtsivuttauk tuktuvait saukallo tellimaujunginik, ivsornaititaumajullo, ivsornaitilauktamik (tunnilauktamik) Nalekamut tellimaujunginik, kattititakartitsivullo mânelo ikkanelo.

7 Takkit pingajuane pigiarput, kattititat kattitilerlugit, takkillo 7 ingane namaksilerpait.

8 Hiskialo angajokaunerôjut illagilugit ittermat kattititaumajullo tækkogamigit, tagva Nalegak innukotingillo Israelitit nertorpait.

9 Hiskiablo ajochertuijut Levitillo apperivait kattititaumajut pitjutigællugit.

10 Asarjablo ajochertuijub, angajokaunerôjub Zadokekunit, okautiva: Taimangamit pigiarlaungmatta tunnergutit âlugit Nalekab iglunganut nerrilaukpogut akkeartorlutalo, amiakokartitsivogullo sulle unnuktunik; Nalekab innukotine pitsartutilaungmagit, tamanna pivlugo kattititaumajut ukkoa amiakovut.

11 Tagva attannek perkojivok inniorkovlugit Nalekab iglungane. Sennajauvullo;

12 Ittertippaillo illuanut nertornarlutik, tunnergutit perkutit tellimaujungit, ivsornaititaumajullo. Kananjalo Levitiôjok angajokaulaukpok tapkonunga, Simeilo kattangutine ikajortigiva.

13 Jehiello, Asasjalo, Nagatelo, Asahello, Jerimotelo, Eliello, Jesmachjalo, Mahatelo, Benajalo aulatsijôlaukput, Kananja kattangutalo Simei ikajorlugik, attanniub Hiskiab perkojanga malliklugo. Asarjale attanniolaupok Gudib iglungane.

14 Korelo Jemnab erninga Leviteôjok, udsertorte upkoamik kittanêtomik angajokaulaukpok Gudib tunnergusianguinut, pijarællune tunnijaualauktunut, aulailugit tunnergutit Nalekamut, ivsornainerpângôjunullo.

15 Aulatsijoninganêlaukpullo: Edene, Minjaminelo, Jesualo, Semjalo, Amarjalo, Sachanjalo, ajochertuijut iglugaseksoangine, tunnijikovlugit kattangutimingnut nertornarlutik, attunît illinganingit malliklugit, mingnerpâk anginerpâktut;

16 Angutit kittitaumajut Jahrelingnit pingasunik, unnurnersaniglo, senniane, illunainut Nalekab iglunganut tikkitunut uvlut tamaita kivgartornermingnut sullijaksamingre, ingmigolinganingit malliklugit.

17 Ajochertuijunullo kittitaumajunut atâtagijangita iglungit (kinguvângit) malliklugit, Levitinullo Jahrelingnit 20ginik unnurnersaniglo, sullijaksangine, ingmigolinganinginelo;

18 Kittitaumajullo kittornganguinut, nullianguinut, erninguinut,

panninginullo illunamassianginut; nertornarlutik ingminik iv-sornaitingmatta kivgartornermut.

19 Aronib erningit, ajochertuijut pivlugittauk iglugaseksuit illunatik aiparusingita perorsêvingine angutekarkojauvok attermikut taijaumajunik, tunnijkovlugit angutunut ajochertuijojunut, Levitinullo aglaksimajunut illunainut, pijaksanginik.

20 Taimailiorlaukporlo Hiskia Judame illunane, pinniarporlo Nalekab Gudime namagijanginik, idluarijanginiglo, nellagôr-torijanginiglo,

21 Pinniarnermine tamaine, pinniarnerijamine Gudib iglungane, innatsinelo, perkojanelo Gudine kennerlugo; omamut tamânut pinniarpait, sullidlarlunelo.

KAPITEL XXXII.

Hiskiab piulijauninga tattamnadlartok Sanherib agganginit, kannimasernermillo.

PIJOKARTULLO tamakkoa, nertornarnerublo kingorngane, kaivok Sanheribe Assiriamiut attanningat, tikkilunelo Judamut, tangmarlunelo iglugaseksuit sôngojut sivurânut, aksarnigarijomanasugivaillo nangmineliutilugit.

2 Hiskialo tækkogame Sanheribe tikkilermat, kênangalo torarmat Jerusaleme sorsugvigijomavlugit;

3 Angajokâkotine, sôngojokotinelo kachimiokattigivait, immektârvit iglugaseksuit sillatânênut mattujomavlugit; ikajorpållo.

4 Innugiartoksuillo kattimalerput, mattuvaillo puailavît illunaita, kôllo nunakut kôktut, okarpullo: Assiriamiut attanningit, tikkilutik immiksarsijuksaukonagit unnuktunik.

5 Maksoalaukporlo, karmaillo avaluksuit sujuksimaningit âkiksorpait, kallerêktipaillo nuvugutsit tikkilugit, sillatânelo karmahiorivok sulle assianik, Millolo Davidib iglugaseksoangine sôngotipa, sakkoliorsavorlo, sappulutaliorsalunelo unnuktunik.

6 Angajokâkartitsivorlo innugiartoksoarnik, kattitilugillo ingminut iglugaseksuit apkosiningane silliktome, upkoaksub kannitangane, okausekarlunelo tapkonunga illanârnartunik, okarlunelo:

7 Maksoaleritse pitsartuluselo, Assiriamiullo attanningat, unnuktoksuillo illagijangit sivuraginiarassigik, maksujarutiginnassigiglo; illagijavut unnurnersaungmatta illagijanginit.

8 Talliub uviniôjub tamna aipariva, uvagulle Nalekab Gudipta illagivâtigut, ikajorluta, aulalugolo sorsungnivut. Innugiartoksuillo Hiskiab Judakut attanningata okausingit tettigivait.

9 Tamakkoa kingorngane Sanherib Assiriamiut attanningata kivgane tillivait Jerusalemut (tamna Lachisib sivurâne tangmarsimangmat, nalektine illunaita illagællugit) Hiskiamut Judakut attanninganut, Judakunullo illunainut Jerusaleme najutijunut, okautsaukovâlo:

10 Imâk Sanheribe Assiriamiut attanningat okarpok: Suna sungertutigivissiuk, Jerusaleme illunatjaumajomêtuarapse?

11 Hiskiab tilliorlungipasse tunniluse tokkomut, kângmullo kêlernermullo, okarlune: Nalekab Gudipta piuliniarpâtigut Assiriamiut attanningata agganginit?

12 Hiskiaôlungilâk, poktôjokotinginik, Altarekotinginiglo pêjailauktok, okarlauktorlo Judakunut Jerusalemiunullo: Alta-retojub sângane tuksiartuksauvose, kânganelo isserluanititsijuk-sauvose?

13 Kaujimangilase, sunamik uvanga atâtagijamalo nunat illunatik innugiartoksoangit pinniarvigilauraptigit? Nunat innugiartoksoangita Gudingita nunakotitik piulijungnalaaurivattigik aggamnit?

14 Kia innukattigêksuit taipkoa atâtagijama pêjarlauktangita Gudinginit tamainit innukotine piulijungnarlaukpagit aggamnit, Gudipse illipse piulijaksarinajarmasse aggamnit?

15 Taimak mana uivêrijautailititse, tilliortautailitiluselo, okperiniarasiuglo. Innugiartoksuille attanniôvillo Gudingita neliata innukotine piulijungnarlaungimagit aggamnit, atâtagijamalo agganginit, tagva Gudigijapse piulinianginivâse aggamnit.

16 Kivgangillo sulle unnurnersanik okausekarput Nalegak Gude akkerartorlugo, kivgangalo Hiskia akkerartorlugo.

17 Aglangniktauk aglâkpok Nalegak Israelib Gudinga mit-tautigivlugo, okautigivâlo okarlunelo: Sorlo innugiartoksuit nune Gudingita innukotitik piulilaungimattigik aggamnit, taimak Hiskiab Gudingata innukotine piulinianginivait aggamnit.

18 Nippekortôvlutiglo Judit okausingit attorlugit innugiartoksuit Jerusalemiut karmaksuit (avaluksuit) kânganêlauktut nipliarivigivait sivurasaromavlugit koaksartitsomavlugillo, igluga-seksuit salagilugit pikovlugit;

19 Jerusalemiullo Gudingat okautigivat, innugiartoksuit nune Gudioangititut, innuit aggangita sennajangititut.

20 Attanerlo Hiskia nellautaijorlo Jesaiase tuksiarpuk tamanna pivlugo, nipliadlarlutiglo killangmut.

21 Tagva Nalekab Engelit illangat tilliva, tapsoma sorsuktusats sôgojungit illunaita, attannillo angajokaunerôjullo illunaita Assiriamiut attanningata tangmarviane nungupait, kang-usuklunelo utterpok nunaminut. Gudigijamelo iglunganut ittermat, ochotipâk tagvane saviksoarmut, timinganit nangmineri-janganit pilauktuk.

22 Taimak Nalekab Hiskia Jerusalemiullo ikajorpait San-

herib Assiriاميut attanningata agganginit, assingitalo illunatik agganginit, serngnigivaillo avatingine illunâne.

23 Unnuktullo Nalegak pilliutinik âtsivigivât Jerusalemut, Hiskialo Judakut attanningat pivianartunik. Kingornnganelo angijolaukpok innukattigêksuit illunatik ijingita sângine.

24 Nelliutome taisomane Hiskia kannimalaukpok tokko-ajarlune, tuksiarporlo Nalekamut, tapsomalo okarvigiva tunnit-sivigilugolo nellonaikutamik tattamnadlartomik.

25 Hiskiabile ajungitullivionine akkiniarutigilaungila, omattingale kagverpok, tamanna pivlugo ningautsib tamna, Judamiullo, Jerusalemiullo tikkipait.

26 Tagva Hiskia mannigotitipok omattime kagverninga pivlugo; tamna, Jerusalemiullo tamanna pivlugo Nalekab ningausingata tikkilaungilait Hiskia innôtillugo.

27 Hiskialo akuinekadlalaupok, nertortaunekadlalunelo, perkutetalititsilunelo ingminut, Silbereôjunik Goldeojuniglo, ujarkaniglo pivianartunik mingoarutiksanglo tippitsiariktunik, sappulutaksanglo illulerkutiniglo pivianartunik sunatuinarnik.

28 Kematullivikartitsivorlo perortunut kaitaujunut kakkojaksanut, Weinemullo, orksumullo; igloliorsalunelo nergjutit sunatuinait igluksanginik, avaluliorsalunelo saukanut.

29 Iglugaseliordunelo ingminut, nergjutekalaukporlo saukanik, tuktuvângniglo unnuktovaksoarnik, Gudib tunnitsivigingmago perkutevaksoarnik.

30 Hiskiablo oma puailaviub Gihonemik attiggub pânga kogvasiktok simmikpa kôktilugolo unnunga Davidib iglugaseksoangitakangianut. Hiskialo pilloridlalaupok pinniarnermine tamaine.

31 Babelemiulle attanningita tillijangit tikkinamik tattamartok pilauktok nuname apperkutigilugo, Gudib taimak kemakpâ ôktoramiuk, illitarileromavlugit tamaita omattingata illunigijangit.

32 Pijokalauktulle assingit Hiskia pivlugo, pinniarningillo idluartut, ahâk tamanna aglaksimavok Jesaiasib Amozib erningata nellautaijub tækkotitauningine, Judakullo Israelitillo attanningita aglangine.

33 Hiskialo sinnisilerpok atâtagijaminut ailune, illijartorpâllo Davidib erningita illuvingita poktojungane. Judakullo illuêngarlutik Jerusalemiullo opigivât tokkungane. Erningalo Manasse attanningorpok innangêrdlugo.

KAPITEL XXXIII.

Manassib, Amoniblo attanniotinikik.

MANASSE Jahrekalaupok 12 nik attanningorame attanniotilunelo Jahrinik 55 ginik Jerusaleme.

2 Pinniarporlo Nalekab idluigijanginik, innukattigêksuit Nalekab pëjarlauktangita Israelib kittorngangita sivurngane, makkojungnartulliningit malliklugit.

3 Poktojullo atâtame Hiskiab serkomilauktangit sattortautipait, Altarekartitsivorlo Baalemut, sennalunelo nappartunik Gudingoalingnik, tuksiarvigivaillo uvloriagaseksuit illunaita, kivgartorlaitalo.

4 Altariniglo sennavoktauk Nalekab iglungane, Nalekab okautigilauktangane: Attera Jerusalemêtsainartuksauvok isso-kangitomot.

5 Altareliorsavaillo killaub kattingajungit sunatuinait, Nalekab iglungata innigingne avaluliorsimajungne tamangne.

6 Erninelo ikkomakorkovait Hinomib erningata naksangane, tingmitjello nipjarningit kamagivait, uvlullo annerivait, angakoktorlunelo, nellautainarluklarmelo, elisênarlunelo, pinniarporlo unnuktunik Nalekab idluigijanginik, ningaksarlugo.

7 Innungoallo, Gudingoallo sennajaukojane pitipaittauk Gudib iglunganut, Nalekab Davidemut erninganullo Salomomot okautigijanganut: Igломут tamattomunga, Jerusalemullo annerilauktamnut Israelib kinguvarênginit tamainit, attera pitisomavara soraijuitomik;

8 Israelitillo ittiggangit aularkojomairpakka nunamit, tunilauktamnit atâtagilauktanginut, kamatsiartuinarpatta pinniarlutik perkojat tamaita, innatsillo, idluarijaunerillo, Mosesekut perkolauktakka tapkonunga, malliklugit.

9 Manassible Judakut Jerusalemiullo uivêrivait, sugaluluaratomik pinniarkovlugit innukattigêksoarnit Nalekab pëjarlauktanginit Israelib kittorngangita sivurngane.

10 Nalekablo Manasse innukotingillo okarvigivait, kama-lungilelle tamattomunga.

11 Tamanna pivlugo Nalekab tikkitaikovait Assiriamiut attanningata sorsuktuksangita angajokânginut, tapkoa Manasse parngnanairsortautipât niksinut, kellaksorlâllo kellaumgujanut, tikkiutipâllo Babelemut.

12 Kappianartomênamelo kennuvok Nalekamut Gudiminut mannigotitilunelo Nalekab atâtagijame Gudingata sângane.

13 Tuksiarporlo kennulunelo tapsomunga. Tagvalo kennuninga tussarpa, uttertilâlo Jerusalemut, attanniovinganut. Tagva Manasse illitarksilerpok Nalegak Gudeôngmat.

14 Kingorngane Davidib iglugaseksoangita karmangit (avaluksoangit) ungardlerpât, sennavait kângianit Gihonemit naksarmêtomit, ittervik upkoaksoarmut mingeritjanik attelingnut tikkilugo, Ofeliblo avatâne, pôktsilaitalo, pittakartitsivorlo angajokaksoarnik sorsuktuksanut Judakut iglugaseksoangine sôngoJune illunaine.

15 Pëjarpaillo Gudut tujormitjat, Gudingoallo Nalekab ig-

lunganit, Altarillo illunaita sennalauktane Nalekab iglungata kakkangane Jerusaleme, egilaitalo iglugaseksuit sillatânut.

16 Sattortautipâlo Nalekab Altaringa, tunnijilunelo kângane tunnergutunik nertordlerutiksanik, kujalijutiksaniglo, perkovaillo Judakut Nalegak Israelib Gudinga kivgartoraksaringmatsuk.

17 Innugiartoksuille tunnergutunik tunnijivut pôktôjune, Gudemut Nalekamingnuvalloak.

18 Unipkautsille assingit Manasse pivlugo, tuksiarninga Gudiminut, tækkojullo Nalekab Israelib Gudingata attingane okautjingita okalâuningit, ahâk, tamakkoa Israelib attanningita pijokarningita akkornganêput.

19 Tuksiarningillo, kannorlo tussartauninga, ajorningillo, idluitulliningillo, innillo sennavigilauktangit pôktôjunik, nappartuniglo Gudingoalingnik, Gudingoaniglo, manigotitikârtinago, ahâk, tamakkoa aglaksimavut tækkojut unipkausingine.

20 Manasselo sinnisilerpok atâtagijaminut ailune, illijartorpâllo iglungane. Erningalo Amon attanningorpok innangêrdlugo.

21 Amon Jahrekalaupok 22 ginik attanningorame, attannuotilunelo Jahrik magguk nâlugik Jerusaleme.

22 Pinniarporlo Nalekab idluigijangiunik sorlo atâtanga Manasse pinniarlaungmat. Amonelo tunnergutunuk tunijilaukpok Gudingoanut illunainut atâtame sennalauktanginut, kivgartorlaitalo.

23 Manigotitilaungilarlo Nalekab sângane, Manassetut atâtangatatut; tamna Amon idluitullingmat unnuktunik.

24 Kivgangillo angerkattigêngnekartitsivut akkerartorlugo, tokkopâllo iglungane.

25 Tagva innugiartoksuit nuname ullimârpait illunaita angerkattigêngnekartitsilauktut, attannek Amon akkerartorlugo. Nunablo innugiartoksoangita Josia erninga attanningortipât innangêrdlugo.

KAPITEL XXXIV.

Josiab attanniotinunga idluartok.

JOSIA Jahrekalaupok sittamaujortunik attanningorame, attannuotilunelo Jahrit 31 git nâlugit Jerusaleme.

2 Pinniarporlo Nalekab namagijanginik, agvertarlunelo atâtagijame Davidib apkosiningine, sangunanelo tallerpingmullo-nêt, saumingmullonêt.

3 Attannionime Jahringita 8 ingane nukapiangôvlune sulle pigiarpok atâtagijame Davidib Gudinga kennerlugo, Jahring-

italo 12 ingane, pigiarpok Juda Jerusalemelo pêjaivigilugit pôktôjunik, nappartuniglo Gudingoalingnik, Gudingoaniglo, ad-singoaniglo kovimajunik;

4 Najutitillugolo Baalit Altaringit asserorpait, adsingoallo kollanêtot nakkarpait, nappartullo Gudioaggit, Gudiooallo, adsingoallo serkomipait, sanningortilaitalo, kângasorpaillo taipkoa, tunnergutinik tunnijilauktut tapkonunga, illuvigita kânginut.

5 Ikkipaillo ajochertuijut sauningit Altarit kângine, êpke-jarpaillo Juda, Jerusalemelo;

6 Manassekullo, Efraimekullo, Simeonekullo, Naftalikullo tikkilugit iglugaseksoangine, iglungita illungit nautertorpait, avatânê illunane.

7 Altarillo nappartullo Gudioaggit, asserorêramigit, Gudiooallo serkalinagamigit, adsingoallo illunaita Israelitit nunganêlauktut nakkarsimagamigit, utterpok Jerusalemut.

8 Attannionime Jahringita 18 ingane, nuna iglolo êpkejarêramigit, tillivait Safan, Azaljab erninga Maesejalo iglugaseksuit angajokangat, Joalo Joahasib erninga, aglakpaktut angajokangat, Nalekab Gudingata iglunga âkigasuarlugo.

9 Tikkipullo ajochertuijersoarmut Hilkiambut. Tunnitsivi-ôvullo kênaujanik, Gudib iglunganut âtaumajunik, Levitit upkoanik udsertortut kattorsorlauktanginik Manassekunit, Efraimekunillo, Israelitillo amiakunginit illunainit, Judakunillo illunainit, Benjaminekunillo, tapkonangallo Jerusaleme iglokar-tunit.

10 Tunnivaillo sennajut, aulatsikojaujut sullijaksanik Nalekab iglungane, agganginut. Tapkoalo tunnivait tapkonunga, sennajunut Nalekab iglungane, sujuksimanekarvingine, iglo satortautilugo âkiksorlugolo pikovlugit.

11 Tapkoa tunnivait igloliortunut, sennajunullo, ujarkat ullimârsimajut, kejuillo ikâksat pissiarilugit, ikaksallo iglunut Judakut attanningita asserorlauktanginut.

12 Angutillo sennavut pinniaraksame tamattomane nertornarlutik. Angajokakartitaulaupullo Jahatemik, Obadjamiglo, Leviteôjungnik, Merarib erninginit, Sacharjamik Mesullamemiglo Kahatib erninginit, pinniarnek tamanna aulalugo. Levitillo tapkoa illunatik sungiusimalaukput nokakseraggit attorlugit;

13 Angajokaulaurivuttauk akjarsijunut, aulatsijolutiglo sennajunik tamainik, sullijaksat nellianik; Levitinillo illangit aglakpaktôlaukput, aulatsijôlutiglo, udsertorteôlutiglo upkoaksoarnik.

14 Kênaujallo Nalekab iglunganut âtaumalauktut tigungmagit tagvangat, ajochertuijub Hilkiab Nalekab aglakotingit perkojaktaggit, Mosesekut tunnijaumajut, nachvarpait.

15 Hilkialo kiovok okarlunelo Safanemut aglakpaktomut;

Aglait perkojaktaggit nachvarpakka Nalekab iglungane. Hilkiablo aglait tunnivait Safanemut.

16 Safaniblo aglait âpait attannermut, unipkautilâlo attannek, okarlunelo: Tamaita sennajaukojaujut kivgakotingnut, sennavait.

17 Kênaujallo nachvartaujut Nalekab iglungane navilaukpaît, tunnilauklugillo sennakojijut aulatsijullo pinniaraksanik agganginut.

18 Safaniblo aglakpaktub attannek nellojungnaitipa okarlunelo: Hilkiab ajochertuijub aglangnik tunnitsivigilaukpânga. Safanelo attuarsivok tapkonane attanniub sângane.

19 Attanniublo perkojat okausertangit tussaramigit anno-rane allikpait.

20 Attanniublo Hilkia, Ahikamelo Safanib erninga, Abdonelo, Michab erninga, Safanelo aglakpaktok, Asajalo attanniub kivganga, perkovait okarlunelo:

21 Nalegak apperiantorsiuk pivlunga, Israelitillo amiakungit pivlugit, Judakullo pivlugit, aglait nachvartaumajut pitjutigællugit; Nalekab ningarninga kovijaumajok uvaptingnut angijovaksôngmat, atâtagijapta Nalekab okausingit mallilaungimagit, pinniartaililitik sorlo aglaksimangmat aglangne tapkonane.

22 Tagya Hilkia tapkoa illagilugit, attanniub tillilauktangit, aivok nellautaijomut arnamut Huldamut, Sallumib, Takehatib erningata, Hasrab, udsertortub ænnorânik erningata nulliang-anut, iglokartomut Jerusaleme abvakungita aipangine, okarvi-givâllo tamattominga.

23 Tapsomalo okautivait: Imâk Nalegak Israelib Gudinga okarpok: Angut tillijise uvamnnt, okautisiuk:

24 Imâk Nalegak okarpok: Ahâk kannoêtomik kaisijomavunga iglugaseksoarnut makkonunga, innunginullo, ominautinik tamainik, aglaksimajunik aglangne Judakut attanningata sângane attuartaulauktune;

25 Tamanna pivlugo, kemmalaungmanga, Gudiblo assingit isserluanititsivigilaungmattigik, ningaksarlunga aggangita pinniarninginut sunatuinarnut. Ningarneralo navijaujuksauvok iglugaseksoarnut makkonunga, kamitauniangilarlo.

26 Judakullo attanninganut tillijipsingnut Nalegak apperilugo, okartuksauvose: Imâk Nalegak Israelib Gudinga okarpok, okautsit tussarlauktatit pivlugit:

27 Tamanna pivlugo omattit auksititaumangmat, manigotitilauravillo Gudib sângane, okausingit tussarlaurangne, igluga-seksuit makkoa pivlugit, innungillo pitjutigællugit, manigotitilauravillo sâmnne annorakotitit allilaurangne, kugviolauravillo sâmnne, tagya uvanga tussarlaurivagittauk, Nalegak okarpok.

28 Ahâk illaliutitsomavagit atâtagilauktarnut, ullapirsautekarlutillo illautitaujuksauvotit illuvingnut, ijilpillo kannoêtut

tamaita tikkerkojomârtakka iglugaseksoarnut makkonunga in-
nunginullo tækkojaksaringilait. Tapkoalo tamakkoa okautigi-
vait attannermut.

29 Tagva attannek tilliklerpok kattikovaillo Judakut Jeru-
salemiullo angajuklingit illunaita.

30 Attannerlo majorarpok takpaunga Nalekab iglunganut,
Judakullo angutingit Jerusalemiullo illunatik, ajochertuijut Le-
vitillo, innugiartoksuillo illunatik, mikkijut angijullo; tapsomalo
attuarpait siutingita sângine, aglait angerkattigêngniggit nach-
vartaumajut Nalekab iglungane okausertangit tamaita.

31 Attannerlo nangerpok innimine, angerkattigêngnekartit-
sivorlo Nalekab sângane, Nalegak malliklugo agvertaromaga-
mik, perkojangillo, illusiokojangillo, idluarijangillo malligomav-
lugit omamut tamânut, tarnemullo tamânut, angernerub okau-
sertangit aglaksimajut aglangne tapkonane tamaita malliklugit
pinniaromagamik.

32 Illangutikovaillo (angerkattigêngnermik) Jerusalemiut
illunaita, Benjaminekunillo najutijut, Jerusalemiullo pinniarput
Gudib atâtagijamik Gudingata angerninga malliklugo.

33 Josiablo makkojungnartut tamaita pëjarpait nunanit Is-
raelib kittornganginut illingajunit; illunaitalo Israeleme naipi-
taumajut kiygartortipait Nalekamik Gudigijamingnik. Josia in-
notillugo nûlungilet Nalekamit atâtagijamik Gudinganit.

KAPITEL XXXV.

Josiab attorninga Passamik, tokkotauningalo unatadlurnerne.

JOSIALO Passamik attorpok Jerusaleme Nalegak pivlugo, tok-
kotsivullo Passamik takkib sivurliub uvlungita 14 ingane.

2 Ajochertuijullo pitipait sullijaksanginut, kajungersarpaillo
pinniarninginut Nalekab iglungane.

3 Okarporlo Levitinut, Israelitinik illunainik ajochertuiju-
nut, Nalekamullo ivsornaititaumajunut: Iklervik ittertisiuk ig-
lomut Salomob Davidib erningata Israelitit attanningata iglo-
liorlauktanganut. Erksugaksaringilasse. Tagva manna Nale-
gak Gudise innukotingillo Israelitit kiygartorsigik.

4 Opalungaijaritselo illipsingnik atâtagijapse iglungita ing-
migolinganingit malliklugit, sorlo Davidemut Israelitit attan-
ninganut, erninganullo Salomomut aglaksimangmat;

5 Nangerluselo ivsornaitovingme, atâtagijapse iglungita ing-
migolinganingit malliklugit, kattangutipse innugiartoksuit er-
ningita akkorngane, Levitillo atâtagijamik iglungita ingmigo-
linganingit malliklugit.

6 Tokkotsiluselo Passamik, ivsornaitiluselo, kattangutiselo

opalungaijarsigik, pinniarkovlugit Nalekab okausingit Mosesekut malliklugit.

7 Josialo innugiartoksoarnut tunnijivok saugârsungnik tuktungajoarkaniglo (tamainik Passamut illingajuksanik illunainut najutijunut) unnurningit 30000 diolaukput, tuktuvângniglo 3000 dinik; illunatiglo attanniub perkutinginit.

8 Angajokakotingille tunnijivut pijarallutik innugiartoksoarnut, ajochertuijunullo, Levitinullo, (tagva Hilka, Sacharjalo, Jehielelo angajokaunerôjut Gudib iglungane ajochertuijut akkorngane,) Passamut 2600 dinik saukanik, tuktungajoarkaniglo, tuktuvângniglo 300 dinik.

9 Kananjale, Semajalo, Nethaneelelo, kattangutingillo Hasabja Jejel, Josabadelo, angajokaunerôjut Levitinut, tunnijivut Levitinut Passab tunnergutiksanginut 5000 dinik saugârsungnik tuktungajoarkaniglo, tuktuvângniglo 500 dinik.

10 Taimaglo kivgartornek Gudemik akiksortaumalaukpok; ajochertuijullo nangerput innimingne, Levitillo ingmigolinganit malliklugit, attanniub perkojanga malliklugo.

11 Passamiglo tokkotsivut, ajochertuijullo tapkoa agganginit auk serkerartipât, Levitillo aktoripait.

12 Apterpaillo tunnergutiksât ôtaksat, tunnillugit atâtat iglungita abvakunginut, tunnergutautilugit Nalekamut, sorlo aglaksimangmat Mosesib aglangine. Taimailorlaukpaittauk tuktuvait.

13 Passalo ikkoalavât ikkomamut sorlo pijuksaungmat, ivsornaititaumajulle igavait ukkusingne kattanelo kallutanelo; tuavitomiglo âpait innugiartoksoarnut.

14 Kingornganelo âkiksoivuttauk nangminermingnut, ajochertuijunullo. Ajochertuijut Aronib erningita tunnergutit ôtaksat, orksuglo sulliarivait unnuak tikkidluglo. Tamanna pivlugo Levitit attuinaruteriakalaukput nangminermingnut ajochertuijunullo Aronib erninginut.

15 Imgerpaktullo Assafib erningit nangerput innimingne Davidib attanniub Assafiblo, Hemaniblo, Jedituniblo tækkojub perkojangat malliklugo, upkoaniglo udsertortut upkoaksoarne (nangerput) nûlungilello sullijaksamingnit, kattangutingit Levitit attuinaruteriingmatta pivlugit.

16 Taimak kivgartornek Gudemik Nalekamik âkiksorsimalaukpok uvlorme taipsomane, Passa attorluglo, tunnergutillo ôtaksat tunnillugit Nalekab Altaringata kângane, attanniub Josiab perkojanga malliklugo.

17 Taimak Israelib kittorngangita, najutijut, Passa attorpât, uvloksiorvik kakkojanik sêrnakangitunik nelliutome taipsomane, uvlut 7 it nâlugit.

18 Tapsotunarle Passamik attortokalaungilak Israeleme, Samuelib nellautaijub nelliuninganit, Israelitillo attanningit

illunatik Passamik attorlaungilet taimaitomik Josiab, ajocher-tuijullo, Levitillo, Judamiullo illunatik Israelitinillo najutijut, Jerusalemiullo attorlauktangititut.

19 Josiab attanniovingata Jahringita 18ingane Passa tamanna attortaulaukpok.

20 Tamakkoa Josiab sattortautitsiningata iglomik kingorngane, Necho Egiptenemiut attanningat takpaungarpok, Karchemis Fratemetut sorsugomavlugit. Josialo aularpok pâromavlugo.

21 Taipsomale tillijanik tilliklervigiva okautsaukolâlo: Suniarpigit Judakut attanninga? Opalugvigingilagit manna innugiartoksuille taipkoa unatadlartakka; Gudelo okarpok tuavituk-saugama. Gude aiparijiga akkerartorungnairuk, asseroikonago illingnik.

22 Josiable kênane sangulungila tapsomangat, anorâminiglo pissertorpok sorsukattigijomavlugo, Nechublo okausingit, Gudib kaninganit nalengilait; tikkiporlo Megiddob naternanganut sorsukattigijomavlugo.

23 Pittiksertulle attannek Josia pittikpât; attanniublo kivgane okautivait: Nûtisinga, angijomik ikkilersimagama.

24 Kivgangitalo niotipât kamutingnit ikkitilâlo kamutekotingita aipanganut, âpâllo Jerusalem; tokkovorlo illijartortaulunelo atâtagijame illuvingita akkorngane. Judakullo illunamassiatik Jerusalemiullo Josia oggurivât.

25 Jeremiablo Josia ârusutigiva; imgerpaktullo illunatik angutit arnallo ogguarsiutitik okâlatigivait Josia pivlugo, uvlok tamanna tikkilugo, illusiotitaulaukporlo Israeleme. Ahâk aglaksimavok ingerutine ogguarsiutine.

26 Unipkautsille assingit Josia pivlugo, pinniarningillo idluartut, Nalekab aglangit perkojaktaggit malliklugit pijut,

27 Pijokalauktangillo, sivurlit kingurlillo, ahâk, tamakkoa aglaksimavut Israelitit, Judakullo attanningita aglangine.

KAPITEL XXXVI.

Josiab malliktingit sittamat; Judakut aularititauningat Babelemut. Utterkojauningat Koresemut.

NUNABLO innugiartoksoangita Josiab erninga Joahas tiguvât, attanningortilâllo atâtanga innangêrlugo.

2 Joahase Jahrekalaukpok 23 ginik attanningorame, attan-
niotilunelo Jerusaleme takkit pingasut nâlugit.

3 Egiptenemiullo attanningata attanniojungnaitipa Jerusaleme, nunalo akkilêkova Talentinik Silberinik 100 dinik, Talentemiglo attautsemik Goldemik.

4 Egiptenemiullo attanningata Eliakime kattanguta attanningortipa Judakunut Jerusalemiunullo, attingalo ablatsangortipa Jojakimemut. Nechoble kattanguta Joahase tiguva tikkiutilâlo Egiptenemut.

5 Jojakime Jahrekalaupok 25 ginik attanningorame, attan-
niotilunelo Jahrit 11 it nâlugit Jerusaleme, pinniarporlo Nalekab Gudime idluigijanginik.

6 Nebukadnezarelo Babelemiut attanningat takpaungardlune opalukpa, kellaksorlâlo kellaumgujanut, aularutijomavlugo Babelemut.

7 Nalekab iglungata illulerkutingita illangit Nebukadnezarib Babelemiut attanningata tikkiutipaittäuk Babelemut, pitilaitalo Tempeleketominut Babelemetomut.

8 Unipkausit assingit Jojakime pivlugo, makkojungnartulliningillo, nachvartaulertut tapsomane, ahâk, tamakkoa aglaksimavut Israelitit Judakullo attanningita aglangine. Erningalo Jojachin attanningorpok innangêrdlugo.

9 Jojachin Jahrekalaupok 18 nik attanningorame, attan-
niotilunelo takkit pingasut, uvlullo tellimaujortut nâlugit Jerusaleme, pinniarporlo Nalekab idluigijanginik.

10 Jahrelo kângeremat, Nebukadnezar tilliklerpok aijaukolâlo Babelemut, illulerkutit pivianartut Nalekab iglunganêtut illagilugit, Zedekialo kattanguta attanningortipa Judakunut Jerusalemiunullo.

11 Zedekialo Jahrekalaupok 21 nik attanningorame, attan-
niotilunelo Jahrit 11 it nâlugit Jerusaleme.

12 Pinniarporlo Nalekab Gudime idluigijanginik, manigotitilungilarlo nellautaijub Jeremiab okâlalauktub Nalekab kanninganit sângane.

13 Nalegunnaipâlo Nebukadnezar Babelemiut attanningat, angermaringnermik Gudime tigusilauktok tapsomangat, tappa-tôsilunelo, omattinelo mangaitipa, sâlerkonago Nalekamut Israelib Gudinganut.

14 Ajochertuijut angajokaunerojungit illunatiktauk innugiartoksuit illagilugit idluinekartitsivut unnuktunik, nellojut makkojungnartulliningit sunatuinait malliklugit, ivsornartipâllo Nalekab iglunga, ivsornaitilauktanga Jerusaleme.

15 Nalegarlo atâtagijangita Gudingat tilliklerpok tapkoununga, tillijamigut uvlamit. Innukotine iglunelo ivlerigamigit.

16 Tapkoale Gudib tillijangit mittautigivait nachogilaitalo okausingit, ijevavaillo nellautaijokotingit, Nalekab kanningajarninga innukotine pivlugit angijororkârtinago, innulijaujungnarungnaimatta.

17 Tagva tikkitaukovait Kaldæerit attanninganut, tapsoma angutingit innuosuktut tokkopait iglome ivsornaitovingane, iv-

lerilaungilaillo innuosuktut angutillonêt uigârsuillonêt innutokaujullonêt kêrtojullonêt; Gudib illunaita tunnivait tapsoma agganginut.

18 Illulerkutillo Gudib iglunganêtut mikkijut angijullo, perkutillo Nalekab iglunganêtut, attanniublo angajokâkotingitalo perkutingit pivianartut, âtaukovait Babelemut.

19 Gudiblo iglunga ikkipât, Jerusalemiblo avalungita karmangit serkomipait, igloksoakotingillo illunaita ikkipait, perkutingillo pivianartut illunaita asserorpait.

20 Aularutivaillo Babelemut saviksoarmit amiakolauktut, tagvanelo kivgaulaukput tapsomunga erninginullo, Persiamiut attanniovingat attanniotilerkârtinago.

21 Nellautsilerkovlugit Nalekab okausingit Jeremiab kanningagut, nunab Sabbatingit namaksilerkârtinagit. Nelliutok tamna illunât nuna asserorsimatillugo Sabbateôlaungmat, Jahrit 70 it nâlerkârtinagit.

22 Koresible Persiamiut attanningata Jahringita sivurlingane, nellautsilerkovlugit Nalekab okausingit, okauserilauktangit Jeremiab kanningagut, Nalekab Koresib Persiamiut attanningata annerninga tuppaksarpa, akpautigijaukojikovlugo attanniovingmine illunane, aglaktigullotauk, okarkojilunelo:

23 Imâk Korese Persiamiut attanningat okarpok: Nalekab killaub Gudingata tunnitsivigilaukpânga attanniovingnik tamainik nunane, perkolaukpângalo iglomik igloliorlugo Jerusaleme Judame. Kina manna akkonapsingne tapsoma innukotinginut illingajok, tamna Nalekab Gudingata aipariliuk, takpaungarlunelo.

ESRAB AGLANGIT.



KAPITEL I.

Koresib Persiamiut attanningata perkojininga Judit kippalutjarsimavlutik utterungnarmatta, Tempeliorungnarmattalo.

KORESIB Persiamiut attanningata Jahringita sivurlingane, nellautsilerkovlugit Nalekab okausingit, okauserilauktangit Jere-

miab kanningagut, Nalekab Koresib Persiamiut attanningata annerninga tuppaksarpa, akpautigijaukojikovlugo attanniovingmine illunane, aglaktigullotauk, okarkojilunelo:

2 Imâk Korese Persiamiut attanningat okarpok: Nalekab killaub Gudingata tunnitsivigilaukpânga attanniovingnik tamainik nunane, perkolaukpângalo, iglomik igluliorlugo Jerusaleme Judame.

3 Kina mana akkunapsingne tapsoma innukotinginut illingajok, tamna Nalekab Gudingata aipariliuk, takpaungarlunelo Jerusalemut Judamêtomut, igluliorlunelo Nalekab Israelib Gudingata iglunganik. Gudeôvok tamna Jerusaleme tok.

4 Amiakojoorlo sulle innine tamaine tujormiangovingine, tamna inningata innungita ikajorlitsuk, Silberemut, Goldemullo, perkutinullo, nergjutinullo, tunnergutit kunnutuinnermut tunni-jaulertut Gudib iglunganut Jerusaleme tok, tappilugit.

5 Tagva angajokaunerôjut atâtanit Judakunit, Benjaminekunillo, ajochertuijullo, Levitillo, illunatik annernermigut tuppaksartaujut Gudemut, parngnailerput takpaungaromavlutik, igluliorlugolo Nalekab igluksanga Jerusaleme.

6 Illunatiglo avatinginêmut ikajorpait, illulerkutinut Silbereôjunut, Goldeôjunullo, perkutinullo, nergjutinullo, pivianartunullo, tunnergutingit pijarêllutik tappilugit.

7 Attanniublo Koresib Nalekab iglungata illulerkutingit annipait Nebukadnezarib tigulauktangit Jerusalemit, Gudimelo iglunganut pitilauktangit.

8 Koresible Persiamiut attanningata annipait Mitredatekut pimaklerteôjokut perkutinik, kittitautipaillo Sesbazaremudakut angajokanganut.

9 Tamadsa unnurningit: Pogutat Goldeôjut 30 git, pogutallo Silbereôjut 1000 dit, sâvillo 20 git.

10 Ermgusiarsuillo 30 git, ermgusiarsuillo assingit Silbereôjut 410 ôlaukput.

11 Illulerkutit illunatik Goldeôjut, Silbereôjullo 5400 diôlaukput. Sesbazarib tapkoa illunaita takpaungautipait tapkoa illagallugit parngnanairsimavingmit Babelemit takpaungartut Jerusalemut.

KAPITEL II.

Judit uttertut Babelemit unnurningit, attingillo; tunnergutingillo Tempeleliornermut.

TAMADSA nunab (Judab) kittorngangit, takpaungartut parngnanairsimavingmit, Nebukadnezarib Babelemiut attanningata

tikkiutilauktangit Babelemut, uttertullo Jerusalemut Judamullo attunît iglugaseksoarnut iglokarvigilauktamingnut.

2 Tikkipullo Serubabel, Jesualo, Nehemialo, Serajalo, Reel-jalo, Mardochoailo, Bilsanelo, Misparelo, Bigevaillo, Rehumelo, Baenalo illagilugit. Tamadsa manna Israelib innugiartoksoangita angutingita unnurningit:

3 Pareosib kittorngangit, 2172 git.

4 Sefatjab kittorngangit, 372 git.

5 Arab kittorngangit, 775 git.

6 Pahat Moabib kittorngangit Jesuab Joabiblo kittorngangita akkorngane, 2812 it.

7 Elamib kittorngangit, 1254 git.

8 Sathub kittorngangit, 945 git.

9 Sakaib kittorngangit, 760 git.

10 Banib kittorngangit, 642 git.

11 Bebaib kittorngangit, 623 git.

12 Asgadib kittorngangit, 1222 git.

13 Adonikamib kittorngangit, 666 git.

14 Bigevaib kittorngangit, 2056 git.

15 Adinib kittorngangit, 454 git.

16 Aterib kittorngangit Hiskiab kinguvânginit, 98 git.

17 Bezaib kittorngangit, 323 git.

18 Jorab kittorngangit, 112 it.

19 Hasumib kittorngangit, 223 git.

20 Gibbarib kittorngangit, 95 git.

21 Bethlehemib kittorngangit, 123 git.

22 Netofamiut, 56 git.

23 Anatotemiut, 128 git

24 Asmavetib kittorngangit, 42 git.

25 Kiriatarimib Kafirablo Beerotiblo kittorngangit 743 git.

26 Ramab Gabablo kittorngangit 621 git.

27 Michmasemiut 122 git.

28 Bethelmiut, Aimiullo 223 git.

29 Nebob kittorngangit, 52 git.

30 Magbisemiut, 156 git,

31 Elamib aipangata kittorngangit 1254 git.

32 Harimib kittorngangit, 320 git.

33 Lodib, Hadidiblo, Onoblo kittorngangit, 725 git.

34 Jerehob kittorngangit, 345 git.

35 Senaab kittorngangit, 3630 git.

36 Ajochertuijut: Jejadab kittorngangit Jesuakunit, 973 git.

37 Immerib kittorngangit, 1052 git.

38 Pashurib kittorngangit, 1247 git.

39 Harimib kittorngangit, 1017 it.

40 Levitit: Jesuab Kadmieliblo kittorngangit, Hodavab kittornganginit pijut 74 git.

41 Imgerpaktut: Asafib kittorngangit 128 git.

42 Udsertortut upkoanik kittorngangit: Sallumib kittorngangit, Aterib kittorngangit, Thalmonib kittorngangit, Akubib kittorngangit, Hatitab kittorngangit, Sobaiblo kittorngangit illunatik kattilugit, 139 git.

43 Nethinimit: Zihab kittorngangit, Hasufab kittorngangit, Tabaotib kittorngangit,

44 Kerosib kittorngangit, Siehab kittorngangit, Padonib kittorngangit,

45 Lebanab kittorngangit, Hagabab kittorngangit, Akub kittorngangit,

46 Hagab kittorngangit, Samlaib kittorngangit, Hananib kittorngangit,

47 Giddelib kittorngangit, Gaharib kittorngangit,, Reajab kittorngangit,

48 Rezimib kittorngangit, Nekodab kittorngangit, Gasamib kittorngangit,

49 Usab kittorngangit, Passeab kittorngangit, Bassaib kittorngangit,

50 Asnab kittorngangit, Meunimib kittorngangit, Nefusimib kittorngangit,

51 Bakbukib kittorngangit, Hakufab kittorngangit, Harhurib kittorngangit,

52 Batzelutib kittorngangit, Mehidab kittorngangit, Harsab kittorngangit,

53 Barkomib kittorngangit, Sisserab kittorngangit, Thamab kittorngangit,

54 Neziab kittorngangit, Natifab kittorngangit.

55 Salomob kivgangita kittorngangit: Sotaib kittorngangit, Soferetib kittorngangit, Prudab kittorngangit,

56 Jaelab kittorngangit, Darkonib kittorngangit, Giddelib kittorngangit,

57 Sefatajab kittorngangit, Hattilib kittorngangit, Pocheretib Zebaimiub kittorngangit, Amib kittorngangit.

58 Nethinimit illunatik Salomoblo kivgangita kittorngangit kattilugit 392 giôlaukput.

59 Tapkoalo takpaungarkattaugivut: Mithel, Mela, Thel, Harsa, Kerube, Addon, Immerelo; atâtagijamigle kinguvângit siyurlitiglo nellonailijungnarlungilait, Israelemit pingmangata.

60 Delajab kittorngangit, Tobiab kittorngangit, Nekodab kittorngangit, 652 git.

61 Ajochertuijullo kittornganginit: Habajab kittorngangit, Hakoziab kittorngangit, Barsilaib kittorngangit, Barsilaib Gileademiuab panninginit nullianilauktub, taipotunarlo atserartaulauktub.

62 Tapkoa siyurlimik abvakungita nippisiorutingit kenner-

pait, nachvarlungilaillo; tamanna pivlugo ajochertuijoêroti-lerput.

63 Hathirsatablo okautivait nerrijuksaungimatta ivsornainer-pangôjomit, ajochertuijokarkârtinago kaumaniutiksali-jartomik idluarsaijutiksali-jartomiglo.

64 Illagêt illunatik kattilugit 42360 giôvut.

65 Kivgangit angutit, arnallo kittinagit, tapkoa 7337 ôlaukput. Imgerpaktokalaukputlo angutinik arnaniglo 200 dinik.

66 Horsekotingit 736 giôlaukput, Horseojartokotingillo 245 giôlaukput.

67 Kameelekotingit 435 giôlaukput; siutekoktôjokotingillo 6720 giôlaukput.

68 Atâtallo angajokaunerôjut illangit, tikkinamik Nalekab iglunganut Jerusalemut, kunnutuilitik tunnijivut aitusiamik Gudib iglunganut, igluliortaumikovlugo innigilauktanganut;

69 Tunijivullo ajugaringitamangnik sullijaksab akkiliutiksanganut kênaujanik Goldeôjunik Darikenik attelingnik 61000 dinik, Silberemiglo paundinik 5000 dinik, ullingniglo ajochertuijunut 100 dinik.

70 Taimak ajochertuijut Levitillo innugiartoksuillo illangita, imgerpaktullo, upkoaniglo udsertortut, Nethinimillo iglugaseksoakotitik innuigilerpait, Israelitillo illunatik iglugaseksoakotitik.

KAPITEL III.

*Altariĥ sennaĵauninga. Uvloksiorviub iglokarnermik akkerkun-
nik millukattalingnik attortauninga. Tempeliĥ tungaviata
illiĵauninga.*

TAKKILLO 7 ingat nelliutilermat, Israeliblo kittorngangit mana iglugaseksoakotimingnêmatta, tagva innugiartoksuit kattimalerput Jerusaleme angutitut attautsetut sorlo.

2 Jesualo Jozadakib erninga, kattangutingillo ajochertuijut, Serubabelelo, Sealthib erninga kattangutingillo parngnailerput, sennalutiglo Israelib Gudingata Altaringanik, tunnergutinik ôtaksanik tunijilune kângane, sorlo aglaksimangmat Mosesib Gudib angutekotingata perkojangine.

3 Sennavâllo Altare innigilauktangane, (koaksarnermut tik-kitaumagamik innukattigêksuit nunane pivlugit;) tunnijilutiglo kângane Nalekamut tunnergutinik ôtaksanik, uvlâne unnunelo.

4 Uvloksiorlutiglo uvloksiorvingmik iglokarnermik akkerkun-nik millukattalingnik, sorlo aglaksimangmat; tunnijilutiglo tunnergutinik ôtaksanik uvlut tamaita unnurningit, sorlo pijuk-saungmatta, uvlut attunît tunnergutinginik,

5 Kingurnganelotauk tunninivait tunnergutit ôtaksat pitsai-nartuksat takkêlanelo, Nalekablo uvloksiorvingine tamaine, iv-sornaititaumajune, tunnergutillo pijarijut, tunnijangit pijarêllu-tik Nalekamut.

6 Takkit 7 ingata uvlungita sivurlingane pigiarput tunner-gutit ôtaksat tunnilugit Nalekamut. Nalekable Tempelingata tungavia illijaulaungilak sulle.

7 Tunnijivulle kênaujanik ujaralerijunut, igluliortunullo, nerkiksaniglo, immiksaniglo, orksumiglo Zidonemiunut, Tiruse-miunullo kejungnik Cedereôjunik âtsikovlugit Libanonemit im-marbikut Jafomut, Koresib Persiamiut attaningata perkojanga tapkonunga malliklugo.

8 Tikkiningatalo Nalekab iglunganut Jerusalem, Jahring-ita aipangata takkingita aipangane, Serubabel Sealthielib er-ninga Jesualo, Jozadakib erninga, assingillo kattangutingit, ajochertuijut Levitillo, illunatiglo parngnairsimavingmit tikki-simajut Jerusalem, pigiarput, pitilaitalo Levitit Jahrekartut 20 ginik unnurnersaniglo, aulatsilerkovlugit sullijaksanik Nale-kab iglungane.

9 Jesualo erningillo, kattangutinelo illagilugit, Kadmielelo erningillo, Judablo kittorngangit nangerput angutetut attautset-tut, sennajut Gudib iglungane aulujitilugit, taimaktauk Henadadib kittorngangit, kittorngatik, kattangutitiglo, Levitit illagi-lugit.

10 Iglomiglo sennajut tungavingmik illijitilugit Nalekab Tempelekôtinganut, ajochertuijut nangerput tagvane annora-simavlutik (ajochertuisiutinik) Trompetelijarlutik, Levitillo Assa-fib kittorngangit, Cimbelijarlutik Nalegak nertorlugo, Israelib attanningata Davidib illusiokojanga malliklugo.

11 Imgerpullo Nalegak nertorlugo kujagilugolo, pitsiarmat, napkoarningalo sorainiangmat Israelemut. Innugiartoksuillo illunatik nipliadlarput Nalegak nertorlugo Nalekab iglungata tungavia illijaumangmat.

12 Ajochertuijulle innutokaujut unnuktut, Levitillo atâtallo angajokaunerôjut, iglub sivorlinganik tækkolauktut, iglolo tam-na manna ijingita sângane tunganilititaumangmat, kêavaksoa-dlarput; unnuktulle nipliadlarput kувiasumut.

13 Innugiartoksuillo nipliadlarnek kувiasumut illitarijung-narlaungilât, kêavaksub innugiartoksuit akkornganêtub nippe-vaksoanganit, innugiartoksuit kaggudlarmatta, nippersoanga tussaksaumangmat kanningitomut.

KAPITEL IV.

Tempelib sennajauningata agviartauninga.

JUDAKULLE Benjaminekullo akkerartortingit tussaramik, parngnanairsortaumalauktut kítottorngangit Tempeleliormatta Nalekamut Israelib Gudinganut;

2 Tikkiput Serubabelemut atâtanullo angajokaunerôjunut, okautivaillo: Igluliorfattigijomavapse, Gudise kenneraptigo, illipsetut; tapsomungalo tunnergutinik tunnijivogut, Asser-Haddonib Assiriarmiut attanningata, tamaungartitipta nelliuninganit.

3 Serubabelible, Jesuablo, atâtallo angajokaunerôjut Israelit akkorngane, kiovait: Namatsengilak igluliorfattigilugo Nalegapta iglunga, uvagutôlutale iglulioromavogut Nalekamut Israelib Gudinganut, sorlo Koresib Persiarmiut attanningata perkolaungmattigit.

4 Tagva nunab innungita innugiartoksuit Judakut aggangit katsungatinasuarpait, koaksartilugillo igluliorfittilugit.

5 Kaikojivullo attannertuijunik, kajusimaninginiglo agviarput Kores Persiarmiut attanningat innottillugo, Dariusb Persiarmiut attanningata attanniotininga tikkilugo.

6 Ahasverosible attanniotiningane, attanniotiningata pigiarningane, passiklerutiksani aglakput Judamiut, Jerusalemiullo pivlugit.

7 Artasastablo nelliuningane, Bislame, Mitredatelo, Tabeelo assingillo illangit aglakput Artasastamut Persiarmiut attanninganut. Aglait tapkoa aglangit aglaksimalaukput Siriarmiut okausingit attorlugit, illijaulutiglo Siriarmiut okausinginut.

8 Rehumib attanniotitub, Simsaiblo aglakpaktub aglait tapkoa aglakpait Jerusalemiut akkerartorlugit, Artasastamut attannermut:

9 Uvagut: Rehume, angajokaujunga, Simsailo aglakpaktok, illangitalo assingit, attannertuijut Dinamiut, Afarsachemiullo, Tatplatemiullo, Persiemiullo, Arachemiullo, Babelemiullo, Susanemiullo, Dehemiullo, Elamemiullo.

10 Innugiartoksuillo assingit Asnafarib angijub, okausiovak-tublo tamaungartilauktangit, pitilauktangillo Samariab igluga-seksoanginut, assinginullo kôksub miksânêtnut, Kanaanemêtnullo.

11 Tamadsalo aglait tapkoa tillikliutilauktangita attannermut Artasastamut tukkingit: Kivgakotitit, angutit kôksub miksânêtnut Kanaanemêtnullo:

12 Attannek nellojungnaititaule, Judit, illingnit takpaung-

arsimajut uvaptingnut Jerusalemut, iglugaseksuit pikkablâjok-sôjut idluitullo, iglugaselliormagit, avaluksoangillo (karmangit) sennangmagit, tungavingillo sattortautimagit.

13 Taimak manna attannek nellojungnaititaule, iglugaseksuit taipkoa iglugaseliortaupatta, avaluksoangillo sattortautitaupatta, tagva Schossemik, Zollemiglo, akkiliaksaniglo Jahrine tamaine tunnijiniangilat, kajusimaningallo, attanniub aksartaütiksanganut illinganiarpok.

14 Uvagulle manna illunata najûtimagapta Tempelemik asseroilauktogut, attanniub nachogijauninga akkunênersamik tækonâromalaungilavut, tamanna pivlugo tilliklerpogut nellonaijarlugolo tamanna attannermut,

15 Atâtagijavit pijokalaungningita aglangine kennertokarkovlugo, tagva nachvarniarpotit pijokalauktut aglangine tapkonane, tukkisiniarlutillo, iglugaseksuit taipkoa pikkablâjoksôngmatta, idluitoksôngmattalo attannernut, nunanullo, assitiglotauk nalegungnaisarpait itsaksoarmit; tamanna pivlugo iglugaseksuit taipkoa asserortaumalaurivut.

16 Tamanna pivlugo attannek nellojungnaitipavut iglugaseksuit ukkoa iglugaseliortauniarpatta, avaluksoangillo pijarêrtau-niarpatta, tagva taipkoa pivlugit kôksub miksane illangiutivikarungnainiaravit.

17 Tagva attannek kigusermik tillikliutjivok Rehumemut attanniotijomut, Simsaimullo aglakpaktomut, illanginullo Samariame nunakartunut, assinginullo kôksub miksânêtnut: Ullapirsaneuk salutitaunerlo!

18 Aglait tillikliutilauktase uvaptingnut, sagvartome attuar-taulaukput sârne.

19 Perkojilaukpungalo kennertokarkovlugo. Nachvartaumavorlo, iglugaseksuit taipkoa itsaksoarnit akkerartorpalaungmatta, pikkablatoksonekalaungmallo, nalegungnainekadlalarmelo taipkonane.

20 Taimaktau attannekalaukpok Jerusaleme pitsartujunik, attanniotilauktunik illunainut kôksub ungatânetunut, Zollemiglo Schossemiglo akkiliaksaniglo Jahrine tamaine tunnitsivio-laukput.

21 Tagva perkojamik tunnijileritse manna innuit taipkoa agviartaukovlugit, iglugaseksuillo ukkua iglugaseliortaukonagit, perkojilerkârtinanga.

22 Udsertutsiaritselo katsungakonase taimailiornerme attannek aksartaukonnago.

23 Attanniub Artasasthab aglangit attuartaujarêr-laungmatta Rehumib, Simsaiablo aglakpaktub, attannertuijokotingitalo sângine, tagva tuavilutik aularput takpaunga Jerusalemut Judinut, agviarlugillo tallermut sôgojomut.

24 Tagva sullijaksak Gudib iglungane Jerusalemêtome nok-

karpok, taimailingalunelo Dariusib Persiamiut attanningata Jahringita aipanga tikkilugo.

KAPITEL V.

Tempeliornerub pigannerninga nellautaijûk Hagaiß Sacharjablo nellautainingit malliklugit.

NELLAUTAIJUGLE Haggai, Sacharjalo Iddob erninga nellautailaukpûk Israelib Gudingata attingane Judinut Judametunut Jerusalemetulanlo.

2 Tagva Serubabel Sealthielib erninga, Jesualo Jozadokib erninga parngnailerpuk Gudib iglunga igluliorlugo Jerusaleme, illagilugiglo Gudib nellautaijokotingit nekkoksijut tapkoninga.

3 Nelliutome taipsomane Thatnaib nunab aulatinga kôb miksâne, Star Bosnailo illangillo tikkiput tapkonunga, okautilugillo imâk: Kia perkolaukpâsse iglo manna igluliorlugo, karmangillo sennalugit?

4 Tagva okautivavut, kannok angutit iglomik ominga igluliertut attekarninginik.

5 Gudingatalo ijingata Judit angajokângit kollangiarpait agviarkonagit tapkoninga, pijokartok tamanna Dariusemut tillijaujutaukârtinago aglangniglo tikkitokarkârtinago tamanna pivlugo.

6 Tamadsale Tatnaib nunab kôksub miksânê tub aulatingata, Star Bosnailo attannertuijokotingitalo Afarsachemiut, kôksub miksânê tut aglangita tillikliutilauktangita attannermut Dariusemut tukkingit.

7 Okautsillo tillikliutilauktangit tapsomunga imailaukput: Attannek Dariuse ullapirsautekarle illunane!

8 Attannek nellojungnaititaule uvagut tikkisimagapta Judit nunanganut, Gudib angijoksojub iglunganut, igluliortaujomut ujarkanit angijunit iktoriktunit, ikkatjello illijauvut senneranginut sullijaksarlo tamanna katsungaitomik pinnasuartauvok pivalliadlarlunelo taipkoa agganginut.

9 Uvagulle angajokaunerôjut apperilaukpavut okautilugillo: Kia perkolaukpâsse iglo tamna igluliorlugo, karmangillo sennalugit?

10 Apperilaukpavuttauk, kikkômangata, nellonaijaikovluta tapkoninga illingnut, angutillo angajokaunerôjungita attingit aglalaupavut.

11 Taipkoale okautsinik imaitunik kigusiksakalaukput uvaptingnut, okarlutiglo: Uvagut kivgauvogut killaub nunablo Gudingangnut, iglolo tamna igluliorpavut, Jahrit unnuktut mat-

toma sivorngane iglulioraulauktok, Israelitit attanningata illangata angijub igluliorlauktanga nappartilauktangalo.

12 Atâtagilauktaptale killaub Gudingat ningaksarlaungmat-suk, tunnillaukpait Nebukadnezarib Babelemiut attanningata, Kaldæereôjub agganginut; tapsoma iglo tamanna serkomilaukpa, innugiartoksuillo aularutilaukpait Babelemut.

13 Koresible Babelemiut attanningata Jahringita sivurlingane, attannek Korese tamna perkojilaukpok, Gudib iglunga tamanna igluliorlugo.

14 Illulerkutittauk Goldeôjut Silbereôjullo Gudib iglungane, Nebukadnezarib tigulauktangit Tempelemit Jerusalemêtomit, tikkiutilauktangillo Tempelemut Babelemêtomut, attanniub Koresib tigulaukpait Tempelemit Babelemetomit, tunnivaillo Sesbazaremik attelingmut, attanningortilauktaminut nunamut;

15 Okarlunelo: Illulerkutit makkoa tigukit, aulârlutillo tikkiutilaitalo Tempelemut Jerusalemêtomut, Gudiblo iglunga igluliorlaule innigilauktangane.

16 Tagva Sesbazar tamnautsainak tikkisimavok illijilauklunelo tungavingmik Gudib iglunganut Jerusaleme. Taimangamillo igluliorput innersimangilarlo sulle.

17 Namagijaulerpallo manna attannermut, tagva kennerkojile attanniub pivianartotalingane Babelemêtome, taimaimangât, attannermut Koresemut perkojaulaungmangât Gudib iglunga Jerusaleme igluliorlugo: tillikliutjivigitigullo attanniub issumanginik tamanna pivlugo.

KAPITEL VI.

Tempelib innertaulerninga, attortautainarningalo, Passablo attortauninga.

TAGVA attannek Dariuse perkojivok, kennertokakovlugo attanniub aglakotitalingane Babelemêtome.

2 Tagva Ahmetame Medenemêtome igloksoarme aglait nachvartavut, imâglo pijokalauktomik aglaksimajokalaukpok tapkonane:

3 Attanniub Koresib Jahringita sivurlingane attannek Kores perkojivok, Gudib iglunga Jerusaleme igluliorlugo, tunnergutiksats tunnijauiat, tungavialo illilugo, pôktôninga tallitut 60gitut, sennimutuningalo tallitut 60gitut;

4 Sennerangnik pingasunik ujarkanit iktogriktunit, senneraglo attausek kejungmit; akkiliutiksallo tunnijauiuksavut attanniub iglunganit.

5 Gudiblo iglungata illulerkutingit Goldeôjut Silbereôjullo Nebukadnezarib tigulauktangit Tempelemit Jerusalemêtomit, Babelmullo tikkiutilauktangit, tunnijaujuksaugivut uttertaikovlugit Tempelemut Jerusalemêtomut, innigilauktanganut Gudib iglungane.

6 Manna taimaimat igvit Tatnai aulateôjotit kôksub ungatâne, Star Bosnailo, illangillo Afarsachemiôjose kôksub ungatânese ungasilersigik.

7 Sennalit Gudib iglunganik Judit nunangata aulatingata angajokaunerôjungitalo Gudib iglunga igluliorlugo inningane pikovlugit.

8 Perkojaumavorlotauk uvamnut, sunamik pinniartuksaunipsingnik Judakut angajokaunerôjunginut, tapkonunga Gudib iglunga igluliorlugo, imâgle, attanniub perkutinginit, akkiliaksanit kôksub ungatâne, angutit tapkoa akkiliutigijariakartangit, tunnijaustiartuksauvut agviartaukonagit.

9 Pijariakaraikpattalo angusalluârsungnik, saugârsungniglo, tunnergutiksanut ôtaksanut killaub Gudinganut, Weizenmiglo, sioraujamiglo, Weinemiglo orksuimiglo, ajochertuijut Jerusalemêtot illusingit malliklugit; tagva tunnitsiviojuksauvut tamakkonina uvlut tamaita pijariakartanginik, tamannalo kâtuimauvulune piniartaukonnago;

10 Tunnergutinik tunnijkovlugit killaub Gudingata naimatsiarninganut, tuksiutjikovlugillo attanniub innosinganik, kitronganginiglo.

11 Uvamnit perkojak tamanna tunnijaumavok; innuit nelliat okautsinik ukkuninga ablatsangortitsilerpat, tagva tapsoma iglunganik ikâtjet illangat tigujaujuksauvok nappartaujuksaulunelo, tamnalo nivingatilugo tapsomunga; iglungalo aksivingortitaule.

12 Gudelo kujusimalauktok tagvane innekaromavulune, tokkotsilerle attannernik innukattigêksoarniglo tamainik, aggamingnik issaktunik Gudib iglunga Jerusalemêtok ablatsangortitsomavlugolugolonêt. Uvanga Dariuseôjunga tamanna perkolaukpara, illungertornermut piniartaukovlugo.

13 Tagva Tatnai nunab aulatinga kôksub ungatâne, Star Bosnailo, illangillo, tilliklerviomajut attannermut Dariusemut, taimailiorput illungertorlutik.

14 Judillo angajokaunerôjungit igluliorput; sullitsiarlauk-pullo nellautaijuk Haggab, Sacharjablo Iddob erningata nellautainingitigut, igluliorput nappartilugolo, Israelib Gudingata perkojanga malliklugo, Koresiblo, Dariusiblo Arthasasthablo Persiamiut attanningita perkojangit malliklugit.

15 Innerpâllo iglo takkib Adaremik attiggub uvlungita pingajuane, tagva attanniub Dariusib attanniotiningata Jahringita pingasojoat.

16 Israeliblo kittorngangita, ajochertuijut, Levitit parngnainairsortamalauktullo kittorngangita assingita Gudib iglungata attortautainarninga uvloksiorpât kuviasuklutik;

17 Tunnijivullo tunnergutinu Gudib iglungata attortautainarninganut, tuktuvângnik angusallungnik 100 dinik, saugârsungniglo 200 dinik, tuktungajuniglo angusalungnik 400 dinik, tunnergutiksamullo ajortoêrutiksamut Israelitit illuêngârlutik pivlugit tuktungajunik angusallungnik 12nik, Israelib kinguva-rêngita unnurningit malliklugit.

18 Pitipaillo ajochertuijut inninginu, Levitillo ingmigolinganinginu, Gude Israelemêtok kivgartorlugo sorlo aglaksimangmat Mosesib aglangine.

19 Kittorngallo parngnainairsortamalauktut Passamik attorput, takkit sivorliub uvlungita 14 ingane.

20 Ajochertuijut, Levitillo, sujungaitilaukput ingminik, illunatik ivsornaimatta angutut attautsetut sorlo; tokkotsilutiglo Passasiorutiksamik kittorngat parngnainairsortamajut illunatik pivlugit, kattangutitiglo ajochertuijut pivlugit, pivlutiglo.

21 Israeliblo kittorngangit parngnainairsimavingmit utterlauktut, illunatiglo apterlauktut nellojut ivsornarninginit tapkonunga, Nalegak Israelib Gudingat kenneromavlugo, Passamik nerrivut,

22 Uvloksiorviglo kakkojanik sêrnakangitunik attorpât uvlut 7 it nâvlugit kuviasuklutik; Nalekab kuviasuktilaungmagit, Assiriاميullo attanningata omattinga torartilaungmago tapkonunga, ikajorlugit sullijaksame Gudib Israelib Gudingata iglungane.

KAPITEL VII.

Esrab perkojauninga attannermut Jerusalemut ingerarungnarlune, kivgartornerlo Gudemik akikisorlugo.

PIJOKALAUKTUT tamakkoa Arthasasthab Persiamiut attanningata attanniovinganêlauktut kingorngane majorarlune takpaungarpok Babelemit Esra, Serajab erninga, Asarjab erningata, Hilkiab erningata,

2 Sallumib erningata, Zadokib erningata, Ahitub erningata,

3 Amarjab erningata, Asarjab erningata, Merajotib erningata.

4 Serajab erningata, Usib erningata, Bukib erningata,

5 Abisuab erningata, Pinehasib erningata, Eleaserib erningata, Aronib ajochertuinerôjub erningata.

6 Illisimatsiangolauktok aglangnik, Mosesib perkojanganik Nalekab Israelib Gudingata tunnilauktanginik. Attanniublo

tunnitsivigiva tamainik pijomajanganik, Nalekab Gudingata aggangita kollangiarninginut tapsominga.

7 Takpaungârpullo (illagællugo) Jerusalemüt Israelib kit-torngangita illangit, kapsit, ajochertuijullo, Levitillo, imgerpâktullo, upkoaniglo udsertortut, Nethinimillo, attanniub Arthasasthab Jahringita 7 ingane.

8 Tikkipullo Jerusalemüt takkit tellimangane, tagva attanniub Jahringita 7 ingata.

9 Takkib sivurliub uvlungita sivurlingane kajusimalerlaurame Babelemit takpaungaromavlune, takkillo tellimangata uvlungita sivurlingane tikkipok Jerusalemüt, Gudib aggangita pitsiartut kollangiarninginut tapsominga.

10 Esrable omattine torartipa Nalekab perkojangit kenne-romavlugit, pinniaromavlunelo ajochertuijomavlu-nelo Israeleme perkojanik idluarnerniglo.

11 Tamadsalo aglait tukkingit attanniub Arthasasthab tunnilauktangita Esramüt, ajochertuijomüt, aglangniglo illisimajomüt, ajochertuijolauktomüt Nalekab okausinginik, perkojanginiglo Israelemüt:

12 Artasastha, attanneôjok attannernut illunainut, Esramüt, ajochertuijômüt aglangniglo illissimajômüt killaub Gudingata perkojanganik, ullapirsau-mik salutitaunermiglo.

13 Uvannit perkojak tunnijaumavok, illunatik nalegauvimnê-tut innukattigênit Israelitinit, ajochertuijunginillo Levitinillo, kunnutuilitik aularomajut Jerusalemüt, illaukattaujungnar-matta illingnut;

14 Igvit attannermüt attannertuijokotinginullo 7 inut tillijaumagavit, Juda Jerusalemelo nautsertoriartorlugit Gudib perkojangit aggan-gnê-tut oktutigivlugit.

15 Neksarlugillo Silbere, Goldelo attanniub attannertuijokotingitalo pijarallutik tunnijangit Israelib Gudinganut, iglokar-tomüt Jerusalemê;

16 Silberelo, Goldelo tamaita nachvarungnartattit nuname Babeleme, tapkoa illaliudlugit innugiartoksuit ajochertuijullo pijarallutik tunnijangit Gudib iglunganut Jerusalemêtomüt;

17 Tamakkoa tamaita tigukit, attaruilivlutillo pissiniarit kênaujanut tapkonunga, tuktuvângnik angusallungnik, saukani-glo angusallungnik, saugârsungniglo, tunnergutiksani-glo ner-kiksani, tunnergutiksani-glo immiksani, tunnergutaukovlugit Altareme Gudipse iglunganê-tome Jerusalemê.

18 Sunalo igvit kattangutivillo idluarigapsiuk kênaujat amia-kojut pitjutigællugit, tamanna pinniarsiuk Gudipse pijomajang-anut;

19 Illulerkutillo tunnijaumajut illingnut, kivgartornermüt Gudivit iglungane, tapkoa unertutigikit Gudib sângane Jerusa-leme.

20 Tapkoalo tappilugit pijariakartut Gudivit iglunganut, al-lajariakarkattartatit, tamakkoa tunnijaukokit attanniub pivianar-totalinganit.

21 Uvanga attanniôjunga Arthasastha, tamanna perkokau-vara pimaklertunut illunainut kôksub ungatânetunut, sunamik Esrab, ajochertuijub, aglangniglo illissimajub killaub Gudingata perkojanganik, kaitaukojanganik illipsingnit, tammakkoninga attaruilivluse pinniarkovluse;

22 Silberemik Talentit 100 dit tikkilugit, Weizenemik Korit 100 dit tikkidlugit, Weinemiglo Bathit 100 dit tikkidlugit, sioraujaniglo oktortaulungitunik.

23 Tamaitalo killaub Gudingata perkojiningit tunnijautsiat-sainartuksauvut killaub Gudingata iglunganut, ningautsemik tikkitikarkonago attanniovingmut attannermullo, erninginullo.

24 Illipselo nellojungnaileritse pitsartunekanginapse, Zins-enik, Zolleniglo, akkiliaksaniglonêt Jahrine tamaine, ajochertui-jut nelliallonêt, Levitillonêt, imgerpâktullonêt, upkoanik udser-tortullonêt, Nethinimillonêt kivgartortullonêt Gudib oma iglung-ane tunnijkolugit.

25 Igville Esra, Gudivit sillatuninga, aggangnêtok mallik-lugo, idluarsaijungortitsilerit pairsijingortitsilutillo, idluarsai-junik innugiartoksoarnik kôksub ungatanêtunik, illunainik Gu-divit perkojanganik nellolungitunik; kaujimangitullo tapkoninga, tapkoa ajochertorsigik tapkoninga.

26 Nelliallo attaruilivlune pinniarlungitok Gudivit perko-janganik attanniublo perkojanganik, tamna namaktomik pinniar-viojuksauvok, tokkolugolonêt, nûkolugolonêt nunanganit, akki-lêkolugolonêt perkumik, pitilugolonêt parngnanairsimavingmut.

27 Nertortaule Nalegak atâtagijapta Gudingat tamattominga attannermik illumêlauptok, Gudib iglunga Jerusalemêtok âna-nausijomavlugo,

28 Napkinernmiglo torartitsilauptok uvamnut attanniub sângane, attanniublo attannertuijokotingita, sôngojokotingitalo illunatik sângine. Maksoalaukpungalo Nalekab Gudima aggang-ita kollangiarninginut uvamnik, kattikovakkalo niakoôjut Isra-elitinit, takpaungakattigellunga pikovlugit.

KAPITEL VIII.

Esrab ingerarninga Jerusalem.

TAMADSALO niakoôjut atâtanut kittitaulauptut, takpaungar-kattigilauptakka Babelemit attanniub Artasasthab attannioti-ningata nelluiningane.

2 Pinehasib kittornganginit: Gersome; Itemarib kittornganginit: Daniel. Davidib kittornganginit: Hattus.

3 Sechanjab kittornganginit, Pareosib kittorngangita: Sacharja, illagilugolo kittitaumajut angutit 150 git.

4 Pahat Moabib kittornganginit: Elioenai, Serajab erninga, illagælugolo angutit 200 dit.

5 Sechanjab erninginit: Jehasielib erninga, illagilugolo angutit 300 dit.

6 Adin Ebedib kittornganginit: Jonathanib erninga, illagilugolo angutit 50 git.

7 Elamib kittornganginit: Jesaja, Athaljab erninga, illagælugolo angutit 70 git.

8 Sefatjab kittornganginit: Sebadja Michailib erninga, illagælugolo angutit 80 git.

9 Joabib kittornganginit: Obadja, Jehielib erninga, illagælugolo angutit 218 it.

10 Selomitib kittornganginit: Josifiab erninga, illagælugolo angutit 160 it.

11 Bebaib kittornganginit: Sacharja, Bebaib erninga, illagælugolo angutit 28 it.

12 Asgadib kittornganginit: Johanan, erningita nukârdlerpângat, illagælugolo angutit 110 it.

13 Adonikamib kittornganginit kingorlernit, tamadsalo attingit: Elifelet, Jehielelo Semajalo, illagilugillo angutit 60 it.

14 Bigevaib kittornganginit: Utai, Sabudelo, illagilugillo angutit 70 git.

15 Uvangelo kattitilaukpakka kôngme Ahevamut kôktome; uvlilutalo tagvane pingasunik. Ullernaigigapkillu innugiartoksuit, ajochertuijullo, Levitisilaungilanga tagvane.

16 Tagva tilliklilaukpunga Elieseremut, Arielemullo, Semajamullo, Elnatanemullo, Jaribemullo, Elnatanemullo, Natanemullo, Sacharjamullo Mesulamemullo, niakoôjunut, Jojaribemullo, Elnathanemullo, illissimajungnut.

17 Tillivakkalo Iddomut, angajokaunerôjomut Kasfame, okausekartipakkalo, okauserilugit Iddomut kattangutinginullo Nethiniminut Kasfiametunut, kaitsivigivluta kivgaksanik Gudipta iglunganut, pikovlugit.

18 Kaitsivigivâtigullo Gudipta aggangita pitsiartut kollangiarninginut uvaptingnik, angumik sillatôjomik Mahelib erninginit, Levib erningata, Israelib erningata, Serebjamik, erningit, kattangutingillo illaliudlugit, 18 nik.

19 Hasabjamiglo, illagælugolo Jesajamik, Merarib erninginit, erningit kattangutingillo illaliudlugit 20 ginik.

20 Nethiniminiglo, Davidib angajokakotingitalo tunnilauktanginik Levitit kivgartorlugit, 220 ginik, illunatik attingitigut aglaksimavlutik.

21 Tagvanelo kôngme Ahevametome nerritailinek akpautigijaukovara, nikkanarsarluta Gudipta sângane pikovluta, kenerluta tapsomangat apkomik tammarnangitomik uvaptingnut kittorngaptingnullo, perkutiptingnullo tamainut.

22 Kangusulaurama attannermit sorsuktuksat, ablangajullo horsine kaitaukolugit, sapputiluta omisuktunit apkome pikovlugit. Attannek okautilauraptigo: Gudipta aggangita illunaita, kennertut tapsominga kollangiarpait idluarkutiksanginut; pitsartuningatale ningarningatalo illunaita akkerartorpait allaijut tapsominga.

23 Taimaglo nerritaililaukpogut kennuarivavullo tamanna Gudiptingnit; tapsomalo tussarpâtigut.

24 Uvangalo ajochertuijunit anginerôjunit 12-it ingmigoling-atipakka: Serebja, Hasabjalo, 10 illo kattangutinginit;

25 Kiktitarivigivakkalo Silberemik, Goldemiglo Gudib iglungata tunnergusianganik, attanniub attannertuijokotingitalo, angajokâkotingitalo, Israelitillo najutilauktut illunatik tunnilauktanginik.

26 Kiktitarpakkalo agganginut tunnilugit Talentit 650 git Silbere, illulerkutillo Silbereôjut, Talentitut 100 ditut; Goldelo Talentit 100 dit;

27 Ermgusiarsuit Goldeôjut 20git, Darikitut 1000 ditut akkitôtigijut; illulerkutiglo magguk kannujaujuk, Goldetun-îtuk.

28 Okautivakkalo: Illipse ivsornaipose Nalekamut, illulerkutillo tapkoa ivsornainivut, Silbere, Goldelo tapkoa tunnergutavut pijarijut Nalekamut atâtagijapse Gudinganut.

29 Udsertorsigik pairilugillo, kiktitarikârtinasse makkoninga, ajochertuijut, Levitillo angajokaunerôjut, atâtallo angajokaunerôjut, Israelitit akkorngane, sângine Jerusaleme, Nalekab iglungata inningine.

30 Tagva ajochertuijut Levitillo Silbere, Goldelo, illulerkutillo kiktitarsimajut tiguvaît, tikkiutitsomavlugit Jerusalem Nalekab Gudipta iglunganut.

31 Taimaglo aulârpogut Ahevab kônganit takkit sivorlingata uvlungita 12 ingane, ingerarkovluta Jerusalem. Gudip-talo aggangita kollangiarpâtigut, piulilutalo omisuktut, terliarinasuartullo uvaptingnik apkome agganginit.

32 Jerusalemullo tikkinapta merngoêrserpogut tagvane uv-lut pingasut nâlugit.

33 Uvlulle sittamangane Silbere, Goldelo illulerkutillo kiktitaurlerput Gudib iglungane, Meromotib Uriab erningata ajochertuijub agganginut; illagivalo Eleaser Pinehasib erninga; tapkoalo illagivait Josabad Jesuab erninga, Noadjalo, Benunib erninga Leviteôjuk.

34 Illunatik attunit unnurningit okumainingillo malliklugit; okumainingillo taipsomane illunaita aglaktaulaukput.

35 Kittorngallo parngnanairsortaumalauktut parngnanairsimavingmit üttersimajut, tunnijivut tunnergutinik ôtaksanik Israelib Gudinganut; tuktuvångnik angusallungnik 12 nik Israelitit illuengârlutik pivlugit, saukanik 96 nik, saugârsungnik 77 nik, tuktungajuniglo angusallungnik 12 inik, tunnergutiksamut ajortoêrutiksamut; illunatik tunnergutiksamut ôtaksamut Nalekamut.

36 Attanniublo perkojanga unertutigivat attanniub pimaklertokotinginut, nunablo aulatinginut kôksub miksâne, tapkoalo innugiartoksuit Gudiblo iglunga kakkitipait.

KAPITEL IX.

Esrab tuksiarninga.

TAMAKKOALO tamaita namaksimangmatta angajokaunerôjut tikkipânga okautilungalo: Innugiartoksuit Israelitit, ajochertuijullo, Levitillo aptersimavlutik ingmigolingalungilet, innukattigêksoarnit nunane makkojungnartulliningit pitjutigallugit, tagva Kananiterit, Hetiterit, Feresiterit, Jebusiterit, Amoniterit, Moabiterit, Egipterit, Amoriterillo;

2 Tapkoa panningit tigulaungmagit nulliangokovlugit ingminut ernerningnullo, kinguvaillo ivsornaitut akkumavait nunat innukattigêksoanginut. Angajokaunerôjullo aulatsijullo aggangit idluitullinerne tamattomane sugaluluarlaukput.

3 Tamattominga tussarama annorâka allikpakka, ulligalo, niakungmalo nutjangit, umikkalo nutsukpâkka, iksivalungalo unainalivlunga.

4 Kattimalerpullo uvamnut illunatik Nalekab Israelib Gudingata okausinginik sivurajut, tammartovinersoak pitjutigallugo; iksivalungalo unainalivlunga tunnergut unnuksiut tikkilugo.

5 Tunnergutiblo unnuksiutib tunnijauviane nikkovipunga paksarnimnit annoralijarlunga, ullilijarlungalo alliksimajunik, serkortorpungalo aggakkalo issangmilugit Nalekamut Gudimnut,

6 Okarlungalo: Gudiga, kangusukpunga, illerasuklungalo uilunga illingnut Gudiga; idluitullinivut aglisimangmatta niakupta kollangittigut, passijaksaunivullo angijovaksôvok killangnut tôklune.

7 Atâtagijapta nelliuninganit passijaksaudlalaupogut uvlok tamanna tikkidlugu; idluitullinivullo pitjutigællugit uvagut, attannivullo, ajochertuijôvullo, tunnijaumavogut nunat attanner-tangita agganginut, saviksoarmut, parngnanairsimavingmullo,

aksartaunermullo, kênaptalo kangusuktitauninginut, sorlo uvlorme tamattomane illingangmat.

8 Mannalo kêtamik saimarvionermik pivogut Nalekamit Gudiptingnit, amiakokarapta sulle ikkitunik, annigoimajunik, tunnitsivigilutalo kikkiangmik attautsemik innimine ivsornaitome, Gudivut ijiptingnik kaumaksaimat, innungmaumitilutalo kêtamik kivgauniptingne.

9 Kivgauvogulle, Gudiptale kemmalaungilâtigut kivgauniptingne, napkinignerlo torartilaukpa uvaptingnut Persiamiut attanningita sângine, innokojikovlugit uvaptingnik, Gudipta iglunga igluliorlugo pikovluta, asserorsimaningillo sattortautilugit pikovluta, tunnitsivigivlutalo avalunik, Judame Jerusale-melo.

10 Mannalo kannok okartuksauvita Gudivut tamakkoa king-orngane? perkojattit kemmalauraptigik,

11 Perkolauktattit kivgakotikut nellautaijutigut okarlaukluttillo: Nuna tikkiniartasse kingormgutiniarlugo nunauvok ivsornartok nunat innukattigêksoangita ivsornarninginut makkojungnartullininginut, nâjijutigijanginut tapsominga issuanit aipanit, aipanga tikkidlugo sallumainermik.

12 Tagva manna pannise tunnijaksaringilasse taipkoa erninginut, taipkoalo panningit tigujaksaringilasse ernipsingnut nulliangokovlugit, ullapirsautiksangallo, idluarkutiksangallo keneraksaringilasse sorairase, sôngokovluse, nerrikovluselo nunab pinginik, kingormgutijaksautilugolo kittorningapsingnut, issôkangitomot.

13 Tamakkoalo tamaita tikkitautigijapta, pinniarniâluvut, passijaksaudlarnivullo pivlugit, kingorngane, igvit Gudivut pitlarnikinersarilaukpaptigut pijuksauniptingnit idluitullinivut pitjutigællugit, piulijaunekartilaukpaptigullo, sorlo mana imat.

14 Uvagulle ama perkojatit serkomijaksarivitigik innukat-tigêksuillo makkoa, taimaitunik makkojungnartoggit aipanikat-tigivlugit. Ningariniangipittigut, nungutaukârtinata, amiakokarungnaikârtinago, piulijaunekarungnaikârtinagolonêt?

15 Nalégak, Israelib Gudinga, igvit idluarpotit, uvagut amiakogapta, annigoimavlutalo, sorlo uvlorme tamattomane illingangmat. Ahâk, nangerpogut sângne passijaksauuniptingne; tamannale pivlugo nangertokarungnangilak sângne.

KAPITEL X.

Nullit nellojunit pijut aptertauvut Israelitinit.

ESRALO taimak tuksiartillugo, kigligiksarlunelo kêavlunelo pamangatillugo Gudib iglungata sângane, kattimalerput tapso-

munga Israelitinit illagêt unnuktoksuit, angutit arnallo, sorut-sillo, innugiartoksuit kêavaksoadlarmatta.

2 Tagva Sachanja Jehielib erninga Elamib erninginit, kiovok okarlunelo Eramut: Unêt idluitulilaukpogut Gudiptingnut, takkorngartanik nullianilaurapta nunab innukattigéksoanginit; Israelitille pivlugit nerriungnekarpok sulle tamanna pivlugo.

3 Tagva manna Gudivut angerkattigilavut, nullit takkorngartat illunaita, erniangomajullo tapkonangat, apterlugit pikovluta nalekama (Esráb) attannertuininga malliklugo, tapkoalo Gudib perkojanganik sivurajut (attannertuiningit) perkojat malliklugo pinniartaukovlugo.

4 Tagva makkilerit, igville pijokartok tamanna pinniaraksarivet; uvagut illigijomavaptigit. Maksoalerit, pinniarlugolo.

5 Tagva Esra makkipok, tigusilunelo angermaringnermik ajochertuijut, Levitillo angajokaumerôjunginit Israelitinillo illunait, okausek tamanna malliklugo pinniartuksaungmatta; angerpullo.

6 Esralo Gudib iglungata sânganit nûpok, itterlunelo Johanib Eliasib erningata inninganut; itteramelo tagvunga nerritailivok niakojamik, immertaililunelo immermik, taipkoa parngnanairsortauimalauktut idluitulliningit sanikterijutigamigit.

7 Akpautigijaukovâllo Judame illunane, Jerusalemelo kit-tornganut parngnanairsortauimalauktunut illunainut, Jerusalemut kattimalerkovlugit.

8 Uvlullo pingasut kingorngane tikkiniangitub, angajokaunerôjut, angajuklillo kachimioningat malliklugo, tapsoma perko-tingit tamaita nungutaujuksaungmatta, tamnalo avitauniarajarmat illagênit parngnanairsortauimalauktunit.

9 Tagva illunatik Judakut Benjaminekullo angutingit kat-tilerput Jerusalemut uvlune pingasune, tagva takkit 9 ingata uvlungita 20 ingane. Innugiartoksuillo illunatik iksivavut apkosinerme Gudib iglungata sângane, sajuklutiglo pijokartok tamana pivlugo, sillalungnerlo pivlugo.

10 Tagva Esra ajochertuijôjok, nikovipok, okautilugillo: Idluitullilaukpose, takkorngartanik nullianilaurapse, taimaglo Israelitit passijaksauningat angijorortigapsiuk.

11 Tagva manna Nalegak atâtagijapse Gudingat kigligik-sarvigisiuk, pinniarluselo namagijanganik, apterluselo nunab innukattigéksoanginit, nullinillo takkorngartanit.

12 Tagva illagêktut illunamassiangit kiovut, okarlutiglo nippekôrtôvlutik: Taimainiarle, sorlo okalauravit.

13 Innugiartoksuille unnuktôvut, sillalukporlo, ajornarlunelo sillametuinarlune, pinniarnerlo tamanna piniartaujungnanginivok uvlune maggungne pingasunelonêt; unnuktogapta tammarlauktogut idluitullinermut taimaitomut.

14 Angajokavut illagêktune illunamassiangine perkolavut, illunatik takkorngârtunik nullianilauktut iglugaseksoakotip-tingne, nelliutune okautigijaujune kaikovlugit, iglugaseksuillo attunit angajokangit, idluarsaijungillo illautilugit, Gudib ning-ausingat illungertortok pijokartok tamanna pitjutigallugo sang-utitaukârtinago uvaptingnit.

15 Tagva Jonathan Asahelib erninga, Jehasjalo Tikwab erninga kaikojauvuk pijokartut tapkoa pivlugit, Mesullamiblo Sabtaiblo Levitiojuk ikajorpâk.

16 Kittorngallo parngnanairsortauimalauktut taimailiorput. Ajochertuijubo Esrab atâtallo angajokaunerôjut atâtagijamik iglungine, illunatiglo taijaumajut manna apterpait; ingipullo takkit 10ingata uvlungata sivurlingane, pijokartut tapkoa naut-tertoromavlugit;

17 Namaksivaillo angutit illunaita takkorngartanik nullia-kartut takkit sivorlingata uvlungata sivurlingane.

18 Nachvartaulaukpullo ajochertuijut erningita akkorngane, takkorngartanik nullianilauktut imâk: Jesuab Jozadakib erning-ata erninginit, kattangutinginillo: Maeseja Elieserelo, Jaribelo, Gedaljalo.

19 Tapkoalo agгатik tunnivait angerlutik nullit takkorngar-tat ajaktoromagamigit, atsilutiglo saukamik angusalungmik tun-nergutiksamut ajortoêrutiksamut tammarnitik pivlugit.

20 Imerib erninginit: Hanani, Sebadjalo.

21 Harimib erninginit: Maeseja, Elialo, Semajalo, Jehielo, Usialo.

22 Pashurib erninginit: Elioenai, Maesejalo, Ismaello, Ne-thaneelo, Josabadelo, Eleasalo.

23 Levitinillo: Josabad, Simeilo, Kelajalo (Klitaovok), Pe-tajalo, Judalo, Eliezerlo.

24 Imgerpaktunit: Eliasibe; upkoanik udsertortunit: Sal-lume, Telemelo, Urilo.

25 Israelitinillo, Pareob erninginit: Ramja, Jesialo, Malcha-jalo, Mejaminelo, Eliasarlo, Malchjalo, Benajalo.

26 Elamib erninginit: Mathanja, Sacharjalo, Jehielo, Ab-dillo, Jeremotelo, Elialo.

27 Satub erninginit: Elioenai, Eliasibelo, Mathanjalo, Jere-motelo, Sabadelo, Asisalo.

28 Bebaib erninginit: Johanan, Hananjalo, Sabailo, Atlailo.

29 Banib erninginit: Mesullame, Malluchelo, Adajalo, Jasu-belo, Seallo, Jaramotelo;

30 Pahat Moabib erninginit: Adna, Kelallo, Benajalo, Mac-sejalo, Matanjalo, Bezaleelo, Benunillo, Manasselo.

31 Harimib kittornganginit: Elieser, Jesialo, Malchalo, Se-majalo, Simeonelo.

32 Benjaminelo, Maluchelo, Semarjalo;

33 Hasumib erninginit: Matnai, Matata, Sabade, Elifeletelo, Jeremailo, Manasselo, Semailo.

34 Banib erninginit: Maedai, Amramelo, Huello,

35 Benajalo, Bedjalo, Keluilo,

36 Najalo, Meremotelo, Eliasibelo,

37 Matanjalo, Matnaillo, Jaesanelo,

38 Benilo, Bennuilo, Simeilo,

39 Selemjalo, Nathanelo, Adajalo,

40 Machnadbaillo, Sasailo, Sarailo,

41 Asareello, Selemjalo, Samarjalo,

42 Sallumelo, Amarjalo, Josefelo.

43 Nebob erninginit: Jejel, Matitjalo, Sabadelo, Sebinelo, Jaddailo, Joelo, Banajalo.

44 Tapkoa illunatik nullianilaukput takkorngârtanik; nullo tapkoa illangit, nutakkanik ernilaukput.

NEHEMIAB AGLANGIT.



KAPITEL I.

Nehemiab tussarninga Jerusalemik, tulksiarningalo tapkoa pivlugit.

TAMADSA Nehemiab, Hachaljab erningata pijokalaungningit. Pijokalaupok takkerme Kisleuemik attelingme, Jahrit 20 gingane, igloksoarmêtillunga Susanemêtome.

2 Hanani kattangutima illangat, angutit illangit illagilugit tikkipok Judamit. Appertorpakkalo Judit kemmâmajut, amia-kojullo parngnanairsortaunermit, Jerusalemelo pitjutigivlugit.

3 Tapkoalo okautivânga: Amiakut parngnanairsortaunermit tagvane nuname kannoêtomêput angijome mittautigijauner-

mêlutiglo; Jerusalemb avaloksoangit serkomisimavut, upkoaksoangillo ikkisimavut.

4 Okautsille taimaitut tussarapkit, iksivalerpunga kêalungalo, ogguarlarmalo uvlut kapsit nâvlugit, nerritaililungalo tuksiarlungalo killaub Gudingata sângane,

5 Okarlungalo: Nalegak killaub Gudinga, Gudeôjoksôjotit, sivuranartoksôlutillo, angersimanermik, napkinignergimiglo tor-korsijok tapkonunga naglingniktunut tapsominga, perkojanginiglo nalektunut;

6 Siutikik kamatsiarliktôk, ijikiglo uitalerlik, tussarkovlutit kivgakotivit tuksiarninganik, tuksiarutigijamnik manna sângne uvlotillugo unnuamelo, Israelitit kivgakotitit pivlugit; kannorlo Israelib kittorngangita idluitulliningit, pinniarlauktavut illingnut, kigligiutigigapkit; uvangalo atâtamalo iglomiokattangit idluitullilaurivogut.

7 Idluitullivigilaukpaptigit, perkojallo, innatsinerillo, idluarnerillo, perkolauktatit kivgakotingnut Mosemut, mallilaungilavut.

8 Erkarugletôk okausek imna, perkolauktat kivgarnut Mosemut, okalauklutillo: Namangitulliniarupse, tagva siamartit-somavapse innukattigêksuit akkornganut.

9 Sâniarupsele uvamnut perkojakkala kammagigupsigik, pinniarutigigupsigiglo, ajêktortaumagalloarupselo killaub issua tikkidlugo; sulle tagvangat kattessoromavapse, atsomaluselo innemut annerijamnut, attera tagvanekovlugo.

10 Illâle kivgarivattit innukotigilugillo, piulilauktattit pitsartunersoarnut, aggangnullo sôngojunut.

11 Kanoktôk Nalegak siutikik kamatsiarlik, kivgakotivit tuksiarninganik, kivgakotivillo assima tuksiarninganik, tussudlartut attit sivuragijomavlugo; kivgakotillo uvlome sullitilauruk, napkinigneksikolugolo angutib ipsoma kêangata sângane. Immiksaliorteôlaurama attannermut.

KAPITEL II.

Nehemiab perkojauninga attannermut, Jerusalem iglugaseliorungnarlugit.

PIJOKALAUKPORLO attanniub Artasastab attanniotiningata Jahringita 20ingane, takkerme Nisanemik attelingme, sâmik-tillugo Weinemik, Weine kivikpara, tunnilâlo attannermut; tautukarpungalo kiksartomik.

2 Tagva attanniub okautivânga: Sôg kênait tautorluka?

Kannimalungigalloartotit? Tamannaungilak, omattille okumai-pok. Uvanga sivuravaksoadlalaupunga,

3 Okarlungalo attannermut: Attannek innôle issokangitomot, uvanga tautorluktuksaungilanga? Iglugaseksuit atâtagijama illijartortaumaningita najugangat assersorsimavut, upkoaksoangit ikkomamut nerrijaumavut.

4 Tagva attanniub okautivânga: Sunamigle tuksiarkît? Tagva killaub Gudinganut tuksiarpunga,

5 Okarlungalo attannermut: Namagijaukpat attannermut, kivgakotingnullo sângnêtunut, tillilunga pikovlutit Judamut, atâtagijama illijartortaumaningita iglugaseksoanginut, iglugaseliorlugit pikovlunga.

6 Attanniublo okautivânga, aipangatalo senniane iksivajub: Ingerganît kannok akkunêrtigijoniarka? Kakkugolo utteromârkît? Attanniublo namagiva tillilunga. Nelliunerlo nellenairpara tapsomunga,

7 Okarlungalo attannermut: Attanniub namagiguniuk, tagva aglanik tunnitsivigilinga ajuksanik, nunat kôb ungatanêtut aulatinginut, kannilarkovlugit uvamnik, tikkikârtinanga Judamut.

8 Aglaniglo Assafemut attanniub pimaklertokotinganut kêjukotinginik, tunnijikovlugo uvamnut kêjungnik ikâksanut ilingajunik, igloksub Tempelib kannitanganêtub itterviksoanginut, iglugaseksuillo avaluksoanginut, iglomullo uvanga iglogijomajamnut. Attanniublo tunnitsivigivânga Gudima aggangit ajungitut kollimnêtut malliklugit.

9 Tikkinamalo nunat aulatinginut kôb akkianut tunnitsivigilaukpakka attanniub aglanginik. Attanniublo sorsuktuksat angajokângit, ablangajullo horsit kângine tillivait illaukovlugit uvamnut.

10 Saneballatible Horonitereôjub, Tobiablo kivgab Amonitereôjub, tamanna tussaramikko, sinnaungadlalaupok tapkunnunga, tikkitokarmat innungmik, Israelib kittorngangita idluar-kutiksanginik kennertomik.

11 Jerusalemullo tikkinama, uvlilaukârdlunga pingasunik tagvane,

12 Unnuarme parngnailerpunga, angutillo ikkitut illagivânga; innuille nelliallonêt okautilaungilara sunamik Gudib illumertilaungmanga Jerusaleme pinniarvigilugit; najortekalaungilanga nergjumik ablangavigijama assianik.

13 Unnuarmelo horsekut annilerpunga nâksab itterviksoangagut, puailavingmut Drachemik attelingmut, itterviksoarmullo perorsaijomik attelingmut tikkidlunga; kemergovakkalo Jerusalemb avaluksoangita karmangit serkomisimajut, upkoaksoangillo ikkomamut nerrijaumalautut.

14 Sivumuarpongalo itterviksoarmut, puailavingmik atteling-

mut, attanniublo tessinganut; inniksakalaungilarlo tagvane nergjutekotimnut tagvûnârungnarlune attimne.

15 Kôngmelo majorarpunga unnuarme, avaluksuillo kemmergovakka, ingergamilungalo nâksab itterviksoangagut, utterlungalo.

16 Angajokajallo kaujimalaungilet nâmut ailaungmangarma, sunaliormangarmalo; taipsomane tikkidlugo, Judit ajochertuijullo attannertuijullo, angajokajallo, assingillo pinniaraksame tapsomane sennalauktut okautilaungimarikapkit sunamik.

17 Tagva okautivakka: Takkovasse kannoêtok attortavut, Jerusaleme asserorsimangmat, upkoaksoangillo ikkisimangmata. Kaititse Jerusalemiblo avaluksoangita karmangit sennalerlavut, mittautiksaujungnailerkovluta.

18 Unipkautivakkalo kannok Gudima aggangita pitsiartut kollangiarlaungmanga, taimaglotauk attanniub okausinginik okauserilauktanginik uvamnut. Tapkoalo okarput: Attê pargnailerta avaluliorlutalo! Taimaglo agгатik pitsartutipait sullijaksak ajungitok tamna pinniaromavlugo.

19 Saneballatible Horitereôjub, Tobiablo kivgab Amonitereôjub, Gosemiblo Arabiamiub, tamanna tussaramitsuk, mit-tautigivâtigut, nachogilutalo, okarlutiglo: Sunauva pinniartas-se? Attannek nalegungnairomavissiuk?

20 Tagva uvanga kiovakka, okarlungalo: Killaub Gudingata sullitiniarpâtigut tamattominga; uvagullo kivgaujogut tapsomunga, pargnaileromavogut, sennajomalutalo, illipsele illangiutivikangilase, idluarnekaraselonêt, erkaumajaksakaraselonêt Jerusaleme.

KAPITEL III.

Unipkautsit kannok Jerusalemib avaluksoangit sennajaulaungmatta.

AJOCHERTUIJERSOARLO Eliasibe pargnailerpok kattangutine ajochertuijut illagællugit, sennalutiglo saukat itterviksoanganik; tuksiarulugolo ivsornaitipât, upkoagiglo illivakit, ivsornaitipâlles nuvugusek Meamik attelik, tagva Hananeelib nuvugusinga tikkilugo.

2 Tapsoma senniane angutit Jerichomiut sennavut; Sachurelo Imrib erninga sennavoktauk senniane.

3 Mingeriable itterviksoanga Senaab kittorngangita sennavât; kâkartipât, upkoangalo illivât, pallangairuservikartilâllo, senneroaktârlugolo.

4 Tapkoa senniane sennavok Meremote, Uriab erninga,

Hakozib erningata. Tapkoa senniane sennavok Mesullame Berechiab erninga, Mesesabeelib erningata. Tapkoa senniane sennavok Zadoke, Baenab erninga,

5 Tapkoa senniane Tekoamiut sennavut, tapkoale angajokau-nero-jungita kongesitik okkotilaungilait Nalekamik pinniartauko-janganut.

6 Jojadab Passeab erningata, Mesullamiblo, Besodjab erningata ittertariuksoak nutaungitok sennavâk; kâkartipâk, upkuangalo, pallangairuservingillo, senneroangillo illivait.

7 Tapkoa senniane sennavut Melatja Gibeonemiok, Jadonelo Meronemiok, angutillo Gibeonemiut, Mizpamiullo, nunab aulatingata kôksub miksânetub attanniovinganut illingajut.

8 Tapkoalo senniane sennavok Usiel, Harhajab erninga Goldelerijok. Tapsoma senniane sennavok Hananja, âniasiusi-ortit illangata erninga; sennavullo Jerusalemib sillatânut karmak silliktok tikkidlugo.

9 Tapsoma senniane sennavok Refaja Hurib erninga, Jerusalemib ketterkangita angajokaunerôjungat.

10 Tapsoma senniane sennavok Jedaja, Harumafib erninga, iglome akkiane. Tapsoma senniane sennavok Hattus Hasabenjab erninga.

11 Malchjable Harimib erningata, Hasubiblo, Pohat-Moabib erningata illangutivigik sennavakik, kiaksautiblo nuvgosinga.

12 Tapsoma senniane sennavok Sallume, Haloheb erninga, Jerusalemib ketterkangita aipaingita angajokaunerôjungat, tamna panningillo.

13 Hanunib Sanoamiullo nâksab itterviksoanga sennavât; sennavât illilugillo upkoangit, pallangairuservingillo, senneroangillo, tallitullo 1000 dit avaluksoarme, perorsaijut itterviksoangat tikkilugo.

14 Malchjable, Rechabib erningata, Beth Hakaremib erkângata abvakungata angajokaunerôjungata perorsaijut itterviksoangat sennava; sennava upkoangalo pallangairuservingillo, senneroangillo illivait.

15 Sallumible, Kalhosib erningata, Mizpab erkângata angajokaunerôjungata, puailaviub itterviksoanga sennava; sennavâ kâkartilâlo, upkoangalo, pallangairuservingillo, senneroangillo illivait; avaluksuillo sennava Siloab tessingane, attanniub perorsêvikotingata kiglingane, tumerkat tikkidlugit, Davidib igluga-seksoanginit unnungartut.

16 Tapsoma tungâne sennavok Nehemia, Asbukib erninga, Bethzurib erkângata koppangata angajokaunerôjungat, Davidib illuvingita akkia tikkidlugo, Asujablo tessinga, songojullo iglungat tikkidlugik.

17 Tapsoma tungâne Levitit sennavut, Rehume, Banib er-

ninga. Tapsoma senniane sennavok Hasabja, Kegilab erkângata koppangata angajokaunerôjungat, illangutivigijamine.

18 Tapsoma tungâne kattangutingit sennavut, Bavai, Henadab erninga, Kegilab erkângata ketterkangata aipangata angajokaunerôjungat.

19 Tapsoma senniane sennavok Eser, Jesuab erninga, Mizpamiut angajokaunerôjungat, illangutiviub aipanganik, majokab torartub sakkutalingmut akkiane avaloksuit terrekoane.

20 Tapsoma tungane sennavok illungertorlune Baruch Sababib erninga illangutiviub assianik, terrekungmit Eliasibib ajochertuijersub iglungata upkoanga tikkidlugo.

21 Tapsoma tungâne sennavok Meremot, Uriab erninga, Hokoziab erningata, illangutiviub aipanganik, Eliasibib iglungata upkoanganit, Eliasibib iglungata issua tikkilugo.

22 Tapsoma tungâne ajochertuijut sennavut angutit Jordaniab erkânit pijut.

23 Tapkoa tungâne Benjamin sennavok, Hasubelo, iglungmik akkiangne. Tapkoa tungangne sennavok Asarja Maeseab erninga, Ananjab erningata, iglome senniane.

24 Tapsoma tungâne sennavok Benuni Henadadib erninga illangutiviub aipanganik, Asarjab iglunganit, avalut sanguningat tikkidlugo, tagva terrekok tikkidlugo.

25 Palal Usaib erninga, terrekub, nuvugutsiblo poktojub attanniub iglunganit nuitajub akkiane, parngnanairsimaviub inningata avaluliorsimajub tungâne. Tapsoma tungâne Pedaja, Pareosib erninga.

26 Nethinimillo iglokalaukput Ofeleme immiub itterviksoangata kitta tikkilugo, nuvugutsib nuitavia Ofeliblo karmanga tikkidlugo.

27 Tapkoa tungâne Tekoamiut sennavut illangutiviub assianik, nuvugoseksib nuitajub akkianit Ofelib karmanga tikkilugo.

28 Horsille itterviksoanganit ajochertuijut sennavut attunit iglomik akkiane.

29 Tapkoa tungâne sennavok Zadok, Immerib erninga, iglome akkiane. Tapsoma tungâne sennavok Semaja Sechanjab erninga upkoaksoamik udsertorte kittane.

30 Tapsoma tungâne sennavok Hananja Selemjab erninga, Hanunelo Salafib erningita 6ingat, illangutiviub aipanganik. Tapsoma tungâne sennavok Mesullame Berechjab erninga innime akkiane.

31 Tapsoma tungâne sennavok Malchja Goldelerijub erninga, Nethinimit niuvertillo iglungit tikkidlugit, kachimiojut itterviksoangata akkiane, innelo terrekometok tikkilugo.

32 Inniblo terrekometub, saukallo itterviksoangata akkorngangne Goldelerijut niuvertillo sennavut.

KAPITEL IV.

Avalut pivallianingit, Nehemia tuksiarmat, omigijinginut ag-viartaugalloarmatta.

SANNEBALLATELE tussarame, uvagut avaloksuit sennagap-tigik, ningalerpok, kaningaumajarlunelo, mittautigivaillo Judit,

2 Okarlunelo kattangutiminut, pitsartunelingnullo Samaria-mêtunut: Judit nukkekangitut sunaliorkat? Taimailingako-jautsainarniarkat? Tunnergutunik tunnijiniarkat? Uvlut il-langane innerniaralloarkatsuk? Ujarkat omartiniarpattigik patsalungavlutik kallerêktisimajut ikkitaumajullo?

3 Tobiale Amonitereôjok senniane nangerpok okarlunelo: Sennatuinarlit; terrianiat taikungarajarunik karmangit ujarag-git serkominiarpallukpait.

4 Gudivut tussarit, kannok nachogijaugapta! Mittautekar-ningit uttertikit niakunginut nangminerijanginut, tunniugit pi-kovlutit nachogijaunermut parngnanairsortaumaningata nu-nangane!

5 Idluitulliningit ulliktaililugit pît, ajorningillo pêjarniarna-git sângne; sennajut ningaksarlaungmattigik.

6 Uvagulle avaluksuit sennavavut, tokkitilugillo pôktojuk-sauningata koppanga tikkidlugo. Innugiartoksuillo omatteka-lerlaukput maksoajunik sennanermut.

7 Saneballatele Tobialo, Arabiamullo, Moabiterillo, Asdode-miullo tussaramik, Jerusalemib avaluksoangita karmangit âkik-taujarêrmatta kingingillo tokkititaulermatta, ningavaksoadlalerput,

8 Angerkattigêklutiglo tikkitsomavlutik, Jerusalemelo sor-suklugit agviaromavlugillo.

9 Uvagulle tagva tuksiarpogut Gudiptingnut, udsertortokar-titsivogullo uvlotillugo unnuarmelo taipkoa pivlugit.

10 Judakullo okarput: Akjarsijut pitsartuningit amigarput, sannillo unnuluadlarput; avalune sennajungnangilagut.

11 Akkerartortivullo okarput: Kaujijuksaungilet, tækko-juksaunatiglonêt, akkornganêmarikârtinata, nakterikârtinatalo taipkoninga, pinniarnerlo sorairtilugo.

12 Judille taipkoa senniane nunakalauktut, tikkimatta okautilutalo tamattominga, tellimaujortoêrtorlutik aglât, inninit nunagijamingnit tamainit avatiptingne;

13 Tagva pititsivunga innugiartoksoarnik kittorngarêt mal-liklugit avlaloksuit ungatânut ittersanut, saviksoakotitik, kallu-giarkotitiglo, pittiksekotitiglo najortigilugit.

14 Allakausijarpungalo parngnailerlungalo, okarlungalo er-

kanartunut angajokaunerôjunullo, innugiartoksoarnullo assing-inut: Sivuragimiarassigik, Nalegaksoarle erksinartoksoak erkarsiuk, kattangutiselo erniselo, panniselo, nulliaselo, iglokotiselo sorsugutigisigik.

15 Omigijivulle tussarmatta, uvagut nellojungnaititaumagapta tamattominga, tagva Gudib kajusimaningat asserorpa. Uvagullo illunata utterpogut avaluksoarnut, attunît sullijaksaptingnut.

16 Pijokalaupporlo nelliutomit taipsomangamit, innuosuktut ketterkangit sennangmatta, ketterkangitalo aipangita tigumiarpait kallugitsat sappulutallo, pittiksallo, sagvingmiutallo; angajokaunerôjullo Judakut illunamassiatik tunnuane nangerput,

17 Sennajut avaluksoarne, akjarsijullo akjaraksanik tapkonangat illijilauktunit tapkonunga, agganut igluinarnut sennavut sullijaksanik, igluanullo sakkut tigumiarpait.

18 Sennajullo illunatik tapserusersimalaukput saviksoarmingnik makkitimikut, sennalutiglo taimailingavlutik; tiptulau-sijartorlo sennimmelaukpok.

19 Okarpungalo erkanartunut, angajokajanullo: Sullijaksak angijôvok, kanningitomullo illingavok, uvagullo siamarsimavogut avaloksuit kângane kanningitigêklutalo.

20 Nanelo manna tiptulaut tiptulau-sijautigijauninga tussarniarangapsiuk, tagvunga kattimaleritse uvaptingnut, Gudipta sorsugutiginiaipâtigut.

21 Taimaglo sennalaukpogut sullijaksame; innugiartoksuillo ketterkangita aipangita kallugitsat tigumiarpait kaub aupalungningata nuilerninganit uvloritset nuilerningat tikkidlugo.

22 Taipsomane innugiartoksoarnut okalaukpungatauk: Illunatik kivgatik illagellugit unnuakut sinniktarlit Jerusaleme, unnuane udsertorteôkovlugit uvaptingnut, uvlotillugolo sennakovlugit.

23 Uvangale kattangutikkalonêt, kivgakotikkalonêt, angutilonêt udsertorteôjut, malliktut uvamnik, annorairlungimarikpogut, illunatiglo timitik ubvartailivait.

KAPITEL V.

Judit ârusungningit alkkiliksatic pivlugit; Nehemiablo suadlarninga tapkoninga, pitjutaujunik tamattomunga.

NIPLIADLARNEKSOAKALERPORLO innugiartoksoarnit nulianginillo, kattangutitik Judit akkerartorlugit.

2 Illangillo tagvanêtut okarput: Ernivut pannivullo unnuk-

tôvut, tamanna pivlugo kakkojaksanik pinasuarta, nerrijung-narkovluta innôlutalo.

3 Illangille okarput: Perorsêvikotivut, perorsêvivullo Weinelihsat, iglovullo satoraksautiniarlavut, kakkojaksarsikovluta kângmut.

4 Illangille okarput: Kênaujanik tauktelihsarsilaukpogut akkiliaksanut, attannermut illingajunik, perorsêvikotivut, perorsêvikotivullo Weinelihsat satoraksautigivlugit.

5 Taimaigalloarmallo kattangutipta timingit timiptitut îput, kittorngangillo kittorngaptitut îput. Ahâglo, uvagut ernivut pannivullo kivgangortitaukojariakarpavut; panniptalo illangit kivgangortitaumajarêrput, uvagullo perkutekangilagut aggaptingne, perorsêvivullo, perorsêvivullo Weinelihsat assiptingnut illingavut.

6 Tagva ningavaksoadlalerlaukpunga, nipliadlarningit okausingit tapkoa tussarapkit.

7 Omattigalo illumne issumaksarsiorpok, suarpakkalo erkantut, aulatsijullo, okautilugillo: Illipse attunît kattangutipsingnit, tauktelihsarsijunit illipsingnit tappiksamik tigusijomavise? Illagêllo unnuktut akkerartortipakka tapkonunga,

8 Okautivakkalo: Uvagut kattangutivut Judit nellojunut niorygutigijaumalauktut pissiarilugit kippalutjarlaukpavut, ajugaringitaptingnit; illipselo kattangutisse niorygotigijomavissigik, uvagut pissiarilauktavut? Tagva nippangerput, kiogutiksarsijungnaratiglo.

9 Okalaukpungalo: Namalungilak pinniartase. Agvertartuksaungilasê sivuranerme Nalekamik, nellojut omigijipta mitautekarningit pivlugit?

10 Uvangelo kattangutimalo kivgakotimalo tauktelihsakartilaukpavuttauk kênaujanik, kakkojaksaniglo; kennuvigivapsele tappiksakarkojiniarata.

11 Tagva manna uvlorme tamattomane perorsêvingit, perorsêvingillo Weinelihsat, perorsêvingillo orksuggit, iglungillo satortautisigik tapkonunga, kênaujallo kakkojaksallo, Weinelihsallo ipitingit, orksuglo tigulauktapse tapkonangat tappiksamut 100 dingat.

12 Tagva okarput: Sattortautitsomavavut tapkonunga, kait-sikojomangilavullo sunamik, pinniaromalutalo, sorlo igvit okalauravit. Ajochertuijullo kaikovakka, angermarikolugillo taimailortuksaungmatta.

13 Ikkiaratauk nâvilugo ipsortorlaukpara, okarlungalo: Taimak Gudib nelliat ipsortorlitsuk iglunganit sullijaksanganillo, okautsemik ominga nellautsititsilungitok, ipsortauvlune navisimajotun, illulêrtotullo ikovlugo. Illagêllo illunamassiatik okarput: Taimaile, Nalegarlo nertorpât. Innugiartoksuillo taimailiorput, okautsit tapkoa malliklugit.

14 Nelliutomit taipsomangamit perkojauvimnit aulatsijuk-

saugama Judakut nunanganik, tagva attanniub Artasastab Jahringita 20 inganit 32 ingat tikkidlugo, tagva Jahrit 12 it nâlugit, uvanga kattangutimalo, nunab aulatingata nerkigivaktangit nerrilaungilavut.

15 Aulatsijut sivunimmêlauptut innugiartoksuit okumaiksartilauptait, tigusilauklutiglo tapkonangat niakojamik Weinemiglo, tapkoalo tappilugit Sekelinik 40 ginik Silberemik. Uvangelale taimailiorlaungitunga, suvuranek Gudemik pivlugo.

16 Sennalaukpungatauk avaluksoarne, perorsêviksilaungilangalo; kivgakotikkalo illunatik kattimalaukput tagvane sullijaksamut.

17 Judinillo aulatsijunillo 150 git uvlut tamaita nerrimar-kattauvut nerrimavimne, tikkilauptut uvamnut nellojut avatip-tingnêtut akkornganit.

18 Uvlullo tamaita pivlunga attuinautitauvut, tuktuvak angusalluk attausek, saukallo kuinititaumajut pingasojortut, tingmitsello, uvlunelo tellimaujortune attausiardlune Weinitt sunatuinait arklingsartut. Taimaigalloarmat nunab aulatingata nerkiksangit kaitaukolaungilakka, kivgartornek okumaidlalaungmat innugiartoksoarnut.

19 Gudik, innugiartoksoarnut tapkonunga pinniarlauktakka tamaita erkarutigikit uvamnik, idluarkutiksamnut!

KAPITEL VI.

Nehemiab unangmijauninga, uniorgariningalo.

SANEBALLATELO, Tobialo, Gosemelo Arabiamiok, omigijip-talo assingit tussarmatta avaloksuit sennajarêrapkit, kingekar-ungnaimatta, upkoat illilaungigalloarapkit sulle itterviksoarnut;

2 Saneballate Gosemelo tilliklerpûk uvamnut, okautsaukolungalo: Kait kattimalerlutalo iglugasengne naternamêtune Onomik attelingme. Idluitullivigijomanasugilauptângale.

3 Uvangelale tillijanik tilliklervigilauptakka, okautsaukolugillo: Sullijaksakarpunga pijariakortôjomik, attersarungnarlungitungalo. Sôg sullijaksak nokkartuksauva, kemagupko attersarajarlungalo illipsingnut?

4 Sittamairtorlutigle taimaitomik illusekarlutik tilliklervigivânga, uvangalo kiotsainarpakka taimaitomik illusekarlunga.

5 Tagva Saneballate tellimangane tilliklerpok uvamnut kivgaminik agganginut tigumiartomik aglanik nippitisimangitunik.

6 Tapkonane aglaksimajokalaupok: Nellojut akkorngane tussartaumavok, Gosemelo okalaupok tamattominga, igvit Judillo issumakarapse attannek pikablavigijomavlugo, tamannalo

pivlugo avaloksuit-sennagangne, igvillo attanniojomagavit tapkonunga, pinniarnierit tamakkoa malliklugit.

7 Igvillo nellautaijokartitsilauravit illingnik akpaujiuksanik Jerusaleme, okarlutik: Tamna attanniovok Judame. Mannalo tamanna tussartautitauniarpok attannermut. Tamannalo pivlugo kailaurit kachimiokattigilaulavut.

8 Uvangale tilliklerpunga tapsomunga okautsaukölugolo: Taimaitomik pinniartaujokalaungilak, okauserijarnik; omattingnut issumertorlaukpat.

9 Taipkoa illunatik sivurasaromalaungmattigut, issumalutiglo: Aggatak ergititaksarivait sullijaksamit, pinniartaukonago. Mannale tamanna pivlugo, Gudik, aggakka pitsartutilaukit!

10 Tikkilaukpungalo Semajab, Delajab erningata Meheleabeelib erningata iglunganut; tamnalo pallangairutivok ingminik, okarlunelo: Kattimalerta Gudib iglungane, Tempelib kerkane, Tempeliblo upkoangit pallangairlavut; tikkiniarmatta nakteromavlutit, unnuarmelo tikkiniarput nakterikovlugit illingnik.

11 Uvangale okarpunga: Angut uvaptun-îtok kemâjuksauva? Angullo taimaitok uvaptut Tempelemut aijuksaunajarka innokojomavlune? Kamungaromalungitunga.

12 Mallugosukama Gudib tillilaungimago. Nellautailune okautigilauralloarpânga, Tobiable Saneballatiblo kênaujanik tunnitsivigilaukpâk.

13 Tamanna pivlugo kênaujanik tigusivok sivurajuksaugama, taimailiortuksaugamalo idluitullijuksaulungalo, okausiksâlukaromangmatta pivlunga, mittautigilungalo pijungnaromavlutik.

14 Gudik, Tobiase Saneballatelo issumagikik pinniarningit tapkoa malliklugit; taimaglotauk nellautaijok arnak Noadja, nellautaijullo assingit sivurasaromalauktut uvamnîk.

15 Avaloksuillo pijarêrlaukput takkib Elulemik attigub uvlungita 25 ingane, uvlune 52 ine.

16 Omigijiptalo illunatik tamanna tussaramitsuk, nellojut avatiptingnêtit illunatik siyuravut, mungolerlutiglo, mallugosukamik pinniarnîk tamanna Gudemit pingmat.

17 Nelliutome taipsomane angajokaunerôjokalaukpoktauks unuktunik Judame, aglanik tillikliutijunîk Tobiamut, Tobiamillo taimaitut tikkiput tapkonunga.

18 Unnuktôlaungmatta Judame angermarilauktut tapsomunga; tapsomale Sachanja, Arab erninga ningaugingmago, erningatalo Johanana Mesullamib Berachjab erningata panna nullianilaukpa.

19 Ajungitomiglo okarpaktut pivlugo sâmne, okautsikkalo akpautigivait tapsomunga. Tobiablo aglait tillikliutivait sivurasâromavlunga.

KAPITEL VII.

Nehemiab alkiksoiningit sunatuinait.

PIJOKALAUKPORLO avaloksuit sennamajarêraptigik, upkoat illivakka, upkoaksuillo udsertortingit imgertuksallo, Levitillo nellonairtauvut.

2 Kattangutigalo Hanani, Hananjalo igloksub Jerusaleme angajokanga (anguteôngmat nertornartok, Gudemiglo sivurluartok assinginit unnuktunit) perkovâka,

3 Okautilugiglo: Upkoaksuit Jerusaleme upkoêrtaujuksaungilet sekkinék kitserkârtinago; sennaviksautillugolo sulle, upkoartaujuksauvut, senneroartaujuksaularmiglo. Udsertortokarti-tauvorlo Jerusalemiunit, attunit illangutivingmine, iglomiglo avatingine.

4 Iglugaseksuille angijolaukput nerrotôlarmiglo, innuisadlaluaukporle, igluillo igloliortaulaungilet sulle.

5 Gudimalo issumakartipânga omattimne, kattimakolugit erkanartut angajokaunerôjullo, innugiartoksuillo kittitilugit. Unnurningitalo nippisiorutingit nachvarpakka.

6 Taipkoa sivurngane takpaungarlauktut parngnanairsima-vingmit, Nebukadnezarib Babelib attannertangata aulartilauktangita, Jerusalemêlo nunakalauktut, Judamelo attunit igluga-seksoamingne.

7 Tikkilauktullo¹ Serubabele, Jesualo, Nehemialo, Asarjalo, Raamjalo, Nahemanilo, Mardochailo, Bilsanelo, Misperetelo, Bigevailo, Nehumelo, Baenalo illagilugit: Tamadsa Israelib innugiartoksoangita angutingita unnurningit.

- 8 Pareosib kittorngangit, 2172 ôlaukput.

9 Safatjab kittorngangit 372 ôlaukput.

10 Arab kittorngangit, 652 ôlaukput.

11 Pahat-Moabib kittorngangit, Jesuab, Joabiblo kittorngangita akkorngane 2818 ôlaukput.

12 Elamib kittorngangit 2254 ôlaukput.

13 Satub kittorngangit, 845 ôlaukput.

14 Sakaib kittorngangit, 760 ôlaukput.

15 Benuib kittorngangit, 648 ôlaukput.

16 Bebaib kittorngangit, 628 ôlaukput.

17 Asgadib kittorngangit, 2322 ôlaukput.

18 Adonikamib kittorngangit, 667 ôlaukput.

19 Bigevaib kittorngangit, 2067 ôlaukput.

20 Adinib kittorngangit, 655 ôlaukput.

21 Aterib kittorngangit Hiskiamit, 98 ôlaukput.

22 Hasumib kittorngangit, 328 ôlaukput.

- 23 Bezaib kittorngangit, 324 ôlaukput.
- 24 Harifib kittorngangit, 112 ôlaukput.
- 25 Gibeonib kittorngangit 95 ôlaukput.
- 26 Angutit Bethlehemiu, Netofamiullo 188 ôlaukput.
- 27 Angutit Anatotemiut 128 ôlaukput.
- 28 Angutit Beth-Asmavetemiut 42 ôlaukput.
- 29 Angutit Kiriattjeirimemiut, Kafiramiullo, Beerotemiullo
743 ôlaukput.
- 30 Angutit Ramamiut, Gabamiullo 621 ôlaukput.
- 31 Angutit Michmasemiut 122 ôlaukput.
- 32 Angutit Bethelemiut Aimiullo 123 ôlaukput.
- 33 Angutit Nebomiut 52 ôlaukput.
- 34 Elamib aipangata kittorngangit 1254 ôlaukput.
- 35 Harimib kittorngangit, 320 ôlaukput.
- 36 Jerehob kittorngangit, 345 ôlaukput.
- 37 Lodib, Hadidiblo, Onoblo kittorngangit 721 ôlaukput.
- 38 Senaab kittorngangit 3930 ôlaukput.
- 39 Ajochertuijut: Jedajab kittorngangit, Jesuab kingu-
vanginit 973.
- 40 Immerib kittorngangit 1052 ôlaukput.
- 41 Pashurib kittorngangit 1247 ôlaukput.
- 42 Harimib kittorngangit, 1017 ôlaukput.
- 43 Levitit: Jesuab Kadmieliblo kittorngangit, Hodiab kit-
torngangita akkorngane 74 ôlaukput.
- 44 Imgerpaktut: Assafib kittorngangit, 148 ôlaukput.
- 45 Upkoanik udsertortut, tapkoangolaukput: Sallumib kit-
torngangit, Aterib kittorngangit, Talomonib kittorngangit, Aku-
bib kittorngangit, Hatitab kittorngangit, Sobaib kittorngangit;
illunatik kattilugit 138 ôlaukput.
- 46 Nethinimit: Zihab kittorngangit, Hasufab kittorngang-
it, Tabaotib kittorngangit,
- 47 Kerosib kittorngangit, Siab kittorngangit, Padonib kit-
torngangit,
- 48 Libanab kittorngangit, Hagabab kittorngangit, Salmaib
kittorngangit,
- 49 Hananib kittorngangit, Giddelib kittorngangit, Gaharib
kittorngangit,
- 50 Reajab kittorngangit, Rezinib kittorngangit, Nekodab
kittorngangit,
- 51 Gasamib kittorngangit, Usab kittorngangit, Paseab kit-
torngangit,
- 52 Bessaib kittorngangit, Megunimib kittorngangit, Nefusi-
mib kittorngangit,
- 53 Bakkubib kittorngangit, Hakufab kittorngangit, Hahurib
kittorngangit,

54 Bazlitib kittorngangit, Mehidab kittorngangit, Harsab kittorngangit,

55 Barkob kittorngangit, Sisserab kittorngangit, Thamab kittorngangit,

56 Neziab kittorngangit, Hatifab kittorngangit,

57 Salomob kivgangita kittorngangit tapkoangolaukput: Sotaib kittorngangit, Soferetib kittorngangit, Pridab kittorngangit,

58 Jaelab kittorngangit, Darkonib kittorngangit, Giddelib kittorngangit,

59 Sefatjab kittorngangit, Hatilib kittorngangit, Pochretib Zebaimiub kittorngangit, Amonib kittorngangit,

60 Nethinimit kittorngangit, Salomoblo kivgangita kittorngangit kattilugit 392 ôlaukput.

61 Tapkoalotauk takpaungarkattauvut, Mithel, Thel-Harsa, Kerube, Addon, Immerelo; atâtagijamigle kinguvângit, sivurlitiglo nellonailijungnarlaungilait, Israelemit pingmangata.

62 Delajab kittorngangit, Tobiab kittorngangit, Nekodablo kittorngangit, 642 ôlaukput.

63 Ajochertuijunillo, Habajab kittorngangit, Hakoziablo kittorngangit, Barsilaib kittorngangit, Barsilaib Gileademiub paninginit nullianilauktub, taipso tunarlo atserartaulauktub.

64 Tapkoa sivurlimik abvakungita nippisiorutingit kennerpait; nachvarlungilaillo; tamanna pivlugo ajochertuijoêroti-lerput.

65 Hatirsastablo (nunab aulatingata) okautivait, nerrijuk-saungimatta ivsornainerpânogomit, ajochertuijokarkârtinago kaumaniutiksali-jartomik, idluarsaijutiksali-jartomiglo.

66 Illagêt illunætik kattilugit 42360 ôlaukput;

67 Kivgangit angutit, arnallo kittinagit; tapkoa 7337 ôlaukput. Imgerpaktokalaukpullo 245 ginik, angutinik arnaniglo,

68 Horsekotingit 736 ôlaukput, Horseojartokotingillo 245 ôlaukput,

69 Kamelekotingit 435 ôlaukput, siutekorto-jokotingillo 6720 ôlaukput.

70 Atâtallo angajokaunerôjut illangit tunnijivut aitusiasmik Gudib iglunganut. Hatirsastalo tunnijivok perkutitalingmut sullijaksab akkiliutiksanganut Goldemik Darikenik 1000 dinik, pôgutani-glo 50 ginik, ullingniglo ajochertuijunut illingajunik 530 ginik.

71 Atâtallo angajokaunerôjut illangit tunnijivut perkutitalingmut sullijaksab akkiliutiksanganut Goldemik Darikenik 20000 dinik, Silberemiglo paundenik 2200 dinik.

72 Innugiartoksuillo assingit tunnijivut Darikenik 20000 dinik, Silberemiglo paundinik 2000 dinik, ullingniglo ajochertuijunut illingajunik 67 ginik.

73 Taimak ajochertuijut, Levitillo, upkoaniglo udsertortut, imgerpaktullo, innugiartoksuillo illangita, Nethinimillo, Israeli-tillo illunatik iglugaseksoakotitik innigilerpait.

KAPITEL VIII.

Perkojat attuartauingat. Uvloksiorviublo iglokarnermik akkerkunik millukattalingnik attortauinga.

TAKKILLO 7 ingat manna tikkilermat, Israeliblo kittorngangit iglugaseksoakotimingnêmata, innugiartoksuit illuêngarlutik kattimalerput angutetut attautsetut sorlo, apkosinerme silliktome immiub itterviksoangata sângane, okarlutiglo Eramut, aglanik illissimajomut, aiklerkovlugo Mosesib aglanginik perkojaktalingnik, Nalekab perkolauktanginik Israelitinut.

2 Esrablo ajochertuijub perkojat âpait illagêt, angutit annallo illunatiglo tussarungnartut tapkoninga sânginut, takkit 7 ingata uvlungita sivurlingane,

3 Attuarpaillo apkosinerme silliktome immiub itterviksoangata sânganêtome, uvlarârsungmit uvlub ketterarninga tikkid-lugo. Innugiartoksuillo siutingit illunatik torarput aglanut perkojaktalingnut.

4 Esralo aglanik illissimajok nangerpok ikovrangme ke-
jungôjome, sennalauktangane tamanna pivlugo. Sennianelo nangerput: Matitja, Semalo, Anajalo, Urialo, Hilkialo, Mae-sealo, tallerplane; saumianelo, Pedaja, Misaelo, Malchjalo, Hasumelo, Hasbadanalo, Sacharjalo, Mesullamelo.

5 Esrablo aglait kopperpait innugiartoksuit illunamassiatik tækkoane, nuitangmat innugiartoksoarnit tamainit; koppermagillo innugiartoksuit illunamassiatik nikkovilerput.

6 Esrablo Nalegak Gudejoksoak nertorpa. Innugiartoksuillo illunamassiatik kiovut Taimaile! taimaile! aggatik kongmuartilugit pivlutik; okkolutiglo, opigosuglarmiglo Nalekamik kênatik pûvlugit nunamut.

7 Jesuablo, Baniblo, Serebjablo, Jaminiblo, Akubiblo, Sabtaiblo, Hodajablo, Maesejablo, Klitablo, Assarjablo, Josabadiblo, Hananablo, Plajablo, Levitillo perkojat tukkisinartipait innugiartoksoarnut; innugiartoksuillo nangerput innimingne.

8 Attuarpaillo Gudib aglangit perkojaktagit tukkisinartomik, tukkingillo nellonairpait, tukkisinartilugillo attuartaulugit.

9 Nehemiablo Hatirsastaôjub (nunab aulatingata) Esrablo ajochertuijub, aglanik illissimajub, Levitillo, innugiartoksoarnik ajochertuijut, innugiartoksuit illunamassiatik okautivait: Uv-

lok tamanna ivsornaitôvok Nalekamut Gudipsingnut; kiksarniarase kêaniaselo. Innugiartoksuit illunamassiatik kêagamik perkojat okausertangit tussaramigit.

10 Tamanna pivlugo okautivait: Aileritse nerriluselo orksulingmik, immerluselo mamaktomik; pajungniluselo aitusiamik akiksoilaungitunut ingmingnut; uvlok tamanna ivsornaitôngmat Nalegapingnut; tamanna pivlugo issumajarniarase, kuviasungnek Nalekamik pitsartutigapsiuk.

11 Levitillo innugiartoksuit saimarsarpait, okarlutiglo: Imangeritse, uvlok tamanna ivsornaitongmat, issumajarniarase.

12 Innugiartoksuillo illunatik aivut nerrijomavlutik, immeromavlutiglo, pajungnigomavlutiglo aitusianik, kuviasungnekar-titsilarmiglo angijomik; okautsit tukkisilauramigit, okautigijaulautut tapkonunga.

13 Uvlublo apangane atâtat innugiartoksuit illunamassiatik angajokaunerôjungit, ajochertuijullo, Levitillo kattimalerput Esramut, aglanik illisimajomut, ajochertortaujomavlutik tapsomunga perkojat okausertanginik.

14 Nachvarpullo perkojane, Nalekab Mosesekut tunnilauktangine, aglaksimangmat, Israelib kittorngangit uvloksiorvingme takkit 7 ingane, iglunêtuksaungmatta akkerkunit millukatalingnit sennamajune.

15 Tamannalo tussartaukovât, akpautigijaukolugolo igluga-seksoamingne illunaine Jerusalemelo, okarkojilutiglo: Aileritse kakkanut, aiklerluselo nappartut, orksuliub, Balsamiblo, Mirteniblo, Palmillo akkerunginik, nappartullo assingita akkulaitunik akkeroggit, iglunik akkerolingnik sennajokarkovlugo, sorlo aglaksimangmat.

16 Innugiartoksuillo aivut aiklerlutiglo, iglokartitsivullo ingmingnut akkerkunik, attunit iglomik kângine, innemingnelo avaluliorsimajune, Gudiblo iglungata inningine avaluliorsimajune, apkosinermelo silliktome immiub itterviksoangata sângane, apkosinermelo silliktome Eframib itterviksoangata kannitangane.

17 Illagêllo illunamassiatik uttersimajut parngnanairsimavingmit, sennavut iglunik akkerolingnik, innigivaillo. Israelib kittorngangit Josuab Nunib erningata nelliuninganit uvlok tamanna tikkidlugo taimailiorlaungimatta; kuviasungnevaksoakalaukporlo.

18 Gudiblo aglangit perkojaktaggit attuartauvut uvlut tamaita, uvlut sivurlerpanganit kingorlerpâk tikkilugo; uvloksiorviglo attorpât uvlut 7 it nâlugit; uvlullo 8 ingane uvloksiorviub kattimaniksanga, sorlo pijuksaungmat.

KAPITEL IX.

Innugiartoksuit kakkiälerningat sagvartome.

TAKKIB tapsoma uvlungita 24 ingane Israelib kittorngangit kattimalerput, nerritaililit, pôksaijamiglo (silliktunik illerk-salingnik) attisimavlutik, ivjolijarlutiglo niakomik kângine.

2 Israeliblo kinguvangit avitipait tækkorngartat kittornganginit tamainit, nangeriartorlutiglo ajornitik, atâtagijamiglo idlultulliningit kighigiutigilugit.

3 Nikkovipullo innimingne, Nalekablo Gudimik aglangit perkojaktagit attuartauvut, uvlorlo sittamaulilugo, sittamangat nâlugo attuarsivut, sittamangallo aipangane kighigiutsivut, tuksiarlutiglo Nalekamut Gudemingnut.

4 Levitillo poktojokotinganut nangeriartorput Jesua, Banillo, Kadmiello, Sebanjalo, Bunilo, Serebjalo, Banilo, Kenanilo, nip-liarlutiglo nippekortojomut Nalekamut Gudemingnut.

5 Levitillo Jesua, Kadmiello, Banilo, Hasabenjalo, Serebjalo, Hodjalo, Sebanjalo, Petatjalo okarput: Nikkovititse, Nalegarlo Gudise nertorsiuk issokangitomit issokangitomit! Attillo âna-naudlartok, anginersaujok nertordlerutiksanit, nakosarnernillo tamainit, nertortaule!

6 Nalegak igvitôvotit, igvit killak pingortilaukpat, killaillo tamaita killangit, kattimgajoksoangit illaliudlugit, nuna tamaitalo tapsomanêtut, immarbiksuit, tamaitalo tapkoa illuanêtut. Igvillo tamaita pairivattit; killangmiugaseksuillo tuksiarvigivâtit.

7 Igvit Nalegauvotit Gude, Abramik annerosulauktotit, tes-siornilauktotillo taipsominga Uremi Kaldæamêtomit, adserarlugolo Abrahamik.

8 Omattungalalo nertornartok nachvarlaukpat sângne, angerkattigilaukpello kinguvângit tunnitsivigijomavlugit, Kanaaniterit, Hetiterillo, Amoriterillo, Feresiterillo, Jebusiterillo, Girgositerillo nunangit; okautsitillo nellautsitilaukpattit, idluartogavit!

9 Igvillo atâtagijapta ajuälerningat Egipteneme tækkonâr-laukpet nipliarningallo immarbingme iviktalingme suvlulingnik, tussarlaukpet,

10 Nellonaikutekartitsilaukpotit tattamnartullilutillo Faraome, kivgakotinginelo illunaine, nunangatalo innugiartoksoangine illunaine; igvit illitarksilauravit perajarlugvigingmagit; attekartilaukpotillo sorlo uvlome îmat.

11 Immarbiglo avilaukpet sivurngane, immarbik kerkagôr-

vigilugo ipteriliktokut pikovlugit, unangmijingillo ittijomut egilaukpattit, sorlo ujarak egitauvangmat immaksoarmut;

12 Uvlokarningane tessiorlaukpattit nappajome nuvujaujome, unnuakarninganelo nappajome ikkomaujome, kaumarlugit apkome ingerarvigijangane.

13 Akkarlaukpotillo kakkamut, Sinaimik attelingmut, okarvigilaukpattillo killangmit, tunnitsivigilugillo iduarnermik tamarnangitomik, malligaksaniglo mikselingnik, perkojaniglo ilusiksaniĝo ajungitunik;

14 Sabbatekotillo ivsornaitok nellonairlaukpet tapkonunga; perkojaniglo, illusiksaniĝo, malligaksaniĝo perkolaukpattit Mosekut kivgakotikut.

15 Kakkojamiglo killangmit tunnitsivigilaukpattit kâktillugit, immermiglo annikojilaukpotit tapkonunga kairtomit immerulauktillugit; okarvigivattillo aijuksaungmatta nuna nangmine-liutilugo, aggangnik issajutigilauktat kôngmut, tunnijomavlugo tapkonunga.

16 Atâtagijavulle piojorilerlaukput, tappatolerlutiglo, nalelugatiglo perkojarnik.

17 Kunnulaukpullo tussarnermik, tattamnartullinitillo pinriarlauktattit erkarlaungilai, tettitosarlaukput angajokâkartitsivullo ingmingnut utteromamut kivgaunermingnut keppeserlutik. Igville Gudiga issumagijungnainilaukpotit, saimarvikalaukpotit, napkigosuklutillo, kennuêdlalarpillo, napkoartoksôlaukpotit, kemalaungilaillo.

18 Nochangoarmiglo kovimajomik sennalauralloaramik, okarlutiglo: Tagva (Israele) Gudit Egiptenemit aulartilauktit! mit-tautiksakarlutiglo taimak angijomik;

19 Sullele sunakajuitome kemmalaungilattit napkoatoksônit pitjutigilugo, nappajorlo nuvujaujok nulaungilak taipkonangat uvlotillugo, tessiorlugit apkome, nappajorlonêt ikkomaujok unname, kaumarlugit apkome ingergavigijangane.

20 Annernerniglo ajunginermik tunnitsivigilaukpattit, ajocher-torlugit, Manakotitillo sangutilaungilattit kanninginit; immermiglo tunnitsivigilaukpattit immeruktillugit.

21 Jahrit 40 git nâlugit pattangaitilaukpattit sunakajuitome, ajoksalaukonagit sunamiglonêt. Anorângit samgusengorlaungilet, ittiggangillo puvilerlaungilet;

22 Tunnitsivigilaukpattillo attanniovingnik, innukattigêksoarniglo, avilaukpattillo maunga ikungalo, aksarnigarivâllo Sihonib nunanga, Hesbonib attannertangata, Ogiblo nunanga, Basanib attannertangata;

23 Kittorngangillo unnuksivalliatilaukpattit uyloritsetitut killangmêtutitut, âlaukpattillo nunamut atâtagijanginut okarutigilauktarnut, ittervigilugo nangmineliutilugolo pijuksaungmatta.

24 Kittorngangitalo ittervigivât nangmineliutilâllo; igvillo

nunab innungit taipkoa sivurngane mannigotitilaukpattit, Kanaaniterit, tunnilaukpattillo agganginut, attanningillo innukatigéksoangillo, pinniarvigilugit pijomajamingnut.

25 Iglugaseksuillo sôngojut aksarnigarivait, nunalo pitsornartok, iglullo perkutitaggit sunatuinarnik nangmineliutilerpait, immektarvillo ullimarsimajut, perorsêvillo Weineliksat, perorsêvillo orksugit, nappartullo nerkiksagit unnuktut, nerrilaukpullo akkeartorlutiglo, kuinilerlarmiglo, innosekalutiglo allianartomik, pitsiarnersoarnut.

26 Kissianele tappatolerlaukput, akkerartorpâttillo, malligaksaukojattit egipait tunnumingnut, nellautaijokotitillo nakterpait, kigliutsijut tapkonunga, salertuksaungmatta illingnut, okarnerlutjilutiglo angijomik.

27 Tamanna pivlugo tunnilaukpattit omigijingita agganginut, kappiasuktitsikovlugit tapkoninga. Kappiasungnimiglo nelliuningane nipliarlaukput illingnut; igvillo tussarlaukpattit killangmit, napkoarosuktoksônernullo piuliklertunik tunnitsivigilaukpattit, piuliklertunik tapkoninga omigijingita agganginit.

28 Merngoêrserviksakalauruniglo mumiktilerput idluitullilitik sângne. Tagva kemmalaukpattit omigijingita agganginut, attanniotikovlugit tapkonunga. Tagva sâlerput nipliarlutiglo illingnut; igvillo tussarlaukpattit killangmit piulikatlarlugillo napkoarosuktoksônernut,

29 Kigliudsiviokolaukpattillo sâkertuksaungmatta malligaksaukojarnut. Piojorilerlaukpulle, nalelaungilaillo perkojattit, idluitullilitiglo idluarijattit akkerartorlugit, (tapkoale innuit nelliita pinniarpagit innôgutigivlugit pingmagit) tuitiglo sangutipait, tappatolerlutiglo, nalengnatiglo.

30 Igvillo Jahrit unnuktut nâvlugit kennuêrsarvigilaukpattit, kigliutsiviokolaukpattillo annernermut, nellautaijokotingnêtomut; illaliorlaungilâlle siutimingnut. Tamana pivlugo tunnilaukpattit innukattigêksuit nunanetut agganginut.

31 Napkoarosuktoksônît malliklugo nungumaritaililaukpattit, kemmalaungilatillonêt; Gudeôgavit saimarvikarosuktok, napkoarosuktorlo.

32 Mannalo Gudivut, Gudeojoksôjotit, sôngojotit kappianadlartotillo, nellautsititsijotit angerkattigêngnermik, napkiningnermiglo, siorniornartut tamaita tikkitautigijavut, attannivullo, angajokaunerôjovullo, ajochertortivullo, nellautaijovullo, atâtavullo, innukotitillo tamaita, Assiriاميوت attanningita nelliuninginit uvlok tamanna tikkidlugo, mikkijonasugitailikittôk.

33 Igville idluarpotit, tamaine tikkitaulukauktarne uvaptingnut, igvit namaktullilauravit, uvagulle namangitoâlungmik pinniarlaukpogut.

34 Attanniptalo, angajokaunerôjuptalo ajochertortiptalo, atâtagijaptalo malligaksaukojattit pinniarlaungilait, perkojattillo,

kiglīgiutsinitillo kiglīgiutigijaukolauktattit tapkonunga, kammagilaungilait.

35 Kivgartorlaungilâtillō attanniovingmingne, perkutevaksoarnerne, tunnilauktarne tapkonunga, nunamelo nerrotôjome, pitsornartomelo unnertutigijarne tapkonunga, sâlerlaungilello pinniarnermingnit idluitunit.

36 Ahâk, manna kivgauvogut; nunamêpogullo atâtagijaptingnut tunnilauktarne, perortungit perkutingillo nerrilugit pivkvluta; ahâk, tapsomane kivgauvogut;

37 Kaitangillo unnuksivalliavut attannernut, illilauktarnut uvaptingnut, ajornivut pivlugit; attanniotivullo timiptingnut, nergjutekotiptingnullo pijomajamingnut, uvagullo siorniornadlartomêpogut.

38 Taimailingagalloarlutalo angerkattigêngnekartitsivogut sokkosijuitomik, aglaklutalo, angajokaunerôjuptingnullo, Levitinullo, ajochertortiptingnullo nakkitertaukovavut.

KAPITEL X.

Innugiartoksuit angermaringningit malligaksat malligomavlugit.

NAKKITERIJULLO tapkoangolaukput: Nehemia, Hatirsasta (nunab aulatinga) Hachaljab erninga, Zedekialo,

2 Serajalo, Asarjalo, Jeremjalo,

3 Pashurelo, Amarjalo, Malchjalo,

4 Hattuselo, Sebanjalo, Malluchelo,

5 Harimelo, Meremotelo, Obadjalo,

6 Danielelo, Gintonelo, Baruchelo,

7 Mesullamelo, Abjalo, Mejaminelo,

8 Mâsjalo Bigailo, Semajalo, tagva ajochertuijut.

9 Levitillo tapkoangôlaukput: Jesua, Asanjab erninga, Benuniblo, Henadadib, Kadmieliblo kittorningangita akkorngane,

10 Kattangutingillo: Sechanja, Hodjalo, Klitalo, Plajalo, Hananjalo,

11 Michalo, Rehobelo, Hasabjalo,

12 Sachurlo, Serebjalo, Sebanjalo,

13 Hodjalo, Banilo, Beninulo.

14 Niakoôjullo innugiartoksoarne tapkoangôlaukput: Pareos, Pahat Moab, Elame, Satu, Banilo,

15 Buni, Asgad, Bebai,

16 Adonja, Bigvai, Adine,

17 Ater, Hiskia, Asur,

18 Hodja, Hasume, Bezai.

19 Harife, Anatote, Neubai,

20 Magpiase, Mesullame, Hesire,

- 21 Masesabeel, Zadok, Jadaa,
- 22 Platja, Hanan, Anaja,
- 23 Hosea, Hananja, Hasube,
- 24 Halohes, Pilha, Sobek,
- 25 Rehume, Hasabna, Maeseja,
- 26 Ahia, Hanan, Anan,
- 27 Malluch, Harim, Baenaló.

28 Innugiartoksuillo assingit, ajochertuijut, Levitillo, upko-aniglo udsertortut, imgerpaktullo, Nethinimillo, illunatiglo, ap-terlauptut innukattigéksoarnit nunane Gudib malligaksauko-janginut, nulliatik, ernitiglo, pannitiglo illagilugit, illunatik tukkisijungnartut,

29 Illauvut kattangutimingnut erkanartunut, tikkipullo anger-lutiglo angermaringnermut, agvertaromagamik Gudib malligak-saukojangit malliklugit, tunnilauktangit Mosekut, Gudib kivga-kotingagut, nellautsititsijomagamik, pinniaromagamiglo Nalekab attanniotivigijipta perkojangit, idluarijangillo, illusiksauko-jangillo tamaita malliklugit;

30 Pannivullo tunnijomanginaptigik innukattigéksoarnut nunane, pønningillonét tigujomanagit erniptingnut;

31 Nunablo innukattigéksoangita Sabbatib uvlungane, kait-sileraikepatta niorgvutiksanik, nerkiksaniglo sunatuinarnik ni-origosijomavlutik, tigujomanginaptigik Sabbatine, uvlunelo iv-sornaitune; Jahrilla 7 ingane akkiliaksat sunatuinait akkiler-taujungnairkojomagaptigik.

32 Perkojakartipogullo, Jahrine tamaine kênaujak Sekele pingasuulimajub pingajuak, tunnijomagaptigo, kivgartornermut Gudipta iglungane;

33 Tagva kakkojaksanut tækkojaksanut, tunnergutiksanullo nerkiksanut uvlunut tamainut illingajunut, tunnergutik-sanullo otaksanut uvlunut tamainut, Sabbatinullo, takké-lanullo uvloksiorvingnullo illingajunut, ivsornaititaumajunut, tunnergutiksanullo ajortoérutiksanut, Israelitit ullapkosertau-kovlugit, pinniaraksanullo tamainut Gudipta iglungine.

34 Imeraut attorpavuttauk ajochertuijunut, Levitinullo, in-nugiartoksoarnullo, kejuut pivlugit tunnergutiksanut attoriakar-tut, Nalekab Gudipta iglunganut âtaksaullauktut, atâtagijapta iglungit malliklugit, nelliutune nellonairsimajune, Jahrine ta-maine, ikkoalakovlugit Nalekab Gudipta Altarekotingata kâng-ane, sorlo malligaksane aglaksimangmat.

35 Jahrinelo tamaine nunapta perortungita innerkârtungit, nappartullo tamaita paungâlungita innerkârtungit, âtsomagap-tigik Nalekab iglunganut;

36 Ernivullo ernerikârtavut, nergjutekotiptalo erniarikâr-tangit, sorlo aglaksimangmat malligaksane, tuktuvakotiptalo,

saugakotiptalo erniarikârtangit, tamakkoa tamaita âtaksarigap-tigik ajochertuijunut, Gudib iglungane kivgartortunut.

37 Kakkojaksaptalo innerkârtungit, tunnergutiksaptalo sivurlingit, nappartullo tamaita paungâlungit, Weineliksallo iptingit, orksuglo innerkârtut âtsomagaptigik ajochertuijunut inninut Gudib iglunganêtunut; nunaptalo tellimaujoanik Levitinut, Levitit tellimaujoanik pekarkovlugit iglugaseksoaptingne perorsêviktalingne tamaine.

38 Ajochertuijorlo Aronib erninga, Levitinut illaujuksauvok Levitit tellimaujoanik tiguleraikpatta, Levitit tellimaujoakotimik tellimaujoanik âtsikovlugit takpaunga Gudipta iglunganut innenut perkotitalingmêtunut.

39 Israelib kittorngangita, Leviblo kittorngangita tunnergutiksak kakkojaksat, Weineliksallo iptingit, orksuglo âtaksaringmagit takpaunga inninut. Tagvanêput ivsornaitoviub illulerkutingit, ajochertuijullo kivgartortut, upkuaniglo udsertortut, imgerpaktullo; uvagullo Gudipta iglunga kemmagomangilavut.

KAPITEL XI.

Iglugaseksuit Jerusalemib innungit.

INNUGIARTOKSUILLO angajokaunerôjungit Jerusaleme iglokalaukput. Innugiartoksuille assingita immeraut attorpât, tellimaujortunit attausek Jerusalemut iglugaseksoarnut ivsornaitunut tikkikovlugo nunagilugit pikovlugo, 9 illo iglugaseksoarne assingine.

2 Innugiartoksuillo angutit illunaita saimartipait pijarællutik Jerusaleme nunakaromalauktut.

3 Tamadsa niakoôjut nunab innunginit Jerusaleme nunakartut. Judable iglugaseksoangine, illunatik attunit nangmineri-jamingne nunakalaukput iglugaseksoarmingne: tagva Israelitit, ajochertuijullo, Levitillo, Nethinimillo, Salomoblo kivgangita kittorngangit.

4 Jerusalemele nunakalaukput Judab Benjaminiblo kittorngangita illangit. Judab kittornganginit: Athaja, Usiab erninga, Sacharjab erningata, Amarjab erningata, Sefatjab erningata, Mahelaleelib erningata, Perezib kittornganginit.

5 Maesalo, Baruchib erninga, Kal-Hosib erningata, Adajab erningata, Jojarib erningata, Sacharjab erningata.

6 Perezib erningit Jerusaleme nunakalauktut kattilugit 468 ôlaukput, illunatik angutit erkinaitut.

7 Tamadsa Benjaminib erningit: Sallu, Mesullamib erninga,

Joedib erningata, Pedajab erningata, Kolajab erningata, Jesajab erningata;

8 Tapsomalo tungâne Gabai, Sallailo, 928 ôjut;

9 Joello Sichrib erninga, aulatsijolaukpok tapkoninga, Judalo Hasnuab erninga angajokaulaukpok iglugaseksuit abvakungita aipanginut.

10 Ajochertuijunit nunakalaukput: Jejada, Jojarib erninga, Jachinelo,

11 Serajalo, Hilkiab erninga Mesullamib erningata, Zado-kib erningata, Merajotib erningata, Ahitob erningata, attanniolaukpok Gudib iglungane.

12 Kattangutingillo iglome kivgartortut, tapkoa 822 ôlaukput. Adajalo Jerohamib erninga, Plajab erningata, Amzib erningata, Sacharjab erningata, Pashurib erningata, Malchab erningata,

13 Kattangutingillo angajokaunerôjut atâtat akkorngane 242 ôlaukput. Amasailo, Asreelib erningata, Ahusaib erningata, Mesillemotib erningata, Immerib erningata,

14 Kattangutingillo 128 ôlaukput, angutit erkinartut. Aulalingallo Sabdieleôlaukpok, Gedolimib erninga.

15 Levitinit: Semaja, Hasubib erninga, Asrikamib erningata, Hasabjab erningata, Bunib erningata,

16 Sabtailo, Josabadelo, Levitit angajokaunerôjunginit sulijaksanut pijariakinersanut Gudib iglungane angajokaujunit.

17 Mathanjalo, Michab erninga, Sabdib erningata, Assafib erningata, niakoôlauktuk, nertordlerutiksamik pigiarkârtok tuksiarnerme; Bakkukjalo tugliolauktok kattangutime akkorngane, Abda, Samuab erninga, Galab erningata, Jeditunib erningata.

18 Levitit illunatik iglugaseksoarne ivsornaitunelauktut 284 ôlaukput.

19 Upkoaniglo udsertorteôjut: Akube, Thalmonelo, kattangutingillo, upkoaksoarne udsertortut 172 ôlaukput.

20 Israelitillo assingit, ajochertuijut, Levitillo Judab iglugaseksoangine illunainêlaukput, attunît nangminerijsamingne.

21 Nethinimillo Ofeleme iglokalaaukput. Zihalo, Gispalo Nethiniminut angajokaulaukpûk.

22 Levitillo aulatingat Jerusaleme Usiôlaukpok, Banib erninga, Hasabjab erningata, Mathanjab erningata, Michab erningata. Assafib erninginit imgerpaktunit aulatsijokalaaukpok sullijaksanak Gudib iglungane.

23 Perkojakalaungmat attannermit tapkoa pivlugit, imgerpaktut uvlut tamaita aitusiamik nellonairsimajomik pijuksaungmatta.

24 Pethajalo Mesesabeelib erninga, Serab Judab erningata erninginit aulatsijolaukpok attanniub pinniartaukojanginik tamainik innugiartoksoarnut.

25 Judablo kittornganginit iglugasengne nunamingne nuna-kartunit illangit nunakalaukput Kiriati-Arbame, aiparusinginelo, Dibonemelo, aiparusinginelo, Kabzeelemelo, aiparusinginelo.

26 Jesuamelo, Moladamelo, Bethpalatemelo,

27 Hazarsualemelo, Bersebamelo, aiparusinginelo,

28 Ziklagemelo, Mochonamelo aiparusinginelo,

29 Enrimmonemelo, Zaregamelo, Jeremuthemelo,

30 Sanoame, Adullamelo, aiparusinganelo, Lachisemelo, perorsêvinginelo, Asekamêlo, aiparusinginelo. Nunakarpullo Bersebamit Hinomib naksanga tikkilugo.

31 Benjaminible kittorngangit nunakalaukput Gabamit, Michmaseme, Ajamelo, Bethelemelo, aiparusinginelo.

32 Anatotemelo, Nobemelo, Ananjamelo,

33 Hazoremelo, Ramamelo, Gitaimelo,

34 Hadidemelo, Ziboimelo, Neballatemelo,

35 Lodemelo, Onomelo, igloliortullo naksangane.

36 Levitillo illangit illangiutivikalauktut Judame, nunakarput Benjaminekut akkorngane.

KAPITEL XII.

Ajochertuijut Levitillo attingit. Ighugaseksuit avaluksoangita innersimaningita wloksiortauningat. Aulatsijut tunnergutinik, Tempelemut âtaumajunik.

TAMADSA ajochertuijut Levitillo, Serubabele, Sealtib erninga, Jesualo illagilugit takpaungarlauktut: Seraja, Jeremia, Esra,

2 Amarja, Malluch, Hattus,

3 Sechanja, Rehum, Meremot,

4 Iddo, Gintoi, Abja,

5 Mejamin, Maadja, Bilga,

6 Semaja, Jojaribe, Jedaja,

7 Sallu, Amok, Hilikia, Jedaja. Tapkoa niakoôlaukput ajochertuijut kattangutingitalo akkorngane, Jesuab nelliuningane.

8 Levitillo tapkoangôlaukput: Jesua, Benuni, Kadmiel, Serebja, Juda, Mathanja, nertordlerutiksanut illingajut, tamna kattangutingillo.

9 Bakkukja, Unnilo, kattangutigik, akkinginêlaukpuk udser-torteôlutik.

10 Jesuab Jojakime ernetariva, Jojakimib Eliasibe ernetariva, Eliasibib Jojada ernetariva,

11 Jojadab Jonathan ernetariva, Jonathanib Jaddua ernetariva.

12 Jojakimiblo nelliuningane tapkoa atâtauvlutik angajokau-
nerôlaukput, ajochertuijut akkornthane: tagva Serajamit, Mera-
jaôlaukpok; Jeremjamit, Hananjaôlaukpok;

13 Ešramit Mesullameôlaukpok; Amarjamit Johan-
an-ôlaukpok;

14 Malluchemit Jonathaneôlaukpok; Sebanjamit Josefe-
ôlaukpok;

15 Harimemit Adnaulaukpok; Merajotemit Helkaiôlaukpok;

16 Iddomit Sacharjaôlaukpok; Gintonemit Mesullame-
ôlaukpok;

17 Abjamit Sichriôlaukpok; Mejamin-Moadjamit Piltai-
ôlaukpok;

18 Bilgamit Samuaôlaukpok; Semajamit Jonathaneôlauk-
pok;

19 Jojaribemit Mathnaiôlaukpok; Jedajamit Usiôlaukpok;

20 Sallaimit Kallaiôlaukpok; Amokemit Ebereôlaukpok;

21 Hilkiemit Hasabjaôlaukpok; Jedajamit Nethaneele-
ôlaukpok.

22 Eliasibiblo, Jojadablo, Johananiblo, Jadduablo nelliun-
ingine, atâtat angajokaunerôjut Levitinit aglaktaulaukput,
ajochertuijunillo Dariusib, Persiab attannertangata attannioti-
ningane.

23 Levible erningita angajokaunerôjungit aglaktaumavut
nelliunerit pijokarningita aglanginut, Johanani Eliasibib ern-
ingata nelliuninga tikkilugo.

24 Tapkoalo angajokaunerôlaukput Levitit akkornthane: Ha-
sabja, Serabja, Jesualo Kadmielib erninga, kattangutingillo
senniane, nertordlerlutik kujalilitiglo; sorlo Davide Gudib ang-
utekotinga perkojilaungmat, udsertortut, udsertortut sennianêd-
lutik.

25 Mathanja Bakbukjalo, Obadjalo, Mesullamelo, Talmonelo,
Akubelo udsertorteôlaukput upkuanik, udsertorpullo manu-
angine.

26 Tapkoa Jojakimib Jesuab erningata, Jozadakib erningata,
nelliuninganêlaukput, Nehemiablo nunab aulatingata, Esrablo
aglanik illissimajub nelliuningine.

27 Jerusalemiblo avaluksoangita ivsornaititauninganut Levi-
tit illunaita nunangine kennertaulaukput, Jerusalemut tikki-
kovlugit, avaluksuit ivsornaititsomavlugit, kuviasuklutik, kuja-
lilitiglo, imgerlutiglo, Cimbelillo, Psalterillo, Harfillo attor-
lugit.

28 Imgerpaktullo erningit, Jerusalemib erkânit avatânit
kattilerput, Netofatiterillo iglugasenginit,

29 Gilgaliblo iglunganit, Gibeablo, Asmavetiblo perorsêving-
init: imgerpaktut Jerusalemib avatâne illunane iglugasengnik
igloliorsalaungmatta ingmingnut.

30 Ajochertuijullo Levitillo, sujungaitilerput ingmingnik, sujungaititsilutiglo innugiartoksoarnik, itterviksoarniglo, avaluksoarniglo.

31 Judakullo angajokaunerôjungit majoarkovakka avaluksuit kânganut, kattimgajokartitsivungalo maggoinik angijunik, kujalidlartunik; tapkoa aipangit pissukput avaluksuit kângine tallerpianut perorsaijut itterviksoanganut torarlutik;

32 Tapkoalo kingorngane mallikput Hosaja, Judakullo angajokaunerôjungita ketterkangit.

33 Asarjalo, Esralo, Mesullamelo,

34 Judalo, Benjaminelo, Semajalo, Jeremialo,

35 Ajochertuijullo erningita illangit Trompetelijarlutik: Tagva Sacharja, Jonathanab erninga, Semajab erningata, Mathanjab erningata, Michajab erningata, Sachurib erningata Asafib erningata;

36 Kattangutingillo, Semaja, Asraello, Milalai, Maai, Nethaneel, Judalo, Hananilo Davidib Gudib angutekotingata nokakseralikotingit attorlugit; Esrale aglanik illissimajok si-vurnganêdlune,

37 Puailaviublo itterviksoangane, akkinginetome Davidib iglugaseksoangita majutingit majoarpait, avaluksuit pôktoning-inut Davidib igloksoanganut, immiub itterviksoanga kittanêtok tikkidlugo.

38 Kattimgajullo kujalidlartut aipangit pissulaukput tapkoa igluanut, uvangalo mallikpakka, innugiartoksuillo ketterkangit illagilugit, avaluksuit kângagorvigivlugit, kiæksautiblo nuvgosinga kângagorvigivlugo, karmak silliktok tikkilugo.

39 Eframiblo itterviksoanga kângagorvigilugo, itterviksublo nutaungitub kângagut, Hananeelib nuvgosinganut, saukat itterviksoangat tikkidlugo; nokkarpullo parngnanairsortat itterviksoangane.

40 Nangerpullo taimak kattimgajuk maggoit nertordlertut Gudib iglungane, uvangalo angajokaunerôjullo ketterkangita il-lagilunga;

41 Ajochertuijullo: Eljakime, Maeseja, Minjamin, Michaja, Elioenai, Sacharja, Hananjalo trompetelijarlutik;

42 Maesejalo, Semajalo, Eleasarlo, Usilo, Johananelo, Malch-jalo, Eleamelo, Asarlo. Imgerpaktullo nipperkortovlutik imgerput, Jesrajalo aulatsijôlaukpok tapkoninga.

43 Uvlormelo taipsomane tunnergutit unnuktut tunnijauvut, kувiasulaukpullo; Gudib kувiasungnekartilaungmagit angijomik, arnallo sorrutsillo kувiasulaukputtauk, Jerusalemiullo kувiasungningat tussartaulaukpok kanningitomit.

44 Nelliutomelo taipsomane angutit nellonairtaulaukput angajokaukovlugit perkutitalingnut tunnergutiksanic, perortullo sivurlingnik, tellimaujuaniglo pitalingnut, kattersoikovlugit

perorsêvingnit iglugaseksuillo avatânit, aitoruijutigilugit malligaksat malliklugit ajochertuijunut, Levitinullo, Judakut kuviasutekarmatta ajochertuijunik Levitiniglo, nangermatta,

45 Kamagilugit kamagijaksat Gude pivlugo, kamagijaksallo sujungaititaunek pivlugo. Imgerpaktullo upkoaniglo udsertortut nangerput Davidib, erningatalo Salomob perkojagik malliklugik.

46 Davidib Assafiblo nelliuningangne, itsaksoarme aulatsijokalaungmat imgerpaktunik, nertordlerutiksakalarmelo, kujalitiksakalunelo Gudemut illingajunik.

47 Israelitillo illunamassiatik Serubabelib nelliuningane Nehemiablo nelliuningane tunnijilaukput aitusianik imgerpaktunut upkoaniglo udsertortunut, uvlut tamaita aitusianginginik; ivsornaititaumajuniglo tunnijivut Levitinut, Levitillo ivsornaititaumajunit aitoruijut Aronib kittornganginut.

KAPITEL XIII.

Nehemiab akiksoininga illinganernik sunatuinarnik.

NELLIUTOMELO taipsomane Mosesib aglangit attuartaulaukput innugiartoksuit siutingita sângine; nachvartauvorlo tapkonane aglaksimangmat, Amoniterit Moabiterillo Gudib illagêktokotinginut pijuksautsengimatta;

2 Tamanna pivlugo Israelib kittorngangit pachrearlaungimagit âtsivigilugit kakkojamik immerniglo, pissiarilugolo Bileame tikkerkolaungmatsuk akkerartorlugit, ominarsijaukojikovlugo tapkoninga; Gudiptale ominarsinek ablatsangortipa saimartitaunermut.

3 Malligaksallo manna tussaramigit, tækkorngartat illunaita avitipait Israelitinit.

4 Tamattomalo sivurngane Eliasibe ajochertuijok, angajokaulauktok inninut Gudipta iglunganêtunut, illijilaukpok tapkonunga Tobiab tunnergutinganik.

5 Akiksoilaungmat taipsomunga innemik angijomik takkamungalo illijilaukpok sivurngane tunnergutiksanic nerkiksanic, Weihrauchemiglo, illulerkutiniglo, kakkojaksallo tellimaujoanik, Weineliaksallo iptingini orksuniglo, aitusiaksanic Levitinut, imgerpaktunullo, upkoaniglo udsertortunut, tunnergutiksallo ajochertuijunut.

6 Nelliutomele taipsomane tamât uvanga Jerusalemelaungilanga. Artasastab Babelib attannertangata Jahringita 32 ingane tikkinama attannermut, uvlullo kapsit kingorngane kennu-arivara attannermit.

7 Taimaglo Jerusalemut tikkipunga, mallugivaralo namang-

itullinek Eliasibib pinniarlauktanga Tobia pivlugo, inniliorlaungmago Gudib iglungata inningane avaluliorsimajome;

8 Illulugutigilaukparalo angijomik, egipakkalo inniub illuanit Tobiab iglungata perkutingit tamaita.

9 Perkojivungalo inne sujungaititaukovlugo; Nalekablo iglungata perkutingit ittertinvakka takkamunga, tunnergutiksatsat nerkiksatsat, Weihrauchelo.

10 Tussarpungalo Levitit aitusiaksangit tunnijaulaungimattat tapkonunga; tamana pivlugo Levitit imgerpaktullo, pinniaraksanik pinniartuksatsat, kemmâlaukput attunît perorsêvingmingnut.

11 Tagva angajokaunerôjut suarpakka, okarlungalo: Sôg Gudib iglunga kemaktaumava? Kattikovakkale pitilugillo in-nigijaksanginut.

12 Tagva Judakut illunamassiatik kakkojaksatsat Weineliksallo iptingita orksullo tellimaujoat âpait perkutitalingmut.

13 Angajokangortipakkalo perkutinut Selemja ajochertuijok, Zadokelo aglanik illisimajok, Pedajalo Levitinit, Hananlo Sachurib erninga, Mathanjab erningata ikajortingortilugo tapkonunga; nertornartonasugijaungmatta, perkojauvullo aitortuikovlugit kattangutimingnut.

14 Erkarlaunga tamana pivlugo Gudik, puigortautailitikkilo pinniarnikka ajungitut, pinniarlauktakka Gudima iglunga pivlugo, illusiokojangillo pivlugit!

15 Nelliutome taiposome Judame tækkovunga Weineliksat iptêjaivinganik tullertunik Sabbatib uvlungane keppitaniglo kakkojaksanik ittertitsingmatta, siutekoktôjuniglo nangmalingnik Weinemik, Weineliksallo paunganginik, Feigeniglo, nangmaniglo pittalingnik sunatuinarnik ittertitsingmatta Jerusalemut Sabbatib uvlungane. Tennersarpakkalo uvlorme taiposome nerkiksanic niorgusingmatta.

16 Tiriamiokalaaurivok nunakartunik tagvane, mingeritjanik âtsijunik, niorgutiksanic sunatuinarnik, niorgosilutiglo Judab kittornganginut, Jerusalemiunullo Sabbateme.

17 Tagva Judakut angajokaunerôjungit suarpakka, okautilugillo: Sunauva idluitok pinniartase Sabbatib uvlunga serkomigapsiuk?

18 Atâtagijavut taimailiorlaungilât, Gudiptalo kannoêtut tapkoa tamaita tikkerkovait uvaptingnut iglugaseksaarnullo ukkununga? Illipselo anginersamik sulle ningarnekartitsivose Israelitinut, Sabbate serkomigapsiuk?

19 Pijokalaukporlo Jerusalemi itterviksoangine tâksilermat, Sabbatib uvlungata sivurngane, perkojivunga upkoat pal-langairtaukovlugit, perkojivungalo pallangairutjartaukonagit, Sabbatib kingorngane kissiane. Kivgakotimalo illangit tillivakka itterviksoarnut, akjarsijunik ittertorkonago Sabbateme.

20 Tagva niuvertit niorvgosijullo niorvgutiksanik sunatui-narnik najortekarlutik unnuivut attauséarlutik, maggoêrtorlu-tiglo Jerusalemib sillatâne.

21 Tagva kigligiutsivigivakka okautilugillo: Sôg unnuivise avaluksuit sillatâne? Taimailiormigupse, tagva aggakka illi-niarpakka illipsingnut. Nelliutomit taipsomanemit tikkitsung-nailaukput Sabbatib uvlungane.

22 Levitillo perkovakka sujungaitikovlugit ingmingnik, tik-kikovlugillo upkoat udsertorlugit, Sabbatib uvlunga ivlerilugo. Gudik, tamanna pivlugotauk erkarlaunga, ivlerilungalo napko-artoksonit pivlugo!

23 Nelliutome taipsomane tækkolaukpungatauk Judinik, nullianiktunik Asdodemiunit, Amoniterinillo, Moabiterinillo.

24 Tapkoalo kittorngangit okausekalaukput akkusimajunik, ketterarlutik Asdodemiut okausinginik; okarungnaratiglo Judit okausinginik, innukattigêksuille nellit okausingit malliklugit.

25 Suarpakkalo, okarnerlugvigilugillo, angutillo illangit an-naulerpakka nussuilugillo, angermaringnermiglo Gudib sângane tigusivunga tapkonangat: Pannise tunnijaksaringilasse taipkoa erningnut panningillonêt tigungagit ernipsingnut, nangminip-singnullonêt.

26 Salomob Israelitit attanningata tamanna idluitullijutigi-laungikauk? Innukattigêksuillo unnuktut akkorngane, attan-nekalaungilak tapsotunak, Gudingatalo nagligilaukpa, Gudiblo attanningortipa Israelitinut; taimailingagalloarlune arnat tæk-korngârtat idluitullitipât.

27 Tamanna tussarlaungipissiuk, taimak idluitoksoarmik pinniarapse, Gudivut idluitullivigilugo, nullianingnermut tæk-korngartanik?

28 Jojadablo Eliasibib ajochertuijersub erningata erningita illangata Saneballate Horonitereojok illanârilerpa; uvangale kemâtilaukpara uvamnit.

29 Issumagikit Gudik ajochertuinerôniub ivsornartitauninga pivlugo, ajochertuijullo Levitillo angerkattigêngningata sujuk-tauninga pivlugo.

30 Taimaglo illakarungnaitilaukpakka takkorngartanit ta-mainit; nellonairpakkalo ajochertuijut Levitillo pinniaraksangit, attunît sullijaksanginut,

31 Tunnergutillo kejuut nelliutunut nellonairsimajunut, pe-rortullo nergjutillo innerkârtungit erniarikârtangillo. Gudik, erkarlaunga idluarkutiksannut!

ESTERIB AGLANGIT.



KAPITEL I.

*Persiamūt attannīgata nulliangata ajæktortaunīnga uiminut
Ahasverosemut.*

AHASVEROSIB attamniolauktub Indiamit Aetiopia tikkidlugo, nunanut 127 ginut, nelliuningane pijokalaukpok,

2 Iksivavlune attannionime iksivautaksoangane, igloksoarme sōngojome iglugaseksoarnetome Susanemik attelingne,

3 Attanniotinime Jahringita pingajuane nerrimartitsivok angajokakotiminut kivgaminullo illunainut, tagva pitsartunelingnut Persiame, Medenemelo, erkanarnerpānullo aulatsijunullo nunamine,

4 Tækkojautitsijomavlune attanniōnime akluninganik ānanaudlartomik, pijariakôrtonimelo pinniarnarninganik pivianartoksoarmik, uvlut unnuktut nâvlugit, tagva uvlut 180 git nâvlugit.

5 Uvlullo tapkoa nâlaungmatta, attannek nerrimârtitsivok innugiartoksoarnut, tammangnut angijunut mikkijunullo Susanemêtunut, iglugaseksoarne attanniub igloksoakarvigijangine; uvlut 7 it nâlugit, avaluliorsimajome, perorsévingmêtome, attanniub igloksoangata sennianêtome.

6 Tagvane nivingajokalaukpok kongeselitanik kakkortanik, aupalluktaniglo, korgsutaniglo, aklunane ivaluksajamit sennamajune, (aklunanelo) aupalloriktune, suvlolingne silbereojunik, siakititaumajune nappajune ujaraujune Marmoremik attelingne. Iksivautat Goldeôlaukput, Silbereôlutiglo tungavikartut Marmoremik kakkortamik, korgsutamiglo kennertamiglo.

7 Immiksallo akjartaulaukput illulerkutine Goldeôjune, asetartaukattartune, Weinekalaukporlo attannersiumik arklingnartomik, attanniojub illusia maliklugo.

8 Kinalo perkojaulaungilak sunamik immertuksaunerminik: attanniuble aulatsijut iglunganik perkolaukpait, illunatik attunît namagijamingnik pinniarungnartuksaungmatta.

9 Attanniublo nullianga, Vasthimik attelik nerrimartitsivok-tauk arnanut, attanniub Ahasverosib attannioningata iglungane.

10 Uvlullo 7 ingane, attanniub omattinga kувiasudlalauktil-lugo Weinemut, perkovait Mehumane, Bistalo, Harbonalo, Big-talo, Abagtalo, Setarlo, Karkaselo, aulatsiôjut 7 it, kivgartor-lauktut attanniub sângane,

11 Attanniub nullianga Vasthi ailugo attanniub sânganut pikovlugit, riakotelijartillugo attanniojub niakotinganik; taipso-ma ânanauninga tækkojautitsomangmago innukattigéksoarnut, angajokaksoarnullo; tækkoranidlalaungmat.

12 Attannerle Vasthi kunnulaukpok tikkilune attanniub okausingit aulatsijokotimigut malliklugit. Tagva attannek ningadlalerpok, kanningajarningalo illungertudlalerlaukpok il-lumine.

13 Attanniublo illissimajut nunab illusinginik kaujimajut okarvigivait (attanniub illinganingit illunaita pinniartaujariaka-laungmatta, illisimajut idluarnernik illutsiniglo sângine;)

14 Kanninerpållo tapsomunga tapkoangolaukput: Karsena, Setar, Admata, Tarsis, Meres, Marsena, Memuchanelo, Persia-miut Medenmiullo angajokaunerôjungit 7 it, attanniub kênang-anik tækkonarlauktut, issukliovlutiglo iksivalauktut attanio-vingme:

15 Sunamik idluarnekk malliklugo, attannek Vasthi pinni-arviojuksauva, pinniarlaungimat attanniub Ahasverosib per-kojininganik aulatsijokotimigut?

16 Tagva Memuchane okarpok attanniub angajokâvaksuillo illunatik sângine: Attanniub nulliangata Vasthib attannek kissiat idluitullivigilaungila, angajokaksuille illunaitatauk, innu-kattigéksuillo illunaita attanniub Ahasverosib nunanginêtut.

17 Attanniub nulliangata pinniarninga tamanna tussartau-niarmat nullianut illunainut, nachokovlugit uimingnik ijimik sângine, okarniarlutiglo: Attanniub Ahasverosib aipane Vas-thi kaikojaukolauralloarpa sâminut, kajjomalaungilarle.

18 Taimaglo manna angajokaksuit Persiamêtut Medenemê-tullo nulliangit okarniarputtauk, attanniub angajokakotinginut illunainut, attanniub aipangata pinniarninganik taimaitomik tussarniarunik; nachonekadlarniarporlo ningarnekadlalarmelo.

19 Attanniub namagikpago, tagva perkojamik attannersiu-mik annijokarle tapsomangat, aglaktauajokarlelo Persiamiut Medenmiullo malligaksangit tappagijauksaulungit, malliklu-git, Vasthi attanniub Ahasverosib sânganut tikkitsungnaikov-lugo, attanniublo taipsoma attannioningata illinganinga tunni-liuk, taipsoma innukattinganut idluarkejanganut;

20 Attanniub aglangit tapkoa, aglaktauniartut, tussartitaukovlugit attanniovingane angijoksojome illunâne, nullit illunatik uimingnik naletsiarkovlugit, pijariakôrtune pijariakitunelo.

21 Attanniublo angajokaksuillo tamanna namagivât; attannerlo pinniarlaukpok Memuchanib okausingit malliklugit.

22 Tagva aglait tillikliutijauvut attanniub nunakotinginut illunainut, nunallo illunatik attunît aglangit malliklugit, innukattigêksuillo illunatik attunît okausingit malliklugit, uit illunatik attunît angajokaujuksaungmatta iglomingne; okautigijaujuksaulermallo innukattigêksuit attunît okausingit malliklugit.

KAPITEL II.

Esterib annerijauninga attanniub nullianganut. Mardachaib, tapsoma innugojingata angerkattigêngnek attannek akkerartorlugo mallugiva, sagvarlâlo.

PIJOKALAUKTUT tamakkoa kingorngane attanniub Ahasverosib kaningajarninga sorairlaukârtillugo, Vasthi erkarpa, pinniarlauktanga, kajusimavioningalo.

2 Tagva attanniub kivgangit naipertortut tapsominga, okarput: Kennertokarle attannek pivlugo, innuosuktunik uigarsungnik pinnarnartunik;

3 Attannerlo kemmergojokartitsilerle attanniovine nunangine illunaine, uigârsungnik innuosuktunik pinniarnartuniglo sunatuinarnik kattitsilutik âtsikovlugit attanniub igloksoanganut Susanemêtomut, arnat iglunganut, Hegaib, attanniub pimakler-tokotingata, arnanik aulatsijub agganginut, pinarnarninginik tunnijikovlugo tapkonunga;

4 Uigasuillo nelliât attannermut ânanaugijaujok, tamna annerijaule Vasthi innangêrlugo aipaukovlugo attannermut. Attanniublo tamanna namagiva, taimailiorlunelo.

5 Angutekalaukporle Judeôjomik iglugaseksoarne Susaneme attanniub iglokarvigijangine, Mardachaimik attelingmik, Jairib erninganik, Simeib erningata, Kisib erningata, Benjaminekut illanganik,

6 Aularkassiutitaumalauktomik Jerusalemit, Jechanja, Judakut attanningat Nebukadnezarib aulartilauktanga aulartitau-tillugo.

7 Innugojolaukporlo Hadassamik, tagva Esteremik, akkame panninganik, atâtakalungimat, anânakangimallonêt. Uigârsô-laukporlo ânanaudlartok, pinnarnadlartorlo. Atâtangalo anânangalo tokkungmanik Mardachaib illaliorpa pannimetut.

8 Attanniublo perkojanga malligaksaukojangelo tussartauler-

mat, uigâsuillo unnuktut âtaungmatta attanniub igloksoanganut Susanemêtomut, Hegaib agganginut, Esteretauk âtaulaukpok attanniub iglunganut, Hegaib, arnanik udsertortib agganginut.

9 Tapsomalo uigâsuk tamna ânanaugiva, Esterelo napkiningsivok sângane. Tuavilaukporlo pinnarnarsilugo, tunnitsivigilugolo nerikksanginik, uigârsungniglo 7 nik ânanânik, attanniub iglunganit pijunik. Pitipalo uigasukotingit illagilugit innemut namanerpâmut, arnat iglunganêtomut.

10 Esteriblo okautilaungila innukotiminik illaminiglo; Mardachaib perkolaungmago, tamattominga okartuksaungimat.

11 Mardachailo agvertarlaukpok uvlut tamaita arnat iglungata avluliorsimaningata sângane, tussarasuromavlune Estere kanoêngitsiarmangat, kannorlo pinniarvioninganik.

12 Uigâsuille nelliata nelliuninga nellonairsimajok ittertuk-sauvia attannermut Ahasverosemut nelliutilaukpat, arnat pinarnarsijauninganêlaukârdlune takkit 12 it nâlugit (pinarnarsijauningat taimak akkunértigijôjariakalaungmat, takkit pingasujortut nâlugit Mirrit orksunginut, takkillo pingasujortut nâlugit mingoarutiksanut tippitsiariktunut, assinginullo, arnat pinarnarsijaujutiksanginut illingajunut);

13 Tagva uigâsuk tamna itterpok attannermut, pijomajangalo aipaukojaujariakalaukpok tapsomunga, arnat iglunganit attanniub iglunganut.

14 Nelliallo unnungme itterlaurune, tamna uvlâme annilerpok tapsomangat, ailunelo arnat iglungata aipanganut, Saasgasemut attanniub pimaklertokotinganut, udsertortemut panernervganik, utterungnaituksaulaukporlo attannermut, kissiane attanniub tussugilauruniuk, attingagullo kaikojaukoguniuk.

15 Esterib, Abihailib Mardachaib akkangata panningata (Mardachaib illaliorlauktangata pannimetut) nelliuninga ittertuksauvia attannermut nelliusingangmat, tussulungilak sunamik, Hegaib attanniub pimaklertingata, arnanik udsertortib, okarningata assianik. Esterelo saimaneksivok illunatik tækkotime ijingita sângane.

16 Esterelo âtaulaukpok attannermut Ahasverosemut attanniub iglunganut, takkit tellimaujoane, Tebetemik attelingme, attanniotiningata Jahringita 7 ingane.

17 Attanniublo Estere nagliginerpârilerpa arnanit tamainit, saimaneksilunelo, napkiningsivok silualerpok tapsoma sângane uigasungnit illunainit. Tapsomalo niakote attannersiut illiva niakoanut, attanningortilâlo, aipangortipa ingminut Vasthi innangêrdlugo.

18 Attannerlo nerrimârtitsivok angijoksoarmik angajokakotiminut, kiygaminullo illunainut, (nerrimaraksak tamna Estere pivlugo pilaukpok) nunallo (innuit) akkiliaksanik akkilêtailikovait, pilliutiniglo attannersiutinik tunnijivok.

19 Aipanganiglo uigârsuit kattertautilugit, Mardachai iksi-valaukpok attanniub itterviksoangane.

20 Esterelo nellonairsilaungilak illaminik, innukotiminiglonêt; sorlo Mardachai perkolaungmago. Estere Mardachaib okausingit taimaluatsiak malliklugit pinniarame, sulle sivurng-anetut pairijaunermine tapsomunga.

21 Nelliutome tapsomane Mardachai iksivatillugo attanniub itterviksoangane, attanniub pimaklertokotigik magguk, Bigtanelo Thereslo ningalerpûk, pinnasuarpûglo aggatik illijomavlugit attannermut Ahasverosemut.

22 Tamanna kaujjaulerpok Mardachaimut, tapsomalo okautigiva attannermut Esteremut (attanniub aipanganut;) Esteriblo okautigiva attannermut Mardachaib attingane.

23 Tamannalo nautsertortaulermat nachvartaulaukpok taimak. Tammarmiglo kimiktaulaukpûk nappartome, tamannalo aglaktaulaukpok attanniub pijokarningita aglanginut.

KAPITEL III.

Hamanib piojorininga illusiâlungillo Judinut.

PIJOKALAUKTUT tamakkoa kingorgane, attanniub Ahasverosib Haman Medatab erninga, Agagitereôjok angijorortipa, kagvertilâlo, iksivautangalo issukliotipa angajokaksoaminit tapsomanêtunit illunainit.

2 Attanniublo kivgangita attanniub itterviksoanganêlauktut illunatik pamaktervigivât, opigilâlo; attannek taimak perkojilaungmat. Mardachaile pamakterlungilak, opiginagolo.

3 Tagva attanniub kivgangita, attanniub itterviksoanganêlauktut Mardachai okautivât: Sôg attanniub perkojanga tappa-giviuk?

4 Uvlullo tamaita taimak okautipsarkattaramitsuk, tapsomalo nalengimagit okautigivât Hamanemut, tækkojomavlutik Mardachaib pinniarninga sokkosijuijungnaralloarmangat; okautilauramigit Judeôgame.

5 Hamanelo tækkogame Mardachaib okkungavigingimago pamaktervigingimagolo, illumilerpok kaningaumajarnermik.

6 Nachogivâlo aggane illilugit Mardachaimut kissiane, Mardachaib innukattingit okautigilaungmagit tapsomunga; pinnasuarporle Mardachaib innugaseksoakotingit Judit illunaita Ahasverosib attanniovingane illunanêtut nungutitsomavlugit.

7 Takkit sivurlerpângane, tagva takkerme Nisanemik attingme, attanniub Ahasverosib attannioningata Jahringita 12 ingane, immeraut attortaulaukpok Hamanib sângane, uvlormit

uvlormut, takkermut takkermut, takkit 12 ingat tikkidlugo, tagva takkek Adaremik attelik.

8 Hamanelo attannermut Ahasverosemut okarpok: Innukattigéksoakarpok siamarsimajunik, avilerpullo innukattigéksuit attanniovît nunanginetut illunatik akkornganut, malligaksangillo innukattigéksuit assingita malligaksangititut-ilungilet, attanniublo malligaksaukojangit malliklugit pinniarlungilet; attannermullo namalungilak taipkoa taimailingatsainarkolugit.

9 Attannermut namagijaukpat, tagva aglarle, tokkotaukovlugit, tagva Talentinik 10000 dinik Silberemik kittiktarijomavunga pimaklertut agganginut, âtaukovlugit attanniub pivianartokutalinganut.

10 Tagva attanniub ketterdlermêkotine pêrpa aggangminit tunnilâlo Hamanemut, Medatab erninganut, Agagitereôjomut Judit omigijanganut.

11 Attanniublo Haman okautiva: Silberit taipkoa tunnijau-mavut illingnut, tappilugillotauk innukattigéksuit taipkoa, namagijarnik pinniarvigilugit pikovlutit.

12 Tagva attanniub aglakpaktokotingit kaikojaavut takkit sivurlingata uvlungita 13 ingane; aglaktaulerporlo taimaluatsiak sorlo Haman perkojingmat, attanniub angajokaksoakotinginut, aulatsijunullo nunanik, nunane sunatuinarne, innukattigéksuillo attunît nunane angajokaunerôjunginut, innukattigéksuit attunît aglaningit okausingillo malliklugit, attanniub Ahasverosib attingane, attanniublo ketterdlermêkotinganut nakkitertaavlutik.

13 Aglaillo tapkoa tillikliutijauvut akpangertutigut attanniub nunakotinginut illunainut, Judit illunaita nungutilugit, nakterlugillo, innuarlugillo, tammarmik innuosuktut innutokaujullo, sorrutsillo, arnallo, illunaita uvlorme attautseme, tagva takkit 12 ingata uvglungita 13 ingane, tagva takkib Adaremik attiggub perkutingillo arktautigilugit.

14 Aglait tapkoa tukkingit taimailingalaukput, perkojak tunnijaumangmat nunane illunaine, innukattigéksoarnut illunainut, nellonairtaujuksak, uvlorme taipsomane oppalungairsimajuksaungmatta.

15 Akpangertullo aularput tuavilukarlutik attanniub perkojanga malliklugo. Perkojarlo tamna tunnijaumalaukpok attanniub igloksoangane Susaneme. Attannerlo Hamanelo iksivavûk, immerlutiglo; iglugaseksoarmiullo kakkiladlalauput.

KAPITEL IV.

Mardachaib kajungersaininga Esteremik, aikovlugo attannermut, tuksiarvigilugo pikovlune, perkojab tokkotsikojjub Judinik attortaujungnaininganik.

MARDACHAIB tamaita pijokalauktut tukkisigamigit, annorâne allikpait, attitilunelo pôksaijamik arksamiglo, annilunelo iglugaseksuit kerkânut, nipliakortôvlunelo ârusuklune.

2 Tikkiporlo attanniub upkoaksoangata sânganut. Kinalonêt annoralijarlune pôksaijamik attanniub itterviksoanganut ittertuksaungimat.

3 Nunanelo tamaine attanniub okausingita perkojangitalo tikkivingine ârusutiksakadlalerpok nerritailinekalarmelo, kiksadlarnekalunelo Judit akkorngane; unnuktullo nellâvut pôksaijame arksamelo.

4 Tagva Esterib innuosuktokotingit arnat, kivgangitalo angutit illangat, tikkiput okautivâlo tamattominga. Tagva attannek Ester koaksadlarpok. Annoraniglo tillikliutjivigiva Mardachai, attitikovlugo tapkongina, pôksaijamiglo përsikovlugo; illaliorlungilaille.

5 Tagva Esterib Hatache attanniub pimaklertokotingita illangat, tillilauktanga naipertorkovlugo tapsominga, kaikova, perkojakartipalo Mardachaimut illingajomik, nellojungnaititaujomavlune sunaumangat tamanna, sunalo pivlugo taimailior-mangat?

6 Tagva Hatachib Mardachai annivigiva iglugaseksuit aposininganut, attanniub itterviksoangata sânganêtomut.

7 Mardachaiblo okautiva tamainik tikkitautigijaminik, Silberillo unurninginik, Hamanib okautigilauktanginik, kittiktaromajanginik attanniub kênaujakotitalinganut, Judit pivlugit nungutitsomavlugit.

8 Perkojablo tunnijaumalauktub Susaneme Judit nungutlugit adsinginik tunnitsivigiva, tækkojautitsikovlugo tamattominga Esteremut, okautjikovlugo tapsominga, perkolugolo pikovlugo, attannermut itterkovlugo, tuksiarvigilugo, innukotiminiglo tuksiarutjikovlugo.

9 Taimaglo Hatach itterpok akpautigivaillo Mardachaib okausingit Esteremut.

10 Esteriblo Hatach okautiva, okarkolâlo Mardachaimut:

11 Attanniub kivgangit illunatik, innugiartoksuillo attanniub nunangine kaujimavut, attannermut ittertokarangat avaluliorsimajub illuanut, angullonêt, arnarlonêt, kaikojaulungitomik,

tamna perkojak malliklugo tokkotaksaungmat; kissianeungitok attanniub ajaupiane opigijautiksak Goldeôjok issautiguniuk tapsomunga, innôkovlugo. Uvangale mana uvlune 30 gine kaikojaulaungilanga takkamunga attannermut.

12 Esteriblo okausingit okautigijaulermatta Mardachaimut,

13 Mardachaib Ester okautsaukopsarpa: Issumaniarnak innôtsitit piulijatuariaraigne attanniub iglunganénavit, Judinit tamainit;

14 Mannale nelliutome tamattomane niplitailiniaruvit, tagva Judit ikajortauniksarsiniarput, piulijauniksarsiniarlutiglo nakit assingnit, igville atátavillo illangit nungutauniarpose. Imakkâlo nelliutok tamanna pitjutigællugo attanningortitaulaungimangarpit?

15 Esteriblo Mardachai kiojaukova:

16 Ailerit Judillo Susanemêtut illunaita katterkokit nerritailijutigissingalo, nerrikonase immerkonaselo uvlune pingasune, uvlotillugolonêt unnuarmelonêt; uvanga uigasukotikkalo, nerritailijomavoguttauk taimak. Taimaglo attannermut itteromavunga, perkojak akkerartorlugo; tokkotauniaruma, tagva tokkotauvunga.

17 Mardachailo aularpok, pinniarlunelo tamainik Esterib pinniarkolauktanginik tapsomunga.

KAPITEL V.

Esterib aininga attannermut. Hamanib pijugaklerninga Mardachaimik.

UVLULLO pingajuane Estere attitipok attannersiutinin, nangeriartorlunelo avaluliorsimajub attanniub iglunganê tub illuanut, attanniub iglungata akkianut. Attannerlo iksivavok iksivautaksoarmine attannersiume attanniub iglungane, iglub upkoangata akkiane.

2 Attanniublo Estere attannek tækkungmago nangertillugo avalut illuane, saimaneksilerpok tapsoma ijikita sângangne. Attanniublo ajaupiane opigijautiksak Goldeôjok tigumiartane issautiva Esteremut. Tagva Estere ablorpok tagvunga, aktorlâlo opigijautiksab nuva.

3 Tagva attanniub okautiva: Suvit attannek Estere? Sunamiglo tussuvit? Attannioviub koppanganiglonêt aglat tunnijauksauvok illingnut.

4 Estere okarpok: Attannermut namagijaupat, tagva attannek Hamanelo tikkilerlik uvlome nerrimaraksamut âkiksorsimajamnut.

5 Attannek okarpok: Tuavititse Haman pinniarkovlugo sorlo Estere okalaungmat. Attannerlo Hamanelo nerrimaraksamut, Esterib âkiksorlauktanganut tikkingmanik,

6 Attanniub Estere okautivâ Weineterlaukârdlune: Suna mik kennuvît Estere? Tunnijaujuksauvok illingnut. Sunalo tussugiviuk? Attanniôviub koppanga pinajarpot aglât, taimaituksaulerpok.

7 Tagva Estere kiovok okarlunelo: Tuksiarnera tussuneralo imaipok:

8 Saimaneksiguma attanniub sângane, attanniublo namagik-pago tuksiaramnik tunnitsivigilunga, tussuneralo pinniarlugo, tagva attannek Hamanelo tikkilerlik nerrimaraksamut âkiksoromajamnut pivlugik: tagva kaupat pinniaromavunga attanniub okausingit malliklugit.

9 Tagva Haman uvlorme taipsomane annilerpok kuviaskulune maksoavlunelo. Mardachaile tækkogamiuk attanniub itterviksoangane nikkovilungimat, aulalungimallonêt sângane, tættælerpok ningarnermik Mardachai pivlugo.

10 Nunolaukporle. Angeraramelo tilliklerpok aijaukolugillo illanârijane; nullianelo Serese;

11 Unipkautivaillo akluinime ânanaudlarninganik, kittorngamelo unurninginik, tamainiglo kannok attanniub angijorortilaungmago, attanniublo angajokaksoakotingita, kivgakotingita kollânut kagversimagame.

12 Hamanelo okarpok: Attanniublo Esterib kinalonêt kailolaungila attannek aiparællugo nerrimaraksamut âkiksorlauktaminut, uvanga kissinaulunga; kaupamullotauk kaikojaumavunga taipsomunga, attannek aiparællugo.

13 Tamannale tamât kuviastigingilara Mardachai Judiôjok tækkojautillugo uvamnut, iksivatillugo attanniub itterviksoangane.

14 Tagva nulliangata Seresib okautiva illanârijangatalo illunatik: Nappartomik sennajokarle tallitut 50gitut pôktotigijomik, attannerlo kaupat okautsaulerle, Mardachai kimiktaukovlugo tapsomane, tagva kuviasklutit attannek aiparællugo nerrimarviliarniarpotit. Hamanib tamanna namagiva, âkiksortaukolugolo nappartok.

KAPITEL VI.

Hamanib Mardachai sagvartome opigijariakarpa attanniub attingane.

UNNUARME taipsomane attannek sinnigungnarlaungilak, kaitaukovaillo aglait, unipkautsit pijokalaunktunik, attuartaulauk-pullo attanniub sângane;

2 Tagvanelo naipitauvok aglaksimangmat, kannok Mardachai okarlaungmat, attanniub pimaklertokotigik magguk Bigtan Thereslo upkoab manuane udsertortûk, aggatik illijomanasuarlaungmagit attannermut Ahasverosemut.

3 Attannerlo okarpok: Sunamik nertortaunermik, ajung-itullivionermiglo Mardachai pinniarvigilaukpittigo tamanna pivlugo? Tagva kivgat kivgartortut tapsominga okarput: Pinniarviolaungilak sunamik.

4 Attannerlo okarpok: Kina avaluliorsimajub illuaneka? (Haman avaluliorsimajub illuanut, attanniub iglungata sânganê tub ittersimalaurame, attannek okautitsomavlugo, Mardachai kimiktaukolugo nappartome, tapsoma akiksorlauktangane taimna pivlugo.)

5 Attanniublo kivgangita okautivât: Ahâk Haman avaluliorsimajub illuane nangerpok. Attannek okarpok: Itterle.

6 Hamanelo itterpok. Attanniublo okautiva: Angut attanniub opigijomajanga sunaliorviojuksauva? Hamanele omattimigut issumalerpok: Attanniub kina assimnit opigijomanajaralloarkauk?

7 Hamaniblo attannek okautiva: Angut taimna attanniub opigijomajanga,

8 Tamaungartaujuksauvok attititaukovlugo annorânik attannersiutininik, attanniub attorpaktanginik, horselo attanniub ablangavigivaktanga tamaungartaujuksauvoktauk; illijiviokovlugolo (angut taimna) niakunganut attanniub niakutânik;

9 Annorâglo tamna, horselo tunnijaujuksauvûk, attanniub angajokâksoangita illangata agganginut, tapsoma angut taimna attanniub opigijomajanga attitilugo pikovlugo, tessiorlugolo, ablangatillugo horsib kângane, iglugaseksuit apkosiningittigut, nipliarkojilunelo sivurngane: Taimailiorvioniarpok angut attanniub opigijomajanga.

10 Attannek Hamanemut okarpok: Tuavitit, annorâglo, horselo tigukik, sorlo okalauravit, Mardachailo, Judeôjok attanniub itterviksoangata sillatane iksivajok taimailiorvigiuk; innoksartokarniarane sumik okautigilauktarnik.

11 Tagva Hamanib annorâk horselo tiguvâk, attitipâlo Mardachai, tessiorlâlo iglugaseksuit apkosiningittigut, niplialunelo sivurngane: Imailiorviojuksauvok angut tamna, attanniub opigijomajanga.

12 Mardachailo tikkinivok attanniub itterviksoanganut. Hamanele aisadlarpok iglominut, kiksarlune kênanelo ulliklugo,

13 Unipkautivâlo nulliane Seres, illanârijanelo, tamainik tikkitautigijaminik. Tagva illisimajokotingita nulliangatalo Seresib okautivat: Mardachai ocholerutigijat Judit kinguvânginit pikpat, tagva sulliniatsengilatit tamna pivlugo, ochojutiginiarpalle.

14 Okartillugille sulle tapsomunga, attanniub pimaklertokotingit tikkiput, errinesarpâllo Haman nerrimaraksamut kaikovlugo, Esterib âkiksorlauktanganut.

KAPITEL VII.

Hamanib kimiktaunînga nappartome Mardachai pivlugo nappalauktamine.

TAIMAGLO attannek Hamanelo tikkipuk nerrimâraksamut attanniub Esterib âkiksorlauktanganut;

2 Attanniublo ama uvlub aipangane Weineterlaukârdlune Estere okautipsarpa: Sunamik tuksiarkit, attannek Ester? tunnitsiviojuksauvotit tamattominga. Sunalo tussugiviuk? Attannioviub koppanga pinajarpag aglât, taimaituksaulerpok.

3 Attannek Ester kiovok, okarlunelo: Saimavioneksiguma sângne attannik! attanniublo namagikpago, tagva tunnitsivigilaunga innôsimmik tuksiarnera pitjutigællugo, innukotimniglo tussunera pitjutigællugo.

4 Niorvgutigijaumagapta, uvanga innukotikkalo, nungutaukovluta, naktertaikovluta, innuartaikovluta. Niorvgutigijaunajarupta arnaujogut angutaujogullo kivgaksaukovluta, tagva nippekarajangilanga; omisuktele sappidlarpok attanniub assiojijangit sattortautiligit.

5 Tagva attannek Ahasverose okausekarpok, okarlunelo attannermut Esteremut: Kinauva taimna? Kinauvalonêt taimaitomik issumalerungnartok taimailioromavlune?

6 Estere okarpok: Omisukte tamna, akkerartortorlo tamna, Hamaneovok idluitok una. Hamanible attannek, aipangalo kakiladlarutigivak.

7 Attannerlo kanningaumajarlune nikkovipok nerrimarnermit, Weineternermillo, annilunelo perorsêvingmut iglub tunganêtomut. Hamanelo nikkovipok tuksiarvigivâlo attannek Ester

innotsiminik, tækkogame kannoêtomik kajusimaviojarêrame attannermut.

8 Attannerlo uttertillugo perorsêvingmit iglub tunganêtomit nerrimarvingmut, Haman pamangavok iksivautab, Esterib iksivavigijangata tungâne. Tagva attannek okarpok: Attanniub aipanga aksorotijomavauk aglât najugamne iglome? Okausek tamanna attanniub kanninganit annilermat, Hamanib kênauva ullikpât.

9 Harbonalo pimaklertut illangat attanniub sângane, okarpok: Ahâk nappartomik nappasimajokarpok Hamanib iglungane, tallitut 50 tut pôktotigijomik, tapsoma sennajaukolauktanganik Mardachai, attanniub idluarkutiksanganik okalauktok, pivlugo. Attannek okarpok: Kimiktaule tapsomane.

10 Taimak Haman kimiktaulaukpok nappartome sennalauktamine Mardachai pivlugo. Tagva attanniub ningarninga so-railaukpok.

KAPITEL VIII.

Mardachai'b angijorortitauninga. Attanniub perkojanga nutâk; Judit idluarkutiksanganut illingajok.

UVLORME taipsomane attanniub Ahasverosib attannek Estere tunnitsivigiva Hamanib Judit omigijingata iglunganik. Mardachailo tikkipok attanniub sânganut; Esterib okautilaungmago sugijaminik tapsominga.

2 Attanniublo ketterdlermêkotine Hamanemit tigulauktane pêrpa tunnilâlo Mardachaimut. Esteriblo Mardachai pimakler-tingortipa Hamanib iglunganik.

3 Esterelo ama okarivok attanniub sângane, pamakterlunelo ittiggangita sânganut kennuvigivâlo pêjaikovlugo Hamanib Agagitereôjub kassêninganik, kajusimaninganiglo. Judit akkerar-torlugit issumagilauktanganik.

4 Attanniublo ajaupiak opigijautiksak Goldeojok issautiva Esteremut. Tagva Estere makkipok, sângerlâlo attannek,

5 Okarlunelo: Attanniub namagikpago, saimavioneksigumalo sângne, idluarijaukpâllo attannermut, ânanaugijaugumalo tapsomunga, tagva aglaktokarle, aglait Hamanib Medatab erningata Agagitereôjub kajusimaningit aglalauktangit Judit tokkolugit attanniub nunangine, pitsartuêrotitaukovlugit.

6 Kaunorle kannoêtok innukotima tikkitautiginajartangat tækkonarungnarajarpigo? Kanorlo tækkonârungnarkik illa nungutauninginik?

7 Tagva attanniub Ahasverosib attannek Estere Mardachailo

Judeôjok okautivak: Ahâk Hamanib iglunga tunnilaukpara Esteremut, taimnalo kimiktaumavok nappartome, aggane illilauramigit Judinut;

8 Tagva manna illiptik aglaleritik attanniub attingane Judit pivlugit namagijaptingnik, nakkiterlugillo attanniub ketterdermêkotinganut. Aglait attanniub attingane aglaksimajut, attanniublo ketterdermêkotinganut nakkitersimajut pitsartuêrotitaujungnangimatta.

9 Tagva attanniub aglapaktokotingit nelliutome taipsomane kaikojauvut takkit pingajuane, tagva takkerme Sivanemik attingme, uvlungita 23 ingane kaikojauvut, aglaktaulaukporlo, sorlo Mardachai perkojingmat, Judinut angajokaksoarnullo, nunallo aulatinginut, kappitanullo nunane, Indiamit Aethiopia tikkilugo; tagva nunane 127 gine, numat illunatik aglagviôvut attunit aglatik malliklugit, innukattigêksuillo attunit okausitik malliklugit, Judillo, aglatik okautsitiglo malliklugit.

10 Aglakporlo (Mardachai) attanniub Ahasverosib attingane, nakkiterpaillo attanniub ketterdermêkotinganut. Aglaillo tillikliutivait tillijattigut horseojartut innutsût kângine ablangajutigut.

11 Tapkonane attanniub Judit perkovait, nâne iglugaseksoarnekekunik kattimalerungnaramik, innôtsitiglo sorsugutigilugit, nungutilugillo nakterlugillo tokkolugillo innugiartoksuit illunatik, nunablo kappiasuktijimik pitsartuningit, sorrutsit arnallo illaliudlugit perkutingillo arktautigilugit.

12 Uvlorme attautseme, attanniub Ahasverosib nunakotingine illunaine, tagva takkit 12 ingata, tagva takkib Adaremik attigub uvlungita 13 ingane.

13 Aglait tapkoa tukkingit imailaukput, perkojamik tunnijaumajokarmat nunane illunaine innukattigêksuit illunaita nellojungnairtilugit, Judit uvlorme taipsomane oppalungairsimajuksaugamik omigijitik akkiorlugit.

14 Tillijallo ablangajut horseojartut kângine, sukkalidlarlutik tuavilutiglo aularput attanniub okausingit malliklugit. Perkojarlo tamna tunnijaulaukpok attanniub igloksoangane Susaneme.

15 Mardachaile annivok attannermit annorarsimavlune attannersiutitik, korksutamik, kakkortaniglo, niakotelijarlunelo Goldeôjomik angijomik, ullilijarlarmelo Bissuseôjomik, Purpureôjomiglo. Iglugaseksuillo Susan (innuit) igiakomijarput, kuviasudlarlutiglo.

16 Judit kaumautekalaukput, kuviasutekalarmiglo, erkiertornekalutiglo, nertortaunekalaukpuulo.

17 Nunanelo illunaine, iglugaseksoarnelo tikkitaujune attanniub okausinginut, perkojanganullo, kuviasungnekalaukpok, erkiêrtornekalarmelo Judit akkorngane, nerrimartitsivut uvlok-

siorlutiglo. Unnuktullo nunat innunginit Judingorlaukput; Judit sivuranarningita tupvigilaungmagit.

KAPITEL IX.

Judit akkiorningit omigijimingnik, uvlorsiorvikartitsiningallo piulijaunimik erkaumajauvianik.

TAKKIT 12 ingane, tagva takkib Adarib uvlungita 13 ingane, attanniub okausingita perkojangatalo nellautsititauviane, uvlorme taipsomane Judit omigijingit nerriulauramik sâlagilugit, ablatsangolerpok Judit omigijitik sâlagijaksaringmagit.

2 Tagva Judit kattimalerput iglugaseksoarmingne, attanniub Ahasverosib nunangine illunaine, aggatik illijomavlugit tapkonunga idluitullivigijomajingitut. Kialo agviarungnarlaungilait; sivuranarningat tikkisimalaungmat innukattigêksoarnut illunainut.

3 Angajokaunerôjullo nunane, angajokaksuillo, aulatsijullo nunanik, attanniublo pimaklertokotingita Judit kagvertipait, Mardachaib sivuranarningata tikkigamigit.

4 Mardachai angijolaungmat attanniub iglungane, tussaumajauningalo tussaksaulaukpok nunanut illunainut, kannok aglivalliangmat angijormallo.

5 Taimaglo Judit omigijitik illunaita ullimârpait saviksoarmut, nakterlugillo, tokkolaitalo, pinniarvigivaillo issumamingnik omisuktut tapkoninga.

6 Susanemelo iglugaseksoarne, attanniub igloksoakarvigijangine, Judit nakterpait tokkolaitalo angutit 500 dit.

7 Parsandatalo, Dalfonelo, Aspatalo,

8 Poratalo, Adaljalo, Aridatalo,

9 Parmhastalo, Arisailo, Aridailo, Vajesatalo,

10 Hamanib Medatab erningata, Judit omigijingata erningit tellimaujortut; perkutinginulle aggatik illilaungilait.

11 Uvlorme taipsomane tokkotaumajut iglugaseksoarne Susaneme unurningit pivut attanniub sânganut.

12 Attannerlo aipaminut Esteremut okarpok: Judit iglugaseksoarne Susaneme angutit 500 dit Hamaniblo erningit tellimaujortut nakterlugillo tokkolaukpait; kannok pinniaralloarkat attanniub nunangine assingine? Sunamiglo tuksiarkit? tunnitsiviojuksauvotit tamattominga. Sunalo tussugiviuk sulle? taimailertuksauvok.

13 Estere okarpok: Attannermut namagijaukpat, tagva Judit kaupattaup Susaneme pinniarlit perkojak uvlomênitak

malliklugo, nivingaikovlugit Hamanib erninginik tellimaujortunik nappartomut.

14 Attannerlo perkojivok taimailiorkovlugit. Perkojarlo tamna tunnijaaulaupok Susaneme, Hamaniblo erningit tellimaujortut nivingartaulaupok.

15 Judillo kattimalerput Susaneme takkib Adarib uvlungita 14ingane, nakterpaillo Susaneme angutit 300dit; perkutinginulle agгатik illilaungilait.

16 Judille tapkoa assingit attanniub nunangine, kattimalerlaukputtauk, innôtsitiglo sorsugutigivait, ullapirsautekartilerpullo omigijimingnit, tokkotsilutiglo omigijimingnit 75000 dinik, perkutinginulle agгатik illilaungilait.

17 Tamanna pilaupok takkib Adarib uvlungita 13ingane, merngoêrserlutiglo takkib tapsoma 14ingane, tamna uvlungortipât nerrimârtitsinermut kuviasungnermullo illingajomut.

18 Judille Susaneme kattimalaupok uvlûngne tamangne, 13me 14melo, merngoêrserlutiglo uvlut 15ingane, uvlorlo tamna uvlungortipât nerrimârtitsinermut kuviasungnermullo illingajomut.

19 Tamanna pivlugo Judit iglugasengne iglugaseksoarnelo avaluksoakangitune nunakartut, takkib Adarib uvlungita 14ingat uvlungortipât nerrimartitsinermut kuviasungnermullo uvloksiorvingmullo, pajuktigêngnermullo aitusianik illingajomut.

20 Mardachaiblo pijokartut tamakkoa aglagutigivait, aglailo tillikliutivait Judinut illunainut, kannitomêtunut kanningitomêtunullo.

21 Tamattominga aulajuititsivigijomavlugit, uvloksiorkattarlugik pikovlugit Jahrine tamaine, takkib Adarib uvlungita 14ingat 15ingallo,

22 Uvluktitut Judit ullapirsautiksarsivingititut omigijimingnit, takkertullo kappiasungningita ablatsangortitauvingatut kuviasungnermut, kiksarningitalo ablatsangortitauvingatut uvlunut ajungitunut; uvlûk tapkoa uvloksioraksaringmattikik uvlûktitut nerrimartitsinermut kuviasungnermullo pajuktigêngnermullo aitusianik pajungningnermullo aklujunut illingajûktut.

23 Judillo illaliorpait pigiarlauktatik pinniarlugit, Mardachaiblo aglalauktangit tapkonunga:

24 Kannok Haman Medatab erninga Agagitereôjok Judit illunatik omigijingat issumalaungmat Judit illunaita tokkotso-mavlugit, kannorlo immeraut attortaukolaungmago, tapkoa kaksartitsomavlugit, innuaromavlugillo;

25 Kannorlo Estere attannermut ailaungmat, okalaungmallo, aglangnut tapsoma kajusimaningit idluitut, Judit pivlugit issumagilauktangit, sangutitaukovlugit tapsoma niakoanut; kanorlo tamna erningillo nivingartaulaungmatta nappartomut.

26 Tamanna pivlugo uvlûk tapkoa atserarpâk Purimik,

okausek Pur, (tagva imeraut) malliklugo. Tamanna pivlugo aglait tapkoa okausertangit illunaita malliklugit, nangminerlo tækkolauktatik, tikkitautigilauktatiglo malliklugit,

27 Judit sokkosijuititsivut, illaliorlutiglo, pivlutik, kinguvaksatiglo pivlugit, illunaitalo pivlugit tapkonunga illingajomajartut, attortautailikonago uvlûk tapkoa uvloksioromavlugik, oktutiksak malliklugo, uvlungne nellonairsimajungne Jahrine tamaine;

28 Uvlûglo tapkoa erkaumajautsainartuksaungmanik, uvloksiortaujuksaulutiglo kinguvarêngne illunaine, kittorngarêngnelo illunaine; nunane illunaine, iglugaseksoarnelo illunaine; uvlûglo tapkoa Purimik attilik pijungnaituksaungimanik Judit akkorngane, erkaumajauningallo sorairtuksaungimat kinguvângine.

29 Attannerlo Ester Abihalib pannia, Mardachailo Judiôjok aglalaupûk illungertorlutik, aglait aipangit tapkoa Purimemik okartut nakkiterlugit;

30 Aglaillo tapkoa tillikliutivait Judinut illunainut, Ahasverosib attanniovingata nunangine, 127 ginêtunut, okautsit illanarnartut nertornartullo.

31 Uvlûk Purimemik attelik nakkiterlugik pikovlugit nelliutome nellonairtaumajome, sorlo Mardachaib Judeôjub Esteriblo attanniub nellonairsivigilaungmattigik tamattominga, sorlolo nangminek pivlutik, kinguvakotitiglo pivlugit sokkosijuititsilaungmatta, nerritailinerub kêanerublo pijokarningangnik.

32 Esteriblo perkojiningata pijokartok Purime tamanna nakkiterpa; aglaktaulaukporlo aglangnut.


KAPITEL X.

Mardachaib pitsartuneliub innukotime idluarkutiksangat pinasuarpa.


ATTANNIUBLO Ahasverosib nuna, kikkertallo immarbingme (innuit) tunnijkovait akkiliaksanik.

2 Sôngoningatale, pitsartuningatalo pinniarningit illunaita, Mardachaiblo ânanaudlarninga, attanniub tunnilauktanga tap-somunga; ahâk tamakkoa aglaksimavut Medenemiut Persiamitulo attanningita aglakotingine.

3 Mardachai Judiôjok tugliolaungmat attannermut Ahas-
verosemut, angijôlunelo Judit akkorngane, kuviagijaulunelo kat-
tangutime unnurninginut, kennerlauktok innukotime idluarku-
tiksanganik, okalauktorlo namanerpângôjomik kinguvakotine
illunaita pivlugit.



SMITHSONIAN INSTITUTION LIBRARIES



3 9088 00455810 2

nhbae PM64.B431869

Testamentetotak; Josuab aglanginit, Este